

U
G
H

מחלקת
מספרי



ՄԱՍԻՆԵՐ ԵՐԿՐԻ ԺԱՊՈՒԿՆԵՐՈՒՄԻՆ՝ ԵՐԿՐԻ, ԲԱՐԵՑԵՐԱՆԵՐՈՒՄԻՆ

• ՄԱՍԻՆԵՐԱՆԵՐ ԳՐԱՐԻ • ՀՐԱՏԱՐԱՐԱԿՈՒԹՅՈՒՆ, ԵՐԵՎԱՆ — 1982

291.54

2-83

ՀԱՅՈՐ ԷԲՈՐԺՎԵՐՈՒՄՆ

Կազմեցին և ծանոթագրեցին՝

Լ. ԶՈՐՅԱՆ և Կ. ԶՈՐՅԱՆ

Խմբագրական կոլեգիա՝

Ս. ԱՂԱՐԱՅԱՆ

Վ. ԲԱԼԱՅԱՆ

Դ. ԲԱԼԱՍԱՆՅԱՆ

Ս. ԽԱՆՁԱԴՅԱՆ

Գ. ՀԱՅՐՅԱՆ

Մ. ՍԱԲՍՅԱՆ

Հաստի խմբագիր՝

Ս. ԱՂԱՐԱՅԱՆ

203 168

500087635


Զորյան Ստ.

2834 Երկերի ժողովածու 12 հատորով (Կազմ. և ծանոթագր. Լ. Զորյան և Կ. Զորյան: Խմբ. կոլեգիա՝ Ս. Աղաբաբյան և ուրիշ.)— 2. 7 (հատորի խմբ.՝ Ս. Աղաբաբյան) Եր., Սովետ. գրող, 1982. 560 էջ:

Ստ. Զորյանի տասներկուհատորյակի յոթերորդ հատորում գետեղված է հեղինակի պատմական եռապատմի առաջին գիրքը՝ «Հայոց բերդը» վեպը:

Ձ 4702080200 (779) 82 «S»
705 (01) 82

ԳՄԴ 84 7
Ap2



© «Սովետական գրող» հրատարակչություն, Կաղմեղու, ծանոթագրությունների և ձևավորման համար, 1982





4 US18 F-77C

ԳՐՈՒՄ ԵՌԱԶԻՆ

Սկսենք, որտեղից արժանի է սկսել պատմությունն այն քաղաքի, որի կառուցումն այնքան հուղում ու խոռվք բերեց մեր Աշխարհին Հայոց:

Արևոտ կեսօր էր:

Երասխաձորը թնդում էր գարնան աղմուկով. հորդացած Արաքսը մի տեղ եռում էր ժայռեղեն հունի մեջ սեղմված, և ալիքներն ասես խեղդում էին միմյանց գազանների մոլուցքով. մի ալլ տեղ սուրում էր տենդագին խշշոցով. ափամոտ հղեգնուտներն ու մարգերը չիքն էին բազմատեսակ հավքերով. ճիչ, կոհնչ, ճուխղ ու գեղգեղանք խառնվել էին իրար. և տարբեր այդ ձայներից օդը զրնգում էր ձորում... Թվում էր երգում է յուրաքանչյուր թուփ ու ծառ ջրերի հետ միասին:

Հորդացած գետի աջ ափով, հոսանքին հակառակ, ձորընթաց նեղ ճանապարհով գնում էին հինգ հեծվոր՝ մի իշխան իր շորս թիկնապահներով: Առջևից իշխանը՝ կապտորակ նժույգի վրա, հետևից՝ թիկնապահները հարգալիր հեռավորությամբ: Սրանք երիտասարդներ էին՝ կորովի վզերով, խուղարկու աչքերով, ու բոլորը զինված՝ ումանք սրերով, ումանք նետ-աղեղով ու նիզակով: Զինքը վարելով տիրոջ հետևից՝ նրանք երբեմն խոսակցում էին, երբեմն ծիծաղում, բայց այնպես շափավոր ու զգույշ, որպեսզի տներ չլսի, որովհետև նկատում էին, որ նա մտահոգ է այսօր և անգամ տխուր, ինչ անսովոր, արտակարգ բան էր նրանց համար:

Այդ իշխանը Գաբեղենից տեր Սահակն էր, որի հարուստ կալվածները տարածվում էին Արշարունիքից մինչև Բասեն՝

քարեքեր հողերով ու մեծ շենքերով։ Սակայն նա հայտնի էր ոչ այնքան իր կալվածներով, որքան իր մշտագլարթ բնույթով ու կենցաղով։ Նշանավոր տոներին, երբեմն էլ ոչ տոներին, տարեկան մի քանի անգամ, նա ունենում էր մեծ խրնջույքներ, որոնց, նրա հատուկ հրավերով, մասնակցում էին շատ նախարարներ՝ հարեան և հեռու գավառներից։ Եվ նրա այդ խնջույքները տևում էին օրեր, երբեմն շաբաթներ՝ կերուխումով ու որսով, որ կատարվում էին նրա անտառներում ու սարերում...

Այսօր սակայն այդ գլարթ մարդը մտահոգ էր։ Նրա կալվածի հարեանը՝ իշխան Ներսես Կամսարականը, սուրհանդակի միջոցով հրավիրել էր նրան «գալ անհապաղ», և այժմ Սահակ իշխանը գնում էր ու մտածում, թե ի՞նչ է նշանակում այդ օտարոտի հրավերը, որ նման էր հրամանի։ «Գալ անհապաղ»... Ծճմարիտ է, իշխան Կամսարականը մեծ է, ազդեցիկ, տեր է ամուր բերդերի, սակայն ինչո՞ւ է հրավիրում այդպես չոր բառերով, դժգոհ է իրենից, թե... և Սահակ իշխանը, խորհելով այդ բառերի վրա, անում էր զանազան ենթադրություններ։

Խորհում էր Սահակ իշխանը երկար և ոչինչ կոահել չէր կարողանում։ Միայն թուռնների գեղընթաց չուն էր, որ նրան թվում էր բարեգուշակ, ուստի և առանձնապես չէր տարվում մռայլ մտքերով։

Նա հագել էր նախարարական իր սև կապան և մեջքը պնդել կամարով, որից կախված էր նրա կարճ սուրը ձախ կողքին։ Ռաբերին դեղնավուն մույկեր էին, որոնց ճաքերով հասնում էին մինչև ծնկները, իսկ գլխին դրել էր սրածայր գդակ, որ կարված էր գառան սևագանգուր մորթուց։ Նա միջին տարիքի տղամարդ էր՝ տակավին թուխ մազերով։ Մորուքի մեջ միայն երևում էին մի քանի արծաթ թելեր, որոնք ռակայն ավելի էին ընդգծում նրա մազերի սևությունը, որ փայլում էր սաթի պես։

Բավական ժամանակ այդպես մենակ առաջ ընկած գնալով՝ նա ձին կանգնեցրեց մեկեն՝ աչ կողմից եկող ճանապարհի հեռվում նկատելով հեծյալների մի խումբ, որ սրընթաց, նծուգների ամբողջ թափով գալիս էին դեպ իրեն։

Սահակ իշխանը ակամա նայեց ետ՝ իր թիկնապահներին

և ապա զննական հայացքն ուղղեց եկողների կողմը. ովքե՞ր են և ո՞ւր են շտապում այսպես սրարշավ. վտանգավոր մարդիկ շե՞ն արդյոք... Մինչ այդ թիկնապահները, մոտենալով, նույնպես կանգնեցրին իրենց ձիերը. նրանց աչքերում նույնպես կարդացվում էին իրենց տիրոջ զբաղեցնող մտքերը, ուստի և նրանց ձեռքերը բնազդաբար գնացին դեպի զենքերը:

Եվս մի քանի վայրկյան՝ հեծվորները մոտեցան, բոլորի առջևից մի ամրակազմ տղամարդ՝ նույնպես կապա հագած և գանգուր գդակ դրած:

— Ա՛, բարեողջո՛ւյն, տե՛ր Վանանդա, բարեողջո՛ւյն,— բացականչեց Սահակ իշխանը, ուրախությունից ձին խթանելով:— Բարեողջո՛ւյն...

— Բարի հանդիպում, Սահակ իշխան, բարի տեսություն,— և եկվորը ձեռք, նախ հարգանքով սրտիս դնելով, նժույգի վրայից մեկնեց Գաբեղենից տիրոջը, որ փոքր-ինչ տարիքով էր իրենից: Եվ երբ բարեել էր ակնածանքով՝ հետաքրքրվեց.— Սակայն առա՞ջ բարի, Սահակ իշխան:

— Տե՛ր Կամսարականի ամրոցը:

— Ուղեկից ենք ուրեմն,— ուրախացավ նորեկը:— Ես նույնպես այնտեղ. հատուկ հրավեր ունեմ Կամսարականաց նահապետից:

— Ինչպիսի՞ հրավեր,— հետաքրքրվեց Սահակ իշխանն ակամա:

— Որ այսօր իսկ լինեմ իր ամրոցում:

— Հրավեր, որ նման է հրամանի. «գալ անհապաղ»... այնպե՞ս է:

— Ժիշտ այդպես, Սահակ իշխան: Այդ իսկ բառերով է գրված և իմ հրավերս:

— Եվ սակայն չի՞ ասված ինչո՞ւ համար և ի՞նչ նպատակով է հրավիրում մեզ Կամսարականաց տերը...

— Ո՛ւ, իշխան, ոչ մի այլ բառ:

— Հույժ զարմանալի է,— և Սահակ իշխանը քմծիծաղ տարուբերեց գլուխը.— Գնանք այնուամենայնիվ և տեսնենք պատիվ է սպասում մեզ, թե պատիժ: Խիստ է հրավերը՝ արքունի հրամանի նման...

Վանանդի տերը Սահակ իշխանի խոսքի մեջ դժգոհու-

թյուն նկատելով, որ իրեն կանչել են այդպես արքունի հրամանի ձևով, հետաքրքրվեց հանկարծ։

— Իսկ դու, իշխան, երբեք եղե՞լ ես արքայի մոտ։

— Արքայի՛ մո՛տ... Երբեք,— և Սահակ իշխանը գլուխը շարժեց բացասաբար։— Չեմ եղած, սիրելիդ իմ, և ջանացել եմ հանապազ հեռու մնալ արքայից և արքունիքից։

— Եվ ինչո՞ւ, եթե իրավունք կտաս հարցնելու։

Սահակ իշխանը ձին կանգնեցրեց։

— Հարցնում ես՝ ինչո՞ւ։ Ամենքին ոչ, բայց քեզ, որպես բարեկամի, կարող եմ ասել։ Չեմ եղել և չեմ լինելու, վասնզի թագավորին մոտիկ՝ կնշանակե մահին մոտիկ... Եթե թագավորն ինքը շապանի քեզ, թագավորի թշնամիները կսպանեն։ Ահա ինչո՞ւ... Ո՛չ, բարեկամս, հեռու մնանք այդպիսի կապերից ու կապանքներից։ Աստված մեզ տվել է կալված, ժառանգ, ապրենք և վայելենք... Կապերը արքունիքի հետ թերևս պատվաբեր են, բայց վտանգալատ։ Ո՛չ, իշխան, լինենք ազատ և հանգիստ։ Կյանքը հավիտյան չէ տրված մեզ, որ տանենք նետենք վտանգների մեջ։

— Ծշմարիտ է, յուրաքանչյուր ոք պետք է պաշտպանի իր անձը, իշխան, բայց կապերը անհրաժեշտ են։ Իսկ մերձավորությունը արքային և արքունիքին՝ բերում է միշտ և՛ փառք, և՛ պատիվ։

— Մոլի ու մոխիր։ Ամենը շարժի ուրախ մի երգ և կթղա մի գինի։ Իսկ մահը մոռանալու համար՝ խմիր աստվածների ըմպելին, երգիր և ուրախ արա ամենքին։

Նա լռեց մի փոքր, ապա ավելացրեց.

— Կապերը, թերևս, անհրաժեշտ են, այո, բայց երբ այդ կապերը դառնում են կապանքներ՝ ծա՛նք է։

— Հուսամ՝ այս նոր հրավերը ծանր չի լինելու,— խոսքը փոխեց Վանանդի տերը։

— Իցե և հրավեր է գարնան,— ժպտաց Սահակ իշխանը։— Գուցե՞ն իշխան Կամսարականը խրախճան է տալու մեզ։

Եվ երկուսն էլ ժպտացին բազմախորհուրդ ու խթանեցին նժույգները՝ շուտ տեղ հասնելու։ Նրանց թիկնապահները իրար խառնվելով հետևեցին նրանց՝ նույն ընդունված հարգալիր հեռավորությունը պահած։

Ճանապարհը դարձյալ գնում էր Երասխաձորով, ուր մերթ քարծր ժայռերից ջրեր էին գահավիժում Արաքսը՝ ահագին աղմուկով. մերթ քարայծեր էին մագլցում այդ ժայռերն ի վեր, կամ ժայռերի կրծքին բուսած մենավոր ծառերը անվերջ դողում էին ջրերի հոսքից, ինչպես քամուց։ Իսկ ներքևում երբեմն վարազներ էին երևում և հապճեպ թաքնվում շամբուտներում... Բայց և այնպես ոչինչ չէր խանգարում հորդացած Արաքսի հեղին ընթացքը, և թռչունների լուռ, որ զույգերով կամ երամներ կապած թևածում էին ձորից վեր՝ գարնանձ ջինջ օդում։

* * *

Կամսարականի դղյակը հեռու չէր. նա գտնվում էր մի գեղադիր և անմատչելի վայրում։ Այնտեղ, ուր Արաքս և Ախուրյան գետերը խառնվում են իրար և կազմում փաթթած բուսականության հարուստ ու պտղաբեր այգիների մի հարթ թերակղզի, այդտեղ էր գտնվում Հայոց Աշխարհի այդ անվանի, մեծազդեցիկ նախարարներից մեկի՝ Ներսես իշխանի ապարանքը, որ հիմնադրել էր նրանց տոհմի առաջին նահապետը և վերաշինել էին հետագա սերունդները՝ իրենց պահանջի ու ճաշակի համեմատ։ Դա մի երկհարկանի քարաշեն կառուցվածք էր թերակղզու կենտրոնում՝ բարձրության վրա։ Շենքը իր շորս կողմը ուներ մեծ ու փոքր նեղ լուսամուտներ և քարե պատշգամներ, որոնց վրա տոն օրերին կախում էին դրոշներ ու գորգեր։ Երկու կամարակապ մուտքերի վերևը քանդակված էր Կամսարականների տոհմանիշը՝ Վիգը լառած մի ցուլ, որ ասես պատրաստվում է մեկին հարվածելու։

Ապարանքի շուրջը շուրջ քարե հաստաբետ բարձր պարիսպ էր՝ աշտարակներով և երկաթյա դռներով, որոնց ճակատները նույնպես զարդարված էին տերերի տոհմանիշով։ Աշտարակներում և առանձնապես պարսպադռների գլխին բարձրացող բուրգերի վրա գիշեր-ցերեկ հսկում էին պահակներ՝ հագուստները գոտեպնդած, ոտներին՝ մինչև արունքները պատիճներ և տեգերով ու նետ-աղեղներով զինված։ Պարսպադռներից մինչև ապարանքի մուտքերը գնում էին սալարկած լայն ուղիներ, իսկ պարսպի ներսը մնացած ամբողջ

տարածութիւնը ծածկված էր պտղածառերով, խաղողի որթերով և ծաղկող թփերով, որ այժմ դարնան արևի տակ փթթել էին վարար փաղթամությամբ: Ապարանքը, շինված լինելով երկու գետերի արանքում, շրջապատված էր ջրերի աղմուկով, շառաչածայն մի աղմուկ, որ չէր դադարում զօր ու գիշեր, ինչ նորեկ մարդու համար անսովոր էր անչափ, անգամ խլացուցիչ: Զրերի այդ անդուլ խշշանքին ընտելանալու համար պետք էր ապրել այնտեղ գեթ մի շաբաթ և թերևս ավելի, բայց թերակղզու բնակիչները դա չէին զգում բնավ:

Շենքն ուներ մի քանի հարկաբաժին և բազմաթիվ սենյակներ ու մեծ սրահներ՝ խոբաքանդակ խոյակներ ունեցող սյուներով. պատերին ու հատակներին կային մեծագին գորգեր, որոնք տարածվում էին պատից պատ՝ սրահների լայնքով ու երկայնքով: Իսկ պատնկախ գորգերի վրա, գրեթե բոլոր սրահներում, կախված էին հին ու նոր զենքեր. պատյանով և առանց պատյանի մերկ սրեր, դաշույններ, աշտեններ ու պես-պես տեգեր, աղեղներ և անպայման եղջերուի, վարազի գլուխներ, որ իշխում էին զենքերի վրա:

Այդ ապարանքում բնակվում էին Կամսարական հինդ եղբայրները միասին, և օրը երեք-չորս անգամ սեղան էին նստում իրենց կանանցով, զավակներով ու հարսներով մի սրահում, որ քսան կանգուն երկարութիւն ուներ և մեջը երկշարք սյուներ: Սեղանին ոչ ոք իրավունք չուներ խոսելու, բացի տոհմի նահապետից և նրա տիկնոջից: Եվ ամեն օր գրեթե նրանց սեղանին մասնակից էին լինում շատ հյուրեր հեռու հարազատներից կամ հարևան նախարարութիւններից, որովհետև Կամսարականները խնամիական կապերի մեջ էին նախարարական նշանավոր շատ տների հետ, անգամ հարևան ազգերի՝ վրաց և աղվան մեծ տոհմերի հետ: Առհասարակ Կամսարականները առաջնակարգ տեղ էին գրավում հայոց նախարարների մեջ ոչ միայն իրենց հարուստ կալվածներով, որ Շիրակից տարածվում էին մինչև Արշարունիք և Սուրմա-րի և ավելի դեռ, այլև իրենց քաջությամբ, մանավանդ իրենց Արտագերս և Կապույտ բերդերով, որոնց նմանը չուներ և ոչ մի հայ նախարար, անգամ ինքը թագավորը...

Ահավասիկ այս իսկ բերդերից սկսվեց ամեն ինչ... Բայց սուր մասին հետո:

Իշխան ներսեհ Կամսարականը, որ այժմ տոհմի նահապետն էր, միայն ինքը ունեւր յոթ որդի և երեք ամուսնացած դուստր: Տղաները բոլորը նման էին հորը՝ բարձրահասակ ու թիկնեղ, իրենց տոհմին հատուկ անուններով՝ Արշավիր, Հրահատ, Գազավոն... և այլն: Որդիները, սրանց հետ և նրանց հորեղբոր որդիները, տան նահապետի կարգադրությամբ, մշտապես, որպես ավանդական կարգ, մարզվում էին զենքի գործածության, և այդ վարժությունը չէր կատարվում միայն որսագնացությամբ, այլև ամենօրյա զբաղումով, երբեմն հայրերի ներկայությամբ, հատուկ մի զինավարժի ղեկավարությամբ:

Այո, որպես խոշոր բերդերի տեր, Կամսարականները մեծ խնամք էին տանում թե՛ բերդապահների և թե՛ իրենց իսկ զինական կրթության վրա, և իզուր չէր, որ նրանք ունեին ռազմունակ նախարարների համբավ: Ինքը ներսեհ իշխանը, ասում էին, ձուռն դնում է իր որդիներին մեկի գլխին և թուրքնում նետով: Ըշմարիտ է, հեթանոսական ժամանակի սովորություն էր, որ բոլոր նախարարական տները պահում էին մեծ խմբերով աղավնիներ՝ սրբերին գոհաբերելու համար, բայց Կամսարականները իրենց աղավնիները պահում էին նաև իրենց երիտասարդների ռազմական ուսումնառության համար, նշան էին բռնում թուած աղավնուն և արծակում նետը:

— Ով նետով ցած բերի աղավնին՝ նա կլինի նետածիգ անվրեպ, — խրախուսում էր վարժեցնողը:

Այսօր էլ, երբ գարնան կեսօրյա արևը հաճելի ջերմությամբ ողողել էր Կամսարականների ապարանքը, նրա ծառաստանը և բարձր, ամրակուռ պարիսպներն իրենց աշտարակներով և առհասարակ այգիներն ու հեռուն գտնվող անտառը, ապարանքի պատանիները խմբերով ճերմակ աղավնիներ էին թուցնում և նետեր արծակում նրանց վրա... Երբ ձյունաճերմակ հեզ թռչունը քնքուշ թևաբախումներով բարձրանում էր բավական՝ պատանիները աղեղները լարած նշան էին բռնում նրան և միանգամից հինգ-վեց նետ ուղարկում հետևից... և ում նետը ցած էր բերում նրան՝ վարժենալով մոտենում էր գոհունակ և ձեռքը զարկում նրա

թիկունքին, որպես խրախույսի նշան: Ինչպե՞ս էր նկատում այդ՝ դա արդեն նրա սրատեսությունն էր վերաբերում:

Մինչ պատանիներն ու երիտասարդները տարված էին այս խաղով՝ տոհմի նահապետ ներսահ իշխանը ծանրաբայլ երթևեկում էր մեծ սրահում. երթևեկում էր խոշոր ձեռքերը հտել դրած և, ժամանակ առ ժամանակ կանգ առնելով, մռայլ նայում էր լուսամուտից դուրս, կամ, սրահից ելնելով քարե պատշգամբ, մերթ դիտում էր պարսպադուռը, մերթ աղավնիներին նշանող պատանիներին... Որքան էլ աղավնիներով նետավարժությունը ամենօրյա երևույթ էր դղյակի բակում՝ այնուամենայնիվ իշխանն այսօր տհաճություն էր նայում այդ խաղին. թվում էր տղաների կանչերը անախորժ էին նրան, որովհետև նայում էր հոնքերը կիտած, աչքերը բացխփելով ու կրկին մտնում սրահ: Ի դեպ. կամսարականի անունը թեև ներսահ էր, բայց շատերն ասում էին Նարսեհ, ավելի մոտիկները՝ Նար իշխան:

Նար իշխանը հիստոնն անց տղամարդ էր՝ բարձրահասակ, տակավին ձիգ ու պինդ կազմվածքով: Չնայած տարիքին՝ մազերի մեջ չկար և ոչ մի ճեմակ թել: Մորուքը կարճ էր, բեղերը հաստ ու երկար. խոսելիս, թվում էր, բառերը դիպչում են բեղերին և նա, դրա համար կարծես, շուտ-շուտ ետ էր տանում դրանք, ուղղում, որ պառկեն իրենց տեղերում, բայց նրանք գալարուկների պես նորից ընդունում էին իրենց նախկին դիրքը և ավելի մռայլում իշխանի տեսքը:

Վերջերս, պետք է ասել, նա ոչ միայն մռայլ էր, այլև զայրացած. ամսից ավելի նա յուրայինների հետ չէր խոսում գրեթե. մենակ ելնում էր զբոսանքի կամ առանձնանում իր սրահում և խորհում, խորհում...

Թե ի՞նչ էր խորհում՝ ոչ ոք չէր կարող իմանալ, վասնզի իշխանը սովորություն չունեիր իր խոհերը հաղորդելու հարազատներին՝ եղբայրներին, որդիներին, կնոջը: Սակայն մի քանի օր առաջ, երբ նրանք իշխանի մի սուրհանդակից իմացան, որ նա հրավերներ է ուղարկել հարևան նախարարներին, կռահեցին, որ ուրեմն լուրջ հոգսեր են զբաղեցնում Նար իշխանին: Իսկ թե ինչ հոգսեր՝ դարձյալ չիմացան, որովհետև սուրհանդակն ինքը չգիտեր: Ուստի և, երբ նախարար-

ներն սկսեցին գալ, իշխանուհին ուզեց իմանալ նրանց գալու նպատակը:

— Ինչո՞ւ կգան, իշխան:

Նար իշխանը պատասխանեց միայն.

— Գալիս են իմ հրավերովս:

Ու պատասխանը եղավ այնպիսի եղանակով, որ իշխանուհին հրաժարվեց նոր հարցումից և միայն փութաց կարգադրություններ անելու:

Հրավիրված նախարարներից առաջո՞ւմ եկել էին շորսհինգը՝ ոմանք իրենց որդիներով, ոմանք թիկնապահներով, ինչպես Պապակ Պալուներն, ինչպես Վարձա Ապահունին, ինչպես Անգեղ տան հանգուցյալ նահապետի որդին՝ Սուրակ իշխանիկը, որ հագիվ 22—23 տարեկան պատանի էր, բայց հոր մահից հետո նա էր մնացել հոր կալվածների միակ տերը: Սրանք բոլորն այժմ, ճանապարհի հոգնությունից հետո, հանգստանում էին ապարանքի հյուրասրահներում:

Չնայած եկել էր այդքան մարդ, բայց Նար իշխանը անհանգիստ էր դարձյալ. նա անհամբեր սպասում էր մյուս հրավիրյալներին. կծամանե՞ն արդյոք, թե ոչ... Այս էր պատճառը, որ սրահում քաջելով, շուտ-շուտ նայում էր դեպի պարսպադռան աշտարակը, թե պահակը ճերմակ լաթ չի՞ ճոճում արդյոք, մի բան, որ վաղուց ընդունված կարգ էր: Աշտարակի պահակը, եկող նկատելով, կամ սուլեր պիտի հատուկ սուլիչով և, կամ, բակի կողմը ճերմակ կտավ ճոճելով իմացներ, թե ամբողջը մարդ է գալիս (հյուր կամ օտար), և տան սպասավորների մի խումբ անմիջապես նետվում էր դեպի պարսպադռունը՝ եկողին դիմավորելու կամ նրա ո՞վ լինելը պարզելու: Եթե եկողը լինում էր սպասվող հյուր՝ դիմավորելու էին գնում իշխանի եղբայրները կամ իր և նրանց որդիները, նայած եկողի կարգին ու աստիճանին:

Բայց կեսօրն անցել էր արդեն՝ նոր եկողներ չէին երևում. մի՞թե այլևս չեն գալու,— սրտնեղում էր Նար իշխանը և, վերջապես, երրորդ անգամ պատշգամ դուրս գալով, նա նկատեց ճերմակ քաթանի ճոճում, որի վրա բակում գտնվող սպասավորները և զինախաղով զբաղված պատանիներից մի քանիսը զնացին դեպի պարսպադռուն: Իշխանը պատշգամում լարված հետևեց՝ տեսնելու, թե ո՞վ է լինելու... Ու ոչ

թե վայրկյաններ, այլ բավական ժամանակ անցավ, մինչև որ պարսպամուտքից սև նժույգի վրա ներս մտավ եկվորը՝ աջ և ձախ կողմը հեծյալ երիտասարդներ ու թիկնապահներ, որոնց շփշապատել էին իշխանի սպասավորներն ու որդիները:

— Վահեունյաց տերը, — բացականչեց Նար իշխանը և պատշգամից արագ, ներքին քարե աստիճաններով իջնելով, դուրս եկավ բակը: Մյուսների համար նա չէր իջել, բայց այժմ ոչ միայն իջավ, այլև ձեռքերը տարածելով գնաց հյուրին ընդառաջ:

— Վահե իշխան, — Կամսարականը գրկելով, ողջագուրեց ձիուց իջնող տարեց հյուրին, որ կեռ քիթ ուներ, դուրս ընկած աչքեր և բարակ վիզ, որոնցով հիշեցնում էր պառավ անգղի: — Ուրախ եմ անշափ, որ ժամանեցիր... և զավակներովդ հանդերձ...

Նար իշխանը գրկեց և հերթով համբուրեց նաև Վահեունի սևպուհներին, որ տարիքն առած երիտասարդներ էին՝ զարմանալի նման իրար և իրենց հորը՝ կեռ քթեր, դուրս ընկած գորտային աչքեր և բարակ վզեր: Ինչպես հոր, այնպես էլ նրանց դեմքերը թեթևակի այրվել էին արևից ու քամուց:

— Ուրախ եմ, այո, որ ժամանեցիր, — կրկնեց Նար իշխանը՝ նորից Վահեունյաց նահապետին մոտենալով:

— Եթե հրավերդ չլինեք անգամ, իշխան, — խոսեց ծեր Վահեունին մի ձայնով, որ լիովին համապատասխանում էր նրա արտաքինին՝ կռիշով, — ինքս պիտի գայի:

— Կլինեք, իշխան, առավել հաճելի:

— Պիտի գայի թագավորի նոր հրովարտակի մասին իմ վիշտը և դժգոհությունը հայտնելու: Մեր բողոքը, մեր նամակը հավանաբար համարել է առ ոչինչ և շարունակում է իրենը:

— Կխորհենք, տեր Վահեունի, կխորհենք:

— Կարո՞ղ ենք սակայն զսպել նորան և նորա միտումները շար, — տնքաց Վահեունին: — Վերջին այս հրովարտակից նորից քանիսը իմ ծառաներից փախան այդ անիծյալ ավանը...

— Կխորհենք, տեր Վահեունի, կխորհենք, — կրկնեց Կամ-

սարականը գրեթե ուրախ, որ ծերունին զայրանում է թագավորի դեմ:

Հագիվ էին ներս տարել Վահեունի իշխանին իր որդիների հետ, երբ Կամսարականի սպասավորներն ու որդիները նորից նետվեցին դեպի պարսպադուռը. պահակը կրկին ճոճում էր ճերմակ լաթը:

Այս անգամ պարսպադռնից տեգավոր թիկնապահներով բակը մտան երկու հաղթամարմին հեծյալներ՝ գորշ թիկնոցներով: Դրանք Համունի եղբայրներն էին՝ մեկն ալեխառն, մյուսը՝ թուխ մորուքով. մեծը Կամսարականի քեռայրն էր՝ քոջ ամուսինը: Սա, նժույգից իջնելով, մտերմաբար, իբրև յուրայինի, բարեց նար իշխանին, ապա նրա եղբայրներին ու նրանց զավակներին:

— Հուսամ քաջառողջ են ամենքը, — հարցրեց նա մի ձայնով, որի մեջ կար մտերմական և բնատանեկան շեշտ:

— Գոհովոյն, — ասաց նար իշխանը և հարցրեց իր հերթին: — Ինչպե՞ս են զավակներդ, քույրս: — Ապա, քեռայրի պատասխանը տակավին չլսած, մոտեցավ փեսայի եղբորը և բարեց նրան: — Շնորհ արա, իշխան: Դու մեր տանը կարծյոք առաջին անգամ ես լինում:

— Հրամանքդ, իշխան, — խպնելով ասաց երիտասարդ Համունին: — Սակայն վտանգավոր գետ ունեք, իշխան: Կատաղի... Կամուրջը խախտել է արդեն:

Նա խոսում էր Ախուրյանի մասին, որ սրընթաց գալիս էր վերևից, թափով զարկում փայտե կամուրջին և գնում թրի պես մխրճվում Արաքսի կուրծքը:

Երրորդ եկողը եղավ Բասենի իշխան Մանեճը՝ մի կորովի տղամարդ, որ արծաթ գոտուց կախել էր արծաթապատյան թուր: Նրա թիկնապահները նույնպես զինված էին միայն թրերով և ունեին միատեսակ թուխ անհանգիստ նժույգներ, որոնց աչքերից աստղեր էին թափվում ասես:

Նոր էին տեղավորել դրանց, երբ եկան վերջին հյուրերը՝ Գաբեղենից տեղ Սահակը և Վանանդա տեղ Զաքարեն... Եկողները բոլորն էլ թիկնապահներով էին կամ մեկ-երկու հարազատի հետ, ինչպես ընդունված էր հեռու տեղ հյուր գնալիս: Եվ որովհետև ամենքն էլ հոգնած էին երկար ճանապարհ կտրելուց, ուստի, նրանց ընդունելով, առաջնորդում էին յու-

րաքանչյուրին իրեն հատկացված հյուրասրահը, որ լվացվեն, հագուստ փոխեն և հանգիստ առնեն:

Չնայած տասի շափ նախարարներ էին ժամանել արդեն, բայց և այնպես նար իշխանը տակավին սպասում էր մեկին, և ավելի անհամբեր, քան մինչև այժմ. թվում էր այդ մեկը նրա համար առավել էր, քան բոլորը միասին: Նորից, նույն մեծ սրահում երթևեկելով, նա անվերջ նայում էր դեպի պարսպադուռը և, ոչ մի նշան չտեսնելով այնտեղ, գլուխը տալուբերում էր մուայլ և շնչում:

— Մի՞թե չի ստացել հրավերս, թե ստացել է... մոռացե՞լ է, որ պիտի գար այսօր... Նա այր է ճշտապահ, սակայն... ուշացումը անշուշտ կունենա մի պատճառ...

Մինչև իրիկնաժամ, մինչև մութն ընկնելը Կամսարականն սպասում էր նրան՝ այն մեկին և ամեն վայրկյան նրան թվում էր, թե ահա աշտարակից նշան կտեսնի կամ սուղոց կլսի... Բայց երբ մութն ընկավ՝ նա կարծես հուսահատվեց. անխոս նստեց իր գորգապատ ընդարձակ գահավորակին՝ պատին ամրացված զենքերի և եղջերուի գլխի ներքո: Առժամ նստելով այդպես անխոս՝ նա մեկին ծափ զարկեց: Կից սենյակից ներս մտավ նրա սենեկապետը՝ ձեռքերը կրծքին դրած մի երիտասարդ:

— Հայտնի՞ր հյուրերին, — ասաց Կամսարականը, առանց դիրքը փոխելու, — որ սպասում եմ իրենց. թող շնորհ բերեն:

Երիտասարդը խոնարհումով դուրս գնաց և... շատ չանցած, իրար հետևից ներս մտան հյուրերը՝ արդեն ճանապարհի վերնազգեստները փոխած, լվացված ու սանրված, բայց անզեն. բուժ մատներին ոսկե խոշոր կնքամատանիներ, որոնց վրա փորագրված էին նրանց նախարարական տոհմանիշները, որով և կնքում էին կարևոր գրություններ:

Հյուրերի մուտքը տեսնելով՝ Կամսարականը ելավ տեղից և գլուխ իջեցրեց ընդհանուր:

— Կրկին բարի գալուստ, տե՛ր նախարարներ, — ասաց նա հյուրերնկալի պատշաճ եղանակով: — Իմ հարկը համարեցե՛ք ձերը և հաճեցե՛ք նստել:

Երեց հյուրերը տեղ բռնեցին գահավորակների ու բարձերի վրա, երիտասարդները՝ եռոտանիների. մեծերն սկսեցին հետաքրքրվել միմյանց առողջությամբ, երիտասարդները,

պատշաճը պահած, թե՛ լսում էին նրանց և թե՛ դիտում մերթ իրար, մերթ տանտիրոջը, մերթ նրա սրահի կահերն ու զարդերը: Եվ երբ թեթևակի դիտել էին ամեն ինչ, սկսեցին հետևել ավագների զրույցին, որը դառնում էր առայժմ ճանապարհի տպավորությունների շուրջը:

Փոխադարձ հարց ու պատասխանը և թեթև զրույցը շարունակվում էր, երբ իրար հետևից ներս եկան, նախ, առջևից, ապարանքի տիրուհին՝ Կամսարականաց տիկինը, ապա Կամսարական եղբայրների կանայք և դուստրերը՝ հյուրերին, ընդունված կարգով, բաՐժի զալուստ ասեղու: Հյուրերի գալու առթիվ նրանք հագեղ էին գույնզգույն մետաքս ու կերպաս հագուստներ՝ արծաթ, ռսկի կոճակներով, ճարմանդներով, իսկ ճակատներն ու պարանոցները զարդարել էին մարգարտյա և սաթյա շաղկերով: Այդ բոլորից զատ, տիրուհին իր մուգ կապույտ մետաքս հագուստի վրա, մսեղ ուսերին կրում էր բյուզանդական վառ գույնի ծոպավոր մի շալ, մատներին՝ մեծաքար մատանիներ: Ավելի վաղ հագնված էին նրա հարսները և ամուսնացած աղջիկները՝ Մարիամը, Մարթան և Մագթաղիներն: Ներս մտնելով՝ նրանք հերթով մոտեցան յուրաքանչյուր հյուրի և, խոնարհում անելով, բարևեցին անխոս... Դա մի մունջ արարողություն էր և թվում էր հնօրյա մի ծես: Իսկ երբ այդ ամենը վերջացավ, տանտիրուհին, սրահի մեջտեղը կանգնելով, ձեռք պարզեց դեպի դուռը.

— Հարգո հյուրերիս խնդրում եմ ճաշակել մեր սեղանից:

— Սիրով, իշխանուհի. քո խնդրանքը հրաման է մեզ համար,— ասաց ավագ Համունին՝ Կամսարականի քեռայրը, որ զուրկ չէր զվարճախոսելու շնորհից:

— Հաճո է հրավերդ, մեծ տիրուհի,— հաճոյախոսեց նաև ծեր Վահանունին իր կռնչուն ձայնով:

Եվ բոլորը ելան ու հերթով, ավագության կարգ պահելով, անցան կից սրահը, ուր հատակին փռված գորգի վրա, նրանից կես կանգուն բարձր երկար սեղան էր բացված, երկու կողմը բարձր շարած: Սեղանը ծածկված էր առատ ուտելիքներով, որոնց մեջ նախ երևում էին խորոված ամբողջ գառներ: Նար իշխանը, որպես տանտեր, բազմեց սեղանի գլխին՝ կապան հագած ու գլուխը բաց, իսկ հյուրերը տեղավորվեցին դարձյալ ավագության կարգով: Հագիվ նստել էին՝

ներս մտավ խոպան մորուքով մի քահանա և, առանց խոսքի, սկսեց սեղանն օրհնել՝ շուրթերը միայն շարժելով և ձեռքով ուտելիքները խաշակնքելով։ Վերջացնելով՝ ինքն ևս նստեց մի ազատ բարձի, և հացկերույթն սկսվեց։

Մինչ հյուրերը կարճ խոսքեր փոխանակելով ուտում էին և ըմպում, Կամսարականը պահպանում էր արտաքին պատշաճից կարգը՝ հյուրընկալ-տանտիրոջ բարեհամբույր դեմք, բայց ներքուստ նա տխուր էր դարձյալ և դժգոհ։ Բանն այն էր, որ նա հրավիրել էր նաև Վասպուրականի տեր Մերուժան Արծրունի իշխանին, բայց նա չկար... չեկավ։ Այնինչ Կամսարականը նրան սպասում էր բոլորից շուտ, ինչպես և պայմանավորվել էին։

Այս մասին նա տակավին չէր հայտնել ոչ ոքի և տակավին հույս ուներ, թե կգա, եթե ոչ հիմա, գեթ գիշերը կամ առավոտյան, և այնժամ կսկսեն իշխանաժողովը։ Բայց օրը մթնեց՝ նա դարձյալ չեկավ... Ի՞նչը կարող էր խանգարել Մերուժանին գալու... Դժբախտ մի պատահա՞ր, թե... Եթե ի վիճակի չէր գալու, համենայն դեպս կարող էր լուր հղել այդ մասին։ Մի երկու օրվա ճանապարհ է ընդամենը... Այս մտքերով տարված՝ Կամսարականը գրեթե չէր մասնակցում հացկերույթին, այլ միայն կրկնում էր մեքենաբար.

— Ճաշակեցեք, խնդրում եմ, և զգացեք, ինչպես ձեր հարկի տակ։

Սովորաբար հրավերքի ճաշերը Կամսարականի տանը լինում էին նվագով, բայց այս անգամ, երբ տան տիրուհին հիշեց նվագի մասին՝ իշխանը ձեռքը թափ տվեց միայն. «Ուրախ հրավեր չէ»... Բայց հյուրերը առանց նվագի ու խնդրանքի էլ ճաշակում էին, քանի որ երկար ճանապարհը բացել էր բոլորի ախորժակը. մսի պատառների վրա խմում էին գավաթներով գինի և շարունակում ուտել կրկնապատկված ախորժակով։

Սակայն, որքան էլ այդ զբաղումով տարված, նրանց յուրաքանչյուրի պիտում մի հարց էր դառնում, թե արդյոք ինչո՞ւ է հրավիրել իրենց Կամսարականաց տերը։ Այս մասին էր մտածում շարունակ գոնե Գաբեղենից Սահակ իշխանը և, երբեմնակի նայելով Կամսարականի մտահոգ ճակատին, ցանկանում էր ասես կռահել այդ։

Բայց Կամսարականի ճակատի մռայլից դժվար էր հասկանալ մի բան. թվում էր ուշքը այլ տեղ էր, ականջը դրսի ձայների, կամ խորհում էր ինքն իր մեջ: Ու այդպես էլ մնաց երկար, մինչև այն պահը, երբ ղգուշավոր քայլերով ներս մտավ երիտասարդ սենեկակապետը և կոացավ նրա ականջին.

— Վասպուրականից սուրհանդակ, տեր,— շնչաց նա:

— Սուրհանդակ... Կանչի՛ր,— ասաց Կամսարականը և, թափով ելնելով, անցավ իր առանձնարանը: Փոքր անց ներս մտավ կարճ մորուքով գլխաբաց մի երիտասարդ՝ ոտքերին երկար մուկեր: Ներս մտնելով՝ նա գոտեպնդած բաճկոնի գրպանից հանեց գլանած մի նամակ և խոնարհումով մեկնեց իշխանին:

Կամսարականը, նամակը բացելով, կարդաց մտասույզ: Ընթերցելով մինչև վերջը՝ նա գոհունակ ոլորեց այն և, սենեկապետին պատվիրելով կերակրել սուրհանդակին, ինքը պայծառացած գնաց մասնակցելու հացկերույթին, որ տակավին շարունակում էր գինիներով ու զվարթ զրույցով:

ՉՈՒՆ ԵՐԿՐՈՐԴ

Երբ հացկերույթն ավարտվեց և մասնակի զրույցներ սկսվեցին սեղանի շուրջը, Գաբեղենից Սահակ իշխանը, նայելով Կամսարականին, շարունակ մտածում էր, թե ինչո՞ւ նա չի հայտնում իր հրավերի նպատակը, ինչի՞ է սպասում արդյոք:

— Սեպուհները կարող են գնալ զբոսնելու կամ զվարճանալու, իսկ մենք՝ երեցներս, կմնանք զրուցելու,— խոսեց վերջապես Նար իշխանը, երբ նկատեց, որ հյուրերից շատերը իրեն են նայում սպասողական:

Երիտասարդները հասկացան իշխանի միտքը և անմիջապես վեր կացան աշխույժ խմբերով դուրս գնալու և միմյանց ավելի ծանոթանալու: Անգեղա իշխանիկը նույնպես ելավ գնալու. Կամսարականն այդ նկատելով, ձեռը բարձրացրեց.

— Դու մնացիր, իշխանիկ, իբրև... Անգեղա տեր:

Երիտասարդ իշխանը, որ թուի գանգուր մագեր ունեւր և սև թավիշի նման փոքրիկ, փափուկ մորուք, համակերպեց և նորից գրավից իր տեղը։ Երբ երիտասարդները բոլորովին դուրս եկան ճաշարահից, մնացող իշխանները տանտիրոջ հրավերով անցան նրա առանձնարանը, որ նույնպես զարդարված էր գորգերով, զենքի տեսակներով ու որսի կենդանիների գլուխներով։ Դրանց կենտրոնում իշխում էր եղջերուի մի խոշոր գլուխ, որի տարածուն եղջյուրների ճյուղերից կախված էին երկու լայնալիճ աղեղ, պատշանով մի սուր, իսկ նետերով լի փայտե փորագիր կապարճները շարված էին դրանց տակ գամերից կախած։

Երբ նախարար հյուրերը, թվով ինը-տասը հոգի, եկան նստեցին այդ սրահի գահավորակների ու բարձերի վրա՝ Կամսարականը ձեռքը, ընդունված կարգով, ճակատին մոտեցնելով՝ նախ շնորհակալություն հայտնեց, որ շմերժեցին իր հրավերը և ժամանեցին փութով, ապա ավելացրեց, որ ինքը նրանց կանչել է հույժ կարևոր մի խնդրի վրա միասնաբար խորհելու։

— Սակայն, տիարք,— շարունակեց նա ընդհանուր մի հայացք գցելով հյուրերի վրա, — զգուշացնելու եմ նախապես, որ մեր զրույցը պիտի մնա գաղտնածածուկ։— Նա նորից հապաղեց մի վայրկյան, թավ հոնքերի տակից նայելով։— Ամենքդ կուհում եք անշուշտ հրավերիս նպատակը. Արշակ թագավորի հրովարտակը անտարակույս ծանոթ է բոլորիդ և գուշակում եք հավանաբար, թե ի՞նչ նոր աղետ է բերելու մեզ, ուստի և կամեցա, որ խորհենք մեր անելիքը...

Հյուրերը լարվեցին. ոմանք նշանակալից նայեցին իրար, ապա՝ Կամսարականին, իսկ ծեր Վահեունին կռնաց բարձրաձայն.

— Պիտի խորհել, այո... Իր գահակալության առաջին իսկ օրից Արշակը արքա չեղավ մեզ, այլ պատուհաս։

— Այո, պատուհաս,— կրկնեց Կամսարականը և, շարունակելով իր խոսքը՝ հիշեցրեց, թե ինչպես Արշակը իր թագավորության առաջին տարում մարդ պահանջեց արքունի գործի համար՝ հայոց նախարարները համաձայնեցին, որ չվիրավորեն նոր թագավորին։ Այնուհետև նա պահանջեց, որ

յուրաքանչյուր նախարար ներկայացնի իր մարդոց և անասունների քանակը... Թեև այդպիսի բան չէր արել և ոչ մի արքա, սակայն նախարարները այդ ևս կատարեցին անտըրտունք:

— Ապա,— Կամսարականի ձայնը դողաց և խստացավ,— Արշակ թագավորը, խախտելով ավանդական ամեն կարգ ու օրենք, պահանջեց, որ ես իմ Արտագերս և Կապույտ բերդերը հանձնեմ իրեն... Ես այդ չկատարեցի հարկավ: Այդ գիտեք ամենքդ: Չհանձնեցի, վասնզի չէի կարող մերկանալ իմ զենքերից... Չէի վարող զրկել ինձ ինքզինքս պաշտպանելու միջոցներից:

Կամսարականը թեև հուզված, բայց դիտմամբ խոսում էր ձայնն իջեցնելով, որպեսզի իրեն լսեն ուշադիր: Խոսում էր և միաժամանակ աչքի տակով նայում, թե ի՞նչ տպավորություն է թողնում իր խոսքը: Նկատելով լսում են կլանված՝ նա հիշեցրեց թագավորի նոր հրովարտակը, որ արձակել էր մի ամիս առաջ՝ իր հիմնած քաղաքի համար մարդաժողով անելու... Չնայած իրենք զգուշացրին Արշակին հատուկ մի նամակով՝ ետ վերցնել իր հրովարտակը, բայց նա թողեց անուշադիր:

— Այդ ամենը հավանաբար քիչ համարելով՝ իր վերջին հրովարտակով կատարում է ավելի վրդովիչ գործ,— Կամսարականը թափով շտկվեց իր բարձի վրա:— Նա սուտ արտոնություններով մեր ծառաներին հրապուրում է իր քաղաքը... Արդ, տեր նախարարներ, թողնե՞նք, որ նա գայթակղի մեր ծառաներին, թե՞ դիմենք արգելող միջոցների... Ես բնավ չեմ կարծում, թե Արշակը կամենում է վրեժխնդիր լինել միայն ինձնից՝ բերդերս իրեն չհանձնելու համար: Ո՛չ. ես այնպես եմ կարծում, որ նա ցանկանում է խլել մեզնից՝ ամենքիցս, մեր ունեցվածքը և դարձնել իր սեփականությունը:

— Այո, հնոց խոսք է. իշխանությունը հարբեցնում է,— չհամբերեց ծեր Վահեունին՝ անգղային աչքերը շողացնելով:— Արշակը ջանում է ոչ միայն տկարացնել մեզ, այլև՝ կործանել իսպառ...

— Այլ ինչ կարելի է սպասել մի թագավորից, որ կույր հորը վտարեց Կավաշ և դատապարտեց ճգնակեցություն,— միջամտեց Բասենի նախարար Մանեհը:

— Այո, տեր նախարարներ,— հոնքերը կիտեց Կամսարականը, որ հյուրերից ոմանք ընդմիջելով թույլ շեն տալիս շարունակելու— Արշակը կամենում է լինել միահեծան։ Ես իրազեկ եմ, որ նա հար և հանապազ մի միտք է կրկնում, թե պետք է «ամրացնել Աշխարհը Հայոց»... Ամրացնել... սակայն ինչու՞ մեր բերդերով, մեր ծառաներով... Թո՛ղ ամրացնի իր մարդերով... Ու կրկնում է անվերջ, թե «Շապուհը թշնամի է»... Այո, նա թշնամի է իրեն՝ Արշակունիներին։ Շապուհը մեզ չի անի ոչինչ, եթե հնազանդենք... Իսկ Արշակը... թեև հնազանդ ենք առաջին օրից, բայց շարունակ ջանում է վնասել մեզ, ստորացնել մեզ...

— Հարկավ, առավել վաղ է Շապուհը. նա չի խլի մեզինից ոչ մեր ծառաները և ոչ իրավունքները,— բաղականչեց Կամսարականի քեռայր Համունի Դավիթ իշխանը։

— Վասնզի մեր արքայի գլխով մեծություններ են անցնում,— չարախնդաց դարձյալ Վահևունյաց նահապետը։— Տավակին ոչինչ չարած երկրի համար՝ խորհում է անմահություն։ Կամենում է քաղաք շինել մեր ծառաների ձեռքով և իր անունը դրոշմել վրան։

Կամսարականը թեև դժգոհ էր, որ ընդմիջում են իրեն, բայց իբրև հյուրընկալ տանտեր, հարմար չհամարեց որևէ ձևով ընդհատել նրանց, այլ միայն ուզեց իմանալ, թե շա՛տ ծառաներ են հեռացել նրանց տիրություններից, և առաջինը դիմեց Վահևունուն։

— Այո, տեր Կամսարական,— գլուխը շարժեց ծերունին դառնացած։— Յուրաքանչյուր օր լուր եմ առնում, թե այս և այն շենից, թագավորի հրովարտակից գայթակղված, փախել է հինգ մարդ, տասը մարդ, շնայած տարածայնել եմ, թե փախուստի փորձ կատարողը կպատժվի խստիվ՝ ծեծով, բանտարկությունը։

— Նույնն արել եմ ես, տեր Վահևունի,— խոսեց Բասենի Մանեհ իշխանը մի թանձրաթավ ձայնով, որ միանգամայն համապատասխանում էր նրա լեցուն, մսեղ կազմվածքին։— Պրե՛լ եմ. սակայն հեռանում են գիշերանց, անհայտ ճանապարհներով, անտառներով... Իսկ երբ պատահաբար կալանում են դրանց և բերում ինձ, անիծյալներն իսպառ ուրանում են, թե փախչելու ցանկություն են ունեցել։ Սակայն երբ

դոցա շոշափում են գալազանով՝ նոր միայն խոստովանում են, որ խաբվել են արքայի հրամանից և...

Կամսարականը գլուխը տարուբերեց մռայլվելով:

— Ահավասիկ, տեր նախարարներ, ինքս նույնպես, որքան հասու եմ լինում, Արշակ թագավորն ինքն է խախտում կարգը Հայոց Աշխարհի...:

— Ճշմարիտ է, իշխան, ճշմարիտ է, թագավորն ինքը, ինքը՝, — կրկնեցին մի քանի ձայներ միասին: — Թագավորն անտեսում է մեզ և խախտում ավանդական օրենքները սուրբ:

— Մեր նախահայրերը չէ՞ որ Արտաշեսի և Տրդատի օրոք եղել են ազատ, չեն նեղվել երբեք...

— Եվ մեր ծառաներին նորա չեն խլել մեզնից: Իսկ սա՞... իր հրովարտակով...

— Դա հրովարտակ չէ, — նորից խոսեց Կամսարականի քեռայր Համունի Դավիթ իշխանը, — դա շարության հայտարար է: Արշակը դրանով խոտվեց, գայթակղեց մտքերը: Թվում է ինձ, թե բոլոր իմ ծառաներս սլատրաստվում են հեռանալ, փախչել ծածուկ: Ես ամենքին կասկածում եմ:

— Իսկ ես, տիարք, — նորից միջամտեց Բասենի Մանեհը, — ես մինչև իսկ երկյուղ ունեմ, որ իմ մարդերը սպանեն ինձ, որպեսզի իրենց փախուստն արգելող չլինի:

Կամսարականը նորից դառնացած շարժեց գլուխը.

— Ահավասիկ վիճակ, որ ստեղծել է թագավորը հայոց, — բացականչեց նա հեգնուտ: — Եվ պիտի թո՞ւյլ տանք, որ շարունակվի այս...

Լուսթյուն իջավ մի վայրկյան. թվում էր՝ յուրաքանչյուրը որոնում է մի ելք, մի միջոց... Եվ այդ լուսթյունը խզեց դարձյալ ծեր Վահանունին.

— Ի՞նչ կարելի է անել սակայն, տեր Կամսարական:

— Ահա այդ իսկ նպատակով հրավիրել եմ ձեզ, տեր նախարարներ, որպեսզի խորհենք միասնաբար մեր անելիքը: Խոսեք համարձակ և վստահ:

Վանանդի իշխան Զաքարեն կոկորդը մաքրեց խոսելու համար:

— Ես խորհել եմ, իշխան, — ասաց նա: — Առավել բնական և օրինական՝ կլիներ, եթե ինքներս հսկեինք մեր մաշդոց և չթողնեինք...

— Իսկ ինչպե՞ս շթողենք,— թավաձայնեց Բասենի տեր-
րը։— Ինչպե՞ս հսկենք, երբ նոքա գնում են գիշերները, ծա-
ծուկ ուղիներով, և ոչ թե իրենց կացարաններից, այլ պար-
զապես դաշտից, սարից, աշխատանքի վայրից։ Ես, ահավա-
ռիկ, կարգել էի պահակներ, որ հեռացողին կալանեն և բե-
րեն ինձ։ Եվ սակայն...— ու Մանեհը կանգ առավ գլուխը
տխրորեն շարժելով։

— Եվ սակա՞յն,— հարցրեց Վանանդի տեր Զաքարեն։

— Սակայն պահակներն իրենք հեռացել էին հետները,—
պատասխանեց Մանեհը հին զայրույթից հեալով։

— Ուրեմն պահակները պիտի լինեն վստահելի,— վրա
բերավ նույն Զաքարեն։— Եվ կամ՝ փախչել փորձողին պետք
է պատժել այնպես, որ լինի խրատ այլոց, որպեսզի չհամար-
ձակվեն այսուհետև... Պատժել խստիվ։

— Ես այդպես էլ անում եմ, իշխան,— տնքաց Մանեհը։—
Զի օգնում սակայն։ Շարունակում են փախչել։

— Եթե դա ևս չի օգնում, հարկ է ուրեմն դիմել խստա-
գույն միջոցի,— ձեռքը բռնեց շինած խոսեց Դավիթ Հա-
մունի իշխանը։

Մինչ ամենքը, խոսելով և խոսակցությանը միջամտելով,
հուզվում էին, տաքանում, Գաբեղենից իշխան Սահակը մտա-
ծում էր. «Ինչո՞ւ են բորբոքվում, տեր աստված... Մի՞թե ար-
ժե այդքան հուզվել մի քանի ծառայի, մի քանի շինականի
համար և գծտվել թագավորի հետ»։ Նկատելով, որ հուզումը
կարող է ծավալվել, նա խոսելու իրավունք խնդրեց և ասաց։

— Տեր Կամսարական, թերևս գրենք մի նոր նամակ և
կրկին խնդրենք, որ արքան խաշար հանի արքունի շենքից.
չէ՞ իր շենքերը ավելի մեծաթիվ են, քան մերը։— Այստեղ Սա-
հակ իշխանը շուրջը նայեց՝ տեսնելու և ստուգելու, թե ինչպես
է ընդունվում իր առաջարկը, որ ըստ այնմ շարունակի կամ
ընդհատի։ Բայց նա ասելիքը չէր ավարտել տակավին, երբ
ավագ Համունին շտկվեց բարձի վրա և ձեռքը բարձրացրեց։

— Դու ասում ես, իշխան,— դարձավ նա Գաբեղենից Սա-
հակին,— «թերևս գրենք նոր նամակ»։ Ապարդյո՞ւն չանք։
Պարզ չէ՞ միթե, որ նամակը չունի զորութուն։ Քանզի Արշակը
արհամարհեց մեր վերջին նամակը, արձակելով իր վերջին
հրովարտակը գայթակղիչ, ուստի և նոր նամակ գրելու կարի-

քը չեմ տեսնում... Դիմե՛լ պետք է առավել զորավոր միջոցի, որպեսզի սանձահարենք Արշակին:

Նրա կրքոտ խոսքը հաճելի եղավ ումանց, և Կամսարա-կանին, որ սակայն հարցրեց աչքերը կծկելով.

— Իսկ ո՞րն է քո զորավոր միջոցը, տեր Համունի:

— Այն,— վրա բերավ Համունին անմիջապես, կարծես այդ հարցին սպասելով,— ա՛յն, որ մեզ հարկ է միաբանել և ցույց տալ Արշակին ու աշխարհին, որ մեր նախնիների ար-յունը չի սառել մեր սրտում, որ մենք կարող ենք պաշտպա-նել մեր իրավունքները զինու զորությամբ: Հասել է, այո, ա-րիության ժամը, տեր նախարարներ... Մեր ծառաներին թա-գավորին զիջելու փոխարեն՝ ինքներս կազմենք մեր զորքը, և դա կլինի մեր փրկությունը: Եթե յուրաքանչյուրս ունենանք երեք-չորս հարյուր այրուծի՝ այնժամ, վստահ եմ, համար-ձակ կպաշտպանենք մեր իրավունքը, մեր պատիվը նախա-րարական և մեր ինչքը...

Հավաքվածները, բացառությամբ մեկ-երկուսի, թեև ինք-նավստահ էին, հանդուգն, բայց միաժամանակ և մռայլ, որովհետև նրանց գոռոզության տակ թաքնված էին ծածուկ երկյուղներ: Եվ ահա, երբ Համունու խոսքից հետո լռությու-ն իջավ, ումանք թերահավատ, ումանք կասկածով հարցրին, թե կարո՞ղ են արդյոք հաջողել այդպես. չէ՞ որ թագավորը բա-նակ ունի, նախարարների մեծ մասը տակավին համակիր է նրան. իսկ իրենք սակավ են, ուստի և չեն կարող ելանել թա-գավորի դեմ:

— Մենք սակավ չենք բնավ,— բարձի վրա վեր թռավ Հա-մունին, որ ինչպես երևում է, սովոր չէր առարկության:— Ոչ, սակավ չենք: Նախարարաց մեծ մասը հույժ դժգոհ է Ար-շակից: Եթե ամենքս՝ Հայոց Աշխարհի բոլոր նախարարներս, չինենք համախոհ ու համախորհուրդ, այնժամ թագավորը կլինի անզոր...

Գաբեղենից Սահակ իշխանը, որ սկզբից ձանձրանում էր սկսված զրույցից, ասված ծանր խոսքերից, համարելով դրանք մարդու հանգիստը խռովող պարագա, մանավանդ ճաշից հետո, այժմ տհաճություն էր զգում Համունու խոս-քերից: Նա այն կարծիքին էր, որ իշխանությունը հոգս է, ընդհարումը գլխացավանք ու անհանգստություն: Ի՛նչ կարիք

հուզվելու: Թող փախչեն ևս մի քանի ծառա, արժե՞ դրա համար գծադիմել թագավորի հետ: Թող Արշակ թագավորը հոգա երկրի համար, իսկ իրենք ապրեն ուրախության, զվարճության մեջ, երկրորդ անգամ աշխարհ չե՞ն գալու... Այս իսկ պատճառով Համունու առաջարկը նրան թվաց անհեթեթ, և նա նորից միջամտեց տարակուսով.

— Որքան էլ, տեր Համունի, նախաբարները կամենան զորք կազմել, միևնույն է, այդ զինյալ ուժը չի գերազանցի արքունի բանակին: Բախումի դեպքում մենք չենք հաղթի, եթե մեզ օգնության չգան ուրիշ նախարարներ, զորեղ նախարարներ: Կա՞ այդպիսի հույս:

Այս ասելով՝ Սահակ իշխանը կարծում էր կզգաստացնի բորբոքված նախարարներին. կզգան, որ ամենը, ինչ ասում են, ապարդյուն է և ավելորդ, ուստի և կհրաժարվեն զորք կազմելու մտքից: Բայց որքան անսպասելի էր նրա հարցը, նույնքան անսպասելի եղավ պատասխանը:

— Կա՞, տեր Գաբեղենից, կա՞,— ասաց Կամսարականը ընդհանուր վարանքը տեսնելով:

Վարանած դեմքերը մեկեն աշխուժացան հետաքրքրությանից, ու միաժամանակ լսվեցին մի քանի ձայներ.

— Եվ ո՞րն է այդ հույսը...

— Ո՞վ է այդ...

Ու բոլորի հետաքրքիր հայացքները կախվեցին Նար իշխանի շուրթերից:

— Վասպուրականի տեր Մերուժանը,— հանդարտ ու ծանրաշեշտ ասաց Կամսարականը: Նա, ըստ երևույթին, չէր ցանկանա առայժմ հիշել այդ անունը, բայց երբ պահանջեցին հարցումներով՝ շուզեց թաքցնել, մանավանդ որ դա անհրաժեշտ էր նկատվող տարակույսները փարատելու և թերահավատներին ոգի ներշնչելու համար:

— Բայց կա՞ երաշխիք, որ նա անվարան համակիր լինի մեր ձեռնարկության,— հետաքրքրվեց ծեր Վահեունին:

— Երաշխի՞ք,— բառը երկարաձգեց Նար իշխանը և զրույցանից հանեց քիչ առաջ սուրհանդակի բերած նամակը ու, բարձր բռնելով, ասաց,— Արժրունյաց տերը նույնպես հրավիրված էր, սակայն ժամանել չկարողացավ արգելադրած պատճառով և ահավասիկ գրել է իր գիրը համախոհության:

Ու այս բավական եղավ, իշխանները մեկեն ոգի առան և սկսեցին խոսել իրար հետեից՝ այժմ առավել վստահ, քան առաջ:

— Եթե Մերութանը համախոհ է... պարզ է...

— Հարկավ, Արծրունյաց տները ազդեցիկ է. ունի շատ ավելի մարդեր, քան ամենքս միասին:

— Նաև մեծ համարում Տիգրանում. վտանգի ժամին կանի անհրաժեշտը: Ուստի և կարելի է լինել վստահ...

Զրուցով տարված նախարարները չէին նկատել, որ մութն արդեն մտել է ներս և իրար լավ չեն տեսնում. այդ զգացի՜ն այնժամ, երբ սպասավորները բերին երկու վառած եռաստեղ աշտանակներ և դրին զրուցողների շրջանի մեջտեղը: Եվ լույսն աշխուժացրեց զրույցը:

Խոսում էին դարձյալ իրար ընդմիջելով, կարծես իրար սիրտ տալով, ու ոչ միայն խոսքով, այլև սրտով ուրախացան. որ Վասպուրականի մեծազդեցիկ տները իրենց հետ է. այդ պարագային կարող են արդեն թույլ չտալ Արշակ թագավորին՝ իր ցանկացածը կատարելու: Միայն Գաբեղենից Սահակն ուրախ չեղավ, որ գործն այդ ընթացքն ստացավ. այսուհետ ուրեմն կխանգարվի հանգիստ կյանքը և չեն կարող այլևս ուրախանալ անհոգ որսագնացություն և զվարճություններ կազմակերպելով... Որքան էլ անհաճո էր դա Սահակ իշխանին, բայց նա բարվոք համարեց լռել: Նրա կյանքի կանոնն էր. այնտեղ, ուր չես կարող համոզել խոսքով, լռիր խոհեմության ոսկով...

Սակայն նրա փոխարեն խոսեց ուրիշը:

Երբ ամենքը խանդավառ էին Մերութանի նամակի հայտնությամբ՝ Անգեղաց երիտասարդ իշխանը, որ նստած էր անկյունում մի բարձի և ոչ մի բառով չէր մասնակցում մեծերի զրույցին, հանկարծ խոսելու իրավունք խնդրեց.

— Խոսիր, իշխանիկ,— ասաց Կամսարականը սիրալիր:

— Ամենե՛ն առաջ, տեր Կամսարական, կցանկանայի, որ պարզես ինձ, թե ի՞նչ է արքայի նպատակը, երբ պահանջում է բերդեր, պահանջում է մարդեր իր բանակը զորացնելու և քաղաքը կառուցելու համար:

Կամսարականը քմծիծաղ նայեց նախ հյուրերին, ապա ներողամիտ ժպտով՝ երիտասարդ իշխանին: Սկսելով իր

խոսքը՝ նա համոզված էր, թե ամենքը լիովին կըմբռնեն իրեն, սակայն պարզվում էր ահա, որ իշխանիկը չէր ըմբռնել, ուստի երիտասարդի հարցումին պատասխանեց հարցով.

— Ինքդ, իշխանիկ, ի՞նչ նպատակ ես տեսնում թագավորի վարմունքների մեջ:

Երիտասարդը շառագունեց. թվաց հարցումն անսպասելի էր, և նա վարանեց. բայց փոքր հապաղումից հետո ասաց.

— Ես, տեր Կամսարական, իշխանաց ժողովում լինում եմ առաջին անգամ. սակայն թե՛ այստեղ, թե՛ դուրսը, լսելով արքայի մտադրությանց մասին, խորհում եմ, թե առավել բարվոք չէ՞ր լինի թագավորի դեմ միաբանելու փոխարեն միաբանենք թագավորի հետ, և այդպես կլինենք առավել ապահով, քանզի միաբանելով նորան՝ հնար կտանք արքային մեծ բանակ պահելու և թշնամիներին դիմագրավելու: Այդ պարագային, խորհում եմ, արքայի համար բնավ շահավետ չէր լինի կտրել իրեն օգնող ձեռքը, տկարացնել մեզ... Թվում է ինձ, որ արքայի նպատակը Հայոց Աշխարհի զորացումն է...

Այս անգամ Կամսարականը նայեց նրան հոնքերի տակից. երիտասարդի խոսքն այնքան անսպասելի և տհաճ էր նրան, որ մեկ կամեցավ կշտամբելով ընդհատել, բայց, իբրև հյուրընկալ, և թե նրա տրամադրությունը պարզելու համար, ջանաց լսել մինչև վերջը: Նա մինչև իսկ մտածեց, թե եկել է գուցե թագավորի բարեկամներից ներշնչված... Համենայն դեպս բարվոք համարեց լռել և լսել, իսկ երբ նա ավարտեց՝ շուգեց խիստ լինել, նկատեց միայն խրատական եղանակով.

— Երիտասարդդ ես, իշխանիկ, և տակավին անհաղորդ արքայի չար մտադրությանց: Ուստի և սխալվում ես, կարծելով, որ եթե միաբանենք և օգնենք թագավորին՝ նա կպաշտպանի մեզ: Բնավ: Նա առավել մեծ եռանդով կավերի մեզ և կդարձնի ամենքիս իր ծառաները և կհրամայի՝ ի՛նչ կամենա... Ո՛չ, իշխանիկ, հակառակը. մեր իրավունքները, մեր տիրույթներն ու ինչքը պաշտպանելու համար մենք պիտի միաբանենք Արշակ թագավորի դեմ, նրա հրամանների ու հրովարտականքի դեմ, որպեսզի շղառնանք կամավոր ստրուկներ: Թագավորը կամենում է սեփականել միայն մեր հո-

դերը, մեր բերդերը, մեր մարդերը, իսկ մեր կարիքը — .. զգում։ Նա խորհում է, իշխանիկ, թե որքան քիչ նախաբար՝ այնքան լավ. բյուրապատիկ լավ. վասնզի այդպիսով դյուրին կլինի իշխել և հրամայել...

Իշխանիկը ուշադիր լսում էր Նար իշխանին և սպասում, որ նա վերջացնի. թվում էր նորից խոսելու ցանկություն ունենալ — այնպես անհանգիստ էր. ուստի, երբ Կամսարականն ավարտեց իր ասելիքը, նա հարցրեց.

— Դու ասում ես, իշխան, թագավորը մեր կարիքը չի դա, բայց մի՞թե թագավորը կարիք չունի զորավարների, պաշտոնատարների... և մենք կլինենք ահա...

Կամսարականը քմծիծաղ ընդհատեց նրան, գլուխը տալու բերելով.

— Օ, երիտասարդ, երիտասարդ, որ անունդ է անփորձություն, — ասաց նա մեղմաձայն — Եվ մի՞թե փրոք հաճո կլինի քեզ, իշխանիկ, կորցնել կյանքդ անկախ և դառնալ թագավորի սոսկ ծառա, թեկուզ զորավարի պաշտոնով։ Եվ, վերջապես, Արշակն ունի իր սիրած նախարարները՝ Մամիկոնյանք, Գնունիք, Բագրատունիք և այլք։ Նոցա է տալիս Արշակը թե՛ պալատական և թե՛ զորական պաշտոնները, իսկ քեզ, իշխանիկ սիրելի, նա չի տա և ոչինչ։ Իմ տոհմը ահավասիկ, որ Գահնամակում գրավում է տասներկուերորդ տեղը, Արշակը անտեսում է ինձ։ Արքային հարկավոր են միայն շողոքորթներ։

— Ճշմարիտ է, տեր Կամսարական, ճշմարիտ է, — հավանություն տվեցին ծեր վահանունին և Դավիթ Համունին միասին, ակնհայտ ընդգծելով իրենց դժգոհությունը երիտասարդից։ Նույնպիսի դժկամություն երևում էր և մյուս նախարարների դեմքին, բացի Սահակ իշխանից, որը յուրաքանչյուր խիստ ելույթից հետո մտածում էր, թե արդյոք լավ չէ՞ր լինի թագավորի պահանջը կատարելն — տալին նրան քաղաքի շինության համար մարդիկ և ապրելի հանգիստ։ Բայց իր մըտքերը չէր ուզում հայտնել՝ հակաճառություն լսելու անախորժությունից խուսափելու համար։ Մինչդեռ Անգեղա իշխանիկը չկամեցավ տեղի տալ. չգիտես հակառակելու ավյո՞ւնը, թե իր համոզումը հայտնելու ցանկությունը՝ դրդում էին նրան խոսել։

— Ես այնուամենայնիվ, տեր Կամսարական,— նորից խոսելու իրավունք խնդրեց նա,— երկար խորհելով խորհում եմ, որ մենք՝ ամենքս չենք կորցնի ոչինչ, եթե հակառակ շգնանք արքայի կամքին, հետևաբար և, նա չի խի մեր ինչքն ու իրավունքը: Հակառակ դեպքում՝ այո...

— Իշխանիկ սիրելի, դու, իբրև պատանյակ, տակավին հասու չես, թե որրա՛ն սնափառ են արքայները: Միահեծան լինելու համար, իրենց մտադրությունը իրագործելու համար նոքա սպանում են անգամ իրենց իսկ հարազատին, ինչպես և վարվեց Արշակը իր եղբորորդի Գնեկի հետ:

— Սակայն դա թյուրիմացություն է, իշխան: Ասում են, որ դավը նյութել էր արքայազն Տիրիթը:

— Իսկ թագուհու թունավորումը նույնպես Տիրիթն էր դավել, — զայրացած կռնչաց ծեր Վահևունին՝ նստած տեղից բարձրացնելով իր ոսկորոտ ձեռքը, որի մատները նման էին թռչնի վեր պարզած մադիլներին:

Երիտասարդ իշխանը տարակուսով նայեց բարկացած ծերունուն:

— Որքա՞ն ճշմարիտ է, որ արքան է թունավորել:

Ավագ Համունին վշտացած գլուխն օրորեց իր բարձին նստած:

— Մի՞թե հայտնի չէ քեզ, իշխանիկ, որ Արշակը Փառան-ձեմին սեփականելու համար սպանեց արքայազն Գնեկին և ապա մահադեղ տվեց իր Օլիմպիային,— ասաց Համունին գրեթե զայրացած:— Այնուհետև. Գնեկից հետո սպանեց Տիրիթին, որ մեղքը դնի նորա վրա և թաքցնի հետքը իր արաչի:

— Սպանեց նաև Վարդ Մամիկոնյանին, որ չխոսի իր հանցավոր սիրո գաղտնիքներից,— նկատեց Բասենի Մանեճը թանձրաշունչ հեքով:

— Ոճրածին մարդ և ո՛չ թագավոր,— բացականչեց Վահևունին:

Ուրիշ երկուսը ձայնակցեցին նրան:

Ու մի քանի վայրկյան նրանք, իրար ընդմիջելով, խոսեցին բարկացած: Իշխանիկը նրանց լսում էր շառագունած. նա լսել էր, որ այդ ամենը զրպարտություն է՝ թագավորի թշնա-

Մինեքից հորինված, բայց չէր կամենում խոսել այդ մասին՝ նախարարներին չգրգռելու համար։ Այլ միայն նկատեց.

— Բայց որքա՞ն ճշմարիտ է այդ ամենը։

Կամսարականը նորից տարուբերեց գլուխը.

— Ախ, երիտասարդություն, երիտասարդություն. միշտ դյուրահավատ և լավատես։ Երբ քո տարիքին էի, իշխանիկ, ես նույնպես կարծում էի, թե թագավորները սուրբ են. բայց տարիքիս հետ համոզվեցի, և բազում փաստերով, որ արքաները ոչ միայն սուրբ չեն, այլ ոճրագործ են հաճախ։ Կարող են նոքա ամենքիս զոհել իրենց իշխանության ու փառքի համար, առավել ևս՝ Արշակը։

— Բայց, տեր Կամսարական,— չհամբերեց իշխանիկը,— չէ՞ որ թագավորը ցանկանում է հզորացնել մեր աշխարհը, որպեսզի ամենքս ասլրենք ապահով։ Նա ջանում է ամրացնել սահմանները, զորացնել բանակը։

— Այդ անում է, իշխանիկ, ի՞ր՞ իշխանության համար,— ասաց Կամսարականը բեղերը կրծելով, ինչ անում էր նա հուզված պահերին,— անում է ի՞ր փառքի համար և մեզ ամենիս ի՞ր ստրուկը դարձնելու համար։ Միայն ի՞ր համար, բայց ոչ երբեք մեզ համար։ Այդ Արշակավանը մի խաբեություն է։ Դա կառուցում է մեզ կողոպտելու համար։

Անգեղա երիտասարդ տերը նորից շառագունեց.

— Իսկ քաղաքը, տեր Կամսարական, մի՞թե քաղաքը ևս կառուցում է իր համար։ Չէ՞ ամենքը կարող են ասլրել այնտեղ։

Հյուրերը, որ մինչև այդ վրդով զարմանքով էին նայում երիտասարդին և ակներև համակիր չէին նրան, իշխանիկի վերջին խոսքի վրա դարձյալ միջամտեցին խոսակցության, առանձնապես ավագ Համունին և ժեռ Վահեունին։ Առաջինը նկատեց, որ կառուցվող քաղաքը բացարձակ վնասում է իրենց, որ Արշակը սուտ խոստումներով տանում է իրենց ծառաներին, ապա մեղմաբար կշտամբեց երիտասարդին, որ նրա հանգուցյալ հայրը քաջ ըմբռնում էր արքայի ձգտումները և լիովին համամիտ էր իրենց, սակայն ինչու՞ն ինքը խորհում է ներհակ... Իսկ ժեռ Վահեունին, իրեն ղսպնելով, հարցում արավ միայն.

— Այժմ, իշխանիկ, եթե թագավորը քեզնից պահանջի կարգից դուրս մարդեր, ծառաներ՝ չե՞ս մերժի:

— Բնավ, եթե մեր ապահովության, Հայոց Աշխարհի ապահովության համար է, տեր Վահեունի: Ես արդեն իսկ տվել եմ հիսուն մարդ...

Լոռւթյուն իջավ, որ տեեց մի քանի րոպե, երիտասարդի կողքին նստող Բասենի տեր Մանեհը ծանրաշունչ հնքով ելավ տեղից և, ճակատը սրբելով, նստեց հեռու մի բարձի: Նույնպես վարվեց և կրտսեր Համունին, որ լսում էր միայն և ոչ մի բառով չէր միջամտում զրույցին: Իշխանիկը մնաց մենակ և առանձնացած և այնուհետև ամենքը կարծես խուսափում էին նրան նայելուց: Խ՛նչ անձնապաստա՛ն և հանդուգն երիտասարդ,— ասես խորհում էր յուրաքանչյուրը, իսկ Կամսարականը մտածում էր, թե ով է արդյոք երիտասարդին ներշնչել այդ մտքերը, և իշխանիկի ներկայությունը նրան թվաց վտանգավոր... Խ՛նչ պետք էր անել. հակաճառե՞լ նրան, թե արհամարհել նրա մտքերը: Հակաճառելով, միևնույն է, չէր կարելի խելամիտ դարձնել նրան, արհամարհել՝ նույնպես չէր կարելի: Եվ Կամսարականը բարվոք համարեց հայտարարել:

— Այսքանս բավ համարենք, տիարք, և ավարտենք, մա՛նեւվանդ գիշեր է արդեն:

— Եղմարիտ է, տեր Կամսարական, ուշ է իրոք, բայց պետք է գանք մի համախոհության,— խոսեց Վանանդի տեր Զաքարին, որ մինչ այդ լուռ էր:— Ես հարկ չեմ տեսնում առայժմ դիմել ծայրահեղությանց. բարվոք է խոսել ներսես քահանայապետի հետ. թող նա լինի միջնորդ և պարզի թագավորին, թե իր քամահրող և թշնամական վերաբերումը առ մեզ կունենա ծանր հետևանքներ, եթե շարունակվի հարկավ...

— Ես համամիտ եմ Վանանդի տիրոջը,— ասաց Բասենի Մանեհը:— Վաղածամ է խոսել ապստամբության մասին. մանավանդ անպատրաստ ենք, և ոչ բոլոր նախարարներն են այստեղ: Հարկ է, որ նախ քահանայապետը համոզի արքային, որպեսզի նա խաղաղությամբ ետ առնի իր հրովարտակը: Եթե թագավորը չհոժարի, այնժամ մենք ազատ ենք պաշտպանել մեր իրավունքը:

— Սակայն քահանայապետը հանձն կառնի՞ խոսել արքայի հետ, — կասկած հայտնեց վահեունին։ — Զէ՞որ նա, որքան իրազեկ եմ, չի գնում արքունիք։

— Այո, ճշմարիտ է, տեր վահեունի, — ասաց Կամսարա-կանը։ — Վեհը վշտացած է Արշակից, որ նա կեռության է առել իր եղբորորդու՝ արքայազն Գնեղի կնոջը, սակայն նա է Հայոց Աշխարհի վեհագույն դատավորը։ Ուստի պարտավոր է... Եթե անհրաժեշտ է խոսել արքայի հետ, այդ միայն նա կարող է անել։

— Թող լինի այդպես, լինի այդպես, — կրկնեցին մի քանի ձայներ։ — Դիմենք Ներսեսին. եթե հրաժարի՝ այնժամ կխորհենք մեր անելիքը։

Երբ մեծ մասը հավանեց այդ առաջարկը, խնդրեցին, որ Նար իշխանն ինքը խոսի վեհի հետ, և որքան շուտ՝ այնքան լավ։

— Բարի, — համաձայնեց Կամսարականը, — Փորձենք և այդ...

Երբ իշխանները միմյանց «գիշեր բարի» մաղթելով գնացին իրենց հյուրասրահները հանգիստ առնելու, Համունի ավագը բռնեց Կամսարականի թևը և շշնջաց.

— Այդ Անգեղա իշխանիկը չի՞ վնասի մեզ... եթե հեռանա։

— Կխորհենք անհրաժեշտը, — հոնքերն իրար բերեց Նար իշխանը։

Մի քանի ժամ հետո, երբ հյուրերին հրավիրեցին ընթրիքի, և ամենքը նորից գնացին նույն ճաշասրահը, Անգեղաց իշխանիկը մտավ Կամսարականի առանձնարանը և հայտնեց, թե ինքը կամենում է մեկնել իր ոստանը, եկել է հրաժեշտ առնելու... Բայց տանտեղը բռնեց նրա ձեռքը և՝

— Ոչ, իշխանիկ, — ասաց, — ես քեզ թույլ չեմ տա մեկնել այս տարածամիտ, թեկուզե քաջ թիկնապահներով։ Մի-րում եմ, որ հյուրերս գիշերեն իմ հարկի տակ և մեկնեն լույսով։

Հնար չկար հրաժարվելու։ Որքան էլ տհաճ էր այդ իշխանիկի համար, այնուամենայնիվ նա հարկադրվեց ընթրել ամենքի հետ՝ առանց մի բառ փոխանակելու. և այդպես էլ

անխոս, ընթրիքից հետո գնաց քնելու։ Բայց ննջել չկարողացավ իսպառ, հիշելով, թե ինչպես ընդունվեց իր հակառակությունը և ինչպես ամենքը հոնքերի տակից էին նայում իրեն...

ԳՆՈՒՆ ԵՐՐՈՐԴ

Այդ գիշեր քնել չկարողացավ նաև իշխան Կամսարականը. նա շարունակ մտածում էր Անգեղաց իշխանիկի մասին, նրա խոսքերի մասին. որտեղի՞ց էին երիտասարդին այդ մտքերը. մի՞թե նրա մարդիկ չեն փախչում Արշակի նոր քաղաքը, թե՞ չի ըմբռնում թագավորի հրովարտակի աղետավոր հետևանքը... Եվ արդյոք ճիշտ են նրա խոսքերը, թե ինքնակամ ծառաներ է ուղարկել այդ քաղաքում աշխատելու... Ի՞նչ էր նշանակում այդ... Մի՞թե կան նախարարներ, որ այդպես են մտածում...

Դառնացած խորհում էր Կամսարականը և չէր կարողանում քնել. նրան զայրացնում էին անտարբեր նախարարները, որ քիչ էին հուզվում թագավորի արարքներից։ Ինչ վերաբերում է իրեն՝ Կամսարականին, նա ամենը շատաց ժողովում, անչափ հուզված էր թագավորի հրովարտակից։ Բավական չլրանցածը, Արշակ թագավորը նորից արտոնություն խոստումներով մարդիկ էր գրավում դեպի իր քաղաքը, ի՞նչ էր կամենում այդ անհանգիստ մարդը. ինչո՞ւ էր արհամարհում նախարարներին և նրանց սեփականությունը... Վաղուց նա իշխանին տհաճ էր, որ Արշակ թագավորը արքունիքում բարձր դիրք ու պաշտոններ էր տալիս Մամիկոնյաններին, Գնունիներին և մյուս, անգամ երկրորդական նախարարներին— իրեն՝ ոչ... Ընդհանրապես Արշակի վերաբերումը, պահանջներն ու հրովարտակները տհաճ էին Կամսարականին։ Ավելին. նրան թվում էր, թե դա ուղղված է հատկապես իր դեմ, իր համախոհների դեմ... Թե ի՞նչ էր Արշակ թագավորի բուն նպատակը՝ Կամսարականը չէր կարողանում հասու լինել, բայց ենթադրում էր, որ ամենն արվում է չար դիտավորությամբ, իրեն և իր բարեկամներին վնասելու համար... Թագավորի վերջին հրովարտակը նրան թվում էր ավելի գայթակրող, քան նախորդները... և դա հաստատվեց տխուր փաս-

տերով... Նար իշխանը, թագավորի հրովարտակի տոթիւ, մի տասն օր առաջ կանչեց Արշարունիքի և Սուրմարիի իր վերակացուներին և հարցրեց, թե կարո՞ղ են ասել՝ իր ծառաներից (շինական թե ռամիկ) քանի՞սն են հեռացել կամ փախել թագավորի խոստումներով հրապուրված: Թեպետև լսել էր, որ եղել են փախչողներ մյուս նախարարների կալվածներից, բայց երբ իմացավ, որ իր ծառաներից հեռացել են մոտ երկու հարյուր հոգի, նա ոտքը զարկեց հատակին և պոռաց.

— Եվ դուք թույլատո՞ւ եղաք... անզգամներ...

Վերակացուները գունատվեցին և միայն կարողացան ասել.

— Նրանք, տեր, փախել են գաղտագողի:

Իշխանը նայեց նրանց խստահայաց, նայեց ոտից գլուխ և գոռաց.

— Դո՛ւրս, ապիկարներ...

Վերակացուները ոչ թե դուրս ելան, այլ երկուսը միասին մեկեն ծունկի եկան իշխանի առնչ: Բայց կամսարակաւնը այս անգամ ոչ թե խոսեց նրանց հետ, այլ յուրաքանչյուրին մի աքացի տալով՝ ինքը դուրս եկավ սրահից, հրամայելով.

— Ամենը կհանձնեք նոր վերակացուի... Դուք այլևս չի՛ք:

Նոր նշանակված վերակացուները նույնպես չկարողացան անել այն, ինչ ցանկանում էր իշխանը. նա լուրեր էր առնում դարձյալ, թե շինականները նորից լքում են իր կալվածները և խմբերով անցնում Կոզովիտ՝ Արշակի նոր քաղաքը կամ Աւլանը, ինչպես կոչում էին ումանք:

Նկատ առնելով այս ամենը՝ իշխանը հատուկ սուրհանդակների միջոցով իր ամրոցն էր հրավիրել համախոհ նախարարներին՝ թագավորի վերջին հրովարտակի վրա խորհելու և դիտավորյալ չէր հայտնել հրավիրելու նպատակը, որովհետև կամենում էր նախ իմանալ, թե ի՞նչ է կատարվում նրանց կալվածներում, ի՞նչ են խորհում նրանք, ասլա, թե ի՞նչ կարելի է նախաձեռնել թագավորի դեմ... Եվ այժմ ահա պարզվեց, որ ամենի կալվածից էլ շինականներ են փախչում այդ «անիծյալ քաղաքը», ու բոլորը դժգոհ են թագավորից, բայց Անդեղա իշխանիկը...

Ա՛հ, այդ իշխանիկը...

Երկար խորհելով՝ Նար իշխանը գտնում էր, որ երբեք

աւարդի մտքերը ոչ միայն տհաւ են, այլի վտանգավոր. ուստի և զղջում էր, որ հրավիրել էր նրան.. Բայց միևնույն ժամանակ արդարացնում էր իրեն, թե, անժանոթ լինելով նրան, առաջուց չէր կարող իմանալ, որ նա օտարոտի մտքերի տեր է և ոչ մի բանով չի հիշեցնում հորը՝ հանդուցյալ Արտեմիին, որը չէր համարում Արշակին:

Մտածում էր իշխանը դառնացած և շուտ-շուտ կրկնում.

— Վիժժով և ոչ թե իշխան:

Մյուս կողմից Կամսարականին անհանգստացնում էր մի տաղանապալի միտք, թե ի՞նչ աղետավոր բան կլինի, եթե այդ իշխանիկը իրենց՝ համախոհ նախարարների, այս հանդիպումն ու դրույցը հասցնի թագավորին: Եվ դա նրան թվում էր ո՛չ անհավանական և ո՛չ անսպասելի. չէ՞ որ երիտասարդները միշտ երազում են ունենալ և՛ դիրք, և՛ անուն, և խտիր չեն դնում միջոցների մեջ դրանց հասնելու: Այս իշխանիկն էլ ահա, մտածում էր Նար իշխանը, կցանկանա հաճոյանալ Արշակին՝ նրա արքունիքում կամ բանակում պաշտոն ունենալու համար... Եվ նա կանի ամեն բան, եթե չկանխես... Ո՛չ, չուտք է թույլ տալ այդ: Երե՛ք...

Բավական միջոց խորհելուց հետո Նար իշխանը քնեց վերջապես և առավոտը արթնացավ սովորականից շուտ, որ հյուրերի հետ լինի... և հազիվ հագնվել էր՝ հայտնեցին, թե Անդեղացի իշխանիկը նրա տեսութլունն է խնդրում:

— Հրավիրի՛ր. — կարգադրեց նա սենեկասլետին, կանգնելով սենյակի մեջտեղը՝ մոայլ դեմքին մեղմ արտահայտութլուն տված:

Ներս մտավ իշխանիկը ճանապարհորդական թիկնոցով, թուրը մեջքին կապած:

— Ներիր, տեր իշխան, անժամանակ այցս, — ասաց նա շառագունելով: — Եկա մեկնելուց առաջ հրաժեշտ առնելու:

Կամսարականը, իր պինդ ձեռքով նրա աչք բռնելով բարեմաղթեց, որ նա հոր նման խիզախ լինի, որ շողանա հարևանութլունը, և լինի հավատարիմ, ինչպես հավատարիմ էր հանդուցյալ հայրը, և շուտ-շուտ այցելի իրեն: Ապա հայտնեց, թե ինքը կտա ապահով ուղեկիցներ, չի թողնի մնակ մեկնելու: Երիտասարդը փորձեց հրաժարվել, ասելով, թե ինքը թիկնապահներ ունի և թե իր կալվածը շատ հեռու չէ:

— Ոչ, ոչ, իշխանիկ: Հյուրասիրության կարգը պահանջում է, որ թիկնապահներս ճանապարհեն իմ հյուրին:

— Շնորհակալություն, իշխան. դուք շատ բարի եք: Սակայն ճանապարհս ապահով է և ըստ ամենայնի անվտանգ:

— Ոչ, իշխանիկ, հյուրերիս ճանապարհում են իմ թիկնապահները:

Եվ երբ երիտասարդը, հրաժեշտ առնելով, դուրս գնաց, Կամսարականը թիկնապահներից երկուսին կանչեց իր առանձնարանը և կարգադրեց, որ Անգեղաց իշխանիկին ուղեկցեն մինչև նրա կալվածի սահմանը... ապա՝ ինչ-որ շնչաց:

— Հրամանքդ, տեր,— և թիկնապահները՝ երկու թիկնեղ երիտասարդ, թափով գլուխ իջեցնելով, դուրս եկան Անգեղաց տան ժառանգին, տիրոջ պատվերի համաձայն, ուղեկցելու:

Այդ և հետևյալ օրը մեկնեցին նաև մյուս հյուրերը:

Սովորաբար նախարար կամ սեպուհ հյուրերը Կամսարականի ապարանքում մնում էին մի քանի օր, որովհետև տանտերը չէր թողնում՝ հյուրասիրության կարգը լրիվ չկատարած. բայց այս անգամ հանգամանքներն այլ էին. հյուրերը պետք է մեկնեին, և շտապ, քանի որ ոչ միայն ծառաները, այլև երբեմն շինականներն ու ռամիկները լքում էին իրենց բնակավայրը և փախչում Արշակի ավանը, ուստի պետք էր գնալ որքան կարելի է շուտ և հսկողություն սահմանել՝ խափանելու ամեն տեսակ փախուստ ու խմորում, մինչև որ քահանայապետը կխոսեր արքայի հետ և կհամոզեր վերացել գաթակղիչ հրովարտակր: Նախաճաշելով հետզհետե մեկնեցին Վանանդի իշխան Զաքարեն և Գաբեղենից տեր Սահակը իրենց թիկնապահներով, երկուսը միասին, որովհետև սրանց ճանապարհը նորից պիտի անցներ Երասխաձորով: Մյուսները գնացին այլ ճանապարհներով. Պապակ Պալունին և Վահուտին իրենց սեպուհներով ճանապարհ ընկան Կեսօրին, Բասենի Մանեհը և Վարձա Ապահունին՝ փոքր հետո: Իսկ ամենից վերջը մեկնեցին Համունի եղբայրները՝ Դավիթ և Դանիել իշխանները:

Սկզբում Կամսարականը սրանց, որպես մերձավորների, ճանապարհ դրեց մինչև պարսպադուռը: Ու հենց այդտեղ էլ կանգնեցրեց քեռայրին և ասաց.

— Ես, Դավիթ, կցանկանայի՜, որ դու նս ընկերաճառս ինձ՝ Վեհի մօտ գնալու: Չէի ցանկա լինել մեռնակ: Գնանք միասին:

— Սիրով:

— Գնա ուրեմն և կարգի դիր գործերդ. մանավանդ սահմանիր խիտո հսկողություն, որպեսզի չլինի նոր փախչող: Իսկ ես կգամ երեք օրից, և կճանապարհվենք:

— Բարի: Իմ միակ հոգսը նույնպես այն է, որ հավատարիմ մարդերից խստագույն հսկողություն կարգեմ, որպեսզի այսուհետև մեկը չկարենա փախչել: Իսկ եթե նկատեն փախչող մեկին՝ գանահարեն այնպես, որ յուրաքանչյուր ծառա սարսափի փախուստի մտքից:

— Իրավացի ես,— գլխի ծանր շարժումով հավանություն տվեց Կամսարականը:— Պետք է ահ ազդել, որ չհամարձակվեն... Պարտ է այնպես անել, որ մինչև մեր վերադարձը չլինի և ոչ մի փախուստ:

— Լիահույս եմ և վստահ,— ասաց Համունի Դավիթը:— Երեք օրից կսպասեմ քեզ:

— Այո, երեք օրից:

— Բարի է, նար իշխան,— և ավագ Համունին, հեծնելով նժույզը, կռացավ և նորից խոսեց կիսաձայն.— սակայն ինձ և ամենքիս մտահոգում է Անդեղաց իշխանիկը: Գնա հանկարծ և...

— Եղիր անհոգ: Նա կդառնա անվտանգ,— Կամսարականը հանգստացնող մի շարժում արավ, որից Համունին թեև չհասկացավ ոչինչ, բայց գլխով արավ:

— Խաղաղություն,— ասաց Դավիթը որպես հրաժեշտի խոսք և մտրակը բարձրացրեց, որից նրա կարմիր նժույզը վեր առավ առաջին ոտները և մեկնեց պարսպադռնից սուրաց դուրս: Նրան հետևեցին Դանիել եղբայրը և տիգավոր շորս թիկնադահները՝ սկզբում միատեսակ քայլքով, ապա ավելի ու ավելի արագընթաց: Ու մի վայրկյան հետո, Ախուրյանի խախտված կամուրջն անցնելով, բռնեցին իրենց տիրույթի ճանապարհը:

Մի ժամի չափ նրանք գնում էին՝ ավագ եղբայրն առաջ բնված, կրտսերը նրա հետևից, իսկ թիկնապահները բավա-

(5)

կան ետ: 'Հետո եղբայրները հավասարվեցին, ավելի ճիշտ՝ մեծը ձին կանգնեցրեց, որ կրտսերը մոտենա, և սկսեցին զրուցել:

— Ինձ այնպես է թվում,— սկսեց ավագը,— թե այդ Անգեղա իշխանիկը վնասելու է մեզ և մեր գործը: Վատ մի նախազգացում է ծանրացած սրտիս: Ինչպե՞ս է զգուշավոր նար իշխանը հրավիրել այդ անփորձ պատանուն, առանց նրա մտքերը ստուգելու:

— Իսկ ի՞նչ կարող է անել այդ իշխանիկը,— հարցրեց կրտսերը:

— Ամեն ինչ: Բավական է մեր խորհրդածողովի: Խոսքերը հասցնի արքունիք, և Արշակը դաժան դատաւտան կտեսնի... Ավա՜ղ, երիցս ավաղ... Նար իշխանը, որ զգույշ է Ֆիշտ, այս անգամ գործեց մեծ սխալ, հրավիրելով խնկմիտ մեկին, որ հանդգնեց ներհակել մեզ, չհամաձայնել մեզ: Ըշմարիտ է ասում Նար իշխանը. վիժո՛ւկ և ոչ թե իշխան:

— Մոռացիր, եղբայր իմ, և վանիր մտքերդ տխուր,— ասաց կրտսերը:— Լավագույնս է՝ ինքներս միջոցներ խորհենք, որ մեր դրան մարդիկ և շինականները չփախնեն...

Խոսելով հասան մի ճամփաբաժանի: Ուր մի փոքր արահետ թնջում-մտնում էր անտառ: Ավագ եղբայրը ձին լեռքեց դեպի այդ արահետը: Զարմանալի սովորություն ուներ Գավթ իշխանը. տուն դառնալիս, որտեղից էլ լիներ, միշտ շտապում էր և սիրում էր վերադառնալ կարճ ճանապարհով. այս անգամ էլ ընտրեց անտառի արահետը: Սկզբում եղբայրներն իրենց նժույգները վարում էին իրար կողքի, հանդուրտ քայլքով. ու երկու ժամից ավելի գնում էին զրուցելով: Հետո, երբ մտան անտառ, ճանապարհը նեղացավ, դարձավ շավիղ: Եվ նրանք ստիպվեցին, այդ շավիղը բռնած, գնալ նորից իրար հետևից: Իսկ շավիղը մերթ նեղանում էր, մերթ լայնանում... Ծառերի արանքով գնալով՝ նա կամ դուրս էր դալիս մի փոքրիկ արևոդող բացատ, կամ սեղմվում էր թփերով ու ծառերով, և այդ ժամանակ ծառերի ճղները դիպչում էին հեծվորների գլխին, ուսերին, ու անտառի համատարած լուսթյան մեջ լսվում էին միայն նրանց նժույգների փափուկ ոտնատրոփը ու դրանց արձագանքը հեռվում:

Օրը պարզ էր. ամպի կտոր անգամ չէր երևում երկնքում:

հետճաշյա արևը շոալորեն ոսկեվորել էր ծառերի կատարները, բացատների թփերն ալ կանաչը. և չգիտես դրանի՞ց էր արդյոք, գարնան նորաբաց տերևների՞ց, թե ծաղիկներից՝ անտառը լցված էր բուրմունքներով, որ հաճելիորեն ուռցնում էր մարդու կուրծքը և թեթևացնում շնչառությանը: Հեծվորներն այժմ գնում էին անխոս, ասես այդ բուրմունքով հարբած. ձիերն անգամ փնչացնում էին հաճույքով և քայլում թարմացած:

Մի տեղ, երբ արահետը ծառերի արանքից անսպասելի դուրս եկավ մի փոքր, երեք նիզակաչափ բացատ՝ առջևից գնացող Դավիթ Համունու նժույգը վրնջաց հանկարծ: Իշխանը, փորձով իմանալով, որ ձին վրնջում է մի բան զգալիս կամ նկատելիս, շուրջը նայեց՝ տեսնելու ինչ կա: Ու նայելով առաջ՝ տեսավ շինական մի կին ու մի մարդ, որ ինչ-որ կապոցներ շալակած գնում էին մի փոքրիկ տղայի հետ, որը քայլում էր նրանց առջևից: Այդ նկատելով՝ Դավիթ իշխանը ձին խթանեց ինքնաբեր և առաջ անցավ: Նրան հետևեց եղբայրը:

Ձիերի ոտնաձայնից շինականն ու կինը կանգ առան և ետ նայեցին վախեցած, ապա գրեթե ցատկելով հեռացան շավղից, որ ճանապարհ տան ձիավորներին:

— Այս առա՞ջ բարի,— մոտենալով և նժույգը կանգնեցնելով՝ հեզնոտ ասաց ավագ Համունին, միաժամանակ ուշադիր դնելով նրանց:

Շինականները, անակնկալի՞ց թե՛ ամաչելուց, չկարողացան իսկույն պատասխանել. առաջինը կիսն սթափվեց և ասաց.

— Ուխտի, տեր, ուխտի կերթանք...

Համունին նորից զննաբար նայեց նրանց ոտից գլուխ, նայեց նրանց շալակի կապոցներին և հարցրեց դարձյալ հեզնոտ.

— Ուխտի... Բայց ինչո՞ւ հին հագուստների կապոցով: Այս անգամ պատասխանեց շինականն ինքը.

— Ծանապարհին, գիշերը հագնելու համար,— ասաց նա խեղճ, բառերը հատ-հատ արտաբերելով:

— Այդպե՞ս,— երկարեց Համունին մտածումների մեջ.— Իսկ ո՞վ է քո տերը:

— Իշխան Կամսարականը:

— Իշխան Կամսարականը,— նորից բառերը ձգեց նա:— Ինչպես տեսնում եմ՝ դու ճշմարիտ չես խոսում, մա՛րդ:

— Ինչո՞ւ, տեր: Ընտանիքով կերթամ Վարդիկ-Հայր՝ ուխտի:

Այս անգամ Համունին նշանակալից նայեց կրտսեր եղբորը և գլուխն օրորեց:

— Ոչ, մարդ, դու ճշմարիտ չես խոսում,— ասաց նա դիտավորյալ մեղմ և կարծես անտարբեր:— Ծա գիտեմ՝ դու գնում ես Արշակավան: Եթե այդպես է՝ կարող ես գնալ. այնտեղ կյանքը դուրին է, գիտեմ:

Շինականի և նրա կնոջ սառած, մաշված դեմքերին գոհունակություն երևաց: Եվ մարդն ասաց ներողամտություն հայցող ձայնով.

— Այո, տեր, կուզեմ գնամ...

Համունու դեմքը մթնեց մեկեն:

— Կուզես գնա՞ս... Ստամբա՛կ:— պոռաց նա անսպասելի և մտրակը բարձրացրեց:— Վերադարձիր անմիջապես քո շենը, սինըո՛ւր:

Շինականը բեռը գցեց գետին և ծունկի եկավ, իսկ նրա կինը վախից բռնեց տղայի ձեռը և շալակի կապոցով նստեց կանաչների վրա:

— Ներիր, տեր, զթա և մի դարձուր... Երկու օր ճանապարհ ենք կտրել...

Մինչ այդ մոտեցան թիկնապահները և ձիերը կանգնեցրին հետաքրքրված:

— Փախչում է Արշակավան և սառում է, թե գնում է Վարդիկ-Հայր՝ ուխտի...

Համունին այս խոսքերն ասում էր կարծես նրա համար, որ թիկնապահները նույնպես իմանան, թե ինչ մարդ է շինականը: Ու այդ ասելով՝ նա մտրակը իջեցրեց ծունկի եկած շինականի թիկունքին:— Ե՛լ և իսկույն դարձիր քո շենը, ապառը, ինքս կտեսնեմ քո դատաստանը:

— Ներիր, ողորմիր, տեր,— խնդրեց շինականը առանց տեղից ելնելու:

— «Ողորմի՛ր»,— հեզնեց իշխանը:— Դուք արժանի չեք

բնավ ողորմության, երբ փախլում եք այդպես... Ձեզ պետք է պատժել ոչ միայն մտրակով, այլ մահով անխնա:

— Տեր իմ,— ճշաց հանկարծ շինականի կիներ և, շալակի կապոցը թողնելով, շոքեշոք սողաց դեպի իշխանը:— Գթա՛:

— Ձայնդ, անառակ,— և իշխանը մտրակը օդի մեջ շրջակացնելով, դարձավ թիկնապահներից երկուսին:— Սեթ, և դու՝ Հաբեթ, այս ապիրատին ու իր կնոջը,— նա մտրակը մեկնեց դեպի ամուսինները, — տարեք և հանձնեք իշխան Կամսարականին, նաև ասացեք, որ կալանել եմ ես... Տարե՛ք, երբ չի կամենում վերադառնալ ինքը:

Այս լսելով՝ շինականը վեր թռավ տեղից:

— Ների՛ր, տեր, կերթամ ինքս,— և նա ետ գնալու քաջ արավ ինքնաբեր:

Բայց իշխանը չլսեց նրան և կրկին հրամայեց, որ թիկնապահները կատարեն իր կարգադրությունը, և նրանք, կապոցներն ամուսինների շալակը տալով, տարան նրանց ետ՝ եկած ճանապարհով: Կինը և փոքրիկ տղան, որոնց աչքերում մահու սարսափ կար, լալիս էին. իսկ մարդը, չկարողանալով մի խոսք ասել, տնքում էր զուսպ և գդակով սրբում ճակատի, երեսի բրտիքը:

Երբ մի քանի քայլ հեռացան նրանք՝ Դավիթ իշխանը, նորից «սինթորներ» բացականչելով՝ հայհոյեց և աղմուկով թթեց նրանց հետևից, որից հետո եղբայրները շարունակեցին ճանապարհը մյուս երկու թիկնապահի ուղեկցությամբ: Չնայած բարկացած՝ նրանք այնուամենայնիվ գոհ էին, որ առաջին իսկ օրը հաջողվեց ի կատար ածել խորհրդածողովի պատվերը՝ հսկել, որ ծառաները չփախչեն:

— Հուսամ, որ Նար իշխանը դժգոհ չի մնա մեզնից,— խոսեց Համունի կբտսերը առժամ լուսթյունից հետո, երբ նորից մտել էին սնտառը և բռնել նույն արահետը, որին այժմ հովանավորում էին բարձր, թանձրատեղև ծառեր:

Երիտասարդ Համունին խոսում էր մի եղանակով, որ ասես նստատակ ուներ հուղված եղբորը հանգստացնելու:

Բայց ավագ Համունին դեռ տարացած էր: Ավելին. նա բորբորված էր:

— Իշխանածողովում այնքան խոսեցինք փախուստների մասին, որ ես այժմ թիկնապահներիս անգամ չեմ հավա-

տում,— ասաց նա մոռալաժի.— Կտանե՞ն արդյոք Կամսարու-
կանի ապարանքը, թե իրենք ևս կփախչեն դոցա հետ միասին։

— Իրավացի ես, իշխան եղբայր,— նորից հանգստացնող
եղանակով խոսեց Դանիել իշխանը։— Սուտը և խարդավան-
քը բույն է դրել ամենքի մեջ. վստահել դժվարին է իրոք։ Նրբ
արքան ինքը իրավունք է տալիս ծառաներին՝ դառնալ տիրա-
դրուժ, չի մնում այլևս ոչ մի հավատ։ Սակայն քո կասկածը,
եղբայր իմ, իզուր է մեր թեկնապահների մասին։ Նոքա,
վստահ եմ, չեն փախչի։ Զէ՞ որ նոցա վիճակը բարվոք է։

Ավագ Համունին միառժամ լուռ էր. հետո շարունակեց
ավելի դառնացած.

— Արքա՞ն... նորից մի բոբբոբի ինձ։ Արքա, որ գողա-
նում է իր նախարարների ծառաներին...— Նա տնքաց։—
Արքա՞, որ ոչ միայն սնափառ է, այլև անբարո... Վա՛յ մեզ,
եթե մի փրկություն չլինի, եթե մի մահ տարածամ շտանի
դորան...

Այս խոսքի հետ ավագ Համունին խթանեց նժույզը, որը
մեկկեն ոստնելով առաջ ընկավ. կրտսերը հետևեց եղբորը,
իսկ երկու թեկնապահը մնացին փոքր-ինչ հեռ։

Ու այդպես գնացին նրանք երկար՝ իրարից հեռու և ան-
խոս։ Անտառը շարունակվում էր և հետզհետե խտանում.
ծառերը պատնեշում էին ճանապարհի երկու կողմը։ Արևը
գնալով թեքվում էր դեպի մայրամուտ, և անտառը լցվում էր
մի տեսակ կիսամութով, որ ասես բարձրանում էր գետնից,
ու այդ իրիկնամութի մեջ արահետը թվում էր ավելի նեղ,
իսկ երբեմն չէր էլ կրկնում կանաչների մեջ. ձիերը միայն
բնագոգով գտնում էին այն և գնում անսխալ, չփոխելով իրենց
ընթացքը։ Վերևից ինչ-որ թռչուններ էին անցնում խմբերով,
որ թվում էր գնում են գիշերելու, իսկ ագռավների մի խումբ
երբեմնակի կոխելով շտապում էր առաջ, կրկի նույնպես
ուպաստանելու վերահաս գիշերից վախեցած։ Բայց անտառը
հանդարտ էր և անշարժ։ Տեղ-տեղ միայն տերևները խաղում
էին անձայն, ասես ծածուկ մի հրճվանքով։

Ավագ Համունին բավական տեղ գնալով մենակ՝ նժույզը
կանգնեցրեց հանկարծ և գլուխը թեք նայեց՝ մի դիրքով,
երբ մարդ կամենում է լավ լսել մի բան կամ լսածը ստուգել։

— Ի՞նչ է,— հարցրեց կրտսերը մոտենալով։

— Դու շարժում չլսեցիր,— հարցրեց ավագը զգույշ, ձայնը իջեցնելով գրեթե շշուկի։

Դանիելը գլուխը տարուբերեց միայն։

— Ունկն դիր հապա, — գլուխը նորից թեքեց ավագը։ — Ինձ թվաց, թե մեկը հազաց մոտիկ։

Եվ հղբայրները անշարժացան ձիերի վրա՝ համակ լսողություն դարձած։

— Այո, ինչ-որ խշրտյուն կարծյոք... և մոտիկ, — շնչաց կրտսերը քիչ հետո, վիզն ավելի ձգելով։

— Ի՞նչ կարող է լինել, — և ավագն ավելի լարվեց՝ ակներև պարզելու, թե ի՞նչ շարժում է դա, Բայց ըստ երևույթին պարզել չկարողանալով՝ մատով կանչեց թիկնապահներից մեկին, և երբ նա մոտեցավ, կարգադրեց կիսաձայն։

— Գնա, Մեսրոպ, այս ուղղությամբ և տես ի՞նչ կա անտառում. մա՞րդ է, ո՞րս, ու վերադարձիր արագ։

Եվ որովհետև ծառերը խիտ էին և դյուրին չէր գնալ հեծյալ, թիկնապահը ձիուց իջնելով իրեն նետեց ձախակողմը տարածվող անտառը՝ կատվային զգույշ ու ճկուն շարժումներով։ Համուռի հղբայրները, նրանց հետ և մյուս թիկնապահը, որ բռնել էր ընկիրոջ ձիու սանձը, մնացին լարված կանգնած։ Միառժամ լսվում էր հեռացող թիկնապահի ոտնաձայնը, այսինքն՝ գետին ընկած շոր ոստերի կոտրվելու ձայն. հետո ամեն ինչ լռեց, անգամ տերևները դադարեցրին ասես իրենց սոսավյունը... Բայց ահա կրկին կոտրվող ոտների ձայն ու... փոքր անց երևաց թիկնապահը։

— Ի՞նչ էր, — անհամբեր առաջ թեքվեց ավագ Համունին։

— Մի խումբ մարդիկ՝ շինականներ իրենց կանանց հետ։

— Եվ ի՞նչ են անում այնտեղ։

— Նստած են փոքրիկ բացում։

— Ուղեորնե՞ր են, ի՞նչ։

— Հասու չեղա, տեր. Նայեցի հեռվից և դարձա։

Համունի ավագը մտածեց մի վայրկյան, ապա հետաքրքրվեց.

— Հեռո՞ւ են...

— Ոչ, տեր, հազիվ մի երկու հարյուր կանգուն։

— Պետք է տեսնել, Գնա՛նք։

Եվ Դավիթ իշխանը ձին քշեց առաջ, իսկ կրտսերը, երևի

հեշտ քայլելու համար, հապճեպ իջավ ձիուց, սանձը տվեց մյուս թիկնապահին, որ պահում էր ընկերոջ ձին, և հետևեց եղբորը, ու երկուսը միասին առաջ գնացին թիկնապահ Մեսրոպի առաջնորդությամբ։ Ծանապարհը, ճշմարիտ է, հաճելի չէր—ծառերի կախված ճղները դիպչում էին նրանց երեսին, գլխին, բռնում էին հագուստներից, մանավանդ ձիավոր Դավիթ իշխանի, բայց հետաքրքրությունն ավելի մեծ էր՝ տեսնել ի՞նչ մարդիկ են այդտեղ նստածները... Եվ իրոք. մի երկու հարյուր քայլ գնալով՝ Համունի եղբայրներն իրենց թիկնապահի հետ միասին նկատեցին ծառերի տակ, կանաչների վրա նստոտած շինականների նմանող մարդիկ, կանաչ՝ ինչ-որ կապոցներով ու թեթև բռններով։ Նկատեցին նաև ութ-իներ տարեկան մի տղա, որ խոտի ցողունը բերանը դրած, փորձում էր սուլել։ Նաև երեսյան գրկած մի կին և ճերմակամորուս մի ծերունի։ Դրանցից մի քանիսը, երևի ոտնաձայն լսելով, վեր էին կացել և նայում էին եկողների ուղղությամբ. ականք էր, որ նրանք հետաքրքրված էին, անգամ լարված... Բայց լուռ էին և ունեին սպասողական տեսք։ Մոտենալով՝ ավագ Համունին նախ ձին կանգնեցրեց մի վայրկյան ու զննարար նայեց նրանց, ապա առաջացավ և հետաքրքրվեց.

— Ո՞վ եք։

— Շինականներ...

— Եվ ո՞ւր եք գնում։

— Մենք, տեր, գնում ենք Վարդիկ-Հայր՝ ուխտի,— բռնորի փոխարեն պատասխանեց կանաչներին նստած ճերմակամորուս ծերունին՝ ոտքի կանգնելով ու գլխարկը վերցնելով, ինչպես՝ կարգն էր իշխանի հետ խոսելիս։

«Դարձյալ ուխտի»,— մտածեց Համունին, և դա կասկածի մեջ գցեց նրան. թվաց պայմանավորված խոսք։

— Իսկ ո՞վ է ձեր տերը։ Ո՞ւմ ծառաներն եք,— հետաքրքրվեց նա։

Հարցումները մի վայրկյան կարծես վարանքի մեջ դրին հավաքվածներին, թվում էր մտածում են՝ հայտնի՞ն, թե ոչ...

Այդպես զդաց Դավիթ իշխանը և ասաց անհամբեր.

— Լո՞ւմ եք... Հասկանալի է։ Եթե չեք հայտնում ձեռ

տիրոջ անունը, ուրեմն փախստական եք: Այո՞,— շարունակեց նա դուրագրգիռ և, այլևս պատասխանի չսպասելով, մտրակը բարձրացրեց:— Հասկանալի է. դուք փախչում եք Արշակավան:

— Ո՛չ, տեր, մենք գնում ենք ուխտի,— ասաց նորից ծերունին:

Իսկ մի տարիքով կին, սովոր լինելով իշխան մարդկանց հետ խոսել կանգնած, նույնպես վեր կացավ և չգիտես վախից, թե շփոթված վրա բերավ:

— Այդպես է, տեր. միայն թե...

Նրա փեշերը ձգեցին կողքի կանայք և տղամարդկանցից մեկը, և նա լռեց շփոթված... Համուսնի իշխանը նկատեց այդ և գլուխն օրորեց:

— Դուք ճշմարիտ չեք խոսում: Դուք գնում եք Արշակավան,— ասաց նա կտրուկ:— Դժգո՞հ եք ձեր տիրոջից:

Նրան ոչ ոք չպատասխանեց, բայց այս անգամ բոլորը ոտի կանգնեցին՝ կանայք մոտեցան իրենց մարդկանց, իսկ մի ղեռառի աղջիկ փարվեց քիչ առաջ խոսող պառավին և նայեց մեկուսի կանգնած մի երիտասարդի, որը հոնքերի տակից, շուրթերը սեղմած նայում էր ձիավոր իշխանին:

— Կարծում եք այդ Արշակավանում դուք կլինեք ազա՞տ: Խաբվում եք,— շարունակեց Համունին ոտներն անհանգիստ դոփող ձիու վրա:— Թագավորը ծանր աշխատանքով տանջելու է ձեզ շարաշար:

Մարդիկ դարձյալ չպատասխանեցին. ոմանց աչքերում վախ կար և տարակույս: Այդպես էին մանավանդ կանայք և ութ տարեկան տղան: Իսկ մեկուսի կանգնած երիտասարդը, որ հոնքերի տակից նայում էր իրենց հանդիմանող իշխանին, հանկարծ առաջ եկավ շառագունած:

— Մենք քո ծառաները չենք, իշխան,— ասաց նա մի տեսակ դուսպ, հերք պահած:— Ի՛նչ ես կամենում մեղնից...

— Այո, մենք քո ծառաները չենք,— կրկնեց ծերունին մեղմությամբ, կամենալով կարծես հանգստացնել և հեռացնել բարկացած իշխանին:

Բայց, հանգստանալու փոխարեն, Համունին մտրակը բարձրացրեց:

— Լռի՛ր, պառաված շուն: Ես գիտեմ ո՞վ եք դուք: Կամ-

սարական իշխանի ծառաներն եք և անշուշտ նրան կողոպտելու փախում եք ձեզ փրկելու։ Վերադարձեք, սինլքորներ, և անմիջապես,— հրամայեց նա ու, թիկնապահին դառնալով, կարգադրեց.— ժողովիր սորանց և տար։

Թիկնապահը, որ ձեռքին միայն նիդակ ուներ, մոտեցավ խմբած կանանց ու տղամարդկանց և պահանջեց, որ կապոցները վերցնեն և շարժվեն։ Բայց ոչ ոք չշարժվեց։ Այդ ժամանակ թիկնապահը մոտեցավ ծերունուն և նրա մոտ կանգնած խեթ նայող երիտասարդին, որպեսզի նրանք շարժվեն և մյուսներին օրինակ տան։ Ու իր խոսքի հետ թիկնապահը ձգեց երիտասարդի թևը։

— Հեռու,— գոռաց երիտասարդը թիկնապահին հրելով։

Այդ տեսնելով՝ Համունին մոայլվեց ալիւի։ Նա սովոր էր, որ իր խոսքը լսեն և հնազանդեն անխոս, և ահա մեկը համարձակվում է... և նա անմիջապես ձին շրջեց դեպի երիտասարդը ու մտրակը բարձրացրեց։

— Սինլքոր...

Երբ իշխանի մտրակը շաշելով զարկեց երիտասարդի ուսին ու մեջքին, կանայք, որ շորսն էին, ճշացին մեկն, իսկ տղամարդիկ քնազղաքա՞ր, թե օգնելու համար գնացին դեպի երիտասարդը։ Բայց մինչ նրանք կմոտենային կամ կաննեին մի քանի՞ դադված երիտասարդը, որ չլապինյ տղա էր խոշոր, թուխ աչքերով, մի ոստյունով բոնեց իշխանի մրտրակը և առամենբը սեղմած քաշեց դեպ իրեն։

Դա ալիւի գայրացրեց Համունի իշխանին։ Նա թափով ձգեց մտրակը՝ նրա ծայրը երիտասարդի ձեռքից ազատելու, բայց տեսնելով նա չի թողնում, գոռաց.

— Թո՛ղ, ապիրա՛տ, և դարձի՛ր անմիջապես։ Նույնպես և դուք,— հրամայեց նա մյուսներին։

— Շարժվեցե՛ք,— արձագանքի պես կշկնեցին կրտսեր Համունին և թիկնապահը։

Բայց ոչ ոք չլսեց նրանց, որովհետև նախայք լաց էին լինում, իսկ տղամարդիկ դառնում էին երիտասարդի շուրջը, շփտես նրա՞ համար, որ չհակառակի իշխանին ու բաց թողնի մտրակը. թե՞ նրա համար, ոչ չկռպի հետը։ Այնչե՛ղ ազագ Համունին սաստիկ դայրացել էր արդեն երիտասարդի հանգըղնությունից։ Համոզվելով, որ նա չի թողնում մտրակը՝

իշխանը ձին քշեց երիտասարդի վրա, կամենալով ասես կեն-
դանու ոտներով տրորել նրան, բայց տղան, ոչ ոք չմացալ
ինչպես, մի ակնթարթում ուժգնապես ձգեց-խլեց իշխանի
մտրակը և զարկեց այն ձիու գլխին: Ու նժուլզը դրանից այն-
պես ծառս եղալ հտին ոտքերի վրա, որ քիչ մնաց տապա-
լեր տիրոջը: Ծվ Համունին անշուշտ կտապալվեւր գետին,
եթե իսկույն չգրկեւր ձիու պարանոցը: Բայց երբ կենդանին
շտկվեց, նա, վտանգն անցած համարելով, գոռաց կոկորդի-
ամբողջ ուժով:

— Կալանե՛լ ստամբակին և կապե՛լ:

Թիկնապահը, նրա հետ և Համունի կրտսերը, որ գունատ-
վել էր եղբոր ընկնելու երկյուղից, միասին թափով, գրեթե
վրեժխնդիր ցասումով նետվեցին դեպի երիտասարդը՝ չգի-
տես նրան իսկապես կալանելո՞ւ, թե մտրակը նրա ձեռից
առնելու համար: Բայց երիտասարդը, որ ստացած հարվածից
նույնպես գրգռված էր, մտրակով արգելեց նրանց իրեն մո-
տենալ:

— Հեռո՛ւ: Չմոտենա՛լ: Կզարկե՛մ,— կրկնում էր նա և
մտրակը շաշունով տարուբերում առջև:

— Թո՛ղ, Թորգոմ, Թո՛ղ,— ճշում էր խմբի մեջ եղած պա-
ռավ կինը. իսկ մի ուրիշ դեռատի կին թե աղջիկ և երկու
տղամարդ նույնպես թե՛ խոսքով, թե՛ ձեռքով խնդրում էին,
որ զգուշ լինի, որ մտրակով չխփի իշխան մարդկանց:

Բայց հուզված մարդիկ կարո՞ղ են զգուշ լինել: Այդպես
էլ Թորգոմ երիտասարդը. ինքնապաշտպանութան համար
տարուբերվող մտրակը դիպալ Համունի կրտսերի ձեռքերին...
և դա բավական եղալ. սկսվեց այնուհետև մի տարօրինակ
իրարանցում, գրոհ. Համունի եղբայրները իրենց թիկնապա-
հի հետ միասին, երիտասարդին շրջապատելով, կամենում
էին ձերբակալել նրան, բայց տղան պաշտպանվում էր շա-
րունակ մտրակը փոքրիկ բացատում տարուբերելով իր առջև
ու իր շուրջը: Իսկ նրա հարազատներից թե բարեկամներից
մեկ-երկուսը հտ էին քաշում նիզակավոր թիկնապահին,
չհամարձակվելով մոտենալ իշխաններին, որոնց մեկն առ-
դեն ձիավոր էր՝ մոտենալ անկարելի էր: Ու միառժամ նրանք
դառնում էին այդպես՝ ամենք զայրալից խոսքերով, ոմանք
վախեցած, աղաչական բացականչերով. բայց քիչ հետո, երբ

թիկնապահը ետ դառնալով հրեց թե խփեց իր թևքը քաշող ծերունուն, և սա ընկավ գետին— այդ ժամանակ կատարվեց անսպասելի բան. ծերունու մոտիկները՝ վաչ կանչեցին և մի երկուսը, գետնից չոր ճղափայտեր վերցնելով, հարձակվեցին թիկնապահին խփելու...

Այդ տեսնելով՝ Համունի Դավիթը նժույգով ծառացավ՝ փայտավորվածների առաջ։ Բայց դա չգտաց նրանց. ընդհակառակը, կոիվը տաքացավ ավելի։ Թիկնապահը, մի կողմից՝ ստացած հարվածներից գայլուցած, մյուս կողմից՝ տերերից խրախուսված, գուցե և ինքնապաշտպանության բնադդից մղված, սկսեց նիզակի կոթով խփել աչ ու ձախ՝ թե՛ մարդկանց, թե՛ կանանց։ Սրանք պատասխանում էին նույնպես փայտերով և ռչ պակաս գայլուցած, և թիկնապահը պարզապես նեղվում էր... Բայց իշխան տերերը դարձյալ խրախուսում էին նրան՝ առանց մոտենալու. «Ձա՛րկ, զա՛րկ»... Սակայն երբ թիկնապահը նեղն ընկավ և իշխան Համունուն էլ չթողին իր նժույգով առաջ գնալու՝ նրան օգնելու համար, իշխանը մեկեն սուրը հանեց պատյանից և առաջ խոչացավ.

— Սինթորեն՝ շնաբերան...

Սուրը տեսնելով՝ կանայք ետ քաշվեցին և վախվորած խմբվեցին իրենց կապոցների մոտ, դրանց հետ և ինք տարեկան տղան, բայց մյուսները, որոնց ոգևորում էր Թորդոմ անունով երիտասարդը, պատրաստվեցին փայտերով պաշտպանվելու և այնժամ ահա, երբ իշխանը սուրը ճոճելով գնաց դեպի նրանց, Թորգոմը ձեռք երկար ձողը բռնեց սրի դեմ, ապա, նկատելով իշխանը կամենում է հարվածել, նշան բռնեց նրա մերկ սուրը՝ խփելու և գցելու, բայց... ձողը, շեղելով սրի հարվածը, թափով իջավ ավագ Համունու գլխին ու... նախ ընկավ իշխանի մորթե գդակը, ապա և սուրը, իսկ ինքը իշխանը հանկարծ շրջվեց ու կախվեց ձիուց...

Սա եղավ այնքան արագ և անսպասելի, որ բոլորը ցրնցվեցին ու մնացին սառած։ Դա ըստ երևույթին անսպասելի էր և ձիու համար. հեծվորի անկումն զգալով՝ նա վիզը թեքեց, ասես ընկնողին նայելու, և փախավ ծառերի միջով... Այդ տեսնելով թիկնապահը նույնպես վազեց. նրան հետևեց և մյուս իշխանը:

Շինական տղամարդիկ, այս տեսնելով, կանգ առան շնչած զուսպ, իսկ Թորգոմն ուզեց վազել կարծես, բայց պառավը ձայն տվեց ահաբեկ.

— Թո՛ղ, Թորգոմ, արյունի տեր մի՛ լինի...

Թորգոմը կանգ առավ, և երբ նա ետ եկավ, խմբի մյուս անդամները՝ տղամարդիկ, կանայք խուճապով հավաքեցին ինչ ունեին և կապոցները շալակած, երեսան գրկած պատ-բաստվեցին հեռանալու, վախենալով, թե ընկած, գուցե և ուշակորույս իշխանը կելնի հիմա և կգա վրեժխնդիր լինելու... Մինչ մեծերն զբաղված էին այդ հոգսով, ինը տարեկան փոքրիկ տղան վազեց վերջրեց իշխանի ընկած թուրը կանաչների միջից.

— Թող, Հուսիկ, պետք չէ նզոված բանը,— պոռաց մայրը վախեցած:

Տղան սակայն չթողեց:

— Չէ՞ կգան նորից կվերցնեն մեզ զարկելու,— ասաց:

— Բե՛ր, բեր, տղա, հարկավոր կլինի,— ասաց Թորգոմը տակավին հուզված ձայնով, և փոքրիկ տղան, դրանից խրախուժված, քարշ տվեց մերկ թուրը նրա դաստակից բռնած:

Երբ վերջապես շարժվեցին բացատից, նրանք քայլեցին արագ, հեալով, շտապելուց առաջ կռացած. ու առժամ մեկը չէր արտասանում մի բառ: Բավական տեղ գնալուց հետո, վերջապես, երիտասարդ Թորգոմն ասաց.

— Պետք էր ամենքին սատակել, որ լուր չտանեն և հետապնդում չուղարկեն:

— Պետք չէ, զավակս,— հեաց ծերունին:— Պետք չէ: Ամենը իմ պատճառով եղավ: Պետք չէ՛...— նա լռեց մի փոքր և ապա ասաց խզված.— Որ եղավ այդպես, հեռանանք շուտ, այլապես կգան և ամենքիս կսատակեն անիրավները...

Ու բոլորը ահաբեկ արագացրին քայլերը:

Գնում էին անտառի խիտ ծառերի միջով, իրար հետևից և անխոս. հուզված էին, և այնքան, որ չէին նկատում, թե Հուսիկը մնացել է բոլորի վերջում և հանդիստ քարշ է տալիս մերկ սուրը, որը մերթ խրվում էր կանաչների մեջ, մերթ շողում արծաթ փայլով...

Վախը մեծ զգացում է. նա երբեմն անդամալույծ է անում՝ մարդուն, բայց հաճախ մղում է հնարագիտության ու խիզախության:

Այսպես կատարվեց և անտառի մարդկանց հետ: Սկզբում, տեսնելով իշխաններին՝ դինված թիկնապահներով, նրանք ընդարմացան վախից, սակայն զգալով իսկույն իրենց կյանքին սպառնացող վտանգը, այն, որ եկողները կամենում են կալանել իրենց և ետ ուղարկել, ոգի առան, և երբ ընկավ հարձակվողներից մեկը, իսկ մյուսները փախան, խումբն շտապեց հեռանալ բացատից այնպիսի արագությամբ, որ անսպասելի էր հոգնած մարդկանցից:

Օրը մթնում էր, անտառը խոժոռում էր և մոայլվում. բարձրացած քամին տարուբերում էր ծառերը, նրանց ճղները զարկվում էին իրար ու իշշում մերթ միզմ՝ սարսուռով, մերթ բարձր՝ տագնապահար, անտառը լցնելով բազմաձայն ժխորով:

Եվ այժմ փախստական մարդկանց այդ խումբը հետզհետե խորանում էր անտառում, ձգտելով, որքան կարելի է հեռունալ այնտեղից, ուր երևացին իշխաններն իրենց թիկնապահներով: Ու որքան առաջ էին գնում՝ անտառն ավելի էր խտանում ու մթնում քայլեր դառնում էր դժվարին: Մի կողմից՝ խանգարում էին բեռները, կապոցները, որ դեմ էին առնում ծառերին, ճղներին, մյուս կողմից՝ թփերը, մացառներն էին կտրում ճանապարհը:

Իշխանին զարկող երինասարդը, որին թորգոմ էին ասում, ծերունուն տանում էր թևանցուկ արած և շուտ-շուտ ետ էր նայում տեսնելու, թե խմբի մարդիկ բոլորը գալիս են, ետ մնացող չկա՞: Երբեմն էլ դառնում-խրախուսում էր մորը և նրա հետ եկող աղջկան, որ ծերունու դուստրն էր:

— Արի՛, մարե... Զգո՛ւյշ, Մինա, այստեղ փշոտ թփեր կան:

Անտառում չէր երևում ոչ մի արահետ և ոչ մի կածան, դա կարծես մարդու երես շտեսած անկոխ անտառ էր, և փախչողներին թվում էր, թե առաջին ոտքն իրենք են դնում, ու երբ շոր ճղները երբեմն ճարճատյունով կտարվում էին

ոտրերի տակ, նրանք ահից կանգ էին առնում, շիմանալով ինչ անել. առաջ գնալ, թե սպասել... Եվ մի պահ կանգ առնելուց հետո նորից էին շարունակում իրենց երթը:

Բայց քանի մթնում էր, քայլելն այնքան դառնում էր ծանր. ծառերն առջևում երևում էին պատի պես. չէր նկատվում ոչ լույս, ոչ հորիզոն. երբեմն միայն ծառերից վեր երևում էր կապույտ, մթնակապույտ երկնքի մի շերտ և իսկույն չքանում: Բայց պետք էր գնալ, և գնում էին... Գնում էին, շիմանալով ո՛ւր են գնում, ինչի կհանդիպեն և ո՛ւր դուրս կգան. արդյոք նորից ետ չէի՞ն դառնա նույն բացատը, որ տեղից ճանապարհ ընկան կամ շե՞ն հանդիպի այն մարդկանց, որ փախան-գնացին գուցե հետապնդողներ բերելու... Ինչ էլ լիներ սակայն՝ ավելի լավ էր քայլել, քան կանգնել: Ու քայլում էին ճիգով, քրտնամխած, երբ մեկը կամ մյուսը պատահաբար սայթաքում էր ընկնում, իսկույն վեր էր կենում արագ ու նորից շարունակում անհայտ, անորոշ ուղին: Եվ առջևից գնացողները հաճախ կանչում էին զգուշ:

— Եկն՛ք... Այսպես եկեք...

Հետևից գնացողները պատասխանում էին.

— Գալիս ենք...

Իսկ պառավը մորմոքում էր շարունակ ինքն իրեն, երբևէ և լսելի ձայնով:

— Թորգոմս... Զո՛ւր մեղապարտ դարձավ... Եթե մեր հարևանն ու իր կինը ետ չմնային՝ մենք իշխան մարդոց չէինք հանդիպի ու կոխվ չէր լինի... Բայց տեսնես ի՞նչ եղան, ո՛ւր մնացին ողորմելիք...

— Այո, այո, — հաստատում էր նրա կողքին քայլող աղջիկը: — Երբ էտ մնացին, հայրս, իմ պապոն ասաց. «Ետ մնալը վատ է, կուշանաք, փորձանքի կհանդիպեք»: Այդպես էլ եղավ, մարե:

— Բայց ի՞նչ եղան անբախտները, — շարունակեց պառավը փոքր հետո: — Մուրեցի՞ն, մեզ կորցրի՞ն, ուրիշ մի ճանապարհո՞վ գնացին, թե նորից իշխանների հանդիպան ու նրանց ձեռքն ընկան...

— Հիմա մտածելով ի՞նչ կարող ենք անել, մարե, — ասաց աղջիկը: — Նրանց գտնել կարո՞ղ ենք:

Մյուսները չէին խոսում: Փոքր երեխա ունեցող կինը չա-

նում էր, որ ծծկերը ձայն չհանի, ու քայլում էր ստիներ նրան տված, մարդու հետևից, որը գնում էր թուրը քարշ տվող տղայի ձեռքը բռնած: Մյուս ջահել կինը և մարդը քայլում էին սրանց հետքով և ոչ մի բառ չէին արտաբերում... Մերունին էր միայն, որ ժամանակ առ ժամանակ ասում էր կիսաձայն, ասես ինքն իրեն.

— Վատ եղավ, որ հանդիպեցինք անիրավներին... Այո, Բայց լավ եղավ, որ ընկավ և ձին փախցրեց... Հիմա կհետեվե՞ն մեզ. կհասնե՞ն...

— Եթե արագ քայլե՞նք, չեն հասնի: Երբե՞ք... անտառը խիտ է. ձիերը հեծվորենելով այս անտառում չեն շարժվի,— պատասխանում էր ժերունուն՝ նրա թևը բռնած Թորգոմը:

Ու նրանց զույգին, իբրև արձագանք կարծես, պառսովն ասում էր շուտ-շուտ.

— Աճապարե՛նք... աճապարե՛նք...

Բոլորն էլ զգում էին, որ կատարվածը լավ բան չէր, ուստի պետք էր զգույշ լինել և որ միայն հեռանալը կփրկի իրենց, ու քայլում էին, որքան կարող էին արագ. քայլում էին արդեն ոմանք իրար թև ու փեշ բռնած. մի կենդանի շվիա կազմած, որովհետև այնպես էր մթնել, որ իրար չէին տեսնում. գնում էին կույրերի նման, Թեպետև քայլելը թվում էր փրկություն, կանգնելը՝ մահ, բայց մի երկու տեղ այնուամենայնիվ կանգ առան ակամա՝ շունչ առնելու, բռնները շտկելու և լսելու, թե հետապնդում չկա՞ արդյոք:

Մութի մեջ ոչինչ չէր երևում, շուրջը ծառերի սևապանդված շարժուն պատերն էին. սկսվել էր գարնան մի զով քամի, որ թեթևակի օրորում էր ծառերը՝ տերևների մերթ մեղմ, մերթ ծավալուն շրշյունով: Բայց փախչողները, չնայած տաքացած ու քրտնած, քամու զովությունը համարյա չէին զգում:

Քամու հեքից բացի, անտառում լավում էին ինչ-որ մընշյուն, թռչնային մի ճիչ կամ թեթև թևաբախում, ու նորից ամեն ինչ լուրմ էր և միայն ծառերի շրշյունն էր լեցնում միջոցն ու գիշերը: Ոչ մի ոտնաձայն, մարդկային ոչ մի կանչ, ոչ մի վրնջյուն: Բայց դա չէր հանգստացնում նրանց. հետապնդողը մի՞թե ձայն կհանի: Ոչ. նա կմոտենա գաղտա-

գողի, անձայն, աննկատ, որ ապահով հասնի իր նպատակին:

— Կարող է պատահել, որ շրջապատեն անտառը, — ասաց կանանցից մեկը շշուկով, որպեսզի չարթնացնի գրկին քնած մանկանը, և մի ձայնով, որի մեջ ոչ այնքան հարցում կար, որքան վախ:

— Դա հնար չէ, — պատասխանեց ըստ երևույթին նրա ամուսինը նույնպես շշուկով, բայց ակներև կնոջ վախը փարատելու համար: — Թագավորի զորքն էլ չի կարող անտառը շրջապատել:

— Բայց այդ իշխանները, ո՞վ գիտի, ինչքա՞ն հեռու են ապրում, — վերջապես խոսեց մյուս տղամարդը: — Մինչև գնա՞ն, մինչև մարդիկ բերե՞ն... Մուժը նրանց էլ չի թողնի շարժվել... իսկ մինչև նրանց գալը՝ մենք կլինենք հեռու:

Նրևում էր, որ բոլորի զգայարաններն այնքան էին սրված, որ ամենամեղմ շշուկն անգամ լսում էին և արձագանքում:

— Բայց չէ՞ որ գիտեն ո՞ւր ենք գնում. ճանապարհը կրոնեն, — շշնջաց նորից երեխան գրկած կինը ի պատասխան:

— Այդ չի լինի. նրանք մեզնից շուտ չեն հասնի, — լսվեց Թորգոմի ձայնը:

— Աստված հասնի մեզ, — բարեմաղթեց ժերունին: Կանայք հառաչեցին:

Ու նորից գնում էին անխոս, երբեմն միայն նայելով երկրնքին, ուր այժմ ծառերի միջով մեկ-մեկ երևում էին մանր ու մեծ աստղեր, որ ցուում էին հեռու՝ հանդարտ թարթոց աչքերի նման: Գիշերվա մթնում միակ բանը այդ աստղերն էին, որ կարծես ինչ-որ հույս էին ներշնչում նրանց:

Մուժը գնալով թանձրանում էր, դրա հետ խորանում էր և լռությունը, որը երբեմն խախտվում էր ինչ-որ անսպասելի մի բանով: Մի տեղ նրանք լսեցին ճյուղեր կոտրվելու ձայն: Եւ կանգ առան սառած: Ականջ դրեց յուրաքանչյուրն իր տեղում անշարժացած:

— Անասուն էր, — ասաց ժերունին: — Գնանք:

Ոմանք չհավատացին, բայց կասկած հայտնելու ժամանակ չէր: Ու քայլեցին իծաշարուկ, թանձրացող մութի մեջ:

Այսպես անցան բաժնական տեղ, երբ Մինան շշնջաց հանկարծ:

— Մարե, մեռելը կարո՞ղ է զարթնել:

Այս խոսքերից պառավը սարսուռ զգաց, բայց ասաց.

— Ձէ, աղջիկս, չէ: Մեռելը բնավ չի զարթնի: Բնա՛վ... Իսկ հարցնում ես ինչո՞ւ:

— Ինձի կթվա, մարե, զարկված իշխանը զարթնել-զալիս է մեր հետևից:

— Ձէ, աղջիկս, մեռելը չի զարթնի,— կրկնեց պառավը, թեև շշուկով, բայց հաստատ շեշտով:

— Բայց նա մեռա՞վ, մարե:

— Մեռա՛վ, մեռա՛վ, աղջիկս: Դրա մասին մի՛ մտածիր: Գնանք: Լուսը կբացվի շուտով ու... ամեն ինչ կանցնի:

Մինան ավելի պինդ գրկեց պառավի թևը, և նրանք ճիգ արին քայլել ավելի արագ՝ առջևից գնադողներից ետ շմնալու համար: Պառավը թեև սիրտ տվեց Մինային, բայց աղջկա վախն անցավ իրեն. ի՞նչ իմանաս, գոցեև իրոք այդ իշխանը շմեռավ, այլ մնաց ուշագնաց և հիմա զարթնած հետևում է Քրենց:

— Էհ, գնանք, աղջիկս, էլ ետ մի նալի,— ասաց նա:— Փո հայրն ու Թորգոմը գնում են առաջ: Հասնենք...

Ու ժամեր քայլեցին այսպես: Նրանց աչքերը ցալում էին, հոպերը ծանրացել էին, բայց ոչ ոք, թվում էր, չէր մտածում քնելու մասին: Միայն փոքրիկ ութ տարեկան տղան էր՝ Հուսիկը, որ շղիմացավ. միառժամ քայլեց արծաթագույն թուրը փարշ տալով, հետո կախվեց հոր փեշերից. «Ես քնել եմ ու՛զում, պապո՞... Եվ երբ հայրը, այդ խոսքերը մի քանի անգամ կրկնվելուց հետո, շալակեց նրան, Հուսիկը խընդրեց:

— Սուրս չկորցնես, պապո...

Հայրը խոստացավ, և նա քնեց:

Այնուհետև Հուսիկի հայրը, որի անունը Վարդան էր, քայլում էր բեռների տակ կռացած, տղան շալակին, նրա սուրը գավազան շինած: Նա ճիգ էր թափում ետ շմնալ առջևից գնադող Թորգոմից ու նրա քարեկամ ժերունուց:

Մյուսներն անում էին նույնը. ետ շմնալ և աչից չկորցնիլ առջևից գնադողներին:

Որքո՞ւն գնացին՝ անհայտ է. մի տեղ հանկարծ ծիրունին
կանգ առավ և ասաց ուրախ.

— Լուսը շուտով կբացվի:

— Ինչի՞ց իմացար, հայրիկ,— հարցրեց Թորգոմը:

— Ծառերն արթնացան, թռչունները ձայն տվին...

Եվ իրոք, շատ շանցած մութը կարծես պարզվեց մի փոքր,
ինչպես պղտոր ջուրն է սկսում պարզվել և ծառերը, որ առաջ
երևում էին միաձուլ զանգվածի պես, սկսեցին զատվել. երե-
վացին բներ, ճյուղեր. իսկ վերևում աստղերը գունատվում
էին, և երկինքը դառնում էր բաց մոխրագույն. Լսվեցին մեծ
թռչունների հատուկենտ կանչ ու կռինչ և փոքրերի ծվլոց:
Մի փոքր էլ... և առավոտը բացվեց արագ, ինչպես այդ լինում
է գարնանը:

. Լույսն ուրախացրեց ճամփորդներին. մոռացնել տալով
գիշերվա տագնապը: Ուրախացան, որ կարող են ազատ քայ-
լել և տեսնել, թե ինչ տեղով են գնում: Չէին մոռանում իհար-
կե իրենց վիճակը, բայց լուսարացը նոր եռանդ տվեց նրանց
հոգնած ոտներին: Իսկ քիչ հետո, երբ դուրս եկան մի փոքրիկ
բացատ, իրար նայեցին վշտախառն զարմանքով, բոլորի
հագուստները պատառոտվել էին և ծվեններով կախվել՝ ճրշ-
ներին, թիներին ընկնելուց. նրանց ձեռքերը, երեսները կանա-
չել էին, աղտոտվել... Տեսնելով բացատի դուրեկան կանաչը՝
յուրաքանչյուրը կարոտով կուգեր ընկնել այդ խոտերի վրա
և քնել, քնել... գոնե մի փոքր հանգիստ առնել: Բայց վախը
նորից մտրակում էր նրանց, կանայք, որ ավելի էին հոգնած,
անգամ նրանք շտապում էին շուտ հեռանալ այդ բաց տեղից,
որ չնկատվեն: Եվ առհասարակ մի տիրակա՛ն միտք մղում էր
նրանց գնալ, հեռանալ, դուրս գալ վտանգի սահմաններից...
Բայց թե ո՞րն էր վտանգի սահմանը՝ պարզ չէր տակավին.
գուցե և անցել էին՝ չգիտեին: Չգիտեին և այն՝ դեպ Արշակա-
վա՞ն են գնում, թե շեղվել են նրա ուղղությունից: Նույնիսկ
չէին կարող որոշել՝ առա՞ջ են գնում, թե ետ—անտառն այն-
քան մեծ էր և անծանոթ: Այդ էր պատճառը, որ բացատն
անցնելուց հետո Թորգոմն առաջադրվեց.

— Դուք հանգիստ առեք, ես նայեմ՝ որտե՞ղ ենք:

— Վա՛յ, Թորգոմս, հեռու չգնաս,— անհանգստացավ պա-
ռավր:

— Հեռու չէ. ծառը բարձրանամ՝ պարզեմ:

— Զուր մի բարձրանա,— ասաց ծերունին,— հիմա արևը կելնի՝ կպարզենք: Արշակի քաղաքը պիտի լինի արևելքում:

Ծերունու խոսքը հանգստացրեց բոլորին: Շուտով հասնելով թավուտ մի տեղ, նստեցին, արևի ելքին սպասելու: Եվ այդ ժամանակ ահա, երբ վարդանը զգուշությամբ շալակից իջեցնում էր որդուն, Հուսիկը զարթնեց և նրա առաջին քնաթափ խոսքն եղավ. «Սուրս ո՛ւր է, պապո»։ «Այստեղ է»,— ասաց հայրը և, նրան հանգստացնելու համար, ցույց տվեց մերկ սուրբ: Երեխան նայեց դրան մի ակնթարթ և աչքերը փակեց նորից: Տղամարդիկ տեղավորվեցին ուղղակի գետնին, շնայած խոնավ էր և թաց, կանայք՝ հագուստների կապոցների վրա, իսկ Թորգոմն ու Մինան՝ փոթորիկից տապալված մի ծառի բնի:

Անտառում լուռթյուն էր դարձյալ. գիշերվա քամին ընկել էր. ծառերը կանգնած էին անշարժ՝ կատարները վեր պալուած. թռչուններն անձայն թևածում էին նրանց գագաթներից վեր, և բոլորը, ծառ ու թռչուն, կարծես սպասում էին արհիւին... Որքա՞ն սպասեցին՝ դժվար է ասել, բայց ծերունին, որ նստած տեղից երբեմն նայում էր վեր, հանկարծ բացականչեց կիսով չափ ելնելով.

— Արևը,— ու ձևաբը պարզեց երկինք, ցույց տալով ծառերի կատարները, ապա զոհությամբ խաշականքեց երեսը:

Բոլորը, նրա խոսքի վրա, մեկեն վեր թռան տեղներից և նայեցին վեր, նրա ցույց տված ուղղությամբ. ծառերի կանաչ կատարներն իրոք փայլում էին արևի առաջին ճառագայթներից. տերևները ցնծում, ժայտում էին կենդանի արարածների պես:

— Թե որքան ենք շեղվել՝ ասել չեմ կարող, բայց հիմա պիտի գնանք դեպի արևը,— ասաց ծերունին, մեջքի գոտին սլնդելով ու մաշված ողորկ ցուպը վերցնելով:— Գնանք. հետո կսսեմ որտե՞ղ ենք, ինչպե՛ս պիտի գնանք: Հիշում եմ՝ անտառը վերջանում է քարոտ սարի մոտ: Սա դեռ կամսարական իշխանի անտառն է: Երիտասարդ ժամանակս մի անգամ ինձ բերին այստեղ փայտ կտրելու: Քարոտ սարը բարձրաւսնք՝ փրկված ենք:

— Բայց ո՛ւր է սարը,— հարցրեց մեկը:

— Հիմա տեսնենք,— պատասխանեց ծնրունին:

— Ուրեմն սարից հետո կլինի՞ թագավորի քաղաքը,— հետաքրքրվեց Թորգոմի մայրը առանձին մի հուլսով:

— Էլ դենը գնացած չեմ,— ասաց ծնրունին:— Բայց գնանք...

Երբ շարժվեցին ճանապարհը շարունակելու, ամենքը հիմա ավելի հոգնած էին զգում, քան գիշերը քայլելիս, յուրաքանչյուրն զգում էր, որ իր մարմնի բոլոր անդամները նվում են, տնքում. բայց այն հանգամանքը, որ չէին շնչով և ճանապարհը գտան համարյա, կարծես մոռացնել տվեց հոգնածությունը:

Բայց երբ օրը պայծառացավ և արևը երևաց իր ամբողջ փայլով, նրանք մոռացան նաև երկյուղը և մի երկու տեղ, ընկած ծառերի հանդիպելով, նստեցին հանգստանալու. միայն Թորգոմի մայրն էր, որ շտապեցնում էր դարձյալ.

— Ելեք, քեզի: Նստելու ժամանակ չէ:

Եվ քայլեցին նորից, քայլեցին դեպի այն սարը, որ փըրկություն էր բերելու իրենց:

Միայն կեսօրին, առջևից գնացող Թորգոմը ծառերի միջից նկատեց մի սարագագաթ և հարցրեց ծնրունուն.

— Սա՞ է, հայրիկ, ասածդ սարը,— մատնացույց արավ նա երևացող զապաթը:

Մերուկը ձեռք դրեց ճակատին և նայեց ուշադիր:

— Դա է, դա է,— խաչակնքեց նա երեսը:— Դա է: Թարձրանանք՝ փրկված ենք:

Շտապեցին ուրախացած: Սարը մերթ երևում էր ծառերի արանքից, որպես փրկության հույս և գրավիչ հանդրվան, մերթ՝ ծածկվում էր, աներևութանում, ինչպես խաբուսի՜ տեսիլ:

— Անտառը վերջանում է...

Իրոք, նրանք մոտենում էին անտառի եզրին: Թորգոմը, որ դնում էր առջևից, բոլորից շուտ հասավ նրա պոնիին: Բայց հասնելուն պես մնաց արձանացած. հանկարծ լսեց ձիերի ոտնատրոփ և, քիչ հետո, այն բաց տեղով (որն անտառը բաժանում էր սարից) անցան տասի չափ ձիավորներ...

Թորգոմը գունատված ետ նայեց և, ձեռք բերանին տանելով, նշան արտաթյուրայիններին, որ կանգ առնեն և ձայն չհանեն:

Իշխանաժողովի երրորդ օրը Կամսարականի ապարանքում խաղաղություն էր, եթե նկատի չառնենք ջրերի հեռվից եկող անլուելի շառաշը, ինչ բնակիչներին թվում էր անդորրության օրոր, և բակի ծառաստանի երբեմնակի սոսաՎը, որ առաջանում էր ասես ջրերի հոսքից:

Պայծառ կեսօր էր: Իշխան Կամսարականը, իր սովորության համեմատ, միայն կապայով և գլխարաց, զբոսնում էր տան առջևը տարածվող ծառաստանի իր սիրած, աչքից հեռու անկյունում, ուր ծառերն ավելի խիտ էին և սաղարթավետ: Դատելով դեմքից ու քայլվածքից՝ նա թվում էր գոհունակ տրամադրության մեջ. շնայած միաժողովից անցել էր երկու օր, իսկ հյուրերի մեկնումից՝ մեկ օր, այնուամենայնիվ նար իշխանը գտնվում էր տակավին բարեկամների հայտնած մըտքերի տպավորության տակ: Գոհ էր, որ հրավիրել էր նրանց և սթափեցրել. ցավում էր, որ ՄերուժաՆը չեկավ: Բայց Կամսարականին ուրախացնում էր նախարար հյուրերի այն որոշումը, թե կհսկեն և չեն թողնի, որ իրենց ծառաները գնան թագավորի կոչին՝ փախչեն նոր շինվող քաղաքը... և դրա անմիջական արդյունքն ու ապացույցը նրան թվում էր այն, որ իր քեռայրը՝ Համունի Դավիթ իշխանը և նրա եղբայր Դանիելը փախուստի ճանապարհից ետ էին դարձրել իր ծառաներից երկուսին՝ շինական ամուսիններին իրենց փոքրիկ տղայի հետ միասին:

Եվ ահա, ծառերի ստվերում քայլելով, նար իշխանը զայրությամբ մտածում էր դրանց պատժելու մասին: Սակայն նրան նորից զարմացնում էր այն, որ Անգեղ տան հանգուցյալ նահապետի որդին անսպասելի դիրք ընդունեց և հայտնեց այնքան վտանգավոր մտքեր... Բայց իշխանը վստահ էր, որ նա այսուհետև վտանգ չի ներկայացնի: Ի միջի այլոց, նա սպասում էր, որ թիկնապահները հիմա ուրախ լուր կբերեն, թե իշխանիկն արդեն դարձել է անվտանգ... Եվ ինքն, այս ուրախ լուրն առնելուց հետո, կճանապարհվի Համունու մոտ, կհանգըստացնի նրան, որ քեռայրն ավելորդ մտահոգություն և երկյուղ չունենա: Մտածում էր նաև, տեղ հասնելուն պես, շնորհակալություն հայտնել քեռայրին՝ փախստականներին

ես ուղարկելու համար... Այժմ այդ իշխանիկի մասին շարժեր իսկ խորհել... Ու դրա փոխարեն իշխանը մեծ գոհունակությամբ մտածում էր, որ Վասպուրականի տեր Մերուժանը, Հայոց Աշխարհի ամենահզոր նախարարը, համախոհություն է հայտնում իրենց, և ուրեմն Արշակ թագավորը չէր հասնի իր նպատակին։ Մյուս կողմից Կամսարականը դարձյալ խորհում էր ավելի այն մասին, թե ինչպիսի՞ պատիժ տա փախուստի ճանապարհից բերված իր շինականներին, կարգադրի նրանց գանահարե՞լ այստեղ, իր ալքի առջև, ապարանքի բակում, թե այն շենում, որտեղից փախել են...

Եվ նրան թվում էր, թե վերջին միջոցը կլինի առավել օգտակար. դա կլինի ի խրատ այլոց... Սակայն ինչո՞ւ միայն իրենց շենում,— մտածում էր,— թերևս ավելի լավ է, եթե տանհն դրանց շրջեն մի քանի շենում և ամեն տեղ գանահարեն ժողովրդյան առաջ։ Եվ դա երկյուղ կազդի ամենքին...

Իշխանն առանձնապես գոհ էր, որ այդ փախուղներին կպատժի իր մեկնելուց առաջ, և այդ պատիժը սարսափ կտարածի այնպես, որ ոչ ոք այլևս չի համարձակվի փախչելու փորձ իսկ անել...

«Այո, այդ պատիժը կլինի իրոք ի խրատ այլոց,— կրկնեց իշխանը ինք՝ իրեն, ձեռքը բռունցք շինելով։— Տալ պիտի այնպիսի պատիժ, որ ամենքը հավիտյան մոռանան փախուստի միտքը։ Ամենքը»...

Այս խոհերի մեջ էր նա իշխանը, երբ լսեց ծանոթ մի ձայն, որ հարցնում էր. «ո՞ւր է տեր իշխանը»... Լսեց և այն, թե ինչպես սպասավորներից մեկն ասաց. «այնտեղ է»։ Իշխանը հասկացավ, որ ցույց են տալիս իր տեղը։

Ու փոքր անց նրա առջև հայտնվեց մեկն իր այն երկու թիկնապահներից, որ գնացել էր Անգեղաց իշխանիկին ճանապարհելու։

— Վերադարձա՞ք,— հարցրեց իշխանը կանգ առնելով, երբ նա տակավին քսան քայլ հեռու էր։

— Այո, տեր, բայց...— և թիկնապահը լռեց։

Նրա ձայնը վարանոտ էր և ընկճված. իշխանին թվաց նույնիսկ, թե նա խոսում է մեղավորի ձայնով։ Այդ նկատելով՝ Կամսարականը հոնքերը խոժոռեց և ալքերը հառեց նրա երեսը։

Նրիտասարդը, խոսքը շարունակելու փոխարեն, գլուխը կախեց:

— Խոսիր, Ինչո՞ւ այլագոչունած ես, և ինչո՞ւ մենակ:

— Տեր իմ,— տղայի ձայնը բեկվեց և շուրթերը դողացին:— Ես իշխանիկին ուղևորեցի մինչև իր կալվածի սահմանը, իսկ Մաղաքեն, որ, կանխավ արված պայմանի համաձայն, թաքնվել էր անտառում, մի նետ արձակեց իշխանիկի վրա, բայց...

— Բա՞յց,— իշխանը այս անգամ հայացքը բռնեց երիտասարդի աչքերի մեջ:

— Բայց նրա նետը վրիպեց...

— Վրիպե՛ց... Չէ՞ր կարող երկրորդը:

— Ոչ, տեր իմ. քանզի իշխանիկը իսկույն նկատեց նրան ծառերի մեջ ու հարձակվեց թիկնապահներով... Ես փութացի օգնության, Բայց... նոքա շատվոր էին, հինգ հոգի, մենք՝ երկուս... Իշխանիկը զարկեց Մաղաքին...

Տղան նորից լռեց գլուխը կախելով:

— Խոսի՛ր: Այնուհետև...

— Այնուհետև, տեր, Մաղաքեն վիրավորվեց, ընկավ... Նրա երիվարը փախավ... Նոքա հետապնդեցին ինձ...

Իշխանի դեմքը մռայլվեց:

— Լո՞ի՛ր, ապիկար: Դուք արժանի չեք իմ թիկնապահը լինելու: Հեռացի՛ր:

Եվ Կամսարականը մեծ բարկությամբ թքեց նրա հետևից ու սկսեց գնալ-գալ ձեռքերը տրորելով, ապա գլուխն օրորելով նստեց, ոչ թե նստեց, այլ կարծես ընկավ ծառերի տակ դրված կոճղին, որ նստարանի տեղ էր ծառայում նրան: Իշխանիկը ազատվե՛լ է և հեռացել անվնաս... Առավել վատ եղավ... Առաջ գուցե լռեց, իշխանաժողովի գրույցը պահեց իր մեջ. իսկ ա՞յժմ... այժմ բնավ չի լռի: Նա կերթա անշուշտ և ամենը կհայտնի թագավորին, ամենքին... աշխարհին, որ Կամսարականի ապարանքում եղավ իշխանաժողով և... Այո, նա ազատվեց: Ի՞նչ դժբախտություն...

Կամսարականը երբեք չէր սպասում, թե իր հմուտ համարված թիկնապահները անճարակ գտնվեին այսպես: Ի՞նչ պետք էր անել այժմ վտանգը կանխելու համար... Պետք է, քանի շուտ է, խորհել անհրաժեշտը:

— Այո, քանի շուտ է,— կրկնեց նա տեղից ելնելով մտարտամ քայլերով գնաց դեպի ապարանքը, որպեսզի իր առանձնարանում խորհի անելիքը... Յերես լավ կլիներ ծպտյալ մեկին ուղարկել Անգեղաց դղյակը,— մտածում էր նա այնքան խորասուզված, որ շուրջը ոչինչ չէր տեսնում:

Սակայն հաղիվ մոտեցել էր ապարանքի մուտքին, պարբերապի դարպասից սրընթաց ներս մտավ մի հեծվոր և, նծույզը զսպելով, թռավ ցած, ապա, դեռ իշխանին չմոտեցած, պոռաց հասպառ.

— Դժբախտություն, տեր Կամսարական:

Իշխանը կանգ առավ, մտածելով, որ դա նույնպես պիտի հայտնի նույն շար գույժը, և սպասողական նայեց եկողին: Բայց եկողն անմիջապես չկարողացավ խոսել. շփոթությունից նա, պատշաճի հակառակ, մոտեցավ մտրակը ձեռին և, խոնարհում անելով, մնաց կարկամած:

Կամսարականը ճանաչեց իր քնոայր Դավիթ Համունու թիկնապահին և զարմացած նեղսրտեց նրա լուռությունից:

— Խոսիր, վերջապես,— բարկացավ նա հոնքերն իրար բերելով:— Ի՞նչ դժբախտություն:

— Իմ տիրոջը սպանեցին, իշխան,— հևաց երիտասարդը:

— Քո տիրոջը, Դավիթ իշխանի՞ն... Ինչպե՞ս, ե՞րբ...

— Առաջին օրը, տեր, այստեղից մեկնելիս:

— Այստեղից մեկնելի՞ս. ճանապարհի՞ն... և որտե՞ղ, ո՞վ սպանեց:

Իշխանի ձայնի մեջ որոտի նախանշաններ էին զգացվում: Իսկ գուժկան սուրհանդակը, չդիտես ինչու, հապաղում էր, բայց վերջապես իրեն հավաքեց և ասաց բաշվելով.

— Քո շինականները, տեր:

— Ի՞մ... Իմ շինականները,— և Կամսարականի դեմքի մկանները խաղացին:

— Այո, տեր: Խմբով փախչում էին նոր քաղաքը, Դավիթ իշխանը հրամայեց ետ դառնալ...

Եվ գուժկանն արագ, կցկտուր, տակավին հեռվով պատմեց դեպքը մի բեկված ձայնով ու տեսքով, որից ղգացվում էր, թե նա իրոր ականատես է եղել դեպքին, պատմեց կարևոր-անկարևոր մանրուքներ իրար խառնած:

Այս պատումը լսելիս նար իշխանի կուրծքը նեղվում էր

կարծես. նա հետոմ էր և նրա խոշոր աչքերը ուռչում էին՝
ասես ակնակապիճներից դուրս գալու, իսկ ձեռքերն ակամա
բռունցք էին դառնում. թվում էր՝ նա զսպում է իրեն, որ չապ-
տակի դիմացինին... Բայց երբ բռնաբերն ավարտեց իր պատ-
մությունը, նա հեաց նորից.

— Ստահակները հարձակվեցին, և դուք շկարողացա՞ք
պաշտպանել, օգնել նորան:

— Ոչ, տեր, պաշտպանել անկարելի էր. նրանք շատվոր
էին՝ տասը հոգու չափ, իսկ մենք՝ երկուս:

Իշխանը ներքին շուրթը դրեց ատամի տակ և սեեռուն նա-
յեց գետնին: Նրա մտքով կասկածներ էին անցնում, թե իր
վերակացուները երևի ճիշտ չեն հաղորդում փախչողների թի-
վը, վախենալով, որ ինքը կպատժի իրենց. բայց ահավասիկ
մի օրվա մեջ քանի՞սն են փախել...

— Սակայն ստո՞ւյգ է, որ դոքա եղել են իմ շինականնե-
րը, — քիչ հետո հարցրեց նա, գլուխը մեկեն բարձրացնելով:

— Իրենք հայտնեցին, տեր:

— Եվ ի՞նչ եղան. ո՞ւր գնացին:

— Փախան երևի Արշակավան: Նրանք կապոցներով էին և
երեխաներով:

Կամսարականը, գլուխը կախ, լռեց մի պահ, ապա երկու
քայլ անելով գոռաց մեկեն.

— Նժույգս... Մինչքորնե՛ր... Թո՛ղ պատրաստվեն թիկ-
նապահներս և զենք առնեն:

Հրամայեց, խոշոր աչքերը ոլորեց մի քանի անգամ և,
այլևս ոչ ոքի չնայելով, սկսեց ինքն իրեն խոսելով շրջել տան
առաջ:

— Անիծյա՛լ Արշակունի... այլասերեց ժողովրդյան և
դարձրեց տիրանենգ ու տիրասպան: Մոլի խառնակիչ, մալ-
դասպա՛ն և ոչ թագավոր...

Նրա ճակատի և պարանոցի երակները լարվել էին և լցվել
արյունով. աչքերը, թվում էր դարձյալ, ուզում էին դուրս
թռչել ակնակապիճներից: Միևնույն օրը, միևնույն ժամին
երկու բռն... այսպիսի բան երբեք չէր պատահել նրան... Ով
Կամսարականն ինքն իր մեջ խոսելով քայլում էր ետ ու առաջ,
մինչև որ, նրա արտակարգ հրամանը լսելով, հավաքվեցին
տնեցիները՝ տիկինը, որդիները, եղբայրները, սպասավորնե-

րը... Ոչ ոք չէր համարձակում հարցնել, թե ի՞նչ է պատահել. սպասում էին, որ հայտնի ինքը: Բայց քանի որ նա լուռ էր, կամսարականաց տիկինը համբերություն չունեցավ:

— Նոր ի՞նչ է պատահել, իշխան:

Կամսարականը շպատասխանեց. նա փնջացնում էր և գլուխը տարուբերում շարունակ:

— Նորից փախչողնե՞ր,— հետաքրքրվեց լեցուն իշխանուհին:— Դա նորություն չէ և ոչ մեծ աղետ: Թող փախչեն ևս մի քանի հոգի... արժե՞ տխրել դրա համար...

— Միայն փախչող չէ, իշխանուհի,— կանգ առավ վերջապես կամսարականը:— Թագավորը, թագավորը զայթակրեց ժողովրդյա՞ն այնպես, որ ստրուկներն այժմ սուր են բարձրացնում տերերի վրա. ահա՛ պատահածը...

— Ի՞նչ սուր, իշխան,— գունատվեց կամսարականաց տիկինը:

Նվ երբ ամուսինը հայտնեց Դավիթ իշխանի սպանությունը և այն, թե այդ սպանությունը կատարել են իրենց փախըստական շինականները, տիկինը ձեռքերը խփեց ծնկներին:

— Բաբելական կրա՛կը նոցա գլխին: Ամո՞թ Արշակ թագավորին...

Ամուսինների հարցուպատասխանից բակում խմբված սեպուհներն ու սպասավորները խմացան արդեն ինչ է կատարվել, իսկ նրանք, որ գնացին իշխանի հրամանը կատարելու, փոքր անց բերին նրա սև, փայլուն մազերով նծույգը, որի ոտների ծայրերը, սմբակներից վերև, ճերմակ էր: Ըստ սովորության նրա մեջքին գցել էին կարմիր թաղիքն սթար, վրան՝ փղոսկրով և արծաթով ընդելուզած թամբը, իսկ ցցունքը զարդարել էին ուլունքներով:

— Վերցրե՞ք այդ ամենը,— հրամայեց նա ձիու գեղեցիկ ղարդերը մատնանշելով:— Հարսանիք չեմ գնում...

Երբ նրա հրամանը կատարվեց, իշխանը սպասավորների և թիկնապահների օգնությամբ հեծավ նծույգը ու այն ժամանակ, երբ ձին, իր սովորության համեմատ, մի պտույտ կատարեց բակում, իշխանուհին ցանկություն հայտնեց:

— Ինձ ևս տա՞ր, իշխան:

— Դու կգաս հետո,— ասաց Նարը մռայլ և, դառնալով հղթարյուններին, որդիներին ու սպասավորներին, հրամայեց.

— Հսկողութիւն սահմանեք շենքերում և ճանապարհների վրա. յուրաքանչյուր շենքում գանահարեցեք մեկ-երկու մարդ, որ չհամարձակվեն փախչել, իսկ փախուստի ճանապարհից բերածներին գանահարել իրենց շենքում:

Վերջին խոսքերը նա ուղղեց իր կառավարչին, ապա ձիու գլուխը շրջեց և արագ դուրս եկավ պարսպադռնից: Նրան հետևեցին թիկնապահները՝ տասը-տասներկու հոգի և որդիներից երկուսը, բոլորը գոտեպինդ ու սպառազեն: Նրան միացավ և նոր եկած գուժկանը, ու մի երկու վայրկյան ձիերի տանատրոփը պարսպի ներսն ու դուրսը խլացրին ամեն ինչ:

Կամուրջն անցնելուց հետո իշխանը գնում էր առաջ ընկած և մի տեսակ ներհայաց. «Ի՞նչ է Արշակի նպատակը»,— խորհում էր նա թագավորի մասին և գտնում, որ եթե նա՝ թագավորը, դեմ լիներ միայն իրեն՝ ինքը կարող էր դա բացատրել բերդերի մերժումով... Սակայն թագավորի հրովարտակը վերաբերում է բոլոր նախարարների մարդկանց, նա գայթակղում է բոլորի ծառաներին... Եվ Կամսարականը զարմանում էր, որ շատ նախարարներ լռում են ու չեն դիմագոհում: Մի՞թե նրանց ծառաները չեն փախչում. թե՞ նախարարները վախենում են խոսել այդ մասին:

«Սակայն վախով ապրելն ամոթ է նախարարի համար,— ասաց իշխանը մտքում:— Կամսարականները հար հղել են ինքնիշխան և երբեք չեն ստորացել թագավորների առաջ... Չեն խոնարհի և Արշակի առաջ... Երբե՞ք»:

Այս խոսքերի հետ նա մտրակեց նժույգը: Սա թափ առավ և սուրաց առաջ՝ դեպ անտառ: Իսկ երբ մտան անտառ, իշխանը ձին դանդաղեցրեց, որպեսզի ետ մնացած որդիներն ու թիկնապահները հասնեն իրեն: Մոտենալով՝ դրանք այնուամենայնիվ որոշ հեռավորության վրա պահեցին իրենց և հետևեցին նրան անխոս, պատկառանքով նայելով տիրոջ թիկունքին: Իշխանը գնում էր քարձյալ մռայլ մտածումներով: Նրան թվում էր, թե իր քեռայրի սպանութիւնն այնքան լուրջ բան է, որ նորից պետք է հրավիրել իշխանաժողով՝ ազդու և խիստ միջոցներ խորհելու համար... Իսկ սպանութիւնը պարզապես թվում էր նրան ըստ ամենայնի չարագուշակ: Մտա-

նեքը փախչում են՝ տերերին սպանելով: Վաղը, մյուս օրը դրանք կարող են սպանել և՛ իրեն, և՛ մյուսներին...

Այս ամենի հետ միաժամանակ նար իշխանը մտածում էր, որ քեռայրի հարազատները այդ սպանության համար կարող են մեղադրել և՛ իրեն՝ նրա՝ համար, թե ինչու Դավիթ իշխանին հրավիրեց իշխանաժողովի, և նրա՝ համար, որ նրան սպանողները եղել են իր շինականները, ինչպես հայտնեց թիկնապահը... Կմեղադրեն անշուշտ և ուրիշները՝ առանց պատճառներն ըմբռնելու: Բայց եթե պատճառները հասկանան, հասու կլինեն նաև, որ մեղավորը ոչ ինքն է և ոչ իր ծառաները, այլ Արշակ Թագավորը՝ իր հրովարտակով...

Մտածում էր իշխանը և ժամանակ առ ժամանակ նայում շուրջը՝ անտառի ծառերի խորքը, տեսնելու նոր փախչողներ չե՞ն երևում արդյոք... Ու նրան թվում էր, որ դրանք կարող են լինել մի տասը, հարյուր քայլ դեմը, գուցե ավելի հեռվում: Թվում էր, որ եթե պատահեն՝ պիտի հարձակվի ստահակների վրա և... ընդհարման միջոցին նրանք կարող են սպանել նաև իրեն...

«Բայց այդ կարող են անել և հեռվից, դարանամուտ եղած», — մտածեց իշխանը, և այս միտքն այնքան հավանական թվաց նրան, որ նա ձին կանգնեցրեց մեկեն և աչքով որոնեց քեռայրի բոթաբեր թիկնապահին:

Գտնելով նրան՝ մատով կանչեց:

— Որտե՞ղ կատաբվեց եղեռնագործությունը, — հարցրեց նա, երբ երիտասարդը մոտեցավ ձիով:

— Փոքր այն կողմը, տեր, — բոթաբերը ձեռքը մեկնեց առաջ:

— Ցույց կտաս, երբ հասնենք:

— Հրամանքդ:

Ու նորից առաջ գնացին ձիերի նույն փափուկ ոտնատրոփով, նույն արահետը բռնած, որով անցել էր Դավիթ Համունին երկու օր առաջ: Գնում էին իրար հետևից, ինչպես ուղտերի քարավանն է գնում շարք կազմած, որովհետև արահետը նեղ էր և երկու կողմը բարձրանում էին հաստաբուն ծառեր: Որքան էլ փափուկ էր ձիերի քայլքը, այնուամենայնիվ դրա արձագանքը տարածվում էր անտառում՝ աջ և ձախ. թվում էր անտառի խորքերով նույնպես հեծվորներ են անցնում,

երբեմն այդ արձագանքներն այնպես էին խլացնում անտառային մյուս ձայները:

Թերևս այդ էր պատճառը, որ Կամսարականը կարծում էր, թե այսօր նույնպես փախչողներ կլինեն այստեղ. նրանք երևի բանուկ ճանապարհներից խուսափելով թաքնվում են թավուտներում:

Երբ այսպես գնացին բավական և հասան շավղի վրա կռացած մի կաղնի ծառի՝ Համունու թիկնապահը ձին զգուշությամբ մոտեցրեց իշխանին:

— Նրանք այստեղ էին, իշխան,— մատնանիշ արավ նա ճանապարհի աջ կողմը, ուր պատենշի պես բարձրանում էին տերեախիտ թեղիներ:— Այստեղից լսեցինք նրանց ձայնը և իշխանն ինձ ուղարկեց ստուգելու... Եվ այդտեղ ահա զարկեցին իշխանին: Կհաճե՞ք տեսնել...

Թեև նար իշխանը ինքը ցանկություն հայտնեց իմանալ որտեղ է կատարվել սպանությունը, բայց այժմ լսելով երիտասարդի հարցումը՝ շատաց ոչինչ, Փնոտները սեղմեց ավելի և նժույգը շարժեց առաջ: Մինչև այստեղ իշխանը չէր նկատել արևը, որ փայլում էր երկնքի բարձրից և անտառը, նրա ճառագայթներից ասես խանդավառ, խաղացնում էր իր բյուրավոր տերևները, իսկ թռչունները երգում էին անվերջ... Այդ ամենը իշխանը նկատեց այստեղ միայն և զարմանալի թվաց, թե մարդասպանության այդ վայրում ինչպես էին երգում թռչունները, և ծառերը ինչպես էին հրճվանքով խաղացնում իրենց տերևները...

Նա երեսը շրջեց և խթանեց նժույգը:

Մի երկու ժամից վերջապես դուրս եկան անտառից և դաշտ ընկնելով, արագացրին ձիերի ընթացքը: Այժմ նրանց առջև ձգվում էր մի լայն ճանապարհ, որ տանում էր Համունիներին դղյակը: Երկու կողմը ալեծածան արոտներ էին և նորածիլ արտեր, և այդ ամենը ողողված էր արևի լույսով ու ջերմությամբ... այնինչ Կամսարականին թվում էր, թե այդտեղ՝ քեռայրի կալվածքում, միայն սուգ պիտի լիներ և տխրություն: Մի փոքր էլ՝ և ահա երևաց Համունիների կալվածատունը, որը, ինչպես կարգն է, շրջապատված էր բարձր պարիսպով:

Պարսպադառնը մոտենալիս նար իշխանը մոայլվեց ավելի, մտածելով, որ կենդանի, աշխույժ ու կրքոտ Դավիթ Հա-

մոտենու փոխարեն տեսնելու է մի պառկած դիակ, Եվ դա այն-
քան անհեթեթ էր թվում, որ նա չէր հավատում քեռայրի մահ-
վան։ Այս բանում շհամոզեցին նրան անգամ պատերի մոտ
խմբված տխուր շինականներն ու ռամիկները, որ հարգան-
քով, գլուխ իջեցնելով, ճանապարհ տվին նրան։ Բայց երբ
սյարսպադոնից մտավ բակը՝ նրա առաջ պարզվեց մի մույլ
տեսարան, Նախարարական տան մուտքի առջև գորգով ծած-
կած բարձր պատվանդանին դրված էր Գավիթ իշխանի դին՝
վրան ճերմակ կտավ քաշած։ Դիակի գլխավերևը կանգնած
էր հանգուցյալի կարմիր ձին՝ վրան սև ծածկոց։ Ձիու սառնը
բռնել էր տիրոջ թիկնապահներից մեկը՝ նույնպես սևեր հա-
գած։

Իսկ պատվանդանի շուրջը շուրջը շարված էին բարեկամ
ու հարևան իշխաններ, սեպուհներ՝ բոլորը գլխարաց, բոլորը
մերկացրած սրերով ու մույլ դեմքերով։ Ամենքը ակներև
զայրացած էին, որ մի ծառա, հասարակ մի շինական հանդը-
նել է ձեռք բարձրացնել Գավիթ իշխանի վրա... Գուցեև այդ
չէին մտածում նրանք, բայց այդպես թվաց նա իշխանին։
Նախարարների, սեպուհների շուրջը կանգնած էին նաև կա-
նայք, աղջիկներ, երեխաներ... Ահագին մի բազմություն, իսկ
ավելի առաջ՝ դիակին մոտիկ, նրա աջ ու ձախ կողմը, կանգ-
նել էին երկու խումբ եղբրամայրեր՝ մազները ուսերին ու
կուրծքներին թափած, և լալիս էին բարձրաձայն ողբով, թվե-
լով ու գովելով մեռած իշխանի բարեմասնությունները՝ եր-
կար հասակը, մեծ խելքը, սև աչքերը և կտրիշ թուրը։ Լալիս
էին, հետև էլ ծեծքում կուրծքները և ձեռքները բարձրացնում
դեպի վեր՝ դեպ երկինք, չգիտես անիծում էին, թե գութ հայ-
ցում։ Երբ եղբրամայրերի մի խումբն ավարտեց իր ողբը, կո-
ծել սկսեց մյուս խումբը, դարձյալ թվելով իշխանի քաջարի
գործերը, նեղույզը և անվախությունը։

Նկատելով նա իշխանի գալուստը՝ եղբրամայրերը, նրանց
հետ և մյուս կանայք, ձայները բարձրացրին, և ողբը դարձավ
ընդհանուր...

Լացողներին միացավ և Կամսարականի քույրը, որ ոտից
գլուխ սևի մեջ էր։ Երբ լացի ալիքը բարձրացավ և ապա,
հետզհետե իջնելով հանդարտեց, հանգուցյալի կինը, նա իշ-
խանի քույր Վահանդուխտը սուգ արավ մեռակ, լալով՝ նա

հիշեց ամուսնու սերը, քաջութիւնները և շատ այլ բաներ, ապա դարձավ հենց նոր ձիուց իջած, իր դեմը կանգնած եղբորը.

— Նար եղբայր, Նար եղբայր. իմ արևը խավարեցին րոշինականները... իմ բազինն սպանեցին քո ծառաները... իմ աստղը մարեցին քո մարդիկ... Ի՛նչ պատիժ պիտի տաս նոցա, Նար եղբայր, որ զուանա իմ այրվող սիրտը... Նար եղբայր, Նար եղբայր...

Նդերամայրերը ձայնակցեցին նրան, իսկ Նար իշխանը գլուխն իջեցրեց ակամա. նա լսում էր և մտածում, որ ինքը մեղասպարտ է այս սպանութիւն մեջ՝ այն չափով, որ եթե քեռայրին չհրավիրեր իր ղղյակը, չէր պատահի այս դրժբախտութիւնը... այնուհետեւ, առանց քրոջ հիշեցումի էլ, ինքը գիտեր արդեն, որ քեռայրին սպանել են իր փախստական շինականները. ու միայն մտածում էր, որ ճշտվեց ճանապարհի իր նախազգացումը, այն, որ իրեն պիտի մեղադրեն այդ սպանութիւն համար:

«Քույրս իրավացի է, որ ամուսնուն սպանել են իմ շինականները իմ իսկ անտառի մեջ, բայց փոխանակ մեղադրելու Արշակ թագավորին, մեղադրում է ինձ», — խորհում էր Կամսարականը վշտացած, և գտնում էր դարձյալ, որ այդ սպանութիւն մեջ հանցապարտ է միայն Արշակ թագավորը, որ իր հրովարտեղով ծառաներին հանում է տերերի դեմ և դարձնում տիրասպան:

Այս ամենը նա մտածում էր միայն, բայց այդ պահին ոչինչ ասել չէր կարող հարկավ, ուստի և գլուխը կախ հետում էր աննկատելի, իսկ դեմքի մկանները խաղում էին տանջալից:

Երբ սուգ անողները հանգստացան մի փոքր՝ Կամսարականը հոնքերի տակից նայող աչքերով որոնեց քեռայրի եղբորը՝ երիտասարդ Դանիել իշխանին ու, տեսնելով նրան մխիթարանքի եկած հարևան նախարարներով շրջապատված, մոտեցավ և, նրա ձեռքը թռնելով, ասաց.

— Գնանք ներս, իշխան:

Երիտասարդը անձայն համաձայնեց, և նրանք գնացին ներս:

Երբ տեղավորվեցին գահավորակներով և մի նզույրով զարդարված փոքրիկ սենյակում, Նար իշխանը, առանց իր

թափ հոնքերը բարձրացնելու, հետաքրքրվեց վշտացած ու պահանջկոտ ձայնով.

— Ինչպե՞ս եղավ, իշխան, Պատմի՛ր...

Երբ վշտահար Դանիել իշխանը, կարմրելով ու քաշվելով (որ չի կարողացել եղբորը փրկել) պատմեց դեպքը իր մասնաժամաներով, Կամսարականը գլուխն օրորեց,

— Եվ ինչո՞ւ, իշխան, ինքդ չվերցրիր ընկած սուրը և չկոտորեցիր ստահակներին... Ինչպե՞ս թուլատու եղար, որ ծառաները հանդգնեն այդչափ:

Երիտասարդ իշխանը գլուխը կախեց թեթև հառաչով, Իսկ Կամսարականը միառժամ լռեց մոռյլ, ապա, գլուխը բարձրացնելով, գրեթե փնչացրեց.

— Այդ ամենը կատարված անցած է արդեն, այժմ ասա ինձ, իշխան, հետապնդում ուղարկե՞լ ես արդյոք:

— Այո, տեր Կամսարական:

— Եվ քանի՞ մարդ:

— Տասը հոգի, իշխան:

— Տասը հոգի՞,— վշտախառն հեգնանքը ժամածոնց նար իշխանի դեմքը:— Որքա՛ն անփորձ ես, Դանիել իշխան, որքա՛ն անփորձ: Ուղարկիր անմիջապես քո բոլոր մարդոց, ուղարկիր հարյուր, երկու հարյուր հոգի: Ես նույնպես կողարկեմ իմ թիկնազահներին, Թող բռնեն բոլոր ճանապարհները, թող հետախուզեն ամբողջ անտառը,— ասաց նա ձայնը բարձրացնելով և թափով ելավ գահավորսկից:— Ա՛խ, եթե հնար լիներ կոտորել և գետին տապալել ողջ անտառը, ի՞մ անտառը՝ միայն թե գտանեին, կալանեին և ետ բերեին այդ ոճրարար ստահակներին:

Երբ իշխանը փնչացնելով ու տնքալով քայլեց բավական մեկեն կանգ առավ և հետաքրքրվեց.

— Իսկ այդ հետապնդողները չե՞ն ուղարկել որևէ լուր:

— Ոչ, իշխան, տակավին ո՛չ մի լուր:

— Զի՞ պատահի արդյոք, որ նրանք ես փախչեն հանցադրո՞նների հետ:

— Ոչ, իշխան, իմ հետախուզները վստահելի են ըստ ամենայնի:

— Վստահելի՞, վստահելի՞,— կրկնեց նա հեգնանքով:— Ցուրաքանչյուրը իր ձեռքով պետք է տեսնի իր դատաստանը:

և անմիջապես:— Նար իշխանը նորից քայլեց ձեռքերը մեղքին: Քայլում էր վրդով և հետև էլ խոսում:— Եթե կալանեն և բերեն՝ պետք է մահախեղդ անել ամենքին, ամենքի՛ն... Մառան սպանի իր տիրոջ...

— Եվ այս ամենի պատճառը հայոց արքան է՝ Արշակ թագավորը, — վերջապես պոռթկաց Կամսարականը:— Արքայի հրովարտակը, թե տերերից դժգոհ յուրաքանչյուր ծառա կարող է գալ և ապաստանել Արշակավան, և դրա համար դատաստան չի լինի... Ո՛չ, կլինի՛, — Կամսարականը թափով բարձրացրեց բռունցքը:— Կլինի՛, և եղեռնագործը մահախեղդ կարվի՛ ի պատիժ իրեն և ի խրատ այլոց...

Նա զայրացած, բայց անխոս քայլեց մի քանի վայրկյան և կանգ առավ նորից:

— Իսկ եթե չգտնեն և չբերեն նոցա, — ասաց նա հոնքերը սեղմելով, — դու, Դանիել սիրելի, գրիր այդ Ավանի շահապ Վարազին, որ սպանողին հանձնի քեզ: Պահանջիր խրատագույն խոսքերով: Եվ պահանջիր ձեր կալվածքներից փախած բոլոր ճորտերին ու ծառաներին: Ամենքի՛ն: Ինքս նույնպես գրովյամբ մի խիստ պահանջելու եմ իմ փախած ծառաներիս: Ամենքի՛ն...

ԳՐԽԻՆ ՎԵՅԵՐՈՐԴ

Եթե մարդկանց բոլոր սպառնալիքներն իրագործվեն՝ աշխարհում մարդ չի մնա հավանաբար:

Այն օրը, երբ իշխան Կամսարականը մեծ ցատուժով կարգադրություն էր անում՝ «գտանել փախստականներին և բերել մահախեղդ անել», նրա կալվածներից հեռացած շինականները, անտառից արդեն դուրս եկած և մի խճոտ սար բարձրացած, տարօրինակ թափոր կազմած գնում էին դեպ արևելք, դեպի նոր քաղաքը: Գնում էին հոգնած, գրեթե ուժասպառ: Բայց շնայած դրան, շնայած քարոտ ու փոշոտ ճանապարհին, նրանք ներքուստ ուրախ էին և հանգիստ: Անցել էին վտանգի սահմանագիծը:

Իսկ մինչ այդ ինչպիսի՞ ծանր ժամեր անցրին հետապնդող հեծյալներին տեսնելուց հետո... Նկատվելու երկյուղից ծվարեցին խիտ ծառերի արանքում, թփերի մեջ ու, համակ

լսողութիւնն դարձած, ականջ դրին ձիերի ոտնատրոփին, որ մերթ լսվում էր մոտիկ, մերթ խլանում կամ կտրվում իսպառ: «Զգուշ. երեխայի ձայն լսվի՝ կորած ենք»,— երբեմն միայն շշնջում էր պառաւլը ցամաք շուրթերով կամ աչքով: Հոնքով հասկացնում Թորգոմին, որ առաջ չգնա... Երբ միառժամ ձիու ոտնաձայն, վրնջուն չլսվեց՝ Թորգոմն զգուշութեամբ գնաց դեպի անտառի եզրը, և մացառների մեջ պառկելով, նայեց աջ, ձախ: Զէր երևում ոչ մարդ, ոչ ձի, ոչ որևէ շունչ-կենդանի: Դիմացը միայն սարն էր՝ լերկ ու քարակառկա, շուրջը՝ ամայութիւն ու լռութիւն: Հաւաստիանալու համար, որ իրոք չկա ոչ ոք, նա նույն դիրքով սպասեց մի փոքր էլ: Դարձյալ ոչ մի ձայն: Այնժամ նա ետ դարձաւ զգուշ և շշնջաց.

— Ելեք գնանք, քանի չկան...

Ու վախից քարացած փախստականները ելան և հապշտապ, ինչպես փրկութեան դուռ գտած, արտորանքով քայլեցին առաջ: Քայլեցին փրկվելու մտքով այնպես կլանված, որ չիմացան, թե ինչպես դուրս եկան անտառից ու ստ դրին սարի քարքարոտ լանջը: Լեռը ուղղահայաց էր գրեթե, հեղեղներից հոշոտված և տեղ-տեղ խիճ-ավազով ծածկված: Թիւրևս այդ էր պատճառը, որ մերկ էր ամբողջովին. քիչ տեղեր երևում էին միայն կանաչներ ու հին խոտեր. մնացածը խիճ էր, ուստի և ամեն քայլափոխի ահագին մանրաքար էր սահում ցած:

Ու քայլեցին այդպես նորից մի ժամ, երկու ժամ: Քայլում էին և շուտ-շուտ ահով նայում ետ, տեսնելու հետապնդում չկա՞ արդո՞ք... Բարեբախտաբար չկար: Բայց դարնանավերջի տաք արևը, արդեն բավական բարձրացած, այրում էր նրանց գլուխը, մեջքը, քրտինք վազեցնելով նրանց քունքերից ու ճակատներից...

Որքան տեւեց ծանր վերելքը՝ նրանք չէին կարող ասել. բայց երբ վերջապես բարձրացան սարի կատարը ու նայեցին անցած ճանապարհին, նկատեցին դժվարութիւնը և նոր միայն շունչ քաշեցին թեթևացած, և առաջին զգացումը, որ ունեցան՝ փրկութեան զգացումն էր: Որքան երկար ճանապարհ էին անցել... Նայեցին իրենց առջև տարածված անտառին, ուր զեզերել էին երկու օր ու գիշեր, այդ խիտ ու խոր անտառին, որ

փութած էր լեռների մեջ՝ լայն հովտում և, մի կողմով դնում-
իջնում էր դեպի Արաքսը, մյուս կողմերով թեթևակի բարձ-
րանում, իսկ տեղ-տեղ մագլցում էր նաև սարերը, և նրա միա-
պաղաղ գարնան կանաչությունը նման էր ծիրուն կանաչ
ծովի:

Երբ ամենքը այդ հայեցության մեջ նայում էին անծայր
անտառին, ծերունու աղջիկը՝ Մինան, հանկարծ, ձայնը կո-
կորդում խեղդելով, ճշաց. «Հեծվորեն՛րա... Բոլորը, մի մար-
դու պես, իրենց ահավոր հոգնածությունը մոռացած, վեր թռան
տեղներից և մեծ զգուշությամբ, որ չնկատվեն, նայեցին ցած,
Ծվ իրոք. նիզակավոր ձիավորների մի խումբ, թերևս մի
քսան-քսանհինգ հոգի, ցրված անցնում էին անտառի եզեր-
քով և ուշադիր նայում ժառերի խորքը: Անմիջապես սարի
տակ կանգնած էին հինգ հեծվոր, որ նույնպես սպասողական
դիրք ունեին: Թորգոմը ենթադրեց, որ դրանք բոլորը նոր հե-
տախույզներ են, կամենում են քսա երևույթին շրջապատել
անտառը, որպեսզի կալանեն իրենց: Ու այս միտքը Թորգոմի
մեջ արթնացրեց զաչույթի մի ալյուխի զգացմունք, որ նա
քիչ մնաց վերից քար գլորեր և սատակեր նրանց, բայց ծերու-
նին բռնեց նրա թևը:

— Իզո՛ւր, վտանգ մի՛ կանչիր մեր գլխին, տղաս: Քանի
փրկվել ենք՝ գնանք հեռանանք:

Բայց Թորգոմը չլսեց. երիտասարդական տաք արյունը
խրատներ չի բնդունում: Իր բարկությանը գոհացում տալու
համար նա այնուամենայնիվ մի քաջ գլորեց սարի տակ
կանգնած հինգ ձիավորի կողմը, և շարժվեցին, շնայելով աչ-
լես, թե ի՛նչ կանի քարը ներքևում...

Ու քանի ժամ էր արդեն քայլում էին, Ծերունու ասելով՝
իրենք վաղուց գուրս էին եկել Կամսարականի կալվածներից
և մտել էին արքունական հողը, ուստի և նա կարծում էր, թե
Արշակի քաղաքը հեռու չպետք է լիներ:

Հանապարհը ամայի էր, քարքալուս: և անհարթ, մերթ իջ-
նում էր ցած, մերթ բարձրանում քլուրներ. շուրջը չկային ծա-
ռեր, թփեր, բայց գարունը ամեն տեղ կանաչներ ու ծաղիկներ,
էր փոել: Իսկ մարդ, մարդաստան չէր երևում: Բավական տեղ
դնալով՝ հանդիպեցին վերջապես մի շինականի, որ դուրս
եկավ մոսիկ բլուրի ետևից: Սկզբում գրան բնդունեցին հե-

տախույզի տեղ և զգուշացան բան ասել, բայց երբ շինականը բարեկեց սրտաբաց, Թորգոմը հարցրեց.

— Շինական եղբայր, որտե՞ղ կլինի թագավորի նոր քաղաքը:

Շինականը, մազախուլ մեկը, երեսը դարձրեց ետ և մտաւ մեկնեց առաջ.

— Կերթաք ուղիդ, ապա կծոեք. կերևա մի նոր ճամփա: Այդ ճամփան բռնած կերթա՛ք... Կերթաք՝ կերևա նոր մի բլուր... Բլուր թեքվեք՝ կերևա նոր մի ճամփա, հետո քաղաքը...

Թորգոմը թեպետև չկարողացավ պատկերացնել նրա ասածը, բայց առաջ ընկավ, և խումբը հետևեց նրան՝ ուրախ քայլերով:

Գնալով՝ պատահեցին սալների, որ գալիս էին քաղաքից կամ գնում էին քաղաք, և եկողները միշտ դատարկ էին լինում, գնացողները՝ բռնված. տանում էին գերաններ, նոր կտրած թաց գերաններ, միայն գերաններ... Այնուհետև, որոշ տարածութուն անցնելուց հետո, պատահեցին նոր սալների, որ քար էին տանում քաղաք: Եղավ մի պահ, որ փախչողներից ոմանք ցանկացան բռնները դնել այդ սալների վրա և քայլել նրանց հետ, բայց սալերն այնքան դանդաղ էին շարժվում, որ վախեցան ուշ տեղ հասնեն, մանավանդ որ օրը երեկոյանում էր. մութով մտնելն անժանոթ քաղաք՝ կմնային դուրսը: Ու շտապեցին քաղաք հասնել գոնե արևամուտից առաջ:

Երբ շինականի ասած բլուրն անցան, բացվեց մի հարթ լեռնադաշտ, ուր նրանք ամենից առաջ տեսան ցանքեր, ապա հատ-հատ այծեր, որ արածում էին մեկուսի, և ոչխարներ, որ արածում էին գրեթե իրար կպած: Քիչ հետո երևացին նաև կովեր... Սրանք արդեն մոտիկ բնակության նշաններ էին:

— Քաղաքն ուրեմն հեռու չէ,— ուրախացավ ժերունին և քիչ հետո տեսնելով կով արածեցնող մի պառավի, հետաքրքրվեց, թե որտե՞ղ է քաղաքը:

Ինչպես քիչ առաջ պատահած շինականը, այնպես էլ այս պառավը ձեռքը մեկնեց առաջ և ծոր տվեց.

— է՛, ծուխը կտեսնե՞ս... քաղաքի ծուխն է որ կա...

Գնացին աչքերը այդ ծխին հառած: Եվ քանի առաջ էին

գնում՝ այնքան ավելի շատ էին պատահում այծեր ու կովեր, որ արածում էին մի կնոջ կամ մի երեխայի հսկողութեամբ: Կովերը, մեծ խմբով մարդիկ տեսնելով, բարձրացնում էին ծանր գլուխները և ասես զարմացած նայում անծանոթներին, նրանց բռններին: Մի փոքր էլ առաջ գնալով՝ փախստականները նկատեցին տներ՝ իրար կողքի շարված. մի քանիսից ծուխ էր բարձրանում, և ծուխը նրանց թվաց հարազատ ու հրավիր:

— Քաղա՛քը, քաղա՛քը,— բացականչեցին ոմանք:

Բայց զարմանալի բան. քաղաքը երևաց թե չէ՝ բոլորը մոռացան իրենց հոգնությունը. դրան փոխարինեց հետաքրքրությունը, ագահ հետաքրքրությունը: Առաջ գնալով՝ նախ լսեցին մարդկային ձայներ, բարձր ձայներ, որ կանչում էին իրար, կարգադրություններ անում. ապա տեսան տներ, որոնց միայն պատերն էին բարձրանում, և տակավին կտուրծածք չունեին, և տներ, որ ծածկում էին. տեսան և նոր սկսած պատեր, որոնց մոտն ու վրան աշխատում էին ուրմնադիրներ, նրանց օգնում էին այլ մարդիկ, որ քար էին հասցնում, կավ էին շաղախում: Տեղ-տեղ աշխատում էին և կանաչը... Դա, ինչպես երևում է, նոր շինվող թաղ էր: Եվ հենց այդտեղ, տների աբանքում, նրանք տեսան դարձյալ սայլեր, որ մի տեղ եղեգ, մի այլ տեղ քար ու գերաններ էին թափում:

— Սա՛ է ուրեմն նոր քաղաքը,— ասաց ծերունին ինքն իրեն, ասես հիասթափված: Նա, որ եղել էր հայոց մյուս քաղաքներում, հիշեց, որ դա ընդարձակ չէր Վաղարշապատի պես և ոչ էլ կանաչավետ Արտաշատի նման. տներն էլ մեծ չէին և ապա՝ քաղաքը բաց էր բոլո՛ր կողմերից. չունեի ո՛չ պատ, ո՛չ պարիսպ: Վերջին պարագան շատ զարմացրեց ծերունուն. թագավորական քաղաքը ինչպե՛ս կարող է լինել անպարիսպ... Հիշելով սակայն, որ դա նոր է կառուցվում, հաշտվեց այդ երևույթի հետ:

Մի փոքր ևս առաջ գնալով՝ նրանք լսեցին մետաղյա հանդարտ, միօրինակ հնչյուններ, որ համաչափ տարածվում էին օդում: Մինչև կհարցնեին, թե ի՛նչ է այդ՝ փողոցում երևաց ուղտերի մի քարավան: Որ գալիս էր զանգակների ու բոժոժների ծորուն զնգոցով: Բնակիչներից ոմանք, մանավանդ երե-

խաները, աջ և ձախ կողմից հետևում էին հետաքրքիր, ասես պարզելու համար, թե ո՞ր է գնում և ի՞նչ է տանում: Իսկ ուղտերը, այդ ամենին անտարբեր, երկար վզները ծռած, թռչունի աչքերով նայում էին տներից վեր, նայում էին հեռու հորիզոններին և քայլում փափուկ ոտքերով:

Քարավանը տեսնելուն պես փախստականները կանգ առան, և Թորգոմը հարցրեց մի տարեց մարդու, թե ի՞նչ քարավան է դա: Եվ մարդը պատասխանեց անտարբեր.

— Էհ, քարավան է ըշտա. կուգա՛ մեր քաղաք, կերթա՛...

Այդտեղ պատահեց և մի քահանա, որ երկար խոիվ մորթով, գավազանը ձեռքին կանգնել նայում էր մի շենքի, որի կտուրը գերան էին բարձրացնում մի խումբ մարդիկ, թոկերը ձգելով: Թորգոմը մոտեցավ դրան և բարեկեց:

— Բարեողչոյն, զավակ,— ասաց քահանան պարուրող հայացքը Թորգոմի դեմքին, ասես ուզում էր հասկանալ նրան առանց խոսքի:— Նորե՞կ ես:

— Այո, հայր: Կուգեի իմանալ՝ ո՞ր են իջևանում այստեղ նորեկները:

— Իջևանե՛լ,— երկարեց քահանան ծորուն ձայնով:— Նախ պիտի մտնես մատյան, զավակս, ապա իջևանես, և դուրա համար պիտի խնդիր անես քաղաքիս շահապ իշխանին, կամ՝ նորա դպիր Երկար Գավիթին:

— Իսկ ո՞ր է կենում շահապ իշխանը,— շարունակեց Թորգոմը, զատված իր ուղեկիցներից, որ հեռվից լսում էին երկուսի հարց ու պատասխանը:

Քահանան մատը մեկնեց դեպի քաղաքի կենտրոնը:

— Կերթաս հա այնտեղ: Երկու մեծ տուն կա՝ մեկը՝ սև, ընդարձակ, մյուսը՝ ճերմակբար ու բարձրիկ: Սևը քաղաքիս իջևանն է, ճերմակը՝ Վարազ իշխանի օթևանը,— ասաց քահանան և հարցրեց իր հերթին,— իսկ դուք թագավորի ծառանե՞ր եք, թե...

— Ծառաներ,— պատասխանեց Թորգոմը անորոշ և, չկամենալով այլևս ժամանակ կորցնել, քայլելու նշան արավ յուրայիններին, և նրանք կապոցներով շարժվեցին առաջ, նույնիսկ սովորականից արագ ու վստահ, որ գտել են վերջապես այն, ինչ փնտրում են:

Հասնելով ճերմակ տանը, որ քարե աստիճաններ ունե

և երկթեք սալաժածկ տանիք, նրանք կանգ առան։ Թորգոմն ուզեց նորից ստուգել, թե իրո՞ք կառավարիչ իշխանի տունն է, ու շուրջը նայեց. փողոցում և փողբրիկ տների բակերում երևում էին հավեր, հորթեր, փռած լաթեր և մի պառավ, որ կերակրում էր թխսկանին իր ճուտերով։

— Մարե, սա՞ է շահապ իշխանի տունը։

— Սա՛ է, տղաս, սա՛ է,— գլխով արավ պառավը։— Բայց հիմա իշխանը...

Թորգոմը շլսեց պառավի խոսքի շարունակությունը, ձեռքի կապոցը տվեց մորը և քայլեց գեպի իշխանի տունը. ուղեկիցները տեղավորվեցին փողոցի եզրին թափած գերանների վրա և սպասեցին, թե ի՞նչ լուր կբերի Թորգոմը։ Իսկ Թորգոմը թեպետ ամաչելով, բայց վստահ գնաց բարձրացավ քարե աստիճաններով և զգուշորեն բախեց դուռը։

Դուռն եկավ մի պատանի ծառա։

— Ի՞նչ կուզես։

Հսելով Թորգոմի ցանկությունը՝ նա, առանց պատասխանելու, ներս գնաց, և քիչ հետո Թորգոմը լսեց. «Դավիթ հայր, նորեկներ»... Դուռը նորից բացվեց և այս անգամ դուռն եկավ սև կապա հագած երկար մազերով ու ծաղկած մորուքով մի մարդ։ Նա սև, կարճատես աչքերը հառեց Թորգոմի երեսը և, Թորգոմը, չգիտես ինչո՞ւ, շփոթվեց նրա այդ հայացքից ու ձգվեց ակամա։

— Նորե՞կ ես,— հարցրեց մաքրը երգեցիկ ձայնով։

— Հրամանքդ, իշխան։

Մարդը գլուխը տարուրերեց.

— Ես իշխան չեմ, տղաս։ Ես Դավիթ դպիրն եմ։ Որտեղի՞ց է գալդ։

Թորգոմը տատանվեց՝ ճի՞շտ առի, թե ոչ, և ասաց.

— Արշարունյաց գավառից։ Բայց ես մենակ չեմ, տեր դպիր։

— Հապա քանի՞սն եք։

Երբ Թորգոմը հայտնեց իրենց թիվը, դպիրը հարցրեց.

— Իսկ ո՞ւր են։

Թորգոմը մատնանիշ արավ։

— Բարի է,— ասաց մարդը, գերանների վրա տեղավորվածներին հաշվելուց հետո։— Այժմ եկ ձեզ մուծենք մատյան։

Երբ Թորգոմը հետևեց նրան, մարդը սենյակի պատի խոր-
շից վերցրեց մագաղաթյա մի մեծ մատյան, որի թերթերը
այնքան կարծր էին, որ բարակ տախտակների պես բաժան-
վում էին իրարից: Նստելով մի եռոտանի կլոր աթոռի՝ դպիրը
նախ թելի մի օղակ հանեց գրպանից և անցրեց գլուխը, որ
երկար մազերը շկախվեն աչքերի վրա, ապա մատյանը ծըն-
կանը դնելով՝ սկսեց մի առ մի գրել նորեկների անունը, և,
յուրաքանչյուր անուն գրելիս՝ հարցնում էր. «Ո՞վ է, ժն՞ր է,
երիտասարդ, ամուսնացա՞ծ է, երեխա ունի՞՞... Պատասխանե-
նե՛ր ստանալով՝ գրում էր «երիտասարդ, ամուսնացած»...
Երբ հերթը եկավ Թորգոմին և դպիրը լսեց, որ նա ամուսնա-
ցած չէ, գլուխը բարձրացրեց.

— Եվ ինչ՞ո՞ւ ոչ,— կատակով դարմացավ նա:— Պետք է
ամուսնանալ, տղաս, քանզի զուգությունը բարիք է, անզուգու-
թյունը չարիք ահավոր... Պիտի ամուսնանալ,— կրկնեց:

— Այո, տեր դպիր, պիտի ամուսնանամ,— հանգստաց-
րեց Թորգոմը նրան քմծիծաղը պահած:— Պիտի ամուսնա-
նամ, եթե տերը հաջողի:

— Կհաջողի, տղաս, կհաջողի: Քեզ համար կգտնենք մի
լավ հարսնացու և մեր քահանան կպսակի քեզ մեր ժամա-
նակավոր եկեղեցում: Մենք ամուրիներին պսակում ենք, որ
կարգով մնան:

— Շնորհակալ եմ, տեր դպիր:

— Եվ ինչ՞ո՞ւ,— դարմացավ դպիրը:— Դա մեր կարգն է.
արքայից հրաման է:

Թորգոմին տարօրինակ թվաց, որ թագավորն զբաղվում է
ամուսնական խնդիրներով, բայց և այնպես դպիրին հանգըս-
տացնելու համար ասաց.

— Շնորհակալ եմ, տեր դպիր, ես ունեմ իմ ընտրյալս, և
նա այստեղ է:

— Այդպես,— կատակով հիասթափվեց դպիրը՝ խուլվ մո-
ռուքը բռան մեջ հավաքելով:— Հուսամ հյուր կլինեմ հարսա-
նիքիդ:

Թորգոմը չէր հավատում, թե նա կգա իր հարսանիքին,
բայց խոստացավ քմծիծաղ.

— Սիրով, տեր դպիր, սիրով:

Երբ հարցումները վերջացան՝ Թորգոմը հետաքրքրվեց.

— Իսկ մեզ տեղ, աշխատանք կլինի՞, տեր դպիր:

Հարցին ուղիղ պատասխանելու փոխարեն՝ դպիրը փակեց մատյանը, մազերն անցրած թելի օղակը հանեց դրեց գրպանը և ասաց.

— Կանչիր ընկերներդ, գնանք իշխանի մոտ: Կա՛րգ է:

Երբ փոքր անց Թորգոմը և ընկերները՝ Հովսեփն ու Վարդանը, դպիր Դավիթի առաջնորդությամբ անցան վերին հարկը՝ այնտեղ գնում գալիս էր հիսունի մոտ մի տղամարդ: Առաջին բանը, որ տեսան ընկերները, նրա սև սուր աչքերն էին և ապա գանգուր մորուքը, որը օղակ-օղակ իջնում էր կրծքին: Գանգուր էին և սև մազերի ծայրերը, որ հասնում էին կապալի օձիքին, մոխրագույն կապա, որի անբնական երկար թևքերը նա գցել էր ուսերին, ինչ նրան տալիս էր եռանդուն մարդու կեցվածք: Ուտքերին սև մույկներ էին, մեղքին կարմիր մետաքս գոտի (իշխանական նշան), որի ծոպավոր ծայրերը կախված էին աջ ազդրին: Իսկ աջ ձեռքի բութ մատին կար մի ահագին ոսկե մատանի, որի վրա փորագրված էր Գնունիների տոհմանիշը՝ կանգնած եղջերու: Դա Վարազ Գնունին ինքն էր՝ քաղաքի լիազոր կառավարիլը կամ, ինչպես իրենք էին ասում, շահապը:

Ներս մտնողներին տեսնելով՝ նա կանգ առավ ձեռքերը մեջքին դրած և, աչքերը թեթևակի կծկելով, նախ նայեց զըննարար:

— Որտեղի՞ց է ձեր գալը, — խոսեց նա տիրական խրոխտ ձայնով:

Երբ ընկերները պատասխանեցին ականածանքով, իշխանը նորից հետաքրքրվեց, թե քանի հոգի՞ են և քանի՞սը ունակ են աշխատելու:

— Երեքը, տեր իշխան, — բոլորի փոխարեն պատասխանեց Թորգոմը:

— Միա՞ն, — զարմացավ Գնունին: — Իսկ մյուսները:

Իմանալով՝ եկողներից չորսը կանայք են, մեկը՝ ծերունի՝ իշխանը շուրթերը սեղմեց անբավական:

— Այստեղ կանայք ևս կարող են աշխատել: — շեշտեց նա թավ ձայնով: — Դուք երիտասարդ եք, հետևաբար՝ ձեր կանայք, լինելով մանկամարդ, կարող են նույնպես...

Նա լռեց մի վայրկյան, նորից դիտեց առջևը կանգնած
երեք առողջ տղամարդկանց և ակներև գոհ մնաց:

— Քաղաքիս պետք են աշխատող բազուկներ՝ և շա՛տ, և
լա՛վ... Գնացեք առայժմ օթևան: Հետո կպարզենք, թե ով ի՞նչ
կարող է անել...

Այսպես էր իշխան Գնունու սովորույթը. անձամբ դիտում
էր նորեկներին և խոսում հետները՝ պարզելու, թե ով ի՞նչ
աշխատանք կարող է կատարել:

Հարց ու փորձը ավարտելուց հետո իշխանը կարգադրեց
դպիր Դավիթին, որ Թորգոմին ու ընկերներին տանի նորեկ-
ների օթևանը:

— Նաև կասես համբարակապետին, որ տա նոցա ան-
հրաժեշտ պարենը:

Երբ ընկերներն ու դպիրը դուրս գնացին՝ Թորգոմը մնաց
կանգնած. նրա դեմքից երևում էր, որ ունի ինչ-որ ասելիք:
Կառավարիչ իշխանը նկատելով, որ նա շփնաց և սպասողա-
կան նայում է իրեն, հարցրեց.

— Ունե՞ս ևս ինչ ասելու:

— Այո, տեր, եթե իրավունք է:

— Խոսի՛ր:

Եվ Թորգոմն սկսեց մանր պատմել, թե ինչո՞ւ էին Քենը
հեռացել Կամսարականի կալվածից, նրա ծառայությունից:
Բացատրելով իրենց հեռանալու շարժառիթներն ու պատճառ-
ները, Թորգոմը հարցրեց, թե այդ շե՞ն համարի հանցանք և
իրենց շե՞ն պատժի այդ քայլի համար:

— Ի՞նչ հանցանք, տղաս,— ընդմիջեց իշխանը աչքերը
կկոցելով:

Թորգոմը ցանկանում էր պատմել ճանապարհին պատա-
հածը՝ իշխանի սպանությունը անտառում... բայց միտքը փո-
խեց իսկույն և ասաց միայն.

— Որ փախել ենք...

— Միայն ա՞յդ,— ուսերը վեր քաշեց Գնունին երիտա-
սարդի միամտություն վրա:— Դա հանցանք չէ, տղաս. թողել
ես փոքր տիրոջդ և եկել ես մեծ տիրոջ մոտ, և ոչ մեկը չունի
իրավունք քեզ պատժելու: Իրազե՞կ ես արքայի հրովարտա-
կին, հասո՞ւ ես նորա իմաստին:

Թորգոմը գլխով արավ:

— Եվ որեման պա՞րզ է քեզ:

— Պարզ է, տեր: Սակայն կուզեի իմանալ...

Եվ որովհետեւ Թորգոմը հապաղեց շարունակելու՝ իշխանը շեշտ նայեց նրան:

— Եվ ի՞նչը կուզեիր իմանալ...

— Մի շինական, որ իշխան է սպանել, կարո՞ղ է գալ այստեղ... քաղաք, և դորա համար շե՞ն պատժի նորան կամ... չեն վերադարձնի նախկին տիրոջը:

Կառավարիչ իշխանը աչքերը թարթեց, ապա անխոս սեեռեց Թորգոմի երեսը:

Թորգոմը նրա հայացքի տակ գլուխն իջեցրեց իսկույն, մտածելով, որ իզուր և ավելորդ խոսքեր ասաց և այժմ կառավարիչը կցանկանա իմանալ, թե ո՞վ է այդ շինականը, որ իշխան է սպանել: Բայց կառավարիչ իշխանը ասաց միայն.

— Սպանությունը բնավ գովելի վարմունք չէ, տղաս: Բնա՛վ: Իսկ արքայի հրամանն է՝ քաղաքս եկողին չվերադարձնել երբեք, որքան էլ պահանջեն տերերը, որքան էլ լինի նա զանցառու և հանցապարտ... Իսկ այդ շինականի վարմունքը գովելի չէ բնավ:

Թորգոմը կառավարիչ իշխանի մոտից դուրս եկավ անորոշ զգացումներով, ինքն իրենից դժգոհ, որ իզուր խոսք բացեց սպանության մասին... Դուրս գալով՝ միացավ ուղեկիցներին, որ սպասում էին իրեն և հետաքրքիր էին, թե մենակ մնալով ի՞նչ է խոսել նա իշխանի հետ: Բայց Թորգոմը ոչինչ չասաց:

Դրանից հետո Դավիթ դպիրը առաջնորդեց նրանց այն տունը, որ քաղաքում կոչվում էր օթևան, ուր և առժամապես պետք է ապրեին նրանք:

Դա միհարկանի երկար շենք էր՝ մանր խուցերի բաժանված: Ներս մտնելով՝ տեսան այնտեղ մեծ թվով մարդիկ, կանայք, որ իրենց նման խայտաբղետ կապոցներով նստել էին հատակին, շարվել պատերի տակ և զրուցում էին հոգնած:

— Նորեկներ ես նմանապես, — ասաց դպիրը: — Առժամ ապրում են այստեղ մինչև կունենան սեփական օթեան: Եկողներն այնքան են, որ հնար չէ բավարարել ամենեցուն, — ձեռները տարածեց դպիրը, կամենալով ցույց տալ շենքի նեղությունը: — Հետո իշխանս կանի անհրաժեշտը...

Դպիր Դավիթը խոսում էր քանիմաց մարդու վստահ շեշտով և ամեն անգամ, իշխանի անունը տալիս, գլուխը խոնարհում էր այնպես, կարծես իշխանը առջևն էր և սա իր պարտքըն էր համարում պատիվ տալ նրան։ Չնայած դպիր Դավիթի պարտականությունը նորեկներին մտից մատչանում արձանագրելն էր, բայց նա միաժամանակ կատարում էր նաև կառավարչի ամեն մի հանձնարարություն. տեղավորում էր նորեկներին, լսում էր նրանց ցանկությունները և նրանց կարիքները հայտնում իշխանին։

Երբ Թորգոմն իր ուղեկիցներով տեղավորվեց փոքրիկ կացարաններում, դպիր Դավիթը բռնեց Թորգոմի թևը։

— Սա, տղաս, ինչպես ասացի, ժամանակավոր օթևան է,— ասաց նա մորուքը բռան մեջ հավաքելով։— Նոր տուն, սեփական տուն ունենալու համար պիտի ջանաք ինքներդ։ Եթե արհեստ ունես՝ կաշխատես քո արհեստով. նույնպես ընկերներդ։ Իսկ եթե ոչ մեկդ արհեստ չգիտեք՝ կուղարկեն ձեզ նոր շենքերի վրա աշխատելու Աշխատանքին ծայր չկա... Կանայք նույնպես կաշխատեն, եթե կամենան... Երբ նոր տներն ավարտեն՝ ամեն ընտանիք կստանա մի բաժին, մինչև կշինի սեփականը։ Իսկ պարեն կստանաք առայժմ արքունի պահեստից։ Մատենիս մեջ գրում եմ յուրաքանչյուրի ծառայությունը, ուստի և յուրաքանչյուրը կստանա իր արժանին՝ և՛ հող, և՛ տուն... Իշխանը պիտի հոգա ամենը, որ դժգոհ չմնաք...

Խոսեց դպիրը երկար, գծելով լավ հեռանկարներ, իսկ երբ սլիտի՝ հեռանար՝ կատակով հիշեցրեց Թորգոմին.

— Չմոռանաս, տղաս, պսակիդ հրավիրես և ինձ...

Երբ դպիրը գնաց և Թորգոմն ուղեկիցների հետ, նեղլիկ կացարաններում տեղավորվելով, պատրաստվում էին քուն մտնել վերջապես հանգստանալու, հանկարծ, առանց զգուշացնելու, ներս մտավ մի վաթսուներեց մարդ՝ մոխրագույն մորուքը կրծքին և մի կարճ գավազան ձեռքին։

— Բարյավ, հայրենի զավակներ, Դուք տիրապիսնե՞ր եք, թե արքունի շինականներ,— հարցրեց նա շեմքից առաջ դալով ու մի այնպիսի բամբ ձայնով, որից դժվար էր կռահել՝ հետաքրքրվո՞ւմ է, թե հարցաքննու՞մ։

Թորգոմն ու ընկերները նայեցին նրան տարակուսով. լավ չհասկանալով տիրապիս բառը, նրանք այդ բառի մեջ հանդի-

մանության պես մի բան զգացին. բայց և այնպես պետք էր պատասխանել, և Թորգոմը հարցրեց իր հերթին.

— Ի՞նչ ես կամենում, եղբայր:

Մորուքավորը պատասխանելու փոխարեն նորից հարց տվեց.

— Ես հարցնում եմ՝ տիրափա՞ն եք, թե արքունի:

Թորգոմն ու ընկերները հապաղեցին իրենց պատասխանով, կրկին չիմանալով ի՞նչ ասել: Ուստի մարդը շարունակեց.

— Իսկ ո՞ր կողմից եք գալիս:

Ընկերներն իրար նայեցին: Ի՞նչ է ուզում այս մարդը:

— Մենք, ասենք՝ Արշարունյաց գավառից, — բոլորի կողմից խոսեց Թորգոմը, դարձյալ խուսափելով ուղիղ պատասխանից: Նրան թվում էր, թե մարդը բարի նստատեղով չի հետաքրքրվում:

— Արշարունյաց գավառի՞ց, — ծոր տվեց մարդը հիասթափված: — Իսկ ես՝ մեղավորս, կարծում էի մեր գավառից: Կամեցա իմանալ ինչպե՞ս են ապրում մեր շենքերում... Դուք ամենքդ ուրեմն Արշարունյաց երկրի՞ց եք: Բայց չասիք՝ տիրափա՞ն եք, թե... Բնավ մի վախեցեք. մենք այդպես ասում ենք նրանց, ովքեր տերերից փախած գալիս են քաղաքս: — Մորուքավորը լռեց, հերթով նայեց նորեկներին և շարունակեց. — Ձեր տներն ուրեմն իշխան Կամսարակա՞նն է, այնպես չէ՞... Այո, այդպես պետք է լինի: Նա հիմա հեծվորներ է հանել ձեզ բռնելու: Բայց իզո՞ւր: Ով հասավ քաղաքս՝ նրան ոչինչ անել չեն կարող: Ոչի՞նչ: Չվախենաք բնավ: Քանի՞ հոգի եք: Տասը: Փախել եք արիաքար: Հիմա նախադարձները գա՞լան ու խիստ են. հետևում են հազար աչքով... Տեսնող եղա՞վ: Այո՞: Հետապնդեցի՞ն...

Թորգոմն ուզում էր ասել «այո», բայց զգուշացավ բացվել անծանոթ մարդու առաջ, իսկ անծանոթը շարունակեց հետաքրքրվել.

— Այստեղս ի՞նչ եք անելու:

— Ինչ անում են ամենքը, — վրա բերավ Թորգոմի ուղեկից Հովսեփը, որ մինչ այդ լռում էր, չիմանալով ով է խոսակիցը: — Իսկ ի՞նչ կարող ենք անել:

— Ի՞նչ... Այստեղ կարող եք անել ամեն գործ, — անծանոթը բարձրացրեց ու տարածեց ձեռքերը, կամենալով ցույց

տալ աշխատանքի առատությունը։— Եթե արհեստ չգիտեք՝ կարող եք աշխատել քարհանքում, եղեգնուտում, կարող եք հող փորել, հիմքեր շինել կամ թե սալով փայտ, քար կրել՝ մինչև մի արհեստ կսովորեք։ Ես, օրինակ,— շարունակեց մարդը տեղավորվելով տախտի վրա,— դարբին եմ, ինձ առում են դարբին Դավիթ։ Նմանապես տիրափախ եմ։ Մի տարի առաջ, երբ եկա, անում էի ամեն գործ։ Հիմա միայն իմ արհեստ՝ երկաթի գործ։ Բայց կարող եմ պատ շարել և տնիս ծածկել և հյուսնի գործ կատարել...

— Իսկ դու ո՞ր երկրից ես և ո՞ր ես փախել,— հետաքրքրվեց Թորգոմի մյուս ընկեր վարդանը։

— Ասացի չէ՞, եղբայրս, որ փախել եմ մի տարի առաջ վահեռնայաց երկրից,— մորուքը շփեց մարդը։— Երբ արքայի առաջին հրամանն ելավ, ես կնոջս ասացի. «գնանք, Մարիամս... Մեր տեր վահե իշխանը մեզ չէր թողնի մի տեղ բնակվենք. կուղարկեր աշխատելու այստեղ, այնտեղ. շունեհինք մշտական օթևան, ապրուստ։ Երբ ասացի՝ «գնանք, Մարիամ», կինս ասաց. «է, եթե չեն բռնի, չեն տանքի՝ գնա՛նք»... Ու ելանք-եկանք։ Եկանք գողեգող, եկանք սողեսող, մինչև հասանք նոր քաղաք...

Նա, ըստ երևույթին, կամենում էր անել իր փախչելու պատմությունը, երբ ներս մտան ուրիշ մարդիկ. նախ երկու հոգի, ապա երեք. բոլորն էլ տղամարդիկ. ձեռք տալով ողջունեցին Թորգոմին, ընկերներին ու շարվեցին պատի տակ գրված թախտին, որը ծառայում էր նստարանի տեղ։ Մորուքավորը նրանց տեսնելով լռեց, սպասելով, որ նրանք վերջացնեն իրենց ողջույնները։ Բայց նրանք ևս հետաքրքրվեցին, թե ո՞ր գավառից են եկել, ինչպե՞ս են եկել և հետապնդումի կամ արկածի չե՞ն հանդիպել... Մինչ նորիկները կպատասխանեին, մորուքն անհանգստանում էր, որ իր պատմությունը կիսատ մնաց։ Նոր ներս մտնողները նույնպես հայտնեցին, թե իրենք ևս փախածներ են։ Դրանց մեջ կային և մի քանիսր, որ փախել էին վանական շեներից, և իրենց անվանում էին բորբորիտներ։

— Մենք բորբորիտներ ենք։

Թորգոմը չհասկացավ.

— Ի՞նչ է, դուք հայ չե՞ք։

— Հա՛յ ենք, բայց բորբորիտ:

Ներկաներից մեկը բացատրեց, որ դրանք Քրիստոսի հավատից, եկեղեցուց դժգոհ՝ վանքապատկան գյուղերից մեծ թվով փախել-եկել են քաղաք, բայց լավ են աշխատում:

Այցելուները խոսեցին երկար, այնինչ նորեկների քունը տանում էր սաստիկ. նրանք թե՛ լսում էին և թե՛ ննչում իրար հետևից, ասես մեկը մյուսին օրինակելով:

Վերջապես դարբինը, այդ նկատելով, մեկնե ոտքի կանգնեց:

— Ելե՛ք, ելե՛ք, մոռացանք, որ մարդիկ հոգնած են:

Բոլորը ոտքի կանգնեցին ու «գիշեր բարի» կրկնելով՝ դուրս եկան իրար հետևից: Հնկերները քաշվեցին իրենց խցերը, խկ թորգոմն արթնացրեց մորը, որպեսզի հարմար գիրքով պառկի, և ինքն էլ մեկնվեց վերջապես:

Օրն այնքա՛ն երկար էր թվում նրան, այնքա՛ն շատ էին տպավորությունները: Որքան էլ ուրախ էր, որ անվնաս հասան քաղաք, բայց նրան մտահոգում էր դարձյալ, թե սպանված իշխանի հարազատները նորից չե՞ն հետապնդի իրեն՝ վրեժխնդիր լինելու և կամ չե՞ն պահանջի...

Մտածելով այս մասին՝ նա իրեն մխիթարում էր, որ դեմքով իրեն կարող են ճանաչել միայն սպանված իշխանի հետ եղած մարդիկ, բայց նրանք երբեք չեն գա այստեղ... Բացի այդ, նրան հանգստացնում էր նաև իշխան Վարազի խոսքը թագավորի հրովարտակի մասին, թե՛ քաղաք եկող յուրաքանչյուր փախստական դառնում է արքայի ծառան և ոչ մի նախարար այլևս իրավունք չունի նրա վրա:

«Այս լավ է», — ասում էր թորգոմը մտքում և հիշում իր զրույցը Դավիթ դպիրի հետ, որին հայտնեց, թե ինքը հարսնացու ունի և շուտով պիտի ամուսնանա... Եվ դա ճիշտ էր: Նա իրոք նպատակ ուներ այստեղ ամուսնանալու: Բայց մինչև այժմ ոչինչ չասվեց այդ մասին, առհասարակ թորգոմի մասին, որ կամսարականի ծառայությունից, ավելի շուտ նրա չար կառավարչի երեսից փախել էր այդ խկ ամուսնության նպատակով: Ինչ-որ բանի համար կառավարիչը գծովել էր թորգոմի հետ ու ամեն կերպ ջանում էր խանգարել, խռչնդոտել նրա պսակը սիրած աղջկա հետ. անգամ շենի տեր-տերին հրամայել էր՝ չպսակել դրանց... Ուստի և թորգոմը

համոզել էր իր մորն ու աղջկա հորը՝ (որ մենակ մարդ էր), որպեսզի հեռանան յարակամ կառավարչից և գնան թագավորի նոր քաղաքը և պսակվեն այնտեղ... Այս իմանալով՝ նրանց միացել էր իրենց հարևանը՝ կնոջ և երեխայի հետ, այն մարդը, որին իշխան Համունին իր թիկնապահներով ուղարկեց իշխան կամսարականին... Հետո ճանապարհին հանդիպել էր ուրիշ նախարարությունից փախած մարդկանց՝ Վարդանին իր կնոջ և ութ տարեկան տղայի հետ և Հովսեփին ու նրա նորատի կնոջը, և մտածել էր, թե դրանց հետ միասին փախչելը հեշտ կլինի ու անվնաս... Նրա համար անհայտ էր, թե ինչպես իշխան մարդիկ վրա հասան անտառում և կոխվ սկսեցին... Այս բոլորն անսպասելի էր նրա համար... Ու ահա, վիրջապես, եկել էին թագավորի նոր քաղաքը, ուր հետաքրքիր շատ բան կար գուցե, բայց ցածրիկ հանրակացարանը, ուր ամեն մի խուցում ապրում էր մի երկու ընտանիք, հաճելի չեղավ Թորգոմին։ Պառկելով՝ նա այժմ մտածում էր, թե ինչպես կարող է պսակվել այնտեղ՝ այս շենքում, ուր բոլորն անժանոթ մարդիկ են, նեղվածք... Դեռ փախուստից առաջ և փախուստի ճանապարհին նա այնպես էր պատկերացրել, թե Արշակավան հասնելուն պես իրեն տուն կտան և ինքն ընտանիք կկազմի Մինայի հետ... Բայց այս խցերում, ուր մարդիկ թափված են իրար վրա, ուր ամեն վայրկյան գնացող, եկող... նորահարսը այս աղմուկի մեջ...

Հիշելով Դավիթ դպիրի խոսքերը, թե եկողներին առժամանակ լռեցնելու էին խցերում, ապա հող են տալիս՝ տեփական տուն շինելու, և ով կարողանում է՝ կառուցում է, ով ոչ՝ մնում է այս կացարանում...

«Սա կշինեմ իմ տունս, — մտածեց Թորգոմը։ — Եվ մինչև շունենամ իմ տունս՝ չեմ ամուսնանա»...

Ու այս մտքով էլ քնեց։

ՊՈԽԽ ՅՈՐԵՐՈՐԴ

Իշխան կամսարականը քեռայրի թաղումից հետո երեք օր ևս մնաց բրոջ մոտ՝ նրան մխիթարելու, հանգստացնելու և խորհուրդներ տալու համար, նաև նրա համար, որ հանցա-

գործներին հետապնդելու գնացողները այսօր-վաղը կբերեն փախածներին և ինքն անձամբ կտեսնի նրանց դատաստանը:

Բայց հետապնդողները, փախածների փոխարեն, լուր բերին, թե նրանք անցել են արդեն Արշակավան: Նար իշխանը զայրացավ սաստիկ, հանդիմանեց հետախույզների պետին որպես անկար մարդու և մռայլվեց, որ անհաջողությունները հաջորդում են միմյանց. Անգեղաց իշխանիկը ազատվեց գնաց իր կալվածքը, այնտեղից էլ կերթա, երևի, թագավորի մոտ... Իր տիրանենգ ծառաները սպանեցին քեռայր Դավիթին և անպատիժ անցան Արշակավան. կարելի՞ էր հանգիստ մնալ, կարելի՞ էր շվշտանալ և շզայրանալ...

— Սինլբորեն՝...

Եվ բարկությունից իշխանը չէր կարողանում նստել մի տեղ. ըստ սովորության ծամում էր բեղերի ծայրերը և զընում-զալիս սենյակում: Ի՞նչ պետք էր անել. նորի՞ց իշխանաժողով հրավիրել, հայտնե՞լ այս ամենի մասին Վասպուրականի տիրոջը, թե...

Այս ժամանակ էր ահա, որ հիշեց նա իր կարևոր անելիքը և իմանալով, որ Ներսես կաթողիկոսը գտնվում է Գառնի, ճանապարհ ընկավ դեպի այդ լեռնային մենաստանը՝ իշխանաժողովի հանձնարարությունը կատարելու. այսինքն՝ քահանայապետի հետ խոսելու, որ նա իր հեղինակությամբ կարգի հրավիրի Արշակ թագավորին:

«Առավել լավ, որ կաթողիկոսը Գառնի է», — ասաց նա մտքում և խթանեց իր սև նժույգը: Եթե Կամսարական իշխանն իմանար, որ կաթողիկոսը մայրաքաղաքումն է՝ Վաղարշապատ, երբեք չէր գնա, որովհետև թագավորն անկասկած կլսեր իր այցը քահանայապետին և դա կդառնար առիթ նոր անախորժության. Արշակը այդ այցը կհամարեր բացարձակ արհամարհանք իր դեմ... Իսկ Կամսարական առհասարակ չէր ցանկանում լինել Արշակի մայրաքաղաքում մի քանի պատճառով, նախ, որ բերդերի պահանջից հետո խուսափում էր թագավորին հանդիպելուց, երկրորդ՝ չէր գնացել Յլիմպիա թագուհու թաղմանը: Իսկ վերջին դեպքն արդեն՝ քեռայրի սպանությունը այնպիսի զգացումներով էր համակել նախ իշխանին, որ նա բնավ չէր ցանկանա ոտք դնել Վաղարշապատ:

Ուստի և իմանալով, որ կաթողիկոսը մեկնել է Գառնի՝ ներուստ ուրախացավ և ճանապարհ ընկավ համարձակ:

Նրան հետևեցին երկու որդիները և տասներկու թիկնապահները՝ նժույգներ հեծած, երկարաբուն նիզակները ձեռքներին, աղեղները ուսները դրած: Թվում էր՝ գնում են արշավանքի և ոչ թե քահանայապետի այցելության:

Ամրոցի բնակիչները, դրանց հետ և կամսարականի սգավոր քույրը, նրանց «բարի երթ» մաղթելով մտածում էին՝ կհաջողի՞ արդյոք իշխանն իր առաքելության մեջ, կամ ճանապարհին չի՞ պատահի մի նոր դժբախտություն...

ԳԼՈՒԽ ԱՌԱՋԻՆ

Մինչև իշխան Կամսարականը կհասնի Գառնի, պատմենք, թե ի՞նչեր էին անցել-դարձել Հայոց Աշխարհում և ի՞նչ գործեր էր կատարել Արշակ թագավորը, որ Կամսարականն ու նրա բարեկամ նախարարները հուզված էին այդպես՝ սաստկասլես:

Օ՛, գործեր շա՛տ էին կատարվել, շա՛տ... Հենց միայն այն, ինչ հիշեցին նախարարներն իրենց միաժողովում՝ Արշակավան քաղաքը, որ կառուցում էր թագավորը... Քաղաք, որը կարծես ամենից շատ էր վրդովում նրանց, բայց բարկության հուզմունքով ասացին նաև, թե Արշակը թունավորել է իր թագուհուն, սպանել է եղբորորդուն և սեփականել նրա գեղանի կնոջը՝ Փառանձեմին... Ասացին և շատ ուրիշ բաներ...

Եվ այս ամենը պարզելու համար ահա պետք է ետ գառնանք մի տասը-տասնհինգ տարով, որպեսզի հասու լինենք կատարվածին այնպես, ինչպես տեղի է ունեցել ճշմարտապես:

Ուստի սկսենք, որտեղից արժանի է սկսել:

Այսպես. իր թագավորության երկրորդ թե երրորդ տարում Արշակը հիմք գրեց մի քաղաքի, որ տասնհինգ տարի կառուցվում էր ահա Կոգովիտ գավառում, այն իսկ ճանապարհի վրա, որտեղից շարունակ ուղտերի բեռնաքարձ քարավաններ էին գալիս-գնում Բյուզանդիա, իսկ Բյուզանդիայից՝ պարսից, հինդու և չինու աշխարհները, և որտեղից պարսիկները հաճախ ներխուժում էին Հայոց Աշխարհը: Թե ինչո՞ւ էր թագա-

վորն ընտրել այդ ոչ այնքան ապահով վայրը իր քաղաքի համար՝ շատերը մեկնել չէին կարողանում, իսկ Արշակն ինքը լռում էր, երբ խոսք էր լինում այդ առթիվ. նա չէր բացատրում ոչինչ և տարակույսները մնում էին շփարատված: Անգամ պալատականների հարցումներին պատասխանում էր, թե «կարի անհրաժեշտ է», որ ավանը լինի այդտեղ... Մյուս կողմից՝ ոչ ոք չէր զգում դրա անհրաժեշտությունը, քանի որ Հայոց Աշխարհն ուներ կարևոր քաղաքներ, ուստի և Արշակի այդ նախաձեռնությունը համարում էին «արքայի քմահաճույք»... Քաղաքի կառուցմանը դեմ էր նաև Արշակի հույն կինը՝ Օլիմպիա թագուհին. «Կարիք կա՞, բազիլևս, ընկնել հոգսերի մեջ», ասում էր նա հունարեն: Իսկ Արշակը պատասխանում էր. «Հույժ կարևոր է, բազիլեյա»... Թագուհին կրկնում էր, որ դա հոգս է ավելորդ: Արշակը ոչ բացատրում էր դրա կարևորությունը և ոչ առարկում... նա հարգում էր բյուզանդացի կնոջը և չէր կամենում որևէ բանով վշտացնել նրան:

Պետք է ասել և այս, որ քաղաքատեղի ընտրությունը չէր եղել պատահաբար կամ հանկարծակի: Բոլորովին: Մի անգամ, իր շրջագայության միջոցին, Արշակը նկատեց, որ Կոգովիտի այդ տարանցիկ ճանապարհի վրա չկա մի փոքրիշատե խոշոր բնակավայր, և մտածեց այդ ամայի վայրը զարդարել մի ավանով... ու նախքան հիմնադրելը մեկ-երկու անգամ գնաց Կոգովիտ և դիտեց-զննեց, թե արդյոք չի՞ սխալվում այդտեղ ավան հիմնելով. արդյոք մոտակայքում կա՞ այն ամենը, ինչ անհրաժեշտ է մի ավան կամ մի քաղաք կառուցելու համար՝ քար, փայտ և այլ նյութեր շինության: Սվնա չգոհացավ միայն հարցումներով. անձամբ, չքախմբի անդամների հետ (որոնց մեջ էին առաջին հերթին հաղարապետ Դավիթ Գնունին, Բագրատունի Սմբատ ասպետը և Մամիկոնեից վարդ իշխանը) գնաց քարահանքերը, դիտեց և այդ վայրից ոչ հեռու՝ գտնվող լճակները, որոնք առատ ջրից ու ձկներից բացի, ունեին նաև մեծ տարածություններ բռնող եղեգնուտներ, որոնք ամառը լցվում էին որսի անհամար թռչուններով, իսկ ձմեռը՝ սարերից իջնող որսի կենդանիներով: Որսից զատ այդ մեծատարած եղեգնուտները բնակիչներիս կարող էին տալ և այլ օգուտներ. նրանց եղեգնը, որ մարդու հասակից րարձր էր, ծառայում էր որպես ծածք ու վառելիք,

և թե կողովորացիները հնար չէին ունենում գնալ հեռու, այսինքն՝ Բասենի անտառներից շինափայտ և վառելիք բերելու։

Մի քանի օր վրանում գիշերելով, Արշակը ծանոթացավ շրջապատին. տեսավ Թոնդրակ կոչված հրաբխային սարը, որից, բնիկների ասելով, ելնում էր «ծուխ ու մուխ սաստիկ», բայց այլևս չէր պատճառում մի վնաս, քանի որ արտավիժիլ էր այն, ինչ ունեցել էր ներսում։ Արշակին առանձնապես դուռ եկավ Նղշերասարը, որն իր գագաթին ցցած կապտորակ գույք ժայռերով հիշեցնում էր խրոխտ մի ցուլ, որ խոյացել էր ասես երկնքին հարվածելու։

Ծանոթանալով շրջապատին՝ Արշակը որոշեց և քաղաքի բուն տեղը մի հարթավայրի վրա, որից վեր սառցահամ աղբյուրներ էին բխում, իսկ նրա միջով անցնում էր լճերից եկող գետը, վճիտ մի գետ, որ կոչվում էր Զկնգետ, որովհետև իրոք լի էր ձկներով։ Բայց թագավորի ուղեկիցները՝ հազարապետ Գնունին, Բագրատունի Սմբատը և Մամիկոնյան Վարդ իշխանը գտան, որ դա հարմար վայր չէ քաղաքի, անգամ ավանի համար։

— Եվ ինչու,— հետաքրքրվեց Արշակը, ըստ սովորության, աչքերը կկոցած նրանց զննելով, ասես ստուգում էր խոսակիցների անկեղծությունը։

— Վասնզի, արքա,— առաջինը խոսեց հազարապետը,— մոտ է սահմանին և պարսից ճանապարհի վրա։

— Եվ այդ իսկ պատճառով անհրաժեշտ,— վրա բերավ Արշակը։

Մյուսներն այլևս չխոսեցին։

Ու մի քանի օր անց քաղաքը հիմնադրվեց իր՝ Արշակ թագավորի և մի խումբ պալատականների ներկայությամբ. թագավորը առաջինն ինքը մի ոսկեդրամ գցեց փորված հիմքը, որպեսզի այն լինի հաստատուն, նույնն արին և պալատականները՝ փոսը նետելով հասարակ դրամներ... Քաղաքի հիմնարկներն եկել էին մոտակա գյուղերի շինականները՝ իրենց կանանցով, երեխաներով, որոնց ծնողները գրկել էին կամ նստեցրել ուսերին, որպեսզի նրանք ևս կարողանան տեսնել, թե ինչպես է քահանան օրհնում հիմքը։ Շինականներն իսկապես եկել էին ծես ու թագավոր տեսնելու, որին երբեք չէին տեսած, և երբ թագավորը դեղնափայլ ոսկին նետեց նոր քան-

դած փոսը՝ նրանց դեմքին երևաց ահագին զարմանք՝ մի ամբողջ ոսկի գցեց հողի մեջ... Սակայն շինականներն ափսոսացին, որ թագուհին չկար. նրան ևս կարող էին տեսնել: Եվ դրան փափագում էին հատկապես այն պատճառով, որ լսել էին, թե թագուհին հունաց կայսեր աղջիկն է, գեղեցիկ է, հագնվում է ուրիշ ձևով, խոսում է այլ լեզվով:

Քաղաքը հիմնադրելու օրից թագավորը նրա շինության կառավարիչ կարգեց իշխան Վարազ Գնունուն՝ հազարապետի կրտսեր եղբորը, որ ամեն շաբաթ պարտավոր էր գալ մայրաքաղաք և զեկուցել թագավորին շինարարության ընթացքի մասին: Եվ եթե նա ուշանում էր ինչ-ինչ պատճառներով, Արշակը հարցումներ էր անում իր կնքապահ և սենեկապետ Վարդ Մամիկոնյանից կամ մյուսներից, թե ի՞նչ եկել մեկը կառուցվող Ավանից, կամ՝ ի՞նչ լուրեր ունեն Ավանի շինության մասին: Այսպես էլ ասում էր. «Ի՞նչ լուր Ավանից»...

Ի դեպ, թագավորն ինքը երբեք չէր ասում Արշակավան, այլ պարզապես Ավան: «Արշակավան» ասում էին պալատականներն ու նախարարները, չգիտես թագավորին հաճոյանալու, թե նրա հետևից նրան հեղնելու համար:

Չնայած քաղաքի հիմնադրելու օրից թագավորի հրամանով Հայոց Աշխարհի շատ մասերից, հատկապես արքունի շենքերից, հավաքեցին այդտեղ ամեն կարգի արհեստավոր ու գործավոր, բայց և այնպես քաղաքի շինարարությունը չէր ընթանում այնպես, ինչպես սալասում էր Արշակը. կատարվում էր դանդաղ, քանզի սակավ էին մարդիկ քաղաքի բազմատեսակ աշխատանքները գլուխ բերելու համար: Այդ իսկ պատճառով Արշակը նկատելով, որ քաղաքի կառուցումը կարող է տևել տարիներ, միտք հղացավ՝ դիմել նախարարներին և խնդրեց, որ գործավորներ տան և առհասարակ օգնեն ավանի շինության: Նախարարները, որ դրա համար հրավիրված էին մեծ մայրաքաղաքը հայոց՝ Վաղարշապատ, խոստացան անել կարելին: Բայց, վերադառնալով իրենց կավածները, շատերը շուղարկեցին և ոչ մի մարդ... Անցավ տարուց ավելի և... ոչ մի գործավոր: Արշակը սպասեց և այլևս չկրկնեց իր խնդրանքը: Նա չուզեց անգամ հիշեցնել և ոչ էլ դիմել խիստ միջոցների, այլ միայն գրություն հղեց բերդատեր նախարարներին, թե, հանուն երկրի ապահովության, ցանկալի

է համարում, որ «նախարարաց պատկանող բերդերը» լինեն թագավորի տրամադրության տակ, որպեսզի «ի դեպս պատերազմի» ինքը ի վիճակի լինի պաշտպանել երկիրը հայրենի։

«Մարդեր չտվին բանակը զորացնելու, մարդեր չտվին Ավանը շինելու, թերևս բերդերը զիջանեն հանուն հայրենի երկրի ապահովության», — մտածում էր Արշակը և սպասում։ Անցավ մեկ-երկու ամիս՝ նա սպասում էր և մտածում, թե այս ևս մերժելու դեպքում ի՞նչ պետք է անել, որպեսզի նախարարները ենթարկվեն իրեն...

Նա խորհում էր և սպասում, երբ տեղի ունեցավ, ավելի շուտ՝ հայտնվեց մի դեպք, որ առժամ մոռացնել տվեց նրան թե՛ Ավանը, թե՛ բերդերը։ Դեպք, որին հաջորդեցին ուրիշ նոր դեպքեր և դարձյալ մոռացնել տվին թե՛ Ավանը և թե՛ բերդերը։

Բայց առավել լավ է այդ ամենը պատմագրենք հաջորդաբար, ինչպես տեղի են ունեցել ճշմարտապես։

* * *

Մի առավոտ Արշակը, ըստ սովորության, զլխաբաց ու գոտեպինդ կապալով երթեկում էր վաղարշապատի պալատի գահասարահում և ուշադիր լսում զեկույցը իր սենեկապետ ու կնքապահ Վարդ Մամիկոնյանի, որ քառասունն անց միջահասակ տղամարդ էր՝ բոլոր Մամիկոնյանների նման խոյաքիթ ու սրահայաց։ Մա միալար ձայնով, երբեմն միայն այս կամ այն բառը շեշտելով, ձայնի մեջ սակայն պատշաճը պահած, իրար հետևից պատմում էր այն բոլոր լուրերի և գրությունաց մասին, ինչ ստացվել էին պալատում։ Թե՛ լուրերը, թե՛ գրությունները սովորական էին այդ ամենի մեջ արտակարգ ուշիչ չկար. — սահմանները հանգիստ են, հազարապետը լուրեր է առել գավառներից, թե տուրքերը գանձվում են «ղժվարավ, քանզի երաշտ է եղել և կարկուտ սաստիկ»... Ապա հետևեցին մանր լուրեր — մի ծառա, տիրաջից դժգոհ, հեծել է նրա նժույգը և փախել քաղաքից, մի աննշան սեպուհ ընդհարվել է հարևանի հետ և սպանել նրա ծառաներից երկուսին, մի ալլ նախարար...

Արշակը, այդ մանր լուրերից և կնքապահի միօրինակ ձայ-

նից ձանձրացած, երթնելը դադարեցրեց և կանգնեց ուղիղ նրա առաջ.

— Իսկ Կամսարականից պատասխան չկա՞ տակավին:

— Ոչ, արքա, տակավին ոչ:

— Եվ ոչ իսկ հայտնի՞ է նրա մտադրությունը:

Կնքապահը վարանեց իսկույն պատասխանել:

— Զրուցում են, արքա,— սկսեց նա հատակին նայելով.— որ նա բնավ չի համաձայնի իր բերդերը զիջանել քեզ, վասնզի, ասել է, թե դրանցով է պահպանում իր մեծ կալվածները և նախարարի իր դիրքը ազդեցիկ: Ապա ասել է նաև,— և սա պատմել է ականջալուր մարդ,— թե «տկարամիտը միայն իր սուրը կնվիրի հակառակորդին»:

Արշակի սպիտակուցները փայլեցին թուխ դեմքին, մի բան, որ լինում էր նրա բարկության պահերին, եթե անգամ չէր արտասանում մի բառ կամ չէր անում թեկուզ մի շարժում: Վերջերս, յուրաքանչյուր օր կնքապահ-սենեկապետի զեկուցեցը լսելիս նա հարցնում էր անխախտ. «Իսկ ի՞նչ լուր Կամսարականից», և սենեկապետը պատասխանում էր. «Տակավին ոչ մի լուր, արքա»... Ու ամեն անգամ Վարդի պատասխանը լսելիս Արշակը մռայլվում էր մտածումների մեջ. բայց այսօր լսածը նրան մռայլեց ավելի:

— Այդպես,— խոսեց նա փոքր լռելուց հետո:— Կամսարականաց տները կամենում է ուրեմն Հայոց Աշխարհի ամուր բերդերը պահել իր ձեռքին և չհանձնել... քանզի ինձ համարում է հակառակորդ... Կամենում է ուրեմն պաշտպանել իր կալվածները միայն և երկիրը թողնել անպաշտպան... Սակայն չգիտե՞ միթե, որ ինքը չի կառուցել այդ բերդերը:

— Գիտե, արքա. հարկավ գիտե, որ երանելին Տրդատ արքան է դոքա նվիրաբերել իր նախնիներին, բայց ասել է, որ այդ բերդերը նորոգելու համար իր պապերը ծախսել են լիակշիռ ոսկի:

Արշակը աչքերը կծկեց. նրանց սպիտակուցները չքացան կարծես:

— Այդ ամենից կարելի է մակաբերել ուրեմն, որ նա կցանկանար գուցե վաճառե՞լ ոսկով:

— Ոչ, արքա: Զրույցի ժամանակ նկատել է անգամ, որ

ձթե բերդաց քարերի կշռով իսկ ոսկի տան՝ այսուամենայնիվ ինքը չէր ցանկանա զրկվել իր տոհմական բերդերից։

— Այդպե՛ս, — փնչացրեց Արշակը և, նորից լռելով, սկսեց երթևեկել մտամտփոփ։ Եվ երբ արել էր հինգ-վեց շրջադարձ, նորից կանգ առավ։— Մակարեւրում եմ, որ Կամսարական իշխանը իր ապահովությունը համարում է առավել՝ կալևոր, քան ապահովությունը մեր ողջ աշխարհի... Այո՞... և ինձ համարում է ոչ թե արքա, այլ հակառակորդ, — կրկնեց Արշակը վրդովանքը զսպելով։

Վարդ իշխանը չիմացավ ինչ ասել և նկատեց միայն.

— Կամսարականաց տերը՝ Նար իշխանը, արքա, ունի խոհեմ մարդու համբավ, ուստի դժվարին է ենթադրել, որ նա ունենա նմանօրինակ խոհեր։

— Սակայն նրա վարքից ու խոսքից երևում է այդպես, եթե ոչ ավելին։ Եվ մի՞թե դու չես կամենում դատել բանական։

— Կամենում եմ, արքա, և դատում եմ, որ Նար իշխանը չէր կարող լինել այդքան հանդուգն։

— Այդպես է սակայն. նա չեկավ իմ թագադրության, չպատասխանեց տակավին և իմ վերջին գրություն։

— Իրազեկ եղա, որ տկար է եղել, արքա։

— Ոչ, Մամիկոնեից իշխան. նա գոռոզ է, գոցեւ Եր-համարհում է ինձ։

— Հավաստել դժվարին է, արքա։

— Այսուամենայնիվ այդ կապացուցի նորա պատասխանը՝ բերդերը զիջանո՞ւմ է, թե ոչ, թեկուզ փոխարենը մեծ կալվածներ ստանալու պայմանով։

Արշակը լռեց մի վայրկյան, ապա, սեւամազ գլուխը թափահարելով, ասեւ ինչ-որ տհաճ մտքեր իրենից վանելու համար հարցրեց.

— Իսկ Ավան մեկնելու համար պատրա՞ստ է ամենը։

— Այո, արքա։ Ես արդեն կարգադիր եմ եղել, որ ամենայն ժամ պատրաստ լինեն հրամանիդ, — ասաց Վարդը և, մի ոտից մյուսին հենվելով, մտախոհ նայեց թագավորին, ասեւ ինչ-որ հիշելո՞ւ, թե մոռացված մի բան ասելու։

Արշակը, սովոր լինելով նրա հայացքին, հարցրեց.

— Ունե՞ս նոր ասելիք, իշխան։

— Հրամայել ես, արքա. կուզեի հայտնել, որ արքայազն Տիրիթը...

Արշակի աչքերի սպիտակուցները մեծացան և խաղացին թուխ երեսին:

— Արքայազն Տիրիթը... Պատահե՞լ է ինչ:

— Հատուկ ոչինչ, արքա,— հանգստացնող եղանակով շեշտեց սենեկապետը:— Կամենում էի ասել, որ նա ժամանել է գիշերս...

Թագավորի աչքերի սպիտակուցները ավելի խաղացին:

— Եվ ո՞վ է թույլատրել նրան մայրաքաղաք գալու:

— Պիտի խոստովանեմ, արքա. եկել է առանց թույլտրվության:

— Ինչպե՞ս... և ինչո՞ւ:

— Եկել է, արքա, հույժ կարեւոր մի հայտնություն:

— Եվ ի՞նչ է այդ հայտնությունը...

Արշակի ձայնի մեջ կային բարկության բացահայտ շեշտեր:

— Ըստ ամենայնի կարեւոր, արքա,— շարունակեց Վարդ իշխանը՝ Թագավորի բարկությունից ձայնն իջեցնելով, գազտնիք հազորդողի զգուշավորություն, թերևս և իր նվիրվածությունը արքայի առաջ ընդգծելու ցանկությամբ:

Սակայն Արշակին հաճո չեղան նրա խոսքի խորհրդավոր եղանակն ու շողոթորթ շեշտը:

— Զրուցիր պարզ և մեկին, իշխան:

— Բարի, արքա,— և Վարդը ինքնաբեր աջը դրավ կրծքին,— քանզի հրամայում ես խոսել մեկին, ասեմ արքա. դավ է նյութվում գահիդ շուրջը:

Հոռություն իջավ, որի մեջ Թագավորն ու սենեկապետը մի երկու վայրկյան անխոս, անշարժ նայեցին իրար, կարծես միմյանց փորձելու համար:

— Դա՞վ,— երկարեց Արշակը աչքերը կծկելով:— Եվ ո՞վ է նյութում:

— Հարազատներդ, արքա:

Նորից լռություն, նորից Արշակը աչքերը սեղմած նայեց իր սենեկապետին, ասես նրա դեմքին նախ մտքեր կարդալու համար:

— Հարազատներդ...

— Այո, արքա,— և սենեկապետը ակամա նայեց շուրջը:— Արքայազն Գնեւը՝ թագազուրկ արքայահոր հետ համախորհուրդ:

Այս անգամ Արշակի աշքերի սպիտակուցները փայլատակեցին, և նա բերանը սեղմեց այնպես, որ ներքին ծնոտի մազերը ցցվեցին:

— Դու, իշխան, այդ կասկածը նույն արքայազն Տիրիթի բերանից հայտնեցիր մի ամիս առաջ և քեզ հրահանգվեց հասու լինել և ստուգել...

— Եվ հետամտեցի, արքա,— ձայնն ավելի իշեցրեց Վարդ իշխանը:— Սակայն, ստույգ ոչինչ գտնելով, նույն արքայազն Տիրիթին խնդրեցի հոգ տանել և, ինչ մի նկատելիս, լուր տալ ինձ՝ քեզ հաղորդելու համար...

— Ե՛վ,— ընդմիջեց Արշակն անհամբեր:

— Եվ ահավասիկ եկել է նա կարևոր հայտնություններով: Թագավորը նստեց մտածումների մեջ և մորուսով ծնոտը հենեց աջին:

— Գնե՛ւը...— խոսեց նա փոքր լուսթյունից հետո:— Այդ սպտանին դավո՞ւմ է իմ դեմ: Անհասկանալի վարմունք... Զէ՛ որ ևս, ամեն օրենք խախտելով, թույլատու եղա, որ նա ապրի Կավաշում՝ կույր, գահազուրկ պապի մոտ... և նա, հազիվ երկու ամիս առաջ պսակվելով, պետք է որ զբաղվեր իր հարսով և շնորհապարտ լիներ ինձ: Սակայն դա՞վ է նյութում իմ դեմ:

Վարդ իշխանը արձակեց մի հուսահատական հոգոց:

— Մարդը, արքա, որքան կարողացել եմ ճանաչել, լինի ուսմիկ թե արքայազն, ապերախտ է միշտ: Դու որ ի վիճակի չեղար գնալ նրա հարսանիքին, գժգոհ է հավանաբար և... սակայն ո՞վ կարող է իմանալ մարդկային հոգին, նրա ձրգտումներն ու նկրտումները: Փա՛ռք, մեծության երազներ...

Թագավորը ակնարկով իսկ շանդրադարձավ սենեկապետի խոսքերին: Նա մտաւտար նայում էր գահասարահի մոզաիկ հատակին: Բայց մի քանի վայրկյանից գլուխը բարձրացրեց.

— Իսկ արքայազն Տիրիթը, իշխան, ունի՞ ապացույցներ այդ ամենի համար: Կարո՞ղ ես հավաստել... Սակայն, սպասիր, իշխան,— տեղից արագ վեր թռավ Արշակը:— Այժմ՝ որտե՞ղ է նա ինքը՝ արքայազն Տիրիթը:

Վարդ իշխանը մեղավորի ձայնով հայտնեց, որ Տիրիթ արքայազնը իջևանել է իր տանը և այժմ գտնվում է այնտեղ։
— Եվ ինչո՞ւ չի եկել ինձ մոտ, երբ... բերել է այդօրինակ լուրեր։

— Նա այդ իսկ ցանկանում է հոգեին, արքա։ Եվ այժմ ունկնդրություն է խնդրում՝ իմ միջոցովս։ Եթե կհաճես՝ կարող եմ կանչել անմիջապես։

Թագավորը գլուխը շարժեց իբրև համաձայնության նշան։

— Կանչիր, իշխան։ Կուզեի անձամբ լսել նրան և հասու լինել, թե ի՞նչ է կատարվում Կավաշում։

Վարդ իշխանը ոտի ծայրերի վրա դուրս եկավ փութով՝ չդիտես կարգադրելու, որ կանչեն արքայազն Տիրիթին, թե ինքը գնաց նրան բերելու։ Իսկ Արշակն սկսեց երթևեկել գահասրահում մտամփոփ մի տեսքով, ինչ նրա թուխ, մազապարար դեմքին տալիս էր հատուկ մոայլություն. դա թերևս նրանից էր, որ հոնքերը թավամաղ էին, իսկ հոնքամիջում կար մշտապես մի խոր կնճիռ։

Արշակը բարձրահասակ էր և թիկնեղ. ոտները երկար էին և բարակ. այդ իսկ պատճառով մարմնի վերին մասն ավելի զարգացած էր թվում, քան մեջքից ներքև։ Սակայն նա ոտքերն ալնպես ամուր էր դնում, ասես դրանք երկաթից էին. ու ոտները փոխում էր այնպես, կամենում էր կարծես տրորել կամ սեղմել ինչ-որ նրա դեմքը թուխ էր, ոչ մսոտ և փոքր-ինչ ձիգ, ինչ հետևանք էր թերևս սև մորուքի, որն այնքան էլ երկար չէր։ Բայց նրա երեսին առավել ուշագրավ էին աչքերը, որոնց մեջ այդ պահին կար շանթի ու կայծակի պես մի բան, որ փոխնիփոխ հաջորդում էին իրար, փայլեցնելով նրա աչքերի սպիտակուցները։

Մի քանի անգամ ետ-առաջ անելով՝ երբ մոտեցավ գահին, նա կանգ առավ՝ աչքերի սպիտակուցները շողացնելով։ Կանգ առավ ու մի ոտքը դրեց գահի պատվանդանին։

«Գնե՛լը դա՛վ է նյութում... ի՛մ դեմ... Ուղում է դառնալ թագապահանք... Ինչո՞ւ. հավանաբար մտածում է, որ եթե հայրը շմեռներ, ըստ օրենի, որպես ավագ, նա պիտի լիներ գահակալ... Բայց քանի որ գահն անցել է ինձ՝ Գնե՛լը ցանկանում է ուրեմն...»։

«Դավ է պատրաստվում», — կրկնեց Արշակը Վարդ իշխա-

նի խոսքը, մտածելով սրամտությամբ, թե ահա վասիկ ճշշտվում է հավիտենական այն ճշմարտությունը, որ օձը կծում է տաքացնողին... Պետք է ստուգել սակայն, թե այդպե՞ս է արդյոք... Անհավանական չէ, անշուշտ, որ Գնեկն ամուսնությունից հետո ձգտի և փառքի. կամենա դառնալ գահակալ... Բոլոր արքայազուներին երազն է այդ։ Բայց Գնեկն անկասկած մենակ չէ իր ձգտումի մեջ... Եվ Արշակին թվում էր, թե նրա ետև կանգնած են անշուշտ իր հակառակորդները, գուցե և թշնամիները։ Առաջինը թեկուզ իր հայրը, որ տակավին չի կամենում հաշտվել իր գահազրկության հետ և թերևս նա է դրդում Գնեկին այդ քայլն անելու...

«Այո, հայրս»... — և Արշակը հիշեց թագազուրկ հորը՝ Տիրան արքային, որին ինքը բնակության համար հատկացրել է Կավաշ ամրոցը։ Սակայն կույր գահընկեցը, որքան լսում էր Արշակը, դժգոհ էր, թե ինչո՞ւ թագավոր որդին չէր թողել նրան մայրաքաղաքում, մոռանալով, որ գահընկեցին սովորաբար հեռու են պահում արքունիքից... Իսկ Արշակը կարծում էր, որ նա Վաղարշապատում մնալով պիտի խառնագարեր իրեն, միջամտելով ամեն խնդրի ու ձեռնարկի... ուստի և զարմանում էր, որ հայրը չէր հասկանում, թե մայրաքաղաքում ապրելը առավել ծանր կլինե՞ր նրա համար։ Շատ բան պիտի լսեր և, սրտնեղելով, դժգոհեր... Դժգոհ է անշուշտ և հիմա։ Զկարողանալով հավանաբար իր դժգոհությունը հայտնել որևէ կերպ՝ նա ուրեմն թողանք՝ Գնեկին, մղում է թագապահանջության դավի, մտածելով երևի թագավորեցնել նրան անվանաույնս, որպեսզի կառավարի ինքը...

«Բայց այժմ առավել լավ է լսենք իրեն՝ Տիրիթին, — ասաց Արշակը մտովի։ — Դրանից և կպարզվի, թե ի՞նչ է կատարվում Կավաշում և ո՞վ է կատարում»։

Եվ ահա, այդ խոսքերին ասես ի պատասխան, ներս մտավ սենեկապահ ծերունին՝ ականջներից ներքև իջնող ճերմակ մազերով և ձեռքը կրծքին խոնարհում արավ.

— Արքայազն Տիրիթ և Վարդ իշխան։

— Կարո՞ղ են, — կանգնեց թագավորը գահասրահի մեջտեղը այնպես, ինչպես կար՝ նույն գոտեպինդ կապան հագին, գլուխը բաց և դեմքը տարակույսից ու կասկածից մոայլ։

Երբ դռան ծանրագին վարագույրը ետ գնաց՝ ներս մտավ

նախ թիկնոցով մի երիտասարդ, ապա՝ Վարդ իշխանը։ Երիտասարդի դեմքն արևահար էր, թուխ մազերն ունեին թեթև գանգուրներ, որոնք փնջի պես բոլորում էին նրա գլուխը, հասնելով մինչև քաց, անօձիք վիզը։ Ներս մտնելով՝ նա թափառուն հայացքը պտտեց նախ գահասրահում և ապա աչքերը խոնարհեց ու աջը բարձրացրեց։

— Ողջո՛ւյն արքային,— ասաց նա ու կանգ առավ տեղում։

Արշակը աչքերը կկոցելով զննաբար նայեց երիտասարդին և ասաց.

— Առաջացիր, Տիրիթ, Հուսամ գալուստդ բարի՞ է։

— Անշուշտ, արքա-հորեղբայր,— պատասխանեց Տիրիթը նույն թափառ հայացքով շուրջը նայելով. թվում էր՝ ստուգում էր, թե ուրիշ մեկը չկա՞ ներսը և ականերև սպասելով, որ նախ հարցում անեն իրեն։

Եվ թագավորը, ասես այդ հասկանալով, հարցրեց.

— Ինչպե՞ս է ապրում արքահայրը։

— Մերությունից և իր վիճակից դժգոհ, արքա՛,— խոնարհած կույերը բարձրացրեց Տիրիթը։

— Իսկ նորապսակ Գնե՛լը։

— Պատրանքներով և երազներով,— ասաց Տիրիթը մեկեն, ասես այդ հարցումի համար նախապատրաստված։

— Պատրանքնե՛ր,— երկարեց թագավորը, աչքերն ավելի կկոցելով, կարծես երիտասարդի ներսը թափանցելու համար և ապա շարունակեց ձայնին մեղմություն տալով.— Իսկ ի՞նչ պատրանքներ են դոքա։

— Պատրանքներ մեծության ու փառքի,— վրա բերավ Տիրիթը առանց հապաղելու։

Արշակը լարվեց, բայց հետաքրքրությունը թաքցնելու համար նստեց և ոտքը գցեց ոտքի վրա։

— Նախ նստիր, Տիրիթ, և խոսիր ավելի համարձակ, մի զգա քեզ օտարի մոտ,— նկատեց Արշակը չգիտես նեղվելով՝ երիտասարդի անորոշ խոսքերից, թե անհամբեր մի բան իմանալու մտքից։

Տիրիթը նստեց առաջին պատահած արծաթազարդ հոռտանուն, թիկնոցի փեշերը ծնկների վրա հավաքելով։

— Այժմ զրուցիր, թե ի՞նչպես է անցնում իր օրերը Գնե-
լը ամուսնությունից հետո:

— Գնելը, արքա-հորեղբայր... ամուսնությունից հետո
զբաղվում է հրավերքներով և զինախաղով,— սկսեց Տիրիթը
հոնքերի տակից հորեղբորը նայելով:

— Եվ ովքե՞ր են մասնակցում այդ խաղերին ու հրա-
վերքներին:

— Որդիները այն նախարարների, ովքեր եղած են հար-
սանյաց հանդեսին և ովքեր... դժգոհ են քեզից:

— Ա՞յն է:

— Կամսարական, Վահուհի և Համունի սեպուհները:

— Այլ ովքե՞ր:

— Երբեմն և Արծրունյաց և Աբեղենից, Գաբեղենից սե-
պուհները:

— Եվ զբաղվում են զինախաղով:

— Երբեմն և որսագնացությամբ, արքա,— ասաց Տիրի-
թը և լռեց՝ խուսափուկ հայացքը նորից հածելով գահասրա-
հում:

— Այդպե՞ս...— Արշակը նույնպես լռեց և դարձյալ, նե-
ղացրած աչքերով սկսեց զննել եղբորորդուն՝ նրա թիկնոցը,
տակի ոսկերիզ կապան և անգամ դեղնափայլ մույկերը: Մի
վայրկյան հետո սակայն նա աչքերը բացեց, սպիտակուց-
ները փայլեցնելով:— Ասա ինձ, սիրելիդ իմ Տիրիթ, այդ սե-
պուհները ժամանում են ինքնաբե՞ր, թե միշտ Գնելի հրա-
վերով:

— Երբեմն հրավերով, երբեմն ինքնաբեր, արքա: Հա-
վաքվում են, զրուցում...

— Այդպե՞ս,— Արշակը նորից սեղմեց կոպերը:— Իսկ
ի՞նչ է նյութը նոցա զրույցի:

— Նոցա զրույցի խորհուրդին ես հասու չեմ, արքա, քան-
զի զրուցում են հանապազ առանձին:

— Առանձի՞ն...

Քազավորն ուղիղ նայեց Տիրիթի աչքերին, որոնք սակայն
Տիրիթն իջեցրեց իսկույն, ասես չկարողանալով տանել հոր-
եղբոր սուր հայացքը:

— Իսկ ինքդ երբեք մասնակից չե՞ս այդ զրույցներին:

— Բնավ, արքա: Նոքա այդ անում են գաղտնածածուկ,

Գնելի հարկաբաժնում: Ժամանողն իջնանում է նորա մոտ, հյուրասիրվում... Ինձ մասնակից են անում միայն զինախաղերին: Գիտեմ միայն, որ երբ խաղի միջոցին Գնելը հաջողակ սկավառակ է նետում կամ նշան զարկում, հյուրերը, սեպուհները նրան առնում են ձեռքերի վրա և գոչում. «Կեցցե՛ Գնելը, կեցցե՛ մեր արքայազն տերը»... և նման խոսքեր:

Այս անգամ Արշակը հոնքերը վրա բերավ իրար, որից նրա հոնքամիջի կնճիռն աճելի խորացավ:

— Այդպե՛ս...

Տիրիթն այդ բացականչի վրա թագավորին նայեց այնպիսի հայացքով, որի մեջ կարդացվում էր, թե նա սպասում է, որ արքա-հորեղբայրը հիմա կբարկանա, բայց Արշակը խոսեց բոլորովին այլ, կողմնակի նյութից:

— Իսկ ինչպե՞ս է Գնելի հարսի անունը:

— Փառանձեմ:

— Այո, Փառանձե՛մ: Լսել էի, սակայն... մուսցա,— շարունակեց Արշակը մտացրիվ: Իսկ Տիրիթը զարմացած, հետաքրքրված նայեց նորից հորեղբորը մի հայացքով, որի մեջ կարելի էր կարդալ, թե ինչու է արդյոք նա հետաքրքրվում Գնելի հարսով:

— Իսկ Գնելը սիրո՞ւմ է իր հարսին,— կրկին հետաքրքրվեց Արշակը:

— Հարկավ, արքա:

— Այդպես, այդպես,— կրկնեց թագավորն իր սիրած բառը:— Եթե սիրում է իր հարսին, իր Փառանձեմին, ուստի և, որպես նորապսակ, չպետք է զբաղեր այդ, ինչպես դու ասացիր, գաղտնածածուկ գործերով: Այնպե՛ս է:

— Անշուշտ, արքա, սակայն...— Տիրիթը կամեցավ ինչ-որ բան ասել, բայց թագավորն իսկույն ընդմիջեց նրան:

— Սակայն ինչպե՞ս է նայում այդ ամենին Տիրան պապը:

— Պապն ուրախ է, արքա-հորեղբայր: Ուրախ է, որ Գնելին շրջապատում են սեպուհներ,— աշխուժացավ Տիրիթը, որ խոսքը նորից դարձավ Գնելին:— Պապը մինչև իսկ Գնելին ու սեպուհներին հաճախ կանչում է իր մոտ և զրուցում երկար:

Արշակը լսել էր, որ թագավորահայրը սիրում է սպանված աճագ որդու ժառանգին՝ Գնելին. սիրում այնչափ, որ նրա հարսանիքի օրը իր բաժին կալվածներն ու հարստությունը

նվիրաբերել է Գնելին, իսկ Գնելը Բյուզանդիոնից բերած ոսկեղենն ընծայաբերել է հարսանիք եկած նախարարներին և նրանց որդիներին, ահա ինչու և ամենքը սիրում են նրան և իրենց որդոց ուղարկում նրա մոտ՝ զենքի վարժության: Բայց այսօր առաջին անգամն էր լսում, որ գահադուրկ հայրը նրանց կանչում է զրույցի:

— Այդպե՛ս... — Արշակը ծնոտներն այնպես սեղմեց իրար, որ ներքին շուրթից ցած եղած մազերը նորից ցցվեցին ասեղների պես:

Նա լռեց քանի մի վայրկյան, ապա ելավ և իր ոտքերի տինդ քայլվածքով մի փոքր գնաց-եկավ սրահի երկայնքով ու կրկին մոտեցավ Տիրիթին:

— Ուրեմն այդ ամենից եզրակացնո՞ւմ ես, որ նոքա շար են խորհում իմ դեմ, Տիրիթ: Այո՞:

— Անշուշտ եմ, արքա: — Տիրիթն ընդհատեց խոսքը և, նոր բան հիշելով ասես, ավելացրեց. — Բացի այդ, արքա, Գնելը Բյուզանդիոնում ունի շատ բարեկամներ, ստանում է նամակներ...

Արշակը նորից սկսեց քայլել մտածումների մեջ, այս անգամ մատներով ձգելով կարճ մորուքի մազերը: Նրան հայտնի էր գահագուրկ հոր զժգոհությունն իրենից. գիտե՞ր, որ նա գահաժառանգ էր որոշել Գնելի հորը՝ ավագ որդուն, բայց նա մեռավ Բյուզանդիայում... և հիմա անհավանական է, որ հայրը Գնելին լարի իր դեմ... Բայց իրո՞ք այդպես է, — կասկածում էր նա:

— Ասացիր շար են խորհում, Տիրիթ, — նորից կանգ առավ Արշակը Տիրիթի դիմաց: — Կարո՞ղ ես ասել ի՞նչ է խորհում ինքը՝ Գնելը:

Տիրիթը շփոթվեց մի ակնթարթ, հարցն անսպասելի էր և կտրուկ:

— Գնե՞լը... — Տիրիթը թարթեց աչքերը. — Նա հավանաբար ցանկանում է գահը ժառանգել մեռած հոր փոխարեն՝ նախարարների և բյուզանդացի բարեկամների ձեռնտվությամբ:

Վարդ իշխանը, որ զրույցի ընթացքում մնում էր անշարժ, այս խոսքերի վրա աչքերը լռեց. իսկ Արշակը սեեռուն նայեց եղբորորդուն:

— Ունե՞ս ապացույցներ:

— Այո, արքա: Եթե բարի է խորհում, ինչո՞ւ համար գեթ մի անգամ չի այցելում քեզ:

— Ձկա գուցե առիթ, կամ՝ շունի ասելիք:

— Ոչ, արքա: Նա գոռոզ է, հպարտ իր կրթությամբ, նաև նրանով, որ հայրը պիտի լիներ թագավոր Հայոց, եթե չմեռնե՞ր: Պսակից հետո մանավանդ դարձել է առավել բարձրահոն... Գոռոզանում է գուցե, որ կայսրը շնորհել է իրեն հյուպատոսի տիտղոս...

Այստեղ Տիրիթը, նկատելով արքայի՝ իր վրա սեեռած հայացքը, լռեց: Իսկ Արշակը, նայելով նրան ևս մի վայրկյան, հարցրեց անսպասելի.

* — Եվ դու, Տիրիթ, չե՞ս շարախոսում արդյոք:

Տիրիթը շառագունեց:

— Երդվում եմ, արքա, իմ՝ արքայազնիս պատվով և բոծիրանիով:

Թագավորի դեմքով ստվեր անցավ, և նա գլուխն իջեցրեց, որ նշան էր, թե տեսակցությունն ավարտվեց: Տիրիթն այդ զգաց և աջը բարձրացրեց:

— Կենդանություն արքային, — ասաց նա ետ-ետ գնալով, ինչպես կարգ էր թագավորից հեռանալիս:

Նա գուրս եկավ խոնարհումով. նրա հետ և վարդ իշխանը:

* * *

Երբ նրանք ելան և դուռը ծածկվեց նրանց հետև, Արշակին պաշարեցին վաղուց ի վեր նրա հոգում նիրհած կասկածները և ինչ-որ նոր մտքեր ու տարակույսներ: Լսածը որքան անակրեկալ, նույնքան և վրդովիչ էր: Գնելը Բյուզանդիոնում ունի բարեկամներ... արդյոք նա այնտեղից չի՞ եկել հատուկ նպատակով՝ գահը գրավելու մտադրությամբ... Արդյոք այդ նպատակով չէ՞ Բյուզանդիոնից բերած ոսկեղենը ընծայաբերել իր բարեկամ նախարարներին և այդ... Թագավորից դժգոհ նախարարներն անշուշտ կանցնեն նրա կողմը: Հարկավ... Նրանք եթե մինչև այսօր, մինչև այժմ լուռ էին, այստե՛հտե կարող են ելնել իր դեմ... Ահա ինչո՞ւ Կամսարա-

կանը և Վահանուն շնն զիջում իրենց բերդերը,— մտածում էր Արշակը գահաստահում երթեկելով, երբեմն միայն կանգ առնելով ու պատուհանից բակի ծառերին նայելով։

Ինչպես փոքր առաջ Վարդ իշխանի հետ խոսելիս, այնպես էլ այժմ նայում էր Արշակը այդ ամենին և ոչինչ չէր տեսնում։ Նա տարված էր իր մտքերով, զարմացած էր իր լսածով։ Նա գտնում էր, որ թնավ էլ անհավանական չէ մի այդպիսի շար խորհուրդ... չէ՞ որ Գնեւը, Բյուզանդիայից վերադառնալով, իրոք շիջեանեց իր մոտ՝ Վաղարշապատի պալատում, այլ գերադասեց Կավաշը՝ Կույր պապի դղյակը... Բայց դա թերևս այն պատճառով, որ գիտե, թե արքայազուններին արգելված է բնակվել մայրաքաղաքում։ Սակայն չէ՞ որ այցելութունը արգելված չէ. Գնեւը պետք է խմանար այդ...

Եվ Արշակին թվում էր, թե այդ վարմունքի մեջ եղել է անշուշտ մի խորհուրդ. դիտավորյալ անտեսում գուցե, ինչ և կապվում է Տիրիթի հաղորդածների հետ, եթե միայն նրա խոսքերը չափազանցություն չեն կամ սուտ... Պետք է ասել, որ Արշակը անվերապահ չէր հավատում Տիրիթին և մտածում էր, որ նա գուցե և ճիշտ չէ, գուցե և դատել է արտաքուստ, գուցե և զտվել է Գնեւի հետ, զրպարտում է նրան՝ թապալտորի համակրանքին արժանանալու... Բայց ինչո՞ւ պիտի զրախոսեր Տիրիթը,— մտածում էր Արշակը,— Կարող էր գուցե սխալվել, բայց ոչ ստել կամ զրպարտել, քանզի պիտի խորհեր, որ իր հաղորդածը ինքը՝ թագավորը կարող է ստուգել և... զրախոսության կամ զրպարտության դեպքում՝ պատժել շարաշար։ Ո՛չ, հավանաբար, կա մի բան...

«Դավ,— ասում էր Արշակը մտքում,— կարող է լինել և ճշմարիտ դավ։ Եվ դա անշուշտ կատարվում է արքայահոր դրդումով... Պարզ է հիմա, թե ինչո՞ւ էր արքահայրը ցանկություն հայտնում, անգամ խնդրում, որ Գնեւը, Բյուզանդիայից դարձին, բնակվի իր մոտ... Ու ես ընդառաջ գնալով նրա ցանկության, խախտեցի հին կարգը, թույլատու եղա, որ Գնեւը բնակվի Կավաշում և ահա...»։

Այստեղ թագավորն ընդհատեց իր մտածումները, որովհետեւ այդ պահին դռան վարագույրի ետեից լսվեց մի նուրբ ձայն, որ ասում էր հունարեն.

— Կարելի՞ է, բազիլես:

Արշակը դադարեցրեց երթևեկը, շտկեց նախ կապայի օձիքը, ապա կարմիր գոտին ու պատասխանեց նույնպես հունարեն.

— Համեցիր, բազիլես:

Հանդարտորեն ներս մտավ համալսարանի կազմվածքով մի երիտասարդ կին՝ կապույտ աչքերի պաղ հայացքով ու զուսպ շարժումներով, իրանը շիտակ, մազերը հարթ-հավաք սանրած ու ոսկի հերկալներով ամրացրած: Նրա կաթնաճերմակ դեմքը ձվաձև էր, հունական ուղիղ քթով և բարձրաթառ բարակ հոնքերով:

Օլիմպիա թագուհին էր:

Ներս մտնելով՝ նա մի վայրկյան կանգնեց դիք և ապա՝

— Ինչպե՞ս է բազիլեսի տրամադրությունը, — խոսեց նա հունարեն, նուրբ, գրեթե նվազային մի ձայնով, որ դիմացինին ակամա տրամադրում էր լինել սիրալիր ու ելատրաստակամ:

Բայց Արշակը հապաղեց իր պատասխանով:

Թագուհին նկատեց այդ. նկատեց և այն, որ նա հանգիստ չէ և մտայլ է անսովոր:

— Մի՞թե վատ լուրեր, Արզաս, — ասաց թագուհին ըստ բյուզանդացիների սովորության շ-երը միշտ ա, առհասարակ կոշտ տառերը փափուկ արտասանելով:

Օլիմպիայի վերին շուրթը կարճ էր, խոսելիս միշտ ջանում էր, որ այն ատամներից վեր թռչի և լնդերը բացի:

— Այո, բազիլես, — խոսեց Արշակը տրտում շեշտով: — Վիրավորվել է իմ զորավարներից մեկը:

— Եվ որտե՞ղ:

— Պարսից սահմանի վրա:

Թագուհին հառաչեց:

— Ա՛խ, այդ պարսիկները... Երբեք հանգիստ չեն մնում: Մի՞թե պատերազմ են սկսել, բազիլես:

— Ոչ, բազիլես: Պատահական բան է: Ընկել է ձիուց և ոտքը վնասել:

— Ա՛հ, — թեթևություն զգաց թագուհին և, առաջ գալով, փարվեց Արշակի թևին: — Չարժե տխրել դորա համար, բա-

զիլէս: Հասարակ բան է, կարելի է բուժել: Իսկ ես կարծեցի պատերազմ է և երկյուղը համակեց ինձ:

— Ոչ, Օլիմպիա. պատերազմ չկա առայժմ, սակայն...— սկսեց Արշակը մտահոգ և իսկույն լռեց:

Թագուհին ուշիմ հայացքը հառեց նրան:

— Սակա՞յն,— և նա հարցական սպասեց, թե ամուսինը հիմա ավելի կպարզի իրեն զբաղեցնող միտքը:

Արշակը սակայն մնաց լուռ և դարձյալ մտահոգ:

Այդ նկատելով՝ Թագուհին շարունակեց.

— Իսկ նախաբաները հանգի՞ստ են:

Թագուհին իր հունարենի մեջ հաղվադեպ գործ էր ածում նաև մեկ-երկու հայերեն բառ, ինչ սովորել էր հայոց արքունիքում. այդ բառերից էր և նախաբառ բառը, որ նա գործ էր ածում կրճատ,— նախաբ կամ նախաբաներ, որովհետև հայոց բառերը նրան թվում էին շատ երկար, ինչպես խոստովանել էր մի անգամ:

— Նախարարնե՞րը,— երկարեց Արշակը:— Այո: Նոքա հանգիստ չեն դուցե, բայց առայժմ լուռ են, բազիլեյա: Դու լսե՞լ ես որևէ բան:

— Ոչ, բազիլէս: Իսկուզեի միայն, որ հանգիստ լինի Արմենիան, քո տերությունը, որպեսզի հանգիստ լինես նաև դու, նաև ինքս: Վասնզի, բազիլէս, քո հանգիստը իմ հանգիստն է,— և Թագուհին մեղմ ժպտաց, ապա շարունակեց ավելի նուրբ ձայնով:— Ծշմարիտն ասեմ, բազիլէս, երբ տեսնում եմ ճակատդ մոայլ՝ տազնապը համակում է հոգիս: Զէ՞ որ, քեզնից բացի, ես այստեղ շունեմ և ոչ մի հարազատ, ոչ մի մերձավոր...

— Օլիմպիա,— և Արշակը, վանելով կարծես իրեն պաշարող մտքերը, մոտեցավ Թագուհուն:— Մի՞թե պալատական տիկիները անուշադիր են և չեն զբաղեցնում քեզ:

— Ոչ, բազիլէս, նոքա և՛ ուշադիր են, և՛ զբաղեցնում են ինձ սիրալիր, սակայն... չէ՞ որ նոքա չեն հասկանա իմ հոգին... Այո, բազիլէս, միայն դու ես հասկանում իմ հույզերը, իմ խոհերը, ուստի և կուզեի, որ երբեք չտխրես և ինձ մենակ չթողնես:

Արշակի դեմքին ժպիտի նման մի բան շողաց, որից և

փոխվեց նրա աչքերի սպիտակուցների փայլը, և նա աչ ձևով
քով գրկեց թագուհու մեջքը:

— Դու եղիր միշտ հանգիստ, Օլիմպիա: Դու պարտավոր
ես լինել հանգիստ, և իմ տխրությունը թող երբեք չհուզի բեզ
Նրկրի տները կարող է և՛ տխրել, և՛ հուզվել, և՛ զայրանալ,
սակայն դա առիթ չպիտի տա քեզ ևս հուզվելու:

Թագուհին զննաբար նայեց ամուսնուն:

— Հապա այն ասպետը, Արգաս, որ սրարշավ եկավ առա-
վտոր վաղ... Ես իմ դաշտահայաց պատուհանից տեսա նո-
րան և լավ ինչ չգուշակեց սիրտս: Թվաց ինձ՝ սուրհանդակ է,
վատ լուրեր է բերում սահմանից կամ որևէ մի նախաբաց:

— Ոչ, Օլիմպիա: Նա սուրհանդակ չէր: Դու ճանաչում ես
նորան: Նա իմ եղբոր որդին էր՝ արքայազն Տիրիթը: Եկել էր
այցելության և... խնդրելու, որ թույլատու լինեմ, որպեսզի
առժամ մնա կույր պապի մոտ:

— Եվ դու թույլատրեցիր անշուշտ:

— Այո, հարկավ:

— Տիրիթ,— երկարաձգեց թագուհին հոնքերը պոստե-
լով:— Գիտեմ, այո: Բայց մի՞թե նա լավ մարդ է, բազիլես,
որ արտոնում ես բնակիչի մայրաքաղաքին այդքան մոտիկ:
Չէ՞ որ Արմենիայի օրենքով...

— Այո, Օլիմպիա, արքայական գերդաստանի անդամներ-
ը, արքայազուները, բացի գահաժառանգից, չունին իրա-
վունք մայրաքաղաքին մոտիկ ապրելու: Այդպես է օրենքը և
Բյուզանդիայում:

— Գիտեմ, բազիլես:

— Բայց ես ահա այս Տիրիթին և Գնեկին...

— Նա, որ ամուսնացավ վերջերս: Լսել եմ:

— Այո, նա... շարունակեց Արշակը շուրթերը գրեթե
սեղմելով:— Այդ երկուսին ես արտոնել եմ առժամ մնալ
կավաշ դղյակում՝ կույր պապի մոտ: Այնուհետև կխորհենք,
թե ո՞ր գնան մշտապես բնակվելու: Ուստի և դու կարող ես
հանգիստ լինել, Օլիմպիա:

— Այժմ հանգստացա, բազիլես,— և Օլիմպիան ժպտաց,
թույլ շտալով վերին շուրթը շատ բարձրանալ:— Իսկ ե՞րբ ես
մեկնում նոր քաղաքի շինությունը տեսնելու: Այսօ՞ր, վա՞ղը:

— Այդ կպարզեմ այսօր, բազիլես:

— Բայց, կարծյոք, որոշված էր արդեն:

Արշակը լրջացավ և խուսափողական պատասխան տվեց.

— Տակավին պետք է խորհել, Օլիմպիա: Կան քանի մի գործեր անհետաձգելի, կան հանգամանքներ...

— Իսկ ինձ հայտնեցին, թե ամեն ինչ պատրաստ է մեկ-նեկու համար:

— Այդ շուտով կպարզեմ, Օլիմպիա:

— Եվ ինձ կիմացնե՞ս հարկավ:

— Անշուշտ:

— Ես եկա միայն այդ իմանալու համար, — գլուխը նա-զանքով թեքեց թագուհին: — Այժմ կարող եմ գնալ իմ հարկաբաժինը:

Արշակը խոնարհում արավ նրան բյուզանդական արքու-նիքում ընդունված ձևով՝ աջը սրտին մոտեցնելով:

Թագուհին դուրս եկավ հանդարտ, համաշափ քայլերով:

Իսկ Արշակը մի փոքր մնաց նույն տեղը, ապա, երբ լոեց թագուհու ոտնաձայնը, ծափեց թեթև: Ներս մտավ նույն բա-րետես ծերունի սենեկապահը՝ պալատական կարգերին սո-վոր շարժումներով ու խոնարհումներով:

— Հրավիրիր Վարդ իշխանին:

Երբ ծերունին դուրս եկավ՝ Արշակը տնքաց բարկացած:

— Կրկին խանգարվեց...

Նա վաղուց պատրաստվում էր այսօր-վաղը մեկնել Ար-շակավան, մնալ մի քանի օր, ապա վերադառնալով գնալ Շահապիվան, ուր շուտով սկսվելու էին նավասարդյան տո-ները, որոնց ներկա էր լինում միշտ՝ խաղեր և պարեր տես-նելու: Դիտելու էր նաև արքունի զորքի այն մասը, որ ամառ-ձմեռ լինում էր այնտեղ: Բայց ինչպե՞ս գնար հիմա: Կարե-լի՞ էր, — մտածում էր նա հոնքերն իրար բերած:

Ներս մտավ Վարդ իշխանը առաջվա պես դիք ու խրոխտ, բայց տարակույսը աչքերում:

— Ունկնդիր եմ, արքա:

— Վաղը, իշխան, մեկնիր Կավաշ և ստուգիր այն ամենը, ինչ լսեցիք միասին արքայազն Տիրիթից: Այցիր նաև ար-քայահորը. տուր նրան ինձնից ողջույն և հասու եղիր, թե ի՞նչ է խորհում ծերունին: Կտանես նորան և ընծաներ, ինչպես միշտ, ու իր սիրած մրգերը:

— Բարի է, արքա,— գլխով թեթևակի խոնարհում արեց Վարդ իշխանը։— Սակայն մեկնումը Ավան։

— Այդ հետո, իշխան։

— Սակայն ամեն ինչ պատրաստ է, արքա։

— Հայտնի, որ մեկնումը հետաձգվում է առայժմ,— ասաց Արշակը միշտ նույն տեղը կանգնած։ Ապա գլուխը տարուբերեց անխոս. նա ցավում էր, որ խանգարվեց իր մեկնումը Ավան, բայց անշափ կարեոր էր ստուգել Տիրիթի հայտնությունը. գուցեև իրոք դավ է նյութվում, որը պարզելը նա համարում էր ավելի անհրաժեշտ ու անհետաձգելի, քան Ավան մեկնելը։

Վարդ Մամիկոնյանը կարծես ըմբռնեց այդ։

— Բարի է, արքա,— ասաց նա ետ-ետ գնալով և երբ մոտեցավ դռանը՝ ավիացրեց,— վաղը առավոտյան ես կմեկնեմ Կավաշ։

— Այդպես, եվ հետևյալ օրը երեկոյան լուր կբերես ինձ։ Իմացիր նաև, թե Գնեկն ի՞նքն է հրավիրում այդ սեպուհներին, թե նոքա այցում են ինքնաբերի։— Արշակը մի վայրկյան լռեց մտածումների մեջ։— Այնուհետև, իշխան, կուզեի, որ մեր զորույքը և քո Կավաշ մեկնելու նպատակը չիմանա ոչ ոք։

— Բարի է, արքա։

«Կրակը պետք է հանգցնել, քանի դեռ կայծ է,— ասաց Արշակը մտքում,— այլապես նա կդառնա հրդեհ... Այցը Ավանին՝ կարելի է հետաձգել, բայց հրդեհի մարումը՝ երբեք...»

Սակայն նրան վիճակված չէր շուտով այցել Ավանը, պարզվեցին նոր հանգամանքներ և դարձյալ հետաձգեցին նրա ուղևորությունը դեպի կառուցվող քաղաքը։

* * *

Մինչ պալատում տեղի էր ունենում այս զրույցը թագավորի և Վարդ իշխանի միջև, արքայազն Տիրիթը իր սև նժույգը հեծած, թիկնապահները հետևից, անշտապ գնում էր Կավաշ տանող ճանապարհով, որը նախ անցնում էր մայրաքա-

դաքը շրջապատող այգիների միջով, ապա ձգվում-գնում դեպի Արագածոտնի առապարները:

Գնում էր Տիրիթը իր թիկնապահներից բազմական առաջընկած և հրճվանքով մտածում, որ թագավորը իր հաղորդածին հավատաց անշուշտ: Նա գիտեր, որ հորեղբայրը կասկածոտ է, որ նա կասկածում է անգամ կույր արքայահորը, թե արդյոք դավեր չի՞ նյութում իր դեմ...

Վերհիշելով իր գրույցը թագավորի հետ և թագավորից ստացած տպավորությունը՝ Տիրիթը համոզված էր, որ հորեղբայրը հիմա ալեկոծվում է կասկածների մեջ, և համենայն դեպս անհետևանք չի թողնի այդ... Այո, հորեղբայրը Գնելին չի ների, որ նախարարների որդիներով ու սեպուհներով շրջապատում է իրեն: Այո, չի ների և... Փառանձեմը կմնա այրի...

Գնում էր Տիրիթը նժույգի վրա և գոհությամբ մտածում, որ թագավորը լիովին հավատաց իր ասածներին: Եթե չհավատա անգամ, չի կարող հանգստանալ և, անշուշտ, կցանկանա ստուգել լսածը... Մտածելով այս՝ Տիրիթը միևնույն ժամանակ գտնում էր, որ տեղին ակնարկեց, թե շատ սեպուհներ, զինախաղի գալով, Գնելի հետ ունենում են զաղտնախորհուրդ գրույցներ:

«Այս բանումս արդեն ես սուտ չեմ լինի,— մտովի հանգըստացնում էր Տիրիթն իրեն,— թեկուզ ստուգելու գա Արշակ թագավորն ինքը»:

Այո, Տիրիթը վստահ էր, որ իր հայտնությունից հետո թագավորը չի հանգստանա և շուտով մեկ կամ մի քանի մարդ կուղարկի՝ իր հաղորդածը ստուգելու: Եվ հավանաբար կժամանի նույն ինքը Վարդ իշխանը. չէ՞ որ մշտապես նա է գալիս արքայահորը տեսնելու և նրա ցանկություններն իմանալու...

ԳՈՒԻՆ ԵՐԿՐՈՐԴ

Հետևյալ օրը, արևը դեռ չծագած, նույն ճանապարհով, որով գնաց Տիրիթը, չորս հեծյալ թիկնապահի ուղեկցությամբ, իր կապուտակ նժույգը նստած Մամիկոնյան

Վարդ իշխանը արքայի հրամանով գնում էր Կավաշ, Գնում էր նժույգի վրա դիք նստած, Բացի թիկնապահներից, նրա հետևից գնում էին շորս բեռնաբարձ ջորիներ, որ նվերներ էին տանում կույր արքայահորը: Ձնայած գահազուրկ արքային հատկացված էր մի ամբողջ գավառ իր բերքով ու հասույթով, այնուամենայնիվ Արշակը ամեն ամիս իր համբարակներից նրան ուղարկում էր ամեն տեսակ պարեն ու նպար: Այժմ սակայն Վարդը, կասկած չհարուցելու համար, Կավաշ էր գնում ընծանների պատրվակով ու մայրաքաղաքից դուրս գալու պահից նրա միտքն զբաղված էր իր առաքելության հոգսով. կհաջողի՞ արդյոք իմանալ որևէ բան...

Հիշելով Տիրիթի ասածները՝ նա խորհում էր, որ եթե ճշմարիտ լինի այդ ամենը, նշանակում է, թե Գնելը ձրգտում է իրոք Արշակին հակառակ նախարարների և բյուզանդացիների ձեռնտվությամբ դառնալ թագավոր հայոց... Ու եթե,— մտածում էր Մամիկոնյան իշխանը,— կատարվի մի այդպիսի բան, Գնելը, անտարակույս, աշքունիքից կհեռացնի թե՛ իրեն և թե՛ այսօրվա բոլոր պալատականներին ու ավագներին...

Բայց դա հավանական է արդյոք... Վարդը գիտեր Գնելին. նա այն տպավորությունն ուներ, թե Գնելը համեստ երիտասարդ է: Բայց... մարդն անքննելի է... «Պետք է ստուգել տակավին»,— մտածեց Վարդ իշխանը և բնագրար մտրակեց նժույգը:

Ձնայած այս թերահավատ մտքերին՝ Վարդն այնուամենայնիվ շէր կասկածում, թե Տիրիթը չարախոսեր հորեղբոր որդուն՝ Գնելին: Փաստ և հիմք չունեցողը հագիվ թե համարձակվեր այդպիսի հայտարարություն անել, այն էլ թագավորի մոտ...

Ու Վարդն ակամա ուսերը վեր քաշեց ձիու վրա:

«Հագիվ թե հանդգներ,— ասաց նա մտքում:— Այստեղ անշուշտ կա մի ինչ... Եթե բյուզանդական արքունիքը պատանդ Գնելին թույլ է տվել զալ հայրենիք և շնորհել է նրան հյուպատոսի տիտղոս, պետք է ուրեմն մակաբերել, որ նրանք ունեցել են լուրջ նպատակներ... Թերեւս խորհել են, որ եթե թագապահանջը լինի երկրում՝ առավել կդյու-

րանա նրան օգնելու գործը... Գուցեն հայրենի դժգոհ նախարարներն են դիմել բյուզանդական կայսեր, որ Արշակի փոխարեն թագավորեցնել կուզենին Գնելին, պատճառ հորինելով, թե Արշակը հավատարիմ չէ կայսեր և նման բաներ... Ու խորամանկ Վաղես կայսրը հարգել է նրանց ցանկությունը. այլապես ինչո՞ւ պետք է թողնեք Գնելին, այն էլ բացատրելով, թե թողնում է Արշակի պատվին... Անհասկանալի է. դժգոհ է կայսրը Արշակից, վատահ է չէ նրա հավատարմությանը... Այդ ժամանակ հապա Օլիմպիա թագուհին»...

Վարդ իշխանի միտքը խճճվում էր կասկածների ու ենթադրությունների մեջ:

«Դժվարինս է հասկանալ բյուզանդական խաղերը նենգ», — նորից խոսեց նա մտովի, նայելով ճանապարհի հեռուն, տեսնելու, թե չի՞ երևում արդյոք Կավաշի ամրոցը:

Ոչ. երկու կողմը տակավին լեռնուտներ էին, և ճանապարհը հետզհետե ոլորվում-բարձրանում էր վեր՝ գալարագնաց՝ օձի նման: Սկսվող աշնան առավոտի հստակ օդում ճախրում էին բազմատեսակ թռչուններ: Արեւի ծիրանագույն ճաճանչները խաղում էին ծառերի տերեւների ու կանաչների վրա և Արաբածից իջնող ջրերում, որոնք երբեմն ցուլցում էին այնպես, որ թվում էր ոչ թե ջուր, այլ հալած ուսկի է հոսում ցած:

Թեև Վարդն առաջին անգամը չէր գնում այդ ճանապարհով, բայց երբ հասավ մի բլրի, ուր Եզին թեքվելու էր նրա ետև, նա նայեց ետ մնացած թիկնապահներին ու ձին կանգնեցրեց, որ նրանք մոռենան. ամայի ձորը կարող էր վտանգավոր լինել... Վարդ իշխանն այն կարծիքի էր, թե պալատականը պետք է զգույշ լինի այդպիսի տեղերում: Փորձով գիտեր, որ իր դիրքն ունեցողը որքան և լինի բարի ու բարյացակամ, այնուամենայնիվ կունենա թշնամիներ... որոնք և առիթ չեն փախցնի իրեն վնասելու:

Երբ նա ձին կանգնեցրեց՝ նժույզը վրնջաց, Վարդին լվաց, թե կենդանին ինչ-որ բան գագաց, մինչդեռ դա նրա սովորույթն էր՝ հեռու մնացողին իմացնել իր տեղը, և թիկնապահները, այդ ձայնը լսելով, շտապեցին հասնել իրենց տիրոջը: Երբ բլուրը շրջեցին, հասան Վժան գյուղը,

որն իր անունն ստացել էր վժժոցով իջնող ջրերից: Այդ տեղից արդեն Կավաշը հեռու չէր: Կտրեցին ևս մի փոքր տարածություն՝ երևաց Կավաշի ամրոցի աշտարակը սարալանջի գոգավորության մեջ: Մի փոքր հետո երևաց նաև ամրոցը շրջափակող քարե պարիսպը՝ ներսը գտնվող ծառախմբերով: Աշունն այստեղ փոխել էր իր թևերը. ծառերն ավելի դեղին էին, քան դաշտում, քան Վաղարշապատի այգիներում: Զնայած արևը բարձրացել էր բավական, բայց օդը ցուրտ էր տակավին: Ճանապարհի երկու կողմը երևում էին շինականներ, որ ինչ-որ արմատներ էին հանում և թիթեն հավաքում, իբրև ձմռան վառելիք, և գեղջկուհիներ, որ մասուր էին քաղում սարալանջերում, ուր տավար ու ոչխար գրեթե իրար խառնված արածում էին ցրված, բերանները գետնից չպոկելով:

Իսկ ամրոցում ասես կենդանություն չկար. թվում էր փակ և ամայի: Բայց երբ մոտեցան ավելի, պարսպադռան առաջ երևացին երկու պահակ. մեկը նիզակն ուսին հենած՝ նստել էր դռան մոտ, երեխան գրկին. մյուսը ձիգ կանգնած, ձեռք ճակատին՝ նայում էր մոտեցող հեծյալներին: Եվ երբ եկվորները առաջացան բավական՝ կանգնած պահակը նայեց պարսպադռան բացվածքից ներս, ասես այնտեղ գտնվող մեկին հայտնեց ինչ-որ ու նորից շտկվեց տեղում՝ նիզակն ուղիղ բռնած. իսկ մյուս պահակը, երեխան ցած դնելով, ինքն ևս կանգնեց՝ նիզակն ավելի բարձր բռնելով:

Մինչ Վարդ իշխանը կմոտենար իր մարդկանցով, ներսից դուրս եկավ միջահասակ մի տղամարդ՝ գլխաբաց, երկար, սև բեղերով և մաքուր կապա հագած. նրա հետ դուրս եկան և երկու երիտասարդ՝ ավելի հասարակ հագնված: Երբ Վարդն ուղեց իջնել ձիուց, երեքն էլ առաջ եկան խոնարհումներով, իսկ մաքուր կապա հագածը բռնեց նրա ասպանդակը և ասաց հարգալից.

— Բարի գալուստ մեծ իշխանին:

— Բարի տեսանք,— ասաց Վարդը, դեռ հեռվից ճանաչելով ամրոցի հյուրընկալին, և հետաքրքրվեց, թե ինչպե՞ս է արքահայրը և կարո՞ղ է այսօր ընդունել իրեն:

— Բարեառողջ է, իշխան. բայց ննջում է տակավին:

Այս կարճ խոսքերից հետո ամրոցի երկաթակապ դռները

բացվեցին և ընդունեցին իշխանի թիկնապահներին ու նրանց բերած մթերաբարձ ջորիներին. իսկ հյուրընկալը հարգալիր շարժումներով իշխանին առաջնորդեց մի մեծ սրահ, ուր սովորաբար իջևանում և հանգստանում էին բարձրաստիճան հյուրերն ու այցելուները: Հյուրասրահն այնքան էլ հարուստ չէր իր կահավորությամբ. կային փուլած գորգեր, օթոցներ պատերի տակ և պարզ եռոտանիներ ու նզույրներ, ապա մի քանի եռաստեղ շարժական ջահեր, որոնց մեջ ավելի ձևթ էին վառում, քան մոմեր:

Վարդ իշխանի հետ այդ սրահը եկավ նաև նրա թիկնապահներից մեկը, որ սպասարկում էր ուղևորության միջոցին: Ներս մտնելով՝ իշխանն իրեն հանձնեց սպասավորին, որը և անմիջապես սովոր շարժումներով հանեց նրա ճանապարհի վերնազգեստը, երկարաճիտ մույկերը և հողաթափեր տալով, այդ բոլորը՝ գլխարկի հետ միասին տարավ դուռով մաքրելու: Իշխանը մեկնվեց բազմոցներից մեկի վրա և մտածեց, թե ինչպե՞ս և որտեղի՞ց սկսի իր ստուգումը. մտերմաբար, սրտացավ հարցուփորձի՞ հյուրընկալին ու մյուս սպասավորներին՝ իմանալու ինչպես է անցնում կյանքը ամրոցում, թե՞ միայն ուշադիր դիտի շրջապատը... Պետք էր այսուամենայնիվ գտնել մի միջոց ամրոցի կյանքին ու անցուդարձին վերահասու լինելու... Կարելի է այցել և Գնեկին ու, նրա պսակը շնորհավորելու պատրվակով, տեսնել ի՞նչ կա նրա հարկաբաժնում և իմանալ նրա մտքերը...

Ու ահա այդ իսկ պահին, երբ իշխանն այս խոհանարանի մեջ էր, բակի կողմից լսվեցին ուրախ ձայներ, ապա խմբական ծիծաղ: Կույր, ծեր և քնած գահազուրկ թագավորի բնակարանի առաջ այսպիսի ձայնե՞ր... Այդքան ձայն և այդպիսի ուրախ ծիծաղ իշխանը երբեք չէր լսած այստեղ՝ այս ամրոցում... Բակը մտած շինականնե՞ր էին, թե հարբած պահույններ... Համենայն դեպս այնքան օտարոտի էր այդ ամենը, որ Վարդ իշխանն ակամա ելավ բազմոցից և մոտեցավ պատուհանին. ու նրա առաջ պարզվեց մի անսպասելի տեսարան...

Բակի մի ծայրում տասից ավելի երիտասարդներ ու պատանիներ թեթև հագնված, բոլորը բաց սրունքներով, գլխաբաց ու թևաբաց սկավառակ էին նետում... Հերթով վերցնում էին այն և վարժ շարժումով գցում վեր: Սկավառակը թռչում

էր օգուժ և գնում-ընկնում հեռու մի տեղ. պատանիներից միս-
կը բաց սրունքներն ու բաց թևերը արևի տակ փայլեցնելով
վազում բերում էր այն և հանձնում խմբին. այս անգամ նե-
տում էր մի այլ պատանի, ու այդպես հերթով, և ով վրիպում
էր՝ դառնում էր հեգնանքի ու ծիծաղի առարկա:

Երբ երկու հոգի նետեցին ու վրիպեցին, նախ բարձրացավ
ծիծաղ, ապա լսվեցին հատ-հատ բացականչեր. «Չեղա՛վ,
չեղա՛վ»... — ու ծիծաղը տարածվեց ողջ բակում: Այնուհետև
սկսվառակը հանձնեցին մի այլ երիտասարդի, որը հագնված
էր ճիշտ մյուսների նման և նույնպես գլխաբաց էր: Վարդ
իշխանին թվաց, թե ինքը մի տեղ տեսել է դրան, բայց հա-
գուստը նրան այնպես էր փոխել, հիշել, ճանաչել չկարողա-
ցավ: Երիտասարդը բաժանվեց ընկերների խմբից, երկու
քայլ արավ դեպի ասպարեզի կենտրոնը, ոտքի մէկը դրեց
առաջ, մյուսը՝ ետ, ինչպես անում են փորձված մարզիկնե-
րը, և ապա ձեռքի տարուբերումով սկսվառակը նետեց վեր:

Մետաղյա շրջանակը մի քանի վայրկյան ցլցլաց արևի
տակ, ապա կորագիծ կազմելով գնաց ու զրնգոցով դիպավ
դիմացի պարսպի վերև ցցված ժայռին ու ետ եկավ մետա-
ղական դողդոջ ձայնով:

Լսվեցին միահամուռ ծափեր ու կանչեր:

— Ապրի՛ Գնելը... Ապրի՛...

Վարդ իշխանը նոր միայն ճանաչեց Գնելին... Ուրեմն այդ
ծափողների և ապրի կանչողները սեպուհներ են, եկել են
խաղի և զվարճության... Եվ Վարդ իշխանին համակեցին
ուրախության ու կասկածի զգացմունքներ: Ուրախացավ, որ
ականատես եղավ խմբի խաղին. — ուրեմն Տիրիթը ճշմարիտ
էր, որ երիտասարդ սեպուհները հավաքվում, փառաբանում
են Գնելին:

«Պարզ է և հասկանալի», — ասաց նա մտքում և շարու-
նակեց նայել ավելի լարված, ջանալով ճանաչել երիտա-
սարդներից որևէ մեկին, միաժամանակ դրանց մեջ փնտրե-
լով և Տիրիթին: Սակայն բոլորը միատեսակ ոլորձամերկ ու
թևաբաց էին, գրեթե իրար նման, ուստի և Վարդը դժվարա-
ցավ նրանց տարբերել իրարից:

Մինչ այդ խաղն առաջ էր գնում եռանդով ու ոգևորու-
թյամբ. թվում էր՝ երիտասարդները մրցության մեջ են կամ

գրազ են եկած ինչ-որ բանի շուրջը, ուստի և ջանում են չզիջել միմյանց։

Նորից մեկը չկարողացավ մետաղյա սկավառակը նետել հեռու։ Բարձրացավ թեթև մի ծիծաղ և դրա հետ նոր բացականչեց։

— Զեղա՛վ... չեղա՛վ...

Երիտասարդների մեջ կային այնպիսիները, որ կարողանում էին սկավառակը հասցնել նշած տեղը, կային և՛ այնպիսիները, որ վրիպում էին կամ պարզապես չէին հասնում իրենց նպատակին... Գնելը, երկրորդ և երրորդ անգամ խաղին մասնակցելով, նորից արժանացավ ծափերի ու գոլբի։

— Կեցցե՛ Գնելը, կեցցե՛ արքայազնը...

Իսկ վերջին անգամ երիտասարդներից մի քանիսը բարձրացրին նրան իրենց ձեռքերի վրա ու պտտեցին խաղի ասպարեզում։

— Փա՛ռք Գնելին,— գոչեց մեկը, և մյուսները ձայնակցեցին անմիջապես.— Փա՛ռք, փա՛ռք...

— «Այո, այստեղ ավելին է կատարվում, քան կարելի էր երեակային»,— զարմացավ Վարդ իշխանը, պատուհանից չհեռանալով։

Սկավառակի խաղից հետո սկսվեց զինախաղ. դրյակի սպասավորները նախ սրածայր նիզակները բաժանեցին երիտասարդ սեպուհներին, և սրանք նիզակներն առնելով՝ վեց հոգի կանգնեցին մի կողմ, վեցը՝ մյուս կողմ, ապա նիզակները հորիզոնական դիրքով բռնած գնացին միմյանց դեմ։ Որքան էլ խաղը կատարվում էր պատուհանից հեռու՝ այնուամենայնիվ իշխանը լսում էր, թե ինչպես են զենքերը բախվում իրար, և դրա հետ միասին նրա ականջին էին հասնում խրախուսանքի ձայներ. «Զա՛րկ... Համարձակ... Անվրե՛ս»...

Խաղը շարունակվեց երկար. ավարտվեց մի քանի անգամ ու նորից սկսվեց նիզակների անընդհատ բախումով ու խրախույսով. յուրաքանչյուրը ջանում էր հարվածել դեմացիին, իրեն հակառակորդի, նշան բռնելով նրա փորը, կուրծքը, ուսը, բայց հակառակորդը միշտ ճգնում էր իր զենքով ետ վանել հարվածը և ինքը զարկել նրան... Ու ասպարեզը բռնել էին մենամարտող զույգերը. ամեն կողմ սուր սայրեր էին բարձրանում ու իջնում փայլատակումներով, և Վարդ իշխա-

ներ դժվարանում էր հետևել մեկին կամ մյուսին, դժվարանում էր պարզել՝ ո՞վ է հաղթում, ո՞վ է պարտվում... Նա այդ հասկացավ այն ժամանակ միայն, երբ նորից ծափեցին ու կանչեցին. «Ապրի՛ Գնեւը... Կեցցե՛ Գնեւը»...

Ուրեմն հաղթել էր այն խումբը, որի մեջ էր Գնեւը։ Հաղթել էր Գնեւն ինքը, որ ծափերից ու կանչերից շիկնած՝ ձեռքը նախ բարձրացրած, ապա սրտին մոտեցնելով, շնորհակալութուն հայտնեց խաղակիցներին, հետո, երեսը դարձնելով դեպի տան թևակը, ձեռքով ողջունեց վերև գտնվող մեկին, թե շատերի...

«Ո՞ւմ է ողջունում Գնեւն այդպես»,— մտածեց Մամիկոնյան իշխանը՝ նույնպես այն կողմը նայելով. ու նոր միայն նկատեց, որ կից շենքի քարե կամարակապ պատըշգամից (իր լուսամուտին շատ մոտ) խաղի ասպարեզն էին դիտում հինգ-վեց նորատի կին՝ գլուխներին գույնզգույն քողեր, սլարանոցներին մանյակներ։ Բոլորի մեջտեղը կանգնած էր մի նորահարս՝ ճերմակ քողը գլխին և ուսերին։ Նրա դեմքն այնքան պայծառ էր ու խնդուն, որ զարմացրեց Վարդ իշխանին, և նա հայացքն ակամա հառեց նրան։ Այդ դեռատի կնոջ ամեն ինչը համաչափ էր. կաթնագույն դեմքը ձվաձև էր, աչքերը խաժ ու լուսափայլ, ճակատը ճերմակ, որի վրա ասես նկարված էին սև, կամարաձև հոնքեր։ Իսկ այտերի վրա խառնում էր մի շարժուն կարմրություն։ Դեղձան մազերը փայլուն էին այնպես, թվում էին փայլ տված։ Այս ամենի հետ միասին՝ նրա վիզը բարեձև էր ու լեցուն։ Խաժ աչքերի բութերն ասես կայծեր էին ցայտում ու նսնմացնում շրջապատի կանանց։

Երբ Գնեւը ձեռքով ողջունեց պատշգամի կանանց, այդ սլայծառադեմ նորատին ասես ավելի պայծառացավ, նրա խոշոր աչքերը դարձան ավելի լուսափայլ... Մամիկոնյան իշխանը մոռացավ խաղը, մոռացավ երիտասարդներին և շարունակեց նայել միայն կանանց կողմը, ավելի շուտ բոլորի կենտրոնում գտնվող ճերմակ քողավորին, որ հափշտակված նայում էր ներքև՝ սրախաղն ավարտած սեպուհներին ու Գնեւին։ Որսյեսզի պատշգամի կանայք շնկատեն իրեն և ինքը կարողանա ավելի լավ դիտել նրանց՝ Վարդ իշխանը քսիշվեց լուսամուտի մի կողմը, պատին մոտիկ, որտեղից կանայք

ներևում էին առավել որոշ. ու շարունակեց նայել ճեղմակ քողավորին: Ո՞վ էր դա այդչափ զարմանալի...

Գնալով իշխանի հետաքրքրությունն այնքան բորբոքվեց, որ նա հեռացավ լուսամուտից և հյուրասարահի դռանը մոտենալով ծափ զարկեց:

Ներս մտավ հյուրընկալ ծեր սենեկապահը՝ պատրաստակամ ու ժպտադեմ, ինչ թելադրում էր նրա պաշտոնը:

— Ովքե՞ր են այդ տիկիները, — առանց նախաբանի, ուղղակի հարցրեց իշխանը, մատնացույց անելով քարե սլաքալորը:

— Արքայազն Գնեկին հյուր եկած սեպուհներին կանայք, — խոնարհում արավ ծերունին:

— Իսկ ո՞վ է այն ճեղմակ քողավորը:

— Արքայազն Գնեկի հարսը՝ իշխանուհի Փառանձեմը:

— Փառանձեմը, — կրկնեց իշխանը, հայացքը պատշգամից չկտրելով: — Ազատ ես, — շրջվելով հրամայեց նա և շարունակեց դարձյալ գննել պատշգամը մի նայլածքով, ասես գտել էր կորցրած մեկին:

Փառանձեմ... Սա է ուրեմն Գնեկի կինը և Սյունյաց Անդոթ իշխանի դուստրը... Վարդը լսել էր, որ Անդոթ իշխանի դուստրը գեղեցիկ է, բայց չէր կարծել այդչափ... Նշանակում է արքայազն Գնեկը զուրկ չէ ճաշակից: Ինքը բարեկազմ, խաղի մեջ հաջողակ, ամենքից սիրված և այդպիսի նորահարսի տեր... այն էլ ինչպիսի՞ հարս...

Երբ խաղն ավարտվեց և ծափերը դադարեցին՝ կանայք իջան պատշգամից, և այդ ժամ ահա իշխանը տեսավ Փառանձեմի բայլվածքը՝ համալսի ու հուարտ: Մանիշակագույն հագուստը, որ վերից վար ոսկե կոճակներ ուներ, ուսերից իջնելով ու նեղանալով գրկում էր նրա բարակ մեջքը և անփոթ տարածվում ազդրերի վրա, որ որոշապես գծագրվում էին հագուստի տակ և նրա ամբողջ մարմինը դարձնում ձիգ ու միաձուլ:

Որքա՞ն նայեց իշխանը՝ չէր կարող իմանալ, երբ հանկարծ ներս մտավ երկարաբեղ հյուրընկալը և հայտնեց խոնարհ.

— Թագավորահայրը հաճեց արթնանալ. այժմ սպասում է քեզ, իշխան:

Վարդի առաջին զգացումը եղավ տհաճութիւն. ինչո՞ւ հենց հիմա, երբ ինքը կլանված է առջևը պարզված տեսարաններով. բայց հրավերը անտեսել կամ ուշանալ չէր կարելի, ուստի և շտապեց գահազուրկ արքայի մոտ՝ բնազդաբար շափած քայլերով և մարմինն ավելի ձիգ պահած, ինչպէս գնում էր սովորաբար Արշակի մոտ:

Երբ հյուրընկալը բացեց արքայահոր սրահի դուռը, Վարդ իշխանը դեռ ներս չմտած, մի հայացքով ընդգրկեց սրահի ներսը. նախկին արքան, այժմ կույր ծերունին, նստած էր բեհեզյա փափուկ բազմոցին, երկար մի պարեգոտ հագած, ինչպիսին հագնում են հարուստ եպիսկոպոսները իրենց տանը: Նրա խոշոր գլուխը անբնական դիք, լարված կեցվածք ուներ՝ կուրութեան հետևանքով: Գլխի արծաթ մազերը իջնում էին մինչև ուսերը և խառնվում ճերմակ մորուքին, որ ծածկում էր համարյա կրծքի կեսը: Իսկ նրա աչքերի խոռոչները այդ ճերմակ մազերի շրջանակում ավելի խոր և ավելի սև էին երևում: Զորս թե հինգ տարվա մեջ, այսինքն՝ այն ժամանակից, երբ Շապուհը գերի վերցրեց նրան և հանելով երկու աչքերը՝ Բյուզանդիայի հետ բարեկամութիւն սկսելու համար, թագավորահայրը ճերմակել էր իսպառ, սակայն մարմնով մնացել էր տակավին ամուր:

— Գետնամած ողջույն արքային,— և Վարդ իշխանը, դռնից առաջանալով մի քանի քայլ, կանգ առավ ու ձեռքը, ըստ սովորութեան, դրավ կրծքին, իմանալով հանդերձ, որ դիմացինը կույր է և չի կարող տեսնել իր մեծարանքի ցույցը:

— Մամիկոնեից տե՞րն է, Վարդ իշխան՞ը,— լսվեց արքայահոր ծերունական, բայց տիրական ձայնը:— Ուրախ եմ ժամանելուդ և կարի դժգոհ, որ ուշ, շատ ուշ ես այցում մեկնավորիս...

Ծերունին խոսում էր յուրաքանչյուր բառը շեշտելով, գլուխը միշտ անբնականորեն դիք պահած և ապա, մոտեցող ոտնաձայնը լսելով, շոր, կաշի ու ոսկոր կտրած աչքը, որ նման էր թարմութիւնը կորցրած տերևի, պարզեց առաջ՝ նույնպէս անբնական մի ձևով:

Մամիկոնյան իշխանը մոտեցավ ականածելով, չգիտեա

կույր թագավորի՞ց, թե նրա անցյալից, ու հարգանքով համբուրեց նրա պարզած աջը:

— Նիստ, իշխան, և մխիթարիր ինձ ուրախ լուրերով, — ասաց ժերունին բեկվող ձայնով: — Մայրաքաղաքից հեռու՝ ես իսպառ անիրազեկ եմ աշխարհի շարին ու բարուն:

Վարդը հարգանքով ու զգուշությամբ նստեց անթիկնակ մի աթոռի, որ ընդելուզված էր ինչ-որ դեղին մետաղով:

— Անշուշտ, ախորժելի չէ, իշխան, և ոչ էլ շահավետ՝ այցել մի կույր գահազուրկի, որը շունի ո՛չ գանձ, ո՛չ իշխանություն, — և ժերունու դեմքով մի մոռյալ ստվեր անցավ, որն առիս կնճոնց նրա ճակատը: — Անկասկած եմ, որ այդպես է մտածում յուրաքանչյուր նախարար ու սեպուհ... մանավանդ, երբ տեսնում են Արշակ թագավորն ինքը լի այցելում հորը... ուստի նորա ևս...

Ծերունին լռեց մեկեն. նրա խոսքերի մեջ կար գառնություն շեշտ ու դժգոհություն թե՛ իր վիճակից, թե՛ հարազատներից, գուցե և ամբողջ աշխարհից:

Վարդն այդ զգաց իսկույն և հարեց անմիջապես.

— Տեր արքա, — ասաց նա ոտքի կանգնելով ու շփոթվելով, որ մոռացել է կարևորը: — Արշակ թագավորը հրամայել է ինձ՝ ողջունել քեզ խոնարհ և ցանկալ բարեբաստիկ օրեր...

Իշխանը հապաղեց առվայրկյան. չգիտեր ինչու՞ չէր համարձակվում նայել ժերունու աչքերին, ուստի նայեց նրա շոր տերևների նմանող ձեռքերին և ավելացրեց.

— Հրամայեց նաև խմանալ, թե ի՞նչ ցանկություններ ու կարիքներ ունի թագավորահայրը:

Ծերունու կույր դեմքով նորից ստվեր անցավ:

— Այո, — հառաչեց նա երկարաձիգ: — Թագավոր էի և ողջամբ դարձա թագավորահայր: Ցանկություններ և կարիքներ... Սակայն ինչու Արշակը ինձ հետ խոսում է միշտ ուրիշի բերանով: Դու չվիրավորվեա, իշխան... Մի՞թե հրավոր չէ կտրել մի օրվա ճանապարհ և այցել դժբախտ հորը: Մի՞թե այդքան...

Այս անգամ ժերունին պարզապես շուգեց շարունակել և լռեց՝ կույր աչքերի փակ կուպերը գողացնելով:

Վարդ իշխանը, ասեա նրան կարեկցելով, ուզեց ասել

«արքա», որ չվշտանա, բայց մեքենաբար խոնարհում արավ կրկին, ինչպես տեսնողի առաջ:

— Եվ թող արքահայրը ների ինձ՝ նկատելու, որ Արշակ թագավորը միշտ և հանապազ հիշում է քեզ, բայց հուժ գրադված արքունի գործերով և մանավանդ նոր քաղաքի շինության հոգսով՝ անկարող է լինում...

— Սակայն մի մոռանար, իշխան,— ընդմիջեց նրան ծերունին՝ շորացած, գրեթե անարյուն աչք բարձրացնելով.— Մի մոռանար, որ նա արհամարհեց ու չեկավ Գնեկի հարսանիքին: Գիտեմ, պատշաճ չէ և ոչ էլ հնարավոր, որ թագավորը գնա ամենայն տեղ և ամենայն մարդու մոտ, սակայն ինքը պարտավոր էր ներկա լինել իր ավագ եղբոր Երբ զավակի հարսանիքին: Այնպե՞ս է, իշխան:

«Ո՛րք»,— կրկնեց մտքում վարդը և նեղն ընկավ. համաձայնե՞ր՝ հարմար չէր, առարկեր՝ անվայել էր, ուստի, առանց ծերունու աչքերին նայելու, հարեց.

— Հարսանյաց օրերին, արքա, Արշակ թագավորը գտնվում էր Կոգի հովտում. գնացել էր նոր քաղաքի կառուցումը դիտելու:

— Հսած եմ, այո: Հիմնել է նոր քաղաք և անվանել Արշակավան, — երկարեց ծերունին, ձեռքը նույնպես երկարելով.— սնափառություն... Ավելորդ սնափառություն և անխոհեմ քայլ... Այո, անխոհեմ, — և նա գլուխը սարույրների դժգոհ.— Ինչո՞ւ մի այդպիսի կարևոր քայլի ձեռնարկելիս նա չուզեց հարգնել իմ խորհուրդը: Արհամարհո՞ւմ է ծերունի հորը, թե՞ կարծում է՝ ցնորել եմ կուրացումից հետո: Սխալվում է, իշխան: Սխալվում է: Տակավին չեմ կորցրել ունակությունս խորհելու, մանավանդ մեր աշխարհի շահն ու կորուստն ըմբռնելու:

Արքահայրը լռեց մի պահ՝ աչքերի փակ կոպերը դողացնելով. ասես ճիգ էր անում բանալու, բայց զգալով կարծես, որ բանալ չի կարող, շարունակեց սրտմտած ու վիրավորված.

— Արշակավան... կամենում է Մեծն Տիգրանի նման կառուցել իր Տիգրանակե՞րտը: Այո՞... Մոռանում է սակայն, որ Մեծն Տիգրանը այդ արավ մեծամեծ հաղթանակներից հետո, գերի ստրուկների միջոցով: Իսկ ի՞նքը, Ի՞նչ է արել ինքը՝ Արշակը: Ոչինչ: Տակավին ոչի՞նչ... Ի՞նչ հաղթանակներ է շա-

Հելլ, Եվ ոչ մի Ուրեմն ինչով պիտի կառուցի այդ քաղաքը... Բավական է, եթե նա կարողանա ապահով պահել Հայոց Աշխարհը: Դա կլինի ինքնին մեծ փառք ու պատիվ: Իսկ նա, շարած ոչինչ և ոչինչ, ձգտում է անմահության... Խոսի՛ր, իշխան. գուցե սխալվում եմ...

— Ների՛ր ինձ, արքա՛հայր,— նորից ձեռքը մեքենայորեն կրծքին դրեց Վարդը:— Քեզ հավանաբար իրազեկ չեն կացուցել քաղաքի կառուցման հանգամանքներին ու պատճառներին:

— Պատճառնե՞ր... Ուրեմն սնափառությունից դուրս կան այլ պատճառնե՞ր: Այդ պարագային, իշխան, բարի լողի՛ր լուսավորելու կույր ծերունուս կույր միտքը: Ես լսում եմ:

— Նախ, արքա,— սկսեց Վարդը զգուշությամբ,— Արշակ Թագավորը կարծում է, թե կարի անհրաժեշտ է կոգովիտում ունենալ մի քաղաք՝ քարավանների ճանապարհին: Դա համարում է օգտավետ և... Իսկ կառուցումը կատարվում է Հայոց Աշխարհի արհեստավորաց ու շինականաց ձեռք: Եվ դուրա համար խաշար է հանված:

Ծերունին գլուխն ու ձեռքը շարժեց անհույս:

— Դա կտևի տարիներ և ի գլուխ չի գա...

— Բայց Թագավորը հույս ունի մարդեր ստանալ նախարարներից, որոնց և դիմել է խնդրանքով:

— Խնդրանքով... Հա՛-հա՛-հա՛,— ծիծաղեց հանկարծ արքա՛հայրը մի շարախինդ ձայնով:— Նախարարները, նախարարները հայոց,— կրկնեց ծերունին:— Զվտանաս, իշխան, եթե ասեմ, որ Հայոց Աշխարհը քանդում են՝ այդ իսկ նախարարները, և Արշակը կամենում է, որ նոքա քաղաք չիսնեն իր համար: Պատրա՛նք... Հայոց Աշխարհի կորովը ջլատում են այդ մանրիկ սնափառները, որ իրենց մեն մի այծը ավելի են սիրում, քան երկիրը հայրենի... Եվ նոքա չէի՞ն միթե, որ լքեցին ինձ և գորավիզ շեղան պարսից դեմ ուղղա՛ծ իմ ջանքերին: Եվ նոքա չէի՞ն միթե, այո, որ դրդեցին իմ սենեկապետ շորիկ շնաբերան Փիսակին՝ դառնալ տիրանե՛նգ և պարսից ձեռքը մատնել ինձ... Իմ արքունի գաղտնիքներով:

Եվ նախկին Թագակիրը վշտացած կախեց ալեղարդ գլուխը, ասե՛ս ծանր, սրտամաշ հուշերի ներքո:

Վարդ իշխանը նայում էր նրան և ջանում հասկանալ, թե ի՞նչ է ուզում ասել ծերունին. դատապարտում է յուր, թե խղճում... Ու տարակույսի մեջ սպասում էր նրա խոսքի ավարտին, որպեսզի անցներ իր առաքելության կատարմանը, այսինքն՝ հետաքննելու և հետամուտ լինելու իր հարցումներով, թե ի՞նչ է կատարվում Կավաշում, ի՞նչ է նշանակում սեպուհների ներկայությունը այստեղ կամ ո՞վքեր են այդ սեպուհները։ Բայց ծերունին շարունակեց.

— Պիտի ասեմ նաև, իշխան, որ Հայոց Աշխարհի ու գահի համար նախարարների շափ, և թերևս ավելի, վնասակար են հոգևորները հայոց՝ այդ մոլեռանդ թշվառները, որ այլոց քարոզում են հնազանդություն, իսկ իրենք մնում են հանդուգն ու գոռոզամիտ։

Այս անգամ Վարդ իշխանը հիշեց, թե ինչպես կույր ծերունին իր գահակալության օրերին հրամայել էր քրոջն՝ մեռցնել Հուսիկ կաթողիկոսին... իրեն՝ արքային հանդիմանելու համար... Հիշեց իշխանը այս և մտածեց, որ նա գահընկեցությունից ու կուրացումից ցնորվել է իսպառ, և ուզեց մի հարցում անել, բայց արքահայրը ժամանակ չտվեց։

— Այդպես, իշխան Մամիկոնեից, — ասաց նա հուզումից հևալով ու գլուխը մի կողմ թեքելով. — Զկարծես բնավ, թե ցնորել եմ։ Ընդհակառակը, կուրությունը սրել, լուսավորել է միտքս և ինձ դարձրել խելահաս։ Եթե ես իշխանությանս օրերին հասու լինեի այս ամենին, իսպառ կջնջեի մեր շարաքարո նախարարներին և հոգևորներին բոլոր՝ Հայոց Աշխարհի այդ թշնամիներին։

Վարդը դարձյալ ուզեց հարցնել, թե ովքեր են արքայահոր կարծիքով շար նախարարները, որոնց պետք է ջնջել... Այսպիսով՝ այս հարցի պատասխանից, թվում էր նրան, կիմանար ծերունու վերաբերմունքը դեպի այս կամ այն նախարարական տունը, որից և կպարզվեր. թե ո՞ւմ է համակրում ինքը, հետևաբար և Գնեղը, բայց արքահայրը դարձյալ ժամանակ չտվեց նրան։

— Իսկ Արշակը... Ինչո՞վ է զբաղվում, քաղա՞ք է շինում իր անունով, կամենում է անուն թողնել դարերում... Փառասիրություն... Բյուզանդիայից կին առնելով՝ իզուր է կարծում, թե նենգն Բյուզանդիոնը զորավիգ ու թիկունք կլի-

նի իրեն։ Սխալվում է շարաշար... Չպետք է հավատալ ոչ հոռոմներին, ոչ պարսից, ոչ վատաբարո նախարարաց և ոչ կրոնավորներին զրախոս։ Արշակը չի կարող իշխել. իշխելու համար պետք է կտրել ամեն մի բարձրացող ու ընդդիմացող գլուխ։ Ինքս եթե անեի այդպես, այսօր կույր չէի լինի և այստեղ չէի լինի...

«Յնորել է, իսպառ ցնորել է», — մտածեց Մամիկոնյան նախարարը։ Այս մտածելով հանդերձ Վարդը չուզեց և չհամարձակվեց որևէ խոսքով ընդմիջել նրան կամ հարցում անել, շնայած մտքում ծագում էին անթիվ հարցումներ։ Նա սպասեց մինչև դառնացած թագազուրկը ավարտեց խոսքը։ Եվ երբ լռություն իջավ, Վարդը առանց ծերունու աչքերին նայելու (նրան թվում էր շարունակ, թե փակ խոռոչներից մի որևէ կայծ կարող է տեսնել իրեն և հասկանալ իր առաքելության նպատակը), հետաքրքրվեց.

— Իսկ արքայազն Գնելը, արքա, ինչպե՞ս է զգում իրեն այստեղ՝ Բյուզանդիայի ճոխ կյանքից հետո։ Չի՞ տխրում արդյոք։

Վարդ իշխանն այս ասաց թե՛ զրույցի նյութը փոխելու և թե՛ իր առաքելության նպատակին մոտենալու համար։

— Տխրե՛լ, — ուսերը ցնցեց ծերունին։ — Հարկավ տխուր կլինի ապրել մի կույր, իշխանություն ու պատիվ չունեցող ծերունու մոտ։ Սակայն, սիրելով իմ Գնելին, ես ամուսնացրի նրան Սյունյաց մեծ իշխանի դստեր հետ, որպեսզի լտրխորի և, քանզի սիրում եմ Գնելիս՝ մեռած որդուս չափ, նրան շնորհեցի իմ ողջ գույքն ու կալվածները...

«Գույքն ու կալվածները, — մտածեց իշխանը։ — Եվ դա արել է անշուշտ հատուկ նպատակով»։

— Եվ արքայազն Գնելն այստեղ, հուսամ, շատ չպիտի տխրի, քանզի այցում են նրան երիտասարդ սեպուհներ, իշխաններ, ու Գնելն ունենում է նրանց հետ անշուշտ հաճելի ժամանց՝ խաղեր, զրույցներ...

«Զի կամենում ասել զինավարժություն, — մտմտաց Վարդը։ — Իսկ զրույցները... Իշխանը կուզեր իմանալ, թե ինչի՞ մասին են զրուցում այդ սեպուհները կամ ի՞նչն է նրանց զրույցի նյութը, և ի՞նչ սեպուհներ են դրանք, և ո՞ր նախա-

բարություններից: Սակայն վախել չհամարեց այդ մասին հարցում անել ծերունուն, ուստի և ասաց.

— Եվ, անշուշտ, արքա, մեծ սփոփանք է քեզ համար ուսյալ արքայազն Գնեղի ներկայութունը այստեղ՝ Կավաշի ամրոցում:

— Հարկա՛վ, հարկա՛վ,— խանդաղատեց ծերունին:— Նա փոխարինում է իմ խավարած աչքերի լույսին:

«Ա՛, ուրեմն Գնեղին է համարում իր աչքի լույսը և ոչ Արշակ արքային, թոռանը և ոչ որդուն: Հասկանալի է»,— մտածեց նորից Վարդ իշխանը, ասես կարևոր մի գյուտ անելով, ու ասաց.

— Եվ քանի որ, արքա, ես մեծ համակրանք եմ տածում առ արքայազն Գնեղը և քանի չեմ եղած նորա հարսանյաց հանդիսին, թույլատրի՞ր ինձ անձամբ շնորհավորել նրան և ցանկալ երջանիկ օրեր: Նա այժմ այստեղ՝ ապարանք:՝ում է անշուշտ:

— Հարկավ, իշխան,— ուրախացավ ծերունին:— Կարող ես շնորհավորել անտարակույս: Սակայն նա այժմ խաղի մեջ է երիտասարդ և պատանի սեպուհների հետ: Լսո՞ւմ ես դուրսի ձայները. այդ նո՛րս են սկավառակ ու մկունդ սեռում... Ահավասիկ դրա համար է, որ պատուհանս բաց է հարածում, որպեսզի լսեմ նոցա ձայնը երիտասարդ և մենակ չզղամ ինձ այս... աքսորավայրում:

Վերջին բառը արքահայրը արտաբերեց երկար մի հառաչով, որ ելնում էր ասես նրա ողջ էությունից. հառաչ անցած փառքի և մարմնի անզորության:

Փոքր անց Վարդ իշխանը հրաժեշտ առավ ծերունուց և նրա հարկաբաժնից ելնելով՝ հյուրընկալի առաջնորդությամբ դուրս եկավ դղյակի ընդարձակ բակը՝ երիտասարդների խաղը դիտելու. խաղ, որը նրանք վերսկսել էին բակի հեռու մի ծայրում... Միաժամանակ Վարդ իշխանը ցանկանում էր մի անգամ ևս նայել Գնեղի հարսին՝ Փառանձեմին:

Մինչ այդ Տիրիթը, որ խաղի մասնակիցների մեջ էր, լսելով Վարդ իշխանի զալուստը և նրա այցը պապին, հասկացավ նրա ժամանելու պատճառը և խաղի միջոցին մոտեցավ Գնեղին.

— Ժամանել է Վարդ իշխանը մայրաքաղաքից, Իմացա՞րո Գնեւը գլխով արավ:

— Եվ հասկացա՞ր ինչու,— շարունակեց Տիրիթը՝ իր հարցին խորհրդավորութուն տալով:

— Կարծյոք պապին բերել է ընծաներ և սովորական քաղցրենիք, ինչպես միշտ:

Տիրիթը տարուբերեց գլուխը:

— Ոչ, Գնեւ, Ոչ... Կարծում եմ՝ մեզ ստուգելու ժամանակ է տեսնելու, թե արքայազուներս այստեղ՝ Կավաշում, ծուլլ նստա՞ծ ենք, թե զբաղվում ենք որևէ ջահեկան գործով: Այո՛, Ուստի կարծում եմ, Գնեւ, մենք խոհեմութուն արած կլինենք, եթե շարունակենք զինախաղը, որ այդ արքունյաց աղվեսը բարի լուրեր տանի արքային, թե մենք ձրիակեր ու ծուլլ արքայազուներ չենք, այլ ջանում ենք լավ զորականներ դառնալու Իրազեկ եմ, որ արքան սիրում է, երբ երիտասարդ սեպուհները զբաղվում են զենքով:

— Եվ այդ ճշմարիտ է,— ժպտաց Գնեւը առողջ, ճերմակ ատամնաշարը բանալով, ինչ նրան տվեց պարզ, խանդավառ պատանու արտահայտություն— Եթե իրավ յոդպես է՝ շարունակենք, Տիրիթ սիրելի:

Եվ նրանք փոքր դադարից հետո վերսկսեցին նիզակախաղը՝ դարձյալ նույն երիտասարդ ու պատանի սեպուհների մասնակցությամբ:

— Ովքե՞ր են այս պատանիները,— հարցրեց հյուրընկալից Վարդ իշխանը ամրոցի ընդարձակ, ծառազարդ բակը մտնելով և բորբոքված զինախաղը դիտելով:

Հյուրընկալը խոնարհում արավ և ասաց հարգալից կիսաձայնով.

— Արքայազն Գնեւը, արքայազն Տիրիթը և նախարարաց սեպուհ որդիները:

Վարդ իշխանը գլխով արավ և մտածեց, որ այժմ կարելի է իմանալ և մյուսների ո՞վ լինելը:

— Արքայազուներին գիտեմ,— ասաց նա,— սակայն մյուսներին անծանոթ եմ: Ովքե՞ր են և ո՞ւմ որդիները:

— Տարբեր տներից, իշխան: Այն շիկահերը ահա,— մատնացույց արավ ծերունի հյուրընկալը,— որդին է Կամ-

սարական նար իշխանի, մյուսը՝ Բասենից Մանեհի, երրորդը, որ վազում է առաջ...

Մինչ հյուրընկալը, իշխանի ուշադրությունից շոյված, պատրաստակամ սիրով բացատրում էր հյուր-սեպուհների տոհմը և ո՛ւմ զավակ լինելը, այդ իսկ պահին խաղից շառագունած, թեթև հեքով ու կայտառ վազքով իշխանին մոտեցան Գնեկն ու Տիրիթը:

— Ողջույն, տեք Մամիկոնեից,— ասաց Գնեկը զվարթածայն և մերկ թեք պարզեց բարևի:

Նույնն արավ և Տիրիթը, բայց ավելի զուսպ:

— Զվարճանո՞ւմ եք բյուզանդական խաղերով,— ժրպտաց Վարդը, արքայազուններին ողջունելուց հետո:

— Թեթև արախաղ բարեկամներին հետ,— ձեռքը դնալի հյուրերը մեկնեց Գնեկը:

— Հաճելի է և գովելի... Երիտասարդներին վայել զբաղում. սրախաղ, զինավարժություն... Խրախուսելի է անշուշտ, խրախուսելի,— կրկնեց Վարդ իշխանը, նայելով պատանի Գնեկի գոհունակ դեմքին, որ փայլում էր ասես խաղի հաղթանակի հրճվանքից:

«Ժպիտով ու զվարթությամբ քողարկում է իր խաղի նպատակը»,— մտածեց Վարդը:

— Բայց ների՛ր ինձ, արքայազուն, ես մոռացա կարևորը,— ժպտաց իշխանը այս անգամ ձայնին մեղմություն, անգամ քաղցրություն տալով:— Պարտ եմ սրտիվ ողջունել քո սուրբ պսակը Սյունյաց իշխանի դստեր հետ:

— Շնորհակալություն, տեք Մամիկոնեից,— շառագունեց Գնեկը նորահարսի պես:— Հուսամ բարի լուրեր եք բերել իմ հորեղբայր-արքայից:

— Միանգամայն, արքայազուն: Արքան իր սերն ու ողջույն է հայտնում ամենքիդ և ցավում է հույժ, որ հնար չի ունեցել ներկա լինելու քո հարսանյաց հանդիսին:

Գնեկը մի շնորհալի խոնարհում արավ թագավորի ուշադրության համար:

— Որքան ուրախ պիտի լինեիր, եթե հորեղբայր-արքան...

Խոսեցին մի փոքր էլ, որից հետո Վարդ իշխանը մի վերջին անգամ նայեց այն քարե պատշգամին, ուր խմբված էին

կանայք. նայեց Փառանձեմին տեսնելու, թե ողջունելու ակընկալությամբ:

Թայց Փառանձեմն այլևս այնտեղ չէր:

Եվ իշխանը ճանապարհ ընկավ նրա ցուլուն աչքերը մըռքում:

Իսկ արքայազն Տիրիթը նայում էր նրա հետևից. նայում էր և մտածում տարակույսների մեջ.

«Ի՞նչ է պատմելու արդյոք արքային... Պիտի ճշմարտի՞ր ինձ, թե՞...»

ԳՈՒԽ ԵՐՐՈՐԴ

Երբ Վարդ իշխանը Կավաշից վերադառնալով տեսածը պատմեց թագավորին, Արշակը լսեց առանց ընդհատելու, իսկ երբ նա ավարտեց խոսքը, հարցրեց.

— Եվ ո՞ր նախարարաց սեպուհներն են այցում նրան:

— Ես, արքա, տեսա միայն Արծրունյաց, Վահունյաց, Կամսարականաց և Աբեղենից սեպուհներին:

— Կային նույնպես և նախարարներ:

— Ոչ, արքա, ես ականատես չեղա:

Արշակը լռեց առժամ և ապա՝

— Իսկ այդ ամենը ինչպե՞ս է ընդունում արքահայր:

— Գոհունակ: «Դրանք իմ մխիթարն են», ասաց:

— Այդպես, — և Արշակը նրեսը դարձրեց խոսակցից ու նորից լռեց մի վայրկյան, ապա կամեցավ նոր հարցում անել, բայց միտքը փոխեց և ասաց միայն.

— Ազատ ես, իշխան:

Վարդը դուրս եկավ տարակույսների մեջ, չիմանալով, թե ի՞նչ հաղորդումը ի՞նչ եզրակացություն բերեց թագավորին ու միայն նկատեց, որ նա մռայլվեց՝ ներքին շուրթը ատամների տակ առնելով:

Եվ այնուհետև Արշակը մռայլ էր մի քանի օր. օրվա մեծ մասը երթևեկում էր առանձնարանում և խորհում անվերջ: Ընդունում էր հազարապետ Դավիթ Գնունուն, ընդունում էր իրեն՝ Վարդին, անում էր անհրաժեշտ կարգադրություններ և խորհում դարձյալ: Ի՞նչ էր խորհում, ինչո՞ւ էր մռայլ՝ չէր հասկանում ոչ ոք: Խորհում էր և միևնույն ժամանակ, վատ

տրամադրութիւնը պալատականներից աննկատ պահելու համար, ջանում էր լինել սովորական, բայց և այնպես պալատականները՝ թե՛ հազարապետը, թե՛ պալատի կառավարիչ Դղակ Հայր-Մարդպետը, թե՛ Վասակ սպարապետը, թե՛ որսապետ Հավնունին, թե՛ Սմբատ Բագրատունին ու մյուսները նկատում էին, որ թագավորին զբաղեցնում են ծանր մտքեր... Սակայն, նկատելով հանդերձ, ոչ մեկը տակավին չէր համարձակվում հարցում անել կամ հետաքրքրվել: Ընդունված չէր. եթե թագավորն ինքը հայտներ՝ կլսեին, և պարտավոր էին լսել, այլապես անպատշաճ էր միջամտել:

Այնուամենայնիվ ամենքին անհանգստացնում էր թագավորի մոայլ տրամադրութիւնը: Անում էին, ճշմարիտ է, ենթադրութիւններ, բայց չէին կարող բնավ հասու լինել պատճառին: Միայն Մամիկոնեից Վարդ իշխանը գիտեր, որ արքային մոայլութիւն բերեց իր հաղորդումը: Իսկ պալատականներից ոմանք կարծում էին, թե դա թերևս կապ ունի այն բանի հետ, որ նախարարների մի մասը ուշացնում է իր պատասխանը: Նրանք գիտեին, թե ո՛րքան էր ոգևորված Արշակը, որ շուտով նախարարներից կստանա մարդ՝ բանակը զորացնելու, գործավորներ՝ քաղաքը կառուցելու, և բերդեր՝ երկրի պաշտպանութիւնը ապահովելու համար... և որովհետև ուշանում էր նախարարների պատասխանը, ուստի արքան մոայլվում էր օրեցօր:

Անգամ Օլիմպիա թագուհին չէր կարողանում հասու լինել և ցրել թագավորի մոայլը:

— Ինչո՞ւ տխուր ես, բազիլես,— հարցնում էր նա տագնապով:— Պատահե՞լ է տխուր մի ինչ:

— Առայժմ ոչինչ, բազիլեյա:

— Գուցե պարսիկը պատերա՞զմ է պատրաստում Արմենիայի դեմ,— շարունակում էր հետաքրքրվել Օլիմպիան:— Դրանից բնավ չպետք է վշտանալ, բազիլես. կայսրը միշտ օգնութեան կգա մեզ:

— Ոչ, բազիլեյա: Պարսիկը հանգիստ է առայժմ,— պատասխանում էր Արշակը և, շուրթերը սեղմած, աչքերի սպիտակուցները փայլեցնելով թուխ, մազոտ դեմքի վրա, երբեկնելով էր իր խոհերին անձնատուր:— Կա առավել ծանրա-կշիռ հանգամանք:

Իսկ թե ինչ էր այդ ծանրակշիռը՝ նա չէր բացատրում, այլ միայն խորհում էր մտամոհմի, մոռացած ամեն ինչ, անգամ Ավանի կառուցումը, որ մի քանի օր առաջ նրան զբաղեցնում էր ամեն ինչից ավելի... Իսկ պալատականները, տարբեր ենթադրություններ անելով հանդերձ, սպասում էին այնուամենայնիվ, թե արքայի տխրությունը կանցնի շուտով կամ կպատահի ուրախ մի դեպք, և նա նորից կվերստանա իր նախկին տրամադրությունը:

Սակայն պատահեց հակառակը. ուրախ դեպքի փոխարեն թագավորն ստացավ մի գրություն, որը նրան մռառեց ավելի: Գրությունը հարավային նախարարներից էր՝ ոլորած, ծապավենակապ ու կնքած: Երբ Արշակն սկսեց ընթերցել գրությունը, այն թագավորին հանձնող Վարդ իշխանը զգրում նկատեց, որ արքայի աչքերը փայլատակեցին, բայց երբ կարդաց մինչև վերջը, նա ծնոտները սեղմեց իրար և մագաղաթը նետեց հատակին... Թե ինչ էր գրված այդ մագաղաթի վրա՝ Վարդը իմանալ չէր կարող, միայն կռահեց, որ հաճելի բան չէր, թերևս ավելին... Նա իր ենթադրության մեջ համոզվեց մանավանդ, երբ փոքր անց թագավորը կառգադէց:

— Ավագներին, իշխան, հրավիրիր գահասրահ...

Արշակը որևէ ծանր խնդրի առջև գտնվելով կամ որևէ դժվարության հանդիպելիս՝ հավաքում էր ավագներին և լսում նրանց կարծիքները, շասելով իրենը, ստուգում էր անելիքը և ընդհանրապես շոշափում տրամադրություններ: Ինչ էր այս անգամ հավաքելու առիթը՝ Վարդը դարձյալ չիմացավ և միայն հարցրեց.

— Ե՞րբ կհրամայես, արքա:

— Երեկոյան:

— Հրամանդ,— և Վարդը դուրս եկավ խոնարհումով, զգալով, որ թագավորը զայրացած է հույժ:

Եվ նույն օրը երեկոյան, երբ ճրագարանները վառեցին պալատում, իրար հետևից սկսեցին գահասրահ գալ ավագները: Եկավ ամենից առաջ Հավնուհի Մանուսյի իշխանը՝ մի բարձրահասակ, լայնալանջ տղամարդ, որի խոշոր բեղերը կոփքների պես կախվել էին ծնոտներից: Դա վաթսունն անց թարմ ծերունի էր՝ ճերմակ մազերով: Որպես արքունի որսա-

պետ՝ նա էր կազմակերպում թագավորի որսագնացությունը և, շնայած առաջացած տարիքին, անձամբ մասնակցում էր արքայի այդ զվարճություն, միշտ նմուզի վրա, ինչպես մի երիտասարդ սուրում էր այս-այն կողմ՝ նետ-աղեղը պատ-րաստ բռնած... Նա երբեք չէր վրիպում: Զանում էր չհեռա-նալ թագավորից, որպեսզի անակնկալ պատահարից պաշտպանի նրան. երբեմն իր խփած որսը համարում էր թագավորի խփած: «Ոչ, դու զարկեցիր, արքա. քո նետը դի-պավ»,— պնդում էր նա: Եվ Աբշակը, սիրելով նրան, կար-գել էր ավագանու անդամ. ուստի և նա անխախտ մասնակ-ցում էր պետական բոլոր խորհուրդներին և զալիս ամենից շուտ:

Երկրորդ եկողը եղավ արքունի կալվածների և պալատի կառավարիչ Դդակ Հայր-Մարդպետը: Նրա խոշոր, մեծա-ոսկոր ուներին բարձրանում էր անժպիտ ծաղկատար դեմքը, որ իսպառ զուրկ էր բուսականությունից ոչ թե ծաղիկ հի-վանդության հետևանքով, այլ ներքինի լինելու հանգաման-քով: Այդ էր պատճառը թերևս, որ ինչպես ասում էին, ատում էր կանանց և ուրախանում, երբ պատժում էին որևէ տղա-մարդու: Ատում էր բոլոր նրանց, ովքեր բյուզանդասեր էին. և առաջին հերթին եկեղեցականներին: Եվ չէր թաքցնում իր սյս ատելությունը, քանի որ այն համոզումն ուներ, թե բյուզանդացիք էին, որ հայերին թշնամացրին պարսիկների հետ, ու միշտ ցանկություն էր հայտնում, որ թագավորը հե-ռու մնա հոգևորներից...

Ներս գալով՝ նա գլուխը թեքեց թեթևակի, Հավնունյաց իշխանին բարևելու համար:

— Հավնունյաց տեր, հուսամ բարեհաջող են որսից գոր-ծերը,— ասաց նա հեգնախառն մի ձայնով, որ կանացիական շեշտ ուներ:— Ե՞րբ եք ելնում նոր որսի:

— Երբ արքան սողատ լինի հոգսերից, տեր Մարդպետ,— պատասխանեց Մանասպ իշխանը շինականի պարզությամբ:

— Եվ ուրեմն որսի շնա գնա այս տարի, քանզի արքայի հոգսերը կարի շատ են,— նկատեց Հայր-Մարդպետը մի ակնհայտ, շեշտված խորհրդավորությամբ, որից բարեհոգի, պարզամիտ Հավնունին լարվեց հետաքրքիր:

— Պատահե՞լ է նոր ինչ, Հայր-Մարդպետ:

— Այժմ կպարզենք, Հավնունյաց տեր, Քանի արդեն կանչել է արտաքու կարգի խորհրդի՝ կա ուրեմն կարևոր ինչ...

Նրանք ուզում էին շարունակել, բայց այդ խոսքերի վրա ներս մտավ հազարապետ Դավիթ Գնունին՝ վաթսունն անց, խելացի աչքերով մի ձերունի. ներս մտավ թեև տիրակաճ վստահ քայլերով, բայց մտահոգ. Նրա հետ էր և Բագրատունյաց Սմբատ ասպետը, որ պալատում իրեն զգում էր ինչպես իր տանը։ Այս զգացումը նրա մեջ թերևս իրավական-ժառանգական էր, որովհետև Բագրատունիները թագադիր էին՝ թագավոր օծելիս նրանք էին թագ դնում արքայի գլխին, ինչպես և ինքը եղել էր Արշակի թագադիրը։ Այս հանգամանքը նրանց տալիս էր հպարտություն և գերազանցության գիտակցություն։ Բայց Սմբատ ասպետը պարզ բնույթի մարդ էր և միշտ ժպտներս։

Երբ սրանք ներս մտան, Հայր-Մարդպետը և Հավնունին ընդունված կարգով անխոս խոնարհում արին։

Հազարապետը և Սմբատ ասպետը փոխադարձեցին։

— Այստեղ չէ՞ միթե Վարդ իշխանը, — հարցւեց ծեր Գնունին։

— Ոչ, տեր հազարապետ, — ասաց Հայր-Մարդպետը պատրաստակամ և լուր իմանալու տրամադյալով։ — Ընդ մի՞թե, տեր Գնունի, ինքդ իրազեկ չես հավաքման պատճառին։

— Ոչ տակավին։

Այդ միջոցին արագ քայլերով, գրեթե փութկոտ ներս մտավ կարճ ու պնդակազմ Վասակ սպարապետը, ինչպես միշտ, արծաթապատ սուրբ կողքից կախ։ Նրա սրահայաց, ծակող, թափանցող աչքերը տեսնելով՝ ներկաները թվաց զգաստացան, և բոլորը միասին գլուխ իջեցրին, իսկ Բագրատունին, որ ավագների մեջ տմենակրտսերն էր, բայց մարմնով բոլորից հուժկու, մոտեցավ նրան։

— Դու ևս, տեր սպարապետ, անիրազեկ ես արքայի հրավերի նպատակին։

— Միանգամայն, տեր ասպետ։ Վստահ էի, թե կիմանամ ձեզնից, — և նա աջով ցույց տվեց հավաքվածներին։ — Վարդ իշխանը հայտնեց, թե արքան ստացել է հույժ կարևոր մի գրություն, ինչ և ռասսակագույնս վրդովել է նորան։

— Պատերազմի լուր։

— Կամ անիրավ պահանջ հարեաններինց:

— Գուցեև...

Ծրեաց, որ ոչ ոք չգիտեր, թե ինչո՞ւ համար է կանչել թագաժողովը, և ենթադրությունների էլ ժամանակ չեղավ, որովհետեւ հագելով նրանք նստել էին բարձերին, երբ ձանրաքայլ գահաստի մտավ Արշակն ինքը, ինչպես միշտ, դիք ոտքերով, մոռագույն թիկնոցը ուսերին և մտասեռնու Նրա հետևից գալիս էին Վարդ իշխանը և արքայադպիր Նզրը՝ սուստամազ ու սեպամորուք մի երիտասարդ, որ ձեռքին բռնել էր արծաթ սկուտեղ՝ վրան երկու գրություն և մեկն ու գրիչ:

Թագավորին նկատելուն պես բոլորը ոտքի ելան իսկույն և խոնարհում արին ընդունված կարգով՝ աջ ձեռքերը սրտերին դրած, սպասելով, որ արքան նստի, որպեսզի իրենք ևս առնալովրվեն բարձերի վրա: Արշակը շուրթերը սեղմած բարձրացավ պատվանդանի երկու աստիճանը և նստեց լայն, բազկավոր փայտե գահին, որի թիկնակը և նստատեղը ծածկված էին վագրի մորթիներով: Նույնպիսի մի մորթի փռված էր գահի առաջ, վառ գույներով գորգի վրա, որի ծայրը ծածկում էր պատվանդանի աստիճանները և իջնում տառածվում հատակին:

Նստելով՝ Արշակը ձեռքով կտրուկ նշան արավ, որ ավագները նույնպես նստեն: Եվ նրանք նստեցին ժանրորեն...

Երբ ամենքը տեղավորվեցին, թագավորն ասաց մռայլ.

— Ընթերցիր, Նզր:

Արքայադպիրը ձեռի արծաթ սկուտեղը դրավ ցած՝ մի նգույրի, առավ նրա վրայի ոլորուն մագաղաթներից մեկը և նրա վերին ու ներքին ծայրերը բռնած՝ սկսեց կարդալ, սեպածն մորուքը մի կողմ թերած, որ իրեն չխանդարի: Նա, չգիտես ինչու, շփոթված էր երևում և ձայնը դողում էր: Երբ սկսեց, ամենքը դարձան լսողություն, իսկ ծերունի հազարապետը նույնիսկ ձեռքը բռնեց ականջի ետև, որ բաց չթողնի և ոչ մի բառ:

Գրությունը հարավային նախարարներից էր, որոնք գրում էին, թե ամիսներ առաջ թեպետև միաժողովում խոստացան խորհել և անել կարելին — այսինքն՝ մարդ տալ արքային՝ զորքի և քաղաքի համար, այժմ սակայն կշռադատելով խընդիրը ամենակողմանի, գտան ցավոք, որ ի վիճակի չեն սյոդ

անհլու, վասնզի իրենք ևս հույժ կարիք ունեն «մարդերի և ծառայից»...

Գրության ընդհանուր իմաստն այն էր, որ նրանք մերժում էին գրեթե հանձն առած պարտավորությունները:

Եվ ստորագրել էր նախարարների մի մեծ խումբ, դրանց թվում Արծրունի Մերուժանը, Կամսարական տան նահապետ Նիրսեսը, Վահանյաց Վահեն, Բասենի Մանեճը և ուրիշները: Վերջում խնդրում էին նրանք, որ մնա ավանդական կարգը, որ իրենք կշարունակեն տալ այնքան մարդ, որքան տալիս են միշտ պատերազմների ժամանակ, և ոչ ավելի, «զի ունինք մեծ կարիք գործավորաց»:

Իսկ երկրորդ գրությամբ բերդատեր նախարարները՝ նույն Կամսարականն ու Վահանյանին հրաժարվում էին իրենց բողոքները հանձնել՝ արքային, պատճառ բերելով այն, թե առանց բերդերի անկարող կլինեն պաշտպանել իրենց կալվածները հայրենի և «ի դեպս թշնամյաց վտանգի կզրկվեն ապաստարաններից ապահով»:

«Ահա ինչու մագաղաթը հետեց արքան», մտքում կրկնեց Վարդը ընթերցման միջոցին և ընթերցումից հետո: Իսկ Նզդը, գրություններն ընթերցելով, դրանք նորից ուրեք խնամքով, նորից դրեց արծաթ սկուտեղի վրա ու կանգնեց ձիվ՝ ձեռքերը փոփոխ դրած, նեղ, երկար այծամորուքը կախած, բայց աչքերի ծայրով մերթ արքային, մերթ նախարարներին նայելով, ավելի շատ նախարարներին, երևի տեսնելու, թե ի՞նչ տպավորություն արին գրությունները:

Ընթերցումից հետո լռությունը խորացավ գահասրահում:

Թվում էր՝ ոչ ոք չի կամենում ասել առաջին խոսքը, որ սխալված չլինի: Տպավորությունը մեծ էր. նախարարների վարմունքը կարգից, պատշաճից դուրս էր. նախարարների մի ամբողջ խումբ, համախորհուրդ, մերժում էին թագավորի խնդրանքը: Դա չեղած դեմընթաց վարմունք էր՝ հավասար ապստամբություն: Դրան վերադիր՝ մարդիկ դրժել էին իրենց խոսքն ու խոստումը, որ տվել էին երկու ամիս առաջ իշխանաժողովում՝ ամենքի ներկայությամբ: Ի՞նչ կարելի էր ասել: Արդարացնել՝ երբեք: Մեղադրել... Արժանի էին մեղադրանքի: Հանդգնությունը մեծ էր... Վաղուց տեսնված չէր նման բան: Զգում էին ամենքը, որ նախարարների վարմունքն ունի

անտարակույս լուրջ պատճառ, բայց և կարող է ունենալ ծանր հետևանքներ... Խորհում էր ավագներից յուրաքանչյուրը և լռում:

— Տեր ավագներ, այժմ կամիմ լսել ձեր խոսքը,— առաջ թագավորը ձայնը փոխած, բայց դեմքի արտահայտություները չփոխելով:

Երբ թագավորն առաջարկում էր խոսել, այլևս չէր կարելի լռել, և առաջինը խոսեց որսապետ Հավնունին.

— Արքա, մենք մի նախարար պարտ է, հարկավ, լինե՞ր խոսքիվ և գործիվ ճշմարիտ. առաջ ու առաջ պարտ է կատարել իր խոսքը և խոստումը նախարարական և ապա պարտ է հնազանդել արքայի կարգադրությանց, այլապես կլինի անիշխանություն անցանկալի...— Հավնունին շունչ քաշեց բարձրաձայն, ասես ծանր բեռան տակ ու շարունակեց՝ դարձյալ թագավորին նայելով:— Իսկ բերդերը հարկ է առնել, վասնզի և ոչ մի նախարար կարիք չունի բերդի, քանզի բերդատերը կամի լինել ինքնիշխան և հհնազանդիլ արքային: Եվ ինչո՞ւ քանի մի նախարար ունենան բերդեր, մյուսները՝ ոչ: Այո, հարկ է, որ բերդերը լինեն արքունի և... իբավացի է պահանջն արքայի...

Ավագները իրար նայեցին բազմանշանակ: Նրանց հայտնի էր, որ Հավնունի Մանասպ իշխանը, որքան և բարի, տանել չէր կարողանում իր հարևան Կամսարակուն և Վահուների իշխաններին, որոնք ավելի մեծ կալվածներ ունեին և տեր էին առավել ամուր բերդերի: Նա չէր հանդուրժում, որ Հայոց Աշխարհում կան նախարարներ, որ բերդատեր լինելով՝ գոռոզամիտ են, ուստի և կուգեր, որ նրանք իսպառ զրկվեն իրենց բերդերից:

Հավնունին խոսում էր բարկացած, և նրա խոսքերից Վասակ սպարապետի նուրբ, զգալուն դեմքին առաջանում էին թեթև կնճիռներ, մկանների նկատելի կծկումներ: Նա մերթ թափում էր աչքերը, մերթ լարվում, ասես նրան ավելի լսով հասկանալու համար կամ մի բան ասելու ցանկությամբ, այնպես որ, երբ Հավնունին ավարտեց՝ նա ոտքի ելավ անհամբեր, թեև ընդունված էր խոսել բարձի վրա նստած: Ոտքի ելավ և թուրը ետ տարավ, որ շխանգարի իրեն:

— Նորա, ուղբեր հզել են քեզ, արքա, սույն պատասխա-

նո,— սպարապետը մատնանիշ արավ սկուտեղը,— եղել են անշուշտ անխոհեմ: Սակայն այսօր պատժել նոցա այդ պարտազանցութեանց համար՝ կլինե՞ր սխալանք: Հավնուե՞լաց տուրք, հավանաբար— ես մակաբերում եմ նրա խոսքերից— կամենում է ներքին պատերազմ, ինչ կուրախացնէր միայն Հայոց Աշխարհի թշնամիներին:

— Ոչ, սպարապետ, ես կամիմ ո՛չ ներքին պատերազմ,— ուղղեց Հավնունին,— այլ կամիմ, որ պատժեն հանդուգն մարդիկ:

— Պատժել, այո, ես նույնպես կամիմ, սակայն հարկ է ի գործ դնել պատժի այնպիսի եղանակ, որ առիթ չլինի ներքին պատերազմի: Իսկ Հավնուե՞լաց առաքինի տները, շխտսելով պատժի այլ եղանակներից, առաջարկում է միջոց մի, որ կարող է հարուցել ներքին պատերազմ: Այն է՝ գրավել նախարարաց բերդերը. դա անտարակույս պետք է կատարվի զինու զորութեամբ... սակայն նոքա ես ունին զենք և... ահավասիկ ներքին պատերազմ: Ո՛չ, արքա, պատժի սույն այս եղանակը ո՛չ վայել է և ո՛չ հարիր քո դիրքին, ո՛չ նաև մեր աշխարհի կացութեան, ուստի մերժում եմ...

Թագավորը լսում էր լարված, աչքերը կծկած, անշարժ, բայց երբ սպարապետը շեշտեց «մերժում եմ» բառը, նա իրանը առաջ քիչեց գահի վրա և հարցրեց.

— Իսկ ո՞ր եղանակը կհամարես ցանկալի, սպարապետ: Հարցումն անսպասելի կտրուկ էր և չոր:

Սպարապետը, թվաց, անակնկալի եկավ մի վայրկյան, բայց և այնպես, երբ ուզեց շարունակել՝ թագավորն ընդմիջեց:

— Ամեն խռովութիւն կարելի է սաստել զավազանով երկաթյա,— ասաց նա, և ամենքն զգացին, որ նա կողմնակից է խիստ պատժի, ուստի և լարվեցին իմանալու, թե ի՛նչ կպատասխանի սպարապետը:

— Ես, արքա, նախանձախնդիր եմ Հայոց Աշխարհի խաղաղութեան,— սկսեց սպարապետը ուղիղ գահին նայելով,— հետևաբար և մերժում եմ ամեն խիստ պատժ, որ պատճառ կլինի ներքին խռովութեան: Մենք ունենք թշնամի հառեաններ և դա շահավետ կլինի նոցա, արքա: Դու ցանկացա՞ր իմանալ, թե պատժի ո՞ր եղանակը կհամարեմ ցանկալի:

Ահա վասիկ իմ եղանակը. զրկել նոցա թեկուզ՝ իրենց բարձ-
րից և հանդիմանել խստով:

Թագավորը նորից ուղղվեց. մեջքը հենեց գահի թիկնակին
և աչքերը կծկեց ավելի. նա սովորաբար խուսափում էր վե-
ճի ծոնել սպարապետի հետ, որին հազիվ, մեծագույն դժ-
վարությամբ, երկու տարի առաջ, համոզել էր հանձն առնել
հայոց զորքի ղեկավարութիւնը, ինչ-որ հայրը՝ Տիրան թա-
գավորը, առել էր Մամիկոնյաններից, վիրավորելով նրանց
ինքնասիրութիւնը: Ուստի Արշակը լոեց, չկամենալով այլևս
ընդմիջել նրան:

Երբ Վասակն ավարտեց ասելիքը, Արշակը ներքին շուր-
թը դրեց ատամների տակ և նայեց մյուսներին, սպասելով
նրանց խոսքին:

Բագրատունի Սմբատը համաձայն եղավ Վասակ սպա-
րապետին:

— Տեր Հովնուհին, հարգիյի է ամենիս, — ասաց նա. —
Սակայն նրա ցանկութիւնը կլինի աղետավոր: Ուստի և հա-
մաժիտ եմ տեր սպարապետին:

Նույնպիսի համամտութիւն հայտնեց և Մհենդակ իշ-
խանը, ավելացնելով.

— Արդյոք կարելի չէ՞ նոր մարդ. չպահանջել նախարար-
ներից և իզուր չգրգռել նոցա:

Այս մտքին հավանութիւն տվեց նաև Վասակը:

— Առայժմ չպահանջել, արքա: Աշխարհիս խաղաղութիւ-
նը չվրդովելու համար:

Արշակը թեթևակի տարուբերեց գլուխը.

— Զպահանջել՝ նշանակում է քաղաքի կառուցումը թող-
նել ընդերկար: Այնինչ՝ պետք է շտապել:

• Այս ասելով՝ Արշակը շհայտնեց սակայն, թե հետո կարող
են տեղի ունենալ խանգարիչ դեպքեր, կարող է ծագել պա-
տերազմ և կառուցումը կմնա անավարտ: Նա շուզեց լծովին
բացատրել նախարարներից մարդ պահանջելու իր նպա-
տակը:

Հազարապետ Դավիթ Գնունին, իր բարձին նստած և խե-
լացի աչքերը մի կետի հառած, շարունակ շփում էր ճերմա-
կող մորուքը և թվում էր կշռադատում է մարդկանց ու նը-
րանց խոսքը:

Երբ Սմբատ ասպետն ու Մեհենդակ իշխանն ավարտեցին իրենց ասելիքը՝ Թագավորը նայեց նրա կողմը:

— Իսկ ի՞նչ է խորհում Գնունյաց տները,— ասաց նա մի ձայնով, որի մեջ կար և՛ հարգանք, և՛ վստահություն:

Հազարապետը մորուքը թողնելով շտկվեց և նայեց Թագավորին մի հայացքով, որ վկայում էր, թե նա ծանր կացության մեջ է զգում իրեն:

— Ես, արքա, խորհում եմ,— սկսեց նա հանդարտ,— որ մենք տակափին կարող կլինենք կրկին քննության առնել նախարարաց գրությունները: Սակայն առանց կացությունը և դոցա առաջացումը պարզելու՝ դիմել մեկին խոտագույն պատժի՝ էլիսե՛ր ոչ խոհեմ, ոչ հրահանգելի: Մենք պարտ ենք նախ համոզել նախարարաց, որ վտանգալից քայլ են առած թե՛ իրենց և թե՛ Հայոց Աշխարհի համար:

— Ուրեմն տեր հազարապետը կամենում է, որ լինեմ զիջող և հանդգնությունը նոցա թողնեմ անպատիժ,— ասաց Արշակը և զննող նայվածքը սևեռեց Գնունուն:

Բայց ծերունին բոլորովին չշփոթվեց.

— Ո՛ր, արքա. առայժմ չեմ հրահանգում ոչինչ և չեմ էլ ցանկանում խռովություն, քանզի խռովությունը մեզ կրերի թշվառություն և աղետներ չարագույն... Ես կամիմ նախ պարզենք շարժառիթը նոցա մերժումի և ապա համոզել... համոզել,— շեշտեց նա:

Թագավորը հիասթափված նորից հենվեց գահին և նայեց Հայր-Մարդպետի կողմը, կամենալով լսել նաև նրա խոսքը. բայց ներքինին լուում էր գլուխն իջեցրած, և դա դարմացրեց Արշակին: Զէ՞ որ նա սովորաբար չէր խուսափում խոսք ասելուց. իսկ երբ չէր ցանկանում խոսել, հազվագեպ, անկարելի էր լինում խոսք իմանալ նրանից:

«Աղվեսը երևի գրուցել չի կամենում... Մտքերը թաքցրնում է՝ մարդոց չվիրավորելու համար»,— մտածեց Թագավորը և, աչքերը լրիվ բանալով, ասաց.

— Կամեցա, տիարք, որ օգնեք ինձ ձեր խորհուրդներով խոհական, բայց քանզի ցանկալի եք համարում խորհել կրկին, ուստի խորհե՛ք ամենքս... Բայց պարտազանցությունը և հանդգնությունը բնավ չպետք է թողնել անպատիժ:

Ու Արշակը մեկեն, ոմանց թվաց դժգոհ, ելավ գահից. դա նշան էր, որ խորհուրդը վերջացած է և ամենքը ազատ են, կարող են գնալ, ուստի և ավագները, գլխի խոնարհումներով, իրար հետեից, դուրս եկան գահասարահից: Սովորաբար, նրման խորհուրդներից հետո, Արշակը խնդրում էր ավագներից որևէ մեկին՝ մնալ առանձին խոսելու, բայց այս անգամ չպահեց և ոչ մեկին: Եվ երբ նրանք գնացին բոլորովին՝ նա դարձավ իր դպիրին, որ տակավին, սուր մորուքը կախ, մնացել էր կանգնած, հրամանի պատրաստ:

— Դու ևս ազատ ես, իզուր:

Գպիրը վերցրեց արծաթ սկուտեղը՝ վրայի ոլորուն գրություններով հանդերձ և նույնպես դուրս եկավ՝ նույն սովորական խոնարհումներով, որոնք սակայն, այժմ մորուքի պատճառով, թվում էին ծամածռություններ:

Մենակ մնալով՝ Արշակը մտածեց, որ սպարապետը, հազարապետը և Բագրատունին թերևս իրավացի են.— առայժմ հարկ չկա պատժել խոստումնազանց նախարարներին. հարկ է պարզել իրոք, թե ինչու նոքա խոխտացել են այնքան, որ հանդգնել են հղել իրեն մերժողական գրություններ: Որտեղից նոցա այդ համարձակությունը, այդ դեմքնաբանություն, ինչ նկատելի չէր մի քանի ամիս առաջ, երբ նոքա պարկեշտ ու հնազանդ մասնակցում էին նախարարների միաժողովին:

Արշակը հանդարտ քայլում էր գահասարահի երկարությունամբ և խորհում, թիկնոցը վար առած: Երբեմն անցնում էր առանձնարանը, որ կից էր գահասարահին: Նախարարների մերժումը նրան թվում էր վիրավորանքից ավելի, արհամարհանքի հասնող մի բան... Նա չէր մտածում, որ իր պահանջն անսովոր է և կարգից դուրս... ուստի և խորհելով՝ կրկին ու կրկին գալիս էր այն եզրահանգումին, որ գրությանց հեղինակ նախարարների հանդեսությունը ներշնչված կա: Եւ տարված է մեկի թելադրանքով:

Մտածելով՝ Արշակը համոզվում էր, որ Վարդի բերած լուրերը լիովին հաստատեցին Տիրիթի խոսքերը և իր կասկածները Գնեի նկատմամբ: Այդ կասկածներն ավելի ամրապնդեց նախարարների գրությունը... մերժողական... Ու նա որոշեց՝ նախ պարզել այդ դավը, ապա զբաղվել քաղաքով...

Բայց ո՞վ էր գավողը...

Արշակի միտքը կանգ էր առնում միայն Գնելի, արքայազն Գնելի վրա:

«Բերդերը շին հանձնում, մարդեր շին տալիս»,— մտածում էր նա և այդ ամենի պատճառը համարում էր այն, որ նրանք այսպիսինում են Գնելին: Այդ ամենը հավանաբար ներանոթ թելադրում է ոչ թե ինքը Գնելը անձամբ, այլ անշուշտ նրա Ինքկայությունը Կավաշում: Ինչո՞ւ քանի Գնելը չէր եկել Կավաշ՝ ամենը հնազանդ էին և պատրաստակամ... Սակայն նրանք փոխվեցին Գնելի Կավաշում քնակություն հաստատելուց հետո... Ոչ միայն փոխվեցին... այցելում են նրան, մասնակցում նրա հարսանիքին, խնջույքներին: Իրենց քուրդներին ուղարկում են նրա մոտ՝ զինախաղերի ու զինավարժություն... Եվ այս ամենը չգիտեն իմ թվագները, չգիտեն և դատում են ընդունայն... Միայն Հայր-Մարդպետը գիտեր երևի և լուր էր: Բայց կարիք կա՞ այս ամենը նրանց պարզելու: Եվ մի՞թե այս ամենը պերճախոս փաստեր չե՞ն, և չե՞ն բացահայտում միթե նախարարների տրամադրության փոփոխության պատճառը...

Արշակը լսել էր, որ իրենից դժգոհ արքահայրը Գնելի ճոխ հարսանիքին հրավիրել է շատ նախարարների, և որ Գնելը նրանց նվիրել է թսկի և արծաթ զարդեր... Լսել էր, որ Գնելը վայելում է նրանց սերը: Այս պարագան հայտնի էր Արշակին, ուստի և անհավանական չէր համարում, որ դժգոհ նախարարները, դավելով իր դեմ, գահ բարձրացնեն նրան... Նախարարները՝ Ինչե՞ր ասես շին անի նախարարները հայոց...

«Չարիքի արմատը պարզ է,— խոսեց Արշակը ինքն իրեն գլուտ անողի նման սթափվելով և մտածեց, որ պետք է ուրեմն կանխել շարիքը, խեղ կանխելու համար՝ պետք է կրտրել այն արմատից... Անհնազանդության և հանդգնության աղբյուրը Գնելն է անշուշտ, այո, Գնելը»,— մտածում էր Արշակը շարունակելով իր անցուդարձը:

Քայլում էր և կրկնում մտքում, որ հանդուգն Արծրունուն, Կամսարականին, Վահեունուն և մյուսներին հնազանդության մեջ պահելու լավագույն միջոցը թերևս այն կլինի, որ Գնելը հեռացվի Կավաշից՝ իր հարսի հետ միասին... Այնժամ այլևս չեն հոխորտա այդ Արծրունի, Կամսարական, Վահեունի և

համախոհ նախարարները... այնժամ կղսպեն իրենց և կկատարեն արքայի կամքն ու պահանջները... Այո, նրանք, կըսթափվեն դրանից և կզգան, որ թագավորը չի խնայում անգամ իր հարազատ եղբորորդուն՝ արքայադստեր Գնելին, հետևաբար՝ չի խնայի և իրենց... Եվ, վերջապես, Գնելին հեռացնելով, ինքը հանցանք չի գործի, այլ պահպանած կլինի ավանդական օրենքը։ Ամենքը գիտեն, որ արքայազուները, բացի գահաժառանգից, չպետք է ապրեն Այրարատում, այլ Աղիովիտ ուղևորում... Արշակին թվում էր, թե արտոնելով Գնելին՝ զալ կավաշ, ինքը այդպիսով գործել է մեծ սխալ, որի տխուր հետևանքը ակներև է ահա։

— Այո, թագավորությունս մեզ խաղաղություն պահելու համար Գնելը պետք է հեռացվի... Տիրիթը զգուշացումը կատարեց ժամանակին, — ասաց Արշակը և, կանգ առնելով, ծափեց։

Ներս մտավ ծեր սենեկապահը և ձգվեց հրամանի. պատրաստ։

— Կանչիր Վարդ իշխանին։

Չանցավ մի քանի վայրկյան՝ եկավ Մամիկոնյան իշխանը զարմացած, որ արքունի խորհրդից անմիջապես հետո թագավորն այդպես շտապ կանչում է իրեն։ Ի՞նչ կար արդյոք նոր, արտակարգ, — կարդացվում էր նրա դեմքին։

Տեսնելով Վարդ իշխանի մուտքը՝ Արշակն ընդհատեց երթևեկը և մոտեցավ նրան։

— Այդպես, իշխան. այսօր իսկ հարկ է գրել հրաման և տանել արքայազն Գնելին, որպեսզի նա, երեք օրվա մեջ, թողնի Կավաշը և գնա ապրելու Հաշտենից գավառը՝ Աղիովիտ կամ Առերբանի... իր հարսով հանդերձ։

Այս ասելով՝ թագավորը մտածեց մի պահ և ավելացրեց շեշտով.

— Նա՛հ արքայազն Տիրիթին։

— Նաև Տիրիթի՞ն, — չկարողացավ իր զարմանքը պահել Վարդ իշխանը։ — Եվ ինչո՞ւ, արքա։

— Որպեսզի լինեն մայրաքաղաքից հեռու, ինչպես կարգն է ավանդական։

— Թույլատրիր խոսել, արքա։

— Խոսիր, իշխան։

— Խերիր, արքա, համարձակ հարցումս: Կա՞ տրոյոք կա-
րէ՞ք, որ սրբաշաղկ Գնեւը արտաքսվի Կավաշից: Ի՞նչ դա ար-
վում է այն նպատակով, որ նա չդաւի և իր շուրջը չժողովի
նախարարներ դժգոհ, ապա իրավունք տուր դիտեմ, որ Գնեւը
այդ ամենը ավելի ազատ և ավելի դյուրին կանի Հաշտենից
գավառում, ինքը ևս միանալով տեղի դժգոհ նախարարաց,
վասնզի ինքն ևս կլինի կարի դժգոհ... թերևս նախարարներից
առավել: Մինչդեռ, արքա, եթե նա մնա Կավաշում, կլինի
հանապազ հսկողութեանդ ներքո, հետևաբար՝ կլինի զգույշ և
լի համարձակի անել ոչինչ չարամիտ:

Թագավորը վճռաբար տարուբերեց գլուխը:

— Ոչ, երիցս ոչ, իշխան: Կանենք այնպես, որ նա այնսւղ
ևս լինի մեր հսկողութեան ներքո: Տիրիթը նույնպէս կտեղա-
փոխվի այնտեղ, ինչպես լսեցիր: Եվ նա արդեն իսկ իրազեկ
կպահի մեզ Գնեւի վարքի և վարմունքի մասին, — շեշտեց
Արշակը իր վճռից գոհ:

— Իսկ արքահայրը, — ու վարդը հարցական նայեց թա-
գավորի երեսին: — Զէ՞ նա խնդրեց՝ թողնել թոռնիկին
մոտը, և դու թույլատու եղար, արքա: Նա կցանկաւ ան-
շուշտ՝ իմանալ թոռանց հեռացման պատճառը: Ի՞նչ պա-
տասխանել... Զե՞ն ասի արդյոք, որ դու վախեցար Գնեւից
և... դա առիթ չի՞ դառնա, որ քո հայտ և անհայտ թշնամի-
ներդ...

Արշակը սև հոնքերն իրար բերեց:

— Նախ, իշխան, արքայազուն թոռները չեն, որ պիտի
խնամեն արքայահորը, այլ իմ կարգած մարդիկ: Նոքա՞ աչդ
թոռները, եկան-տեսան իրենց պապին, և բավ է: Չսխտք է
թողնել շար հունդը ծլի և աճի, և կամ կայծը հրդեհ դառնա:
Իսկ թե ի՞նչ կգրուցեն թշնամիները՝ կարևոր չէ բնավ: Թըշ-
նամին հանապազ մնում է թշնամի և բարի չի խորհում եր-
բեք: Հետևաբար, առավել խելացի չէ՞ր լինի հեռացնել թըշ-
նամուն, որ շխանգարի մեր գործն ու հանգիստը:

Վարդ իշխանը, որ լսում էր զարմանքից անշարժ, թագա-
վորի խոսքից հետո կարևոր համարեց նկատել.

— Այդ վճիռը, արքա, ծանր, անչափ ծանր կլինի աւրա-
յահոր համար:

Արշակն անմիջապես չպատասխանեց, նորից «կսկւով քայլել»:

— Սա՛նք,— ասաց նա առանց կանգ առնելու:— Ձի մնա և չենք թողնի մենակ, ինչպես և մենակ չէր մինչև թոռների ժամանումը:

— Նա բողոք կբառնա, արքա... կնզո՛վի:

— Իզո՛ւր:

— Կարգադրությունդ կհամարի թշնամություն իր դեմ:

— Առավել իզուր,— կրկնեց Արշակը և նորից կանգ առավ:— Այդպես, իշխան, այժմ իսկ թող Եզրը հորինի այդ հրամանը:

Հրաման հորինելը դժվար խնդիր չէր, Վարդն անմիջապես կսրտող էր այդ կատարել: Սակայն դժվարը, որ այդ պահին մտահոգում էր Վարդ իշխանին, այն էր, թե ո՞վ պետք է տաներ այդ հրամանը Կավաշ... Հանկարծ թագավորը այդ առաքելությունը նորից հանձնարարեր իրեն, ինչ ինքը չէր ցանկաբերեք... Ահա ինչո՞ւ նա ջանում էր տարհամոզել արքային, որ ղվտարեր արքայազուներին... Քանի մի օր առաջ շնորհավորել էր Գնեկին իր հարսանիքի առթիվ և... վաղը մյուս օրը հրաման տաներ արտաքսելու... Ինչ կմտածեր Գնեկը իր մասին. կեղծավո՞ր, լրտե՞ս, խաբեբա՞... Ո՛չ, Վարդ իշխանն այդ չէր ցանկանա... Ձէր ցանկանա եորիդ հաեղիպել ո՛չ Գնեկին, ո՛չ արքայահորը և ո՛չ Փառանձեմին, մանավանդ Փառանձեմին... Ինչո՞ւ մի այդպիսի նորատի արքայի հեռավոր մի գավառ... Իսկ Տիրիթը, Տիրիթը, որ սիրում և վրստահում է իրեն, ի՞նչ կասեր... Նվ, վերջապես, այդ արքայազուներից մեկը կարող է թագավորել մի օր...

Ու Վարդն աղոթում էր մտքում, որ տերը փրկի իրեն այդ ծանր փորձությունից և միաժամանակ հնար էր մտածում խուսափելու այդ տիտուր, ոչ պատվարեր առաքելությունից. նա մինչև իսկ մտածում էր հիվանդություն կեղծել, մնալ տանը փակված, որ թագավորն իր այդ կարգադրությունը հանձնարարի մեկ ուրիշի... այլապես ինքը չէր կառաջ տեսնել կույր արքայահորը և լսել նրա կշտամբանքը, զայրույթը և վիշտը... Այո, արքահայրը կզայրանար սաստիկ և չէր խնայի ոչ ոքի...

Ու Վարդ իշխանը խորապես մշտացած գուրս եկավ գահաստահից:

«Օ՛, ծանր է լինել հրամայողի կամակատար»,— հառաչեց Վարդը միջանցքում և գնաց արքայի հրամանը դպիր Եղբին հայտնելու... Միաժամանակ նա մտածում էր և արքայազն Տիրիթի մասին. չէ՞ ինքը խոստացել էր օգնել նրան, բարեխոս լինել արքայի առաջ, որ սա բարեհաճ լինի նրա հանդեպ: Ի՞նչ անել այժմ...

Այդ օրը մինչև կեսգիշեր, մինչև հրամանի պատրաստումը, մինչև առավոտ՝ Վարդ իշխանը խորհում էր թագավորի մտադրության մասին և ցանկանալով ցանկանում, որ այդ հիմասնի հանձնակատարը լինի ինքը...

Բ

Այն պահին, երբ Վարդը մտածում էր այդ ծանր առաքելությունը, վրա, Արշակ թագավորը, շարունակելով իր անհանգիստ երթևեկը, խորհում էր դարձյալ Գնելի մասին: Որքա՞ն իրոք խելացի կլինե՞ր վտարել Գնելին կավաշից. դա չէ՞ հարուցի արդյոք ընդհանուր դժգոհություն և թշնամիները չե՞ն շարախնդա իրոք, որ ինքը նրան հեռացնում է երկյուղից, ինչպես ասում է Վարդ իշխանը:

«Թշնամիներս, այո, կշարախնդան անշուշտ»,— ասաց Արշակը մտովի և անմիջապես արդարացրեց իրեն, որ դա անում է անհրաժեշտությունից դրված՝ երկիրը խաղաղ պահելու համար... Խաղաղություն, որի մեջ միայն հնարավոր կլինի կառուցել և ավարտել իր Ավանը... ու քանի որ նախարարները մերժում են իրենց բերդերը՝ նա իր Ավանը կկառուցի այնպես, որ այն գառնա ամուր բերդ... ոչ թե մեկի բերդը, այլ ամենքի բերդը, հայոց բերդը... Սակայն Գնելին վտարելու փոխարեն խելացի չէ՞ր լինի կանչել նրան և անձամբ խոսել հետը, սիրել, սիրաշահել, որ նա, տակավին անփորձ պատանի, չընկնի շարանենգ նախարարների ազդեցության ներքո,— ասում էր մի այլ ձայն:

«Եվ ինչո՞ւ ոչ,— մտածում էր Արշակը.— Կարելի է և կանչել. կանչել մայրաքաղաք և զրուցել հետը... Սիրելով կարելի է փոխել մարդուն և դարձնել անձնվեր հավատարիմ... Թեև կարգ չէ և ընդունված չէ, բայց կարելի է զուցե հանձնել

ներան և բարձր մի պաշտոն արքունիքում... այսպես նա հեռու կլինի դժգոհ նախարարներից...»

Մտածելով՝ Արշակը գտնում էր, որ պետք էր փորձել այդ անձամբ խոսել Գնելի հետ և հասկացնել, որ վտանգավոր է լսել նախարարներին, որ նրանք ամենքը անբարեհույս մարդիկ են, կարող են պղտորել մարդկանց հոգին և մտքերը մղել հանցավոր գործերի... Այո, նա կզգուշացնի, որ նախարարները կարող են անել մեծամեծ խոստումներ, սակայն Գնելը չպետք է հավատա նրանց, զի նրանք ամենքը թշնամի են Արշակունիներին. նրանք պատրաստ են մինչև իսկ գժտություն սերմանել թագավորի և արքայազունների մեջ՝ իրենց նպատակներին հասնելու համար...

«Իսկ եթե Գնելն ուղարկված է կայսեր կողմից»,— ասաց ներքին մի ձայն. Արշակը մտածեց, որ դա ևս կարող է լինել. Թերևս կայսրը դժգոհ է իրենից և կամենում է իր փոխարեն թագավորեցնել Գնելին... Անհավանական չէ և այդ... Բայց դա ևս կարելի է պարզել գուցե անձամբ խոսելով:

Սակայն ինչպե՞ս կարելի է տեսնվել Գնելի հետ.— Գնալ Կավաշ արքայահորը տեսնելու պատրվակով և խոսել՝ այնտեղ. Ոչ, դա վայել չէր և ոչ էլ հարմար. արքահայրը, իրեն տեսնելով,— մտածում էր Արշակը,— պիտի գանգասեղ իր վիճակից... Ոչ. գնալ Կավաշ՝ հարմար չէր. Հարսանիքին չգնալուց հետո դա ո՛չ հարմար է, ո՛չ պատշաճ... Լավագույնը կլինի այն, Գնելին իր հարսի հետ հրավիրել Վաղարշապատ և զրուցել այստեղ՝ պալատում,— եզրակացրեց Արշակը. Բայց այդ միջոցին հանկարծ— չգիտես ինչ կապով— հիշեց, որ շուտով լինելու է նավասարդի տոներ Շահապիվանում, տարեկան աշխարհախումբ տոներ, ուր մեկնելու է նաև ինքը՝ Օլիմպիա թագուհու հետ:

«Լավագույնս է ահա հրավիրել Գնելին այդ տոնին,— մտածեց Արշակը,— և այնտեղ առանձինս խոսել հետը, նախապես շնորհավորելով ամուսնությունը, ընծաներ տալով իրեն ու իր հարսին... Դա կլինեի առավել խելացի... Դա կուրախացներ և արքայահորը...»

Այս միտքն այնքան հաճելի թվաց Արշակին, որ նա նրստեց մտածումներից ու երթևեկութունից հոգնած. Բայց որքան էլ հոգնած՝ նա այնուամենայնիվ շարունակում էր մտա-

ծել, և գտնում էր, որ Գնելին բարեկամանալուց հետո կարելի է հանգիստ գրադվել թե՛ Ավանի շինությանմբ և թե՛ պատծել անհնազանդ նախարարներին...

Գալիս էին նաև հակառակ մտքեր, որ առարկում էին այդ եզրակացության դեմ, և Արշակը կանգնում էր ծանր երկընտրանքի առաջ...

Երևի անել, ո՞րին նախապատվություն տալ,— մտածում էր նա, և մտածում էր երկար:

Փոքր հետո նա ծափ զարկեց:

Ներս մտավ տարեց սենեկապահ:

— Հրավիրիր Հայր-Մարդպետին:

Սենեկապահը գլուխ իջեցնելով դուրս գնաց, և փոքր անց եկավ մեծամարմին ներքինին՝ մի բարակ թիկնոց վրան: Նրա խոշոր, անմազ, ծաղկավեր դեմքը շիկնած էր կիսանկի կարկանդակի պես, չգիտես անակնկալ կանչվելուց, թե շտապելուց:

— Ողջո՛ւյն արքայիս,— խոնարհեց նա գլուխը և կանգնեց պատկառու:

— Ողջո՛ւյն, մարդպետաց հայր,— շեշտեց Արշակը պաշտոնական եղանակով և, մատնացույց անելով նրան մի եռոտանի, ինքն ևս նստեց նույնանման մի աթոռի:

Երբ երկուսն էլ արդեն նստել էին դեմ-դիմաց, թագավորը, աչքերը կծկած, նայեց պալատի կառավարչին, նայեց անխոս, ապա ասաց հանդարտ.

— Ես, Հայր-Մարդպետ, կարի դժգոհ եմ քեզնից:

Հայր-Մարդպետը գունատվեց՝ անմազ կոպերը թարթելով:

— Ինչո՞վ եմ արժանացել, արքա...

— Ինչո՞ւ լռեցիր ավագների ժողովին և շասացիր խոսքդ: Հայր-Մարդպետը շփոթվեց:

— Լռեցի, արքա, քանզի բարկացած էիր հույժ:

— Կարծիքովդ՝ չպե՞տք է բարկանալ չարամիտների և ուրացողների վրա:

— Բարկանալ կարելի է, արքա, և զանցառուները արժանի են բարկության: Սակայն բարկությունը վճիռ արձակելիս վատ խորհրդատու է:

— Պետք է մականերեմ ուրեմն, որ հակառակորդի վրա պէտք չէ՝ բարկանալ:

— Տարբեր են լինում, արքա, հակառակորդները: Ամենքին հարկավ չի կարելի վերաբերվել միատեսակ:

— Հակառակորդը թշնամի է, ուստի և արժանի է պատժի,— և Արշակը սև հոնքերը այնպես բերեց իրար, որ հոնքամեջը չքացավ:

Հայր-Մարդպետը ժպտաց.

— Ինչո՞ւ, արքա, երբ հակառակորդին կարելի է հաղթել՝ հետը հաշտվելով կամ լիակշիռ ոսկի տալով, և կամ՝ համախոհից բաժանելով:

«Որքան խորամանկ է այս աղվեսը և որքան խելոք... Մի՞թե կոահել է, որ ես այդպես եմ վարվելու Գնելի հետ, որ կամենում եմ բարեկամանալ Գնելի՞ն,— մտածեց Արշակը: Նա Հայր-Մարդպետին կանչել էր իսկապես հարցնելու, թե ի՞նչ կարծիքի է Գնելի մասին, բայց, նրա խոսքը լսելով, աւաց միայն:

— Պետք չէ՝ ուրեմն հակառակորդին պատժել:

Հայր-Մարդպետի շուրթերի վրա ժպտի նման մի բան երևաց:

— Հակառակորդին կարելի է և պատժել, արքա, եթե դա շահավետ կլինի քեզ և երկրի հայոց: Ես այնպես եմ խորհում, որ թույլ հակառակորդին, արքա, պետք է վախեցնել, քաջին՝ ընկճել, ազահին՝ տալ դրամական ու հողային նվեր, իսկ հավասարին՝ հինթարկել: Գալով նախարարներիդ ներհակ՝ նորա անշուշտ հավասար չեն քեզ, արքա. հետևաբար՝ դոցա դյուրավ կարելի է բաժանել միմյանցից՝ առատ խոստումներով, ոմանց ծանրագին նվերներով կամ բարձր ու շուրջ մի պաշտոն հանձնելով: Իսկ ընդհանրապես, ներիւր ծառայիդ հանդգնությունը, արքա, դու քեզ պետք է հանգիստ պահես անգամ այն ժամանակ, երբ զայրացած ես:

— Հանգի՞ստ, երբ զայրացած եմ,— Արշակը քմծիծաղով տարուբերեց սեռամազ գլուխը:

— Այո, արքա,— շարունակեց պալատի կառավարիչը, չվարանելով թագավորի քմծիծաղից:— Ոչ միայն հանգիստ, պետք է ժպիտով խոսել այն մարդու հետ, ով վիրավորանք է ասել քեզ... ,

Թագավորը նորից տարութեանց գլուխը:

— Ինքդ, մարդպետաց տեր, շեռ սիրում հոգևորներին, բայց խոսում ես նոցա մտքերով ու լեզվով:

— Տարբեր ենք, արքա. նոքա քարոզում են հեզություն ու հնազանդություն, իսկ ես,— ներիր համարձակ խոսքս,— ես ասում եմ՝ քեզ և մեր աշխարհի համար օգտակար խոսքեր: Չեմ ասում բնավ՝ եղիր հնազանդ, մի՛շ երբեք... Այլ ասում եմ, թե երբ զայրացած ես՝ եղիր սիրալիր, և քաղցր խոսքեր ասա, երբ պատրաստվում ես հարվածելու, անգամ՝ երբ հարվածում ես:

Արշակն ընդմիջեց.

— Սթափի՛ր, Հայր-Մարդպետ: Արքայիդ խորհուրդ ես տալիս կեղծավորե՞լ...

— Բնավ, արքա: Այդ պահանջում է քո գահը: Այդպես պետք է վարվել երկիր կառավարելու համար: Այդպես կհաղթես ավելի: Իսկ երբ թշնամուդ ընկճես՝ հեղ եղիր և հեղ խոսքեր ասա, ու ցույց տուր, որ ցավում ես հոգով— և դու կշահես, արքա, ոչ միայն ականատես կողմնակի մտադրոց, այլև թշնամուդ համակրանքը:

Արշակը բարձրացրեց հոնքերը, և դրանից վերացավ նրա հոներամիջի կնճիղը:

— Ավելորդ խոսքեր ես զրուցում, Հայր-Մարդպետ: Թըշնամուն հարվածում են զենքով և նախատական խոսքով: Ասածդ՝ վատթար կեղծավորություն է, և ինքդ հավանաբար այդպես ես վարվում, այո՞:

Եվ Արշակը շեշտ նայեց խոսակցի աչքերին:

Հայր-Մարդպետը լռեց վերավորված:

Արշակը նկատեց այդ և նորից դիմեց նրան հեզանախոն ձայնով.

— Այնուհետև, տեր փիլիսոփա:

— Այնուհետև ի՛նչ գրուցեմ, արքա, երբ հեզնում ես նվաստիս,— վշտացած ձևացավ ներքինին:— Զրուցովս մի քանկություն ունեցա, արքա, օգտակար լինել քեզ և Աշխարհիս:

— Ա՛, եթե ցանկությունդ այդ է, շարունակիր,— և Արշակը ձեռք խփեց նրա ծնկան:— Ես լսում եմ քեզ:

Հայր-Մարդպետը շտկվեց նստած տեղում:

— Արքա, մտածելով մեր աշխարհի-օգտաւոր պարտ-ենք կշռադատել պատերազմն ու հաշտությունը. եթե հաժսաւ շահ են բերում դրանք՝ պետք է նախընտրել հաշտությունը, մասնակի պատերազմն ավերանք է ու մահ և, վերջապէս, մեղքի մեջ է դնում սկսողին: Սույնպէս նայելու է, արքա, և նախադրաց վարքին: Ելանել և պատժել նոցա՝ շահավետ չէ բնավ, քանզի միաբան են և միախորհուրդ: Զպետք է գրգռել նոցա, այլ հաշտ բաժանել և խորտակել մեկ-մեկ... հանուն գահի և հայրենյաց:

«Խելացի է ազվեսը և խորամանկ»,— մտածեց նորից Արշակը և գլխով նշան արավ, որից ներքինին զգաց, որ ինքն ազատ է:

Հագիվ Հայր-Մարդպետը դուրս էք եկել, Արշակը կարգադրեց հրավիրել սպարապետին: Յաջկալի էր իմանալ, թե վասակն ի՞նչ է մտածում Գնելի մասին, և նախարարների վարմունքն արդյոք հետեանք չի՞ համարում Գնելի ներկայութեան կամ թելադրութեան...

Վասակը եկավ զարմացած: Թեև գիտեր, որ թագավորը սովորութեամբ ունի՝ ամեն մի խորհրդածողովի վերջում ավագներից մեկին-երկուսին պահելու մոտը կամ հրավիրելու հետո, բայց և այնպէս այս անգամ նա եկավ զարմացած: Ինչո՞ւ է կանչել թագավորը: Եթե ուներ ասելիք՝ ինչո՞ւ շատաց ժողովից անմիջապէս հետո... Նոր ի՞նչ կարող է լինել:

Բայց թագավորի առաջին իսկ հարցումը ցրեց նրա տարակույսը:

— Տե՛ր սպարապետ, խոսքդ նախարարաց նամակի առթիվ պարզ չեղավ ինձ: Զկամեցա հարցում անել ավագների ներկայութեամբ: Այժմ կուզեի մեկնես այն, ինչ շահեկան էր այնտեղ:

— Ճշմարիտ է, արքա, ես ասելիքս չավարտեցի, քանզի հնար չէր ասել ավելին: Այժմ կլինեմ առավել պարզ: Դու կամենում ես խստութեամբ հնազանդեցնել նախարարաց, կամենում ես նոցա ենթարկել արքունյաց կամքին, որպէսզի վտանգի ժամին դուրանա պաշտպանութիւնը հայրենյաց: Դժվարին խնդիր է: Նախարարները եղել են ինքնագլուխ, ինքնակամ, ուստի և հազիվ համաձայնեն բերդերը յուրյանց զիջանել քեզ:

— Սակայն հնարավոր է արդյոք առանց խստության նոցա զինական ուժը քո հրամանիդ հնթարկել, որպեսզի ի վիճակի լինենք գիմագրավել արհավիրքնհրը:

Վասակը աչքերը կկոցեց.

— Ոչ, արքա, խստություն պետք չէ: Անհրաժեշտ է մեզ ինչպես արտաքին, այնպես և ներքին խաղաղություն: Թող յոցա բերդերը մնան յուրյանց: Դու շինիր քո բերդը:

Թագավորը շեշտ նայեց սպարապետին և անսպասելի գրկեց նրա ուսերը:

— Ճշմարիտ ասացիր, սպարապետ: Գուշակեցիր միտքս: Ես վաղուց խորհել եմ՝ կառուցել իմ բերդը, որը չի լինի մեկի բերդը, այլ ամենայն հայոց բերդը: Ես իմ ավանս հիմնեցի այդ իսկ նպատակով: Բայց շուգեցի իմանան գաղտնին: Այժմ, երբ ինքդ ասում ես նույնը, զոհ եմ անչափ: Ուստի ներիր, որ խոհս նվիրական չեմ հայտնել քեզ, քանզի այն տակավին շունեք կերպ ու մարմին, առավել՝ շուգեցի իմանան նախարարները ներհակ. այլապես կհասցնեին Շապուհի ականջը և առավել ամուր կպահեն իրենց բերդերը: Այնինչ ես կամենում եմ, որ Հայոց Աշխարհի բոլոր բերդերը լինեն քո ձեռքին՝ մեր հայրենին պաշտպանելու համար... Այսու նախարարաց չպետք է թողնել ինքնագոյութ...

Այստեղ Արշակն ուզեց հարցնել, թե ի՞նչ ազդեցություն ունի Գնելը նախարարների վրա և թե նպատակահամար՞ է արդյոք Գնելին թողնել Կավաշում. բայց ավելորդ համարեց. սպարապետը կարող էր կարծել, թե ինքը վախենում է Գնելից:

Թագավորն ու սպարապետը խոսեցին երկար: Արշակը պնդում էր՝ ուժի զորությամբ նախարարներին ենթարկել արքունիքին, առնել նրանց բերդերը և զինական ուժը: Վասակը դարձյալ դեմ էր խստության. դա կպառակտի Հայոց երկիրը, որ առանց այդ էլ միաբան չէ: Սպարապետը հայտնեց նաև այն կարծիքը, թե երբ կառուցվի նոր բերդը, այնժամ նախարարները կպատկառեն, և Հայոց Աշխարհը կարող է հանգիստ լինել պարսից կողմից: Սպարապետի կարծիքն ուրախացրեց Արշակին, բայց և այնպես նա կարևոր համարեց բացատրել, թե ինքը հետամուտ է այդ իսկ նպատակին. բեր-

դը կառուցել պարսից ներխուժման մշտական ճանապարհի վրա:

— Բարի է, արքա,— ասաց Վասակը,— դա կլինի ամրակուռ սլատվարը մեր աշխարհի ապահովության:

Երբ սպարապետը հրաժեշտ առավ և գնաց, Արշակը նորից մտածեց, թե որտեղից է արդյոք նախարարների հանդը գնությունը և, երկար խորհելուց հետո, գտավ դարձյալ, որ նրանց համարձակություն է ներշնչում անշուշտ Գնելի ներկայությունը Կավաշում... Գուցեն այդպես վարվում են Գնելի հետ համախորհուրդ...

Ինչ պետք է անել ուրեմն՝ արտաքսել Գնելին, թե բարեկամանալ... Որի՞ն նախապատվություն տալ,— մտածում էր նա դարձյալ, և մտածում էր երկար ու ոչ մի վճիռ չէր կարողանում ընդունել...

Եվ ահա, երբ մյուս օրը առավոտյան Վարդ իշխանը մտավ թագավորի առանձնարանը և Գնելին արտաքսելու հրամանը տվեց արքային ոտորագրելու, Արշակը զուլսը տարուրեւոյց:

— Հրաման պետք չէ, իշխան: Կավաշ կմեկնես առանց հրամանի:

Վարդը գունատվեց. ծանր, տհաճ առաքելությունը ուրեմն վիճակվեց իրեն,— մտածեց նա հուսահատությունից մի ոտքի հենվելով: «Ծանր մի առաքելություն՝ առանց գրավոր հրամանի... ուրեմն կարգադրությունը պիտի կատարեր բանավոր»: Դա կլինե՞ր արդեն առավել դժվարին:

— Ծանր, դժվարին առաքելություն է, արքա,— ասաց Վարդն ակամա:

— Ոչ, իշխան, առաքելությունդ այս անգամին չի լինի դժվարին:

— Ինչպե՞ս, արքա,— դարձյալ ակամա ելավ Վարդի բերանից:

— Դու կմեկնես Կավաշ այլ առաքելությամբ:

Վարդի վախը փոխվեց տարակուսի:

— Այո, կմեկնես և Գնելին իր հարսի հետ կհրավիրե՞ս Շահապիվանի տոնին: Ծա կամենում եմ տեսնել նորան և

անձամբ-անձին խոսել արքայազնի հետ: Այնուհետև կլինի որսագնացություն:

Այս անգամ Վարդի տարակույսը փոխվեց զարմանքի: Որքան էլ թեթևություն զգաց, բայց զարմացավ թագավորի փոփոխամտության վրա.— ի՞նչ էր կատարվել մի գիշերվա մեջ, ինչո՞ւ էր արքան փոխել իր որոշումը, զայրույթը դարձնելով ողորմածություն: Պարզվե՞լ էր նոր հանգամանք, թե զղջացել էր իր խստագույն հրամանի համար:

Թագավորը շարունակեց.

— Մեկնելով Կավաշ, քեզ հետ, իշխան, կտանես և նվերներ արքայահոր համար, այն, ինչ խնորժելի է նրա ճաշակին,— կարգադրեց Արշակը վերջում:

Երբ Վարդը հրաժեշտ առավ մեկնելու, նա ամենայն արագությամբ դուրս եկավ պալատից, մտածելով, թե թագավորը հանկարծ նորից չփոխի իր որոշումը:

* * *

Հաջորդ օրը Վարդ իշխանը կրկին մեկնեց Կավաշ՝ դարձյալ ձիաբեռ նվերներով աւ թիկնապահներով: Որքան էլ ճանապարհը տհաճ էր իր խորդոթորդներով, իր վերելքներով աւ վայրէջքներով, նա այնուամենայնիվ գնում էր թեթև սրտով: Հույս ուներ, որ այս անգամ հանդիմանություններ չլր լսի կույր արքայից և ծանր կացության մեջ չէր լինի:

Երբ Վարդը արքայի հրավերը հայտնեց Գնեթին, արքայազնը ուրախությունից շառագունեց և ժպիտներ ցուցին նրա աչքերում:

— Շնորհակալություն արքա-հորեղբորս,— ձեռքը սրտին դրավ Գնեթը:— Այդ մեծ պատիվ է ինձ և իմ հարսին: Պիտի զամ մեծավ սիրով:

Ապա Գնեթը հետաքրքրվեց, թե ե՞րբ է սկսվելու տոնը:

— Նորապսակները մոռանում են, արքայազն, ամեն քան,— նկատեց Վարդը մեղմածպիտ, և բացատրեց, որ տոնն սկսվելու է առաջ օրից, այնպես որ բավական ժամանակ է մնում հարկ եղած պատրաստությունները տեսնելու:

Կյանքում ինչպես վատ, այնպես և լավ լուրերը երկար չեն մնում ծածուկ. առաժմում են անհայտ ճանապարհներ:

րով: Այդպես էլ այս անգամ. չգիտես ինչպես, Կավաշի ամ-
րոցում ամենքն անմիջապես իմացան, որ Արշակ թագավորը
արքայազն Գնեկին ու իր հարսին հրավիրել է Շահապիվանի
Նավասարդյան տոնին, և ուրախացան բոլորը... բացի Տիրի-
թից:

Երբ Տիրիթը լսեց այդ տխրեց սաստիկ.— ուրեմն թագա-
վորը չհավատա՞ց իր խոսքին... և ահա Գնեկին ու իր հարսին
հրավիրում է Շահապիվան, իրեն՝ ոչ... Ի՞նչ է նշանակու-
մ այս... Գնեկին պատժելու փոխարեն արքան պատիվնե՞ր է
տալիս նրան... Ուրե՞մն...

— Ո՛չ,— ասաց,— տակավին ամեն ինչ կորած չէ: Փա-
ռանձեմը...

Այս ասելով՝ նա շտապեց տեսնել Վարդ իշխանին:

Բայց ո՞ւր է նա, որտե՞ղ էր իջևանել...

Ուղարկված սպասավորը լուր բերեց, թե նա այժմ հան-
գիստ է առնում ամրոցի հյուրատանը և վաղը պիտի մեկնի:

Թեև կարգ չէր, որ արքայազնն ինքը այցելի մի իշխանի
կամ նախարարի, սակայն Տիրիթը գնաց Վարդ իշխանի մոտ՝
պարզելու, թե այդ ինչպե՞ս է եղել, որ թագավորը հրավիրել
է Գնեկին՝ իր հարսի հետ միասին, բայց... անտեսել է իրեն:

— Ողջո՛ւյն, արքայազն... մեծ պատիվ եք արել ինձ,—
ղիմավորեց նրան Վարդը պատշաճ խոնարհումով:— Ինչո՞վ
եմ արժանացել...

Տիրիթը, նրա խոսքերին անուշադիր, ասաց հազիվ շենքից
ներս մտած.

— Իշխան, հայտնեցին ինձ, որ արքան քո միջոցովդ Գնե-
կին և իր հարսին հղել է հրավեր՝ գնալ Շահապիվանի տո-
նին,— սկսեց նա արագ, բայց դժվար արտաբերելով բառե-
րը:— Ինչպե՞ս հասկանամ... ինչպե՞ս...

Վարդը ուշադիր նախդ նրան.— Տիրիթի տեսքը վարա-
նոտ էր, դեմքը ջղաձգվում էր. անդրավարտիքի տոտերը մի
կերպ առել էր մուլկերի մեջ: Երևում էր՝ շտապելուց կարգի
չէր բերել իրեն... Իսկ ընդհանրապես մոռյլ էր և ընկճված:

— Ինչո՞ւ այդպես, իշխան,— շարունակեց Տիրիթը, մի
կերպ նստելով իրեն առաջարկված աթոռին:— Մի՞թե ար-
քան իմ խոսքը առ ոչինչ համարեց, արհամարհեց... Չունի՞
վստահություն առ ինձ, թե... Չէ՞, իշխան, ինքդ ականատես

եղար, թե ինչպիս նախարարաց որդիները սիրում են նրան, խաղեր են խաղում և զինավարժություն կատարում հար ու հանապազ... Եվ մի՞թե ես, իշխան...

Նա չավարտեց ասելիքը, և տենդով հիվանդի նման ձեռքը դրեց ճակատին ու կռացավ: Այդ պահին նա թվաց այնքան թշվառ, որ Վարդը հարկ համարեց հանգստացնել հրավերի առիթ հորինելով:

— Դա անեսուսում չէ, արքայազն, և ոչ իսկ անվստահություն: Պարզապես արքան չի եղած Գնելի հարսանիքին, ուստի և, որպես եղբորորդու, կամենում է տեսնել նորան: Այդ իսկ պատճառով հղել է հրավեր:

— Հապա ե՞ս, իշխան...

Վարդը չհասկացավ նրա միտքը և նկատեց.

— Այդքան քեզ տեսել է, արքայազն:

— Ոչ, իշխան, խոսքս տեսնելու մասին չէ: Արքան կարծյաբ չի վստահում ինձ, հետևաբար և չի կամեցել հրավեր հղել նաև ինձ: Գուցես հղել է, իշխան, մոռացել ես ինքդ:

— Ոչ, արքայազն: Ինչպե՞ս կարող եմ չհիշել, մոռանա՞լ:

Տիրիթը գլուխը կախեց մի ակնթարթ, ապա բարձրացրեց ցնցումով:

— Ասա ինձ, իշխան, հետաքրքիր եմ իմանալու, թե ինչպե՞ս հաղորդեցիր արքային այն ամենը, ինչ տեսար նախորդ այցիդ:

— Այնպես, ինչպես տեսա, արքայազն...

Տիրիթը լռեց և աչքերը հառեց հատակին, նրա դեմքի մկանները խաղում էին այտերին, առանձնապես ականջների կողմը, իսկ ինքը շուրթերը ծամում էր մտածումների մեջ: Ու մնաց այդպես միառժամ, ապա ելավ ու սկսեց լայն քայլերով գնալ-գալ սրահում, առանց Վարդ իշխանին նայելու:

Այդ պահին նրա հայացքը կանգ չէր առնում և ոչ մի բանի վրա: Շուտով սակայն, մի քանի վայրկյան քայլելուց հետո, նա թափով կանգ առավ և հարցրեց.

— Ասա, ինձ, իշխան, կարո՞ղ եմ ինքս նույնպես գալ Շահապիվան՝ տոնին մասնակից լինելու,— և Տիրիթը սեճուռն նայեց Մամիկոնյան իշխանին, կամենալով ասես նրա պատասխանից կռահել թաղավորի վերաբերումը:— Կարո՞ղ եմ,— կրկնեց նա պահանջկոտ:

— Հարկավ, արքայազն, հարկավ, — պատասխանեց Վարդը վստահ ձայնով, ականքն նրան հանգստացնելու նպատակով: — Ամենքն ունեն իրավունք Շահապիվան լինելու: Անշուշտ, դու ևս, արքայազն, ունիս իրավունք նավասարդյան տոներին մասնակցելու:

— Իսկ արքան չի դժգոհի՞, — Տիրիթի աչքերում կասկածներ կայծեցին: — Նրան անհաճո չի թվա՞ երբեք...

— Բնավ, արքայազն, բնավ... Վստահ եմ՝ ոչ երբեք...

ԳՆՈՒԽ ՋՈՐՐՈՐԴ

Շահապիվան... Մեծ չէր այս ավանը և ոչ էլ հարուստ, բայց մեծ էր նրա անունը, որովհետև դարեր շարունակ համարվում էր հեթանոս հայերի նավասարդյան տոների սրբավայր, ուրախության ու հաճույքի օրրան: Նույն այդ հմայքը նա պահպանել էր և քրիստոնեություն ընդունելուց հետո: Հայոց Աշխարհի բոլոր գավառներից ոչ միայն երիտասարդները, այլև ծերունիները, շինական թե ուսմիկ, ազատ թե կարճազատ, նախարար թե հոգևոր հայր նավասարդի տոներին ձիով, սայլով ու հետևակ շտապում էին այնտեղ՝ հայոց աշխարհահանդես տոնին ներկա լինելու, ծեսեր կատարելու, խաղեր տեսնելու և ուրախանալու... Ու ամենքն իրենց հեռքերում էին զահարերության կենդանիներ, ուտելիքներ և բազմատեսակ մրգեր:

Մեծ չէր, այո, Շահապիվանը, բայց մեծ էր նրա հմայքը:

Գրավիչ էր Շահապիվանը գուցեև նրա համար, որ հարթ, ընդարձակ դաշտեր ուներ, փարթամ այգիներ և մշտական կապույտ երկինք: Տարվա այդ պահին ուր էլ ամպ լիներ, խռոնակ եղանակ, ամձրև թե քամի — Շահապիվանում միշտ անդորր էր և երկինքը ջինջ:

Այդ օրը նույնպես ջինջ էր նրա երկինքը, և ավանը իր միհարկանի, մեկուսի տներով ու տերևաթափվող այգիներով (որոնց մեջ փողփողում էին աշնան բոլոր գույները), փոված-տարածված էր աշնան զով արևի տակ, իսկ նրա հետը, ինչպես միշտ, ումուր նստած էր Շահապիվան սարը իբրև դա-

րավոր պահպան, որ հսկում էր ասես իբր անունը կրող ավանք և պաշտպանում նրան հյուսիսի ցուրտ քամիներից։

Բայց այդ պարզ, պաղպաղուն օրը ավանի սովորական անդորրը փոխված էր. ավանն աղմկում էր բազմատեսակ ձայներից. երգ, նվագ, կանչ, խոսք խառնվել էին իրար և ստեղծել մի համատարած ուրախ ժխոր, որ հիշեցնում էր հազարավոր անտես մեղուների բվվոց։

Ավանի ներսն ու շրջակաները լիքն էին մարդկային բազմություններով, որ երկու օր գալիս էին անընդհատ։ Ամեն կողմ երևում էին մարդկային խմբեր. կանայք՝ վառ կարմիր, վառ կապույտ, վառ նարինջ հագուստներով, խայտաբղետ, ինչպես աշնան ծառերը։ Տղամարդիկ հագնված էին ավելի համեստ՝ կարճ ու երկար կապաներ, ծոպավոր լայն անդրավառիքներ. դրել էին թաղիք նուրբաշար կամ մորթի թոփ գոկներ, երբեմն և ծղոտե ինքնագործ գլխարկներ, և բոլորն ունեին մեծ կամ փոքր սրեր, որ պատյանի մեջ կախված էին իրանց արծաթյա կամ կաշյա գոտիներից... Սկել էին շինականներ ու ազատներ՝ իրենց սայլաբարձ ընտանիքներով և նժույզներ հեծած երիտասարդ սեպուհներ, անգամ նախարարներ ու իշխաններ՝ իրենց տիկիներով ու օրիորդներով, որոնց շատերին բերում էին պատգարակ-ժանապարհներով։ Սկել էին և շատ կրոնավորներ՝ տարբեր վանքերից ու մենաստաններից։

Մարդն այնքան շատ էր, որ ավանը, թվում էր, խեղդվում է և անկարող է տեղավորել ամենքին... բոլոր բակերում զրեթե և ավանի շուրջբոլորքը վրաններ էին ու սայլեր՝ ծածկված գույնզգույն թաղիքներով, կարպետներով ու գորգերով։ Իսկ սայլերի, վրանների միջև և նրանց ետև, բացի եզներից ու ձիերից, այս ու այն տեղ երևում էին թղկերով, շղթաներով կապված սպիտակ արջառների։ Սրևում էին ճեղմակ աղավիններ, որ հին հեթանոսական սովորությամբ բերել էին որպես ողջակեզ։

Ինչպես նախասարդի բոլոր տոներին, այնպես էլ այժմ Շահապիվան էին եկել ամեն արհեստի մարդիկ. միմոսներ՝ երկար, սուր գոկները ծուռ դրած ու երեսները ներկած. գուշակողներ՝ բութ մատի եղունգը լաթով փաթաթած կամ գուշակության թասերը ծոցներին. լարախաղացներ՝ փնջավոր,

զանգուլակով գդակ դրած, կուրծքները գույնզգույն թելերով ու եռանկյունի լաթերով զարդարած, ինչ նրանց անմիջապես զատում էր բազմության մեջ. և անթիվ գուսաններ՝ իրենց նվազարաններով... Ու Շահապիվանն այժմ, առանձնապես նրա փոքրիկ եկեղեցու բակն ու շուրջը, թնդում էր նրանց երգից ու նվագից, մանավանդ շինական տղաների ու աղջիկների տաղերից... որոնք և պարում էին մենակ կամ խմբով՝ բազմության մեջ բացած փոքրիկ տարածության վրա, տղաները անթևներ հագած, մի վառ թաշկինակ տատանելով, աղջիկները՝ զույգ կամ յոթ հյուսքեր արած, օրորելով իրենց երկար ու բազմածալ շրջագգեստները, որոնք ոչ այնքան թանկ էին, որքան վառ. նրանք մազներին խրել էին աշնան ծաղիկներ, պարանոցներին կապել մանյակներ, որոնք կամ գույն-գույն քարերից էին, կամ պտուղների կորիղներից և կամ գունավոր ապակուց: Նրանք իրենց հագուստների վերի մասերին շարել էին պղնձյա կամ արծաթյա կոճակներ, գոտիների վրա՝ փայլող ուլունքներ, Իսկականքներին արդեն ծփուն օղեր էին կամ փայլատակող զարդեր: Երբ նրանք պարում էին, պարի թափի հետ միասին նրանց այդ ամբողջ զուգսը զրնգում ու շողում էր արևի տակ, բազմության ծափերի ու կանչերի մեջ:

— Ա՛հ-հա՛... Ա՛հ-հա՛... — լսվում էր տարբեր կողմերից, պարողներին շրջապատողների միջից: Եվ այդ կանչերն ավելի էին ոգևորում թե՛ նվագողներին և թե՛ պարողներին:

Մարդիկ սկսել էին ուրախանալ, շսպասելով, որ տոնահանդեսը բացվի պաշտոնապես: Իսկ այդ բացումը պետք է լիներ պատարագից հետո, որ այժմ կատարվում էր ավանի մեծ, երկարավուն, անգմբեթ, բայց սյունաշատ եկեղեցում, որը բնավ չէր կարող տեղավորել անթիվ-անհամար այն բազմությունը, որ շրջապատել էր նրան և լցրել գյուղը:

Ամենքը, հատկապես երիտասարդները, անհամբեր սպասում էին պատարագի ավարտին, որ սկսեն մրցումները՝ ձիարշավ, մկունդախաղ և վազք, ինչ կատարում էին սովորաբար. ուստի և շատերը, չկարողանալով մտնել ներս և պատարագ լսել, առայժմ այս-այն կողմ խմբված՝ հետաքրքիր դիտում էին պարերից բացի զանազան խաղեր. մի տեղ արջը, վեր ու վար էր անում մազապարար ոտքերը՝ տիրոջ մահակն

ուսերին բռնած. մի այլ տեղ կովեցնում էին մարգած խոյեր
և աքլորներ. մի երրորդ տեղում սև ու ճերմակ օձերը արկղից
դուրս գալով սողում էին տիրոջ մերկ մարմինն ի վեր և
փաթաթվում նրա թևերին ու պարանոցին, և մարդը ժպտում
էր անշարժ... Բայց բազմությունն ամենից ավելի շրջապա-
տել էր լարախաղացներին, որոնք միթ մեկ, մերթ զույգ
ստները կաթսայի մեջ դրած մի երկար ձող բռնած գնում-
գալիս էին սյունից սյուն ձգված պարանների վրայով:

Բոլոր տոների օրինակով այդ տարի ևս եկեղեցու շուրջը
և մոտիկ փողոցներում առևտրականները վաճառում էին մոր-
զեր, հագուստի կտորներ՝ մետաքս, բեհեզ, կտավ: Ուտանք,
վաճառելի ապրանքն ուսներին ու թևերին, շրջում էին բաղ-
մություն մեջ և, խմբից խումբ անցնելով, գայթակղում կա-
նանց՝ ցուցադրելով հուլունքների շարաններ, ուկլա և ար-
ծաթյա օղեր, մանյակներ, ճակատանոցներ, ապարանջան-
ներ և պես-պես ճարմանդներ ու գոտիներ: Կային նաև մար-
դիկ, որոնք ծախում էին միայն մատանի, քորոց, հերկալ և
տարբեր մեծություն ու ձևի կոճակներ... Նվ ամենքը անուն
առ անուն հիշելով գովում էին իրենց ապրանքը:

— Առեք-տարեք՝ ուրախ արեք, հարս-աղջիկներ, սեպուհ-
քաջեր...

Թեև ավանը և նրա շրջապատը լիքն էր ժողովրդով, բայց
տակավին գալիս էին խմբերով, խայտաբղետ հագնված ու,
թեկուզև հոգնած, բայց ուրախ, անհոգ ու խնդուն, ինչպես
լինում է ուխտագնացության միջոցին...

Ու բոլորն շտապում էին դեպի միակ եկեղեցին, ուր ուխ-
տավորների հետ խառն էին արքունի զինվորներ ու սպաներ,
որոնք, տեղում ապրելով, նույնպես հետաքրքիր էին ժամ-
երգություն լսելու, մանավանդ իմացել էին, որ պատարա-
ղը կատարելու է մայրաքաղաքից ժամանած կաթողիկոսն
ինքը:

Ջորժի և ժողովրդի մեջ մեծ հետաքրքրություն էր հարու-
ցել նաև այն լուրը, թե թագավորը նույնպես ժամանել է և
հիմա պիտի գա ժամերգության՝ իր թագուհու հետ միասին:
Այդ էր պատճառը, որ շատերը եկեղեցուն մոտենալով հարց-
նում էին առաջին հանդիպողին.

— Թագավորը ժամանե՞լ է արդյոք:

- Ասել չեմ կարող:
- Քահանայապետը:
- Պատարագում է:

Եվ հարցնողն շտապում էր մտնել ներս: Ու գալիս էին դարձյալ, գալիս անվերջ դեպի եկեղեցի: Մարդիկ, կանայք իրենց ձիերը, սայլերը թողնում էին գյուղի այս-այն մասում կամ գյուղից դուրս և շտապում նրա կենտրոնը՝ ժամերգություն լսելու, մեծամեծների տեսնելու:

Քահանայապետը ժամանել էր մի օր առաջ. նրան տեսել էին շատերը: Իսկ թագավորի գալուստը հայտնի էր սակավ մարդկանց, որովհետև նա եկել էր գիշերը և իր շքամբով իջևանել տեղի զորապետի տանը: Եվ այդ առավոտ ահա, այն պահին, երբ տեղ հասնողը հետաքրքրվում էր թագավորով, այդ իսկ ժամին Արշակն ինքը, սամույր մուշտակով ծածկված պառկած, հետաքրքրվում էր այլ բանով:

— Իսկ Գնելը ժամանել է արդեն,— հարցնում էր նա Վարդ իշխանին:

- Ոչ, արբա. տակավին ոչ:
- Եվ ինչո՞ւ: Մի՞թե կարող է դրժել իր խոսքը:
- Ոչ, արքա: Նա ասաց, որ կժամանի տոնի առաջին օրը... իր հարսի հետ միասին:

— Եվ ասաց սիրո՞ւմ:

— Այո, արքա: Ես պատմեցի քեզ, թե որքա՛ն ուրախ եղավ:

— Սակա՞յն... չէ՞ որ այսօր սկսվում է տոներ:

— Ամեն վայրկյան սպասում եմ նորան,— ասաց Վարդ իշխանը և փոքր անց՝ դուրս եկավ իմանալու, թե արքայազն Գնելը չի՞ ժամանել արդյոք:

Ոչ ոք չգիտեր: Ուտտի և նա, երկու թիկնապետ՝ առած, գնաց դեպի եկեղեցի: Ամեն կողմից այնտեղ էին շտապում և շատ մարդիկ, կանայք, աղջիկներ, կրոնավորներ: Պարիսպների ներքև և գուրսը բազմությունը խտացել էր այնպես, որ եկեղեցի մտնելու հաժար պետք էր արմուկներով հանապառ՛ բանալ:

Ու մինչ դուրսը նվագում էին, պարում և նոր խաղերի պատրաստվում, եկեղեցում ժամերգությունը շարունակվում էր հանդարտ, հանդիսավար, մոմերի բոցկլումներով ու

բորւմաների խնկարկումով: Զգեստավորված քահանաներն ու վարդապետները կատարում էին պատշաճ կարգը, իսկ ներսեն իր եպիսկոպոսներով կանգնել էր այդ դասում և ժամանակ առ ժամանակ խաչակնքում էր ջերմեռանդ, Պանր օղից նեղվելով: Գուրսը խմբված բազմութունը փակել էր մուտքերը, իսկ ներսը գտնվողներն այնպես էին սեղմել իրար, որ ճիպոտ չէր անցնի արանքներով. ամենքը շնչում էին ծանր, հեագին. քրտնահոտը խառնվել էր իսկի բուրմունքին:

Եվ այդ միջոցին ահա, երբ ներսը խաղաղ ժամերգութուն էր, իսկ դուրսը խմբվածները լսում էին եկեղեցուց ելնող աղոթքներն ու շարականները, դրանց հետ և գուսանների ծրվը, հաճարած օղը պատռեց մի աղեկտուր ճիւղ, կանացի մի ուր ճիւղ, որ խլացրեց բոլոր մյուս ձայները:

— Օգնություն... Տարա՛ն... օգնություն...

Ծիւղը կրկնվեց նորից ու նորից, և դա որքան սուր, նույնքան և ահավոր էր:

Բազմութունը սարսափեց. բոլորը մեկնեց լոռերին. լոռերից, նվազ. կանգ առավ և ամեն շարժում:

Ի՞նչ էր պատահել... Ո՛ւմ պետք էր օգնել... Ո՛ւմ էին տանում և ո՛ւր...

Եվ ո՛վ էր կանչում «օգնություն»...

Ու բոլորը նայեցին կրկնվող կանչի կողմը:

Եվ ահա շուտով երևաց ձիավոր մի կին, ոչ թե կին, այլ կարծես ձիավոր մի հրդեհ. շքեղ հագուստի փնջերը քամուն տված, գլխի ծածանվող քողով նա, զարհուրած, ձեռքի մեկը գլխից վեր շարժելով, գալիս էր անտառի կողմից նժույգի քառատորոփ վազքով:

— Օգնություն... Տարա՛ն... Սպանո՛ւմ են...

Չանչում էր կինը ձիու վրայից և սլանում սուսը, իսկ խռնված բազմութունը ետ-ետ էր գնում նրան ճանապարհ տալու, նրա ձիու տակ շրնկնելու համար, և ամենքը ծայրաստիճան հետաքրքիր էին, թե ո՛վ է դա, ի՞նչ է ուզում և ո՛ւր է գնում այդպես մոլեգին:

Իսկ կինը շարունակում էր առաջանալ և, ամեն պատշաճավորություն ու համեստություն մոռացած ճշալ:

— Օգնություն... Ո՛ւր է քահանայապետը: Ո՛ւր է Վեհր... Ո՛ւր է արքան...

Այնքան սարսափելի ու վեհ էր այդ կնոջ տեսքը և ձայնն՝
այնքան վշտահար, որ նրան ճանապարհ տվող մարդիկ ան-
խոս մատնացույց էին անում եկեղեցին, չհամարձակվելով
անգամ անել որևէ հարցում: Իսկ երբ նա ձիուց ցատկելով
նույն աղաղակով ընկավ եկեղեցի, իր թանկ հագուստները
ծվատելով, ճլաց դարձյալ:

— Ո՞ւր է Վեհը...

Եկեղեցու հանդիսավոր, ներդաշնակ ժամերգության մեջ
այնպես սուր ու ցավագին հնչեց նրա ձայնը, որ մարդիկ
այստեղ նույնպես ետ-ետ քաշվեցին՝ ճանապարհ տալու, կա-
թողիկոսի տեղը մատնանշելով: Եղավ ավելին. նրա ձայնից
ժամերգությունն ընդհատվեց. ամենքը նայեցին դեպի դուռը,
առգամ ներսեսը շրջվեց տարապայման կանչի կողմը: Իսկ
մինչ այդ մետաքս հագած նորատի կինը արցունքն աչքերին
նետվեց դեպի զգեստավորված կաթողիկոսը և մեկնե փովեց
գետնին. ոչ թե փովեց, այլ կարծես փլվեց նրա առաջ:

— Տեր քահանայապետ, փրկիր իմ Գնելին: Նորան կու-
մենում են սպանել...

Ներսեսն այլալվեց. նրա խիտ հոնքերը բարձրացան և
խաշոր աչքերը բացվեցին տենդափայլ:

— Նւ, կին, և խոսի՛ր որոշ,— ասաց նա նշան անելով, որ
բարձրացնեն այդ կնոջը:

Երկու վարդապետ հապճեպ մոտեցան և, կնոջ թևերից
բռնելով, բարձրացրին, և այդ ժամանակ միայն ներսեսը,
չնայած կնոջ խռիվ մազերին ու անկարգ հագուստին, ճանա-
չեց Սյունյաց իշխանի դստերը՝ Փառանձեմին:

— Ո՞վ, իշխանուհի, ո՞վ տարավ քո ամուսնուն,— ասաց
նա դողացող ձայնով:— Ո՞վ է համարձակվել և ինչո՞ւ...

— Չիմացա, քահանայապետ,— Փառանձեմի դեմքն այր-
վում էր, խոսքերը հնչում էին բեկ-բեկ:— Երբ մենք նծույգ-
ներ հեծած մոտեցանք անտառին՝ դիմակով, զինավառ մար-
դիկ հարձակվեցին Գնելի վրա. «Արքայի հրամանով» ասա-
ցին... Եվ երբ կամեցան կապել նորա ձեռքերը, ես ձիավազ
եկա օգնության... Փրկիր, տեր, աղաչում եմ... նոքա կսպա-
նեն իմ Գնելին...

Ներսեսի աչքերը դարձան ավելի տենդափայլ. նա նշան
արււմ, որ վիճյունն իր շուրջառը, և երբ երկու վարդապետ

կատարեցին հրամանը, նա արագ քայլեց դնպի դուռը՝ մամուլորների բացած ճանապարհով. նրա հետ դուռս թափվեցին և շատ աղոթավորներ ու հոգևորներ՝ իմանալու, թե ի՞նչ է յենելու:

Ջալրագնած դուռս գալով հեղեղուց՝ ներսեսը նույն ետրգադրեց այդտեղ կանգնած զինվորականներին՝ «սական թութափել ձիավազ գնալ աղետի վայրը և փրկել անմեղին»... ապա հուզված ու հապճեպ, այնպես, որ երկուսի փեշերը խափարում էին նրա ընթացքը, շտապեց թագավորի իջևանած տունը, որ հեռու չէր եկեղեցուց և պահակներ ունի մուտքի առաջ:

Տեսնելով մոտեցող հուզված կաթողիկոսին՝ պահակները ետևո գնացին հարգանքով, իմանալով, որ նա անարգել մուտք ունի թագավորի օթևանը: Բայց, միևնույն է, շիներ անգամ այդ արտոնությունը, նրանք չէին համարձակվի կանգնեցնել հրաբորբ աչքերով կաթողիկոսին, որ սուսաց շուրջը նաչելու գնաց ներս:

— Արքա՛,— տակավին թագավորի սրահի շեմից ծայնեց ներսեսը, սակայն նկատելով թագավորը պառկած է երեսը դնպի պատը, նա ձայնը բարձրացրեց:— Արքա՛...

Ջգալով, որ թագավորն իրեն չսեց, մոտեցավ ավելի, հրեց նրա ուսը և, մոռանալով ամեն պատշաճավորություն, պոռաց,

— Ել, արքա. ե՛լ... Սպանում են քո հարազատին...

Թագավորը շարժվեց սամույրի տակ և նստեց սև մագերը խոփով, քնատ աչքերը բացփակելով:

— Ո՞ւմ են սպանում և որտե՞ղ,— ընդոտ վեր թռավ թագավորը:— Հարձակո՞ւմ է, կոհ՞վ...

— Ո՞չ հարձակում և ո՞չ կոհվ, — գրեթե ճշաց ներսեսը:— Դիմակով մարդիկ կալանել են արքայազն Գնեղին և կամենում են սպանել քո հրամանով:

— Ինչպե՞ս, — զարմանքից անշարժացավ թագավորը:— Ես կանչել եմ նորան տեսակցության... Եվ ո՞վ է համարձակվել, ո՞վ...

— Անհայտ է, արքա. շտապիր և կանխիր ոճիրը. այլապես...

Ներսեսը չկարողացավ շարունակել, իսկ թագավորը հալցրեց:

— Միակայն ո՞վ է բերել այդ լուրը:

— Արքայազն Գնեղի կինը, իշխանուհի Փառանձեմը...
Շտապիր, ալքա...

Հուզումից, բարկությունից ներսեսը հեռում էր. նրա սև խոշոր աչքերը բորբոք խաղում էին գունատված երեսին:

Արշակը սակայն հանկարծակիի եկած, կամենում էր դեռ պարզել, հասկանալ, թե ի՞նչ է կատարվում... Նա զարմացած էր:

— Գնեղին, ինչպե՞ս: Ո՞վ է համարձակվել: Արդյոք թյուրիմացություն չէ՞, քահանայապետ:

— Ոչ, արքա,— գրեթե ճշաց ներսեսը:— Իջեցրել են երիվարից և ձեռքերը կապանել...

— Սա անմիջապես,— և Արշակն ուզեց կանչել սենեկապետ Վարդին. բայց այդ իսկ վայրկյանին ներս մտավ նրա թիկնապահ գնդի պետը՝ երիտասարդ Վահան Խորխորունին, թուրը կողքից կախ:

— Իշխան, քահանայապետը լուր է բերել, որ դիմակավոր մարդիկ անտառում կալանել են արքայազն Գնեղին և կամենում են սպանել... Շտապիր և կանխի՛ր ոճիրը և... պատուհասիր շարագործներին:

Խորխորունին ձգվեց թրի գլուխը բռնած:

— Այլևս ուշ է, արքա,— ասաց նա խոշոր մարմնին համապատասխան քամր ձայնով:— Նա սպանված է:

Այդ ժամանակ կաթողիկոսը ձգվեց-շտկվեց կանգնած տեղը, հուզված, բարկացած նայեց թագավորին, կասկածով նայեց նրա թիկնապահ գնդի պետին և վրդով գնաց դեպի դուռը:

— Այս ոճիրը կայենի գործ է, և ոճրապարտը կստանա երկնային պատիժ: Ով սուր առցի՝ սրով անկցի...

Ու դուրս եկավ առանց ետ նայելու:

* * *

Փոքր անց, երբ կաթողիկոսը հազիվ հասած լինեի եկեղեցի, թագավորի օթեանը մտավ Վարդ իշխանը և Խորխորունու հետ պատմեց սպանության հանգամանքները, նաև այն, թե որքան ծանր տպավորություն է թողել այդ սպանությունը ուխտավոր բազմության վրա:

— Իսկ ո՞վ հանդգնեց կատարել այդ ոճիրը,— ձեռքը բռունցք շինեց Արշակը:

— Պարզել կարելի չէ, արքա՛: Ոճրագործները եղել են դիմակավոր ե անհետացել են իսկույն:

— Եվ ուրե՞մն...

Արշակն ուզում էր հարցնել, թե ճի՛շտ է, որ ոճրագործները գործել են իր անունով, բայց լռեց:

— Ամենքը գնում են բերվող դիակին ընդառաջ:

— Իսկ ո՞ւր են տանում նրա դին:

— Կամենում են թաղել Լիսին բլուրի վրա:

Արշակը լռեց. նա մի երկու վայրկյան գլխիկոր անցավ սրահի երկայնքով, ապա ձիգ կանգնեց Վարդի առջև.

— Կարգադիր եղիր, իշխան, որ ամենքն անմիջապես գնան և սուգ անեն արքայազն Գնելի վրա: Լձե՛նք...

— Հրամանդ, արքա՛:

Երկու ժամ հետո Շահապիվանից փոքր հեռու գտնվող անտառամիջի Լիսին բլուրը ծածկված էր ամեն խավի ու տարիքի բազմությամբ՝ տեղացի և ուխտավոր շինականներով, ռամիկներով, զինվորներով: Բազմության մեջ երևում էին նաև իշխանազուն երիտասարդներ, իշխաններ ու կրոնավորներ: Խայտերանգ հագնված բազմության մեջ դարձյալ զատվում էին զինվորներ՝ իրենց նիզակներով, լայնալիճ կամ հասարակ ազեղներով: Թվում էր՝ եկել են կարգ պահելու. սակայն մյուսների, ոչ զինվորականների նման նրանք ևս ջանում էին առաջ գնալ և տեսնել, թե ինչ է կատարվում այնտեղ՝ ու՝ Ծառգելոցի պատիժ տակ, որտեղից արդեն գալիս էին ողբի ե կոծի ձայներ: Մի ձայն առանձնապես հնչում էր շատ բարձր և այնպես աղեկսուր, որ փշաքաղում էր լսողին:

— Ո՞վ է ողբում այդպես անհույս ու սարսափելի,— հարցնում էին իրար, բազմության մեջ:

— Սպանվածի այրին...

Եվ ամենքը առաջանում էին հետաքրքիր, տեսնելու գեթ սպանվածի կնոջը՝ անծանոթ իշխանուհուն, որ ձիավազ հասել էր Շահապիվան՝ ամուսնու համար օգնություն խնդրելու և այժմ կոծում էր այնպես, որ կանայք չէին կարողանում զրուպիլ իրենց արցունքները: Մարդիկ շալուռնակում էին գալ ան-

վերջ շարքերով ոչ այնքան թագավորի հրամանով, որքան սպանության խորհրդավոր հանգամանքներով հետաքրքրված:

— Ճշմարիտ է, որ արքայազնին սպանել են ավազակները՝ կողոպտելու միտումով,— հարցնում էր մեկն իր հարևանին:

— Ստույգ չեմ կարող ասել: Ականջալուր եղա, որ թիկնապահները մնացել էին ետ և ինքը մենակ դիմագրավել անկարող է եղել... Ու կինը ձիավազ գնացել է օգնություն խնդրելու:

Մի այլ խմբում խոսում էին այլ բան.

— Այո, այո, խորհրդավոր սպանություն... Դիմակավոր մարդիկ,— ասում էր մեկը շուրթերը պուտելով:— Հավանաբար ունեցել է թշնամիներ ռեսերիմ:

— Ըստ... Այդ տարիքում թշնամիներ,— խոսողը ձայնը իջեցրեց շշուկի:— Ոչ մի թշնամի... Զրուցում են, որ ամենը կատարված է թագավորի հրամանով... Ըստ...

— Բայց... բայց եթե լիներ այդպես,— շնչաց մյուսը:— Եթե լիներ այդպես՝ թագավորը չէր հրամայի սուգ անել դժբախտի համար:

— Զրուցում են: Այնտեղ տեսել են արքունի մարդոց:

— Գնացել են անշուշտ սպանիչներին կալանելու: Քահանայապետը նույնպես մարդ է ուղարկել աղետի վայրը:

— Ինչպես և լինի՝ ոճիրը սարսափելի է... Նրիտասարդ, նոր ամուսնացած և... սպանում են նորատի կնոջ աչքի...

Այդ միջոցին խոսողների ետև բազմությունն անձայն տագնապով իրար անցավ. լսվեցին հրամայական և երկյուլած շշուկներ.

— Ճանապարհ... Ճանապարհ...

— Թագավորը... Ճանապարհ...

Բազմությունը ոչ թե գիտակցաբար կամ հրամանով, այլ ասես բնազդաբար բաժանվեց երկու մասի և, երկու պատենեջ զոյացնելով, ուղի բացեց նիզակավոր զինվորների առաջ:

— Ճանապարհ... Թագավորը...

— Ճանապարհ...

Հսելով այդ խոսքերը և մանավանդ բազմության իրարանցումը՝ բլուրի գլխին գտնվողները նայեցին ցած և մարդ-

կային երկու պատենշի արանքով տեսան իրոք, որ բլուրի ստորոտից վեր է բարձրանում թագավորն իր շքախմբով: Նրա հետ և թագուհին:

Ինչպես միշտ, նրանց առջևից գալիս էին տեգավոր և նիգակավոր զինվորներ՝ թիկնապահ գնդի հագուստներով ու սաղավարտներով: Արշակ թագավորը հագնված էր պարզ գլխին միայն թագածև գդակ, ուսերին՝ մի թուխ թիկնոց, որ առնում էր վրան ոչ առն և ոչ հանդիսավոր օրերին, որեք տեղ մեկնելիս: Իսկ թագուհին դրել էր նուրբ բանված մի գլխաւնոց, որ ծածկում էր միայն մազերը, և ուսերին առել էր նույնպես մի պարզ մեկնոց, որը կրծքին ամրացված էր բյուզանդական ճարմանդներով:

Բազմությունը երկու մասի բաժանված նայում էր ակընդեմ և ոչ ոք չէր համարձակվում խոսել կամ ձայն հանել: Թագավորի և թագուհու մեն մի շարժումը, քայլը, նայվածքը չորսվում էր գյուղերից, ավաններից և հեռու քաղաքներից և կամ շինականներին, ազատներին ու զինվորներին, որ երբեք թագավոր, թագուհի չէին տեսել, ուստի, սպանությունը մոռացած, ազահ աչքերով նայում էին նրանց գլխանոցներին, թիկնոցներին. շատերին կարծես գրավում էին ավելի թագավորի գեղին, ոսկեփայլ մույկերը և նրա թիկնոցի սակից երևող կապալի արծաթերիզ քղանցքները:

Թագավորը գալիս էր հանդարտ, քայլերը շատ կամաց փոխելով, ասես նրա համար, որ թագուհին ետ շմնա իրենից, որովհետև թագուհին քայլում էր դանդաղ, ծայր զգուշությամբ, երեք վախճանով սայթաքել:

Մարդիկ սովորաբար թագավորի երթ տեսնելիս ուրախ կամ հարկադրված բացականչություններ էին անում... Այժմ սակայն ամենքը լուռ էին:

Երբ սգավոր կանայք լսեցին թագավորի գալու լուրը, ողբի ձայնը սաստկացավ և լաց ու կոծի միջից լսվեցին.

— Իմ ցերեկի՛ արև, իմ գիշերի՛ լուսին, իմ պայծա՛ր Գնել, քեզ ո՞վ խավարեց...

Այս խոսքերին հետևեց ընդհանուր խմբական ողբ, որը դադարեց թե չէ՝ լուռթյան մեջ հնչեց նորից նույն ձայնը.

— Իմ անմե՛ղ Գնել, քեզ ո՞վ նախանձեց և... Ինչո՞ւ ինձ արևից զրկեցի:

Երբ թագավորն իր փոքրամիտ շքախմբով վերջապես մոտեցավ սպասեղին և կանգնեց լացողներից մի երկու քայլ հեռու, լացնուկոծը կրկնապատկվեցին։ Սգավորների մեջ թագավորը նկատեց մի նորատի կին, որը ճերմակ թևերը կոտրտելով ու գրեթե հերարձակ գլուխը տատանելով լալիս էր աղիողորմ և լացացնում շրջապատողներին. նրա ողբն ա՛յնքան հուսահատ էր ու սրտահույզ, որ Արշակը գլուխը կախեց ակամա, իսկ թագուհուն և շքախմբի մարդկանց աշքերում արցունքներ երևացին։ Արշակը կռահեց, որ նորատի կինը Փառանձեմն է, ու հոնքերի տակից դիտեց նրան. Փառանձեմի հագին մի կերպաս հագուստ էր, որը նա պատռել էր վշտից...

Թավական ժամանակ անցավ, երբ գլխիկոր սգացող Փառանձեմը գլուխը բարձրացրեց հանկարծ և, ձեռքերը կրծքին տորոհելով ու երկինք նայելով, ողբաց իր կորուստը— Արշակը զարմանքից նայեց թագուհուն ու շքախմբի անդամներին.— նա առաջին անգամ էր տեսնում Գնելի հարսին. ի՞նչ դեմք, ի՞նչ դեղձան մազեր և ի՞նչ բարձրաթառ հոնքեր... և թագավորն ակամա համեմատեց նրան իր Օլիմպիայի հետ, որ միշտ սառն էր, ձիգ ու հանգիստ, իսկ այժմ, թեև հուզված, բայց օտարի պես էր կանգնել իր կողքին։ Այնինչ Փառանձեմը թվում էր բռնկված կրակ, աշքերը հրացայտ, մազերը բոց... Արշակը լսել էր, որ այո, Գնելի հարսը գեղանի է, բայց երբեք չէր կարծել այդչափ...

Մինչ թագավորը խորհրդածում էր այսպես, ողբասաց կանայք ընդհատեցին իրենց լացն ու կականը, իսկ Փառանձեմը ճերմակ ձեռքը ճակատին, օրորվեց մի երկվայրկյան, ապա ձեռքերը կրծքին խաչելով նորից սկսեց.

— Իմ լույս Գնել, իմ հույս Գնել, քո մահը... քո մահը իմ պատճառով եղավ... իմ պատճառով... — ու հեկեկալով նա ձեռքերը պարզեց վեր՝ դեպի երկինք։ — Թո՛ղ ամենքը լսեն, թո՛ղ ամենքը լսին, որ իմ ազնիվ Գնելի մահը իմ պատճառով եղավ... Ի՛մ պատճառով... Մեկը աչք գրեց վրաս ու նյութեց այս սպանությունը... մեկի խոսքերը հասան ականջիս, թե՛ «մի տանջիր քեզ, կունենաս առավել լավ ամուսին»...

Այս խոսքերի հետ նա, արձակ մազերը բռնած, սրտապատառ հեկեկանքով ընկավ ամուսնու դիակի վրա.

— Սպանեց քեզ և... այժմ ցանկանում է, որ չլամ, չսրգամ քեզ...

Արշակը, որ մինչ այդ զարմացած, կարեկցանքով էր նայում Փառանձեմին, նրա վերջին խոսքերից սթափվեց և ակամա շուրջը նայեց տարակուսով, նրա նայվածքն ասես հարցնում էր շրջապատողներին, թե ի՞նչ էին նշանակում սգավորի խոսքերը... Բազմության մեջ Արշակը նկատեց մի քանի ծանոթ դեմքեր՝ նախարարներ, սեպուհներ, հոգևորներ, դրանց հետ և արքայազն Տիրիթին, որ գլուխը կախել էր վշտահար

«Ահա, Տիրիթը նույնպես այստեղ է,— մտածեց Արշակը։— Իցե նա օգնի պարզելու այս առեղծվածը»...

Արշակը կանգնեց մի փոքր ևս, ապա մոտեցավ սգավորների խմբին. կոանալով Գնևի ճերմակ սավանով ծածկված դիակի վրա՝ երեք անգամ խաշականքեց այն ու դանդաղ դարձավ եկած ճանապարհով։

Շքախումբը հետևեց նրան։

Վերադարձի ամբողջ ճանապարհին թագավորը շարտասանեց և ոչ մի բառ։ Նույնը և շքախմբի անդամները։ Միայն հյուրընկալ օթևանի առաջ, երբ թագուհին ասաց՝ «որքան սարսափելի էր, բազիլես»,— Արշակը պատասխանեց.

— Այո, բազիլես...

— Դեմ չեմ լինի, բազիլես, եթե սգավոր իշխանուհուն տանենք պալատ, քանի նորա ծնողներն այստեղ չեն, և նա մնում է միայնակ,— ասաց խղճահարված թագուհին, նայելով Արշակի մոռյալ դեմքին։

— Կարելի է... այո,— պատասխանեց Արշակը մտացրիվ, և ամուսինները բաժանվեցին՝ յուրաքանչյուրն իրեն հուսկացված սրահը գնալու։

Երբ Արշակը մտավ իր օթևանը, կարգադրեց իրեն հետևող Վարդ իշխանին։

— Թող միայնությանս չխանգարի ոչ ոք, անգամ թագուհին։

— Հրամանգ, արքա,— և Վարդը հեռացավ տարակուսով։

Իսկ թագավորը, ներս մտնելով սկսեց գնալ-գալ սրահի երկայնքով։ Նքան խոռով էին երկու հանգամանք. Փառանձեմի տեսքը և նրա վերջին խոսքերը... Ի՞նչ էին նշանակում այդ խոսքերը. ո՞վ է աչք դրել Փառանձեմի վրա, ո՞վ է ասել՝

կունենաս առաջիկայում ամուսին... Ո՞ւմ էր ակնարկում Փառանձեմը...

Արշակը շփոթված էր. նա մտածում էր միաժամանակ. թե այս սպանության լուրը շուտով կտարածվի ալիքով Հայոց Աշխարհում և ամեն տեղ կասեն, թե սպանությունը կատարվել է Քարթլի հրամանով... ու ամեն տեղ պիտի խորհն, թե թագավորն ինքն է վերացրել Գնեկին՝ թագապահանջ շունենալու համար... Եվ ո՞ւմ կարող ես ապացուցել հակառակը... Բայց ահա Փառանձեմն ասաց, թե սպանությունը եղել է իր պատճառով, և դա ասաց բարձրաձայն... ամենքի առաջ, ժողովրդյան առաջ... Ոճրագործները Գնեկին կալանել են իբր Քարթլի անունով. սակայն Փառանձեմը կրկնում է, որ սպանությունը եղավ իր պատճառով...

Ծագում էին անվերջ հարցեր, հարցեր՝ մեկը մյուսից առեղծվածային ու մթին։ Եվ Արշակը, չգտնելով ոչ մեկի տատասխանը, իրեն զգում էր նվաստացած և... կատարված ոճիրի ակամա մասնակից։ Զե՞ ինքն էր հրավիրել Գնեկին Շահապիվանի տունին...

Որքան էլ մտածում էր Արշակը, պարզել չէր կարողանում հանելուկը և չգիտեր ո՞ւմ հետ խոսի այդ մասին, և ո՞վ կտա իրեն պատասխան... Ամենքն իմացան Փառանձեմի խոսքերը, իմացան և շքախմբի անդամները, բայց ո՞վ կարող է պարզել կատարվածը... և մի՞թե սխալ էին Փառանձեմի խոսքերը... Կարո՞ղ է պատահել, որ նա այդ խոսքերն ասեր առանց մի բան լսելու... Ոչ. Արշակը գիտեր, որ մարդիկ վրդտի մեջ անկեղծ են լինում, առանձնապես խոր վշտի...

«Հետևաբար այդ կինը ճշմարիտ էր», — մտածեց նա և որոշեց՝ հետաքրքրվել ու պարզել, թե ո՞վ է արդյոք աչք դրել Փառանձեմի վրա, և ո՞վ է ասել այդ խոսքերը առավել լավ ամուսնու մասին։ Այդ կիմանա անշուշտ ինքը Փառանձեմը։

Այստեղ Արշակը հիշեց Փառանձեմին, նրա անփույթ, շույլ գեղեցկությունը՝ անզամ սուգի մեջ, և մտածեց, թե անհավանական չէ, որ նրա գեղեցկության համար ոճիր գործեին։

Մտածելով նա միաժամանակ հիշեց թագուհու ցանկությունը և, կանգ առնելով սրահի մեջտեղը, ծափ զարկեց։ Ներս մտավ ծերունի սենեկապահը։

— Կանչիր վարդ իշխանին։ Անհապա՛ղ։

Չանցավ քանի մի վայրկյան՝ ներս մտավ Վարդ իշխանը և, ըստ սովորության, կանգնեց ձգված։ Նա շատ շարժացած էր, թե ինչո՞ւ է թագավորն այդպես անակնկալ կանչել իրեն։ Սովորաբար մի տեղից վերադառնալիս թագավորն էնքը հանգըստանում էր երկար և իրեն՝ Վարդին նույնպես թողնում էր հանգիստ առնելու։

Այսօր այլ էր. Արշակն այժմ պարզապես մի անդիմադրելի ցանկություն էր զգում խոսել նրա հետ և հարցուփորձել, թե ի՞նչ էին նշանակում Փառանձեմի խոսքերը. գուցե Վարդը կարողանա մեկնել... Ո՞վ է արդյոք աչք դրել այդ կնոջ վրա... Նա կամենում է, այո, խոսել և պարզել, թե ո՞վ նյութեց այս ոճիրը և իրեն դարձրեց մեղապարտ աստծու և մարդկանց ուռաջ... Սակայն, նայելով Մամիկոնյան իշխանի հոգնած դեմքին, մտածեց, որ նա թերևս շտապում է... Մտածեց և իսկույն էլ որոշեց՝ չառնել ոչինչ, այլ սպասել առժամ. գուցե առեղծվածը պարզվի ինքնին...

Իվ թագավորը, նայելով դարձյալ Վարդ իշխանի ձեռքի հասակին ու հոգնած դեմքին, դանդաղում էր հայտնի ասելիքը։

— Հրամայեցիր ներկայանալ, արքա։

— Այո, իշխան, և ահա ինչ,— Արշակը կանգ առավ։— Ես մտադիր էի,— այդ ինքդ գիտես, իշխան,— մնալ աստքանի մի օր, դիտել զորանոցները և զորաց վարժությունը։ Սակայն այժմ, այս ամենից հետո, գերադաս եմ համարում՝ մեկնել։ Ուրեմն և կարգադիր եղիր, որ պատրաստեն ամենը՝ վաղը մեկնելու համար։

Թագավորը լռեց և նորից նայեց Վարդի դեմքին, որ զարմացած էր լսածից։

— Ինչ հետ, հարկավ, մեկնում է և թաղուհին։ Իմացիք նաև, իշխան, հարկ չկա սլատմելու նորան արքայազնի սպանության հետ կապված ամեն հանգամանք և հուզելու իզուր։

Վարդը չհասկացավ, թե ինչո՞ւ համար է ասում այդ թագավորը, բայց խոնարհում արավ։

— Հրամանդ, արքա։

— Կարգադիր եղիր նաև սգավոր Փառանձեմին տեղափոխել Վաղարշապատ՝ արքունի պալատը, Օլիմպիա թաղուհու հետ միասին։ Զպետք է թողնել դժբախտ իշխանուհուն մեռնակ, հարազատները բացակա են և չունի ոչ մի մխիթար։

Իսկ պալատում նրան կշրջապատեն, կսփոփեն իշխանուհին՝
ընդ... և թագուհին նույնպես, ինչպիսի ցանկություն հայտնեց
ինքը՝ Հասկանալի՞ է:

Վարդը նորից խոնարհում արավ:

— Բերել խնամով և մեծ զգուշությամբ,— շարունակեց
թագավորն արդեն քայլերով:— Ոչ թե երիվարներով, այլ թի-
րևս ժանավարով...

Արշակը մի վայրկյան լռեց խոհերի մեջ, ապա ավելաց-
րեց.

— Բայց լավագույնս կլինի տրամադրել նրան արքունի
կառքերից մեկը... Թերևս թագուհին նրան առնի իր կառքը...
Գնելը մեր հարազատն է... նրա այրիին չպետք է թողնել
միայնակ՝ ծանր սուգի մեջ...

Ուրախությունը հանգավ Շահապիվանում... դադարեցին
երգ, նվագ, պար, աղոթք ու առևտուր... Եվ դա ոչ թե մեկի
հրամանով, այլ ինքնաբեր. սպանվել էր մարդ— և ամենքը
մարդ էին:

ԳՐԹԻՆ ՀԻՆԳԵՐՈՐԴ

Պատմենք այժմ, թե ի՞նչ նշավ Շահապիվանից հետո:

Որքան էլ Արշակ թագավորը մտադիր էր, թե Շահապի-
վանի տոնից հետո և մանավանդ Գնելին հանդիպելուց և բա-
րեկամանալուց հետո կերթա նոր Ավանի աշխատանքները
դիտելու և նոր կարգադրություններ անելու, բայց նորից
խանգարվեց նրա ուղևորությունը... Ի դեպ. Գնելի սպանու-
թյունը նրան շփոթեց այն աստիճան, որ նա տրամադրու-
թյուն ու ժամանակ չունեցավ անգամ վրաց թագավորի
նվերները նայելու, որ ուղարկել էր նա Նավասարդի տունի
առթիվ, ինչ հարևան երկու թագավորները անում էին ավան-
դաբար՝ միմյանց նոր տարին շնորհավորելու համար: Արշա-
կը չկարողացավ ոչ միայն նվերները դիտել, այլև կարգադրել
պատշաճը՝ բերողներին պարգևատրելու: Ոչ միայն այս. նա
չէր կարող մտածել անգամ իր Ավանի մասին. ասիպված էր
մնալ Վաղարշապատում և պարզել Գնելի սպանության հան-

գամանքները: Սպանվողը հասարակ մեկը չէր, ոչ էլ սպանությունն էր հասարակ, կատարվեց այնպիսի պատագաներում, որ կարող էր դուռ բանալ ամեն տեսակ կասկածի:

Եվ իրոք. արքայազն Գնեկի սպանության լուրը նույն օրը տարածվեց ամեն կողմ. տոնից վերադարձող ուխտավորները սրարշավ տարան այն իրենց գյուղերը, քաղաքները, ամրոցները, և դա ամենուրեք հարուցեց անասելի հետաքրքրություն. ո՞վ սպանեց, ի՞նչ պարագաներում և ինչո՞ւ... Առաջիններից մեկը, ով ստացավ Գնեկի սպանության լուրը, հղավ Կամսարական Նար իշխանը. նրա երեք որդիները և երկու եղբայրը, որ ներկա էին եղել Շահապիվանի տոնահանդեսին, այդ լուրը ամենայն արագությամբ, ինչպես իրենք էին ասում՝ «ական թոթափել» հասցրին իրենց տոհմապետին: Երբ նրանք, իրար ընդմիջելով ու լրացնելով, պատմեցին դեպքը, Նար իշխանն ասաց առանց այլևայլի.

— Ոճիրը Արշակ թագավորից է:

Ապա, երբ պատմեցին, թե ի՞նչ պարագաներում է կատարվել սպանությունը և սպանողները եղել են դիմակավորված՝ նա ձեռք թափ տվեց միայն.

— Միևնույն է. ոճիրը նյութել է Արշակը՝ թագապահանջ ունենալու երկյուղից...

Զրույցի այս պահին հայտնեցին, թե հարևան նախարարներ են եկել, երբ Նար իշխանը կարգադրեց հրավիրել, իրար հետևիք. ներս մտան ծոաքիթ, անզղադեմ ծիր Վահևունին, Կարուց տեր Զաքարեն և Կամսարականի փեսա Դավիթ Համունին:

— Ահապարեցինք, իշխան, հաղորդելու... Իմացա՞ր ինչե՞ր եղան,— կոնչաց Վահևունին դեռ սեմից:— Արշակը շարագործում է ոչ միայն մեր դեմ...

— Առավել լավ, առավել լավ,— կրկնեց Կամսարապանը:— Սույն ոճիրը կարագացնի գահավիժումը նորա. ամենքը կհանաչեն, թե ի՞նչ ծնունդ է թագավորնիս:

Ու սկսվեց ընդհանուր, երկարատև մի զրույց, բն ի՞նչ կրիսի աշտահետև Վահևունին այն կարծիքը հայտնեց, թե Առշակը հավիտենապես արատավորից իրեն. այժմ ամենքը երես կգարձեն նրանից:

— Եվ հուսամ՝ սորանից հետո նա հանգիստ կթողնի մեզ,— ուրախացավ Գավիթ Համունին:

— Վստահ ես,— ընդմիջեց Նար իշխանը գլուխը թերահամատ շարժելով:— Հակառակը, սիրելիդ իմ: Սպանություն կատարողը զգալագույն է. մեր մերժումներից զայրացած՝ կարող է վրեժխնդիր լինել մեզ. կարող է հարձակումով խլել մեր բերդերը: Ի՞նչ և լինի՝ մնանք աշաղուրջ և պատրաստ. թույլ չտանք, որ նա ի գործ դնի իր նպատակները շարավեր...

— Իսկ դրա համար ի՞նչ կարող ենք անել, իշխան,— հետաքրքրվեց Կարուց տերը՝ Զաքարեն:

— Մնանք և գործենք համախորհուրդ,— վրա բերավ Կամսարականը:— Ի միտ բերենք, որ եթե լինենք մահալ, նա կկլանի յուրաքանչյուրիս, իսկ միասին՝ երբեք:

— Սակայն կարո՞ղ ենք հուսալ, որ մեզ կթողնի հանգիստ,— խոսեց նորից Վահունին:

— Անշուշտ եմ,— վստահ նկատեց Համունին:— Այժմ Արշակն այնպիսի վիճակի է՝ այլևս չի խորհի ո՛չ մեր բնորդների և ո՛չ իսկ քաղաք շինելու մասին:

Կամսարականը բազմախորհուրդ նայեց քեռայր Համունուն.

— Արդյո՞ք, վստահ ես,— կասկածով հարցում արավ նա:

Սյո օրերին արքայազն Գնելի սպանության մասին էին խոսում նաև ավագները պալատում: Ինչպես Շահսպիվանում, այնպես էլ այստեղ ամենքին զբաղեցնում էր այն միտքը, թե ո՞վ կարող է կատարած լինել այդ ոճիրը: Այստեղ էլ յուրաքանչյուրն անում էր իր ենթադրությունը, և այդ ենթադրություններին ի պատասխան Վարդ իշխանը կարեւոր էր համարում հայտնել, թե արքան Գնելին հրավիրել էր հանդիպումի և սիրալիր զրույցի. բայց ահա ինչ-որ անհայտ մարդիկ գործեցին այդ ոճիրը և թույլ չտվին, որ արքան տեսակցի հարազատի հետ:

— Բայց ճշմարիտ է, որ մարդասպանները չեն կողոպտել ոչինչ,— հարցրեց Հայր-Մարդպետը:

— Ծշմարիտ է,— հաստատեց Վարդ իշխանը:— Սակայն

դա շնորհիվ Գնեկի հարսի, որ փութով օգնություն կանչեց և սպանիչները փախան անհետ:

— Այդչափ խիզախ է եղել իր հաբաբը,— զարմացան խոսակիցները:

— Առավել քան խիզախ,— ասաց Վարդը:— Իզուր չէ, որ Անդոք իշխանի դուստրն է:

Պետք է ասել և այս, որ պալատականներից և համակիր նախարարներից ոմանք մտածում էին, թե արդյոք Գնեկի սպանությունը չի՞ կատարել թագավորի հակառակորդներից մեկը, և որպեսզի արատ բերի թագավորի անվան, գործել է թագավորի անունով... Իսկ ոմանք լսելով, թե այդ սպանությունը թելադրած կլինի թագավորը, պնդում էին, թե Արշակը երբեք չէր անի այդօրինակ մի քայլ, լավ իմանալով, որ դա կարատավորի իր անունը. չէ՞ որ ինքն էր հրավիրել նրան Շահապիվան... Մի՞թե նա կցանկանար, որ խանգարվեր աշխարհախումբ տոնը նավասարդի և մարտիկ կասկածի առնեն իրեն...

Ինչպես երևում է, շատ սակավ մարդիկ էին լսել Փառանձեմի խոսքերը, թե սպանությունն իր պատճառով եղավ, կամ, եթե լսել էին, կարևորություն չէին տալիս: Ուստի և տարածվում էր այն լուրը, թե սպանությունը եղել է թագավորի հրամանով, ու խոսում էին ամենքը, ամբողջ երկրում, որովհետև լուրը բերնբերան հասել էր ամեն տեղ ու ամեն բերան մի խոսք էր ասում և անպայման մի ենթադրություն անում: Այն մասն չէին անգամ հեռու մենաստանների կրոնավորները. նրանք էլ տարուբերում էին գլուխները և շշնջում:

— Առանց արքայի կամքի Գնեկի մազը չէր ընկնի...

Բայց, այս ամենից անլախ, բոլորը՝ նախարար թե շինական, պալատական թե հոգևոր մարդիկ հանգում էին միևնույն մտքին, թե այդ սպանությունը «ծնելու է կասկածներ բազում» և ծանր վիճակի մեջ է դնելու Արշակ թագավորին:

Եվ այս ենթադրությունը ճշմարիտ էր:

Իրոք, կասկածների մեջ էին շատերը: Բայց ամենից ավելի ծանր կասկածների մեջ էր Արշակ թագավորն ինքը: Ոմանց նման նա ևս մտածում էր, թե սպանությունը կատարեցին գուցե իրեն թշնամի նախարարներից, որպեսզի խանգարեն Ավանի կառուցումը... և մանավանդ հանցապարտ դարձնեն

իրեն ժողովրդի առաջ, դիտավորյալ տալով իր անունը՝ «Թափափորի հրամանով»...

Բայց ահա այն խոսքերը, որ ասել էր Փառանձեմը սուգի ժամին՝ ամուսնու դիակի վրա, թե «մեկը աչք դրեց վրաս և հիմա ցանկանում է, որ շտանջեմ ինձ»... — շփոթւմ էին իմացողին, ցրում էին բոլոր ենթադրություններն ու գուշակությունները, և մարդիկ ակամա մտածում էին, թե՞ ով կարող է լինել դա՝ այդ վատհոգին, որ սիրո կրքից սպանել տար նորապսակ Գնեկին։ Ու անում էին տարբեր կոահումներ և շէին գտնում հավանական մեկին, բայց կարծում էին, թե դա կարող է լինել Կավաշ այցելող սեպուհներից մեկը, կամ այլ մի իշխանազուն, որ ամուսնությունից առաջ սիրահարված է եղել Սյունյաց իշխանի դստեր վրա ու որոշել է թեկուզ ոճիրի գնով տիրանալ նրան։

Այսպես, ամենատարբեր ենթադրություններ անելով, ամենքը համարյա հանգում էին միևնույն մտքին, թե սպանության գաղտնիքն անշուշտ կիմանա միայն Փառանձեմին ինքը, որ սուգի միջոցին անգամ ասել էր այդ խոսքերը ի լուր ամենքի։ Նա գիտե անկասկած, թե ո՞վ է այն մարդը, որ «աչք է դրել» իր վրա...

Այսպես էր մտածում և Արշակ թագավորը, բայց առայժմ պատշաճից դուրս էր համարում հարցում անել այդ մասին։ Փառանձեմին, չնայած երկու շաբաթից ավելի էր, ինչ նա գտնվում էր Վաղարշապատի պալատում, առանձին խաղաղ մի հարկաբաժնում, ուր նրան գրեթե ամեն օր այցելում էր Օլիմպիա թագուհին, այցում էին պալատական տիկիները։

Այցելուների մոտ Փառանձեմն իրեն պահում էր զուսպ, վիշտը սրտում ամփոփած, բայց խոշոր խաժ աչքերում մի անասելի թախիծ... Խոսում էր սակավ, հակիրճ դարձվածքներով, պատասխանելով միայն հարցումների։ Իսկ մնացյալ ժամանակը լռում էր թեթև հառաչով և աչքերը ծածկում ձեռքով, կամ՝ հայացքը մի կետի, մնում նստած։ Բայց երբ այցելուներն իրենց միիթարանքի խոսքերն սպառելով հեռանում էին, նա գեղեցիկ զուգն առնում էր ասիերի մեջ և արտասվում, հիշելով Գնեկի անշունչ դին, մտքով նզովում էր թե՛ սպանողին և թե՛ սպանությունը դաժողին։ Նրան առանձնապես մեծ կսկիծ էին պատճառում այն խոսքերը, թե՛ «Մի-

տանջի քեզ. կունենաս առավել լավ ամուսին»... Բայց թի ո՞վ էր ասողը՝ Փառանձեմը չգիտեր. լսել էր միայն, չէր տեսել ո՞չ ասողին, ո՞չ ճանաչել էր ձայնը... Այժմ իր մենության մեջ հիշելով այդ խոսքերը՝ նրան պաշարում էին կասկածներն ու տարակույսները. ի՞նչ էին նշանակում այդ խոսքերը... Ո՞վ էր ասողը և ո՞ւմ կողմից...

Խորհելով այս մասին՝ նա կրկին հիշում էր սուգի ժամանակ լսած խոսքերը և ասում ինքն իրեն. «Կարենայի պարզել ո՞վ էր ասողը»...

Բայց ինչպես մխիթարության եկողները չէին խոսում այդ մասին, այնպես էլ ինքր Փառանձեմը, որքան էլ նրանք զրուցեին իր վշտի մասին: Օլիմպիա թագուհին, օրինակ, Փառանձեմին անհույս վշտի մեջ քերեղով պալատ, շրջապատեց նրան սիրով ու գորովով: Շուտ-շուտ գալիս էր նրա հարկաքաժիկը և մխիթարում նրան մեղմ խոսքերով, նրա ձևերն էր առնելով իր ափերի մեջ: Թագուհու քախտից Փառանձեմը, որ ծնողների հետ տարիներով ապրել էր Քյուզանդիոնում, գիտեր հունարեն՝ մայրենի չեզվի պես, առտի և զրուցում էին ազատ և լիովին հասկանում միմյանց:

— Մա՛նր է, սիրելիդ իմ Ֆարանգեմ, ժա՛նր,— ասում էր Օլիմպիա թագուհին հայկական կոշտ տառերը փափկացնելով.— Շատ ծանր է, քայց պետք է տոկալ: Գիտեմ, ահավոր է հարազատի կորուստը, տակայն այդօրինակ դժբախտություններ պատահում են ամենքին: Ինքս կորցրել եմ հայր, փեսացու և եղբայր... Մա՛նր է, քայց պետք է տանենք ի վերուստ վիճակվածը: Մայրս, Խիրելիդ իմ Ֆարանգեմ, ասում էր միշտ, թե հարազատ հանգուցյալները երբեք գոհ չեն լինի, եթե մենք մնանք վշտահար. նրանց հոգին, ասում էր, հանգիստ չի մնա և կտանջվի... Ուրեմն չպետք է ուրտալի ըստ: Պետք է մեզ պահենք, որ կարողանանք պահել և նրանց հիշատակը... Այո:

Փառանձեմը լցվում էր այս խոսքերից, հիշում էր նորից Գնելին և ձեռքերը դնում երեսին:

— Մի՛, քույրս, մի լար, խնդրում եմ: Մենք չենք խոսքով հիշենք քո Գնելին, լացով՝ ոչ. լացով բավական է: Հանգուցյալներին, ճշմարիտ է, չպետք է մոռանալ, բայց պարտավոր ենք թողնել հանգիստ...

Խոստում էին նրանք Ժրբեմն երկար, երբեմն կարճ և Փառանձեմը կամաց-կամաց մտերմանում էր թագուհուն։ Լոկ այն հանգամանքը, որ թագուհին այդքան ուշադրությամբ ու ժամանակ էր նվիրում իրեն, արդեն իսկ սփոփում էր Փառանձեմին։ Օլիմպիան ուշիմ կի՛ն էր. գալով Հայոց Աշխարհը հարս՝ նա իրեն զգում էր մենակ, օտարության մեջ, ուստի և միշտ զգաստ էր և զգուշ։ Ապրած լինելով բյուզանդական արքունիքում, որպես կայսեր եղբոր հարսնացու, գիտեր, որ դավերն ու նախանձը մեծ դեր են խաղում պալատներում։ Դեռ Բյուզանդիայում նրան ասել էին, ինքն ևս գիտեր, որ թագավորներն ունենում են հայտնի և անհայտ շատ թշնամիներ, որոնք միշտ և հանապաղ հետամտում են իրենց նպատակին, և թույնը առաջին տեղն է բռնում այդ գործում, ուստի և Օլիմպիան կերակուրն ընդունում էր միայն հետը բերած նածիշտների ձեռքից... Զգուշությամբ թելադրում էր նրան լինել չափից ավելի շրջահայաց։ Բյուզանդիայի ճոխ արքունիքից ընկնելով Վաղարշապատի համեստ պալատը՝ շատ բան այստեղ հաճելի չէր նրան, շատ բան չէր համարում նրա ճաշակին, նախ պալատը փոքր էր՝ միայն երկհարկանի և քիչ հարկաբաժիններով. ապա չունեւ այն ոսկեհուռ կահերը, կարասիները, շքեղ զարդերն ու փուլածփները, ինչ կար կայսեր պալատում։ Սակավ էին պալատական կահայք ու աղջիկներ, սակավ էին տոնահանդեսներն ու պարահանդեսները, մանավանդ կաքավող ու երգող վարձակները... Այնուհետև հազվադեպ էին գնացող-եկող օտարները, օտարերկրյա դեսպաններ՝ իրենց շքախմբերով, իրենց պես-պես գլխանոցներով ու շքեղազարդ հագուստներով, իրենց մեծագին նվերներով... Զկար նաև ամենագլխավորը՝ ծովը, որին այնպե՛ս կարոտում էր նա։ Ծով, որին նայում էր ինքը արթնանալուն պես՝ իր ննջարանի լուսամուտից և իրեն զգում էր միշտ թեթև, եթերային... Որքան էլ հոգնած լինե՛ր՝ ծովի մի փոքրիկ կտորը, նրա կապույտ ժպիտը հանգստացնում էր նրան... Իսկ այստեղ՝ Արմենիայում միայն դաշտեր էին և լեռնե՛ր, լեռնե՛ր... Դրանց նայելիս նրան թվում էր երբեմն, թե այնքան բարձր են և պարսպի նման այնպես իրար կպած, որ անցնել անկարելի է. դրանից և այն պատրանքն էր ունե-

նում նա, թե բնկել է մի տեղ, որտեղից այլևս դուրս գալ չի կարող:

Սակայն Օլիմպիան սիրեց հայ կանանց, նրանց սրտայի խոսքն ու ջերմ վերաբերմունքը: Այդ գուցե նրանից էր, որ ողբալատական կանայք, ամենքը հարգում էին նրան և պատվում: Մի երկուսը նույնիսկ, ինչպես հազարապետ Գավիթ Գնունու տիկինը՝ իշխանուհի Նանան, Վասակ սպարապետի կինը՝ Կատրանիդեն, Վարդ իշխանի Շուշանը և մյուսները ասել էին նրան. «Մայրդ ու քույրերդ, բազիլեյա, հեռու են այստեղից. մենք, եթե կհաճես, կլինենք քեզ մայր ու քույր: Չտխրես բնավ և, եթե կունենաս ինչ մի փափաղ կամ ջղանկութուն՝ հայտնի մեզ և եղիբ վստահ, որ կկատարենք»... Եվ Օլիմպիան գոհ էր նրանցից ու ինքը նույնպես սիրավոր էր նրանց հանդեպ. բայց անվերապահ հավատում էր միայն ամուսնուն՝ Արշակին, որի անունը, ի դեպ, ճիշտ արտասանել չկարողանալով, արտաբերում էր Արգաս, իսկ Վարդկանց ներկայությամբ արդեն «բազիլեյա»...

Խոսում էին, և դա հայտնի էր ոմանց, որ Օլիմպիան չէր ցանկացել հարս գալ Հայոց Աշխարհը, թեկուզ իրեն թագուհի, Արմենիան համարելով քաղաքապետների երկիր: Բայց համոզել էին, թե պետք է հանձն առնել Բյուզանդիայի սիրուն, որպեսզի արմենների թագավորը միշտ բարեկամ մնա կայսեր... Ու խոստացել էին, թե յուրաքանչյուր տարի արքունի մարդիկ մի քանի անգամ կայցելեն իրեն կամ իրեն կհրավիրեն Բյուզանդիա... Օլիմպիան չէր հավատացել այդ ամենին, սակայն, գալով Հայաստան և մնալով մոտ երեք տարի, նա սկսեց սիրել երկիրը՝ զարնանր նրա ծաղկող այգիները, ամռանն ու աշնանը՝ նրա քաղցր, բուրավետ պտուղները, իսկ ձմեռը՝ նրա առատ ձյունն ու ձյունամորրիկները, — բնություն պես-պեսություններ, որ չկային իր ծննդավայրում: Բայց առավել սիրեց հայ կանանց զգացմունքների առատությունը, պարզությունը և անշահախնդիր բարությունը...

Այժմ էլ, հանդիպելով Փառանձեմին, համակրում էր նրան սրտանց, տեսնելով մանավանդ, թե որքան կիրթ է, զուսպ և հունարեն խոսում է ավելի լավ, քան որևէ մեկը պալատում: Այդ համակրանքն ավելանում էր թերևս այն պատ-

ճառով, որ Օլիմպիան խղճում էր Փառանձեմին՝ նրան վիճակված դժբախտության համար:

Թագուհու հետ կամ առանձին Փառանձեմին այցելում էին և պալատական կանայք՝ հազարապետ Դավիթ Գնունու տիկինը, Վասակ սպարապետի կինը և ուրիշները: Սրանք ամենքը, հավաքվելով Փառանձեմի մոտ, մխիթարելով, փալիսյում, սիրում էին նրան և զանազան պատումներով ջանում, որ նա անձնատուր չլինի իր վշտին: Խոսում-զրուցում էին մեղմ, հանդարտ և հեռանալիս հարցնում.

— Եթե ունես որևէ կարիք, իշխանուհի, ասա... մենք սիրով...

Փառանձեմին այցելում էր և թագավորը, ավելի ուշ-ուշ, քան Օլիմպիա թագուհին: Առաջին անգամ Արշակը եկավ թագուհու հետ, հետո մի այլ անգամ հազարապետ Գնունու և որսապետ Հավնունու հետ: Մանր էր Արշակի համար առանձնապես առաջին այցը: Նա մտածում էր, թե Փառանձեմը ևս գուցե, ուրիշների նման, իրեն է համարում Գնելին սպանող... չէ՞ որ Փառանձեմն ինքն է ասել, թե Գնելին կալանողնեղը հայտնել են «արքայի հրամանով», ուստի և ծանր էր գալ և խոսել Փառանձեմի հետ... Բայց, հիշելով Փառանձեմի խոսքերը սուգի միջոցին, զնաց: Թագուհու հետ մտնելով նրա հարկաբաժինը և հատկապես այն սենյակը, ուր նստած էր Փառանձեմը, Արշակը հոնքերն իրար բերեց ակամա և աչքերը կկոցեց:

Փառանձեմը ոտից գլուխ սգո հագուստի մեջ էր, որի սևությունն առանձնապես ընդգծում էր նրա դեմքի կաթնագույն մաշկը, բարձրադիր աղեղնաձև հոնքերը և խոշոր խաժ աչքերը, որոնց պայծառությունն սքողված էր վշտով: Վիշտ, որ թվում էր վեհ հպարտություն էր տվել նրան:

Թագավորին ու թագուհուն նկատելով՝ Փառանձեմը մի հպարտ շարժում արավ ոտքի կանգնելու, բայց Արշակը մաղմաղոտ ձեռքը բարձրացրեց իսկույն.

— Նիստ, Փառանձեմ: Այստեղ քեզ զգա այնպես, ինչպես տանդ հորենական:

Բայց Փառանձեմն այնուամենայնիվ ոտքի կանգնեց, և Արշակն առաջին անգամ տեսավ նրան ամբողջ հասակով: Մի հասակ, որը նրան թվաց ոչ բարձր, բայց բարձև ու համա-

շափ. սե ամբողջական հագուստը գրկելով իրանը՝ թևին սեղմում էր մեջքը և հավասար ծալքերով իջնում ծածկում ոտքերը։ Նա կանգնեց հագիվ մի վայրկյան. թագուհին անմիջապես նստեցրեց նրան։

— Քո վիշտը, սիրելիդ իմ Ֆարանգեմ, քեզ իրավունք է տալիս ոտքի չկանգնել,— և թագուհին, նրա թևքը բռնելով, նստեցրեց կողքին։

Իսկ թագավորը տեղավորվեց նրանց դիմացի սաղաֆով ընդելուզված բազկաթոռին։ Արշակը թիկնոցով էր և գլխաբաց։ Փառանձեմը թեև առաջին անգամ էր հանգիպում թագավորին (թաղման օրը նա համարյա չէր նկատել նրան), բայց նայվածքը հատակին՝ չէր, նայում նրան, և Արշակը չէր կարող ասել՝ ամաշխուհ էր այդ, թե կասկած ունի իր նրկատմամբ... Ու մտածեց— եթե ամթխածությունի՞ց է՝ հասկանալի է, բայց եթե... Այսուամենայնիվ նա զգաց, որ պետք է մի քան ասել, ու դիմեց թագուհուն հունարեն.

— Մի՞թե իշխանուհին միշտ մենակ է այստեղ, բաղիլեյա։

— Ոչ, բաղիլես. նրա մոտ կան նաժիշտներ. նրա սպասին է մեր դայակը,— պատասխանեց Օլիմպիան նույնպես հունարեն։ Ամենայն օր Ֆարանգեմին այցելում են պալատական տիկիներ, նաև իներս։

— Այդպես։ Փառանձեմին չպետք է թողնել մենակ,— շարունակեց Արշակը հունարեն, նայելով գլխիկոր սգավորին։— Այո, Փառանձեմ, ծանր է քեզ վիճակված վիշտը.— խոսեց այս անգամ հայերեն։— Բայց չպետք է անձնատուր լինել հուսատուրյան։

Արշակը լռեց և նորից թավ հոնքերի տակից նայեց Փառանձեմին. Փառանձեմի դեմքի և ոչ մի մկանը չշարժվեց։ «Ունի՜ որևէ կասկած, թե ամաշխուհ է վերստին»,— մտածեց թագավորը և այս անգամ արդեն ենթադրեց, որ եթե Փառանձեմը ունենար որևէ կասկած՝ չէր համաձայնի գալ պալատ... Իսկ այժմ, իր գալը տեսնելով, ոտքի չէր կանգնի... Մակայն ինչո՞ւ է անտարբեր դեպի իր խոսքը, ինչո՞ւ որևէ նշանով, թեկուզ գլխի թեթև մի շարժումով չի ցուցաբերում որևէ վերաբերում...։

Արշակը նորից զննաբար նայեց Փառանձեմին և ասաց.

— Ես խնդրել եմ, Փառանձեմ, որ պալատի տիկինները քեզ միայնակ չթողնեն...

Ասաց, բայց իսկույն էլ զգաց, որ դա հայտնի է արդեն և կատարվում է:

Սակայն այդ խոսքերին էլ Փառանձեմը չպատասխանեց. մինչդեռ կարգը պահանջում էր, որ նա շնորհակալ լիներ թագավորի այդ շնորհի համար. բայց Փառանձեմը դարձյալ մնաց լուռ: Ի՞նչ էր նշանակում այդ լռությունը. խոր վիճու՞թե՞ս...

Արշակը վարանքի մեջ էր:

— Այդպես, Փառանձեմ, կցանկանայի, որ դու չափից ավելի անձնատուր չլինես վշտիդ, — խոսեց Արշակը ձայնին ավելի մեղմություն տալով, և կրկին զգաց, որ շասաց այն, ինչ անհրաժեշտ էր, ինչ կարևոր էր, ու դարձյալ լռեց, դարձյալ նայեց գլխահակ Փառանձեմին, որին շարունակում էր փայփայել Օլիմպիան՝ աջով շոյելով նրա ճերմակ ձեռքը: — Եղիր վստահ, Փառանձեմ, որ եղեռնագործը կգտնվի և կըստանա արժանի պատիժը, — փոքր լռելուց հետո ասաց Արշակը նեբրուստ ուրախ, որ գտնվեց վերջապես հարկավոր խոսքը:

Բայց Փառանձեմն այդ խոսքերին նույնպես անտարբեր եղավ:

Այն ժամանակ Արշակը վեր կացավ տեղից և գնաց դեպի լուսամուտը, մտածելով, թե վիշտը հավանաբար թմրեցրել է Փառանձեմին: Բայց և այնպես պետք է սրտապնդել նրան, և ասաց.

— Այո, եղեռնագործը կստանա իր արժանի պատիժը. իսկ դու քեզ զգա ինչպես հարազատներիդ մոտ...

Արշակն ու թագուհին խոսեցին մի փոքր. ևս ու ապա հեռացան իրենց հարկաբաժինը:

Չհայած Արշակը շարունակ մտածում էր հարցնել Փառանձեմին՝ ո՞վ էր ասել, թե՝ «կունենաս առավել լավ ամուսին» խոսքերը և արդյոք դրանք մխիթարանքի համար էին ասված, ինչպես կարծում էին ոմանք, թե լուրջ նպատակով... Այսուամենայնիվ նա անկարող եղավ անհլ այդ հարցումը, և այդ միտքը հանգիստ չէր տալիս նրան:

Երկրորդ այցին խոսակցությունն ընթացավ ավելի դյուրին:

Ինչպես առաջին անգամ, Արշակը նստեց Փառանձեմի դիմաց և ասաց.

— Գնելի կորուստը ծանր է ամենիս և ամենից առավել քեզ համար, Փառանձեմ: Սակայն...

Թագավորի առաջին իսկ խոսքերից Փառանձեմի աչքերում արցունք երևաց, և նա գլուխն իջեցրեց:

— Արցունքն անշուշտ թեթևացնում է վիշտը, Փառանձեմ,— շարունակեց Արշակը՝ ձայնի մեջ վշտախառն մեղմություն:— Սակայն արցունքով ետ շենք բերի Գնեկին:

Փառանձեմը, չգիտես այս խոսքերի տպավորություն տալ, թե ինքնաբեր, սրբեց արտասուքը և, աչքերը մի կետի հառած, անշարժացավ: Թվաց դարձյալ, թե չի կամենում կամ չի համարձակվում նայել թագավորի երեսին. և Արշակը՝ ուրից մտածեց, թե նա գուցե կասկածներ ունի դարձյալ... Այլապես՝ չէ՞ որ պատիվ պիտի համարել խոսել թագավորի հետ, սլատասխանել նրա հարցումներին: Ամաշու՞մ է... Սյունյաց իշխանի դուստրը շինականի աղջիկ չէ: Իշխանական դերդաստանում մեծացած և տարիներով Բյուզանդիայում ապրած՝ նա պետք է ռո համարձակ լիներ: Սակայն... Տեսնելով նրա համառ լուծությունը՝ Արշակն ասաց.

— Ես, Փառանձեմ, արդեն սուրհանդակ եմ ուղարկել Բյուզանդիոն՝ Անդոք իշխանին և Մարիամ իշխանուհուն կանչելու: Հարազատներիդ ներկայությունը կարի անհրաժեշտ է: Այդպե՞ս է:

Եվ որովհետև Փառանձեմն անմիջապես չպատասխանեց՝ Արշակը հարցրեց.

— Հուսամ դժգոհ չես լինի՞:

Վերջապես Փառանձեմը գլուխը բարձրացրեց և նայեց թագավորին:

— Բնավ, արքա: Շնորհակալ եմ խորապես,— ասաց նա մի այնպիսի ձայնով, որի մեջ խոր վշտի հետ միասին ըզզացվում էր և երախտագիտության շնորհ և ձայնի հաճելի մի երանգ: Եվ Արշակը նրա ձայնի այդ շեշտից ու երանգից զգաց, որ նա իրեն չի կասկածում Գնեկի սպանության մեջ և դրանից թեթևություն զգաց, ապա մտածեց. «Այժմ գուցե

բացատրի, թե ո՞վ էր ասել նրան «Մի տանջիր քեզ, կունենաս առավել լավ ամուսին»... Մտածելով՝ Արշակը ելավ տեղից, ասես կարևոր գլուխ արած և, մեկ-երկու քայլ անելով, նորից մտածեց՝ հարցնե՞լ, թե ոչ։ Բայց, հարցնելու փոխարեն, ասաց.

— Այդպես, Փառանձեմ, արիացիր։ Հուսամ Անդոք իշխանը մեզ երկար սպասել չի տա և կժամանի փութով Մարիամ իշխանուհու հետ։

— Շնորհակալություն, արքա,— կրկնեց Փառանձեմը՝ այս անգամ արդեն թագավորի աչքերին նայելով, վշտակիր ձայնի մեջ նույն հաճելի շեշտը։

Փառանձեմի պարզ հայացքից Արշակը նորից թեթևություն զգաց։

«Այո, բուրբուլին չի կասկածում»,— մտածեց նա Փառանձեմի սենյակից դուրս գալով։

Առաջին և երկրորդ այցից հետո թագավորը հաճախեց իջ իր այցերը. այժմ գնում էր մենակ, միայն թիկնապահ Եզնիկի ուղեկցությամբ։ Երբ արքան մտնում էր ներս, Եզնիկը մնում էր հարկաբաժնի միջանցքում կանգնած։

Այցի գալով՝ Արշակը նախ հետաքրքրվում էր նրա առողջությամբ և ասում միիթարանքի խոսքեր։ Փառանձեմին նայելիս Արշակին թվում էր, թե նրա աչքերը նման են եզնիկի աչքերի՝ վճիտ ու խորունկ, բայց մարդկային վշտով լի։ Սակայն այդպես էլ գրավիչ էին. ունեին մի անմեկնելի քաշող զորություն. նրանց մեջ շողում էին ինչ-որ հպարտ կայծեր։ Իսկ Փառանձեմի դեմքի մաշկը հիշեցնում էր կաթնագույն ատյալ։ Աղեղնաձև հոնքերն այնպես էին, որ ծանր վիշտը չէր եղծում նրանց հսլարտ գիծը... Նայելով Փառանձեմին՝ թագավորը նորից, ինչպես այնտեղ՝ Լիսին բլուրի վրա, ներքան ակամա համեմատում էր իր պաղահայաց ու զուսպ Օլիմպիայի հետ և զարմանում, որ եթե սուգի մեջ Փառանձեմը գեղեցիկ է այսքան, հապա ի՞նչ կլիներ իր երջանկության օրերին...

Նայելով Փառանձեմին՝ Արշակը մտածում էր նորից, թե ի՞նչ ձևով հարցում անել խոսքեր ասողի մասին, որ անպատշաճ չթվա...

Եվ ամեն անգամ, երբ թագավորը գնում էր Փառանձեմի

մոտ, պալատական սպասավորներն ու նաժիշտները դռներին արանքից, անկյուններից նայում էին նրա հետևից և երբեմն իրար գալով շշնջում.

— Արքան նորից գնաց...

— Դժբախտը երևի վատ է:

— Այո, վատ է: Նրա դայակն ասել է, թե շարունակ լալիս է: Անգամ թագուհին չի կարենում մխիթարել:

Այդ այցների մասին խոսում էին և պալատական ալիքները, թե ինչու է արքան շուտ-շուտ գնում այդպես...

Ոչ սպասավորները, ոչ նաժիշտները և ոչ պալատականները չէին կարող իմանալ, իհարկե, որ Արշակը գնում է պարզելու Փառանձեմի վերաբերմունքը դեպ իրեն և Դանսվանդ այն, թե ով էր ասել այն խոսքերը Փառանձեմին: Ամեն այցի նա որոշում էր հարցնել այդ, բայց Փառանձեմի սենյակը մտնելիս, անպատշաճ էր համարում սկսել դրանով, ուստի նախ ասում էր.

— Հուսամ հանգիստ ես, Փառանձեմ:

— Շնորհակալություն, արքա, — լինում էր համեստ պատասխանը:

— Այցո՞ւմ են քեզ տիկիները, թագուհին:

— Հանապազ, արքա: Շնորհակալություն:

— Գուցե ցանկաս, որ քեզ այցեն բարեկամներ մայրաքաղաքից կամ այլ վայրից: Ասա, հղենք հրավեր:

— Շնորհակալ եմ, արքա: Հուսով եմ, որ իշխան-հայրս և իշխանուհի-մայրս ժամանեն շուտով: Անհամբեր եմ նրանց գալուն:

Ինչպես առաջ, այնպես էլ այդ այցերին Արշակին հաճելի էր թվում Փառանձեմի ձայնը և խոսելու կիրթ ձևը, և նա նորից ակամա Փառանձեմին համեմատում էր պալատական տիկիներին հետ, իրեն ծանոթ իշխանուհիների հետ, իր Օլիմպիայի հետ, և դարձյալ զարմանում, որ Գնեկի կինը գեղեցիկ է եղել այդպես: Միաժամանակ Արշակը նրա խոսքից զգում էր, որ նա առանձին մի փափագով է սպասում ծնողներին, գրեթե այնպես, ինչպես կալանավորը՝ ազատության: Իկատելով նրա այդ հոգևոր փափագը՝ Արշակը մտածում էր, թե նա հավանաբար դժգոհ է իրենից, որ իր հրավերով պատճառ եղավ Գնեկի սպանության... Գուցե և Փառանձեմը ունի չէր

մտածում, բայց Արշակին թվում էր, թե նա կամենում է շուտ հեռանալ ու սպասում է միայն ծնողներին...

Բայց ինչպե՞ս... հեռանա դեռ ոչինչ չպարզած. չէ՞ որ գաղտնիքը գիտի միայն նա. պետք է իմանալ և պարզել... այլապես ծանր կասկածները կմնան ամենքի մեջ... Եվ Արշակը մի օր հարցրեց անսպասելի.

— Դու, Փառանձեմ, անշուշտ, մտածում ես եղեռնագործի մասին Այդսի՞ս է:

— Այո, արքա: Ես հիմա այլ մտածում չունեմ, քան իմ դժբախտությունը և թե...

— Բայց եղիր հանգիստ, Փառանձեմ... ես կհայտնաբերեմ եղեռնագործին և չեմ ների: Սակայն դու ևս պետք է օգնես ինձ եղեռնագործին գտնելու:

Փառանձեմը լարվեց.

— Սակայն ինչպե՞ս, արքա:

— Եթե հիշես, թե ո՞վ շշնջաց՝ «Մի տանջիր քեզ, կունենաս առավել լավ ամուսին»... Կարծյոք այդպես են պսել: Այո՞...

— Ճիշտ այդպես, արքա: Բայց իմ սուգի մեջ ես չեմ հիշում, թե ո՞վ էր այդ անսիրտ անհոգին,— և Փառանձեմը հուզումից մեկեն բարձրացրեց գլուխը:— Աղերսում եմ, արքա, գոթի բղեռնագործին... Իսկ ինքս կառնեի Գնեիի վրեժը, սակայն ես... կին եմ: Այն, զեթ կարողանայի առատ արտասովել...

Այս խոսքերի հետ Փառանձեմի միշտ հանգիստ թարթիչները ցնցվեցին հանկարծ, և աչքերը, խաժ աչքերը փայլատակեցին անսովոր, և Արշակն այդ աչքերի մեջ զգաց թե՛ խորին վիշտ և թե՛ վճռականություն, որից Փառանձեմի դեմքըն ավելի գեղեցկացավ: Միևնույն ժամանակ Արշակին թվաց, թե այդ կնոջ մեջ կա մի թաքնված խորհրդավոր ուժ, որ չէր զգացել մինչ այդ, գուցե սուգի հետևանքով: Զգաց, որ այդ կինն իրոք կարող էր ձիավազ գալ Շահապիվան և օգնություն խնդրել վտանգված ամուսնու համար: Այդ կարող էր անել միայն իրզախ հոգին...

Մի վայրկյան Արշակը նայեց Փառանձեմի բռնկված դեմքին և ցանկություն զգաց իր հիացումը հայտնել նրան՝ այդ խիզախության համար, բայց իսկույն էլ զգուշացավ: Ու-

կայն դրան փոխարինեց ուրիշ միտք, այն, որ ինքը խոստացավ գտնել եղեռնագործին. ինչպե՞ս կարող է գտնել այժմ, երբ Փառանձեմը չի հիշում այդ խոսքերն ասողին...

* * *

Վերջապես, Գնելի մահից քսան օր անց եկավ Փառանձեմի հայրը՝ Անդոթ իշխանը՝ մենակ, առանց իր իշխանուհու. դա հիսուսն անց մի ամսակաղմ ու կորոժաքայլ տղամարդ էր. երկու օրվա մեջ նա կարողացավ կարծես սփոփել դստեր: Երբ Փառանձեմը լալիս էր իր կորուստը՝ նա գրկում էր աղքեկա գլուխը, և ճակատը համբուրելով, կրկնում.

— Մի՛, մի՛, Փառանձեմ: Լացը վայել չէ քեզ՝ Անդոթ իշխանի դստեր: Հայրդ շուտով ի հայտ կբերի եղեռնագործին և որձակոտոր կանի տոհմը նորա: Մի՛...

Արշակը, լսելով լեռնական իշխանի այդ խոսքերը, մտածում էր, որ Անդոթ իշխանը, իրոք այնպիսի մարդ է, որ ամեն ինչ կարող է անել:

Եվ ահա շուտով հայտնի դարձավ, որ լեռնական իշխանը դստեր պատմածներից հասու է եղել, որ Գնելի սպանությունը խարդավանքի հետևանք է...

Այդպես էլ նա խոսեց թագավորի հետ.

— Ես կարծում եմ, արքա, որ իմ արքայազն փեսան զոհ է խարդավանքի:

— Ծշմարիտ ես, իշխան, ճշմարիտ ես, — և Արշակը թեթևությամբ մի հոգոց արձակեց: — Եվ ես վշտացած եմ առավել, քան դու, իշխան: Ես նորան հրավիրեցի տոնին... Ով կարող էր ենթադրել այսօրինակ եղեռն...

— Սակայն, արքա, ինձ կոչում են Սյունյաց Անդոթ իշխան: Ես հասու կլինեմ ճշմարտության և կպատուհասեմ եղեռնագործին՝ ո՛վ և լինի: — Նա լռեց՝ շունչ առնելու: — Ներիր ինձ, արքա, այս խոսքերիս համար և թույլատրի՛ր այդպես վարվելու:

— Ես արտոնում եմ քեզ, իշխան: Վարվիր այնպես, ինչպես կամենաս, — ասաց Արշակը շեշտով և ակամա նայեց Սյունյաց տիրոջ թուխ, խոշոր, հրաբորբ աչքերին, որոնց մեջ

զայրույթից ավելի փայլատակում էր վրեժխնդրության կամ-
քը՝

— Շնորհակալ եմ, արքա։ Քո արտոնությունը արքայա-
կան՝ սփոփում է իմ վշտացած սիրտը։

Թագավորը կամեցավ իմանալ, թե իշխանը ո՞ւմ է հա-
մարում այդ եղեռնը կատարող կամ ո՞ւմ է կասկածում, ան-
շուշտ Փառանձեմի պատմածների հիման վրա։ Բայց սպա-
սեց, որ իշխանն ինքը հայտնի... Արշակը նույնիսկ բնական
էր համարում, որ զրույցի ընթացքը հանգեր դրան։ Սակայն
Անդոքը չասաց ոչինչ։ Նա հավանաբար ցանկանում էր
առայծմ գաղտնի պահել այդ, կամ՝ գուցե մտածելով, որ եթե
թագավորն իմանար ո՞վ է ոճրագործը, գուցեև հարուցեր որևէ
արգելք...

Իշխանի ծածկամտությունն այսպես բացատրից Արշակը,
միաժամանակ ենթադրելով. թե իշխանն ինքն էլ հավանա-
բար չգիտի ոճրագործի ով լինելը, այլ միայն որոնում է...

Սակայն եղեռնագործին երկար փնտրելու հարկ չեղավ։

* * *

Այդ օրերին էր ահա, որ մի գիշեր Վարդ իշխանի տանը
անսպասելի հայտնվեց արքայազն Տիրիթը, և նրա առաջին
հարցումը եղավ Վարդին, թե ինչպե՞ս է ապրում Փառանձեմը։

Վարդը պատմեց ինչ գիտեր. ապրում է հատուկ հարկա-
բաժնում. սպասավորում են նրան մի դայակ և նա իշխանի...
Մխիթարելու համար ամեն օր նրան այցում են պայուսուկան
տիկիներ, երբեմն նաև թագուհին ու թագավորն ինքր... Իսկ
վերջերս եկել է և հայրը՝ Անդոք իշխանը Բյուզանդիայից։

— Միով բանիվ, արքայազն, Փառանձեմն այստեղ ամեն-
թի կողմից վայելում է խնամք ու սփոփանք, — ավստիեց իր
բացատրությունը Վարդը։

Բայց դա ակներև չգոհացրեց Տիրիթին, նա ցանկանում էր
իմանալ ավելին. Փառանձեմի կյանքի, ապրումների, նույ-
նիսկ ապրուստի մանրամասն նկարագրությունը... Վերջապես
նա ասաց և այն, թե կկամենար անձամբ խոսել Փառանձեմի
հետ և ասել Շնորհան սփոփիչ, հուսաբեր խոսքեր... Հնարա-
վո՞ր է այդ... Նա այդպես էլ ասաց։

— Կարո՞ղ եմ, իշխան սիրելի, գնալ պալատ,— հետաքրքրվեց նա այնուհետև:

Այս խոսքերից Վարդ իշխանը թարթեց աչքերը. նրա գրկով տարրեր մտքեր անցան. կարծես կոհհեց ինչ-որ, հանգարտ քորեց խոյաքիթը, ինչ անում էր, ըստ սովորության, գծվար խնդրի առաջ լինելիս, և ապա հարցրեց.

— Ունե՞ս կարևոր ասելիք, արքայազն:

— Կարևո՞ր: Այո... կարի կարևոր:

Վարդը, զգալով նրան պալատ կամ Փառանձեմի մոտ տանելու գծվարությունը, ասաց.

— Ասելիքդ, արքայազն, թերևս հանձնարարե՞ս ինձ:

Տիրիթը գլուխը կախեց մտածումների մեջ. ասես կշռադատում էր անելիքը, և անսպասելի հայտնեց, թե իր պալատ մտնելու ցանկությունն ու նպատակը այն է, որ տեսնի Փառանձեմին, և զրուցի հետը... կարևոր, շատ կարևոր խընդրի մասին:

— Սակայն, արքայազն, նա քառասունքի մեջ է տակավին,— ասաց շփոթված, զարմացած Վարդը, կամենալով մի բանով անկարելի դարձնել այդ տեսակցությունը, զգալով դրա գծվարությունը:

Տիրիթը հառաչեց.

— Օ՛հ, գծվարին է սպասել մինչև քառասունքը: Իսկ քառասունքից հետո եթե հանկարծ...

Եվ Տիրիթը, խոսքը շավարտած, հարցրեց, թե արդյոք որևէ մեկը ցանկություն չի՞ հայտնել Փառանձեմի հետ ամուսնանալու... կամ՝ հայրը մտադիր չէ՞ տանել նրան... դուցեև որևէ իշխանիկի տալու... Չէ՞ որ կարգ է այրիացած կինը քառասունքից հետո, սգահան լինելով, կարող է ամուսնանալ...

Ահա ինչու է ցանկանում տեսնել Փառանձեմին:

Վարդը նորից քորեց քիթը:

— Մի այդպիսի տեսակցության համար պետք է խնդրել հավանաբար արքայի թույլտվությունը, արքայազն,— ասաց նա մտածումների մեջ:— Եվ պետք է խնդրես ինքդ, արքայազն: Իսկ ես, ինչպես և անցյալ անգամին, պարտքս կհամարեմ՝ խնդրել արքային, որ ունկնդրի քեզ:

— Բարի, իշխան: Սակայն կուզեի, որ դա լիներ կարելի-

վույն շուտ: Կիւ: փաղերի այսօր իսկ տեսնել Փառանձեմին,
այլապէս հայրը կարող է տանել նորան...

Եվ ահա հետեւյալ իսկ օրը, երբ Արշակը անցուդարձ էր
անում իր ընդունարանում՝ հուզված ու դժգոհ, որ դեպքերը
խանդարնցին Ավանի գործով զբաղվելու և, քանի ձմեռը չէր
եկել, մի անգամ ես այնտեղ գնալու, կամ՝ պարտազանց նա-
խարարներին մի կերպ պատժելու, նիրս մտած Վարդ իշխանը
և ըստ ընդունված կարգի թեթև խոնարհում անելով ու ձիգ
կանգնելով, հայտնեց հանդարտ.

— Արքայազն Տիրիթը, արքա, խնդրում է քո տեսությունը:

— Տիրիթը, — զարմացավ թագավորը: — Նա այստեղ է,
մայրաքաղաքում:

— Այո, արքա, — թագավորի դարմանքի վրա տարուկու-
սեց Վարդը: — Ժամանեց երեկ և իջևանեց իմ տանս:

Արշակը լռեց ու կծկած աչքերով նայեց Վարդին, ասես
առաջին անգամն էր տեսնում նրան՝ զննաբար:

— Եվ ցանկանում է ի՞նչ, — հետաքրքրվեց Արշակը:

Թագավորի սառը խոսքի եղանակը շփոթեց Վարդին. նա
պահ մի գլուխն իջեցրեց, ասես խորհում էր, թե դրա՛ւից հե-
տո արժե՞ր ասել այն, ինչի համար է տեսություն խնդրում
Տիրիթը:

— Զրուցիր, իշխան: Ինչո՞ւ հապաղեցիր:

— Ներիր, արքա, գուցե և ճշտիվ չբանաձևեմ արքայազն
Տիրիթի: Գանկությունը: Թերևս սխալվեմ...

— Խոսիր, ինչպէս կարող ես, — ասաց թագավորը շոր,
բայց հետաքրքրված:

— Արքայազն Տիրիթը, արքա, ցանկանում է քո արքա-
յական թույլտվությունը...

Վարդը դարձյալ հապաղեց:

— Ինչո՞ւ համար սակայն: Խոսիր, իշխան, լիաթերան:
Ի՞նչ թույլտվություն է արքայազնի խնդրածը:

Այս անգամ իշխանը չէր կարող չպատասխանել և ասաց.

— Արքայազն Տիրիթը, արքա, ցանկանում է քո բարեհաճ
թույլտվությունը՝ արքայազն Գնելի այրիին տեսնելու, —
արագ-արագ խոսելով՝ գլուխն իջեցրեց Վարդը, ասես ամո-
թից, որ միջնորդում է այդպիսի բանի համար: — Նա անչափ

խղճում է իշխանուհի Փառանձեմին, ուստի իր պարաքն է համարում...

— Իր պահրաբը,— ընդմիջեց թագավորը։— Իսկ ո՞ւր էր մինչ այժմ։ Ինչո՞ւ այսքան ուշ է գալիս իր հարազատին մխիթարելու։

— Հարմար չի նկատել, արքա,— հորինեց Վարդը, ցանկանալով արդարացնել Տիրիթին, բայց թագավորի փորձող հայացքի ներքո ստիպվեց լինել անկեղծ և հայտնեց Տիրիթի գալու նպատակը։

— Վստահ է եղել, որ պալատում խնամով կախեն Փառանձեմին, բայց այժմ, երբ քառասունքը լրանում է՝ անհանգիստ է։

— Եվ ինչո՞ւ։

— Երկյուղ ունի, թե հանկարծ Փառանձեմը քառասունքից հետո ամուսնանա ուրիշի հետ, թե ծնողները կնության տան որևէ մեկին...

— Եվ դա անհանգստացնո՞ւմ է նորան։ Ինչո՞ւ, կամենում է երևի ի՞նքը ամուսնանալ։ Այո՞...

Վարդը գլուխն իջեցրեց. նա չիմացավ ի՞նչ ասել և լռեց։ Բայց Արշակը շարունակեց.

— Կամենո՞ւմ է ինքը կնության առնել նորան։ Զրուցիր, իշխան։

— Կարծյոք,— շնչաց Վարդը։

— Այդպե՛ս... Այդ որոշումը նա ընդունել է ա՞յժմ, թե վաղուց...

Արշակը շեշտ նայեց Վարդին, սպասելով նրա պատասխանին։

Բայց որովհետև Վարդը չկարողացավ իսկույն պատասխանել, Արշակը ելավ տեղից։

— Պարզ է, իշխան։ Պարզ և հասկանալի,— ձայնը բարձրացրեց թագավորը։— Ուրեմն՝ նախ զրպարտեց նուրա՛ն իմ առաջ, ապա ոճիր նյութեց, որ կնության առնի Գնելի այրո՞ւն...

Վարդն անշարժացավ։ Իսկ թագավորը ձայնն ավելի բարձրացրեց.

— Քսությամբ, դավով սպանել տվեց Գնելին՝ նրա կնոջը տիրանալո՞ւ համար։ Կալանե՛լ անմիջապես եղեռնագործին

և հասե՛լ գլուխը, որ հարազատիտ արյան մեջ մեղապարտ բարձրացրեց ինձ:

Վարդի երեսը դողաց. նա երբեք թագավորին չէր տեսել այդպես զայրազնած ու ահավոր. և ակամա խոնարհում արավ:

— Հրամանդ օրենք է, արքա, — ասաց մեքենաբար, խորհելով, թե հնարավոր չէ արդյոք մեղմել թագավորի ցատումը կամ բացատրել մի ինչ:

Բայց Արշակը, որ խոժոռ ու զննաբար նայում էր Վարդին, շեշտեց ավելի ուժգին.

— Գնա՛ և նորան հանձնիր անմիջապես Երազմակին:

Երազմակը արքայի դահիճն էր...

Վարդը, գունատված, քայլեր արավ դուրս գնալու, բայց չազիվ հասել էր դռներ, թագավորը ձայնեց.

— Սպասի՛ր, իշխան:

Վարդը ետ դարձավ. թագավորը մթնել էր ավելի:

— Ասա ինձ, իշխան, — սկսեց նա փոխված՝ սուր ձայնով: — Ինչպե՞ս էր նա հայտնվել այնտեղ: Ես նորան չէի հրավիրել...

Վարդը լռեց: Ասեր՝ հրավիրել է ինքը... թագավորը չէր ների. նա չէր արտոնել... Ուստի՝ լավագույն էր լռել, ու լռում էր: Իսկ թագավորը սեեռուն նայում էր իրեն:

— Սակայն ինչպե՞ս էր հանդգնել գալ: Ասա՛, իշխան, — շարունակեց նա զայրույթը զսպած: — Գուցե ինքդ ես հրավիրել... Դու այնքան մտերիմ ես նորան... միշտ իշնանում է տանդ...

Թագավորի խոսքերի մեջ Վարդն զգաց դառը հեզնանք և շառագունեց:

— Եկել էր, արքա, թերևս հետաքրքիր լինելով... — խոսեց նա վերջապես, մի ոտից հենվելով մյուսի վրա:

— Սակայն ինչո՞ւ շնորհայացավ ինձ, ինչպես կարգն է, — նայեց Արշակը իր կնքապահին սեեռուն մի հարցով:

Բայց Վարդը այս անգամ աչքերը խոնարհեց հատակին և չկարողացավ պատասխանել:

Թագավորը, որ շարունակում էր նայել նրան, երեսը շրջեց մեկնն.

— Կարո՞ղ ես գնալ...

Նրա գնալուց հետո սակայն թագավորը, կասկածելով ինչոր, հրամայեց՝ կանչել իսկույն Երազմակին, և երբ նա ներկայացավ իր ահեղ ոսկրապինդ մարմնով՝ կարգադրեց.

— Արքայազն Տիրիթը գտնվում է Վարդ իշխանի տանը: Կալանի՛ր անմիջապես և հատիր գլուխը:

— Հրամանիդ ծառան, արքա,— և Երազմակը իր ահագին կոպիտ մարմնով, ցուլի իր վզով խոնարհվեց մինչև հատակի գորգը մի այնպիսի գոհունակ շարժումով, ասես համեղ պատառ էին շնորհել նրան:

Բայց անցավ մի քանի օր՝ չսվեց ոչինչ... Տիրիթը չբացել էր, նրա հետ և Վարդ իշխանը: Հինգ օր հետո միայն թագավորին լուր բերին, թե ձիավազ փախչող Տիրիթին սպանել են Բասենի անտառում:

— Ապացո՞ւյց,— կասկածեց թագավորը:

Հազարապետը պատասխանեց.

— Գլուխը Երազմակի մոտ է:

— Իսկ տմարդն Վա՞րդը:

— Նույնպես ընկել է նետահար...

Արշակը թեթևացած շունչ քաշեց...

* * *

— Եղեռնագործը պատժված է, Փառանձեմ,— ասաց Արշակը մյուս օրը նորատի այրու հարկաբաժինը մտնելով:— Այն վատ հոգին, որ նյութեց Գնելի սպանությունը՝ չկա այլևս:

— Տիրիթը ապիրա՞տ,— տրորվեց Փառանձեմը, որ այսօր իսկ դայակից լսել էր Տիրիթի սպանությունը:

— Այո, նա, ապիրատն ինքը,— և թագավորը զննաբար նայեց Փառանձեմին և հարցրեց:— Կարծյոք նա՞ էր մարդ հղել Գնելի թաղման օրը, թե «մի տանջիր քեզ»... Այդպե՞ս է:

Փառանձեմը զարմացավ, որ թագավորը չի մոռացել այդ խոսքերը և ասաց ինչպես առաջ, թե չի կարող պնդել, սակայն մեկն իրոք ասել էր իրեն այդ խոսքերը: Ինչ վերաբերում է Տիրիթին՝ ինքը նկատել էր, որ նա թեև բարեկամ էր ձևանում, բայց բարեհաճ չէր դեպի Գնելը:

— Այդպես,— գլուխը շարժեց Արշակը:— Իսկ օրեր առաջ

անարգը մեկի միշտցով իմ թույլտվությունն էր խնդրում՝ կնության առնել քեզ։ Դու այդ կցանկանայիր, Փառանձեմ...

Փառանձեմն ասես սարսուռ զգաց ու կծկվեց։

— Այդ հարցումն անգամ վիրավորում է սիրտս, արքա,— առաջին անգամն էր, որ Փառանձեմը, գուցեև ակամա, համարձակ խոսեց թագավորի հետ։— Լինե՛լ նորա կիներ... Գնե՛լից հետո՞... անե՛ծք և նզո՛վք,— շարունակեց նա արդեն հուզված և, հանկարծ, փղձկալով փարվեց թագավորի թևին, շփտեա երախտագիտությո՞ւն թե շնորհակալություն հայտնելու համար, որ ամուսնու վրեժն առնված է։

— Այսուհետ արտասովել մեղք է, Փառանձեմ,— և Արշակը մեղմաբար, ինչպես հանգստացնում են լացող երեխային, շոյեց Փառանձեմի փոքրիկ ճերմակ ձեռքը, որ հանգչում էր իր թևին։— Այժմ ոչ թե լառ պիտի, այլ ուրախանա, որ ոճրապարտը չկա։ Ինքս ցավում եմ անշափ, որ եղեռնագործը արքայազն է և Արշակունի... Նա արատավորեց Արշակունի անունը, տոհմը, ինձ... ամենիս... Սակայն գոհանանք, որ ստացավ արարքին արժանի մահ... Կատարվածը համարենք անցած, Փառանձեմ։ Դու տակավին երիտասարդ ես, և կյանքը քեզ իրավունք չի տա սուգի մեջ մնալու։

Այս անգամ Փառանձեմը թողեց թագավորի թևը, և տկանացեց և զույգ ձեռքերով ծածկեց երեսը։

— Այդպես, Փառանձեմ, իմացիր, որ երիտասարդ ես,— կրկնեց Արշակը և, Փառանձեմին մոտենալով, շոյեց նրա ուսը, ապա գահավորակին նստեցնելով, ինքն ևս նստեց նրա կողքին։— Խորհիր, որ երկար կյանք կա առջևդ։ Իսկ վիշաքը նման է ժանգի, որ մաշում է մարմինը և թունավորում հուրին։ Եվ հարկ չկա, որ ապրես փակված։ Ել երբեմն և ղնա տիկիների մոտ, թագուհու մոտ։ Ինձ հայտնեցին, որ հրաժարվում ես հրավերներից։ Իզո՞ւր... միայնությունը ծանրացնում է վիշաքը։

Փառանձեմը սեեռուն նայում էր մի կետի։

— Հուսամ՝ պիտի հետևես խորհրդիս։

Փառանձեմը լուռ էր։

— Ես կխնդրեմ նանա իշխանուհուն, որ իր խնամքը շնվագեցնի քո հանդեպ, և դու լսիր նորան, զի նա խոհեմ և փորձ կին է։

— Այո, արքա: Գորովագու՞թ, ինչպես մայր:

— Ուրեմն եղիր հանգիստ, մանավանդ այստեղ է իշխան-հայրդ,— շարունակեց Արշակը:— Այդպես, Փառանձեմ. շմեր-ժես արքայի խորհուրդները,— և թագավորը կրկին շոյից Փառանձեմի ուսը, որպես հրաժեշտի նշան, և դուրս եկավ թիկնոցի քղանցքը բռնած:

Մենակ մնալով՝ Փառանձեմը նախ գոհունակության զգացում ունեցավ, որ Գնեկին սպանողը չկա, որ շարն ընկավ շար մահով... և դրա համար նա իրեն երախտապարտ էր զգում թագավորին: Բայց դրա հետ նրան պաշարեց մի զարմանք. մի՞թե այդքան ստոր է եղել Տիրիթը... Ապա հիշեց, որ Կալաշում թե այլուր, երբ միասին էին լինում, Տիրիթն իրեն նայում էր օտարոտի նայվածքներով, միաժամանակ ուշադիր ու պատրաստակամ, կամենում էր զրուցել շարունակ, անև կատակներ և ուրախ պատումներ... Բայց մի՞թե այդ նայվածքի, ժպիտների ներքո թաքնված են եղել ցանկասիրություն և ոճրածին մտքեր... Փառանձեմի զարմանքն ավելանում էր մանավանդ, երբ հիշում էր Գնեկի թաղման օրը լսած խոսքերը. «Մի տանջիր քեզ, կունենաս առավել լավ ամուսին»... Փառանձեմը հիշում էր, որ այդ օրը Տիրիթը կանգնած էր իւր գլխավերև. բայց մի՞թե այդ խոսքերն ասողը Տիրիթն էր, թե մի ուրիշը՝ նրա թեկդրությամբ...

Հիշելով այս ամենը՝ Փառանձեմը տանջվում էր ինչպես Գնեկի թաղման օրը.— Ա՛խ, եթե ինքն զգար, կռահեր Տիրիթի ցանկությունը՝ Գնեկին երբեք չէր թողնի մնալ նրա հետ մի շենքում, թեկուզ մի վայրում... Ու երկար մտածելով այս մասին՝ նա եզրակացնում էր, թե ճիշտ է ուրեմն, որ Գնեկի մահվան պատճառն ինքն է, իր գեղեցկությունը... Եվ այդ մտքից նրա սիրտը սեղմվում էր. թվում էր՝ արյունը կանգ է առնում՝ երակներում: Բայց այս ամենի հետ միասին հիշելով թագավորի այսօրվա հայտնությունը՝ գոհանում էր, որ մարդասպանը պատժված է:

Իսկ Արշակը, Փառանձեմի սենյակից հեռանալով, դարձյալ մտածում էր նրա գեղեցկության վրա. «Եթե վշտի մեջ տեսոք է այսքան, հապա երբ մոռացվի վիշտը՝ որքա՛ն կլինի առավել», կրկնում էր վաղուց ասած դարձվածքը և մոռացում նորից, որ Փառանձեմին չպետք է թողնել սուգի մեջ...

Ու Տիրիթի սպանությունից հետո թագավորն ավելի հաճախացրեց այցերը: Լսելով այն ամենօրյա զեկույցները, որ տալիս էին հազարապետը տուրքերի ու գանձումների մասին, Հայր-Մարդպետը՝ արքունի կալվածքների կամ պալատի մեջ ու նրա շուրջը կատարված դեպքերի մասին, Վասակ սպարապետը՝ սահմանների և զենքի վիճակի մասին և այլ երկրորդական զեկույցներ, Արշակը, փոխանակ պալատից դուրս գալու և զբոսանքի գնալու, ինչ առում էր սովորաբար,— այժմ շատ անգամ, երկու-երեք օրը մեկ, թիկնոցն ուսերին քայլերն ուղղում էր Փառանձեմի հարկաբաժինը, երբեմն իր զայր նախապես չիմացնելով. ու եթե այդ պահին Փառանձեմի մոտ լինում էին պալատական տիկիներ, կամ՝ մեկը նրանցից,— դրանք անխոս վեր էին կենում, գլուխ իջեցնում և անխոս հեռանում: Վայել չէր թագավորի այցի ժամանակ լինել ներկա... Բայց մի քանի անգամ ներկա էր եղել Անդոք իշխանն ինքը... Մտնելով ներս, Արշակը, Փառանձեմին աղջուհեղով, նստում էր նրա դիմաց և հետաքրքրվում նրա առողջության մասով, ապա խոսում նրա անցյալից, Բյուզանդիայում անցրած օրերից:

Փառանձեմը պատասխանում էր շառագունելով, որ թագավորը, պետական գործերը թողած, զբաղվում է իրենով, կամենալով սփոփել իր վիշտը... Ամաչում էր, որ ինքն այդքան հոգս է պատճառում նրան և առհասարակ ամենքին՝ պալատական կանանց և Օլիմպիա թագուհուն: Մտնելով այն՝ նա լցվում էր երախտագիտության զգացմունքներով, ուր և արտահայտում էր երբեմն մեկ-երկու զուսպ բառով.

— Շնորհակալություն, արքա:

Զրույցելիս թագավորը երբեմնակի ուշով նայում էր Փառանձեմի դեմքին, կրծքին, կամ՝ ելնում էր տեղից և թիկնոցն ուսերին գնում-գալիս, ըստ սովորության երկար ոտքերը պինդ դնելով, ապա մեկին կանգ առնելով, կրկն չոպերն իրար բերած, նայում էր երիտասարդ այրիին, և ամեն առիթով մի նոր զարմանալի գեղեցիկ գիծ նկատում նրա պնդին, շարժումների մեջ, անգամ նրա տիրամած աչքերի հայացքում: Նայում էր և դարձյալ զարմանում նրա դեմքի համալսփ գծերով, կիրթ շարժումներով: Նայում էր և միշտ զգում, որ Փառանձեմի գեղեցկությունը լրիվ չի բացվում վշտի հե-

տեանքով, Եվ մի օր էլ մտածեց, թե արդյոք լա՞վ չէր լինի, նրա վիշտը մեղմելու համար, Փառանձեմին զբաղեցնել այլ բաներով... Եւ հետեւյալ այցին Արշակը բերեց նրան մի ոսկե բազպան, որը ուներ երկու մատ լայնություն՝ վրան թռչունների փորագրած:

Փառանձեմն, այդ տեսնելով, շառագունեց. բայց ինչպե՞ս կարելի էր մերժել թագավորի նվերը: Ընդունեց ու դրեց կողքին՝ գահավորակի բարձին: Որքա՞ն վայել էր սուգի մեջ ուրախանալ նվերով...

— Կապիր, Փառանձեմ, և ստուգիր՝ հարմա՞ր է արդյոք, — առաջարկեց Արշակը և, նկատելով նրա հապաղումը, ինքն առավ բազպանը և կապեց Փառանձեմի գիրգ դաստակին:

Եվ Փառանձեմը շքեղիմացավ ամոթից, պատկառանքից. — Ինչպե՞ս հակառակել արքայի ցանկության...

— Այսպես, — ասաց Արշակը, բազպանի փակը միացնելով. — Կցանկանայի, որ միշտ կրես, Փառանձեմ:

Փառանձեմը դարձյալ համակերպեց և բազպանը ոչ միայն հանելու, անգամ նրան շոշափելու շարժում իսկ չարեց: Իսկ Արշակը, արածից գոհ, բռնեց Փառանձեմի բազպանով ձեռքը ու շոյեց այն մեկ-երկու անգամ: — Կրիր, Փառանձեմ...

Փառանձեմը, որքան էլ սուգի մեջ, իրեն շոյված զգաց թագավորի ուշադրությունից:

Եվ Արշակն այդ օրվանից Փառանձեմին սուգից հանելու խնդիրը դարձրեց հոգացողության առարկա. շարունակ մտածում էր, թե ի՞նչ կարելի է անել նրա վիշտը մոռացնելու համար... Մի օր էլ, երբ նա խորհում էր այդ մասին, հայտնեցին, թե արքայահոր սենեկապետը եկել է Կավաշից՝ Տիրան արքայի հանձնարարությամբ և ունկնդրություն է խնդրում:

— Հրավիրել:

Եկավ թավ քնչացքով և ծոված կողքով այն ձեռունի սենեկապետը, որ շատ առաջ վարդ իշխանին Կավաշում առաջնորդեց արքայահոր մոտ: Տեսնելով հոր ծանոթ սենեկապետին և առնելով նրա ողջույնը՝ Արշակը հետաքրքրվեց.

— Ի՞նչ է ցանկանում արքահայրը:

— Արքայահոր ցանկությունը պարզ է, արքա: Նորից ցանկանում է այն, ինչ անցյալ անգամ:

— Ա՛յն է:

— Որ հանգուցյալ արքայազն Գնեւի դժբախտ այրիին ուղարկես Կավաշ, Թագավորահայրը...

— Իսկ ինչպե՞ս է թագավորահայրը, — քնդմիջեց Արշակը:

— Վատթար, քան երբէէ: Շարունակ կրկնում է, որ Գնեւը զո՞հ եղավ խարդավանքի: Սուգ է անում և նզովում այն օրը, երբ Գնեւը գնաց Շահապիվան... և այժմ վշտացած է անցյալ անգամի մերժումով: Սակայն հիմա վստահ է, որ իր ցանկութունը կկատարվի: Այսպես հրամայեց ասել, արքա:

Նկատելով թագավորի հապաղումը՝ ժեր սենեկապետը շարունակեց.

— Թագավորահայրը ցանկանում է, արքա, անձամբ մխիթարել իր հարսին և մեռած Գնեւի կարոտն առնել նրանից:

— Սակայն այնտեղ հազիվ թե կարելի լինի մեղմել նրա վիշտը, — խոսեց Արշակը մտասույզ աչքերը հոր սենեկապետի վրա դարձնելով: — Գալով իր ապրած վայրը և, մնալով մենակ, շե՞ս կարծում նրա վիշտը նորոգվի ավելի: Իսկ այստեղ իշխանուհի տիկի՞նքները հանապաղ այցում են նրան և հսկում նրա առողջութիւնը:

— Մի՞թե Փառանձեմ իշխանուհին հիվանդ է, — զարմացավ սենեկապետը:

— Այո, — վրա բերավ Արշակը տխրաշեշտ, և զո՞հ եղավ, որ ինքնաբեր եկավ հիվանդութեան միտքը:

— Հիվա՛նդ, — կրկնեց ծերունին: — Այդ պարագային հարկավ անկարելի է: Հարկա՛վ: Հիվանդութեանը իրազեկ չէր թագավորահայրը: Այդպես կարելի չէ, հարկավ:

Ծերունի սենեկապետը խոնարհում արավ՝ ձեռքը սրտին դնելով և դուրս եկավ ետ-ետ գնալով:

Թագավորահոր սենեկապետի գնալուց հետո Արշակը դնաց Փառանձեմի մոտ:

— Կկամենայի՞ր, Փառանձեմ, գնալ Կավաշ, — հարցրեց նա սովորական բարեխառսքից հետո:

Փառանձեմը իր խոշոր աչքերի ուշիմ հայացքով փութանցիկ նայեց թագավորին և գլուխն իջեցրեց անմիջապես. նա ասես հանկարծակիի եկավ. թագավորի հարցումն անակնկալ էր իր համար ու մտածեց, թե գուցե և թագավորը ձանձրացել է և... կամենում է ազատվել իր ներկայութիւնից...

— Եթե արքայի կամքն է. կարող եմ մեկնել հարկավ...

— Ոչ, Փառանձեմ, ոչ,— ընդմիջեց Արշակը:— Ես միայն խորհում եմ, թե գուցե ունենաս նման փափագ:

— Ոչ, արքա: Գնալ նորից այն վայրերը և հիշել, որ... ծա՛նր է, արքա: Ընդհակառակը, կցանկանայի, արքա, շուտով գնալ մորս: Բույրերիս ու եղբայրներիս մոտ:

— Բյուզանդիո՞ն...

Ինչպես Կավաշը Փառանձեմի համար, այնպես էլ այս Բյուզանդիոնը անակնկալ եղավ Արշակի համար, և սա մտածումների մեջ ընկավ:

— Բյուզանդիո՞ն,— կրկնեց Արշակը, նայելով Փառանձեմի խոնարհած աչքերին, որոնց երկար թարթիչները դողում էին: ~~Գոյ~~ պահին:— Ինչո՞ւ սակայն, մի՞թե քեզ տհաճ է այստեղ ~~փա՞մ~~... գուցե անուշադիր են,— հարցրեց թագավորը հետաքրքիր նայելով գլխահակ Փառանձեմին:

— Բնավ, արքա: Հեկառակը: Այստեղ անշափ ուշադիր են և սիրում են ինձ թե Օլիմպիա թագուհին, թե տիկիները իշխանազուն: Սակայն կփափագեի լինել հարազատներիս մոտ...

— Բյուզանդիոն մեկնել այս ձմռա՞նը, երբ ծովային ու լեռնային ճանապարհները փակ են: Իշխան Անդոքը հագիվ հաջողել է գալ, մեծամեծ վտանգների հաղթահարելով: Իսկ դու ինչպե՞ս...

Փառանձեմը գլուխն իջեցրեց:

Արշակը մոտեցավ և զգուշարար բարձրացրեց նրա ճակատը:

— Մի կարծիր, Փառանձեմ, թե արգելում եմ քեզ այդ ճանապարհորդությունը,— ասաց նա:— Բնա՛վ: Կուգեի մնաս առաջժմ, մինչև անցնեն ցրտերը խստաշունչ:

Ընդունված չէր առարկել թագավորի ցանկություն, ուստի և Փառանձեմը նորից իջեցրեց գլուխը:

Երբ Արշակը դուրս եկավ Փառանձեմի հարկաբաժնից և գնաց միջանցքով, նրան հետևեց նրա զինակիրը, որ միշտ կանգնում էր այն դռան առաջ, ուր լինում էր թագավորը: Քայլում էր Արշակը դեպի գահական տաճարը և մտածում, թե ինչո՞ւ է արգելք Փառանձեմը ցանկանում մեկնել Բյուզանդիոն: Մի՞թե նեղվում է պալատում կամ ձանձրանում շրջապատից, թե հայրն է դրդում գնալու, չկամենալով հյուր մնալ

երկար... Ինչ էլ լինե՞ր սակայն՝ Արշակին թվում էր, որ եթե Փառանձեմը մեկնի ոչ թե միայն Բյուզանդիոն, այլ որևէ վայր առհասարակ... Եթե անգամ դուքս գա քաղաքից, պալատը կամայանա, նա կզրկվի մի...

Արշակը դժվարանում էր ասել ինչից, բայց զգում էր, որ սլալատից կպակասի մի... հաճելի բան:

Անկախ դրանից՝ նա կարծում էր, թե այժմ, քանի դեռ ձմեռ է, Փառանձեմը չի կարող մեկնել, ուստի պետք է ընդդիմանալ...

«Իսկ եթե Անդոք իշխանը ցանկանա», — մտածեց Արշակը: — Եթե ցանկանա՝ այնժամ կխորհենք անհրաժեշտը»...

Նույն օրը, երբ պալատի բոլոր լույսերը վառված էին և խաղաղություն էր ամեն կողմ, Արշակը կանչեց իշխան Անդոքին և ասաց.

— Իշխան, ես կարի անհրաժեշտ խնդրանք ունեմ առ քեզ և հուսամ չես մերժի:

— Պատրաստ եմ կատարելու, արքա, եթե միայն իմ ուժերից վեր չէ և եթե ի վիճակի լինեմ, — ասաց Անդոքը ականերև զգուշությամբ:

— Համեստությունը պատիվ է բերում քեզ, իշխան: Բայց ես խորհում եմ, որ իմ ավագներից և ոչ մեկը ի վիճակի չէ կատարել խնդրանքս այնպես, ինչպես դու՝ իշխանդ Սյունյաց: Քո րազմափորձությունը և խելամտությունը առհավատչյա եմ:

Անդոքի դեմքը պայծառացավ. նա ականերև շոյված զգաց իրեն և հարցրեց.

— Իսկ ի՞նչ է առաջարկում իմ տեր արքան:

— Մի առաքելություն դեպի Վրաստան, — և Արշակը ուշով նայեց Անդոքի խառն ծիրերով ծածկված դեմքին, ասես ստուգելու համար իր խոսքերի տպավորությունը, և որովհետև իշխանի դեմքը շունեցավ ո՛չ զարմանքի, ո՛չ դժգոհության երևելան, նա շարունակեց. — Նավասարդի տոնին վրաց արքունիքը հղել էր ինձ ընծաներ և ողջուններ, այժմ կամենում եմ փոխադարձել:

— Բարի է, արքա, — ասաց Անդոքը ճերմակող, խառն գույն իջեցնելով, որ նշան էր, թե ընդունում է թագավորի հանձնարարությունը:

Եվ մյուս օրն իրոք նա ընծաներով և թիկնապահների մի հեծյալ խմբով ճանապարհ ընկավ դեպի Վրաստան:

«Այժմ Փառանձեմը չի շտապի մեկնելու... Նա կսպասի մինչև հոր վերադարձը», — մտածեց Արշակը գոհունակ շրջելով իր ընդունասրահում:

ԳՐՈՒԽ ՎԵՅԵՐՈՐԴ

Ընթերցողը վաղուց երեի զգում է, որ վեպի այս միջանկյալը երկարում է... Բայց դա հեղինակի մեղքը չէ, դեպքերն այնքան կարևոր են, որ հնարավոր չէ անտեսել կամ պատմել ավելի հակիրճ, մանավանդ որ դժգոհ նախարարներն իրենք շարունակ ակնարկում են անցյալի այդ իսկ դեպքերը:

Մի փոքր համբերություն և հեղինակը կավարտի այս երկար միջանկյալը:

Շարունակենք ուրեմն որտեղից պետք է:

Անդոք իշխանի մեկնումն իհարկե աննկատ չմնաց: Ընդհակառակը, առիթ տվեց բազմատեսակ զրույցների: Ավագները, պալատականները, մանավանդ պալատական կանաչք, իրար հանդիպելով, հարցնում էին միմյանց.

«Ինչու է մեկնել... Ի՞նչ առաքելություն»:

— Ընծաներ է տարել վրաց թագավորին:

— Ընծանե՛ր...

— Բայց չէ՞ նա եկել էր դստերը Բյուզանդիա տանելու: Ինչու՞ ալթան նրա՛ն է հանձնարարել այդ առաքելությունը և ոչ մեր ավագներից մեկին:

— Հավանաբար թագավորը նրան ևս կամենում է դարձնել ավագ պալատական:

— Սս... — գլխով էին անում խոսակիցները և լռում:

Բացի հազարապետ Գավիթ Գնունուց, որին թագավորը հայտնել էր այդ մասին, մյուս բոլոր ավագները դժգոհ էին, որ վրաց թագավորին ընծաներ տարել է Անդոք իշխանը. ուրեմն և նա ինքը կստանա վրաց թագավորի մեծագին նվերները... Ավագներից Սմբատ Բազրատունին իրեն էր հարմար տեսնում այդ առաքելության համար՝ թե՛ որպես թագադիր և թե՛ որպես մի նախարար, որ կառվածներով սահմանակից է:

Վրաստանին և գիտեր վրաց լեզուն։ Բայց ամենից ավելի դժգոհ էր Հայր-Մարդպետը. նա կարծում էր, որ ինքը ի պաշտոնն պետք է իմանար, թե ի՞նչ է անցնում-դառնում պալատում. բայց նա, ըստ սովորության, իր դժգոհությունը չէր հայտնում որևէ մեկին, այլ միայն ասում էր ինքն իր մեջ. «Համենայն դեպս պալատի կառավարիչը պիտի իմանար այդ... Ինչո՞ւ թագավորը ծածուկ է պահել ինձնից։ Պետք է խորամուխ լինել»... Նրա լեզվով «խորամուխ լինել» նշանակում էր՝ հետամուտ լինել և իմանալ գաղտնիքը։

— Տեր Հավնունի, անշուշտ, իրազեկ նս Անդոք իշխանի առաքելության,— հարցրեց նա նույն օրը արքունի որսապետին։

— Այո, տեր Մարդպետ, լսած եմ,— ասաց հսկան իրեն հատուկ բարձր, բայց ծորուն ձայնով։

Հայր-Մարդպետը շուրջը նայեց։

— Նախ գրուցենք կամաց, տեր Հավնունի,— ձայնը իջեցրեց Մարդպետը։— Ինչո՞վ նա արժանացավ այդ առաքելության... Մի՞թե ինքդ ավելի արժանի չէիր։

— Ես թագավորի գործերին չեմ միջամտում, տեր Մարդպետ,— ասաց պարզախոս Հավնունին։— Արքան երեւի հարմար է տեսել այդպես։

— Գուցե հայտնի է քեզ, թե ինչո՞ւ նորան։

— Ասել չեմ կարող, Հայր-Մարդպետ։ Իսկ ինքդ հարմար չե՞ս տեսնում մի՞թե։

— Կամաց, տեր Հավնունի. ես ուզեցի միայն իմանալ,— և Հայր-Մարդպետը լռեց մի փոքր շուրթերը լիպելով, ապա,— իսկ ի՞նչ է պատճառը, որ թագավորնիս հիմա, չասեմ որսով, այլ իր սիրած Ավանով քիչ է զբաղվում։

— Օ՛հ, մարդպետաց հայր։ Դեպքերը թողի՞ն մի՞թե, որ զբաղվի։

— Դեպքերը, այո, խանգարեցին, անշուշտ,— համաձայնեց Հայր-Մարդպետը և նորից հարցրեց.— իսկ ինչո՞ւ այդ Անդոք իշխանը իր դստեր չի տանում Բյուզանդիա։ Կարծյոք եկած էր դրա համար, այնպես չէ՞։

— Եվ այդ մի՞թե անհանգստացնում է քեզ, Հայր-Մարդպետ,— զարմացավ Հավնունին պարզամտությամբ։

— Ոչ, ոչ, պարզապես հետաքրքիր եմ,— ասաց Մարդպե-

տը, մտածելով, որ թագավորը երեւի վստահութիւն չունի դեպ իր անձը, ուստի ինչ-ինչ բաներ ծածուկ է պահում իրենից:

Իսկ Արշակը սովորաբար հարկ չէր տեսնում իր ամեն մի բայլը բացատրելու:

Պալատը, ինչպէս միշտ, ապրում էր լի կյանքով, բայց թագավորն ինքը վերջերս դարձել էր զարմանալի ինքնամփոփ. առաջվա պէս չէր հետաքրքրվում ամեն ինչով, և դա զարմացնում էր պալատականներին: Սովորականի պէս լսում էր զեկույցներ երկրի ներքին և արտաքին կացութեան մասին, անում էր անտարբեր կարգադրութիւններ, նծույզ նստած գնում էր զբոսանքի և կամ, պալատում մնալով, շաբաթը մի երկու անգամ այցում էր Փառանձեմին... Բայց Ավանը՝ մոռացել էր կարծես. առաջ օր չէր անցնի, որ նա շիտուներ այդ մասին կամ շմտահոգիներ նրանով... Դա զարմացնում էր մանավանդ այն պատճառով, որ ամենքին հայտնի էր, թե մի ամիս առաջ պատրաստվում էր գնալ Ավան, իսկ հիմա՝ ոչ մի խոսք... Այդ հասկանալի էր այն օրերին, երբ պետք էր պարզել Գնելի սպանութեան հանգամանքները, գտնել մարդասպանին, որ ոճիրը գործել էր իր անունով... Մարդասպանը գտնվեց և պատժվեց... Իսկ ա՛յժմ:

Եւ ահա մի օր, երբ զբոսանքից վերադառնալով ըստ սովորութեան հարցրեց իրեն դիմավորող հազարապետին՝ «Ի՞նչ նոր» — հազարապետը պատասխանեց.

— Եկել է նոր քաղաքի շահապը, արքա, և սպասում է տեսութեանդ:

— Վարազ իշխանը, — բացականչեց Արշակը, և նրան ասես շանթեց մի միտք. ինչպէ՛ս է մոռացել Ավանը, իր խոստումները Վարազ իշխանին. մինչև օրս չի ուղարկել նրան խոստացած գործավորները: Ի՞նչն էր այս ամենի պատճառը... Նա հիշեց նախարարների մերժողական գրութիւնները, վերջին օրերի մտահոգիչ հանգամանքները... Տիրիթին և... Իսկ այժմ ի՞նչն է մոռացնել տալիս... Փառանձե՛մը... Նրա վիճակը...

Այս ամենի մասին մտածելով՝ մոռացել է իր Ավանը՝ իր նվիրական գործը... Իսկապէս մինչ այդ դեպքերը ոչ մի բան Արշակին այնպէս չէր զբաղեցնում իր թագավորութեան մօջ,

ինչպես գորքը և իր հիմնած Ավանը, առանձնապես Ավանը։ Նրան միշտ անհանգստացնում էր այն միտքը, թե սկսածը հանկարծ մնար կիսատ կամ անավարտ՝ դա կլինեիր խայտառակություն իր անվան, իր գահի, իր իշխանություն համար։ Այդ էր պատճառը, անշուշտ, որ Ավանին վերաբերող մեն մի լուր հետաքրքրում էր։ Նրան և անհանգստացնում այն աստիճան, որ ցանկանում էր իմանալ անմիջապես։ Այդպես էլ այժմ։ Երբ իմացավ Վարազ իշխանի ժամանումը՝ անհանգստացավ։ Թեև իրիկնաժամ էր և ինքը հոգնած, բայց, պալատ մտնելուն պես, հրամայեց, որ Ավանի կառավարչին բերեն իր մոտ։

— Հուսամ՝ գալուստդ բարի է, իշխան,— սկսեց Արշակը, երբ Վարազ իշխանը խոնարհումով մտավ նրա առանձնարանը, ուր գորգապատ հատակին կային եռուտանի կարմիր մի սեղան և երեք բազկավոր աթոռ՝ ձկան ատամներով ընդելուզված։— Ավանի կառուցումը անշուշտ կանգ է առել ցրտերի հետևանքով, այնպե՞ս է։

— Ոչ, արքա. թեև ցուրտ, բայց աշխատանքը շարունակվում է,— ասաց Գնունին, թագավորի հրավերով նստելով բազկաթոռներից մեկին։— Սակայն կարելի էր անել ավելին, եթե նախարարաց գործավորները զային. գործավորներ, որ դու խոստացար, արքա։

Արշակը թեև գիտեր դրանց չգնալու պատճառը, բայց իր արժանապատվությունը պահած լինելու համար, որ Վարազը չկարծի, թե նախարարներն անտեսում են իր խոսքը, զարմացած ձևացավ. մի՞թե չեն եկել... Գուցե կարծել են մոտեցող ձմռան պատճառով կառուցում ու աշխատանք չի կատարվելու։

— Թվում է, արքա, ձմեռը չպիտի խանգարեր, եթե ցանկային...

— Ես այնուամենայնիվ հակամետ եմ կարծելու, իշխան, որ զարնան նոքա կուղարկեն խոստացած մարդերը,— ասաց Արշակը և մտածեց. «Մինչ այդ ես կստիպեմ նոցա»...

— Ուրախ կլինեմ, արքա, եթե...

— Դու կասկածո՞ւմ ես, իշխան։

— Կասկածս հիմք ունի, արքա,— խոսեց Գնունին զուսպ, ինչ-որ մտքեր թաքցնելով, թե չկամենալով արտահայտել։

Արշակը նկատեց այդ:

— Զրուցիր լիաբերան, իշխան: Կասկածիդ հիմքը:

— Այն, ինչ լսել եմ, արքա:

— Եղիր, իշխան, ավելի պարզ:

Ու Վարազը հայտնեց, ինչ հարմար չէր համարում հայտնել. այն, որ «ականջալուր է եղած», թե նախարարները ոչ միայն չեն ցանկանում կատարել իրենց խոստումը՝ գործավորներ ուղարկելու, այլև լուրեր են շրջում, թե նորա այնպես են խորհում, որ իրենք չէին ցանկանա թաքսյի իշխանությունը ամրացնել իրենց գլխին:

— Այդպե՛ս, — և Արշակը, տեղից ելնելով, սկսեց քայլել: Ուրեմն՝ չէին ցանկանա... նշանակում է՝ չեն կամենում հնազանդել... Արշակը մտածում էր, որ նրանց գրոթյունից իսկ ականեր էր այդ: Նրանց հակառակությունը, պարզ է արդեն, կապ չունի Գնելի հետ... Իսկ ինքը իզուր կարծում էր...

Մի փոքր քայլելուց հետո Արշակը նորից գրավեց իր տեղը և իշխան Վարազին հրավիրեց նույնպես նստել, որովհետև նա, թագավորի ելնելուն պես, ինքն ևս ոտքի էր կանգնել՝ պատշաճից կարգը պահպանելու համար:

— Ես, իշխան, կխորհեմ անհրաժեշտը, — խոսեց Արշակը հանգիստ, բայց ձայնի մեջ մի զուսպ բարկություն: — Ասա միայն որքա՞ն տուն է կառուցված:

Վարազը, մատները ծալելով, թվեց կատարված աշխատանքները. պարզվեց, որ կառուցված են հարյուրավոր տներ՝ գործավորների համար, պահեստներ՝ մթերքների համար, բացի մեծ իջևանատունը, աղբյուրները: Վարազը հիշեց և այն, թե որքան գետին են հարթել, որքան քար ու ճղեգ են կրել և որքան հիմեր են փորել՝ գարնանը նոր տներ շինելու համար: Այդ բոլորից հետո նա ավելացրեց, որ շինարարական այդ աշխատանքները վարպետների հետ կատարում էն խաչա՛ր արված արքունի շինականները և մերձակա գյուղերից եկած մարդիկ միայն. իսկ եթե գային նախարարների խոստացած գործավորները՝ կանեին ավելի հարկավ:

Արշակը լսում էր գլուխը շարժելով, լսում էր և մտածում նախարարների մերժողական գրոթյան վրա. մտածում էր, թե ինչպե՛ս պատժի այդ հանդուգն մարդկանց... Ափսո՛ս, դեպքերը խառնգարեցին, որ ինքը հենց այն ժամանակ, նրանց

գրութիւնն ստանալուց հետո, պատժիր այդ պարտազանց-
ներին... Մինչ թագաւորը խորհում էր նրանց տալիք պատժի
վրա՝ Վարազը շարունակում էր պատմել եկեղեցու և պալատի
շինութիւն մասին, որոնց հիմքը նոր միայն փորել են, բայց
որոնք պահանջում են թե՛ մեծ թվով վարպետներ և թե՛ հմուտ
գործավորներ...

Երբ Վարազը վերջացրեց՝ Արշակը ձեռքը խփեց նրա ծնե-
կան.

— Շարունակիր, իշխան, նույն եռանդով,— ասաց— Սս
կանեմ ամենը, որ գարնանը դու Ավանում ունենաս բազում
գործավորներ: Գնա վստահ: Խոսքս քեզ քաջալեր:

Վարազի հետ խոսելով և հանգստացնող խոսքեր ասելով
նրան՝ Արշակը բռնկեց ներքուստ նախարարների վրա, որ ան-
պատկառորեն խաբեցին իրեն, խոստանալով ու մերժելով...
և ինքն իզուր լսեց Վասակին...

«Բայց ինչպե՞ս պատժիր, երբ ժամանակ չեղավ, երբ
կատարվեց այս ոճիրը»,— ասաց ներքին մի ձայն:

«Սակայն ես կպատուհասեմ նոցա»,— ասաց Արշակը
մտքում: Իսկ երբ Ավանի կառավարիչը հատուկ խոնարհում-
ներով դուրս եկավ, Արշակը նորից ելավ և նորից սկսեց լայն
քայլեր անել սրահում: Նախարարների վարմունքը այժմ էլ
վրդովում էր նրան այնպես, ինչպես նրանց գրութիւնն ստա-
ցած օրը: Բավական չէ հրաժարվում են իրենց խոստումից,
բավական չէ վատ օրինակ են տալիս մյուս նախարարներին,
այլև հանդգնում են ասել, թե չէին կամենա արեւայի իշխա-
նութիւնը ամրացնել իրենց զլխին... Մտածելով՝ Արշակը ան-
հավանական չէր գտնում մի այդպիսի տրամադրութիւն. չէ՞
որ նրանք հրաժարվում են գործավորներ տալուց: Դա ևս
նույն նպատակն ունի անկասկած:

«Բայց Ավանը կառուցվում է և պիտի կառուցվի»,— ասաց
Արշակը մտքում: Այո, ինքը նախ կհանդիմանի գրութիւն հե-
ղինակ նախարարներին և կպահանջի, որ կատարեն իրենց
խոստումը: Եթե հրաժարվեն՝ կդիմի խստագույն միջոցների և
կհնազանդեցնի, ինչպես հարկն է... Ու այն ժամանակ կզղջան...

Բայց ինչպե՞ս պատժի, ինչպե՞ս, որ իրոք զղջան իրենց
պարտազանցութիւնը... Դեռ նախարարների գրավոր մեր-
ժումն ստանալու օրից Արշակին տանջում էր անհնազանդ-

ներին պատժելու միտքը— ինչպե՞ս անել, որ խորապես զրդ-
ջան իրոք և գան ծնրադիր ներումն խնդրելու... Հարձակվե՞լ ու
գրավել նոցա բերդերը, թե նորից ամոթահար անել, որ անագ-
նիվ եղան... Թե՞ զորքով պաշարել նոցա ուստանները... Գու-
ցե ավագներից մի քանիսին՝ հազարապետ Գնունուն և սպա-
րապետին կրկին հրավիրի և միասին խորհեն, թե ինչպես
վարվեն...

Բայց հիշեց, որ թե՛ սպարապետը և թե՛ հազարապետը
դեմ են խստութեանց... Մինչդեռ այս ամենից հետո միայն մի
միջոց էր մնում՝ խստություն, միա՛յն խստություն...

— Եվ ես կլինեմ խիստ, անչափ խիստ, որ հավիտյան
շմոռանան, թե ինչ է նշանակում դրժել արքային տրված
խոսքը...

Նախարարների վարժունքի մասին մտածելիս թե խոսե-
լիս՝ Արշակը զայրանում էր միշտ. բայց անելով այս որո-
շումը՝ նրա տրամադրութիւնը բարձրացավ. այո, ինքը կըն-
կըճի համառ նախարարներին և ամեն ինչ կընթանա հաջո-
ղակ...

Գալով այս լավատես եզրակացութեան՝ նա հիշեց, որ եր-
կու օր է չի եղել Փառանձեմի մոտ. այժմ կարելի է այցելել
նրան, հետո կխորհի, թե ինչպես վարվել պարտազանցների
հետ։ Պետք է այցել Փառանձեմին, որ չկարծի, թե իշխան-
հոր մեկնելուց հետո ինքը դարձել է անուշադիր։

Ու փոքր անց իսկապես գնաց, ըստ սովորութեան թիկնոցն
ուսերին առնելով։ Թիկնապահ Եղնիկը, որ այժմ կնքապահի
պաշտոն էր կատարում Վարդից հետո, ուղեկցեց նրան հեռ-
վից մինչև Փառանձեմի հարկաբաժինը ու մնաց, ինչպես
միշտ, միջանցքում կանգնած։ Փառանձեմի սրահը լուսավոր-
ված էր երկու եռաստեղ մոմակալներով, որոնք բեկբեկուն
լույսեր էին սփռում հատակի գորգին, բազմոցներին։ Ամեն
անգամ Փառանձեմին այցելիս Արշակը մտածում էր ի՞նչ խո-
սի հետը, իսկ այս անգամ նրան թվաց, թե չունի ասելիք.
կրկնել սովորական խոսքերը մեկնելու և եղեռնագործի մա-
սին՝ ավելորդ էր. այդ էր պատճառը, որ ներս մտնելով, սո-
վորական բարեախոսքից հետո, հարցրեց.

— Գիտե՞ս, Փառանձեմ, որ ես կառուցում եմ մի նոր, մեծ
Ալլան։

— Այո, արքա... Կազմաշում ամենքը զրուցում էին այդ մասին:

— Եվ ի՞նչ կարծիք,— Արշակը հետաքրքիր նայեց Փառանձեմին:

— Այն, որ համարում են դժվար իրագործելի:

— Դժվար իրագործելի... Ինչո՞ւ, և ի՞նչ նկատ ունենին:

Փառանձեմը վարանեց կարծես պատասխանել այդ հարցումին, և Արշակը շտիպեց. նրա փոխարեն պատասխանեց ինքը.

— Ոչ, Փառանձեմ, իրագործելի է և արդեն իսկ իրագործվում է: Դա կլինի ոչ միայն Ավան, այլև բերդ ու պատվար մեր աշխարհի համար: Այո...— Դավիթ Գեուկունց ու Վասակից հետո Արշակը իր գաղտնիքը հայտնում էր Փառանձեմին:— Իրագործելի՞ է... Բերդատեր Նախարարները չկամեցան զիջանել իրենց բերդերը, և ես ահա կշինեմ իմ բերդը, ամենքի բերդը՝ մեր երկրի պաշտպանության համար: Սնուշուտ, դա հաճելի չէ նախարարաց, գուցե և այլոց, բայց, հասամ, ինքդ ուրախ պիտի լինես, Փառանձեմ:

Այս անգամ Փառանձեմը չկարողացավ անպատասխան թողնել թագավորին:

— Անտարակույս, արքա. յուրաքանչյուր ոք պետք է ուրախ լինի, որ մեր աշխարհը դառնա զորավոր ու ապահով, որպեսզի ո՛չ պարսիկը իշխեր գալ մեզ վրա, ո՛չ բյուզանդացին:

Փառանձեմի խոսքը, որ ասաց նա համեստաբար, բայց սրտագին շեշտով, հաճելի եղավ Արշակին: Այդպիսի համակիր խոսք նրան թվաց տակավին չէր լսած մեկից, ուստի և զղացված նայեց Փառանձեմի աղեղնաձև հոնքերով հովանավորված խոշոր խաժ աչքերին և թուայ.

— Այդպես, Փառանձեմ, խոսքերդ ճշմարիտ են: Անենք պիտի այնպես, որպեսզի ոչ մեկը չհամարձակվի գալ մեզ վրա: Ոչ մեկը: Նոր Ավանը պիտի դառնա ամրակուռ բերդ՝ ոչ միայն օտար թշնամյաց դեմ, այլև մեր շարամիտ նախարարաց, որ ցայգ ու ցերեկ խորհում են միայն իրենց որկորի մասին և չեն կամենում զորավիգ լինել երկրին հայրենի...

Փառանձեմը զարմացած նայեց թագավորին և մտածեց, թե ինչո՞ւ է նա այդ ամենը պատմում իրեն... մինչ այդ նրան

թվացել էր, թի թագավորները շատ փակ, անմատչելի և ծածկամիտ են լինում, զաղտնիքներ չեն հայտնում... Այդպես էին խոսում հատկապես Արշակ թագավորի մասին... Բայց ահա նա ասում է իրեն ամեն ինչ...

Խոսելով՝ Արշակը պատմեց Փառանձեմին, թե որքա՛ն կարևոր է այդ նոր քաղաքի և բերդի կառուցումը...

— Ես կամեցա, որ դու իմանաս մեր աշխարհի վիճակը, նրա կարիքը։ Արդ ուրախ եմ, որ իմ համառոտ խոսքից ունակ եղար ինձ ըմբռնելու... Մեր նախարարները սակայն չեն ըմբռնում, թե ինչ է պակասում մեզ, ի՞նչ պիտի անենք մեր աշխարհը ապահովելու...

Փառանձեմը զարմացած էր, այո, որ թագավորն այդպես ազատ, առանց ձևականության խոսում է իր հետ, խոսում է թշնամիների մասին... Միաժամանակ նրան թվում էր, թե հավանաբար Ավանից ավելի սիրելի բան չկա թագավորի համար... Այդ մասին խոսելիս՝ նա փոխվում էր և հափշտակվում։

— Երբ ավարտի, Փառանձեմ, տանեմ պիտի քեզ նոր Ավանը տեսնելու, — շարունակեց Արշակը, — Ես այնտեղ կառուցեմ պիտի և եկեղեցի, և դղյակ արքունի՝ ամառս այնտեղ անցնելու։ Իսկ քո խոսքը համակիր՝ ուժ և խրախույս է ինձ։ Օլիմպիա թագուհին երբեք չի խոսել ինձ այդպես... Նա հակառակ է անգամ, որ ես հոգսի մեջ եմ մտել իդուր։ Իսկ դու հասկացար ինձ, Փառանձեմ, զու ըմբռնեցիր ինձ, և դա ոգի է տալիս ինձ...

Այս խոսքերի հետ Արշակն այնպես ոգևորվեց իրոք, որ ելավ բռնեց Փառանձեմի թևը և անսպասելի համբուրեց նրա մազերը, ինչպես հայրը կհամբուրի զավակի գլուխը։ Բայց հանկարծ... Փառանձեմը վեր թռավ ու ետ-ետ գնաց։

— Արքա, — ասաց նա գրեթե ակամա, հանկարծակիի եկած ու վախվորած։

— Թագուհի՛ս...

— Թագուհի՛ս, — զարմացած, մեքենաբար շշջաց Փառանձեմը, Թագավորը նրան թվաց հարբած։ — Սթափիր, արքա։ Ես թագուհի չեմ, այլ թշվառ մի աչրի։

— Ոչ, Փառանձեմ։ Այսօրվանից դու ես թագուհին իմ սրբ-տի...

Փառանձեմը լայնաբաց աչքերով նայեց թագավորին և, օտարոտի մի հուր նկատելով նրա հայացքում, նորից շշնջաց.

— Մի՛, մի՛ մեղանչիր, արքա, Օլիմպիա թագուհու դեմ... Աղաչում եմ, արքա...— Նա ուզում էր ասել «թող ինձ մե-
նակ», բայց դա համարեց անպատշաճ ու նորից ետ-ետ
գնաց:

— Անհյուրընկալ ես, Փառանձեմ:

Փառանձեմը գլուխը կախեց. նա կամենում էր ասել, որ
թագավորի արքայական պատիվը և իր վիշտը թույլ չեն տա-
լիս այլ կերպ լինելու, բայց դարձյալ չկարողացավ ասել այն,
ինչ մտածում էր և միայն ավելացրեց.

— Ես քո հյուրն եմ, արքա, ուստի և խնդրում եմ...

— Հրամայիր, Փառանձեմ: Քո մեն մի հրամանդ պատ-
րաստ եմ կատարելու:

Փառանձեմը շառագունած նայեց Արշակին և ասաց վա-
րանոտ.

— Կրկին կխնդրեի, արքա, թույլատրիր ինձ մեկնել հա-
րազատներիս մոտ...

— Դարձյա՞լ մեկնել,— Արշակը տարուբերեց գլուխը:—
Ամեն խնդրանք, Փառանձեմ, պատրաստ եմ կատարելու սի-
րահոժար, բայց ոչ այդ... Պիտի սպասես իշխան Անդոթի վե-
րադարձին,— և Արշակը բարեժպիտ հայացքը սևեռեց Փա-
ռանձեմի ևրեսին:— Դու կմնաս, Փառանձեմ, իմ պալատում,
որպես նրա զարդը, որպես նրա ոգին, որպես նրա թագուհին:

— Արքա՞,— ասաց Փառանձեմը սրտաբեկ և զույգ ձեռ-
քերով ծածկեց երեսը:

Լուսթյուն իշավ, որի մեջ Արշակն ասես լսում էր իր սրո-
տի զարկերը: Նա մի վայրկյան նայեց շուրջը, դռանը և, ձայնն
ավելի իջեցնելով, շշնջաց.

— Արքանիրը նույնպես մարդ են, Փառանձեմ, և գիտեն
սիրել ու...

— Բայց դու, արքա...— Փառանձեմի ձայնը հնչեց կերկեր
ու ընդհատ,— ունես թագուհի, մի առաքինի հոգի, որ սիրում
է քեզ անսահման...

— Սակայն առավել չէ, քան դու, Փառանձեմ...

Լավեց դռան բացվելու ձայն, և թագավորը լռեց:

Կից սենյակում ոտնաձայն լսվեց. Երեաց մի քտվեր և չքացավ իսկույն:

Երբ թագավորը դուրս եկավ, նրա սուր հայացքը միջանցքում նկատեց միայն սպասավորներ ու նաժիշտներ. բայց չնկատեց, որ բոլորի դեմքին զարմանք կար, թե ինչո՞ւ թագավորն այդքան երկար մնաց Փառանձեմի մոտ: Նույն զարմանքը կար և թիկնապահ Եզնիկի դեմքին:

* * *

Օլիմպիա թագուհին կանոնավոր, օրընդմեջ, այցում էր Փառանձեմին և սիրով զրուցում հետը, ջանալով ամեն կերպ մեղմել նրա վիշտը: Մյուս կողմից Փառանձեմը նրան գրավում էր և այն պատճառով, որ լավ գիտեր հունարեն: Թագուհու կարծիքով՝ ով լավ գիտեր հունարեն, ուրեմն կիրթ մարդ էր. ուստի, թվում էր, թե Փառանձեմի հետ իր մայրենի լեզվով խոսելով՝ նա առնում էր հայրենիքի կարոտը, չնայած որ թե՛ Արշակի և թե՛ պալատական մի քանի տիկիների հետ խոսում էր հունարեն: Այնպես որ Փառանձեմը նրա համար եղավ գլուխ: Ու այցում էր սիրով, և այցելիս երբեմն խոսում մեկ-երկու ժամ, իսկ հեռանալիս մտածում միշտ, թե ի՞նչ կարելի է անել, որ դժբախտը լավ զգա իրեն.— նվերներ տար, ինչպես ընդունված էր Բյուզանդիայում, հարմար չէր առայժմ— Փառանձեմը սուգի մեջ էր: Առաջարկեր զրոսանքի գնալ՝ նույնպես հարմար չէր քառասունի պատճառով: Իսկ հետո, հրե սկսեցին աշնան ցրտերը, թագուհին բնավ ցանկություն չէր ունենում դուրս գալու և, այցելով Փառանձեմին, ավելի երկար էր նստում մոտը և երբեմն փորձում հրավիրել նրան իր հարկաբաժինը... Թագավորի նման Օլիմպիան ևս Փառանձեմի վիշտը մեղմելու նպատակով խնդրում էր պալատական տիկիներին՝ շուտ-շուտ այցել դժբախտին: Առաջին օրերը նա նույնը խնդրում էր թագավորից:

— Քո այցդ, բաղիլես, առավել նշանակութուն կունենա նրա համար և կլինի առավել սփոփոխ,— ասում էր Օլիմպիան, իմանալով հանդերձ, որ Արշակը նույնպես այցում է երբեմն:

Այդ մինչև Անդոք իշխանի մեկնումն էր:

Վերջերս սակայն Օլիմպիան նկատում էր, որ ամուսինն ավելի հաճախ է այցելում Փառանձեմին։ Ի՞նչ էր նշանակում այդ. չէ՞ որ Փառանձեմի վիշտը այժմ, առաջին օրերի համեմատ, մեղմացած էր, և ուրեմն հարկ կա՞ր միթե, որ բազիլևն այնքան շուտ-շուտ այցի նրան, մասնավանդ որ այնքան զբաղված է իր Ավանդով, իր «շար նախարների» գործով... Այդ ինչպե՞ս է Արդասը ժամանակ գտնում... և ի՞նչ է խոսում այդքան Ֆարանգեմի հետ...

Եվ Օլիմպիան որոշեց— երևույթն իր համար պարզելու նպատակով— իմանալ Փառանձեմից, թե արդյոք գո՞հ է թագավորի այցերից, կամ՝ հարցնել իրեն՝ Արզասին, թե ի՞նչ է կարծում— Ֆարանգեմի վիշտը մեղմացե՞լ է արդյոք... Առհաս թվում էր, թե այդ հարցումների պատասխանից կարելի է մակաբերել մի բան... Բայց ահա մի օր Փառանձեմն ինքը, որ իրոք նեղվում էր պալատում, խորհելով, թե ծանրություն է շրջապատի համար, իսկ վերջերս, լսելով թագավորի աներկմիտ տկնաբկներն ու խոսքերը, մի օր հայանեց թագուն, թե ցանկանում է գնալ հարազատների մոտ և խընդրում է բարեխոսել արքայի առաջ, որ թույլատրի։

— Մինչ այսօր քառասունքի պատճառով մեկնել հարմար չէր,— ավելացրեց Փառանձեմը,— այժմ սակայն կարող եմ։

Այս խոսքերը փարատեցին Օլիմպիայի կասկածը, և նա մտածեց, որ եթե Արզասն զգում է որևէ բան դեպի Ֆարանգեմը, վերջինս սակայն ոչինչ չունի։ Ուստի հանգիստ նկատեց.

— Բայց մի՞թե, Ֆարանգեմ, լեռներում ցուրտ չէ հիմա։

— Այո, բազիլեյա։ Բայց ես սովոր եմ ցրտերին։

«Այո, Ֆարանգեմը ոչինչ չունի»,— մտածեց թագուհին և նույն օրը երեկոյան խոսեց թագավորի հետ, ու այդ զրույցի ընթացքում նկատեց, որ Արզասը միայն հոգաաարություն ունի դեպի Ֆարանգեմը. և չկա սակայն այն հատուկ քնքշությունը, դեմքի ու աչքերի փոխված արտահայտությունը, ինչ կարող էր լինել հափշտակության դեպքում։

— Մի այդպիսի փոքուն էակի համար,— ասաց Արզակը,— ինչպիսին Փառանձեմն է, բազիլեյա, անշափ զովար կլինի հեռադնաց ճանապարհ՝ լեռնաշխարհի ցրտերում... Վերջապես, Անդոթ իշխանը վերադառնա Վրաստանից՝ ի՞նքը,

կորոշի գնալու օրը: Փառանձեմը, միևնույն է, առանց նրան մեկնել չի կարող: Այնպե՛ս է:

Արշակի այս խոսքերից հետո արդեն Օլիմպիայի մեջ ոչ մի կասկած չմնաց թագավորի զգացմունքների նկատմամբ, ուստի և հարցրեց հանգիստ, նույնիսկ գոհ.— Ուրեմն լավագույն է մնա՞:

— Անշուշտ:

Այդ գիշեր Օլիմպիան կասկածներից ազատված՝ թեթև էր զգում իրեն և, եթե մտածում էր Փառանձեմի մասին, ցավում էր, որ նա այդքան դեռատի զրկվեց ամուսնուց՝ այգալիսի աղբերգական ձեռքով... Հանգստանալով նա քնեց: Իսկ առավոտյան արդեն, սովորական ժամից շուտ այցելով Փառանձեմին, խոսեց հետը և ջախաց համոզել, որ ցրտերին չկատարի այդ ուղևորությունը դեպի Բյուզանդիա, այլ մնա գարնանը, երբ ինքն էլ գուցե ուղեկից լիներ նրան:

— Գուշատ բարի ես, բաղիւնյա,— խոսեց Փառանձեմը երախտապարտ ձայնով:— Սակայն ես այնպե՛ս եմ կարոտել հարազատներին:

— Այդ հասկանալի է, սիրելիդ իմ Ֆարանգեմ: Ես նույնպես հաճախ զգում եմ հարազատներիս կարոտը և ցանկանալով ցանկանում եմ լինել նոցա մոտ: Այդ հասկանալի է: Բայց պետք է սպասել...

Փառանձեմը լռում էր և երբեմն միայն հառաչում: Ղլիմպիան, նրա փոքրիկ ճերմակ ձեռքն առնելով իր ափերի մեջ, շոյում էր այն և կրկնում.

— Սպասիր, Ֆարանգեմ: Բազիլեսն ինքը ցանկանում է այդ: Նա ևս խորհուրդ չի տալիս այժմ մեկնելու:

Փառանձեմը լռում էր և գլուխը կախելով գարձյալ հառաչում: Եվ թագուհին չէր կարողանում հասու լինել՝ համաձայնե՞լ է, թե ոչ:

Այս խոսակցությունը կրկնվեց մի քանի անգամ առանց պարզ արդյունքի: Հետո Օլիմպիան, լսելով որ թագավորը շարունակում է այցել Փառանձեմին, մտածում էր, որ երեկ նույնպես համոզում է, որպեսզի նա չմեկնի, և զարմանում էր միաժամանակ Փառանձեմի համառության վրա, որ անտեսում է իր և արքայի խոսքը: Ու մի օր էլ ահա Օլիմպիան,

Վերջերս սակայն Օլիմպիան նկատում էր, որ ամուսինն ավելի հաճախ է այցելում Փառանձեմին: Ի՞նչ էր նշանակում այդ. չէ՞ որ Փառանձեմի վիշտը այժմ, առաջին օրերի համեմատ, մեղմացած էր, և Եւրեմն հարկ կա՞ր միթե, որ բազիլեան այնքան շուտ-շուտ այցի նրան, մանավանդ որ այնքան զբաղված է իր Ավանով, իր ռշար նախարաների գործով... Այդ ինչպե՞ս է Արզասը ժամանակ գտնում... և ի՞նչ է խոսում այդքան Ֆարանգեմի հետ...

Ով Օլիմպիան որոշեց — երևույթն իր համար պարզելու նպատակով — իմանալ Փառանձեմից, թե արդյոք գո՞հ է թագավորի այցերից, կամ՝ հարցնել իրեն՝ Արզասին, թե ի՞նչ է կարծում — Ֆարանգեմի վիշտը մեղմացե՞լ է արդյոք... Այնքան թվում էր, թե այդ հարցումների պատասխանից կարելի է մակարերել մի բան... Բայց ահա մի օր Փառանձեմն ինքը, որ իրոք նեղվում էր պալատում, խորհելով, թե ծանրություն է շրջապատի համար, իսկ վերջերս, լսելով թագավորի աներկմիտ տեղաբեկներն ու խոսքերը, մի օր հայտնեց թագուհուն, թե ցանկանում է գնալ հարազատների մոտ և խընդրում է բարեխոսել արքայի առաջ, որ թույլատրի:

— Մինչ այսօր քառասունքի պատճառով մեկնել հարմար չէր, — ավելացրեց Փառանձեմը, — այժմ սակայն կարող եմ:

Այս խոսքերը փարատեցին Օլիմպիայի կասկածը, և նա մտածեց, որ եթե Արզասն զգում է որևէ բան գեպի Ֆարանգեմը, վերջինս սակայն ոչինչ չունի: Ուստի հանգիստ նկատեց:

— Բայց մի՞թե, Ֆարանգեմ, լեռներում ցուրտ չէ հիմա:

— Այո, բազիլեյա: Բայց ես սովոր եմ ցրտերին:

«Այո, Ֆարանգեմը ոչինչ չունի», — մտածեց թագուհին և նույն օրը երեկոյան խոսեց թագավորի հետ, ու այդ գրույցի բնթացքում նկատեց, որ Արզասը միայն հոգաառություն ունի դեպի Ֆարանգեմը. և չկա սակայն այն հատուկ քնքշությունը, դեմքի ու աչքերի փոխված արտահայտությունը, ինչ կարող էր լինել հափշտակության դեպքում:

— Մի այդպիսի փորձուն էակի համար, — ասաց Արշակը, — ինչպիսին Փառանձեմն է, բազիլեյա, ահա քիչ զգվար կլինի հեռագնաց ճանապարհ՝ լեռնաշխարհի ցրտերում... Վերջապես, Անդրո իշխանը վերադառնա Վրաստանից՝ ի՞նքը,

կորոշի գնալու օրը: Փառանձեմը, միևնույն է, առանց նրան մեկնել չի կարող: Այնպե՛ս է:

Արշակի այս խոսքերից հետո արդեն Օլիմպիայի մեջ ոչ մի կասկած չմնաց թագավորի զգացմունքների նկատմամբ, ուստի և հարցրեց հանգիստ, նայնիսկ գոհ.— Ուրեմն լավագույն է մնա՞:

— Անշուշտ:

Այդ փշեր Օլիմպիան կասկածներից ազատված՝ թեթև էր զգում իրեն և, եթե մտածում էր Փառանձեմի մասին, ցավում էր, որ նա այդքան դեռատի զրկվեց ամուսնուց՝ այգալիսի ողբերգական ձեռքով... Հանգստանալով նա քնեց: Իսկ առավոտյան արդեն, սովորական ժամից շուտ այցելով Փառանձեմին, խոսեց հետը և ջախաց համոզել, որ ցրտերին չկատարի այդ ուղևորությունը դեպի Բյուզանդիա, այլ մնա գարնանը, երբ ինքն էլ գուցե ուղեկից լիներ նրան:

— Գուշտ բարի ես, բազիլեյա,— խոսեց Փառանձեմը երախտապարտ ձայնով:— Սակայն ես այնպե՛ս եմ կարոտել հարազատներին:

— Այդ հասկանալի է, սիրելիդ իմ Ֆարանգեմ: Ես նույնպես հաճախ զգում եմ հարազատներին կարոտը և ցանկանալով ցանկանում եմ լինել նոցա մոտ: Այդ հասկանալի է: Բայց պետք է սպասել...

Փառանձեմը լռում էր և երբեմն միայն հառաչում: Չլիմսիան, նրա փոքրիկ ճերմակ ձեռքն առնելով իր ափերի մեջ, շոյում էր այն և կրկնում.

— Սպասիր, Ֆարանգեմ: Բազիլեսն ինքը ցանկանում է այդ: Նա ևս խորհուրդ չի տալիս այժմ մեկնելու:

Փառանձեմը լռում էր և գլուխը կախելով գարծյալ հառաչում: Եվ թագուհին չէր կարողանում հասու լինել՝ համաձայնե՞լ է, թե ոչ:

Այս խոսակցությունը կրկնվեց մի քանի անգամ առանց պարզ արդյունքի: Հետո Օլիմպիան, լսելով որ թագավորը շարունակում է այցել Փառանձեմին, մտածում էր, որ երևի նույնպես համոզում է, որպեսզի նա չմեկնի, և զարմանում էր միաժամանակ Փառանձեմի համառության վրա, որ անտեսում է իր և արքայի խոսքը: Ու մի օր էլ ահա Օլիմպիան,

տեսնելով Արշակին Փառանձեմի՝ հարկաբաժնից՝ ելնելիս՝
~~հարցրեց.~~

— Համաձայնե՞ց, բազիլես:

— Տակավի՛ր ոչ, — ուսերը շարժեց Արշակը և ուզեց քայ-
լել առաջ, բայց Օլիմպիան շարունակեց:

— Այ, բազիլես, տեսա՞ր նվերը Ֆարանգեմին:

— Իմ նվե՞րը, — Արշակի սպիտակուցները փայլեցին:

— Այո, բազիլես: Ինչո՞ւ զարմացա՞ր: Նա ինքը ցույց տվեց
ինձ, և գոհ է ուշադրությանդ համար: Քո կողմից դա մեծ
բարեհաճություն է անշուշտ: Եվ միշտ պետք է ուշադիր լինել
դեպի նա: Դա. գուցե ազդի ճորտ տրամադրության վրա և հե-
տաձգի՝ իր մեկնումը: Այնպես չէ՞... Ա՛խ, Նա՝ այնքան տա-
ռապած է, անմխիթար... — Օլիմպիան հառաչեց: — Ի՞նչ խոր-
հուրդափառա՞ս, բազիլես: Ես նույնպե՛ս պահանջում եմ մի նվե-
րով մխիթարել նորան:

— Բարի միտք է, Օլիմպիա, — և Արշակը կասկածով,
հոնքերն ու կոպերը իրար բերած, նայեց թագուհուն, թե ար-
դյոք նա չի փորձում իրեն: Բայց շնկատելով ոչ մի դիտավոր-
ություն և կարծես համոզվելով, որ Օլիմպիան այդ ասում է
առանց հետին ժտքի, շարունակեց. — այդ ինքդ պիտի որո-
շես, բազիլեյա: Այդ խնդիրներում կանայք ավելի հնարա-
միտ են:

— Ճշմարիտն ասեմ, բազիլես, ես կարեկցում եմ նրան
և սիրում քոռջ պես:

Արշակը չգիտեր ի՞նչ ասել և միայն գլխով էր անում՝ հոն-
քերն ու կոպերը իրար բերած: Նա պարզապես նեղվում էր
դրույցից և ցանկանում էր շուտ ավարտել այն: Բայց միև-
նույն ժամանակ ջանում էր զսպել իրեն և թագուհուն լսել
սովորական հանգստությամբ:

Սակայն նրան անհանգստացնում էր այն, ինչ տեղի էր
ունեցել մի քանի օր առաջ Փառանձեմի սրահում: Չգիտեր՝
Օլիմպիան տեսե՞լ էր այդ, լսե՞լ էր, թե կասկածում էր... Նա
չգիտեր նաև իր արածը պատշա՞ճ էր, թե ոչ, բայց զգում էր,
որ ուրիշ կերպ վարվել չէր կարող...

— Ուրեմն, բազիլես, նա համաձայն չէ՞ մնալ, — շարու-
նակեց Օլիմպիան, բայց Արշակից տեմիջապես պատասխան
չստանալով՝ զտրեմացած նայեց նրան և նոր միայն նկատեց:

որ Արզասը շփոթված, օտարոտի տեւք ունի ու ներքին մի բան, որ Օլիմպիան ինքն էլ չէր կարող ասել ինչ, անհանգրձ տացրեց նրան, և նրա սրտում նորից գլուխ բարձրացրեց հին կասկածը. և կամեցավ պարզել, թե ի՞նչ է կատարվում Արզասի հոգում... Ա՛հ, ինչպե՞ս կուզեր նրա այցի ժամանակ ինքը լինել Փառանձեմի սենյակում, որպեսզի անձամբ տեսներ ու լսեր, թե ի՞նչ է խոսում նա այդ դեռատի այրիի հետ — դեմքի և աչքերի ի՞նչ արտահայտությամբ, ի՞նչ ձայնով, և ի՞նչ եղանակով, որից և կարելի էր գուշակել մի բան: Թեպետև մի-երկու անգամ, առաջ, Արզասին հանդիպել էր Փառանձեմի սենյակում, բայց նրանց զրույցից չէր հասկացել ոչինչ, քանի որ նրանք խոսում էին արմեն լեզվով... Բայց, լեզվից անկախ, Օլիմպիան կարծում էր, թե սիրողների մեծ մի շարժումից, մեծ մի նայվածքից կարելի է կռահել նրանց զգացմունքները: Այն օրվանից, երբ ինքը տեսավ Փառանձեմին, թեև ծանր վշտի մեջ, զգաց, որ այդ նորատի կնոջ գեղեցկությունը՝ նրա ծովախոր աչքերը, ճերմակ ճակատը, բարձրակամար հոնքերը և դեղձան մազերը տեսնող տղամարդը չէր կարող անտարբեր լինել՝ ինչ տարիքի ու դիրքի էլ լինելու: Բայց մի՞թե բազիլևսը կարող է հրապուրված լինել, — մտածում էր Օլիմպիան ուշիմ նայելով Արշակի դեմքին, որն այժմ նրան թվում էր օտարոտի, և մազմապոտ ձեռքերին, որ ասես զոդում էին աննշմար:

Այս մտքերով տարված Օլիմպիան չլսեց թագավորին, որ ասաց. «Ո՛ղ, չի համաձայնում»... Չլսեց, բայց դարձյալ զգաց մի օտարոտի բան, և նրա սիրտը կասկած ընկավ: Արշակն այդ ասաց այնպես անտարբեր ու շփոթ, որ Օլիմպիան շուրթերը սեղմեց և, գլուխն իջեցնելով, գնաց դեպի իր օթեանը: Մտնելով իր հարկաբաժինը՝ նա հույն նաժիշտներից մեկին ասաց.

— Երբ արքան կերթա վշտահարի մոտ՝ հայտնի ինձ:

Եվ ահա երկու օր հետո, երբ նրան հայտնեցին, թե թագավորը գնաց Փառանձեմի հարկաբաժինը, Օլիմպիան առանց ժամանակ կորցնելու, առանց պատշաճ ձևով հագնվելու, միայն երկար վերնոցը ուսերին, ինքը ևս գնաց նրանց զրույցին հետևելու, որ գեթ նրանց տեսքից, նայվածքից, խոսելու եղանակից հասկանա մի բան... Որքան էլ կասկածամիտ,

բայց չէր հավատում, թե Արզասը հրապուրվեւր Ֆարանգեմով։
չէ՞ որ երիտասարդ իշխանուհին սուգի մեջ էր, և բազիլևսը
պիտի հարգեւր նրա սուգը... Եվ Օլիմպիային մերթ թվում էր,
թե դա հնարավոր չէ, մերթ էլ, կանացի հոտառությամբ, զգում
էր, որ Փառանձեմի գեղեցկությունը կարող է խախտել ամեն
տղամարդու հավասարակշռությունը։ Զէ՞ որ այդ իշխանուհու
համայրին չղիմացավ Տիրիթը և ռճիր գործեց... Նա հիշում էր
նաև, թե բյուզանդական արքունիքում ո՛րքան դեպքեր են
եղել, երբ տարիքով իշխանը, կոմսը, պատրիկը սիրահարվում
էր նորատի աղջկա... Կյանքում ամեն ինչ հնարավոր է...
Բայց Օլիմպիային թվում էր, թե Արզասը երբեք այդպիսի
անխոհեմ քայլ չի անի։ Հափշտակվի իր հարազատով... եր-
բ՛ք։

Այստամենայնիվ Օլիմպիան հետաքրքրված էր. նա որո-
շեց մտքում— այսօր իսկ, իրեն հանգստացնելու համար, իր
կասկածները փարատելու համար պարզել, թե ի՞նչ է անց-
նում-դառնում Ֆարանգեմի և Արզասի միջև։

Ու, ինչպես միշտ, հանդարտ քայլերով դիմեց Փառանձեմի
հարկաբաժինը, մտածելով՝ ի՞նչը համարել իր գալու առիթը՝
մոռացված մի ի՛ր, թե հանձնելիք մի բան... վերջապես, մի
պատրվակ... Օլիմպիան քայլում էր շատ զգույշ, սովորակա-
նից զգույշ ու հանդարտ։

Մտնելով Փառանձեմի օթևանի առաջին սենյակը՝ նա
ավելի դանդաղեցրեց քայլերը։ Իսկ երբ մոտեցավ այն սրա-
հին, ուր այցելուներ էր ընդունում Փառանձեմը, Օլիմպիան
կանգ առավ։ Մտնե՞լ, թե չմտնել, և որքան վայե՞լ էր մտնել
առանց զգուշացնելու, գաղտագողի... Այդտեղ՝ նախասրա-
հում սովորաբար լինում էր Փառանձեմին խնամող դայակը,
բայց այդ ժամին չկար և այդ պարագան։ Վճռեք խնդիրը
Օլիմպիան, մինչև կորոշեւր անելիքը, սրահի մուտքը ծածկող
վարագույրի արանքից նայեց ներս.— Արզասը շատ ազատ,
թիկնոցը վրան նստել էր մետաքս բազմոցին, Ֆարանգեմի
կողքին և զրուցում էր։ Արզասի աչքերը ժպտում էին սովո-
րականից ավելի... Թե ի՞նչ էին խոսում՝ Օլիմպիան չէր կա-
րող իմանալ։ Բայց թվում էր նրան, թե զրույցը սովորական
չէր. թվում էր մտերմիկ բացատրություն. թվում էր Արզասը
ինչ-որ բան էր համոզում Փառանձեմին...

Եվ այստեղ ահա Օլիմպիան առաջին անգամ, Հայոց Աշխարհը գալուց հետո, ցավեց, որ չգիտեր արմեն լեզուն... այլապես կհասկանար, թե ի՞նչ են խոսում. ավելի շուտ՝ ի՞նչ է ասում Արզասը:

Իսկ Արզասը խոսում էր հանգիստ և, որքան երևում էր վարագույրի ճեղքից, հանգիստ էր նաև Փառանձեմը. նա արքային լսում էր գլուխը խոնարհած և անշարժ, շուրթերը սեղմած: Երբ Արզասն ավարտեց ասելիքը, խոսեց Փառանձեմը, և Օլիմպիան ցավեց դարձյալ, որ չէր հասկանում արմեն լեզուն... Իսկ եթե հասկանա՞ր...

Այո, նա չէր հասկանում, իսկ նրանք շարունակում էին:

— Լինել հա՞րճ... — հանկարծ ճշաց Փառանձեմը:— Ո՛չ, արքա... Սյունյաց իշխանի դուստրը...

Նա ուզում էր կրկնել «հարճ լինել չի կարող», բայց լռեց: Արշակն այլալվեց:

— Մի՛ սխալվիր, Փառանձեմ: Ոչ թե հարճ, այլ թագուհի: — Փառանձեմը առավել վախով նայեց Արշակին և նորից ուզեց ճշալ, բայց կրկին զսպեց իրեն և միայն՝

— Գթա՛ ինձ, արքա, — ասաց ու ձեռքերով ծածկեց երեսը: — Փառանձեմը պարզապես շփոթված էր. թագավորն ինչո՞ւ այդքան հեռու գնաց. «Թագուհի»... Ո՛չ, իր վիշտը, իր Գնելը... Ո՛չ մի գայթակղություն... Եվ Փառանձեմը լռեց վախից ու ամոթից:

— Խոսի՛ր, Փառանձեմ:

— Գթա՛ ինձ, արքա, — կրկնեց միայն Փառանձեմը:

Արշակը սակայն, բազմոցի վրա ձգվելով, ուզեց բռնել նրա ձեռքը, բայց Փառանձեմը վախո՞վ թե րնազողով ետ քաշեց այն ու ահաբեկ թռչունի նման նայեց թագավորին: Ու մինչ նա կսթափվեր, Արշակն ուզեց գրկել նրան:

Այս անգամ Փառանձեմը խայթվածի պես վեր թռավ ու գնաց սենյակի մի անկյունը՝ մազերի ալիքներն ուսերին թափած: Բայց Արշակը թափով ելավ տեղից և, թիկնոցն ուսերից՝ գցելով, խոյացավ դեպի Փառանձեմը:

Կիրթը թագավորին դարձրել էր սովորական մարդ:

Տեսնելով այս՝ Օլիմպիա թագուհին դողաց, չգիտես վախի՞ց, թե դարմանքից, բայց մնաց կանգնած, չկարողանալով ոչ առաջ գնալ, ոչ ետ. այլ, ասես շրնկնելու համար,

բռնեց հատակին հասնող կերպաս վարագույրը ու մի վայրկյան մնաց այդպես՝ աչքերը լայնաբաց ու դողդոջ, ապա մեկնեց պոկվեց տեղից, շրջվեց ու հեռացավ պինդ, փութկոտ քայլերով:

Արշակը, որ թիկնոցը գցելու հետևանքով միայն կապալով էր, ոտնաձայն լսելով նայեց վարագույրի կողմը և, տատանվող վարագույրի արանքով Օլիմպիայի հագուստը նկատելով, գրեթե վազեց նրա հետևից, մոռանալով իրեն, իր դիրքը, ո՛ր գտնվելը, մոռանալով միջանցքում կանգնած իր թիկնապահին:

— Օլիմպիա՛,— ձայնեց վազելով:

Բայց մինչ կհասներ՝ Օլիմպիան միջանցքի կարճ տարածությունը կտրելով մտավ իր հարկաբաժինը և դուռը փակեց չեքսից:

— Ես ոչ ոքի չեմ ընդունում: Դուռը չբանա՛լ,— կարգադրեց նա ընդառաջ եկող նաժիշտներին:

— Բարի, բազիլեյա,— խոնարհում արին հույն աղջիկները:

Դռան փակվելու ձայնը լսելով՝ Արշակը կանգ առավ մոայլած:— Ի՞նչ անել. գնալ բախե՛լ դուռը, թե ետ դառնալ: Բախե՛լ... նախ՝ դա կլիներ շատ օտարոտի. ի՞նչ կասեին հույն նաժիշտները, թիկնապահ Եզնիկը, որ նայում էր ակնապիշ: Երկրորդ՝ ինքը գիտեր Օլիմպիայի համառ բնավորությունը, որ հուզված ժամանակ չէր ընդունի: Սակայն ետ դառնալ առանց բացատրության, նույնպես անհարմար էր և անկարելի...

Այդպիսի անել վիճակի մեջ նա չէր եղել երբեք. դուռ փակեն իր առջև... Իր ողջ թագավորության մեջ ոչ ոք այդպես չէր չլարվել իր հետ և վարվել չէր կարող... Միա՛յն կինը ահա... միայն իր թագուհին... Եվ Արշակն իրեն նվաստացած զգաց անշափ. նվաստացած ու մեղավոր... Թագավոր և ահա... հասարակ մի ռամիկի պես կանգնել է փակ դռան առաջ... Ավելի շուտ՝ բաց դուռը փակել են իր առջև...

Սակայն դա միայն զգացում էր և այնքան չէր ղբաղեցնում նրան, որքան այն, ինչ տեղի ունեցավ և ինչ տեսավ թագուհին: Բայց ինչպե՞ս պատահեց այդ. ինքն այդպես ան-

զգույշ եղաւ... Եվ ինչպէ՞ս այդ իսկ ժամին վրա հասավ Օլիմպիան. ասե՛լ էր մեկը նրան, թե եկավ ինքնաբեր...

Ինչպես և լիներ՝ կատարվածը Արշակին թվում էր տհաճ, և նա մտածում էր, որ այժմ իսկ պետք է բացատրվել կամ... ներում խնդրել Օլիմպիայից... Բայց ի՞նչ ասեր իբրև բացատրություն... Ասեր, թե մխիթարում էր Փառանձեմին... Ո՛չ, պետք չէ ո՛չ բացատրություն, ո՛չ սուտ... Պետք է միայն ներում խնդրել... Սակայն կների՞ արդյոք. չէ՞ նա հեռացավ կարծես զարհուրած և դուռը փակեց այնպես զայրացած...

Դա ինքնին պատասխան չէ՞ր միթե:

Եվ Արշակը, որ ամեն բանում ազատ էր, համարձակ և իր վճիռների մեջ կտրուկ, այստեղ իրեն զգում էր անզոր ու անել...

Այո, նա պարզապես ելք չէր գտնում կատարվածը հարթելու: Մերթ մտածում էր գնալ բախել դուռը և, ներս մտնելով, խոսել անմիջապես. մերթ գտնում է, թե լավ կլինի, որ թերևս բացատրությունը թողնել վաղվան... Այո, վաղը կամ երեկոյան, երբ Օլիմպիան ավելի նվազ հուզված կլիներ... Բայց չէ՞ որ այժմ չէր կարելի թողնել նրան այդ վիճակում՝ չլազրգիռ, — մտածում էր Արշակը, գտնելով, որ պետք է այժմ իսկ հանգստացնել նրան՝ բացատրություն տալով, թե ներում խնդրելով, միևնույն է:

Կանգնելով ևս մի վայրկյան՝ Արշակը ետ դարձավ սթափվելով, որ պալատական ծառայողները, սովորություն ունենալով հետևել թագավորի և թագուհու յուրաքանչյուր քայլին, այստեղ արդեն կարող են նկատել բացահայտ, որ իր և թագուհու միջև տեղի է ունեցել ծանր մի անախորժություն, ու այսօր-վաղը կտարածեն պալատում, դուրսը՝ ժողովրդյան մեջ... Արշակը գիտեր, որ մարդկային լեզուն չի սիրում պարապ մնալ և... այս կարգի դեպքերը սիրելի են նրան, որպես զրույցի նյութ:

Այս մտքերով Արշակը մտավ գահասարհ, ուր կարող էր բացարձակ մենակ լինել և խորհել անելիքը: Նախ, ըստ սովորության, երբ հուզված էր լինում և միտքը ալեկոծ, սկսեց երթևեկել ծանր, նյարդային քայլերով, շարունակելով մտածել կատարվածի մասին... Փառանձեմն, այո, բացառիկ է, զարմանալի. դեմքը, նայվածքը, խոսելու եղանակը... անդի-

մադրելի ու գրավիչ... Բայց մի՞թե սերը գերող է այնչափ, որ թագավորներն անգամ տկարանում են նրա առաջ... Դա հափըշտակություն էր, թե... — մտածում էր Արշակը, չէր կարողանում բացատրություն գտնել և նորից ու նորից հիշում էր Օլիմպիայի փախուստը... Նղավ անհարմար և անվայել...

Անվերջ քայլելով մտածում էր Արշակը և, քանի որ ողորդ անգամ, կրկնում, թե պետք է հարթել անախորժությունը՝ առանց հետաձգելու, այլապես Օլիմպիան կվշտանա ավելի... Նա գիտեր, որ Օլիմպիան որքան սառն էր, չափավոր ու զուսպ, նույնքան դյուրաբերք է և շատ վիրավորովող անհաճո բաներից։ Սովոր բյուզանդական արքունիքի վայելչաձևության ու նրբանկատ՝ նա հաճախ չէր ըմբռնում հայ մարդկանց ու կանանց զգացմունքի այս կամ այն արտահայտությունը։ Անպատեհ մի բառ, խիստ մի շարժում կամ ծիծաղ՝ նա ընկալում էր այլ կերպ. նրան թվում էր անտեղի, էություն...

Ուստի և Արշակը ոչ միայն մտածում, այլև զգում էր, որ Օլիմպիան խորապես վիրավորվեց տեսածից։ Բայց արդյոք ամեն ինչ տեսավ փակ վարագույրի հետևից... Հավանաբար, այո. այլապես չէր զայրանա այդչափ, — մտածում էր Արշակը և գտնում, որ պետք է գնա և խոսի հետը — ոչ թե վաղը, այլ այսօր իսկ՝ երեկոյան, երբ սպասավորները քաշված կլինեն իրենց խցերը և առհասարակ չեն տեսնի իր այցը և չեն ականջի, նրան թվում էր, թե Օլիմպիան իրենց այդ տեսակցության միջոցին կխոսի շատ զայրացած, իսկ նա չէր ցանկանա, որ մեկը լսի իրենց...

Սակայն երեկոյան դեմ, երբ Օլիմպիան ճաշում էր սովորաբար, լուր տարածվեց, թե թագուհին փակվել է իր նընջարանում. ճաշի ժամն է արդեն, բայց նա բախումներին չի պատասխանում. հիվանդ չէ՞ արդյոք... Այս բանը թագուհու հույն նաժիշտներից մեկը հայտնեց կին սպասավորների գլխավորին. սա, իր հերթին, թագավորի նոր սենեկապետ Սզնիկին, և երկուսով միասին գնացին ստուգելու։

Թագուհու ննջարանի դուռն իրոք փակ էր, և նա չէր պատասխանում ներսից։

— Պետք է հայտնել Հայր-Մարդպետին, — որոշեց թագավորի նոր սենեկապետը։

Եկավ պալատի կառավարիչ Հայր-Մարդպետը՝ ծանր ու մեծ շարժումներով, ծաղկատար լերկ դեմքը խոժոռած։ Սա նույնպես, նախ զգույշ, ապա փոքր-ինչ ուժեղ բախեց թագուհու ննջարանի դուռը. դարձյալ ձայն, շարժում չլսվեց ներսից...

Այս ամենը կատարեցին շատ մեծ զգուշությամբ. նախ, որ շանհանգստացնեն թագուհուն. երկրորդը՝ պալատի սպասավորները չիմանան, որ պատահել է արտակարգ մի բան... Այս բոլորից հետո Հայր-Մարդպետը հարցրեց հույն նաժիշտներից, թե թագուհին վաղո՞ւց է քնած, կամ, քնելուց առաջ, չի՞ ասել ոչինչ։

— Եվ ոչ մի խոսք,— ասացին. նրանք արտասվածայն, ավելացնելով նաև, որ երեք-չորս ժամ առաջ հուզված մտել է իր ննջասենյակը և այլևս չի կանչել իրենց։

Հայր-Մարդպետը մտածեց մի վայրկյան, ապա որոշեց գնալ թագավորի մոտ և եղածը հայտնել նրան։ Այդպես էր կարգը։ Բայց կես ճանապարհին հանդիպեց իշխանուհի Նանային՝ հազարապետի տիկնոջը, որ մոտեցավ բաղի պես երեւուն և հարցրեց հեալով.

— Ի՞նչ է պատահել թագուհուն, տե՛ր Մարդպետ։

Երբ Հայր-Մարդպետը անմազ դեմքի սառն արտահայտությամբ պատմեց համառոտ, նանա իշխանուհին, ներքինու խոսքի շարունակություներ թողած, շտապեց թագուհու հարկսրածինը։

Նրա զգույշ բախումները և մեղմ կանչերը նույնպես մնացին անպատասխան։ Սովորաբար ննջելու գնալիս Օլիմպիան դուռը չէր փակում ներսից, և հիմա ամենքը զարմացած էին. ինչո՞ւ է այդպես վարվել այսօր... Նանա իշխանուհին նույնպես բացատրություն չէր գտնում, ուստի նորից երեւաքայլ, շտապեց հայտնել այդ հազարապետ ամուսնուն, իսկ Հայր-Մարդպետը, մինչ այդ, գնաց թագավորի մոտ։

Ներքինուն լսելով՝ Արշակը այլայլվեց։

— Փակվե՞լ է ննջարանում. և ո՞չ մի ձայն ներսից։

— Ոչ իսկ մի ձայն,— կրկնեց ներքինին անհույզ։

— Ի՞նչ կարող է լինել,— մտմտաց Արշակը արտաբուստ հանգիստ, բայց ներքուստ շփոթված և անմիջապես, առանց

Հայր-Մարդպետին նայելու՝ հետևում է իրեն, թե ոչ— շտապեց դուրս։

Եկող թագավորին նկատելով՝ հույն նաժիշտներն ու սպասուհիները, վերստին եկած իշխանուհի նախան հտ-հտ գնացին՝ նրան ճանապարհ տալու։ Իսկ Արշակը փութկոտ, բայց տիրական քայլերով գնաց դեպի թագուհու ննջասենյակը։

Ոչ ոք չհամարձակվեց հետևել նրան։ անգամ անցնել երկրորդ, երրորդ սենյակը։

Արշակը մենակ հասնելով թագուհու ննջարանին՝ մատի ծայրով բախեց դուռը։

Հոռիթյուն։ Բախեց նորից։

— Բազիլեյա՛... Բազիլեյա՛...

Դարձյալ ոչ մի ձայն և ոչ մի շարժում։

Վերջապես, երբ դուռը բացին, Օլիմպիային գտան իր մետաքս անկողնու վրա անշունչ։ Նրա մոտ ընկած էր թույնի մի սրվակ, որ պատրաստում էին միայն Բյուզանդիոնում։

«Թունավորել է իր անձը»,— ասաց Արշակը մտքում և գլուխն իջեցրեց։ «Ընդունել է մահադեղ»։

ԳՐԻԽ ՅՈՐԹԵՐՈՐԴ

Ինչպես Գրեկի սպանության լուրը, այնպես էլ Օլիմպիա թագուհու մահվան բոթը ամենայն արագությամբ տարածվեց Հայոց Աշխարհի բոլոր մասերում և ամեն տեղ առաջ բերեց զարմանք ու տարակույս։

— Թագուհին թունավորե՞լ է իր անձը...

Շատերին օտարոտի էր թվում այդ և պարզապես սահապանալի։ Իսկ պալատի մարդիկ արդեն շատ զարմացած էին այդ, ինչպես իրենք էին ասում, «անակնունելի» մահով, և ոչ մեկը չէր կարենում մի բացատրություն գտնել։ Անգամ պալատի կառավարիչ Հայր-Մարդպետը, որ կյանքում շատ բան էր տեսել և գիտեր թափանցել երևույթների խորքը, նա ևս զարմանքի մեջ էր։

— Եվ սակայն ստուգապես հասու չեմ, իշխան, թե ինչի՞ց

Ներառված թագուհու մահը,— ասաց նա մի օր հազարապետ Գնունուն:

— Եվ մի՞թե պարզ չէր, Հայր-Մարդպետ: Թագուհին ինքը ընդունել էր մահադեղ:

— Ընմարտապե՞ս...

— Դու կասկածո՞ւմ ես, տեր Մարդպետ:

— Բնավ, իշխան: Միտքս միայն անհանգիստ է: Խորհում եմ և հասու եմ լինում, որ ինքնասպան լինում է ճակատամարտում պարտված, գերության վտանգին ենթակա զորավարը, կամ սիրանվեր մի կին, որ ամուսնուն կորցնում է հանկարծ... Սակայն տեսնված չէ, որ այլ լինի թե կին՝ փառքի մեջ մահադեղ ընդունի և... Խորհում եմ ու չեմ գտնում, թե ի՞նչը հարկադրեց Օլիմպիա թագուհուն այդպես վարվելու... Պատճառը, իշխան, պատճառը պարզ չէ ինձ, ուստի և մտաւտանջ եմ, վասնզի ջանում եմ խորամուխ լինել կատարվածին:

Հազարապետ Գավիթ Գնունին անցողակի, բայց զննաբար նայեց Մարդպետի մոտ ու ծաղկատար դեմքին և հառաչեց նշանակալից.

— Երբեմն, տեր մարդպետաց, անքննելի է մարդուս, մանավանդ կնոջ հոգին: Գուցե հայրենի երկրի կարոտ, գուցե այլ հանգամանք...

— Ահավասիկ այդ իսկ հանգամանքը կուգի պարզել ինձ, իշխան,— նորից նշմարելի կասկածը կկոցած աչքերում խոսեց Հայր-Մարդպետը:— Նկատում եմ, որ թագավորնիս ընկճված է սաստկապես...

— Բնական է, տեր Մարդպետ... Թագուհու մահը ծանր վիշտ է ամենքիս համար, առավել՝ արքայի համար:

Հազարապետ Գնունին ինքը ևս, ինչպես շատերը պալատում, լուրջ կասկածների մեջ էր այդ առթիվ. սակայն չուզեց պալատի կառավարչին զգացնել տալ այդ. կերթարկատմեր, ըստ սովորության, թե հազարապետը տարակույսներ ունի և այլ զրույցներ, ուստի լռություներ համարեց խոհեմություն և, գլուխ տալով, հեռացավ արագ:

Թեպետև Օլիմպիա թագուհու մահից ու թաղումից անցել էր մոտ երեք շաբաթ, սակայն թե՛ պալատում և թե՛ դուրսը՝ մայրաքաղաքի բնակչությունը և այլ տեղեր տակավին խո-

սում էին թագուհու մահվան մասին, որովհետեւ այդ մահը ամենրին թվում էր առեղծվածային:

Օլիմպիային թաղեցին մեծ հանդեսով, ինչ վայել է թագուհուն: Թաղմանը ներկա էին ոչ միայն պալատականները, այլև մոտիկ վայրերից եկած նախարարներ, կրոնավորներ և մեծ թվով ժողովուրդ: Թե՛ թաղումից առաջ և թե՛ թաղումից հետո ամենքը հետաքրքրված են այդ մահով ու անում էին ամեն տեսակ ենթադրություններ, թե ինչի՞ց մեռավ թագուհին... Նախարարներից ոմանք իրենց ընտանիքներում շրշընջում էին, թե արդյոք Արշակն ինքը չի՞ թունավորել թագուհուն, կամենալով իր կապերը խզել Բյուզանդիայի հետ, կամ՝ գուցե ցանկացել է ազատվել Օլիմպիայից, քանի որ նա չորս տարվա մեջ ժառանգ չի պարգևում արքային: Իսկ Արշակը, ասում էին, ցանկանալով ցանկանում էր արու մի զաւակ, որ ժառանգեր գահը: Խոսում էին նաև, թե Արշակը սառել էր Օլիմպիայից նրա համար, որ նա Բյուզանդիայից եկած հյուրերի հետ առանձնանում էր և խոսում երկար... Թե ի՞նչ էր գրուցում կամ ի՞նչ հանձնարարություն էր անում՝ Արշակին չէր ասում ոչինչ... Ոմանք էլ, դարձյալ նախարարներից, խոսում էին, թե թագավորը գտել է Օլիմպիայի մի նամակը, որտեղ նա կայսեր գրել է Արշակի գաղտնի նպատակները մասին... և Օլիմպիան ահա վախից ընդունել է մահադեղ...

Ենթադրությունները մեկը մյուսից անհիմն էին ու անհեթեթ, բայց կրկնվում էին համառոտաբար, և ոչ ոք համարյա չէր հավատում, թե թագուհին ինքն է թունավորել իրեն— «Փառքի, պատվի և պալատի ճոխության մեջ ապրողը ինչո՞ւ պետք է մահադեղ ընդուներ կամովին»,— ասում էին գրեթե ամենքը:

Արշակն ինքը ծանր ապրումների մեջ էր. կատարվածը արտառոց քան էր, անսովոր, և նա վշտից ավելի անախորժություն էր զգում. ի՞նչ կասեն և կմտածեն պալատականները, իշխանները, նախարարները, մանավանդ հակառակորդ նախարարները: Ինչ անակնկալ և անախորժ մահ... Մահ, որ նման է խայտառակության... Զէին ասելու՝ թագուհին մեռավ, այլ տարածելու էին, թե մեռավ թույնով. և չէին առելու, թե ինքը մահադեղ ընդունեց, այլ պիտի չարաբանեին, թե թագավորը թունավորեց... Եվ Արշակին թվում էր, թե թուր

դեպքերում այդ մահվան պատճառը համարելու են իրեն, միայն իրեն... Երբ պալատականները, նրանց կանայք, տարբեր գավառների նախարարներ հերթով գալիս էին ցավ հայտնելու և մխիթարելու,— և շատերը, պետք է ասած, մխիթարանքի խոսքեր ասում էին ջերմապես ցավակցելով, ոմանք արտասուքն աչքերում,— Արշակն անհարմարություն էր զգում... Մտածելով Օլիմպիայի մահվան մասին՝ նա իրեն ավելի անհարմար և պատասխանատու էր զգում Բյուզանդիայի առաջ:— Ի՞նչ կասեն և ի՞նչ վերաբերում կունենան այնտեղ և անձամբ կայսրն ինքը...

Թագուհու մահվան հաջորդ օրն իսկ հառուկ ճեպադնաց սուրհանդակների միջոցով հազարապետը բյուզանդական արքունիքին ուղարկել էր մի նամակ, որի մեջ, Օլիմպիայի մահվան լուրը հաղորդելով, գրել էր նաև, թե «հանդուցյալ թագուհին մեր երկիրը կապում էր բարեկամության կապերով, բայց նրա մահից հետո ևս մեր երկիրների բարեկամությունը կմնա հաստատ, անխախտ և տևական»... Այս նամակին ի պատասխան՝ տասնհինգ օր հետո Բյուզանդիոնից եկավ մի երիտասարդ պալատական՝ իր ուղեկիցներով: Սա հետը բերել էր կայսեր ցավակցական նամակը, որը նա հատուկ ձևով՝ կրծքին ու ճակատին դնելով հանձնեց Արշակին, իր կողմից ևս ցավ հայտնելով. ապա հետաքրքրվեց Օլիմպիայի մահվան հանգամանքներով: Երբ հազարապետը պատմեց Օլիմպիայի հանկարծակի մահը (խոսք չապելով մահողի դեղի մասին)՝ հույն պալատականը այնուհետև ուզեց իմանալ, թե ի՞նչ տրամադրություն ունի հայ արքունիքը Բյուզանդիայի նկատմամբ: Հավաստիանալով, որ Արշակը և նրա ավագները բարեկամաբար են տրամադրված դեպի Բյուզանդիան՝ նա բավարարվեց, որից հետո այցելեց թագուհու գերեզմանը, շրջեց մայրաքաղաքում, մնաց ևս երեք-չորս օր, հետաքրքրվելով Հայաստանի մրգերով ու ձիերով: Ապա մեկնեց, հետը տանելով յոթ ձիաբեռ միմյուր, հայկական գորգեր և երեք ճեպագ, որպես նվեր կայսրու: Մեկնելիս այդ երիտասարդ գնապանը հույս հայտնեց, թե այս մահից հետո ևս անխախտ կմնա Բյուզանդիայի և Արմենիայի բարեկամությունը:

— Անշուշտ,— ասաց Արշակը:— Մենք եղել ենք բարե-

կամ և կլինենք հավետ: Ուստի կխնդրեի, տե՛ր պատրիկ, կայ՞
սեր հաղորդել իմ եղբայրական ողջունը:

Բյուզանդական դեսպանը խոնարհում արավ և մեկնեց:
Թե՛ կայսեր նամակը և թե՛ այն, որ դեսպանը մեկնեց
առանց ծանր տպավորության, թեպետև զգալի թեթևություն
քերին Արշակին, բայց և այնպես թագուհու մահվան պատճա-
ռած անախորժությունը չվերացավ իսպառ, չնայած նրան
մխիթարելու էին գալիս ամեն օր ծանոթ և անծանոթ նախա-
րարներ, սեպուհներ (գրանց մեջ շերեացին ոչ Արծրունի, ոչ
Կամսարական նախարարները և ուրիշ մի քանիսը, ինչ նրան
առիթ տվեց մտածելու, որ նրանք «չար են խորհում ան-
շուշտ»), իսկ պալատականները ամեն օր գրեթե, որոշ ժամե-
րի, երբ թագավորն ինքը ցանկանում էր, շրջապատում էին
նրան, զրուցում տարբեր նյութերից՝ արքայի վիշտը ցրելու
նպատակով: Եվ Արշակի օրերն անցնում էին գրեթե իրար
նման. առավոտները զեկույց, պետական ընթացիկ գործեր և
մխիթարանքի եկած մարդիկ: Օրընդմեջ թագավորին այցե-
լում էր և Վասակ սպարապետը՝ միշտ խոսք բանալով քա-
նակը լրացնելու և զինելու իր ծրագրի մասին, լավ իմանալով,
որ բանակի զորացումը արքային հետաքրքրում է առանձնա-
պես: Իսկ հազարապետը թագավորին զբաղեցնում էր ներքին
կյանքի խնդիրներով, անախորժ դեպքերն ու երևույթները
թաքցնելով՝ խոսում էր միայն հաճելի բաներից.— բերքը
առատ է լինելու. այս տարի կունենան անհրաժեշտ պաշար
զորքի համար, համբարակները լցնելու համար. երկրում պա-
կասել են հանցագործությունները... Նույնպիսի եղանակով
էին մխիթարում Արշակին նաև թագադիր ասպետ Բագրատու-
նին ու Հայր-Մարդպետը: Առաջինն իր զրույցները վերջաց-
նում էր միշտ կրկնելով. «Հուսով և հավատով եմ, արքա, որ
սա կլինի քո վերջին վիշտը»... Իսկ Հայր-Մարդպետը ավե-
լացնում էր. «Վշտերը գնայուն են, արքա, կյանքը մնայուն:
Այս է աշխարհիս օրենքը հավիտենական»... Ասենք, ի դեպ,
որ Մարդպետն ինքը բնավ վշտացած չէր այդ մահով, որով-
հետև զգացել էր, որ Օլիմպիան չէր համակրում իրեն և երբեք
չէր դիմում որևէ հարցով, որպես պալատի կառավարչի, այ-
նինչ մյուս ավագների հետ զրուցում էր սիրով:

Սակայն Արշակին ավելի հաճելի էին իշխան Անդոթի այ-

ցելությունները: Սա, որ մտադիր էր, Վրաստանից վերադառնալուն պես, դատեր հետ մեկնել Բյուզանդիա — չկարողացավ անել այդ: Պատիվներ ու ընծաներ ստացած վերադառնալով՝ տեսավ թագուհին մեռած, ուստի և մեկնումը հետաձգեց թագավորի սուգի պատճառով... Բնականաբար մեկնել չէր կարող և Փառանձեմը, շնայած թագուհու մահը այնպես ծանր էր ազդել վրան, որ կուզեր հեռանալ շուտ: Բայց Կյատշաճից կարգը ինչպես հորը, այնպես էլ նրան պահեց: Օլիմպիայի անսպաս մահը ցնցել էր նրան և նա, Գնեկին մոռացած, մտածում էր շարունակ, թե արգոյք այս մահն ևս ի՞նչ պատճառով չէրա՞վ...

Բայց ինչպես ամենքը, ինքն ևս նաևա իշխանուհու հետ գնաց թագավորին վշտակցություն հայտնելու՝ դեպքի երկրորդ թե երրորդ օրը, երբ Անդոք իշխանը տակավին չէր ժամանել Վրաստանից: Երկրորդ անգամ գնաց հոր հետ, հոր առաջարկով, որն ասաց, թե «թագավորը քո սուգի օրերին քեզ բերել-մխիթարել է պալատում — այժմ ինքդ չպետք է անտարբեր լինես, Փառանձեմ»... Եվ Փառանձեմը գնաց: Թագավորը նորից շնորհակալություն հայտնեց, իսկ Անդոք իշխանին խնդրեց հաճախակի այցել իրեն:

— Քո զրույցները, իշխան, սփոփում են ինձ: Հուսամ՝ շուտ չես մեկնելու:

— Կմնամ, արքա, որքան ցանկաս,— շոյվեց Անդոքը:

— Մնացիր, իշխան, մնացիր և ստեպ-ստեպ այցիր:

Եվ Անդոքը, իրոք հյուժեղ զրուցող, այցում էր և խոսում՝ ամեն բանից, ջանալով ցրել նրա վիշտը: Առաջին այցերից պատմեց, թե ինչպես ընդունեցին իրեն վրաց արքունիքում, ուր ինքը Արշակ թագավորի նվերներն անձամբ մատուցել էր վրաց Միհրան թագավորին, որը և խնդրել էր իր «սերն ու ողջույնը հայտնել հայոց մեծ արքային»... Այնուհետև համառոտ հիշեց, որ իրեն ևս արժանացրին ընծաների... Բայց այս առթիվ շտարածված, համարելով այդ անպատշաճ սղակորմարդու առաջ, իր այցերի միջոցին Անդոքը ոչ միայն մխիթարանքի խոսքեր էր ասում կամ մանր պատումներ անում, այլև շոշափում էր այնպիսի խնդիրներ և դրանց մասին խոսում այնպես իրավեկ, որ Արշակը նրան լսում էր սիրով, դռեֆեկլանված, մոնավանդ, երբ նա խոսում էր երկրի ապագայի մասին:

թյան մասին: Բյուզանդական արքունիքի կյանքին ու տրուած մադրությանը լավատեղյակ՝ Անդոք իշխանը վստահեցնում էր Արշակին, թե կայսրն ու արքունիքը բարյացակամ են դեպի նա, աստի՛ ե թող արքան շմտահոգի, թե նրանք կարող են ստեղծել կամ փոխել իրենց վերաբերումը թագուհու մահվան պատճառով, եթե ինքը՝ Արշակը շարունակի բարեկամ մնալ Բյուզանդիային:

Այս զրույցները երբեմն Արշակին մոռացնել էին տալիս կատարվածը, և նա, որքան էլ սուգի մեջ, այնուամենայնիվ դբաղվում էր պետության քնթացիկ գործերով, որ նույնպէս միջոց էին մոռացության: Ճշմարիտ է, չէր գնում հեռագնաց զբոսանքների կամ որսի, ինչ կլինէր արդեն պատշաճից դուրս և կարող էր տեղի տալ շարախոսության, սակայն զբաղվում էր պալատ հասած շատ խնդիրներով, իսկ ազատ ժամերին նրա միտքը տարվում էր անթիվ հարցերով, որոնց գլխավոր առանցքը կազմում էր իր Ավանը: Թեև ձմեռ էր, քայց և այնպէս՝ Ավանի կառավարիչը Արշակի կարգադրության համաձայն երբեմն գալիս էր և նկարագրում այնտեղ կատարվող աշխատանքները: Եվ Արշակը անխախտ հարցնում էր. «Որքա՞ն տուն է կառուցված... որքա՞ն գործավոր է աշխատում... Ունի՞ք ինչ մի կարիք»... Կառավարիչ Վարազը պատասխանում էր՝ գրպանից մազադաթի մի կտոր հանելով ու կարդալով: Եվ Արշակը, եթե գոհ էր լինում, գլուխը շարժում էր վերևից ներքև, որ նշան էր հավանության: Իսկ դժգոհ դեպքում՝ տարուբերում էր այն: «Սակա՛վ է. պէտք է կառուցել ավելի՛ն»... և անում էր ցուցումներ: Բայց երբ Վարազ իշխանը հայտնում էր, թե գործավորները նույնպէս սակավ են, Արշակն ավելացնում էր. «Ես կխորհեմ անհրաժեշտը»... Ու մոռւլվում էր:

Եվ հաս մի օր, երբ Արշակը զրուցում էր Ավանի գանգրահոր կառավարչի հետ, եկավ Անդոքը: Իմանալով ո՛ւմ հետ և ինչի՝ մասին է խոսում Արշակը՝ Սյունյաց իշխանը նկատեց Վարազի գնալուց հետո:

— Քանզի, արքա, կառուցում ես բերդ, պիտի կարծեմ՝ վստահ չես, թե Բյուզանդիան կլինի քեզ նեցուկ և զորավիգ վտանգի ժամին:

Արշակը կռահեց, որ Անդոքը բերդի մասին լսել է անշուշտ

Փառանձեմից և ասաց քմծիծաղ.— Բյուզանդիան զորավի՛րգ...

— Եվ ինչո՞ւ ոչ, արքա: Եթե մենք նորա բարեկամը, ինչ պահանջում է մեր երկրի ապահովությունը, նա կլինի մեզ հուսալի նեցուկ:

— Սակայն տեական ապահովությունը օտարի օղնությամբ չի լինում, իշխան: Երբե՛ք, Կարծում եմ, որ մեր աշխարհի ապահովության հոգսը քեզ պիտի հուշեր այլ մտքեր, այն, որ մենք ինքներս կռենք մեր ապահովությունը՝ մեր բերդերով, մեր զինու զորությամբ և ոչ օտարին ապավինելով: Ապավեն փնտրում են անկարներն ու հիվանդները, բայց ոչ քաջառողջ մարդիկ...— այս խոսքերի հետ Արշակը շեշտ նայեց Անդոբին:— Մի՞թե, իշխան, դու այլ կարծիքի ես:

— Ոչ, արքա: Բնավ ոչ,— շտապեց արդարանալ Սյունյաց իշխանը:— Ծա կամեցա իմանալ քո վերաբերումդ: Հարկավ և ոչ մի օտար, որքան և զորավոր, առանց շահի ակնկալության, պաշտպան չի կանգնի մեզ: Տալով մի ինչ՝ կպահանջի եռապատիկն ու տասնապատիկը... Ուստի՝ կառուցիր, արքա, կառուցիր: Ծա ինքս Սյունյաց աշխարհի իմ բերդերը հանձնում եմ քո տնօրինության: Արա, ի՛նչ կամենում ես:

— Շնորհակալ եմ, իշխան: Մի խումբ նախարարներ ուղնպես կամովին զիջանել են իրենց բերդերը: Սակայն սակավազոր են դոքա: Մեզ պետք են զորավոր բերդեր...

— Ծճմարիտ է, արքա, որքան ունենաս զորավոր ամրություններ, այնքան ավելի կապահովես աշխարհս հայրենի:

— Սակայն շունեմ աջակից, իշխան,— ասաց Արշակը տխրաձայն:— Միայն սպարապետն է, որ բերդը համարում է կարևոր, համամիտ չէ սակայն, որ նախարարներից մարդկու պահանջեմ ստիպով, Իսկ թե ինչո՞ւ եմ կամենում այդ՝ ամոնքին պարզել չեմ կարող: Բավական է պարզեմ՝ թսկույն կհասնի Շապուհի ականջը, որ բերդ եմ կառուցում պարսից դեմ... այնինչ՝ կցանկանայի ի գլուխ բերել այդ զաղտնի և արագ... Արդ ինչպե՞ս համոզեմ մեր ապիրատներին, որ ծայր անհրաժեշտ է սույն բերդաբաղաբը... Տո՛ւր ինձ մի խորհուրդ, իշխան, թե ինչպես վարվել նոցա հետ, որպեսզի ըմբռնեն մեր աշխարհի վիճակը, և ինչպես միաբանել նոցա...

— Ինչպե՞ս միաբանել...— և Անդոբը մտածումների մեջ

կախեց գլուխը:— Միաբանե՛լ...— Նա գիտեր, որ հայոց նախարարները մինչ այժմ երբեք չեն միաբանել, անգամ արտաքին վտանգի ժամին... ու ոչ մի հույս չէր տեսնում, թե միաբանեն այսուհետ, մանավանդ աշակից լինեն արքային:

— Իմացա, արքա, փորձեցիր պահանջել նոցա բերդերը և նոքա զլացան...

— Զլացան, այո: Բայց ես, իշխան, կստեղծեմ իմ բերդը, որ լինի ամենքի բերդը, և կլինի ավելի հզոր, քան նախարարաց բերդերը. ու դորանով ես կմիաբանեմ նոցա. և այդ միաբանությունը կդառնա հայոց բերդ, անխորտակ բերդ... Թըշնամին անզոր կլինի կործանել նորան: Այո, իշխան. տեսանե՛լի բերդից ավելի ստեղծենք մեր ներքին բերդը...

Իշխան Անդոքը, որքան էլ բանիմաց մարդ, չըմբռնեց, թե ի՞նչ է նշանակում ներքին բերդ, և անհարմար համարեց հարցնել, Իսկ Արշակի համար դա նշանակում է՞ր՝ բոլոր նախարարներին ենթարկել իրեն, կազմել մեծ բանակ և Հայոց Աշխարհը պաշտպանել ամեն վտանգից:

Անդոքը ամեն այցի նկատում էր, որ Արշակի տրամադրությունը բարձրանում էր օրեցօր. փոխվում էր տխրամած ձայնը, և նա խոսում էր աշխույժ, երբեմն զվարթ:

Սուգի օրերին այս զրույցները մոռացնել տալով իր ծանր ապրումները՝ Արշակին բերում էին նոր խոհեր, բարձրացնում էին նրա ընկճված տրամադրությունը, և նա ավելի էր մտածում իր անելիքների, իր Ավանի մասին... և որքան էլ Անդոք իշխանը համամիտ չէր լինում նրան՝ ավելի սիրով էր զրուցում հետը ու, ամեն հեռանալիս, ասում էր դարձյալ. «Վաղը նույնպես հաճիր գալ, իշխան»: Իսկ այդ օրը հետաքրքրվեց.

— Կցանկայի իմանալ, իշխան, ե՞րբ ես մտադիր մեկնելու:

— Երբ կհրամայես, արքա,— գլուխն իջեցրեց Անդոքը:— Ես մնացի արդեն Փառանձեմիս սուգից հանելու նպատակով և քեզ հասած դժբախտության հետևանքը:

— Հուսով եմ, որ Փառանձեմի վիշտը մեղմացած է, իշխան:

— Անշուշտ, արքա: Սակայն թագուհու մահը...

Անդոքն ուզում էր ասել «ծանր է ազդել», բայց Արշակը վրա բերավ.

— Վաղը նույնպես հաճիր, իշխան:

Իշխան Անդոբին օտարոտի թվացին թագավորի հարցումները, բայց ոչինչ չասաց և, հրածեշտ առնելով, գնաց իր հարկաբաժինը:

* * *

Եվ օրերն անցնում էին այդպես իրար հետևից՝ միանման, մոտենում էր թագուհու մահվան քառասունքը, ու քանի մոտենում էր այդ օրը՝ այնքան ավելի թե՛ պալատում և թե՛ դուրսը, թե՛ մարդիկ և թե՛ կանայք խոսում էին՝ ո՞վ կլինի արդյոք ապագա թագուհին, որովհետև կարգ էր՝ այրիացած թագավորը պարտավոր էր նորից ամուսնանալ՝ պետության գործերը երեսի վրա չթողնելու և առհասարակ տեաքար վշտի անձնատուր չլինելու համար. կար այստեղ և այն նկատառումը, որ բամբասանքից զերծ մնան թագավորն ու պալատական կանայք... Ու անում էին բազմատեսակ ենթադրություններ, թե ո՞ր արքունիքից կլինի թագուհին՝ վրա՞ց, աղվանի՞ց, թե դարձյալ բյուզանդական: Իշխանուհիներից մեկը՝ Եվ արդյոք ի՞նչ է մտածում թագավորը այդ առթիվ... Պալատում ոչ ոք իհարկե չգիտեր թագավորի տրամադրությունն այդ մասին, իսկ հարցնել՝ հարմար չէր բնավ: Բայց ամենը հետաքրքրված էին ծայրաստիճան, մանավանդ պալատական կանայք:

— Ի՞նչ է խորհում արքան, — գրեթե ամեն օր հետաքրքրվում էր նաևա իշխանուհին, երբ հազարապետը թագավորի մոտից վերադառնում էր իր օթևանը:

— Ասել չեմ կարող, իշխանուհիս, — պատասխանում էր հագնած հազարապետը: — Այդ մասին թագավորի խոսքն իսկ չեմ լսած, ուր մնաց մտածմունքը...

— Ուրեմն խոսիր ինքդ, իշխան, — շարունակում էր հետաքրքրված իշխանուհին: — Քառասունքը լրանում է: Պնսք է խոսել:

— Պատշա՞ճ է արդյոք:

— Եվ ինչո՞ւ ոչ: Եթե ինքը տակավին չի որոշած, կամ՝ մոռացել է, հարկ է հիշեցնել: Եվ կարող ես անել ինքդ, իշխան, որպես արքունի ամուգ, որպես ավագների երիցագույնը:

Դա մինչև իսկ պարտք է, իշխան,— հորդորում էր ամեն բանի հետաքրքիր նանան։— Եթե դժվարին է քեզ, թույլատրիր խոսել ինձ։

— Մի՛ շտապիր, իշխանուհիս։ Դյուրին գործ չէ։ Թույլ տուր ինձ խորհել։

— Խորհիր, իշխան, խորհի՛ր։ Ամենքը սպասողական են...

Նույնպիսի հետաքրքրություն էին ցուցաբերում այդ առթիվ նաև մյուս պալատական կանայք։

— Կուզեի իմանալ, թե ո՞ւմ նկատի ունի արքան։ Արդյոք հայ իշխանական տների՞ց կընտրի նոր թագուհուն, թե օտար արքունիքներից,— ասում էր սպարապետի բարակ, բայց ոսկորոտ տիկինը։

— Որտեղից և լինի, իշխանուհի,— հոնքերը քարձրացնում էր Սմբատ ասպետի Շուշանը,— Ես կուզեի, որ նոր թագուհին լինի տեսող և բարեհամբույր։

— Եվ չլինի գոռոզ ու բարձրահոն։

— Այլ հոգով բարի և լեզվով հաճելի,— ավելացնում էին մյուսները։— Նաև բարեպաշտ ու բարեմիտ։

Պալատական կանանցից առանձին այդ մասին զրուցում էին հաճախ նաև ավագ պալատականները։ Հայր-Մարդպետը, որպես պալատի կառավարիչ, իր պարտքն էր համարում հետաքրքրվել՝ հազարապետին և Սմբատ Բագրատունուն հանդիպելիս։ Միայն դրանց, որովհետև մյուսներին արժանի չէր համարում այդպիսի խոսակցության, իսկ Վասակ սպարապետը պարզապես խորշում էր նրանից։

— Ի՞նչ ես խորհում, տեր ասպետ, արքան կրկին Բյուզանդիայի՞ց կբերի մեր նոր թագուհուն, թե այլ արքունիքից, — դիմեց մի անգամ Հայր-Մարդպետը Բագրատունուն։

— Ինքդ որտեղի՞ց կցանկանայիր, տեր Մարդպետ,— հետաքրքրվեց Բագրատունին իր հերթին։

— Ես իմ բազմանքը չեմ թաքցնի, իշխան։ Գերադասելի է, որ նոր թագուհին լինի Տիգրոնի արքունիքից։

— Եվ ինչո՞ւ,— շարունակեց հետաքրքրվել Բագրատունին։

— Որպեսզի ավելի սերտ դարձնենք մեր և Իրանի բարեկամությունը,— ասաց ներքինին։— Բայց տարակույս ունեմ մեծ, որ բյուզանդական արքունիքը առաջարկի մի նոր իշ-

խանուհի՝ Հայոց Աշխարհը միշտ և հանապաղ իր կողմը պահելու համար։ Ես այս մտածում եմ երկյուղով մեծ։

— Հազիվ Բյուզանդիան նորից, տեր Մարդպետ, անի այդօրինակ առաջարկություն։ Դա դուրս է պատշաճից։ Օլիմպիայի հանգամանքն այլ էր։ Արքան այնժամ գտնվում էր Բյուզանդիայում։ Այդ շի կրկնվի նորից։

— Իսկ եթե կրկնվի՞, տեր Բագրատունի։

— Արքան կմերժի։

— Մերժե՞լ... Դյուրին է արդյոք, — տարակուսով գլուխն օրորեց Մարդպետը և հարցրեց։ — Եթե, իշխան, բյուզանդական արքունիքը մի այդպիսի առաջարկ անի քեզ, կարո՞ղ ես մերժել։

— Ի՞նչ, ինչու՞ ինչ, — շփոթվեց Բագրատունին։ — Իսկ հարկավ կմերժեմ։ Եվ բնավ նպատակ չունեմ հրաժարվելու իմ իշխանուհուց կամ պարսիկի նման բազմակնությունը զբաղվելու։ Ոչ, տեր Մարդպետ, ես իսպառ կհրաժարվեմ այդ պատվից։

— Ինքդ՝ թերևս, տեր ասպետ։ Սակայն դյուրին չէ արքայի համար։

— Իսկ արքայի հետ խոսած ես այդ մասին, — հետաքրքրվեց Սմբատ ասպետը միամիտ ձևացած, ներքինու ներքին ցանկություններն իմանալու համար։

— Ոչ, տեր Բագրատունի, տակավին ոչ։ Եթե արքան հարցում անի ինձ՝ ես անշուշտ կասեմ իմ կարծիքս։

Հայր-Մարդպետը այս մասին խոսեց և հազառապետի հետ իմանալով, որ նա ևս տեղյակ չէ արքայի մտադրության, նրան նույնպես հայտնեց իր ցանկությունները ապագա թագուհու թեկնածու ընտրելու մասին։ Այո, լավագույն կլինի, եթե արքան կնության առնի Շապուհի քույրերից մեկին։ Դրանով ամուր հիմք կդրվի մեր և պարսից բարեկամության ու կվերանան իսպառ պարսից վտանգները Հայոց Աշխարհի համար։

— Համամի՞տ ես, տեր հաղարապետ։

— Այդ արքայի վճռելիք խնդիրն է, — չեղորոշյուն հայտնեց իշխան Գնունին։

Ապա թագուհու խնդրով ու անձով հետաքրքրվում էին նաև պալատի մյուս մարդիկ՝ պաշտոնյաներ, սպասավորներ,

նաժիշտներ. ամենքը հավասարապես ցանկանում էին, որ նոր թագուհին ունենա լավ բնավորություն, որպեսզի բարեհաճ լինի և բարեգութ... Սակայն անստույգ էր տակավին, թե ի՞նչ է խորհում արքան. մինչև իսկ տարակույս ունեին, որ նա գուցե չի մտածում այդ մասին, գուցե չգիտե՞, թե այսօրվազը լրանում է բառասունքը, գուցե մոռացել է կարգը:

— Հարկ է ուրեմն, որ մեկը խոսի արքայի հետ, հիշեցնի կարգը:

— Հավագույն է անի հազարապետը Արքան հարգում է նորան:

— Ճշմարիտ է, իսկ եթե նա հանձն չառնի՞, Բագրատունյաց տերը ինչպե՞ս:

— Կարող է նույնպես, իբրև թագազիր ասպետ: Պերճախոս է և համոզունակ:

— Բայց չէ՞ արքան ավելի ընդունում է այժմ Անդոք իշխանին և ղրուշում ընդերկար: Թերևս նա՛ խոսի արքայի հետ:

Եվ ամենքը գտնում էին, որ այո, միայն Անդոք իշխանը կարող է խոսել. նա համարձակ է: Մյուսները չեն իշխում ամեն անգամ խոսք ասել, բայց նա՝ թագավորը, հարգում է նրան և ամեն օր զոնթե հրավիրում գրուշի:

Պալատի մարդիկ ճշմարիտ էին, Ինչպես երևում է՝ լուրն արգեն նկատել էին, որ Անդոք իշխանը թագավորի հետ խոսում է ազատ, համարձակ. դա թերևս տարիքի բերումով, թերևս և այն պատճառով, որ նա Սյունյաց նախարար էր, այսինքն՝ առաջին բարձի տերը բոլոր նախարարների մեջ: Կար և այն հանգամանքը, որ նա վերջին տարիներն ապրում էր Բյուզանդիոնում և ընդունված էր արքունիքում: Անվանի էր նաև որպես զորավար: Բացի այդ՝ համարձակ էր իր կարծիքներին և վերաբերումի մեջ, և Արշակը սիրում էր նրա համարձակությունը և հաճախ, երբ չէր երևում մի քանի օր՝ սենեկապետին ուղարկում էր նրան կանչելու, ինչ որ հաճելի չէր մյուս ավագներին, և նրանք սպասում էին, որ նա շուտ հեռանա մայրաքաղաքից: Այդ ցանկանում էր մանավանդ Հույր-Մարգարետը:

Եվ ահա մի երեկո Արշակը մենակ իր խոտանձնարանում, մեկնոցը վրան, մերթ գնում-գալիս էր գունավետ գորգի վրայով, մերթ կանգ էր առնում մտախոհ ու նայում մի կետի. երբեմն նստում էր մետաքսյա բազմոցին և ականջ դնում դրսի մի ձայն լսելու:

Պալատը լուռ էր. ոչ մի ձայն, անգամ հեռավոր ոտնաձայն չէր լսվում: Իսկ Արշակին թվում էր, թե հիմա ուր որ է կգա Անդոթ իշխանը իր ծանր ու համարձակ քայլերով. վաղուց անցել էր նրա այցի ժամը, բայց նա չկար, իսկ Արշակն սպասում էր նրան. սպասում էր ավելի լարված, քան երբեք, որովհետև քանի օր էր նա չէր եկել զրույցի. այնինչ ինքը ոչ միայն զգում էր նրա սուր զրույցների կարիքը, այլև ցանկանում էր այսօր անպայման խոսել հետը.— ուներ կարևոր ասելիք, բայց Անդոթը, չգիտես ինչո՞ւ, չէր երևում: Ի՞նչ էր սլատահել. նորից, ըստ սովորության, հյո՞ւր էր գնացել մայրաքաղաքում ապրող իշխանների տները, թե զրուցում էր տալատական ավագների հետ... Արշակը զարմանում էր նաև եռանդի վրա, որ չէր կարողանում հանգիստ նստել և միշտ շրջագայության մեջ էր. բայց, չգիտես ինչո՞ւ, երեք օր էր չէր դալիս զրույցի: Մի՞թե մոռացել էր իր խնդրանքը, թե՛ կարող է այցել ամեն օր...

Երբ բավական ժամանակ անցավ և Անդոթը դարձյալ չերեաց, Արշակը ծափ զարկեց: Ներս մտավ նոր սենեկապետ-թիկնապահ Եզնիկը և կանգնեց ձեռք, աչքերը թագավորի երեսին, հրամանի սպասելով:

— Հրավիրիր իշխան Անդոթին,— ասաց Արշակը ձայնին առանձին մեղմությամբ տված:

Թիկնապահ Եզնիկը, որ միշտ հաճույքով էր գնում Անդոթին կանչելու, որ հնար ունենար գեթ մի աչքով Փառանձեմին նայելու, այս անգամ ևս ուրախությամբ դուրս նետվեց թագավորի առանձնարանից և միջանցքով սլացավ իշխան Անդոթին և Փառանձեմին հատկացված հարկաբաժինը, որ հեռու չէր: Բայց երբ հասավ, նա քայլերը դանդաղեցրեց և, հագուստն ու ընշացքը շտկելով, դուռը բախեց կամացուկ: Փայտե դուռը ետ գնաց և, նաժիշտի փոխարեն նրա առջև կանգնեց Փառանձեմը՝ սև հագուստի մեջ, նրբիրան և շողարձակ խոշոր աչքերով: Եզնիկը, հանկարծակիի եկողի նման աչքերը Բար-

թեց, ապա զգալով իր վրա նրա հրեւնէն հայացքը՝ շփոթվեց մի վայրկյան ու ասելիքը մոռացավ այնպես, որ Փառանձեմը հարցրեց.

— Դու կամենում ես իշխան-հոգի:

— Հրամայել ես, իշխանուհի: Ծիշտ այդպես: Արքան հրավիրում է իշխանին:

— Իշխանը ելավ դուրս:

— Ելավ դուրս,— կրկնեց Եզնիկը ասես չկարողանալով ետ գնալ. նայում էր Փառանձեմին և ժպտալով լռում, մինչև որ Փառանձեմը կրկնեց.

— Այո, ելավ փոքր առաջ: Ժամանելուն պես կգա արքայի մոտ:

Եզնիկը շարժվեց վերջապես: Մի քայլից սակայն ետ նայեց: Փառանձեմը չէր երևում: Ափսոսաց: Իսկ երբ թագավորի առանձնարանը մտնելով հայտնեց, թե իշխանը չկա, նրա ոտները դողում էին:

Արշակն անխոս, բայց մտազրաղ հայացքով նայեց սենեկապետին, ապա, ներքին շուրթը առամի տակ առնելով, հարցրեց.

— Ամենքը բացակա են:

— Տանն է իշխանուհի Փառանձեմը միայն:

Այս անգամ Արշակը աչով բռնեց իր մորուքը, նայեց հատակին և ապա ասաց.

— Հրավիրի իշխանուհի Փառանձեմին:

Եզնիկը զարմացած, բայց աշխույժ դուրս եկավ. ասնաուրախություն զգաց, որ նորից պիտի տեսնի Փառանձեմին, դրանից էր երևի, որ հակառակ ընդունված կարգի, գրեթե վաղեց մինչև Փառանձեմի հարկաբաժինը և ուրախաձայն հայտնեց դուռը նորից բացող Փառանձեմին:

— Ների, իշխանուհի. կրկին անհանգստացրի: Արքան հրավիրում է...

Փառանձեմի աչքերում տարակույսներ երևացին:

— Ասացի՝ իշխանը ելավ դուրս:

— Ոչ, իշխանուհի: Արքան հրավիրում է քեզ:

— Ի՞նչ,— շիկնեց Փառանձեմը:

— Հրամանքդ, իշխանուհի. քեզ:

— Զե՞ս սխալվում:

— Բնաւ, իշխանուհի, Ինչպե՞ս կարող եմ:

— Սակայն... — Փառանձեմը կամենում էր ասել ինչ-որ, բայց զսպեց իրեն և ասաց միայն. — սպասիր, — և դուռը դնելով սկսեց պատրաստովել տարակուսով: Ինչո՞ւ է արդյոք արքան հրավիրում իրեն, — մտածում էր նա: Պատահել էր, և շատ անգամ, հրավիրել էր հորը, ինքը հոր հետ մի անշամ եղել էր մոտը, կամ՝ պարզապէս ինքն արքան էր առաջնորդում եկել իր հարկաբաժինը, սակայն չէր պատահել երբեք, որ հրավիրեք իրեն... Արդյոք ի՞նչ խնդիր է անհետաձգելի, որ հայրը չկա՝ հրավիրում է իրեն...

Բայց կարգ էր. երբ թագավորը հրավիրում էր՝ պետք էր գնալ... մանավանդ հայրը բացակա էր՝ պետք է գնար, թերևս կա շտապ մի ինչ, մի լուր՝ մոլոր վերաբերող... Եվ Փառանձեմը հապ-շտապ փոխեց վրայի հագուստը ու դուրս եկավ ջահով լուսավորված միջանցքը:

— Գնանք, — ասաց նա սենեկապետ Ծղնիկին ու առաջ ընկավ:

Սենեկապետի աչքերը շողում էին. նա այնպիսի նայվածք ուներ՝ թվում էր երջունիկ է, որ այսօր երկու անգամ տեսավ Փառանձեմին և այժմ քայլում է նրա հետեից, տեսնում է նրան ոտից գլուխ՝ բարեկազմ ու վեհընթաց: Իսկ երբ Փառանձեմը իր անշտապ ու հանդիստ քայլերով մտավ արքայի ընդունարան՝ Ծղնիկը մնաց դուրսը կանգնած. նրա դիմքին երանության պես մի բան կար, միաժամանակ մի զուսպ հետաքրքրություն, թե արդյոք ինչո՞ւ կանչեց արքան Փառանձեմ իշխանուհուն հոր փոխարեն: Ի՞նչ կար արդյոք...

Մինչ այդ Փառանձեմը ներս մտնելով տեսավ թագավորին սրահի մեջտեղը կանգնած, արքայական թիկնոցը ուսերին և գլխաբաց: Փառանձեմին նկատելով՝ նա եկավ ընդառաջ:

— Բարի եկար, Փառանձեմ, — և թագավորը թեթև խոնարհեց գլուխը:

Փառանձեմը շիկնեց այդ ընդունելութունից և նույնպէս գլուխ իջեցրեց:

— Հաճիր նստել, Փառանձեմ, — Արշակը ձեռք թիկնոցի տակից հանելով՝ հյուրասեր շարժումով ցույց տվեց սրահի

մետաքսյա բազմոցը, որի վրա շարված էին բեհեզակար բարձեր:

Եվ երբ Փառանձեմը նստեց՝ սև զգեստի փեշերն ուղղելով, Արշակն ինքը տեղավորվեց նրա դիմաց, մի հասարակ եռոտանու վրա:

— Ներիք ինձ, Փառանձեմ, պատճառածս անհանգստության համար,— աչք կրծքին դրավ Արշակը:— Ես կամեցա զրուցել Անդոք իշխանի հետ, բայց քանի բացակա է նա... կխոսենք մենք...

Թագավորի խոսելու եղանակը Փառանձեմին թվաց օտարոտի, և նա գլուխն իջեցրեց ակամա:

— Շնորհակալ եմ, Փառանձեմ, որ հաճեցիր գալ,— կրկնեց թագավորը՝ ասելիքի համար կարծես խոսքեր փնտրելով:— Ես ցանկություն ունեցա իշխան Անդոքի հետ խոսելու մեր երկրի ապահովության մասին... և դու ես, Փառանձեմ, կարող ես օգնել ինձ, ու թերևս առավել դու, քան ուրիշ մեկը...

Արքայի խոսքերը տարօրինակ էին. Փառանձեմը հոնքերի տակից դիտեց նրան մի փութանցիկ ամոթխած նայվածքով:

— Ե՛ս, արքա... ինչպե՞ս,— ակամա դուրս թռավ Փառանձեմի շուրթերից և նա, շփոթությունն ու զարմանքը ծածկելու համար, սպառաց ճիգով:

— Այո, դու ինքդ, Փառանձեմ,— կրկնեց Արշակը:

Փառանձեմը նորից շիկնեց: Նրա խաժ աչքերը տարակույսից ավելի ցուաղին, և նա լարվեց լսելու, թե ի՞նչ էր ասելու թագավորը: Իսկ Արշակը մի վայրկյան նայեց հատակը ծածկող գորգին, նայեց բազմոցին ու տրորեց ձեռքերը: Փառանձեմը նորից ակամա նիղված զգաց իրեն և, նայելով թագավորի մազմաշրտ ձեռքերին, մտածեց, թե նա ինչո՞ւ է հապաղում ասելիքը հայտնելու:

Արշակը զղաց նրա անհանգստությունը և հարցրեց.

— Հիշո՞ւմ ես, Փառանձեմ, մենք խոսեցինք իմ Ավանը կառուցելու մասին:

Փառանձեմը զարմանքից շուրթերը հպեց ավելի:

— Հիշո՞ւմ եմ, արքա,— ասաց և մտածեց, թե ինչո՞ւ համար է այդ հարցը:

— Հիշո՞ւմ ես, երբ սլարդիցի քեզ, թե դա լինելու է մօր

ապահովութիւն բերողը — դու համակիր եղար և ասացիր խոսքեր, որ հուզեցին ինձ:

Փառանձեմը լսում էր և կռահել չէր կարողանում, թե ինչու համար է հիշում այդ թագաւորը և ի՛նչ նպատակով:

— Իսկ երբ Օլիմպիա թագուհու հետ խոսում էի իմ Ավանի մասին, հանգուցյալը իր շատ բարեմասնութիւններով հանդերձ, չէր ըմբռնում ինձ, իմ նպատակս ու ցանկանում էր, որ հեռու մնամ ավելորդ հոգսերից, որ լինեմ այնպես, ինչպես բլուզանդական կայսրը, որ բնավ չի մտածում բերդեր ու քաղաքներ կառուցելու մասին, այլ միայն շքեղ հանդեսների... Օլիմպիան հասու չէր մեր աշխարհի վիճակին, նաև իմ վիճակիս: Իսկ դու, Փառանձեմ, հիշո՞ւմ ես, հասկացար ինձ և... խրախույս եղար ինձ...

Փառանձեմը հիշում էր և այդ. սակայն ինչո՞ւ է թագաւորը հիշեցնում անցածը, — մտածում էր նա և ներքին անհանգստութիւնից ակամա տրորում էր փոքրիկ սպիտակ ձեռքերը, սպասելով նրա բուն ասելիքին:

Եվ Արշակը երկար սպասել չտվեց:

— Այժմ կուզեի, Փառանձեմ, որ օգնես իմ Ավանը կառուցելու, — շարունակեց թագաւորը և անսպասելի, բայց քնքշաբար իր աշով բռնեց Փառանձեմի ձեռքը, ինչպես սև մի թրուշուն բռնի ճերմակ աղավինի:

Փառանձեմը շառագունեց, բայց չհամարձակվե՛ց, թե անպատշաճ համարեց ձեռքը խլել, ինչպես անցյալ անգամ, և միայն ասաց.

— Իսկ ինչո՞վ կարող եմ օգնել, արքա, ես մի տկար կին:

— Քո համակրանքով, Փառանձեմ, քո... սիրով:

Փառանձեմը գլուխն իջեցրեց. երկար թարթիչները ըստվեր գցեցին այտերին, և նա լռեց: Իսկ թագաւորը շարունակեց.

— Գիտես, անշուշտ, Փառանձեմ, որ իմ սգո քառասունքը լրանում է շուտով և... ավանդական կարգ է թագաւորաց՝ վերստին գույգ կազմել...

Թագաւորի խոսքի շարունակութիւնը Փառանձեմը չսեղ. նրա մարմնով մի սարսուռ անցավ. նա ըմբռնեց Արշակի զրույցի իմաստը և զղջաց գալու համար: Իսկ թագաւորը շարունակում էր: Նա ասում էր, որ այդպես է պահանջում Հա-

յոց Աշխարհի շահը և ինքը, որպէս թագավոր հայոց, պարտ է ենթարկվել կարգին ավանդական... Հուսկ ուրեմն նա չի կամենում հեռու արքունիքներում և իշխանական ուստաններում փնտրել հայոց գահի թագուհի...

Արշակն այս ասաց անհարթ ու լռեց մեկնեմ. նա դժգոհ մնաց, որ չկարողացավ ասելիքը հայտնել այնպես, ինչպես կուղեր և ինչպես պետք էր: Իսկ Փառանձեմն ավելի սեղմվեց և ոչ միայն աչքերը, գլուխը ևս խոնարհեց. այժմ նա հաղիվ էր լսում թագավորի մնացած խոսքերը, որ արտաստեում էր նա՝ ձայնին զարմանալի մեղմություն ու քնքշություն հաղորդած:

— Հուսամ, Փառանձեմ, չես մերժի... քո դժբախտ արքայի թագուհին լինել...

Փառանձեմն անել կացության մեջ զգաց իրեն. ինչպե՞ս խոսել թագավորի հետ, որ իրեն դժբախտ է անվանում, որ... ու կատարվեց անսպասելի մի բան: Փառանձեմը, ինքն էլ շիմացավ ինչպիս, բազմոցից սահելով ծունկի եկավ թագավորի առաջ:

— Ների՛ր ինձ, արքա,— ասաց կերկեր,— երբեք չէի ցանկանա դժբախտացնել քեզ...

Արշակը ձգվեց զարմանքից.

— Ինչպե՞ս...

— Ինձ, արքա, նզովել է աստված, ուստի չէի ցանկանա, որ կապվելով ինձ, դժբախտանաս և ինքդ— Փառանձեմի ձայնը բեկվեց ավելի:— Վհուկը գուշակել է, որ ես դժբախտ եմ լինելու կյանքում... ու այդ իսկ պատճառով, ինձ հասած աղետից հետո, ուխտել եմ հեռանալ մենաստան...

— Այդ ի՞նչ խոհեր են, Փառանձեմ,— Արշակը տեղից ելնելով բռնեց Փառանձեմի թևերը, բարձրացրեց զգուշությամբ, ինչպես փխրուն իրն են բարձրացնում, որ չվնասվի, և կրկին նստեցրեց բազմոցին:— Ավելորդ ցանկություն, Փառանձեմ: Ինչո՞ւ աստվածային գեղեցկությունդ մաշես մենաստանում:

— Ինչո՞ւ,— կրկնեց Փառանձեմը մեքենաբար:— Վասն՝զի, արքա, այդ իսկ գեղեցկությունը, առել է ինձ վհուկը, լինելու է իմ դժբախտությունս: Նա այդպես էլ ասաց. «Գեղեցկությունդ դառնալու է դժբախտությունդ», ու տվեց խստիվ մի խորհուրդ՝ զույգ չկազմել բնավ: Սակայն ես զանց տուա

Գորա խոսքը... և դու, արքա, վկա եղար, թե գեղեցկությունս
ի՛նչ դժբախտություն բերեց ինձ և իմ Գնեկին:

— Թշ, Փառանձեմ: Դժբախտությունդ անցավ, մոռացիր և
գուշակությունը չար վհուկի: Դու ծնված չես մենաստանում
մաշվելու համար:

Արշակը լռեց մի վայրկյան և այս անգամ, Փառանձեմի
ձեռքը բռնելով, շարունակեց մեղմաձայն.

— Օգնիր ինձ, Փառանձեմ, և գթա... քանզի ես մենակ եմ
և զգում եմ կարիքը մի ջերմ հոգու: Եվ այդ հոգին դու ես: Քո
ներկայությամբ ես...

Այս խոսքերով Արշակը կրկին ելավ աթոռից և կամեցավ
կարծես այժմ ինքը ծունկի գալ Փառանձեմի առաջ, բայց սա
անսպասելի վեր թռավ տեղից և, զույգ ձեռքերով երեսը ծած-
կած, դուրս նետվեց սրահից...

Սենեկապետ Օգնիկը, որ սպասողական ու լարված նստել
էր ժիջանցքում, նկատելով դուրս եկող Փառանձեմին, զար-
մացած ոտքի կանգնեց և աչքերը թարթելով նայեց նրա հե-
տևից: Փառանձեմը գնում էր առանց շուրջը նայելու և աշխարհ
փութկոտ, որ Օգնիկը չիմացավ՝ ուղեկցի՞ նրան, թե... Սա-
կայն երևույթն այնքան օտարոտի էր, որ նա շարժվել իսկ
չկարողացավ, միայն նայեց նրա հետևից այնքան, մինչև նա
անհրկուժացավ:

* * *

Երբ Փառանձեմը թափով ժտավ իր հարկաբաժնի առաջին
սենյակը, առնալ հայրը նոր ճակի հանձնում է նաժիշտի օգ-
նությամբ: Որքան էլ ջանաց թաքցնել հուզումը՝ անկարելի
եղավ. հայրը իսկույն նկատեց նրա արտակարգ տեսքը:

— Որտեղի՞ց, դստրիկ, և ինչո՞ւ այդպես այլապահած:

Փառանձեմը չէր կարող իսկույն պատասխանել. նա հմուտ
էր և ձեռքը ինքնաբեր դնում մերթ սրտին, մերթ կամենում
էր կարծես ծածկել-թաքցնել երեսը: Բայց երբ հայրը կրկնեց
հարցումը՝ նա ասաց միայն.

— Արքայի մոտից:

Զարմա՛նք...

— Արքայի՞... — Անդոքը ուշադիր նայեց դատեր, ասե՛ս

ներա տեսքից մի բան կոահելու համար ու կրկնեց ակամամ։
Արքայի՞...

— Այո, հայր. փոքր առաջ արքայի սենեկապետը եկավ
քեզ հրավիրելու. այստեղ չէիր։ Ես այդպես էլ ասացի։ Սա-
կայն... նա գնալով՝ նորից վերադարձավ և այս անգամ ար-
դեն հրավիրեց ինձ...

— Արքայի՞ մոտ,— շահմբերեց զարմացած Անդոբը։

— Այո, հայր։

— Արքան հավանաբար շտապ ասելիք ուներ ինձ, այո՞։
Փառանձեմը շիմացավ ինչ պատասխաներ։ Եվ Անդոբ իշ-
խանը դստեր հապաղումը տեսնելով՝ առաջարկեց անցնել կից
սենյակը։ Անցան։

— Այժմ խոսիր, Փառանձեմ։ Ի՞նչ ասաց արքան։

— Արքան, արքան...— կմկմաց Փառանձեմը կրծքի ելե-
ջով ու հայացքը թաքցնելով։— Արքան, հայր... չեմ իշխում
ասել,— և այս անգամ Փառանձեմը ձեռքը տարավ աչքերին։

— Խոսիր, դստրիկս։

— Ոչ, հայր, դժվարին է... Արքան խնդրեց ինձ...

— Խոսի՛ր, խոսի՛ր,— Անդոբը հետաքրքիր բռնեց դստելը
թևը։— Խոսիր համարձակ։

— Արքան, հայր,— սկսեց Փառանձեմը այս անգամ ճի-
գով,— խնդրեց ինձ... լինել... լինել թագուհի...

Խոսքը հազիվ ավարտած՝ նա նորից ձեռքը դրավ աչքերին
և սկսեց լալ։

— Թագուհի՞... և դու լալիս ես, դստրիկ։

Իշխանի ձայնի մեջ կար և՛ զարմանք, և՛ հետաքրքրու-
թյուն, ուստի և ավելի մոտեցավ դստեր ու, ձեռքը նրա ուսին
դնելով, հարցրեց.

— Եվ դու ի՞նչ պատասխանեցիր։

— Ես մերժեցի, հայր։

Նոր զարմանք. իշխանի սև հոնքերն ասես ճակատը թռան։

— Մերժեցի՞ր...

— Այո... Գնելից հետո կարելի՞ է միթե...

— Եվ այդպես էլ ասացի՞ր...

— Ո՛չ, հայր։ Ասացի, որ ես անիծված եմ, որ ես...— և
Փառանձեմը պատմեց, ինչ ասել էր վհուկի գուշակության

մասին և ապա իր որոշումի մասին, թե, Գնելի մահից հետո հեռանալու է աշխարհից և մտնելու է մենաստան:

— Անմիտ, ավելորդ խոսքեր,— մռայլեց իշխանը:— Վհուկները խարդախ են. գուշակությունները նոցա՝ սուտ ու սլափիր:

— Ես նույնպես, հայր, խոսքերը նոցա համարում էի պատիր. սակայն գուշակությունը կատարվեց. Գնելը սպանվեց:

— Դա եղավ, ավելի, և անցավ, Փառանձեմ: Դու չունես իրավունք աշխարհը թողնելու և մենաստան մտնելու: Այդպես է ցանկանում հայրդ՝ Սյունյաց Անդոք իշխանը:

— Սակայն, հայր...

Իշխանը անհուն ու դժգոհ նայեց դստեր:

— Վանիք քեղինից այդ տխուր մտքերը, Փառանձեմ, ու եղիր խելամիտ: Քո ամուսնությունը Գնելի հետ, այո, եղավ դժբախտ: Ցավում ենք լամենքս քեզ հետ: Բայց այժմ, Փառանձեմ, քեզ համար բացվում են երջանկության դռներ, և դու հրաժարվում ես մտնել ներս:

— Հայր, տակավին միտում է սբտիս վերքը և աշխարհն այլևս հրապույր չունի ինձ համար:

— Մխիթարվիր այնուհի, որ դառնալու ես թագուհի: Հայոց թագուհի, Փառանձեմ: Խորհի՛ր... Այսպիսի բախտ չի վիճակվում ամենքին, այլ միայն ընտրյալներին: Քո վհուկը Լղել է ստոր խարերա: Նախանձել է գեղեցկությանդ և կամեցել է թունավորել միտքդ:

— Ո՛չ, հայր, ո՛չ,— գլուխն օրորեց Փառանձեմը:— Այդ վհուկը խաբեբա չէր. նա շոյեց գլուխս և ցավելով ասաց, որ ես սլիտի բարձրանամ և ընկնեմ:

— Թո՛ղ այդ, Փառանձեմ: Արքայի իռսքը մերժել՝ նշանակում է անարգել նորան:

— Բնա՛վ, հայր: Ծա չէի ցանկանա անարգել արքային. ոչ, ես միայն խղճում եմ նորան, որ կորցրնց թագուհուն և մնաց միայնակ:

— Առավել ես չպետք է մերժես, Լթե խղճում ես:

— Սակայն մի՞թե, հայր, վիրավորած չեմ լինի իմ Գնե-
լին...

— Երբե՛ք, Փառանձեմ: Եթե մերժես թագավորին՝ նշա-

նակում է մերժում ես և իմ հայրական խորհուրդը և իմ ցանկությունը քեզ երջանիկ տեսնելու: Լսիր, զավակս...

Պատասխանի փոխարեն Փառանձեմը նորից ձեռքերով ծածկեց երեսը և ընկավ բազմոցին, ու փոքր անց հայրը լսեց նրա հեկեկանքը... Անդոք իշխանը արցունք չէր սիրում. նա անմիջապես մոտեցավ դատեր, շոյեց նրա ուսերը և խնդրեց, որ դադարեցնի լացը:

— Թող, Փառանձեմ: Սիրտը հաճախ վատ խորհրդատու է: Լսիր բանականությունդ: Արքան կարող էր թագուհի ընտրել ամեն ազգի արքունիքից, սակայն նախապատիվ է համարել քե՛ղ...

Փառանձեմը, հայացքը մի կետի, չէր պատասխանում: Նա չէր ձևանում աշխարհից ձեռնթափ: Գնելի մահից հետո աշխարհը իրոք թվում էր նրան լար, անհրապույց, մարդկանց հասարակությունը՝ տհաճ: Եվ այդ ամենից հետո ամուսնանա՞նա՞լ, ո՞չ: Գնելի պայծառ տեսքից հետո հաճելի չէին նրան Արշակի թուխ, մաղմազոտ դեմքը, ձեռքերը... Բայց այս ամենը ասել չէր կարող ու լուում էր: Իսկ հայրը չգիտեր ինչ անել:

— Ասա, վերջապես, Փառանձեմ, հարգո՞ւմ ես ծնողիդ, թե ոչ: Եթե հարգում ես, պետք է կատարել իմ կամքը, այլապես... Պատասխանիր, Փառանձեմ, կամենո՞ւմ ես անարգել մեզ, թե...

Հարցումը նորից կտրուկ էր, ուստի և Փառանձեմը չէր կարող . լռել:

— Միայն պատվել, հայր:

— Բերեմն և պիտի համաձայնես թագավորի առաջարկություն:

Փառանձեմը լսեց գլխահակ, լռեց առժամ, ապա ասաց.

— Եթե դու այդպես ես ցանկանում, հայր... Բայց չէ՞ ես մերժել եմ արդեն:

— Այդ թող ինձ, դատրիկ...

* * *

Մինչ Անդոք իշխանի հարկաբաժնում տեղի էր ունենում այս լարված խոսակցությունը, Արշակ թագավորը վշտացած երթնեկում էր նույն սրահում, նույն գունազարդ գորգի վրա,

ճորքեմն՝ կարճ, թուխ մորուքի մազերը ձգելով: Փառանձեմի մերժումն անակնկալ էր նրա համար. նա բնավ չէր սպասում, աւատի ոչ միայն զարմացած էր, այլև ընկճված: Քանի քառասունքը մոտենում էր իր վախճանին՝ ոչ միայն ուրիշները, նա ինքն ևս (սուգի օրերին որևէ տեղ չգնալով, պալատից անգամ չհեռանալով և միայն պետական ընթացիկ գործերով զբաղվելով) ազատ ժամերին շարունակ խորհել էր, թե քառասունքից հետո պարտավոր է նորից ամուսնանալ: Մտածելով նոր թագուհու մասին՝ նրա առջև երևացել էր միշտ Փառանձեմը... և քանի անգամ կամեցել էր խոսել այդ մասին Անդոք իշխանի հետ, բայց և միշտ հետաձգել էր, պահը հարմար չնկատելով: Այո, նա կամեցել էր խոսել... և չէր կասկածում, որ Անդոք իշխանը կտար իր համաձայնությունը: Իսկ Փառանձեմը... Ի՞նչ կասեր Փառանձեմը... Արշակը չէր կասկածում նաև նրա համաձայնության վրա. մտահոգում էր միայն այն, թե ինչպես խոսեր Փառանձեմի հետ: Զէ՛ որ Գնելի հիշատակը տակավին թարմ էր: Ուտի և, երկար խորհելուց հետո, նա գալվոր հաժարեց խոսել նաև Անդոք իշխանի հետ առ կանչեց նրան... Որք իմացավ բացակայում է՝ ցավեց: Բայց և այնպես, չկամենալով արդեն հասունացած միտքը նորից թողնել, նա հրավիրեց Փառանձեմին, մտածելով, որ նրա համաձայնությունն առնելուց հետո դյուրին կլիներ խոսել նաև հօր հետ: Ու Արշակը համոզված էր, որ Փառանձեմը գոհունակությամբ կընդուներ իր խոսքը... Այժմ սակայն զարմացած էր նրա վարմունքից. և, զարմացած լինելով հանդերձ, մտածում էր՝ այժմ խոսի՞ արդյոք Անդոք իշխանի հետ, թե ոչ: Նա գտնում էր, որ պետք էր խոսել և առնել իշխանին, թե ինքը կամենում էր միայն երջանկացնել նրա Փառանձեմին, վառնգի նա արժանի է, որ իր գոթախառնությունից հետո լինի երջանիկ...

Արշակն այս մտածումների մեջ էր, երբ սենեկապետ Եղնիկը, ներս մտնելով, հայտարարեց.— Այսուհետ տերը՝ իշխան Անդոք:

— Հրավիրիր:

— Ներիր, արքա, անժամանակ այցա,— ներս գալով սկրսեց Անդոք իշխանը՝ փոքր-ինչ հուզված, բայց մեղավոր նայնով.— Հաճել էիր, արքա, կանչել Փառանձեմին և խոսել

հետք. նա սակայն, առանց երկար խորհելու, հիշելով իբր թարմ կորուստը, չի ընդառաջել քո արքայական կամքին:

— Ճշմարիտ է, իշխան: Ես թերևս խոհեմ չեղաւ և միտքս յհայտնեցի պատշաճ խոսքերով, գուցէն վիրավորեցի նորա զգացմունքները նվիրական:

— Իլ, արքա, իմ Փառանձիմը շտապել է իր պատասխանով. նա սխալվել է պարզապես: Ես զրուցեցի հետք, որ արքային չի կարելի թողնել սուգի մեջ և միայնակ, և... և...

— Եվ նա,— չհամբերեց Արշակը,— համաձայնե՞ց...

Անդոքն սկսել էր հեռվից, բայց երբ թագավորն ընդմիջեց անհամբեր և հարցում արավ ուղղակի, իշխանը չէր կարող չպատասխանել.

— Համաձայնեց...

Արշակն այլևս չսեց իշխանի խոսքի շարունակութիւնը. առաջ եկավ թափով և գրկեց Անդոքին.

— Շնորհակալութիւն, իշխան, հոգացողութեանդ համար հայրական,— ասաց թեթև շիկնելով,— Ես անշուշտ սխալվեցի, որ նախ շխոսեցի քեզ հետ...

* * *

Ավանդական կարգ էր, այո, որ թագավորն իրավունք չունի այրի մնալու. ուստի քառասունքից մի շաբաթ հետո եղաւ նրա ամուսնութիւնը Փառանձեմի հետ: Պսակի կարգը կատարեց պալատական քահանան, որին, չգիտես ինչու, կոչում էին Մրջյունիկ: Հանդեսին եկել էին բոլոր պալատականները իրենց կանանցով, որ զարմացած էին, թե ինչո՞ւ արքան կին չէր առել որևէ թագավորական տնից... Եկել էին և հոգևոր հայրեր, բացի Ներսէս կաթողիկոսից, որ հիվա՞նդ էր, թե ձեռքեղ էր այգպես՝ ոչ ոք չգիտեր:

Փառանձեմը, ամուսնանալով հանդերձ, դարձյալ չէր հաշտվում իր վիճակի հետ. Արշակի մաղմազոտ դեմքը, ձեռքերը հաճելի չեղան նրան երկար ժամանակ: Իսկ երբ, ամուսնութիւնից մի քանի ամիս անց, զգաց իր հղիութիւնը, նա աղոթում էր, որ երեխան հոր նման թու՛լս ու մազոտ չլինի: Որքան էլ այդպես, բայց խղճում էր Արշակին, որ մենակ

է, որ մերձավորներ ու բարեկամներ չունի. ու խղճալով սկսեց օրիւնք նրան...

Մեր այս միջանկյալը շատ կերկարի, եթե հիշատակենք բոլոր անցքերը: Հիշենք միայն մի քանի կարևոր դեպքեր, թերևս ամենակարևորը դրանցից, և շարունակենք մեր ընդհատված պատմութիւնը:

Ամուսնութիւնից մի տարի հետո Փառանձեմն ունեցաւ մի արու զավակ, որին և կոչեցին Պապ: Թագաժառանգի ծնունդը եղավ ամառը և այնքան ուրախացրեց Արշակին, որ նա առավել մեծ եռանդով ձեռնամուխ եկավ Ավանի կառուցման աշխատանքներին, որ թուլացել էր և մասամբ մոռացութեան էր տվել Գնեւի սպանութեան և Օլիմպիա թագուհու մահւման պատճառով: Բացի այն, որ Արշակը հազարապետի միջոցով արքունի բոլոր շենքերից, հատուկ հրամանով, ահեստավորներ ու գործավորներ էր հանել Ավանի կառուցման համար և միևնույն ժամանակ պատրաստվում էր սուրհանդակների միջոցով հիշեցնել նախարարներին իրենց խոստումը՝ «սատար լինել կառուցման իրենց մարդերով ու ծառաներով», լիահոյս էր, թե այս անգամ չեն հրաժարւի իրենց խոստումից և ամեն ինչ կընթանա ցանկացածի համաձայն: Մերժումի դեպքում, որքան էլ դրան դեմ էին սպարապետն ու հազարապետը, Արշակը մտադիր էր խստորեն պատժել նրանց, բայց մինչև կտարգեր մի բան՝ բռնկեց պարսից պատերազմը Բյուզանդիայի դէմ: Սա արդեն ավելի բան խանգարեց Ավանի գործը, և նրա շինարարութիւնը գրեթե կանգ առաւ, մանավանդ, որ Արշակը լսել էր, թե Շապուհը կայսրից պահանջում է Միջագետքը, պահանջում է հրաժարվել Հայաստանին օգնելու պայմանագրից: Այս պարագան բնականաբար այնքան անհանգստացրեց Արշակին, որ նա ստիպվեց զորաժողով անել և սպասել, հարկը պահանջած դեպքում, իր սահմանները պաշտպանելու: Եվ պարս-բյուզանդական այս պատերազմը տեւեց տարիներ. ոմանց ասելով՝ տասը, մյուսների զոհելով՝ տասներկու-տասներեք տարի, այնքան երկար, որ իրար հետեից այդ կոիվների մեջ ընկան բյուզանդական երկու՝ Կոստանդ և Հուլիւսոս կայսրերը. և այդ ամբողջ ժամանակ պարսից ներխուժման վտանգը կախված

էր Հայոց Աշխարհի գլխին, ուստի և Ավանդով զբաղվելու համար չկար ո՛չ ժամանակ, և ո՛չ միջոց:

Այս խառը դեպքերի և հոգսերի միջոցին, երբ Արշակը գտնվում էր մայրաքաղաքից հեռու, Կավաշում միւսով ծերունի թագավորահայրը՝ նզովելով աշխարհը և իր թշնամիներին:

Մանր էր Արշակ թագավորի վիճակը: Հայաստանը գտնվում էր երկու հզոր գիշատիչ թշնամիների միջև ու հաճախ դառնում էր կռվող կողմերի ոտի կոխան: Այս պայմաններում ի՞նչ կարող էր անել հայոց թագավորը. կանգնե՞ր կռվողներից մեկի կողմը, թե ասեր. «Դուք կռվեցե՛ք իմ հողի վրա՝ ես կմընամ չնգոք»... Երկու դեպքումն էլ նա զգում էր, որ Հայոց աշխարհը ոչինչ չէր շահի, ուստի և նա գերադաս համարեց առերևույթ պահպանել չեղոքութիւն, քանի նրանք հեռու էին իր սահմաններից... Բայց, հակված լինելով Բյուզանդիայի կողմը, ծածուկ պարենավորում էր բյուզանդական քանակը և իր զորքը պահում պատրաստ՝ իր սահմանների վրա: Ի դեպ. այս պատերազմին էր, որ Արշակը իր աներոջը՝ Անդոք իշխանին, որպէս փորձ մարդու, նշանակեց Տիգրանակերտի կառավարիչ՝ Հայաստանի հարավային սահմանները ներխուժումից պաշտպանելու, և Անդոքը, չեղոքութիւն պահպանելու համար, մերժեց Շապուհին ապաստան տալ հայոց քաղաքում, երբ նա մեծաքանակ զորքով գնում էր Բյուզանդիայի դեմ... Բայց հետո քինախնդիր Շապուհը, իր հաղթական դարձին, ավերեց հայոց հին մայրաքաղաքը, կողոպտելով նրա զանձերու: Սակայն անպատիժ չմնաց: Տարիներ անց Անդոքն իր վրեժն առավ նրանից՝ իր հեծելազնդով սրարշավ պարսից մայրաքաղաք Տիգրոնը մտնելով և Շապուհի պալատը քանդելով:

Այս ի միջի այլոց:

Հայաստանին հարևան այս երկու մեծ պետութիւնների պատերազմը, որ տեեց տարիներ, մեծ հոգսեր պատճառեց Հայոց Աշխարհին: Երկար կլինե՞ր մանր պատմել այդ պատերազմը, որին ակամա պիտի մասնակցեին հայերը... Որպեսզի հայոց երկիրը չդառնա կռվող կողմերի ռազմաքեմ, Արշակը կարողացավ միայն ավերիչ պատերազմը հեռու պահել իր երկրից, բյուզանդական կայսեր համոզելով, որ հայոց լեռ-

ներն ու կիրճերը նպաստաւոր չեն լինի բյուզանդական ղորքերի ռազմական գործողութիւնների համար: Եվ պատերազմը եղավ Միջագետքում, հայոց հարաւային սահմանների մոտ: Բայց գրանով չէր վերանում ներխուժման վտանգը, և Արշակը այս բոլոր դեպքերի մեջ չէր մոռանում իր Ավանը, այժմ նա ավելի էր զգում ամուր բերդերի կարիքը, չէր մոռանում նախարարների բերդերը և հաճախ մտածում էր, թե երբ պիտի անցնեն խանութիւն հանգամանքները, որպէսզի կարողանա վերսկսել իր Ավանի և իր բերդի շինութիւնը:

Եվ նա գրանով ղբաղվելու հնար ունեցավ միայն այն ժամանակ, երբ վերջացավ տարիներ տևող պատերազմը: Արշակը Ավանի շինութեան ձեռնամուխ եղավ արտակարգ մոլուցքով... Ի՞նչն էր պատճառը. ոմանք պնդում էին դարձյալ, թե փառասիրութիւնը, բայց ոչ. ավելի շուտ այն, որ այժմ ավելի, քան երբեք զգում էր, թե պարսից ներխուժման ճանապարհի վրա պետք է ունենալ բազմամարդ բնակավայր, մի ամրակուտ բերդ, որ գոնե արեւելքից պաշտպաներ երկիրը: Քանի արտաքին վտանգ չկար և քանի խաղաղ էին հարևանները, Արշակը կամենում էր ավարտել Ավանը և սմբացնել այն հաստաբեւտ պարիսպներով... Ու կանչելով Վուրազ իշխանին՝ հրամայեց վերսկսել քաղաքի ընդհատված շինարարութիւնը:

— Այս պատերազմին, իշխան, բարեբախտաբար սուժեցինք սակաւ: Բայց քինսլանդիւր Շապուհը դժգոհ է, որ մենք չօգնեցինք իրեն (հիմարը միայն կարող է օգնել իր թշնամուն). ուստի և կցանկանա անշուշտ վրեժխնդիր լինել: Իսկ Բյուզանդիայից օգնութիւն չենք կարող ակնկալել, որքան էլ նա ձևանա բարեկամ: Բարեկամութիւնը երբեք տևական չի լինում... Պետք է կառուցենք մեր բերդը...

— Հրամանդ, արքա. սակայն վարպետ, գործավոր...

Եվ Արշակը նորից կարգադրեց արդեն ծերացած հազարապետ Գնունուն՝ արքունի շենքերից մարդաժողով անել Ավան ուղարկելու: Բայց լավ իմանալով, որ դա չի լրացնի կարիքը՝ նա միաժամանակ հրահանգեց, որ հազարապետը հատուկ գրութեամբ հիշեցնի նախարարներին իրենց հին խոստումը՝ Ավանին գործավորներ տալու, ըստ որում այդ հիշեցումը

գրվեց այնպես, որ անտեսվում էր նրանց տարիներ առաջ հղած մերժողական գրութիւնը...

Արքունի շէնքերը, բնականաբար, լռելյայն ենթարկվեցին հրամանի ուժով այդ տեղերից տարան այնքան մարդ, որքան ցանկացան: Բայց անցան շաբաթներ, նախարարների մեծ մասից չեկավ ո՛չ մարդ, ո՛չ պատասխան:

Արշակը զայրացաւ և հիշեցրեց երկրորդ անգամ:

Դարձյալ նույնը. ո՛չ մարդ, ո՛չ պատասխան:

Այդ ժամանակ Արշակի բարկութիւնը բորբոքվեց: Նա զայրանում էր արդեն ոչ միայն նախարարների դեմ, այլև իր դեմ, որ այդքան ժամանակ չի կարողանում գտնել մի զորավոր միջոց խոտուտամեղանցներին կարգի հրավիրելու կամ ընկճելու, ուստի և նորից կամեցաւ գործադրել այն, ինչ մտադրել էր տարիներ առաջ. — անմիջապէս զորք ուղարկել նախարարների համառութիւնը պատժելու, բայց Դավիթ Գնունին, Վասակ սպարապետը և Փառանձեմը ընդդիմացան դարձյալ:

— Հարկ չկա, արքա: Դա կուրախացնի Շապուհին: Պետք է լեղու գտնել և ամենը անել համոզելով:

— Ոչ, հարկ է լինել խիստ, որ սթափվեն նորա և ըմբռնեն Հայոց Աշխարհի շահը, — պնդեց Արշակը: — Ուլ ոչ լուսնի ունկամբ լուսնի թիկամբ:

Պնդեց, բայց զիջեց:

— Բարի, չեմ հղի ղորք, բայց կանեմ այն, ի՞նչ արժանի են:

Հազարապետը հարցական նայեց թագավորին:

— Զուլեցին մարդեր տալ կամավ, կտան տկամա, — ասաց նա: — Այո, մարդերը այժմ կզան նոցա կամբին հակառակ...

Դա լիւաց առեղծվածի պէս բան. հազարապետն ու թագուհին ցանկացան հարցնել, թե ի՞նչ է նշանակում այդ, բայց Արշակն անցավ իր առանձնարանը և նույն օրը երեկոյան, կանչելով արքայադպիր եզրին, թելադրեց հետեւալը.

«Արշակ թագավորը ողջունում է Հայոց Աշխարհի մեծին ու փոքրին և հայտնում ի լուր ամենքի, որ իր թագավորութեան Գ. տարում Կոգի հովտում հիմք է դրել

Մի Ավանի, և արդ կոչ է ուղղում ամենքին Հայոց Աշխարհի ժողովրդյան, որ այն ծառաները, ովքեր կամենում են լինել ազատ՝ թող գան նոր Ավանը:

Եվ ով կգա նոր Ավանը և կկամենա շենացնել այն՝ նա կունենա բնակություն և օթեան. նա կստանա նաև իրավունք՝ ապրել առանց հարկի ու տուրքի:

Արքունի Ավանը կարող է գալ ամեն ոք, ով դժգոհ է տիրոջից և ով կամենում է լինել ազատ: Ով հալածվում է և չի գտանում ապահով ապաստան՝ թող գոտ Ավանը արքունի, և նա կազատվի դատից ու դատաստանից: Նմանապես նա, ով պարտք ունի մեկին և չի կարող վճարել՝ թող գա Դաստակերտը արքունի և ապահով լինի, որ նորա վրա չի լինի դատ ու դատաստան:

Արշակ Բ՝ քազավոր հայոց»:

Երբ սա պատրաստ եղավ՝ Արշակը հրամայեց բազմացնել այն և, արքայական կնիքով դրոշմած, ուղարկել նախարարություններին:

Ու մի քանի օր հետո հրովարտակը, արագընթաց սուրհանգակների միջոցով, ուղարկվեց Այրարատ նահանգի բոլոր գավառները... Ի դեպ. սուրհանդակներին հրահանգված էր հրովարտակը կարդալ բոլոր եկեղեցիներում ու հրապարակներում, ժողովրդի խմբված ժամերին:

Ուղարկելով այս հրովարտակները՝ Արշակը մերթ հրճվում էր, թե մարդիկ՝ նախարարների ծառաները, լսելով արքայական խոստումները, կլքեն տերերին և կգան իր Ավանը և ինքը այդպիսով կպատժի նախարարների համառությունը. նրանք կզղջան և ներողամտություն կհայցեն... Մերթ էլ նրա ինքնագոհությունը տեղի էր տալիս կասկածի, մի խոր կասկածի, որ ակամա մոռալում էր նրան.— իսկ եթե գալ չկամենա՞ և ոչ մի ծառա, ոչ մի անազատ... Էամ արգելե՞ն տերերը... Այն ժամանա՞կ... Ի՞նչ պետք է անել այն ժամանակ:

Ու ամսից ավելի Արշակը սպասումների, իրար փոխարինող հույսերի ու կասկածների մեջ էր, և դա թերևս տևեր երկար, եթե շուտով մայրաքաղաք չգար կառուցվող Ավանի շահալ Վարազ Գնունին: Եկավ նա գրեթե տագնապած:

— Արքա, ես ծանր կացությամբ մեջ եմ. չունեմ ո՛չ կա-

ցարան և ո՛չ սնունդ, մանավանդ սնունդ... ինչպե՞ս անել...

Արշակը, նայելով նրա հուզված մորուրին, հետաքրքրվեց, թե ի՞նչ է պատահել արդյոք... Նա կռահում էր ինչ-որ աղետ, բայց շահապի պատմածից պարզվեց, որ խմբերով փախուստականներ են գալիս Ավստ, և այնքան շատ, որ ինքը հնաո՞ր շունի նրանց բնակեցնելու և կերակրելու... Ի՞նչ պետք է անել...

— Այլևս մի մտահոգիր, իշխան. արքունի համբարները բաց են առնւել. սար, կերակրիր, վրաններ զարկիր և կառուցիր, կառուցիր...

Արշակի կասկածները չքացան. այժմ նա ցնծության մեջ էր. հիմա կարագանա Ավանի կառուցումը, հիմա կփշրվեն նախարարների հպարտության եղջյուրները, և կգան նոքա ներողամտություն հայցելու:

Բայց աշխարհում ոչ մի ուրախություն հավիտենական չէ: Երկար չտևեց և Արշակի ուրախությունը: Չանցավ մի քանի ամիս՝ և ահա մի օր արքայադպիր Եզրը, այժի մորուքը դողացնելով, Արշակին բերեց մի ոլորած մագաղաթ:

— Նախարարներից նամակ, արքա:

— Նախարարների՞ց... — Արշակին թվաց, որ դա անշուշտ զղջումի նամակ է և գլխով նշան արավ դպիրին, որ ընթերցի:

— Ինձ, արքա, դժվարին է... Ընթերցել, — ասաց դպիրը շփոթված:

Արշակը զարմացած նայեց Եզրի երեսը:

— Տկա՞ր ես միթե:

Դպիրը տատանվեց անհամարձակ.

— Ոչ, արքա: Գրված է... հույժ անվայել:

Այդ ժամանակ Արշակը, նամակն առնելով, սկսեց կարդալ ինքը:

Նա կարդում էր և նրա թուխ ու թավ հոնքերը մերթ բարձրանում էին, մերթ սեղմվում հոնքամիջում, իսկ երբ վերջացրեց՝ քմծիծաղը ծամածոեց նրա դեմքը:

— Թողոքո՞ւմ են... Դժգոհո՞ւմ... և թող բողոքին ու դժգոհին որքան կամենան...

Իսկ նամակում ահա ինչ էր գրված.

«Հայոց նախարարները ողջունում են Արշակ թագավորին:

Տեր արքա.

Քո հրավերը, որ շինականք ու ծառայք գան հիմնածղ Արշակավան քաղաքը՝ ազատ, արտոնյալ ապրելու, ժողովրդյան մեջ հարուցել է մեծ գայթակղություն, և ահա ամեն անբարեհույս՝ գող, պարտազանց, ավարառու և պարտապան, ամուսնաթող և պոռնիկ, միով բանիվ՝ սմեն արատի մարդիկ փախչում ապաստանում են Արշակավան, ոմանք ընտանյոք, լքելով գործը և պարտքը յուրյանց:

Արդ մենք՝ նախարարներս ստորագրողք, հանուն արդարության և օրենքի, հանուն կարգի և իրավունքի՝ բողոքում ենք հրավերիդ դեմ. հրավեր, որ խրախուսում է հանցագործությունը և խախտում մեր աշխարհի կարգը ավանդական:

Վերացրու, արքա, հրավերը քո. փակիր գայթակղության դուռը և մի հարկադրիր մեզ լինել ծառու ստամբակ և ամբարիշտ:

Արծրունյաց տեր՝ Մեհուծան

Տարոնի Մամիկոնեից տեր՝ Վահան

Արշարունիքի և Շիրակի տեր՝ Կամստրակուն Ներսէն
Բասենից իշխան՝ Մանեն

Վահանունյաց տեր՝ Վահնե...»

Այնուհետև ստորագրել էին ավելի փոքր նախարարներ:

Արշակը կարդաց նորից և երբ հազարապետ Գնունին ներս եկավ, նամակը մեկնեց նրան, կամենալով իմանալ նրա կարծիքը:

— Ի՞նչ ես խորհում, տեր հազարապետ,— հարցրեց, երբ Գնունին ավարտեց ընթերցումը:— Եթե նախարարներից փախողները գողեր և հանցագործներ են՝ տները պիտի ուրախանա՞ն, թե տխրեն...

— Ակնհերև է, արքա,— ասաց ծերունին,— գոհ պիտի լինեն, անշուշտ, որ ազատվում են նոցանից, ուստի և ընծաներ ու շնորհակալիք պիտի հղեն քեզ և ոչ թե գիր դժգոհության:

— Այո,— ասաց Արշակը և սկսեց ծիծաղել այնպես, որ հազարապետը երեք շէլ լսել թագավորից: Այդ ծիծաղը ներքան թվաց ոչ միայն հաղթանակի ծիծաղ, այլև շարախինդ ու վրեժխնդիր ծիծաղ...

Այս ամենը կատարվեց այն ժամանակ, երբ թագաժառանգ Պապը տասնհինգ տարեկան էր: Իսկ երբ նա դարձավ տասներվեց տարեկան պատանի, Անդոք իշխանը նրան տարավ Բյուզանդիոն, որպեսզի, ինչպես ինքն էր ասում, ստանա թագաժառանգին վայել կրթություն: Տարավ ասելով, թե Պապը ի՞նչ կարող է սովորել պարսկամետ Հայր-Մարդպետից կամ պալատի քահանա Մրջյունիկից, որ իսպառ անիրազեկ է հունաց կարևոր դպրությանց... Մի քանի պալատականներ իրենց հեծյալ թիկնապահներով ուղեկից եղան թագաժառանգին մինչև Եփրատ: Վերադարձին նրանք պատմեցին, որ այդ կողմերի նախարարական կալվածքներով անցնելիս՝ նրկատեցին տերերի դժգոհ տրամադրություն:

— Նախարարք մեր երթին նայում էին չժկամ,— պատմում էր Եզր դպիրը:— Իմանալով ով է անցնում՝ ո՛չ եկան ընդառաջ, ո՛չ ուղեկից եղան գեթ մի կարճ տարածություն: Բացառություն եղան Ձյունական և Հավնունի իշխանները...

Արշակը կարևորություն չտվեց դրան. դժգոհ են, թող այդպես էլ մնան... Նա ուրախ էր, որ որդին մեկնեց տիեզերական մայրաքաղաքում ուսանելու: Մյուս կողմից՝ նրա հայրական սիրտը գոհ էր, որ գահը ժառանգ ունի, ուստի և խորհում էր, որ պետք է ջանա ամեն կերպ որդուն փոխանցել մի քարեկարգ ու ապահով երկիր... Եվ ուրախ էր, որ Ավանի կառուցումն այժմ կընթանա արագ և մի երկու տարուց կմտնենա իր ավարտին: Ուրախ էր նաև, որ իր Ավանը, տակավին չավարտած, լցվում է բնակիչներով, որ եկել ու գալիս են ամեն կողմից: Արշակն ուրախ էր մանավանդ, որ իր Ավանը օլբստօրե ձև ու մարմին է առնում մեծ թափով

— Այս Ավանի, այս բերդի կառուցումը, Փառանձեմ,—
ասաց Արշակը մի օր,— մեզ կրեիր ներքին և արտաքին
ապահովութիւն, որից հետո ես կմիացնեմ նախարարներին
ներհակ և Հայոց Աշխարհը կամրանա հավետ:

Այս դեպքերն էին ահա, որ անցել-դարձել էին մինչև նա-
խարարների միաժողովը Կամսարականի ապարանքում:

Այժմ հետևենք իշխան Կամսարականին՝ տեսնելու, թե
ո՞ւր է գնում և ի՞նչ է անում...

ԳԼՈՒԽ ՍՈՍՉԻՆ

Գառնի...

Զով պաղպաղուն կեսօր էր. զգացվում էր թարմ, կազդուրիչ օդ, որը չգիտես լեռների՞ց էր իջնում, Ազատ գետի հոսանքն էր բերում իր հետ, թե դա երկնի ջինջ կապույտից էր, որ տարածվում էր վեր խոյացած, տեղ-տեղ սեպացած լեռների գլխին, որպես մի նուրբ, թավշյա վրանատանիք:

Արեգունի սարալանջին, այնտեղ, ուր պարսպավոր վանքն էր իր հարակից շենքերով, պարսպից դուրս, վանքից վեր կանաչների մեջ երևում էին սևազգեստ մարդիկ, որ մենսավոր կամ զույգ-զույգ շրջում էին գլուխները կախ ու դանդաղ, ասես աղոթք էին միմեջում բնության գրկում: Դրանք վանքի միաբանության երիտասարդ անդամներն էին, որ դուրս էին եկել գարնան նորեկուկ բանջարներ քաղելու:

— Ես քաղում եմ ոչ ինձ համար, այլ հայր Բարնաբասի, որ սիրում է բանջարը վայելել յուզով և հավկիթով,— ասում էր մի բարակ ու երկար աքեղա՝ իր կարճ ու կլոր նորամուրուս ընկերոջը:

— Իսկ ես, աքեղա եղբայր, մառանապետ հոր համար. նա ևս սիրում է բանջար և պատվիրել է քաղել առատաբար... Ահավասիկ. գտա...

Այս ասելով՝ կարճ աքեղան, պարեգոտի փեշերը բարձրացնելով, կռացավ մասրի թփի մոտ և բրիչով հանեց բանջարը իր արմատով. և այն ժամանակ ահա, երբ նա բույսը գցում էր պարկը, նկատեց, որ ձորից՝ ճանապարհի զառիվ-

րով, բարձրանում է մի մեծ ասպախումբ՝ տեգերով, նիզակ-
ներով զինված:

— Ահավոր տեսիլ,— շշնջաց նա ահաբեկ և կծկվեց թփի
հետև:— Ասպատակ...

Իսկ երկար արեղան իր հերթին նայելով եկողներին,
նույնպես կռացավ և նույնպես խոսեց վախաշշուկ.

— Ճշմարտապես՝ ասպատակ... Պետք է հաղորդել վա-
նահորը:

Ու էլ չսպասելով ընկերոջ խորհրդին՝ կռվեկռվ նետվեց
դեպի վանքը, որի բակում այդ պահին խմբված էին մի քա-
նի վարդապետներ ու արեղաներ՝ բոլորը միատեսակ երկար,
սև զգեստներով, բոլորը երկարամազ գլուխներին սև սուր
գլխարկներ, որոնք թույլ կտորից լինելով՝ ծալծվել էին այս-
այն կողմ: Նկատելով հեռավոր վազող արեղային՝ նրանցից
մեկը հարցրեց.

— Ո՛ւր, արեղա: Պատահե՞լ է ինչ...

— Արշավա՛նք, ասպատակ,— կրկնեց արեղան և, առանց
կանգ առնելու, նետվեց դեպի վանահոր խուցը:

— Վանահայր սուրբ, ասպատակ է գալիս,— ճշաց նա
ծունկի գալով:

— Ասպատակ,— վեր թռավ ընթերցումով զբաղված վա-
նահայրը:

— Այո, գինավառ մարդոց մի խումբ:

— Բայց գուցե զո՞րք է հայրենի:

— Անհայտ է, վանահայր սուրբ...

Վանահայրը, որ հիսունը թեկոխած մարդ էր՝ վայելուչ
աղուպղպեղ մորուքով, գլուխն օրորեց.

— Զգո՛ւյշ, արեղա: Գնա ստուգիր և ճշտիվ լուր բեր ինձ,
և այնպես, որ իզուր չտագնապենք Վեհին...

Երբ արեղան շփոթված գնաց իր մեծի պատվերը կատա-
րելու՝ վանահայրը, անհանգիստ երթնեկելով նեղ խցում,
սպասեց արեղային, որպեսզի ստուգված լուր տանի կաթողի-
կոսին, որն այդ պահին գտնվում էր վանքից ու իուցներից ոչ
հեռու մի շենքի մեջ: Ներսեսը, որ, ըստ սովորության, գարու-
նը բացվելուն պես շրջում էր վանքերը՝ սրանց միաբանու-
թյունների կյանքին ծանոթանալու, տասը օր առաջ եկել էր
Գառնի իր երկու դպիրների՝ Փավստոսի և Ապոստոսի հետ.

եկել էր ոչ թե հանգիստ առնելու կամ զով ապրելու, ինչպես անում էր ամառը, այլ միաբանությունը խրատելու. որովհետև նրան լուրեր էին հասել, թե վանքի միաբանները իրենց պահում են ոչ արժանավայել, որի հետևանքով շինականները խորշում են թե՛ հոգևորականներից և թե՛ վանքից: Վերջերս հոգևորների հարկահավաքից և վատ վերաբերումից երկրում երևացել էին դժգոհ մարդիկ, որ լքում էին վանքապատկա՛հ հոգերը և հեռանում այլ շենքեր կամ գնում անտառները և միանում այն աղանդավորներին, որ իրենց կոչում էին միսաղյաններ ու բորբոսիտներ... Գառնիի վանքի շուրջն էլ լինում էր նույնը. ուստի և ներսեսը, որպես հոգևոր պետ, եկել էր պարզելու, թե ինչե՛ր են կատարվում գավառում, և միաբանությունը ներշնչելու, ինչ անհրաժեշտ էր: Ու արդեն իսկ մի քանի անգամ զրուցել էր վանահոր և միաբանության հետ, թե ինչպիսի կենցաղով պիտի ապրեն հոգևոր հայրերը, որ ժողովուրդը տարբերություն չտեսնի նրանց կյանքի ու քարոզի մեջ: Միևնույն ժամանակ նա խորհուրդ էր տվել վանահորը, որ սա բանիբու՛ն վարդապետներ ուղարկի փախած շինականներին խոսելու, վասնզի եղել են դեպքեր, երբ ամբողջ մի շենք, վանական տուրքերից ու պահանջներից հոգնած, հեռացել էր և շատ գյուղեր այլևս չէին կամենում լսել Քրիստոսի անունից խոսող վարդապետներին... Այս ամենը նկատ առնելով՝ քահանայապետը ներշնչում և հրահանգում էր վանահորը, թե վանականը պետք է լինի «կարի բանիմաց ու խելացի, զի նոքա կոչված են կառավարելու երկիրը և խելքիմաստություն սովորեցնելու մարդկանց՝ շինականներից մինչև իշխանները, իշխաններից մինչև թագավորը»... Այսօր էլ նա իր զով օթևանում ճերմակող գլուխը բաց, ճերմակած մոլորաքը կրծքին՝ զրուցում էր մի եպիսկոպոսի հետ, երբ ներս մտավ վանահայրը և հայտնեց խոնարհումով.

— Ժամանել է մեծ իշխան Կամսարականը և Վհհիդ տեսությունն է խնդրում:

Լսելով հարուստ կալվածների տեր, մեծազդեցիկ իշխանի գալուստը՝ ներսեսը շտկվեց նստած տեղում, տարակուսով նայեց վանահորն ու զրուցակից եպիսկոպոսին:

— Խնչը կարող էր գոռոզ Կամսարականին բերել ինձ մոտ,— զարմացավ նա:

— Կամենում է գուցե եկեղեցի կառուցել իր կալվածներում. եկել է հավանաբար ցուցումներ խնդրելու,— ենթադրեց վանահայրը:

— Հազիվ, սրբազան հայր: Հազիվ: Նա բարեպաշտ չէ այնքան,— գլուխը թեթևակի տարուբերեց Ներսեսը:— Նրկու տարի առաջ, երբ Շիրակի եպիսկոպոսը խնդրում է՝ «Յուրաքանչյուր շենում կառուցել մի աղոթատուն», իշխանը մերժում է. «Թող մի շենի բնակիչները գնան հարևան շենի աղոթատունը»,— պատասխանում է և նույնհետայն ավելացնում. «Շինականը անասուն է՝ կարող է ապրել և առանց աղոթքի»...— Ներսեսը տնքաց սրտախոր և ասաց, կարծես ինքն իրեն հարցում անելով:— Ի՞նչն է արդյոք նրան բերել առ ինձ... Հրավիրիր, վանահայր տեր:

Փոքր անց ներս մտավ իշխան Կամսարականը կարճ կապա հագած, առանց ճանապարհի թիկնոցի և, ինչպես ընդունված էր կաթողիկոսին ներկայանալիս, գլխաբաց ու առանց թրի: Նրա խոշոր մարմինը մեկեն ծածկեց դուռը և մթնեցրեց սենյակը: Առաջ գալով՝ նա ոչ թե խոնարհվեց երկուտակվելով, ինչպես անում էին ուրիշները, այլ իջեցրեց միայն գլուխը:

— Փա՛ռք տերն մերո Հիսուս Քրիստոսի:

— Հավիտյանս հավիտենից:

Ապա մոտենալով՝ իշխանն ընդունված կարգի համաձայն, առավ կաթողիկոսի աջը.

— Օրհնի՛ր, քահանայապետ:

— Եվ թող հար հավիտյան օրհնված լինի մեծ տունը Կամսարականաց և գերդաստանը քո, սիրելիդ իմ իշխան,— և կաթողիկոսը աջը բարձրացնելով խաչակնքեց օդը:

Երբ իշխանը նստեց, փայտե բազկաթոռը ճշնչաց նրա ծանր մարմնի տակ, և Ներսեսը շիմացավ ա՛յդ էր պատճառը, որ իշխանը մոռավեց, թե վանահոր և զրուցակից եպիսկոպոսի ներկայությունը հաճո չեղավ նրան, ուստի բարվոք համարեց ասել.

— Մենք այդ խնդրո մասին կխորհենք հետո, հայր սրբազան: Այժմ զրուցեմ իշխանիս հետ:

Զրուցակից եպիսկոպոսը և վանահայրը հասկացան, որ կաթողիկոսը ցանկանում է մենակ լինել իշխանի հետ. և երբ

ներանք խոնարհումներով դուրս եկան, ներսեսը դիմեց իշխանին բարեժպիտ.

— Մեծահույս եմ՝ անվնաս ես գերդաստանիվ, իշխան սիրելի, և աստծո բարությունը չի լքել քեզ:

Իշխանը ոչ թե պատասխանեց, այլ մոնչաց.

— Լքել է, տեր հոգևոր, լքել է,— ասաց նա պնդորի աղմուկով շնչելով, որից ուսերը բարձրացան նկատելի:

Կաթողիկոսը իր խոշոր թափանցող աչքերը հառեց իշխանի երեսը՝ մի այնպիսի զարմացական ու հարցական նայվածքով, որին իշխանը պատասխանեց անմիջապես.

— Լքել է, այո՛, հայր վեհափառ, և մատնել մեղ Արշակ թագավորի շարության ու խարդավանքին:

Ներսեսը աչքերը կծկեց ակամա և լարվեց:

— Ես իսպառ անիրազեկ եմ, իշխան,— ասաց նա պարզ տարակուսով.— Ի՞նչ շարություն և ի՞նչ խարդավանք:

Իշխանը կրկին տնքաց և շունչ առավ հեալով:

— Մի՞թե վեհո անտեղյակ է Արշակավանի հիմնադրումին:

— Լիովին տեղյակ եմ, իշխան:

— Եվ անշուշտ թագավորի արձակած հրովարտականքի՞ն:

— Որոնցով նա ազատություն է խոստանում տերերից փախած մարդոց,— ընդմիջեց կաթողիկոսը:

— Ոչ միայն խոստանում, այլև սովորեցնում է տիրանենգություն և տիրասպանություն:

Ներսեսը վախեցած թարթեց աչքերը.

— Թագավորը...

— Այո, Արշակ թագավորն ինքը,— և իշխանը հրրորդ անգամ տնքաց ամբողջ կրծքովը մեկ:

— Դու չե՞ս մեղանշում, տեր Կամսարական:

— Բնավ, հայր հոգևոր:

— Պատմիր, իշխան, Ամսից ավելի ես շրջում եմ վանքեր և հեռու եմ վաղարշապատից: Զրուցիր:

— Ժամանել եմ այդ իսկ նպատակով, տեր հոգևոր: Ժամանել եմ ասելու ամենը, ինչ ժանրացել է սրտիս: Թուր նախարարաց սրտերին:

Իվ Կամսարականը հուզված պատմեց վերջին օրերի գեպ-

քերը՝ իշխանների վրդովանքը թագավորի հրովարտակի առթիվ, պատմեց փախած շինականների մասին, թե թագավորից խաբված լքում են օրինական տերերին և գաղտագողի գնում Արշակավան։ պատմեց և վերջին դեպքը, թե ինչպես շինականները իրենց փախուստի ճանապարհին սպանել էին իր փեսային՝ Համունի Դավիթ իշխանին, որին թաղելուց հետո ահա եկել է քահանայապետի մոտ։

— Շինականները սպանե՞լ են Համունի իշխանին, — զարմացավ ներսեսը։ — Ինչպիսի՞ ոճիր։

— Այո, տեր հոգևոր, այդպես...

Երբ Կամսարականը վշտացած ասաց, թե թագավորը կամենում է նախարարներին դարձնել հասարակ հպատակներ և գուցե զինվորներ շնչին, կաթողիկոսը հարցրեց.

— Մի՞թե, իշխան, եթե ամենքդ կատարեք ձեր պարտքը թագավորի հանդեպ, կարո՞ղ է լինել նա խիստ։

— Իսկ ինքը, քահանայապետ, թագավորը կատարո՞ւմ է իր պարտքը մեր հանդեպ։ Ո՛չ երբեք։ Նա կամենում է տկարացնել մեզ, ոչնչացնել մեզ, որպեսզի տեր դառնա մեր հողերին, մեր մարդերին, մեր բերդերին։ Ու այս գործերում վատարի նորան աջակից է անշուշտ իր աները՝ Սյունյաց Անդոքը և Վասակը գուցե։ Այս է ցանկանում արքան, տեր հոգևոր։

— Խորհում եմ, իշխան, որ արքան չի լինի այդչափ դաժան։

— Այդպես է սակայն։ Ահավասիկ։ Նա պահանջեց ինձից Արտագերս և Կապույտ բերդերը՝ ես հոժար չեղա։ զի չէի կարող կալվածներս թողնել անպաշտպան։ Առանց բերդերի՝ ես չեմ խորհում իմ կյանքը և տոհմիս գոյությունը։ Իսկ Արշակ թագավորը կամենում է ընկճել ինձ և սեփականել բեշդերս...

Այս խոսքերի հետ Կամսարականը մատով լայնացրեց օձիքը, շունչ առավ մի փոքր և շարունակեց այնպես, ինչպես թարմ վիրավորանք ստացած մեկը.

— Քաղաք է հիմնել իր փառասիրության համար և հրովարտակով ազատ կյանք է խոստանում ամենքին, ովքեր կգան այնտեղ աշխատելու և ապրելու։ Սո՛ւտ է այդ խոստումը, քահանայապետ։ Քայց հրովարտակը հրապուրեց շարա-

գործներին ու գողերին, և ցնացին նոքա... Մենք նախարարաց հանրագիր հղեցինք արքային, որ խրախույս չլինի շարության և ետ վերցնի իր հրովարտակը: Նա շանսաց, տեր հոգևոր: Ընդհակառակը. հրամայել է՝ հրովարտակը կառույցով ամեն տեղ ու գայթակղել ծառաներին: Եվ ահավասիկ այդ հրովարտակի հետևանքը. տիրանենգություն և տիրասպանություն:

Կաթողիկոսը թեև տեղյակ էր թագավորի հրովարտականներին, բայց լսում էր ուշադիր և սպասում իմանալու, թե ի՞նչն է իրոք իշխանի այցելության նպատակը, ինչո՞ւ է այդ ամենը պատմում իրեն: Նա մեկ ուզեց ասել, որ վանքապատկան շինականներ նույնպես փախել են այնտեղ, բայց լռեց, մտածելով, որ դա պատվաբեր չէ վանքերի համար և իրենց վայել չէ առայժմ դժգոհություն հայտնել: Իսկ իշխանը շարունակում էր.

— Եթե, տեր հոգևոր, շարունակվի այսպես, ծառաները լքեն իրենց տներին և հանցանքներ գործելով փախչեն Արշակի Ավանը, նախարարները չեն հանդուրժի, իրենք ևս կդառնան տիրասպան...

Կամսարականի վերջին խոսքերից Ներսեսն անախորժ ցնցում զգաց, ձեռքերը քաշեց իրեն և հրացայտ աչքերը թարթեց նորից:

— Ի՞նչ խոհեր են դրանք, իշխան: Մի՞թե վայել են Կամսարականաց առաքինի տոհմի նահապետին:

— Միայն ես չէ, որ խորհում եմ այսպես, հայրապետ, այլ ամենքը, մեծ մասը նախարարաց, որոնց ծառաներին թագավորը գրավում է խաբեությանը ու դավով:

Կաթողիկոսը լսում էր մտասուլյզ, բայց երբ իշխանն ավարտեց՝ հարցրեց տրտում.

— Եվ մի՞թե հնարավոր չէ վերացնել այդ թշնամությունը:

— Այդ միայն դու կարող ես անել, տեր հոգևոր: Ահավասիկ եկել եմ առ քեզ, որպես Հայոց Աշխարհի վեհագուլյն դատավորի,— շտկվեց իշխանը՝ շեշտ կաթողիկոսի դեմքին նայելով,— Հատուկ ժամանել եմ դժգոհ իշխանաց կողմից, որ վեհ՜դ կարգի հրավիրի Արշակ թագավորին, այլապես մենք ևս կդիմենք խստագույն միջոցի...

Իրոք, Ներսեսին էր պատկանում երկրում ծանր, կնճռոտ

խնդիրներ լուծելու իրավունքը, հատկապես այն խնդիրներին, որոնք ծագում էին հարևան նախարարների կամ նախարարների ու թագավորների միջև:

— Պատերազմ թագավորի դեմ,— աչքերը թարթելով գր-լուխը բարձրացրեց ներսեսը:— Երբե՛ք, Ծաթույլ չեմ տա, իշխան: Մենք ունենք թշնամի հարևաններ: Երկիրը կավերվի եղբայրական պատերազմի մեջ, և թշնամին անարգել կմըս-նի մեր տունը: Ո՛չ, Երբե՛ք...

— Ստիպված կլինենք, տեր հոգևոր: Ստիպված, եթե Ար-շակը չդադարեցնի իր թշնամությունը... Թող նա իմանա, որ հայոց նախարարները կարող են ապրել առանց թագավորի, իսկ Արշակն ինքը չի կարող ապրել առանց նախարարների: Նախարարներն են, որ վտանգի ժամին զորավիգ են լինում նորան: Ուստի թող իմանա Արշակը, որ վտանգ է ստեղծում ի՛ք համար, ի՛ր գահի համար... Այո, եթե չզսպես նորան, տեր հոգևոր, այսօր կխլի մեր իրավունքը, վաղը՝ քո, և կանի այնպես, որ եկեղեցին ևս առնի իր իշխանությունն անբռն...

Ներսեսի խոշոր, թորշուժած դեմքով մի ստվեր անցավ և մոռյեց նրան: Շահապիվանի դեպքից հետո նա հազվադեպ էր լինում պալատում. գնում էր, երբ հրավիրում էին, իսկ երբ լսում էր անարդար մի բան, օրինազանցություն վրդովիչ— ինքն էր գնում: Այժմ, լսելով իշխանի խնդրանքը, նրա մեջ ներքին կռիվ էր. ինչպե՞ս գնար, երբ թագավորը անբարեհաճ էր ընդունում իրեն, լսում էր ակամա, շատ ժամանակ չէր համաձայնում հետը կամ հեգնում էր նվաստացնելու աստի-ճան: Ուստի և ամեն անգամ, երբ անհրաժեշտ էր լինում ներ-կայանալ թագավորին, գնում էր մեծ դժկամությամբ... Սա-կայն ինչպե՞ս վարվեր հիմա.— գնար՝ հանդիպելու էր դարձ-յալ անբարեհաճության և նվաստացումի. չգնա՞ր... զգում էր, որ խնդիրն այնպիսին է, որից կարող է ծագել ահավոր աղետ. հետևաբար՝ պետք էր գնալ և կատարել քրիստոնեից քահա-նայի պարտքը՝ կանխել շարիքը:

— Քո խոսքը, իշխան, կարի հուզեց ինձ,— խոսեց նա փոքր-ինչ մտածելուց հետո:— Անշուշտ, քրիստոնեից վայել չէ ո՛չ գօտություն, ո՛չ արյունահեղություն: Ծա կերթամ ար-քայի մոտ:

— Սակայն՝ մի խնդրանք, հայրապետ:

— Խոսիր, իշխան:

— Թագավորը, իրազեկ ես անշուշտ, անբարեհաճ է դեպ իմ անձը, հետևաբար, հայրապետ, առաքելությանդ հաջողության համար, լավագույնս է՝ չհիշել ինձ...

— Այլ կերպ և չեմ վարվի, իշխան,— հանգստացրեց ներան կաթողիկոսը:— Ինքս գիտեմ, որ նախարարները դժգոհ են, ուստի և պիտի խոսեմ ամենքի անունից...— Ներսեսը հապաղեց մի վայրկյան:— Սակայն, իշխան, նախապես ասել չեմ կարող՝ կունենամ արդյոք հաջողություն, Թագավորը կանսա՞ ինձ:

Այս անգամ Նաթ իշխանը ելավ տեղից և նորից լայնացրեց օձիքը:

— Եթե շանսա, հայրապետ, մենք ևս չենք գիջի: Զորքոտանին անգամ պաշտպանում է իրեն: Մենք ևս չենք ցանկա մեռնել անխոս...

Կամսարականի խոսքերն ասվեցին այնպիսի շեշտով, որ կաթողիկոսն ակամա ձեռքը բարձրացնելով խաչակնքեց նրան:

— Խաղաղություն, իշխան, խաղաղություն. գի խաղաղությունն է մայրը բարյաց մարգոց մեջ և աշխարհում բովանդակ: Ես կերթամ իմ քահանայապետական պարտքը կատարելու:

— Իսկ ես, քահանայապետ, կսպասեմ վերադարձիդ, որպեսզի կարողանամ որոշել անելիքս:

Կամսարականի այս խոսքը հաճելի չեղավ Ներսեսին. նա կուգեր Թագավորի մոտ գնալ փոքր ուշ. բայց երբ իշխանը հայտարարեց, թե կսպասի մինչև նրա վերադարձը, համաձայնեց ակամա.— Բարի...

Հաճելի չեղավ նախ, որ ինչ-որ սպառնալիք զգաց այդ խոսքի մեջ, երկրորդ՝ շտապ մեկնելու այդ պահանջը խախտում էր իր ծրագիրը. նա եկել էր այստեղ վանքի գործերով և մասամբ առանձնության մեջ խորհելու, թե ինչ ձեռնարկումներ են պետք եկեղեցու իշխանությունը բարձրացնելու համար: Եվ քանի օր էր ահա այդ մասին խորհելով՝ նա դպիրներին թելադրում էր գրելու իր մտքերը: Իսկ երբ հոգնում էր խոհերից, դուրս էր գալիս կանաչ դարավանդի եզերքը, հունարեն մի գիրք ձեռքին: Այստեղ՝ անգույն դի. եզրին

նստած, Ազատ գետի խոխոջն ականջում, կարդում էր և մտա-
սույզ խորհում դարձյալ: Ինչպես Արշակը տարված էր իր քա-
ղաքի շինություններ, այնպես և Ներսեսը, տեսնելով ժողովուր-
դը վերապահ է դեպի քրիստոնեությունը, և ումանք փախչում
են վանական կալվածներին, ինքը, հետևելով բյուզանդական
Նվստաթեոս եպիսկոպոսի օրինակին, հիմնեց ոչ միայն նոր
վանքեր ու եղբայրանոցներ, այլև բարեգործական հասարա-
տություններ՝ անկեղծոցներ ու ձրի հյուրատներ, որպեսզի
բարձրացնի թե՛ եկեղեցու և թե՛ իր հեղինակությունը,
որպեսզի ամենքը համոզվեն, որ քրիստոնեությունը մարդա-
սիրական կրոն է: Բացի այդ, ինչպես Արշակը ջանում է զո-
րացնել բանակը, այնպես էլ Ներսեսը, հին հեթանոսության
օրինակով, հիմնում էր ուժեղ միաբանություններ՝ թե՛ կու-
սակրոնների և թե՛ կույսերի, որ բարձրացնի եկեղեցու իշ-
խանությունն ու հեղինակությունը: Այդ իսկ նպատակով,
աշխարհիկ իշխանությունից առաջ անցնելով, նա Աշտի-
շատում գումարեց մի մեծ ժողով և սահմանեց կանոն-
ներ թե՛ եկեղեցու և թե՛ Հայոց Աշխարհի ժողովրդյան
համար: Այդ կանոններում նա հրահանգում էր, որ
տները խնամք ունենան դեպի ծառաները, իսկ ծառաները
հնազանդ լինեն տերերին...

Եվ ահա, մտածում էր նա Կամսարականի ասածներից
հետո, թե առաջինը թագավորն ինքն է խախտում կանոնե-
րը:— Եվ ինչո՞ւ,— հարց էր տալիս Ներսեսը ու ինքը պա-
տասխանում.— Իր սնափառության համար: Քաղաք է կամե-
նում կառուցել և հրովարտակով գայթակղում է նախարար-
ների և եկեղեցու շինականներին... Նա չգիտե մի՞թե, որ հին
թագավորները քաղաք կառուցում էին հաջող պատերազմից
բերած գերիներով... Իսկ Արշակը,— մտածում էր Ներսե-
սը,— ի՞նչ է անում Արշակը. շունենալով գերի ստրուկներ,
բայց ունենալով մեծ փառասիրություն, իղուր թշնամա՞ռում
էր իր նախարարների հետ:

Մտածելով այս ամենը՝ Ներսեսը համաձայնեց, թե պես:ք
է իսկապես գնալ և խոսել Արշակ թագավորի հետ: Խոսել և
համոզել, որ ետ կանգնի այդ վտանգաբեր ձեռնարկից: Մի
ձեռնարկ, որ կարող է վնասել ոչ միայն նախարարներին,
այլև եկեղեցուն, մանավանդ եկեղեցուն. զրկվելով շինական-

ներից՝ կպակասեն եկեղեցու հասույթները, և նա հետզհետե կզրկվի հեղինակութունից... Կարող է լինել ավելին. Արշակը զորանալով՝ կսկսի հոխորտալ...

«Պետք է գնալ, — վճռեց Ներսեսը, հրկար մտածելուց հետո:

Երբ հայտնի դարձավ իշխան Կամսարականի ժամանելու նպատակը և քահանայապետի զրույցը նրա հետ՝ Փափստոս դպիրը, առանձնանալով, ամենքից ծածուկ պահվող իր մասույանում գրեց հետևյալը.

«Տեր մեր Ներսես քահանայապետը լսեց Կամսարականաց նահապետ Նար իշխանի տրտունջը արդար, որ արքայն Արշակ զայթակղում և ապաստան է շնորհում հանցագործ մարդոց՝ նախարարաց ծառաներին և անբարո կրքեր է հարուցում ամենուրեք: Նա աղբսեց վեհին՝ լինել միջնորդ թագավորի առաջ և վերացնել հրովարտակը գայթակղիչ: Մեծ քահանայապետը, հանուն քրիստոնեից հավատի և խաղաղության, խոստացավ լինել միջնորդ և համոզել թագավորին, որպեսզի առիթ չտա ծառաների անկարգությանց և որպեսզի նոքա դեմքն թաց չլինեն տերերին յուրյանց, այլապես Աշխարհը Հայոց կդառնա վայր անօրինությանց: Իսկ մեծ իշխանին Կամսարականաց հորդորեց՝ մնալ հավատարիմ Քրիստոսի պատվիրանաց, որ հրահանգում են մեզ՝ լինել խաղաղ և տիրասեր, տալ զաստծուն աստուծո և զկայսերն՝ կայսեր»...

* * *

Ամբողջ երկու օր Ներսեսը մտածում էր, թե ինչպե՛ս գնա մայրաքաղաք և ինչպե՛ս խոսի թագավորի հետ. թեև Կամսարականին խոստացավ, թե կմեկնի անմիջապես, բայց զգում էր, որ հանձն է առել դժվարին մի գործ: Փորձով գիտե՞ր, որ Արշակի հետ տեսակցելիս միշտ այնպես էր պատահում, որ խաղաղ սկսված յուրաքանչյուր զրույց երկուսի միջև փոխվում էր անսպասելի, ընդունում սուր, անհաշտ բնույթ, և

ինքը հեռանում էր սրտի մեջ ճնշող զգացումով և այնուհետև հիշում շաբաթներ... Մյուս կողմից՝ Ներսեսը խորհում էր, որ իրեն վայել է այդ վեճերի ու կռիվների մեջ պահել շեղոք դիրք և ջանալ հաշտեցնել կողմերին... Դա կբարձրացներ իր հեղինակությունը, և կողմերը գոհ կմնային իրենից, նմանապես և ժողովուրդը: Սակայն Արշակը կլսի՝ արդյոք իր խորհուրդը, — մտածում էր Ներսեսը:

Ճշմարիտն ասած՝ Ներսեսին տհաճ էր հանդիպել Արշակին, որը նրան թվում էր կամակոր, համառ. մանավանդ նա արդարացնել չէր կարողանում և հոգում դատապարտում էր, որ Արշակն ամուսնացել էր եղբորորդուն՝ Գնելի այրու հետ, Գնելի սպանության պատմությունից հետո...

Ներսեսը գիտեր, որ Ավանի կառուցումից դժգոհ են ոչ միայն նախարարները, այլ նաև հոգեորականները, առանձնապես Բագրևանդի եպիսկոպոս խաղը, որի գավառը մոտ էր Ավանին: Խաղը համոզում էր, որ Ներսեսը նզովի Արշակավանը, որովհետև նրա շինականները նույնպես գայթակղվում են հրովարտակից և նույնպես գնում այդ «երիցս անիծյալ Ավանը»... Բայց Ներսեսը խոհեմություն էր համարում մնալ ձեռնպահ. կարիք չկար բացահայտ թշնամանալ թագավորին. առանց այդ էլ հարաբերությունը պայծառ չէր նրա հետ: Միաժամանակ նա մտածում էր, որ մի այդպիսի քայլ՝ նզովելու թեթև մի փորձ՝ իրեն կվարկաբեկեր ժողովրդի աչքում... Ըրշմարիտ է, ինքը նույնպես դժգոհ էր Արշակավանի կառուցումից, բայց նզովել՝ երբեք... Այժմ նա գոհ էր, որ նախարարները դժգոհ են Արշակից. վանքերի շինականները նույնպիսի փախչում էին այդ քաղաքը: Ներսեսին լուրեր էին հասել նաև, թե բորբորիտներն ու մծղնե աղանդին հետևողները, որ հեռանում էին Քրիստոսի եկեղեցուց, նրա շենքերից և ապրում թափառաշրջիկ խմբերով, նույնպես գնում էին Արշակավան, թագավորի հրովարտակի խոստումներով հրապուրված:

Այս ամենի մասին Ներսեսը շատ բան էր լսել և շատ բան գիտեր, բայց չէր կամեցել խոսել Արշակի հետ: Այժմ զգում էր արդեն, որ նախարարների մեջ ծայր առած դժգոհությունը կարող է վտանգ բերել ոչ միայն թագավորին, այլև երկրին հայոց և հավատին քրիստոնեական: Եթե սկսվեր պատերազմ թագավորի և նախարարների մեջ՝ պարսիկը կխուժեր երկիր

և եկեղեցին կործանելով կկանգնեն ատրուշաններ... Եկեղեցու հետ կաշնչացներ և բոլոր հոգևորականներին և այն ամենը, ինչ հիմնել է ինքը... Այս հեռանկարը սարսափ բերեց Ներսեսին, և նա որոշեց, առանց հետաձգելու, գնալ Թագավորի մոտ և կատարել իր պարտքը:

Նա ճանապարհ ընկավ առավոտյան վաղ, երբ օդը զով էր սառնություն չափ. բայց քանի իջնում էին ցած, այնքան զգալի էր դառնում տաքը, Արարատյան դաշտի գոլ շունչը, թեև ամառ չէր: Մտքերի մեջ նա ձին վարում էր դանդաղ և զգույշ: Ներսեսը, որևէ տեղ գնալիս, սովորաբար գնում էր շքախմբով, բայց այս անգամ նրան հետևում էին ուղեկից եպիսկոպոսը և Փավստոս դպիրը:

«Եթե Արշակը նորեն չկամենա լսել ինձ՝ ես կհանդիմանեմ նորան,— մտածում էր Ներսեսը:— Ես կասեմ, որ իր Ավանով երկիրը տանում է դեպի կործանում: Ես կասեմ, որ առանց նախարարների հնար չէ պահել աշխարհս հայրենի, եկեղեցին, քրիստոնեությունը... Եթե հակառակի՝ կնդովեմ»,— շարունակում էր խորհրդածել Ներսեսը ոլոր ճանապարհով իջնելով դեպի դաշտը: «Արշակի արարքները հանդուրժեցի մինչ այժմ, կարելի է միթե մարդոց գրգռել այնպես, որ ժառաջ սպանեն տերերին: Սույնը արդեն վարմունք է նզովքի արժանի»...

Ամբողջ ճանապարհին այս մտքերն էին զբաղեցնում նրան, և այդ իսկ պատճառով նա խոսք չէր փոխանակում ուղեկիցների հետ:

Հասնելով մայրաքաղաք՝ Նա, սակայն, անմիջապես չգնաց միջնաբերդ, ինչպես արել էր մի քանի անգամ, շատ անհետաձգելի գործերի համար: Գերադաս համարեց Նախ հանգիստ առնել վեհարանում և ապա իմանալ՝ Թագավորը միջնաբերդում է, թե, ըստ իր առվորության, գնացել է շրջագայության կամ գուցե իր նոր քաղաքը: Վանքը իր միաբանների խցերով ու վեհարանով գտնվում էր քաղաքից դուրս և շրջապատված էր պարսպով: Այնտեղ չգիտեին Թագավորի ուր լինելը, ուստի մյուս օրն առավոտյան, երբ ուղարկված վարդապետը չուր բերեց, թե արքան պալատումն է, Ներսեսը պատրաստություն տեսավ գնալու: Թագրեանդի եպիսկոպոս

նադր, որ տեղապահ էր, իմանալով, թե Վեհր կամենում է գնալ Թագավորի մոտ, որպես միջնորդ հաշտության, ասաց.

— Չարժե, տե՛ր քահանայապետ։ Արշակն իզուր կվիրավորի անձդ։ Նախարարները որքան դժգոհն են նորանից և թշնամանան նորան՝ առավել լավ։ Պետք չէ հաշտեցնել։ Միևնույն է։ Նա չի լսի Վեհիդ խոսքը հաշտության։

— Պարտքս է,— ասաց Ներսեսը և ճանապարհ ընկավ՝ հետը երկու եպիսկոպոս և մի դպիր առած։ Նրանք գնում էին դարձյալ նժույզներ հեծած, որովհետև նախ կարգն էր պահանջում, որ քահանայապետը ոտքով չգնա այցելության և ապա բավական տարածություն կար մինչև միջնաբերդ, այնտեղ հասնելու համար պիտի անցնեին փոշոտ ճանապարհներ և մի քանի նեղ փողոցներ։

Մայրաքաղաքը ուներ երեք գոտի. առաջինը արվարձաններն էին, որ գտնվում էին քաղաքի պարսպից դուրս և շրջապատված էին խաղողի, դեղձի ու ծիրանի այգիներով։ Երկրորդ գոտին, պարսպի ներսը, բուն քաղաքն էր, ուր ապրում էին արքունիքին և ապա քաղաքացիներին սպասարկող արհեստավորներ։ Դրանց հետ միասին այդտեղ ապրում և գոծում էին նաև առևտրականներ, ռամիկներ ու ազատներ։ Երրորդ գոտին արդեն միջնաբերդն էր՝ իր բարձր, ատամնավոր ու բրգաշատ պարսպով. դրա ներսը տարածվում էր ընդարձակ մի ծառաստան՝ բազմատեսակ պտղատու և անպտուղ ծառերով, թվերով ու բույսերով։ Ծառաստանի ուղիղ մեջտեղը բարձրանում էր արքայական երկհարկ պալատը՝ այս-այն կողմ գնացող ուղիներով։ Պարսպի ներսը կային և այլ շենքեր։ Դրանք պաշտոնատներ էին, համբարականոցներ և պալատականների բնակարաններ։ Բոլորից քարած ուղիներ էին դնում դեպի պալատը՝ ծառաստանի միջով։

Երբ Ներսեսը նժույզի վրա ձգված, ճնրմակ մորուքը սևահանդերձ կրծքին, իր եպիսկոպոսներով մտավ քաղաքի պարսպից ներս և ընթացավ դեպի միջնաբերդ, արհեստավորները դադարեցին իրենց աշխատանքը և նայեցին հոգևոր հայրերի թափորին. իսկ երբ նրանք մոտեցան միջնաբերդի երկաթագամ դռներին՝ նիզակավոր պահակները հարգանքով բացեցին երկու փեղկն էլ և ճանապարհ տվին։

Մինչ կաթողիկոսը հանդիսավոր ընթացքով գնում էր գե-

պի պալատ, Թագավորն այդ պահին լսում էր Ավանի շահապ
Վարազ Գնունու զեկույցը՝ քաղաքի շինության ընթացքի մա-
սին։ Թագավորի առանձնարանում պինդ սեղանի վրա դրված
էր պղնձյա մի կլոր խոշոր սկուտեղ՝ ավազով լիքը. ավազը
հարթված էր և վրան ուներ բարակ երկար ձողեր, նաև կես
մատի շափ փոքրիկ քառակուսի փայտիկներ։ Սկուտեղն իր
ավազով՝ քաղաքի տարածությունն էր, իսկ ձողիկները և քա-
ռակուսիները՝ փողոցներն ու տները։ Խոսելով՝ Վարազը
ցույց էր տալիս ձողիկներից մեկը՝ մի փողոց և բացատրում,
թե քանի տուն է շինված այդտեղ... Թագավորը դժգոհ էր, որ
կառուցումը դանդաղում է։

— Լսում եմ, որ բազում են եկողները, սակայն...

— Այո, արքա, բազում են, սակայն ամենքը ի վիճակի
չեն կառուցել։ Չունեն փորձ. նաև քարը և փայտը չի բավում
ամենքին, վասնզի ամենքը...

— Իսկ եկեղեցի՞ն։ Ջանացեք ավարտել գեթ եկեղեցին,
— ասաց Արշակը և դժգոհ հեռացավ սկուտեղից։

Այդ պահին էր ահա, որ հայտնեցին, թե քահանայապե-
տը ժամանել է տեսակցության։ Արշակի առաջին զգացումը
եղավ դժգոհություն, որ ներսեսը խանգարեց իր զրույցը. նրա
աչքերի սպիտակուցները փայլեցին իսկույն, բայց մտածեց,
որ այդ այցելությունը հավանաբար կունենա լուրջ պատճառ-
ներ, այլապես ներսեսը այդքան շուտ չէր թողնի իր Գառ-
նին... Թագավորին հայտնի էր, որ նա սովորույթ ուներ
նշանավոր մենաստան կամ միաբանություն մեկնելիս՝ մնում
էր երկար։ Այժմ ի՞նչը կարող էր բերել նրան, — դա հետա-
քըրքեց Արշակին, և նա քաղաքի շահապին արձակելով՝
կարգադրեց հրավիրել։

Նրբ արարողապետը կաթողիկոսին հրավիրեց գահասրահ՝
ուղեկից հպիսկոպոսներն ու Փավստոս դպիրը մնացին սպա-
սասրահում։ Ներսեսը արժաթագլուխ գավազանը ձեռքին
նրա մտնելով, տեսավ Թագավորին մի բարակ ծիրանի ուսե-
րին դանդաղ քայլելիս։ Կաթողիկոսին նկատելով՝ Արշակը
կանգ առավ դրված։

— Բարի եկար, քահանայապետ։

— Բարին արքային և պալատին, նաև տանս արքունի,—

Ներսեսը աջով խաչակնքեց թագավորին ու գահաստիճան, շնայած դժգոհություն զգաց, որ Արշակը պատշաճ ձևով չընդունեց իրեն։

— Հաճիր բազմել, քահանայապետ,— ձեռքը դեպ բազկաթուղ մեկնեց Արշակը։

Եվ երբ Ներսեսը տեղավորվեց բազկաթոռում, Արշակը, ինքը ևս նստելով, թուխ աչքերի սուր հայացքը հառեց հյուրի երեսը։

— Երեկ հայտնեցին՝ Գառնի ես։ Ի՞նչը հարկադրեց ժամանելուն պես գալ ինձ։

— Մեր երկրի խաղաղությունը, արքա։

Որքան հարցը անհյուրընկալ էր, պատասխանը եղավ նույնքան անակնկալ, և Արշակը լարվեց տարակուսով։

— Պատահե՞լ է դժբախտ ինչ։

— Տակավին՝ ոչ, արքա։ Սակայն կարող է պատահել ամեն վայրկյան։

— Խոսիր ավելի պարզ, քահանայապետ,— Արշակի սպիտակուցները փայլեցին հետաքրքրությունից։— Դու ականջալու՞ր ես եղած որևէ դավի, թշնամության։

— Ոչ միայն ականջալուր, արքա, այլ ունեմ լուրեր հավաստի. դեմդ կա մի տրտունջ, որը սակայն կարող է լեռնանալ և դառնալ աղետավոր...

Այստեղ Ներսեսը մտածեց, թե ինչպե՞ս հայտնի լսածը և ի՞նչ ձևակերպումով, որ միջնորդությունը իզուր չանցնի. չգրգռի Արշակին և միաժամանակ օգուտ բերի գործին։

— Քո հիմնադրած քաղաքը, արքա, ցանկալի է անշուշտ, — շարունակեց Ներսեսը ձայնին մեղմություն ու խորհրդավորություն տալով,— սակայն քո հրովարտակը՝ մարդաժողով անել նախարարներից... Իրազե՞կ ես արդյոք նոցա դժգոհությանը, արքա։

— Այո, տե՛ր հոգևոր, քաջատեղյա՛կ եմ, որ նոքա անգամ ժողովներ են գումարում իմ դեմ։ Իրազեկ եմ նաև, որ Վասպուրականի տե՛ր Արծրունի Մերութանը, չկատարելով իր պարտքը արքունյաց հանդեպ, գրգռում է հարևան ու բարեկամ նախարարներին իմ ձեռնարկումների դեմ, ի՛մ դեմ, ի՛մ գահի դեմ։ Իրազեկ եմ,— կրկնեց Արշակը և մեկնեց հարց-

րեց.— Իսկ ինքզ, քահանայապետ, շես կամենում մի՞թե, որ մեր երկիրը զորանա և դիմագրավի իր թշնամիներին:

Արշակի լավատեղյակությունը և նրա անակնկալ հարցումը ասես շփոթեցին ներսեսին և նա խոշոր աչքերը քացխփեց մի քանի անգամ: Նա, իհարկե, չգիտեր և չէր կարող իմանալ, որ Անգեղաց իշխանիկը իրենից մի օր առաջ եղել էր արդեն թագավորի մոտ, պատմել էր իշխանաժողովի մասին և առանց մահափորձի դեպքը հիշելու խնդրել էր որևէ պաշտոն, քանի որ մտադիր չէր այլևս վերադառնալ իր կալվածք: Եվ թագավորը նրան, իր իսկ ցանկությամբ, օւղարկել էր զորքի մեջ ծառայելու:

Զարմանալով թագավորի իրազեկության վրա՝ ներսեսն այնուամենայնիվ անհրաժեշտ համարեց պատասխանել Արշակի հարցումին, որը նման էր մեղադրանքի:

— Հարցնում ես, արքա, թե մի՞թե շեմ կամենում, որ երկիրը մեր զորանա և դիմագրավի թշնամիներին: Հարկավ, արքա: Ես ուրիշ խոհ չունեմ: Մեր աշխարհն է ամենքիս կյանքն ու ապավենը:

— Հետևաբար, քահանայապետ, լսելով այդ տրտունջքը, դու պետք է գայիր ոչ ինձ, այլ գնայիր տները այն նախարարաց, որ տրտունջ ունին... և կշտամբեիր, որ շխորհն միայն իրենց կալվածի մասին, այլ խորհն, որ երկիրը օտարից պաշտպանողը միայն թագավորը չպետք է լինի...

Արշակը լռեց մտածումների մեջ, իսկ ներսեսը ներուստ տհաճություն զգաց, որ թագավորը ընդհատեց իրեն և փոխեց զրույցի ընթացքը, ինչպես անում էր հաճախ:

— Այո, հայրապետ, եթե դու խորհեիր երկրիս համար, պետք է վարվեիր այդպես: Սակայն դու հոգում ես միայն քո եկեղեցու, անկեղծոնների և աղոթքի մասին. իսկ ես աղոթքով կարող չեմ պահել Աշխարհը Հայոց: Ինձ պետք է զորություն, բերդ, միաբան կամք...

— Մի՞թե, արքա,— ընդմիջեց ներսեսը վիրավորված,— ես չեի՞ ցանկա, որ նախարարները հայոց զորավիպ լինեն քեզ մեր աշխարհի պաշտպանության գործում:

— Ոչ, տեր հոգևոր, նոքա հիմա զորավիպ են լինում միմյանց: Եվ եթե ինքդ, քահանայապետ, հոգածու ես մեր աշխարհի ապահովության՝ գովելի է: Սակայն ի՞նչ է պահան-

չում աշխարհիս ապահովությունը,— հարցրեց Արշակը հանկարծ կանգնելով ուղիղ կաթողիկոսի առաջ, բայց չսպասելով նրա պատասխանին՝ ասաց,— այն, որ բերդերի տերը լինի թագավորը, թե նախարարները:

Ներսեսը նորից անակնկալի եկավ, աչքերը թարթեց մի քանի անգամ. նրան թվում էր, թե Արշակը վաղուց ի վեր առիթի էր սպասել, որպեսզի հարձակվի իր վրա: Եվ, կամենալով կարծես կանխել թագավորի նոր հարձակումը, ուզեց պատասխանել, բայց թագավորը ժամանակ չտվեց.

— Տրտնջում են... Ես նոցանից խնդրեցի մարդ՝ արքունի բանակը զորացնելու՝ մերժեցին: Խնդրեցի բերդեր՝ վարձահատույց լինելու պայմանով՝ չհոժարեցին: Այժմ, դատիր ինքդ, տեր հայրապետ, իս,— Արշակը մատը դրեց կրծքին,— Հայոց Աշխարհի թագավորս, ի՞նքս պետք է հնազանդեմ նոցա:

— Ո՛չ, արքա, ո՛չ. հարկավ՝ ոչ,— ծանր շնչելով, բայց արագությամբ վրա բերավ Ներսեսը:— Դու նրանց տերն ես միշտ և հանապազ: Պարտավոր են հնազանդել նո՛քա...

— Սակայն գոռոզ են և ամբարտավան: Եթե պահանջում եմ մարդ և բերդ՝ մի՞թե կարծում են պահանջում եմ անձիս համար: Քահանայապետ, ես կոչված եմ երկիր պաշտպանելու և ժողովուրդը ինձ համար զորք է, ուստի և կարելի չէ թողնել նախարարաց իրավունքի տակ:

Ներսեսը, որ ուշով հետևում էր թագավորի խոսքին և հարմար վայրկյան էր սպասում իր առաքելության մասին խոսելու, այստեղ կարևոր համարեց նկատել.

— Ահավասիկ, արքա, այդ իսկ պատճառով տրտնջում են նոքա: Տրտնջում են, որ գրավում ես նոցա ծառաներին: Տրտնջում են և ասում, որ եթե արքան չփոփոխի իր վերաբերումը և իր հրովարտակը մարդաժողովի...

Արշակը շուգեց լսել շարունակությունը:

— Ուրեմն նոքա սպառնում են ինձ,— կանգնեց նա աչքերի սպիտակուցները փայլեցնելով:— Եվ կամենում են, որ հրաժարվեմ հիմնածառ Ավանից, որպեսզի ծառա չկորցնեմ իրենք: Բայց մի՞թե կարծում են, որ Ավանը կառուցում եմ ինձ համար,— Արշակը հարցական և սեւեռուն նայեց Ներսեսին:

Բայց ներսեսը չշփոթվեց:

«Այո, ոչ քո անձի, բայց քո փառասիրության համար»,— մտածեց նա և ասաց.— սակայն և այնպես, արքա, պետք է հարգել նոցա իրավունքները տոհմական:

— Իրավունքները տոհմական,— թագավորի դեմքին խաղաց մի բմթիծաղ:— Ասա ինձ, տեր հոգևոր, կհանդուրժե՞ս ինքդ, երբ քո եպիսկոպոսները և վանահայրերը շահագանդեն քեզ: Հաճո՞ւ կլինի, եթե յուրաքանչյուրը նոցանից լինի ինքնադուխտ և մերժի քո կամքը:

— Ոչ. դա կլինի պարտազանցություն, արքա:

— Այդպես... Իսկ իմ նախարարները խորհում են դավեր, խորհում են մտնել օտար իշխանությանց տակ կամ լինել ինքնիշխան և շանսալ իրենց թագավորին. և դու եկել ես բարեխոսելո՞ւ, ինձ խաղաղության հրավե՞ր կարդալու:

Ներսեսը թագավորի խոսքի մեջ զգաց հեգնանք և հանդիմանություն:

— Ես քրիստոնեից հովիվ եմ, արքա. պարտքս է քարոզել խաղաղություն և մեղմել կրքերը:

— Խաղաղություն,— հեգնական երկարեց Արշակը:— Լավագույն խաղաղությունը կլինի այն, տեր հոգևոր, եթե ասպահովենք մեր աշխարհը օտարի ներխուժումից: Այդպես: Եվ դու, ինձ բարության ու գթության կոչ անելուց առաջ՝ պետք է խորհիր, թե ո՞րն է բարին Հայոց Աշխարհի համար:

«Վերստին վերավորա՞նք... Երբե՞ք շունի հարգանք դեպի հայրը հոգևոր: Անզուսպ է հանապազ և խստապարանոց»,— մտածեց ներսեսը տհաճությամբ:

— Բայց մի՞թե, արքա, ես հասու չեմ, թե ո՞րն է բարին,— ասաց նա վիրավորված ձայնով, կամենալով վերջապես սթափեցնել թագավորին:

— Ո՛չ, հայրապետ, լիովին ո՛չ,— շեշտեց Արշակը:

Ներսեսը գունատվեց:

«Կամենում է վիրավորել դարձյալ»,— մտածեց նա խորին սրտմտությամբ:

Բայց Արշակը, ուշք չզարձնելով նրան, շարունակեց.

— Ո՛չ, քահանայապետ, հասու չե՛ս: Դու ըմբռնում ես միայն ժամանակավոր բարին, քրիստոնեից բարին: Պետք է

ըմբռնեա հեռավոր բարին, այն, որ մենք ամրացնենք մեր աշխարհը գալոց ժամանակների համար: Իսկ դու քարոզում ես ինձ խաղաղություն: Այդ իմաստությունդ պիտի քարոզեիր անհնազանդ նախարարներին...

Ներսեսը նստած տեղում դժգոհ շարժում արավ: Նա վիրավորվեց ավելի, և որպեսզի թագավորին զգացնել տա, թե ինքն ըմբռնում է այդ ամենը, ասաց.

— Արքա, քանի մենք բարեկամ լինենք Բյուզանդիային՝ մեր երկիրը կլինի ապահով...

— Բյուզանդիա՛,— ընդմիջեց Արշակը հեզնանքով:— Օտարի օգնությո՛ւն... Զանանք, տիւր, կարոտ չլինել օտարի օգնության: Ահա բարին, որին հասու չե՛ս:

Կաթողիկոսը վիրավորանքից շուրթերը սեղմեց և հառաչեց.

— Դու, արքա, խոսում ես ապահովության մասին և ինքդ թշնամացնում ես նախարարներին, արհամարժեքով նոցա իրավունքները, գրավելով նոցա ծառաներին...— Այստեղ Ներսեսը հիշեց Կամսարականի խոսքը և վրա բերավ:— Իմացիր, արքա, որ առանց նախարարների օգնության հնար չէ երկիր պահել: Վտանգի ժամին նոքա պիտի գան քեզ օգնության: Ուստի և իզուր ես անտեսում նոցա...

— Նախարարներ՛րը... Նոքա միշտ և հանապազ խորհում են յուրյանց շահը և դու միջնորդում ես, որ հարգե՞մ նոցա:

— Եթե չհարգես, արքա, այն ժամ...

— Այն ժա՛մ,— նորից ընդմիջեց Արշակը:— Կամենում ես ասել, որ թույլ կտան հանդուգն արարքներ:

— Անշուշտ, քանզի ոչ ոք չի կամենա զրկվել իր ունեցածից, առավել ևս նախարարները, որ ունեն իրավունքներ ավանդական:

— Եվ ուրե՞մն,— Արշակը դարձյալ հեզնախառն հետաքրքրությամբ նայեց կաթողիկոսի հոգնած դեմքին:

— Ես ասացի, արքա. չխախտել նոցա իրավունքները, չհրապուրել նոցա ծառաներին:

— Ես պետք է կառուցեմ իմ Ավանը:

— Կառուցիր առանց նոցա մարդոց:

— Այդ կարելի չէ, հայրդ հոգևոր: Ինձ պետք են գործավորներ, շա՛տ գործավորներ և բնակիչներ:

— Այնժամ, արքա, ինքդ մեղավոր կլինես առաջի մարդոց և աստուծո: Ես եկա զգուշացնելու ժանրաժանր հետևանքներից, քանզի Ավանգ փախչող ծառաները սկսել են սպանել իրենց տերերին:

Արշակը լարվեց. այդ նորությունն էր նրա համար: Եվ ներսեսը, այդ նկատելով, պատմեց Համունի իշխանի սպանությունը:

— Ահավասիկ, արքա,— շեշտեց նա:— Կարելի՞ է միթե ստրկին տալ սուր և ազատություն: Այսօր նոքա սպանում են իշխան ու նախարար, վաղը սուր կբարձրացնեն ի՛նձ վրա, քե՛զ վրա: Ապա նույնատեսակ սպանությունները կարող են լցնել բարկության բաժակը և նախարարները կելնեն քո դեմ, գահիդ դեմ և այնժամ ժաշկ կլինի...

Վերջին խոսքը ասելով՝ հուզված կաթողիկոսը թափով ելավ տեղից և, առանց թագավորին նայելու, գավազանը հատակին զարկելով, դուրս եկավ գահասրահից:

Ընդունարանում սպասող ուղեկիցները, նրա այլայլումը նկատելով, անխոս շրջապատեցին նրան:

* * *

Իսկ Արշակը, կաթողիկոսի մեկնելուց հետո, թեթևություն զգաց և ուրախացավ միաժամանակ, որ Ավանի համար մարդ ժողովելու իր միջոցը հաջողել է. թող նախարարները դժգոհեն. թող զգան, թե ինչ է նշանակում դեմընթաց լինել արքային,— մտածում էր նա և դառնում գոհունակ քայլերով, իբրև հաղթանակ տարած, նույնիսկ շփում էր ձեռքերը, ինչպես լավ գործարք կատարած մարդ, երբ ներս մտավ Փառածեմ թագուհին՝ ամառային մի նուրբ հագուստի մեջ, պարանոցին մանյակ, մազերի մեջ փայլուն հերկալներ: Չնայած նոր ամուսնությունից անցել էր 17—18 տարի, բայց նա տակավին պահպանել էր իր աշխույժն ու թարմությունը, առանձնապես խոշոր խաժ աչքերի փայլը և դիմագծերի կանոնավորությունը:

— Կարելի՞ է իմանալ, արքա, թե ինչո՞ւ համար էր Վեհի այցը,— հազիվ ներս մտած հետաքրքրվեց նա:

— Բերել էր ինձ ուրախալի լուրեր...

Թագուհին զարմացավ.

— Ուրախալի՞... Ինձ հայտնեցին սակայն, որ նա հեռացել է սաստկապես վշտացած:

— Այնուամենայնիվ՝ բերած լուրերը ուրախալի են, թագուհիս:

— Ուրախալի՞... — տարակուսեց Փառանձեմը:

— Այո, նա հայտնեց, որ նախարարները անշափ դժգոհ են ինձնից:

— Ա՛յդ է ուրախալին, — աչքերը լայն բացեց Փառանձեմը: — Դա ավելի քան տխուր է, արքա:

— Ոչ, թագուհիս, հույժ ուրախալի: Եթե նոքա դժգոհ են՝ ապացույց է, որ շատ մարդ է գնում Ավան, և ուրեմն կառաքանա Ավանիս կառուցումը, հետևաբար կամրանա մեր ապահովությունը... Ավանից հետո կլինի բերդը, որ ես կարող եմ լինել հանգիստ. կփակվի մեր աշխարհի բաց դռներից մեկը պարսից առաջ:

Այս ասելով Աբշակը այնուամենայնիվ հակերճ հայտնեց կաթողիկոսի այցելության նպատակը:

— Միով բանիվ՝ միջնորդում է, որ նախարարներից մարդեր չգրավեմ Ավանիս համար:

Փառանձեմը գլուխը շարժեց նշանակալի.

— Ուրեմն Վեհր նույնպե՞ս չի ցանկանում, որ Ավանը կառուցվի, — ասաց Փառանձեմը դժգոհ: — Իսկ եկեղեցի կառուցել կարելի է, և ամեն տեղ: Կուսանոցներ կարելի է ամեն տեղ... Ո՛չ, արքա, ունկն մի դիր այդ խոսքերին և շարունակիր սկսածդ...

Խոսելով՝ Փառանձեմը փեշերը վեր պահելով նստեց այն բազկաթոռին, ուր քիչ առաջ բազմած էր կաթողիկոսը: — Դու ճշմարիտ ես, արքա: Քաղաքը և բերդը անվտանգ կդարձնեն մեր ապահովությունը, ուստի պետք չէ հապաղել: Գահաժառանգիդ և ժողովրդյան պարտավոր ես թողնել ապահով երկիր... Վտանգներից ազատ երկիր:

Երկիրը, պետությունն ու թագաժառանգը Փառանձեմի մաքում ձուլվում էին իրար: Ամուսնության առաջին տարին նա անտարբեր էր գեպ ամեն ինչ, բայց որդի ունենալուց հետո հետաքրքրվում էր այն ամենով, ինչ վերաբերում էր ամուսնուն ու որդուն. գիտեր արդեն, որ նրանց գոյությունը,

կյանքը պայմանավորված է պետության անվտանգությամբ ու հզորությամբ: Եվ առիթ եղած ժամանակ ներշնչում էր Արշակին լինել անխնայ: Արդյոք հոր անգիջող ոգի՞ն էր նրա մեջ, որ չէր ուզում տեսնել պարսկասեր մի նախարար, ու ամեն պարսկամետի հումարում էր թշնամի ոխերիմ ու կրկնում հոր նման.

— Հայրենի երկրին դավաճանողը արժանի չէ գթության, իսկ պարսիկին ծառայողը՝ ևս առաքել...

Արշակը հաճախ էր խոսում Փառանձեմի հետ պետական խնդիրների մասին և, նրա ուշիմությունից գոհ, երբեմն նրան համեմատում էր Օլիմպիայի հետ և ասում ինքն իրեն. «Օլիմպիան հրքեք չէր թափանցի: Նա հրքեք չէր հետաքրքրվում մեր աշխարհի գործերով: Այլ հաճախ երազում էր Բյուզանդիոնը, նրա արքունիքը ճոխ և ծովերը կապույտ... Իսկ Փառանձեմն իզուր չէ, որ Անդոք իշխանի դուստրն է»: «Պարսիկը երբեք բարեկամ չի լինի մեզ», — ասում էր նա. — «Բյուզանդիայի բարեկամությունը միայն մի նպատակ ունի՝ կլանել մեզ»: Իսկ այժմ լսելով, որ ներսեսը բարեխոսում է հաշտ մնալ պարտազանց նախարարների հետ, վրդովվեց.

— Երբե՛ք, արքա: Ո՛չ մի զիջում և ներողամտություն:

— Այդպես և կլինի, թագուհիս: Հուսով եմ՝ մեր ջանքերը իզուր չեն անցնի: Իսկ քո խոսքերդ, Փառանձեմ, սիրելի են ինձ, ուստի վստահ եմ, որ կավարտեմ թե՛ Ավանը և թե՛ բերդը... Հայոց բերդը...

Փառանձեմը ելա՞ք տեղից և անխոս փարվեց ամուսնուն.

— Այո, մեր բերդը, մեր աշխարհի ապահովության բերդը...

* * *

Կամսարականը, սպասելով կաթողիկոսի վերադարձին, կարծես հանգիստ չուներ, տեղ չէր գտնում իրեն, չէր տեղավորվում վանքի շրջափակում. մերթ շրջում, դիտում էր վանքը, նրա ամուր պատերը, մերթ մեկ կամ երկու թիկնապահի հետ գնում էր մոտիկ գյուղը, մոտիկ մանրածառ անտառը կամ երբեմն իջնում էր Ագառ գետի ձորը, որ թնդում էր միշտ հարնան ջրերից. կամ՝ խցերի առաջ կանգնած զրուցում էր

տարեց վարդապետների հետ: Այդ գրույցներից իմանալով, որ վաճառատկան շինականներից նույնպես փախել են Ավան, նա մտածում էր. եթե այդպես է՝ ներսեսը խիստ լեզու կբանեցնի... Ու համոզված էր, թե հոգևոր հոր առաջ, որ միաժամանակ համարվում էր երկրի վերին դատավորը, թագավորը տեղի կտա և ետ կառնի իր հրովարտակր: Նրան թվում էր, թե Արշակը անշուշտ չգիտի, թե որքան դժգոհ են նախարարները. և եթե իմանա— այժմ արդեն կաթողիկոսից կիմանա վերջապես— հազիվ թե շարունակի համառել...

Այդպես էր մտածում Կամսարական Նար իշխանը: Բայց մեծ եղավ նրա զարմանքն ու բարկությունը, երբ ներսեսը բերեց թագավորի մերժումը. այսինքն՝ այն, թե Արշակը չի կամենում և երբեք չի կամենա ետ վերցնել մարդաժողովի իր հրովարտակր: Հայտնելով այս ամենը՝ ներսեսն ասաց.

— Արեցի, իշխան, ինչ հնարավոր էր...

Այս խոսքերը պետք էր հասկանալ այնպես, թե ինքն այլևս անգոր է որևէ քայլ անելու: Քահանայապետն իհարկե թաքցրեց թագավորից ստացած վիրավորանքը և այն, որ Արշակը ոչ միայն պատվով, այլև մինչև իսկ պատշաճ հարգանքով չէր ընդունել իրեն:

Լսելով այս՝ Կամսարականը թափով ոտքի կանգնեց:

— Եվ թող ուրեմն Արշակի գլխին ծանրանա մեղքը այն ամենի, ինչ լինելու է,— ասաց նա սեղմած ատամների արանքից և արագ նետվեց դուռս:

Մինչ կաթողիկոսը կուղարկեր դպրին, որ նա ետ դառնա և վայելի վանքի ճաշը, իշխանը հեծավ իր նժույգը և, անգամ առանց հրաժեշտի, շտապեց հեռանալ վանքից:

Զարմացած թիկնապահները հետևեցին նրան:

Ո՞ւր էր շտապում իշխանը և ինչի՞... Նա ոչինչ չասաց: Բայց նրան զբաղեցնում էր մի սևեռուն միտք, թե ի՞նչ պետք է անել հիմա. նորից գնալ հրավիրել իշխանաժողով՝ նրանց կամքն ու կարծիքը իմանալու, թե գնալ խորհուրդ անել իշխաններից մեկ-երկուսի հետ: Բայց ո՞ւմ հետ. գնալ որի՞ մոտ...

Այսպիսի դեպքերում, երբ ծանր մտքերը ալեկոծում էին նրան և ինքը չէր կարող որոշել անելիքը, Նար իշխանը սովորաբար գնում-գրուցում էր քեռայրի հետ, կամ՝ նրան էր կան-

չում իր դղյակը: Բայց Դավիթ Համունին չկար այլևս... և հիմա ո՞ւմ կարող էր գնալ ինքը, ո՞ւմ, որ հասկանար իրեն և տար խորհուրդներ խելացի. խորհուրդներ, թե ի՞նչ պետք է անել այսուհետ: Գնա՞ր Վահեունի իշխանի մոտ — ծանրախոհ չէր. լուրջ խոսելու փոխարեն բռնկվում էր խկույն և հայհոյում: Գնա՞ր Գաբեղենից Սահակ իշխանի մոտ — ալեկորդ նեղութուն. նա զբաղված կլիներ խրախճանով և չէր էլ հիշի, թե իրենից քանի ծառա է փախել Արշակավան... Գնար գուցե... Կամսարականը մտքում թվում էր հարևան նախարարներին, բայց չէր գտնում մեկին, որ օգտակար լիներ իրեն: Այդժամ նա հիշեց Մերուժանին՝ Վասպուրականի տիրոջը: Բայց ուր կլիներ նա այժմ, իր ոստանո՞ւմ՝ Հաղամակերտո՞ւմ: Թե Աղթամարում...

Ու ճանապարհ ընկավ հապճեպ: Նա ոչ միայն վանականներին, մինչև իսկ թիկնապահներին շասաց, թե ո՞ւր են գնում: Բայց թիկնապահները շուտով նկատեցին, որ վերադառնում են եկած ճանապարհով, ուրեմն՝ գնում են տուն, մտածեցին նրանք, և ուրախացան, որ վերադառնում են հարազատների մոտ... Բայց ինչո՞ւ էր իշխանը մոայլ. ի՞նչ էր անցել-դարձել, — մտածում էին նրանք: Եվ ո՞վ կարող էր հարցնել այդ, կհամարձակվե՞ր մեկը — երբեք... Սակայն, երբ երկու օրում, թեթև դադարներով հասան Կամսարականների ոստանին՝ իշխանն իր գղյակը շմտավ. նրա կողմն իսկ չթեքվեց. միայն թիկնապահներից երկուսին ուղարկեց ճանապարհի պաշար առնելու և ինքը շարունակեց ուղին մյուս թիկնապահների հետ:

«Ո՞ւր է գնում իշխանը, արդյոք ո՞ւր է տանում մեզ», — մտածում էին թիկնապահները տարակույսով, և նրանց տուն գնալու ուրախությունը փոխվեց զարմանքի և թեթև սրտաբեկության:

Իսկ նար իշխանը, ձին վարելով, շարունակ մտածում էր միևնույնը, թե այժմ ո՞ւր կլինի արդյոք Մերուժանը՝ Հաղամակերտո՞ւմ, թե Աղթամարում:

Բայց ի՞նչ էր նշանակում այդ: Ինչո՞ւ էր Կամսարականին մտահոգում Մերուժանի ո՞ւր լինելը:

Դա ուներ հարկավ իր պատմությունը և նար իշխանի համար միևնույնը չէր՝ գնալ Հաղամակե՞րտ, թե Աղթամար...

Մերութան Արծրունին, լինելով հարուստ Վասպուրականի տերը, ունեւ թե՛ մեծ կապեր և թե՛ մեծ ազդեցութիւն: Հարեան նախարարները, որնէ գործ սկսելիս, հաճախ դիմում էին նրա խորհրդին, իսկ նա իրեն պահում էր միշտ ծանր ու մեծ: Շատերը գիտեին, որ նա դժգոհ է Արշակ թագավորից և առհասարակ Արշակունիներից, որովհետև նրա տոհմակիցներից մի քանիսին ջնջել էր Արշակի հայրը՝ Տիրան թագավորը: Եվ նա իր դժգոհութիւնը չէր թաքցնում, այն աստիճան, որ չգնաց անգամ Արշակի թագավորութեան հանդէսին, ուստի և թագավորից դժգոհ որնէ նախարար գալիս էր նրա մոտ իր վիշտը հայտնելու և խորհուրդ հարցնելու:

Մերութանի հայրենի ոստանը թեև Արծրունյաց Հաղամակերտ քաղաքն էր, բայց նա տարվա մեծ մասն ապրում էր Աղթամարա կղզում: Վերջերս մանավանդ գարնան սկզբից քաղաքից տեղափոխվում էր կղզի և մնում մինչև ձմեռ: Նա այդ բացատրում էր նրանով, թե սիրում է ապրել խաղաղութեան մեջ, բայց իրոք, ինչպես բացատրել էին Կամսարականին, կամենում էր իր այցելուներին ընդունել ընտանիքից հեռու, որպէսզի թե՛ մայրը և թե՛ կինը շարունակ չհետաքրքրվեն, թե ո՞վ էր եկողը և ինչո՞ւ: Այդ հարցումներին մի անգամ կարող էր չպատասխանել, երկրորդ անգամ թաքցնել եկողի այցելութեան նպատակը, հորինելով հասարակ մի բան. բայց այդպես շարունակել համարում էր անկարելի: Մանավանդ որ մայրը կրքոտ հետևում էր, որպէսզի իր տունն այցելեն միայն բարեմիտ մարդիկ... Ավելին. մայրը կամենում էր, որ որդուն այցելողները գաղտնիք չունենան իրենից, որովհետև, իր ասելով, վախենում էր, որ այցելուները խաբեն իր Մերութանին՝ վատ խորհուրդներ տան, մասնակից գարծնեն ինչ-որ անցանկալի գործերի: Պառավ, շրջահայաց իշխանահուն վշտացնում էր մանավանդ այն, որ Մերութանին այցելում էին նաև պարսիկ իշխաններ: Նա ատելով ատում էր այդ պարսիկ իշխաններին:

— Ո՞վ են այդ պարսիկները, Մերութան. կամ՝ ինքդ ի՞նչ տեսն պարսից հետ, որ այցելում են քեզ, — անհանգստանում էր մայրը:

— Հատուկ ոչինչ, մայր: Հարեան են, ծանոթ, գալիս են հյուր: Կարելի՞ է մերժել, — ասում էր Մերութանը, ասես ինչ-

որ բանից արդարանալով, բայց հետո տեսնելով, որ կնոջն
ևս հաճելի չէ պարսիկների այցը, նա բարկացավ.

— Մի՞թե վասպուրականի տերը ես չեմ, մայր:

— Դու ես, անշուշտ, — ասաց մայրը: — Սակայն ես, որ-
պես Արծրունյաց մեծ իշխանուհի, որպես մայր, անմասն
չպիտի մնամ գործերիդ և խորհուրդներիդ: Ի՛նձ ևս պետք է
հայտնի լինեն անելիքներդ:

Եվ Մերուժանն ահա, մոր, մասամբ և կնոջ դժգոհանքը
չլսելու և շտեսնելու համար, տասը տարուց ավելի էր գար-
նանը տեղափոխվում էր կղզի և այստեղ ընդունում այցելու-
ներին, որովհետև դրանք գալիս էին առանձնապես զարնանից
մինչև ձմեռ, և Մերուժանը երբեմն օրերով պահում էր նը-
րանց, զրուցում հետները, շրջելով կղզում կամ ընդարձակ իր
ապարանքում, որ ժառանգություն էր մնացել հորից: Իսկ այդ
ապարանքն ուներ շատ սենյակներ և շատ սպասավորներ,
այժմ նաև շատ այցելուներ ու հյուրեր: Վաղուց ի վեր սո-
վորություն էր, որ Մերուժանին այցելողները լճի ափին պար-
զում էին ճերմակ մի լաթ, ինչ նշան էր, թե կամենում են
գալ կղզի: Նշան տեսնելով՝ կղզու երեք նավակներից մեկը
շորս թիավարներով գնում էր ընդառաջ:

Եկողները հաճախ լինում էին Մերուժանի կալվածների
կառավարիչները կամ հեռու-մոտիկ հարազատներ, որ խո-
սում էին առտնին գործերից՝ ցանքերի, հարկերի, եկամուտ-
ների մասին: Իսկ հյուրերը լինում էին մեծ մասամբ նախա-
րարներ ու սեպուհներ: Սրանք գալիս էին տարբեր վայրերից և
ունենում էին տարբեր զրույցներ. ոմանք գանգատվում էին
հարեանից, ոմանք խնդրում էին խորհուրդ կամ օգնություն...
Զրույցները լինում էին կամ ապարանքում, կամ՝ բացօթյա՝
ծովափին, նայած եղանակին: Մերուժանը սիրում էր զրու-
ցել ավելի ծովափին, որ սպասավորներից և ոչ մեկը չլսի
իրենց, ինչ հնարավոր չէր տանը: Մերուժանը չէր վստա-
հում ծառաներին. նրան թվում էր, թե ամենքը լրտեսներ են՝
մորից կամ թաղալորից կաշաված: Այդ էր պատճառը, որ
նա գերադասում էր զրուցել դուրսը... Իսկ երբ զրույցը վեր-
ջանում էր, նա հյուրին հրավիրում էր ճաշի:

Բայց Մերուժանը բոլորին միատեսակ չէր ընդունում. մո-
տիկներին, ավելի շուտ՝ համախոհներին ընդունում էր սի-

րով, անծանոթներին վերապահությամբ, երբեմն կասկածով, վասնզի նրան թվում էր, թե Արշակ թագավորը կամ թշնամի նախարարներից մեկը կարող է ուղարկած լինել մահափորձի համար: Պետք էր զգուշ լինել...

Զգուշությունն անհրաժեշտ էր մանավանդ այժմ, որովհետեւ Մերուժանին թվում էր, թե Արշակ թագավորն արդեն իսկ իրազեկ պիտի լինի, որ ինքը, կանչվելով, մեկնել է Տիգրոն. իսկ թե ի՞նչի՞ ինքը ոչ ոքի չէր ասել հարկավ, բայց թվում էր նրան, որ կասկածամիտ Արշակը չէր հանգստանա մինչև շիմանար՝ ինչի՞ է կանչվել և, եթե անգամ շիմանա, կդիմի վճռական միջոցի՝ կուղարկի վրեժխնդիր ձեռք... Այս զգուշության հետ միասին Մերուժանը մտածում էր, որ եթե իրագործվի իր իղձը, նա կղղին կղարձնի արքայական ոստան և այդտեղից կկառավարի Հայոց Աշխարհը. երեք նավակի փոխարեն կունենա շատ նավակներ, դրանք կսուրան ամեն ուղղությամբ և կտանեն ամենուր իր արքայական հրամանները...

Այդ օրն էլ, երբ Կսմասարականը եկավ մոտը, նա տարված էր այս մտքերով: Մովն առավոտից վետովտում էր մանրակուհակ. ալիքները համաշափ շաշյունով գալիս լիզում էին ափերի ավազանները և ետ գնում հանդարտ, արևի ցայտերը իրենց երեսին, որ թվում էր ժպտում են հազարաձև ժպիտներով, բայց կեսօրին մոտ կոհակները դարձան ալիքներ և հետզհետե ուռչելով ու ճերմակ բաշեր առնելով, սկսեցին օրորել ծովը, ծածկել նրա ամբողջ մակերեսը: Խոնավ քամի բարձրացավ և օդը լցրեց ջրերի շառաշով:

Մերուժանը, հետճաշյա իր սովորությամբ, ճեմում էր հարթ ափին: Հագել էր մուգ գույնի կապա՝ թևքերը կողքերից թողած: Ոտքերին սրաքիթ մույկեր էին, գլխին՝ խուլյրի նըման գդակ, մեկն այն գդակներից, որ դնում էին պարսից ալազները. սրանց նման նրա մազերը նույնպես գանգրացված էին հատկապես ծայրերը և մորուքի վարի մասը: Խոսում էին, որ Մերուժանն այդ անում է ոչ այնքան իր ճաշակի պահանջով, որքան պարսիկներին հաճոյանալու համար, քանի որ, որպես Իրանին սահմանակից նախարար, հաճախ հանդիպումներ էր ունենում այդ երկրի երևելիների հետ, իսկ վերջերս երբեմն հրավիրվում էր Տիգրոն, ուր նրան ըն-

դունում էին պատվով, խոսում սիրալիր, մանավանդ անում էին գրավիչ խոստումներ...

Շրջում էր Մերութանը հանդարտ և, շնայած քամին խաղում էր նրա քղանցքների ու թեզանիքների հետ, նա չէր դադարեցնում երթևեկը։ Այդ պահին նրա միտքն զբաղեցնում էին շատ խնդիրներ, հանդիպումի խոսքեր։ Բայց ամենից շատ մի կարևոր խնդիր, այն, թե պետք է հաշտ ու բարեկամ լինել պարսից, այլապես նրանք մի հարձակումով կարող են գրավել իր ողջ կալվածները... Պետք է մտերմանալ պարսից և նրանց խոստումները չհամարել անարժեք ու սին... Շապուհը ամենագոր է. եթե կամենա՝ կանի ամեն ինչ. անգամ կարող է թագ դնել ուզած մարդու գլխին...

Այս մտքերի մեջ Մերութանը նայեց ծովի հեռուն և նկատեց ճերմակ մի դրոշ։

«Նորից այցելու,— մտածեց,— և ո՞վ կարող է լինել»։

Նորից ավելի ուշադիր նայեց քամուց ծածանվող ճերմակին և, շրջվելով տան կողմը, ձեռք բարձրացրեց։ Մառաններից մեկ-երկուսը, որ հեռվանց միշտ հետևում էին իրենց տիրոջը՝ նրա հրամանին ու ակնարկին պատրաստ, վազեցին դեպի Մերութանը։

— Նավակ ուղարկեցեք ափ,— կարգադրեց նա, երբ ծառաներն իրար առաջելով մոտեցան նրան։

Կարգադրեց ու ինքը շարունակեց նույն համաչափ քայլեր ափի երկարությամբ։

Մինչ նա ենթադրություններ էր անում, թե ո՞վ կլինի եկողը, նավակներից մեկը շորս թիավարներով գնաց այցելուին կղզի բերելու։ Այնպիսի շարժումներով այնպես էին վարում տաշտանման, կպրից սևացած մակույկը, որ նա ջրերի վրայով սահում-սլանում էր ձուկ հալածող մի խոշոր սև թռչնի նման։

Երբ նավակը հասավ մյուս ափը և հկողներին ընդունելով բռնեց վիրադարձի ճանապարհը, Մերութանը կանգնեց ափին և ջանաց ճանաչել եկողին։ Նավակի մեջ նստած էր դիք մեկը՝ սև գդակով և սև վերնազգեստով. նրա ետևը տեղավորվել էին ուրիշ երկուսը։

«Դրանք հավանաբար առջևում նստողի ծառաներն են»,— մտածում էր իշխանը, չկարողանալով ճանաչել եկողին։

Սովը տատանում էր նավակը, փրփրաբաշ ակիքները երբեմն գալիս թեքում էին նրան այս-այն կողմ, բայց թիավարները պահում էին ուղղութիւնը և առաջանում շարունակ։ Իսկ Մերութանը խոշոր աչքերը լարած նայում էր անվերջ և չէր կարողանում գծի մոտավորապես կռահել եկողի ո՛վ լինելու։ Եվ այդպես մինչև մակույկը չհասավ ափը՝ նոր միայն բացականչեց.— «Տեր Կամսարակա՛ն»,— ու ձեռքը մեկնեց նրան նավակից դուրս քաշելու։

Ու երկու վայրկյան անց նրանք գնում էին դեպի կղզու ապարանքը։

— Է՛հ, սիրելիդ իմ իշխան, բարի լինի գալուստդ,— ասաց Մերութանը հյուրին, երբ երկուսով տեղավորվել էին ընդունարանի փափուկ գահավորակի վրա։— Սակայն ինչո՞ւ տխուր ես։ Մի՞թե հրավիրածդ իշխանածողովը չհաջողվեց։

— Հաջողվեց, տեր Արծրունի. սակայն...

— Սակա՞յն,— լարվեց Մերութանը հետաքրքիր։— Արդյո՞ւնք։ Ինձ չհաղորդեցիր արդյունքը։

— Արդյունքը նույնպես բարեհաջող,— շեշտեց Կամսարականը։— Ամենեքյան զայրացած են և համամիտ՝ շթողնել, որ Արշակը իր հրովարտակով հրապուրի և գողանա մեր մարդոց։

— Այդ պարագային դու պետք է լինես ուրախ, իշխան, և ոչ ընկճված,— նկատեց Մերութանը, շարունակելով զննել հյուրի դեմքը։

— Ընկճված, այո, վասնզի եղավ սպասածիս հակառակը...

Եվ Կամսարականը, պատմելով ժողովի ընթացքի մասին, հիշեց այն հանձնարարութիւնը, որ արել էին իրեն նախարարները, այն է՝ խնդրել քահանայապետի միջնորդութիւնը, որ նա համոզի Արշակին՝ ետ վերցնելու իր հրովարտակը, այլապես... Ինչպես ժողովի մասնակիցները, այնպես և ինքը վստահ էր, որ Արշակը պիտի երկնչի նախարարների դժգոհութիւնից և ետ վերցնի իր հրովարտակը, սակայն...

Մերութանը գլուխը տարուբերեց քմծիծաղ։

— Եվ Արշակը չէր կարող վարվել այլ կերպ, սիրելիդ իմ

իշխան։ Նա հարկավ պիտի մերժեր, և նա եղել է իրավացի։
Դիմելով նրան՝ մատնել եք ձեր տկարությունը։ Թշնամուց
դժգոհը չի դիմում նրա գթասրտության, այլ հարվածում է։
Թշնամու հետ բանակցել կարելի է ժամանակ շահելու հա-
մար, բայց երբեք նրան համոզելու... Անուղղելի սխալ։ Ար-
շակը ոչ միայն պիտի մերժեր, այլև պիտի արհամարհի ձեզ
ավելի, որ դուք...

Կամսարականը շառագունեց, ապա գունատվեց. նա զգաց
իր սխալը. այո, չպետք է դիմեր Արշակին։ Զգաց ու միաժա-
մանակ մտածեց, եթե Մերուժանն ինքը ներկա լիներ իշխա-
նաժողովին՝ այդ սխալը չէին գործի...

— Ի՞նչ պետք է արած ուրեմն, տեր Արծրունի,— հարց-
րեց նա։

— Այն, ինչ պետք է անել ամեն թշնամու դեմ— գտնել
բարեկամներ ու դաշնակիցներ և...

— Նախարարաց մի մասն արդեն իսկ դեմ են Արշակին,—
ասաց Կամսարականը,— և արդեն իսկ դաշնակից բնական։

— Դա հույժ պակասավոր է,— գլուխն օրորեց Մերուժա-
նը։— Արշակին ընկճելու համար պետք է առավել զորավոր
դաշնակից։

— Բայց որտեղից։ Կա՞ այդպիսին...

— Դիցուք... Շապուհը։

Կամսարականը շտկվեց, կարծես խայթված և անթարթ
նայեց Մերուժանին։

— Շապուհը... Ինչպե՞ս։ Նա ինքը ավելի աղետ չի՞ բե-
րի մեզ ամենիս, տեր Արծրունի։ Նա չէ՞ որ...

Մերուժանը ժպտաց։

— Մի վախենար, իշխան։ Ես այդ անունը հիշեցի այն-
պես։ Բայց մենք կարող ենք խնդրել Շապուհին մի այլ բան,
որ նա Արշակի փոխարեն տա մեզ մի այլ թագավոր։ Թող գա
մի ուրիշը, որ հարգի մեզ։

— Իսկ Շապուհը արդյոք չի՞ բերի մի պարսիկ և դնի մեր
գլխին։

— Կարող է թագավոր կարգել և հայ իշխանի։

— Բայց կա՞ արդյոք մի այդպիսի հայ իշխան։

— Եվ ինչո՞ւ ոչ,— ասաց Մերուժանը։— Ահավասիկ
ինքդ, իշխան։

— Ե՛ս,— զարմացում է վախեցում Կամսարականը։—
Կատակո՞ւմ ես, տեր Արծրունի։

— Բնավ, տեր Կամսարական։ Արշակի փոխարեն կարող
է մեր երկրում թագավորել մեծատոհմիկ մի հայ իշխան։
Մի՞թե չկա այդպիսին։

Կամսարականը մտածեց մի վայրկյան և զգաց, որ Մե-
րուժանը անշուշտ նկատի ունի ինքն իրեն և ցանկանում է
հավանաբար, որպեսզի Կամսարականը իր բերանով ասի
այդ։ Բայց Կամսարականը շատաց ուշին, այլ միայն կրկնեց.

— Ո՛չ, տեր Արծրունի, ես անեծք չեմ վերցնի վրաս. թող
թագավորի Արշակը, բայց և հանգիստ թողնի նախարարաց
Արծրունին շուրթերը ծամեց։

— Հանգիստ թողնի՞... Պատրանքնե՛ր...— ասաց կարծես
ինքն իրեն, ապա, խոսելով հին իրավունքների մասին, հի-
շեց, որ անցյալում ոչ մի թագավոր չի ոտնահարել նախա-
րարների այդ իրավունքը, պատիվը, և ապա ավելացրեց, որ-
պես եզրակացություն.

— Բայց, իմացիր, իշխան, քանի կառուցվում է այդ Ար-
շակավան կոշվածը, նախարարներին չի լինելու հանգստու-
թյուն. մեր ծառաները պիտի փախչեն այնտեղ... Կարո՞ղ ես
ասել՝ Արշակը միայն քաղա՞ք է կառուցում, թե բերդ։

Որքան էլ հարցը՝ զարմացրեց Կամսարականին, բայց
պատասխանեց հանդիստ.

— Միևնույն է, տեր Արծրունի։ Ի՛նչ կուզե կառույի,
միայն թե՛ թողնի մեզ հանգիստ և չգրավի մեր մարդոց։

Բայց Արծրունին շարունակեց իր միտքը.

— Իսկ այդ Արշակավանը զու համարում ես լուկ քաղա՞ք։

— Հարկավ։

— Եվ սակայն, իշխան, լուրեր են հասնում, թե Արշակը
մոտադիր է այդ քաղաքը դարձնել բերդ։ Մի՞թե այդպես չէ...

— Պիտի խոստովանեմ՝ երբեք չեմ լսած,— խոսեց Կամ-
սարականը մտածումների մեջ։— Գիտեմ այսքանս։ Արշակը
ինձնից պահանջեց իմ բերդերս՝ ես մերժեցի (զու այդ գի-
տես)։ Որից հետո նա ձեռնարկեց այդ ավանի շինության։
Եթե դա լինելու է բերդ՝ թող լինի, որպեսզի Արշակը աչք չդնի
ուրիշի բերդերին։

Մերուժանը գլուխը տարուբերեց կրկին.

— Կառուցելով իր բերդը, իշխան, կարծո՞ւմ ես Արշակը քո բերդերը կթողնի՞ քո ձեռքը:

— Եվ ինչու ո՞չ:

— Այնպես, ինչպես այժմ գրավում է իմ, քո և մյուս նախարարաց ծառաներին, այնուհետև, ամրանալով ու հզորանալով, այդպես կգրավի բոլորիս բերդերը, որպեսզի ամենքիս դարձնի իր ծառաները: Թվում է ինձ, որ նա քաղաք չի շինում, այլ բերդ՝ մեզ ամենքիս իրավագուրկ անելու և իրեն երթարկելու: Այսօր գրավում է մեր ծառաներին, որպեսզի վաղը հարձակվի մեզ վրա: Լինենք զգաստ և հեռատես, իշխան: Կանխենք աղետը, քանի չի պայթել մեր գլխին:

— Իրա՞վ Արշակը միտում է այդօրինակ շարունակել:

— Մի՞թե տարակուսում ես, իշխան:

— Կարծում էի՝ մեր մարդոց գրավում է լուկ մեզ տկարացնելու համար:

— Ոչ միայն տկարացնելու, այլև իսպառ բնաջնջելու, իշխան, բնաջնջելու: Կամենում է նախ վերացնել մեծերին, որ փոքրերը մնան հնազանդ: Արշակն ինքը ունի քաղում շենքեր: Թող որքան կուզի խաշար հանի և պարհակ պահանջի: Ձի կամենում, վասնզի նպատակադրել է հողին հավասարել մեզ: Իսկ քո ծառաներից շատ են փախել, տեր Կամսարական:

— Հարկավ: Ձե՞ Ես ավելի մոտ եմ Արշակավանին՝ Իսկ քո ծառաների՞ց, տեր Արծրունի:

— Նույնպես: Բայց չեմ թողնի այսպես: Թույլ չեմ տա: Այստեղ Կամսարականը հայտնեց Համունու սպանությունը՝ իր մանրամասներով:

Մերուժանը տնքաց.

— Ահավասիկ, իշխան: Եթե թույլ տանք Արշակին անել ինչ կամենում է՝ դա կլինի ամենքիս վախճանը: Նա խորամանկությամբ ծառաներին զրգուում է մեր դեմ, որ ոչնչացնի մեզ: Նույնն անում է քահանայապետ Ներսեսը, եթե կամենաս: Երկուսն էլ մի նպատակ ունին՝ խլել ժողովրդյան միմյանց ձեռքից և նվաստացնել մեզ...

Կամսարականը զարմացած էր. նա վտանգն այդքան մեծ չէր պատկերացրել, չէր կարծել, թե թագավորը, ինչպես Միությունն էր ասում, այդպիսի հեռավոր նպատակներ ունի, և այժմ լսելով այդ՝ կարծում էր, որ եթե կարողանան իրենց

փախած ծառաներին ետ բերեն և կամ մնացածներին շփողենն փախել, դրանով իսկ կխանգարեն Արշակի ծրագիրները...

Այնուհետև նրանք իրենց գրույցը շարունակեցին ավելի կամացուկ, ու խոսեցին մինչև ուշ գիշեր, երբ դուրսը լսվում էր արդեն հուզված ծովի մեծաշառաչ ճողփյունը ափերին:

Մյուս օրը Կամսարականը կղզուց հեռացավ պայծառացած:

Թե ի՞նչ էին խոսել Մերուժանն ու նա — մնաց անհայտ:

ԿՈՒԽ ԵՐԱՐՈՐԴ

Արշակավան... Ամառային զով առավոտ էր:

Քաղաքը զարթնել էր վաղուց. երդիկներից, բակերից անվերջ ծխեր էին բարձրանում և երեք սյուներով ձգվում վեր, դեպի ջինջ կապույտը, ու ամեն կողմ արդեն սկսվել էր առտնին շարժում. մի տեղ մեկը կովը տանում էր գաշտ, մի այլ տեղ տանտիկինները այծերը քշում էին բանջարանոցից, մի ուրիշը վազում էր խրտնած ձիու հետևից, Տղամարդիկ մենաձկ կամ խմբերով շտապում էին այս-այն կողմ, կանայք և աղջիկներ մաքրում էին բակերը, կավե կժերն ուսած գնում էին ջրի կամ արդեն վերադառնում էին աղբյուրից... Եվ օդը, գնալով, լցվում էր տարբեր կանչերով, ձայներով ու միօրինակ տևական մի դրնգոցով, որ գալիս էր դարբնոցից, ավելի շուտ՝ դարբնոցի առջևից, ուր քաղաքում հայտնի դարբին Դավիթը ուղղակի փողոցում, ինչպես ամեն օր, իր աշակերտների հետ շիկացած երկաթ էր ծեծում.— դի՛նգ-դրա՛նգ, դի՛նգ-դրա՛նգ... Մետաղյա հուժկու հարվածներ, որ հաճախ խլացնում էին քաղաքի մյուս բոլոր ձայները, անգամ քարտաշների քարակոփը:

Գնալով օրը բացվում և ժամ առ ժամ ավելանում էր թե՛ մարդկային շարժումը և թե՛ ժխորը. կառուցվող տների վրա երևացին մարդիկ, փողոցներում ճանաչցին սայլեր, սայլերի հետևը՝ գաղտագողի շարժվող մանուկներ: Դրանք այն սայլերն էին, որ ամեն առավոտ գնում էին գերաններ, քար և եղեգ կրելու, և երեսաները, նրանց գնալու ժամն իմանալով,

խմբերով թափվել էին փողոց՝ նրանց վրա բազմելու և որոշ մի տարածություն գնալու։ Բայց սալապանները, ինչպես միշտ, կատակով մատ կամ ճիպոտ էին թափ տալիս նրանց վրա և ապա խրախուսում եզներին։— Հե՛, հո՛...

Իսկ փոքր անց, երբ քաղաքի շարժումը հանդարտել էր թեթևակի՝ գլխավոր փողոցում երևաց շահապ Վարազ իշխանը՝ իր սևաթույր նժույգը նստած, երկու թիկնապահ հետը։ Նա դանդաղ շարժվում էր փողոցով, որը ծածկված էր եղեգնի փնջերով ու փշուրներով։ Իշխանի ձին, որ դրանք կոխոտելով առաջանում էր հպարտ քայլերով, փոքրիկ գլուխ ուներ ու բարակ ոտներ։ զարդարված էր դեղնավուն տապալակով և փափուկ թամբով, որի կեխերն արծաթած էին, ինչպես և պախուրցի հանգույցները։ Նժույգը գեղեցիկ էր, իսկ զարդերն ավելի էին գեղեցկացնում նրան։ Թերևս այդ էր պատճառը, որ Վարազ իշխանը, անգամ վատ տրամադրության մեջ, երբ հեծնում էր նրան, իրեն զգում էր ուրախ ու թեթև։

Հանդարտ գնում էր իշխանը և ձիու բարձրությունից զննարար նայում առաջը փոված քաղաքին, ուր, ինչպես միշտ, տեսնում էր նախ այն բլրանման բարձունքը, որի վրա շինվում էին պալատն ու եկեղեցին, երկու մեծ շենք, որ տակավին անավարտ, իշխում էին քաղաքի վրա, նրա միհարկանի տների վրա, որոնց գորշությունը մեղմացնում էին տեղ-տեղ երևացող ծառախմբերը, պարզապես փոքրիկ պարտեզներ։ Իշխանի հայացքը հածում էր թաղից թաղ, դիտում մոտ կամ հեռու կառուցվող տները, նկատում էր նրանց վրա աշխատողներին և, մոտենալիս, բարևում միևնույն խոսքերով։

— Բարևողջունյն վարպետաց...

Ասում էր, ձին կանգնեցնում մի երկու վայրկյան՝ աշխատանքները դիտելու, ասյա ճանապարհը շարունակում էր զույգ թիկնապահների հետ։ Նա հագել էր մուգ կանաչ կապա, դրա երկար թևքերը, ըստ սովորության, գցել ուսերին։ գլխին դրել էր բարակ գդակ, որի տակից գանգրածայր մազերն իջնում էին մինչև օձիքը, իսկ մորուքը իր սև ու ճերմակ թելերով երերում էր կրծքին՝ նժույգի քայլերին համաչափ։ Եվ որովհետև ձիու սանձը բռնել էր աջով՝ բութ մատին աչքի էր ընկնում ոսկե լայն մատանին, որի տափակ գլխին փորա-

գրված էր նրա տոհմանիշը՝ կանգնած եղջերու, ինչ ճշտա-
յում էր որպես կնիք:

Դա Վարազ իշխանի ամենօրյա երթն էր քաղաքում՝ շինարարությունը դիտելու և շինարար վարպետներին խրախուսելու համար:

Չնայած երկրում շատ նախարարներ և այլ կարգի մարդիկ դժգոհում էին Ավանի դեմ, ումանք նաև նվտվում, ինչպես եկեղեցականները, բայց քաղաքը կառուցվում էր անխափան: Վարազ իշխանի ցուցումներով շինում էին մի քանի խոշոր շենքեր, հարթում-բանում էին նոր ճանապարհներ, որոնք պիտի տանեին դեպի հարևան գյուղերը: Շինում էին նոր ավելորդներ, որոնց ջուրը կավե խողովակներով բերում էին հեռու լեռներում գտնվող ակունքներից: Դրսից դիտողը և թե քաղաքի մեջ շրջողը տեսնում, լսում էր շարունակ շինարարական իրարանցում ու աղմուկ, և դա ոչ թե մի թաղում, այլ ամեն կողմ: Քար էին տաշում, շաղախ էին անում, պատ էին շարում, գերան էին հղկում, կամ՝ դուռ ամրացնում... Շատ փողոցներում թափված էին շինանյութեր, և երեխաները խաղում էին դրանց մեջ: Բազմաթիվ սայլեր քար, եղեգ, գերան էին կրում միակտուր, շյուղած անիվների սուր, երբեմն ամեն ինչ խլացնող ճոխնշով: Դրանց ավելանում էին սայլվորների կանչերը և որմնադիրների՝ ձայնը, որ կառուցվող տների վրայից պահանջում էին քար, աղյուս կամ շաղախ...

Մեծ թվով վարպետներ ու գործավորներ աշխատում էին եկեղեցու վրա, որը պալատի հետ միասին շինվում էր քաղաքի կենտրոնում, իշխող բլուրի վրա: Այս հրկու շենքերի պատերն այժմ իսկ, իրենց անավարտ վիճակում, ավելի բարձր էին, քան բոլոր տները: Արքունի գործավորների հետ միասին աշխատում էին տարբեր նախարարութուններից հիշած մարդիկ, որոնց մի բառով կոչում էին «տիրապախ», այսինքն՝ տիրոջից փախած, որ վիրավորական չէր թվում բնավ, այլ ընդհակառակը: Խոսքը կարծես քաջություն կատարած մարդու մասին էր: Արքունի շինականները բացառապես ապրում էին կացարաններում, նույն տեղերում ասրում էին և նորեկ տիրապախները: Հնտանիքավորները կացարաններում ունեին մի-մի խուց, իսկ մենակներն ապրում

էին ընդհանուր խցերում. հինգ-վեց, երբեմն մինչև տասը հոգի մի տեղ: Այդ կացարանները Վարազ իշխանը կառուցել էր քաղաքի շինարարության սկզբից՝ այդ իսկ նպատակով: Դրանք շատ հասարակ, ցածրիկ շենքեր էին, որ իրենց լույսն ու օդը ստանում էին դռնից, երդիկից կամ փոքրիկ, երկու թզալափ պատուհաններից: Մարդիկ այդտեղ արթնանում էին շատ վաղ, մեկը մյուսի ձայնից կամ հրումից և գնում այս-այն թաղը, վերակացուների հսկողությամբ մեծ շենքերի վրա աշխատելու, կամ՝ քաղաքից գուրս՝ քար, շինափայտ ու եղեգն կրելու, բերվող աղբյուրների կավե խողովակները շարելու: Ընդունված կարգի համաձայն՝ վարպետներն ու գործավորները բաժանվում էին խմբերի, և յուրաքանչյուր խումբ աշխատում էր որոշ տեղում, մի որոշ տան վրա և յուրաքանչյուրը գիտեր իր անելիքը:

Այդպիսի կարգ էր սահմանել կառավարիչ իշխանը քաղաքի շինարարության դեռ սկզբից, և դա, նրա կառօձիքով, նպատակահարմար էր և արդյունավետ: Միևնույն ժամանակ Վարազ իշխանը, հավատարիմ իր սկզբունքին, թե գուցեստով ու խրախուսանքով մարդուն կարելի է աշխատեցնել առավել լավ, խոսք չէր խնայում վարպետներին ու գործավորներին և ամեն խրախուսանքի վերջում կրկնում էր միշտ.

— Զմոռանաք, ավարտումից հետո լինելու են արքունի պարգևներ ամենքի՛ն, ամենքի՛ն...

Խոստումը հարկավ լինելով գրավիչ՝ ոգևորում էր գործավորների մեծ մասին, մանավանդ որ մի երկու անգամ պարգևներ տվել էր մի քանի մարդու— Արքունական պարգևներ...

Քաղաքում աշխատում էին և կանայք: Սրանք կատարում էին համեմատաբար թեթև գործեր՝ կավահող էին կրում, մաղում, շաղախ անում՝ կավին ավազ ու դարման խառնելով: Այդ կավից նրանք թափում էին նաև աղյուս, և կաղապարած այդ աղյուսները շարում հարթ տեղեր՝ չորացնելու... Այգ շաղախների համար կծերով ջուր էին կրում աղբյուրներից կամ Զինգետից: Ոմանք սայլերով բերված եղեգը իջեցնում էին գիրկ-գիրկ և փռում գետինին, որ չորանա, իսկ չորերը բարձրացնում էին կտուրները և փռում նորավարտ տան գերանների վրա:

Եղե՛գնը... քաղաքը լիքն էր դրանով, որովհետև եղեգնը համարվում էր կարևոր շինանյութ՝ փայտին գրեթե հավասար. բացի այն, որ դրանով ծածկում էին տանիքները, այլև շինում էին հուիկներ՝ ամառվա ժամանակավոր օթևաններ նորեկների համար: Երբեմն դրանով պատեր էին հյուսում և, դրսից ու ներսից ծեփելով, բնակվում մեջը: Իսկ օջախները և թոնիրների մշտական վառելանյութը եղեգն էր արդեն՝ գյուրամասը լի էր դյուրավառ:

Աշխատանքների մեջ ուրախ էր անցնում առանձնապես գերանները կտուր բարձրացնելը: Զգիտես տունն ավարտելու ուրախությունի՞ց էր այդ, թե աշխատանքի բնույթից,— մարդիկ պատերի վրա կանգնած, պարաններով ձգում էին գերանները և կանչում.

— Տո՛ւր, քաշի՛ր... Տո՛ւր, քաշի՛ր...

Բառերը կրկնվելով՝ դառնում էին երգի պես բան, խլացնում շրջապատի բոլոր, անգամ դարբնոցի ձայները և գալում մարդկանց հեռու-մոտիկ տներից. բակերից դուրս էին թափվում մարդ, կին, երեխա տեսնելու, թե ի՞նչ է կատարվում. շատերը վազում էին մոտիկից դիտելու, իսկ երեխաները խանդավառվում էին և, իրենց զվարթ կանչելով, քաշողների հետ կրկնում նույնը.

— Տո՛ւր, քաշի՛ր... Տո՛ւր, քաշի՛ր...

Երեխաներն ավելի զվարճանում էին այն պահերին, երբ լծված եղները փողոցներով գետնաբարձ գերան էին տանում որևէ կողմ. խմբերով, թուղունների պես, շարվում էին այդ գերանների վրա և... զնո՛ւմ: Դա նրանց պատճառում էր անասելի հաճույք: Պակաս չէին գրավում նրանց նաև եղեգնակիր սայլերը, որոնց նկատելուն պես՝ վազում էին ամեն կողմից, կտրում սայլի հետևից կախված ավելանման եղեգնափնջերը և տանում խաղում բակերում. իսկ ոմանք եղեգնի փողերից շվիներ էին շինում և սուլում անվերջ: Պատահում էր նաև, որ տղաները, հաճախ խմբերի բաժանվելով, այդ փնջերով միմյանց զարկում էին այնքան, որ նրանք ջարդվում, անպետքանում էին, որպես կովի գինք ու խաղալիք... Ահա ինչո՞ւ շատ փողոցներում թափված-տարածված էին եղեգնի տերևներ ու փշուրներ:

Քաղաքի այն մասը, որ շինված էր տարիներ առաջ, այ-

«ինքն» նրա կառուցման առաջին տարիները, ուներ արդեն խիտ շարքերով տներ, որոնք իրենց հերթին ունեին ծառեր և բանջարանոցներ, ախոռներ և այլ հարակից մանր շենքեր։ Այդ թաղում գրեթե ամենքը, որպես հին բնակիչներ, ունեին կովեր, այծեր և հավեր։ Այդ մասումն էր և զխավոր փողոցը՝ երկու քարաշին աղբյուրով, որոնց հորդ ջրերը գիշեր-ցերեկ շալում, զրնգում էին և կենդանացնում շրջապատը, մանավանդ որ յուրաքանչյուրի առջև կար մի-մի մեծ քարե գուռ, ուր ջրվում էին քաղաքի անասունները՝ եզները կոտոշները իրար շրխկացնելով, ձիերը երբեմնակի փռնգտոցով, իսկ այժմերն ասես միայն համտես էին անում ջուրը՝ սուր-կախ մարտիները շարժելով։ Այս փողոցի վրա էր և մեծ իջևանատունը՝ երկու մասի բաժանված։ Մի մասում նեղ պատուհաններով փոքրիկ խցեր էին՝ ուղևոր առևտրականների համար, որոնք իրենց ծառաներով և բեռնաբարձ ուղտերի քարավաններով Հնդու երկրից Իրանով գալիս գնում էին Բյուզանդիա կամ Բյուզանդիայից դեպ Իրան ու հեռուն։ Իջևանատան մյուս մասը ախոռն էր, ընդարձակ ախոռը, ուր միանգամից կապում էին երեսուն-քառասուն ուղտ ու ձի։ Այդ միայն ձմեռը, իսկ ամառը ուղտերը նստում էին բակում կամ փողոցում և առասպելական փետրաթափ թռչունների նման վիզները պարզած որոճում էին գիշերն ասողների տակ, ցերեկն՝ արևի, գրավելով միշտ հետաքրքրասերների բազմություն, սուանձնապես երեխաների։

Հեռավոր վայրեր գնացող այդ մեծ քարավաններից զատ՝ քաղաք մտնում էր նաև շաբաթը մեկ-երկու փոքր քարավան՝ զանգուլակների տեական ու ծորուն զնգոցով, որը միաժամանակ թվում էր քաղաքացիներին արթնացնելու, թե հրավիրելու ազդանշան... Այդ քարավանները բերում էին բազմատեսակ ապրանքներ և վաճառում իջևանատան բակում կամ փողոցում։ Քարավանի գալը տոնի պես բան էր լինում. երբ լսվում էր նրա բոժոժների ծանոթ կարկաշը՝ շատերը վազում էին ընդառաջ. «Գալի՛ս է, գալի՛ս»... «Եկա՛վ, եկա՛վ»... Եվ ուղեկցում էին մինչև իջևան։ Իսկ երբ հազիվ իջեցնում էին բեռները՝ իջևանատան բակն ու փողոցը դառնում էր շուկա. — բոլորն անհամբեր սպասում էին հակերի բացվելուն... Իսկ երբ բացվում էին դրանք՝ սկսվում էր անասնի իրարանցում.

կին, մարդ, մեծ, փոքր հրհրում էին միմյանց, ապակում. յուրաքանչյուրը ձգվում էր, որ առաջինն ինքը տեսնի դրսից բերված նորութունը... Հակերից դուրս էին գալիս գունագեղ՝ կարմիր, կապույտ, ճերմակ... ամեն գույնի կտորներ՝ շալ, կերպաս, մետաքս, քաթան. նաև պղնձի, բրոնզի, երկաթի իրեր... նաև պես-պես հուլունքներ, կոճակներ, կեղծ փայլուն ոսկեգույն դրամներ, որոնցով կանայք զարդարում էին թի հագուստները և թե շարում ճակատներին, կամ՝ շարած գցում վզները, երբեմն կապում և բազուկներին կամ կարում վերնազգեստի թևքերին:

Քարավանի եկած օրը և մյուս օրերը իջևանի առաջ և նրա բակում հավաքվում էին նաև շատ շներ՝ ընկալի կամ նետած կերի մնացորդներն առնելու: Այդ առևտուրն այնքան մարդ էր հավաքում, թվում էր քաղաքը կյանք էր առնում այդտեղից, թվում էր դա է քաղաքի զարկերակը... Քարավանի այս առևտրից բացի՝ քաղաքի ուներ և՛ ձեռքի առևտուր, և՛ արհեստներ: Թեև մաշիկներ և շատ երկաթե իրեր բերում էին քարավանները, բայց քաղաքում էլ կային մաշկակարներ, որ տարբեր ձևի մաշիկներ էին կարում թե՛ կանանց և թե՛ տղամարդկանց համար, կային հյուսներ և երկաթագործներ: Երբ քաղաքում լռում էին ձայները՝ ամենից բարձր լսվում էին երկաթագործների մուրճերի ուժգին, բայց համալսփ հարվածները, որոնցից ամենատուժգինը դարձյալ դարբին Դավիթի դաշնոցից էր, որ շատ հեռու չէր իջևանից:

Գլխավոր այս փողոցի վրա էին նաև այն մթերանոցները, որտեղից պարեն էին ստանում ընտանիք շունեցող վարպետները. գործավորները և վերջին նորեկները: Պահեստների՞ն կից էին թոնրատները, ուր ամեն օր հաց էին թխում պառավները, և նորաթուխ հացի հոտը առավոտից բոլորում էր ոչ միայն փողոցը, այլև տարածվում էր քաղաքի վրա, մանավանդ քամի օրերը, գրգռելով դուրսն աշխատողների ախորժալը... Թոնրատներից հեռու չէին և ճաշի ակութները: Մի խումբ կանայք պառավների հսկողությամբ կերակուր էին եփում վիթխարի սաների մեջ և, պարենի ու հացի նման, բաժանում անրնտանիք գործավորներին, որոնք, ասենք ի դեպ, բացի հացից ու այդ հասարակ ճաշից, ուրիշ վարձ չէին ստանում: Եկած օրից, առաջին ամիսներին, այդտեղից էին առ-

նում իրենց ճաշը հաւ Թորգոմը և նրա ընկերներ Վարդանն ու Հովսեփը:

Քաղաքի կառավարիչ Վարազ իշխանը նույնպէս ապրում էր այս փողոցի վրա, իր սեփական տանը, որ միակ երկհարկանի շենքն էր, շրջապատված բարձր պարսպով, ինչպէս մի միջնաբերդ: Պարսպի ներսը կային պես-պես շենքեր՝ պահեստներ, ախոռներ, մառաններ: Իսկ տունն ուներ քարե պատշգամ, որտեղից երևում էր քաղաքն իր շրջապատի լեռներով և Կողովիտի լեռնահովիտի մի մասը: Իշխանի ընտանիքը մեծ շէնքէն էր, երկու սրահներ, բայց ուներ շատ սպասավորներ, որոնք ծառայում էին թե՛ տանը, թե՛ դուրսը: Ամառները, երեք օրը մեկ, դրանք ձիերով ու ջորիներով գնում էին մայրաքաղաք կամ Սուրմալի՝ մթերք, միրգ բերելու, որովհետև իշխանը սիրում էր առատ սեղան: Նրա տան առջևից անցնողը միշտ առնում էր տարբեր համեմունքների, կերակուրների հոտ: Բացի այդ, նա ունենում էր և շատ հյուրեր, որ գալիս էին մայրաքաղաքից կամ այլ ոստաններից՝ նոր քաղաքը տեսնելու: Մի անգամ եկավ նույնիսկ իր ժերունը հորեղբայրը՝ հազարապետ Դավիթ Գևորգի: Կառավարիչը սովորաբար հյուրերին պատում էր փողոցներում և, կառուցվող շենքերը ցույց տալով բացատրում, թե ո՞րը երբ է շինված կամ երբ կավարտվի: Իսկ հյուրեր չեղած օրերը նա իր նժույգը նստած, ինչպէս այսօր, մի կամ երկու թիկնապահի ուղեկցութեամբ գնում էր աշխատանքները գիտելու, և ամենից առաջ պալատն ու եկեղեցին, ուր բանում էին առավել հմուտ վարպետները:

Այս երկու շենքին Վարազ իշխանը նվիրում էր հատուկ ուշադրութուն: Նժույգից իջնելով՝ մանրազնին դիտում էր ամեն բան. օրվա կառուցվածքը, սրբատաշ քարերը, քանդակները: Ավելի կանգ էր առնում սակայն պալատի մոտ: Եթե մի օրէն բան նրան թվում էր ոչ պարզ կամ տարակուսելի, հարցնում էր վարպետների ավագին, և եթե բանավոր բացատրութունը չէր գոհացնում իշխանին կամ դժվար էր պատկերացնում, ավագը փռած-հարթած ավագի վրա գծում էր անելիքը:

— Բարի է,— ասում էր վերջապէս կառավարիչը և, ետից հեծնելով նժույգը, գնում էր եկեղեցու շինութեան աշխատանքները դիտելու:

Այսօր էլ ահա Վարազ իշխանը երկու թիկնապահով (որոնք նրան պետք էին ոչ թե իր անձը պահելու, այլ կարգադրութուններով այս-այն կողմ ուղարկելու համար) հանդարտ գնում էր կառուցվող շենքերը դիտելու:

Վերջերս նա շարունակ հիշում էր թագաւորի պատմի-րը, թե պետք է ավարտել գեթ եկեղեցին, ուստի և ինչպես միշտ, այնպես էլ այսօր գնում էր տեսնելու նախ ավարտվող եկեղեցին: Փողոցը, որով գնում էր թիկնապահների հետ, անհարթ էր, անիվներով ակոսված, եղեգնի կտորներով ու տե-րևներով ցանցնված: Պատահող անցորդները— կին թի մարդ— կանգնում էին և, ձեռքերը սրտներին դնելով, ողջու-նում նրան: Իսկ իշխանը, կապալի մի թևքը ուսը գցած, աջը բարձրացնում էր թեթևակի, ինչ նշանակում էր, թե պատաս-խանում էր բարեներին:

Փոքր-ինչ առաջ գնալով նա ընդունեց մի տարեց մարդու բարևը և ձին կանգնեցրեց:

— Ո՛ւր, վարպետ,— հարցրեց:

Մարդը կանգ առավ՝ ձեռքը սրտին դնելով:

— Ընտանյաց գործով, տեր իշխան:

— Բարի,— ասաց Վարազը:— Գալիս եմ ձեր վերջին աշ-խատանքը դիտելու: Իսկ կինդ ապաքինե՞լ է,— հարցրեց նու և, դրական պատասխան ստանալով, խթանեց ձին ու առաջ անցավ:

Վարազը ճանաչում էր քաղաքի վարպետներից ու գոր-ծավորներից շատերին. երբեմն, շինարարությանը վերաբե-րող խնդիրներից հետո հարցուփորձում էր նրանց, թե ով քանի՞ երեխա ունի, անուններն ինչպե՞ս են, նորածնի կնքա-հայրն ո՞վ պիտի լինի... Ու հաճախ պատրաստակամությու-ն էր հայտնում՝ ինքը լինել կնքահայր: Ինչպես խոստումնե-րը, այնպես էլ այս մտերմությունը մարդկանց ոգևորելու մի ձև էր նրա համար, և դա տալիս էր իր արդյունքը. աշխատանքը կատարվում էր ավելի, քան կանեին օրվա ընթացքում:

Վերջապես, երբ նա, թիկնապահները հետևից, բարձրա-ցավ քաղաքամիջի այն բլուրը, ուր եկեղեցին էր, ձին քշեց դեպի աղոթատան մուտքը: Այդտեղ խմբված վարպետներն ու ղործավորները գլուխ տվին և հտ-ետ գնացին, որպեսզի իշ-

խանը մտնի ներս, որովհետև ավարտման աշխատանքները այժմ կատարվում էին ներսում:

— Բարյավա՛ւ վարպետաց և գործավորաց,— ասաց նա փորձելով իջնել, բայց թիկնապահներն խսկույն, ձիւնից թռչելով, օգնեցին նրան ոտքը ասպանդակից հանելու: Իջնելով՝ Վարազը սանձը տվեց դրանցից մեկին և մոտեցավ Վեղեցուն, որ մի երկարավուն շենք էր՝ նեղ պատուհաններով (այնքան նեղ, որ թևքաց աղավինին չէր կարող մտնել ներս) և կամարակապ մի մեծ մուտքով, որի ուղիղ գլխին և երկու կողմը, միակտուր խոշոր քարերի վրա քանդակված էին հավասարաթև խաչեր՝ յուրաքանչյուրը մի կանգուն երկարությամբ:

— Համարենք ավարտա՞ծ,— հարցրեց նա խաչերը դիտելով:

— Հրամանդ տեր, դուրսը ավարտեցինք,— ասաց վարպետների ավագը՝ ճերմակող մուրուսով հաստաբազուկ մի մարդ, դուրս ու մուրճը ձեռքին առաջ գալով:

Գնունին զննարար, առանձին-առանձին դիտեց երեք խաչն էլ և ասաց.

— Թվում են լավ: Ցանկունք, որ արքային նույնպես հաճելի լինի Վստա՞հ եք...

— Հուսով ենք: Արել ենք կարելին:

— Իսկ սեղանը, ավագ վարպետ:

— Այնտեղ պիտի աշխատենք տակավին, տեր շահաւոյ:

— Բայց շտապեք, շտապեք: Ես արքային խոստացել եմ ավարտել մինչև ամառս և օժումը կատարել շուտով:

Այս ասելով՝ նա մտավ ներս, նրա հետ և ավագը: Մի խումբ վարպետներ հղկած սալաքարեր էին շարում եկեղեցու մի ծայրին: Դա լինելու էր սեղանը, որ մի կանգուն բարձր էր քարած հատակից:

— Շտապեք, շտապեք,— կրկնեց Վարազը միառժամ ներսը դիտելուց հետո: Իսկ երբ պատրաստվում էր դուրս գալ՝ նորից հարցրեց,— հուսամ՝ յոթ-ութ օրից պիտի ավարտենք. այնպե՞ս է:

Թե աշխատանքները և թե ստացած պատասխանը գահացրին Վարազին, որովհետև նա իրոք Արշակ թագավորին

խոստացել էր շուտով կատարել եկեղեցու օծումը, որին ներկա պիտի լինեն թագավորն ինքը թագուհու հետ միասին: Հաջող աշխատանքը բարձրացրեց նրա տրամադրությունը. ուրեմն ժամանակին կկատարի օծումը և թագավորը գոհ կմնա իրենից: Այդ օծումը շտապեցնում էին, որովհետև քաղաքը շուներ տակավին եկեղեցի. թե ժամերգությունը և թե բոլոր ծիսական կարգերը— կնունք, պսակ— կատարվում էին հասարակ տան մեջ, երկու քահանայի ձեռքով:

— Ժամանակին ավարտեցիք՝ արքունի պարգև,— ասաց նա փորձելով հեծնել ձին: Այս անգամ էլ թիկնապահները օգնություն հասան նրան:

Իշխանն այնքան գոհ էր, որ ըստ սովորության չգնաց պալատի աշխատանքները դիտելու, այլ ձին քշեց քաղաքի արևելյան կողմը, ուր չէր եղել արգեն քանի օր: Մի փոքր գնալով՝ նա հասավ մի մեծ շենքի. դա նոր կացարանն էր՝ երկրորդ կացարանը տիրափախների համար: Նույնպես մեծ թվով վարպետներ ու գործավորներ էին աշխատում. ոմանք քար էին տաշում, ոմանք պատ շարում ցեխոտ ձեռքերով, ոմանք կավ ու դարման էին շաղախում. երբեմն մի վարպետ կանչում էր «քար», մյուսը՝ «կավ», և ոչ մեկը գլուխը չէր բարձրացնում աշխատանքից: Իշխանին նկատելով՝ ավելի լարվեցին. իսկ մի երիտասարդ մոտեցավ և գլուխ իջեցրեց, Դա տիրափախ Թորգոմն էր, որին իշխանը մի տարի առաջ առել էր. «Ձանադիր եղար՝ կկարգեմ վերակացու», և կտրղել էր:

— Օ՛, դանդաղ են բարձրանում պատերը,— ասաց վարադը առանց ձիուց իջնելու:

— Ձանում ենք, տեր, լրիվ կատարել օրվա գործը:

— Ձանացեք, ջանացեք: Ավարտեցիք՝ արքունի պարգև,— ասաց նա կամենալով խթանել ձին, բայց կանգ առավ:— Իսկ ինքդ, տղաս, տունդ ավարտեցի՞ր:

— Ոչ, տեր իշխան:

— Եվ ինչու՞ «ոչ»: Զէ՛ տվել եմ քեզ և՛ հող, և՛ ամեն նյութեղեն:

— Ուշանում է, վասնզի նրա վրա գործում եմ սակավ:

— Գործիր ավելի և ավարտիր: Գալիս են նոր մարդիկ և

ամենքն ունեն կացարանի կարիք,— ասաց իշխանը և ձինք ղշեց առաջ:

Թորգոմը նայեց նրա հետևից և տխրեց մտածմունքի մեջ:

* * *

Քայց ինչո՞ւ տխրեց Թորգոմը: Չէ՞ որ նա արդեն Արշակավանումն էր, շահապ իշխանը նրան հող էր տվել տուն կառուցելու և նույնիսկ կարգել էր վերակացու:

Քաղաք հասնելուց հետո մենք ոչինչ չասացինք Թորգոմի մասին: Քայց այժմ գոնե պետք է մի քանի խոսք ասել, թե ի՞նչ էր անում նա և ինչպե՞ս էր ապրում:

Օ, Թորգոմը... Ամենից առաջ նա շատ զգայուն ու պատվախնդիր երիտասարդ էր: Իշխանի դիտողությունն այսօր շատ ծանր եկավ նրան, ուստի և տխրեց:

Թորգոմը, իհարկե, ցանկանալով ցանկանում էր՝ շուտ ավարտել տունը, դուրս գալ աղմկոտ ու նեղ կացարանից, մանավանդ որ տան ավարտի հետ էր կապված իր պսակը Մինայի հետ: Քայց տուն կառուցելը այնքան դյուրին գործ չէր, ինչպես թվում էր առաջ: Կառավարիչ իշխանը ինչպես բոլոր տիրապետողներին, այնպես էլ Թորգոմին ու ընկերներին հատկացրել էր հողամաս ու քար, մնացյալ աշխատանքը թողնելով իրենց: Սակայն Թորգոմը, լինելով շինարար գործավորների մի խմբի վերակացու, իր տան կառուցումով զբաղվում էր միայն երեկոյան ժամերին, երբ գաղաղում էր շտապ կառուցվող նոր կացարանի աշխատանքը: Մինչև գալիս էր ճաշում մօր հետ՝ արևը մայր էր մտնում, աչդ իսկ պատճառով իր տան վրա աշխատում էր շատ քիչ, այն էլ օրերի ընդմիջումով: աշխատանքը խանգարվում էր մանավանդ անձրև օրերին: Եվ ընդհանրապես Թորգոմի կյանքն անցնում էր միօրինակ և հոգսերով լի: Քաղաքում ամենից շուտ զարթնում էին նրա կացարանի մաքրիկ և, շենքի առջև լվացվելով, խմբերով կամ մենակ շտապում աշխատանքի: Իսկ Թորգոմի մայրը զարթնում էր ավելի վաղ՝ առաջին թն երկրորդ հավախոսին: Մորից քիչ հետո զարթնում էր ինքը Թորգոմը: Երբ նա մի քիչ հաց ուտելով դուրս էր գալիս խցից՝ իր գործավորներին հավաքելու, մայրը գնում էր նրա հետևից և հարցնում:

«Ե՛րբ պի գաս, տղաս»... «Երբ ազատիմ»... «Այսօր պի րանե՞ս տան վրա»... «Պի՛,— հետևում էր պատասխանը, ապա կամացուկ մի խորհուրդ։— Դու Մինային լավ նայե, մարե»... Իսկ երբ մայրը ներս էր մտնում, Թորգոմը թեքվում էր նույն կացարանի ծանոթ խուցի կողմը և կանգնում նրա պատուհանի տառջ։

— Մինա, ինչո՞ր է պապոն,— հարցնում էր նա հարսնացուի հոր առողջությունը։ Երբ Մինան պատասխանում էր «լավ»՝ Թորգոմն այնժամ ավելացնում էր. «էհ, ես գնացի Դու մարեին լավ նայե»...

Ու գնում էր, իսկ Մինան անխոս, քայց հպարտ նայում էր նրա հետևից՝ մինչև նա թաքնվում էր աչքից։

Այս Թորգոմի ամենօրյա, սովորական ծեսն էր, որ կատարում էր աշխատանքի գնալուց առաջ։ Զջմարիտն ասած՝ նա իր պարտքն էր համարում այդպես վարվելու, որովհետև պարտավորված էր զգում այդ երեք հոգու առաջ. չէ՞ որ ինքն էր պատճառ եղել նրանց այստեղ գալու...

Մի տարվա մեջ Թորգոմը եղել էր տարբեր աշխատանքների վրա, քայց այն օրից, երբ նշանակվել էր վերակացու՝ առավտոր պետք է շուտ զարթնե՞ր, վարպետներին ու մշակներին հավաքել գործատե՞ղ և հսկե՞ր, որ աշխատանքը կանգ չառնի։ Քայց նա ոչ միայն հսկում էր մյուս վերակացուների նման, աշխատում էր ինքն էլ, որպեսզի արդարացնի Վարազ իշխանի վստահությունը. դրա հետևանքով և սեփական տունը դանդաղ էր շինվում. ուստի երբ ընկերները, ծանոթները հարցնում էին, թե ե՞րբ է պսակվելու, պատասխանում էր.

— Երբ տունս ավարտեմ...

Այս կարծիքին էր և մայրը. «Քանի, տղաս, շունենք մեր օթևան, մեր թոնիր, մեր երգիկ՝ կարելի չէ։ Շիքենք մե՜ք տուն՝ հետո աստուծո՞վ»։

Իսկ ծանոթ քահանայի տչն հարցին, թե՛ «է, տղաս, ե՞րբ պսակեմ քեզի»,— Թորգոմը պատասխանում էր անփոփոխ. «Տունս ավարտեմ՝ հետո»։— «Իսկ ե՞րբ կավարտես, տղաս»...

— Շուտով, շուտով...

Ու կառուցում էր։ Պետք է ասել, որ տան աշխատանքներին մասնակցում էին մայրը, երբեմն և Մինայի հայրը։

Թորգոմի ընկերները՝ Հովսեփն ու Վարդանը, նույնպես

շինում էին իրենց տները, որ համարյա կից էին Թորգոմի տեղին։ Օրվա աշխատանքից դառնալով՝ Թորգոմը նախ ճաշում էր, հանգստանում մի փոքր և գնում իր տան վրա աշխատելու։ Օրեցօր բարձրանում էին պատերը, ուրախություն բերելով ոչ միայն իրեն՝ Թորգոմին, այլև մորը և աներոջը, որ ամենից ավելի էր շտապում աղջկան ամուսնացած տեսնելու։ Երբեմն տան կառուցումը դիտելու էր գալիս և Մինան, սա խնդուն, գրեթե մանկան ժպիտով ու հետաքրքրությամբ էր նայում տան վրա կատարվող աշխատանքը։ Թվում էր՝ ավելի է հրճվում ապագա օթեանի համար, քան մյուսները։ Թորգոմը ջանում էր այդ ամառ վերջապես պատերը բարձրացնել և կտուրը ծածկել։ Բայց կառուցումը, հակառակ իր կամքի, դանդաղ էր կատարվում։ սկսում էր աշխատել թե՛ օրը մթնում էր։ Այս էլ պիտի ասել, որ Թորգոմն ամեն աշխատանք կատարում էր ինքը. պատրաստում էր դուռ, լուսամուտ կամ գերաններ էր հարթում, և երբեք անգործ չէր մնում, ու մայրը միշտ խրախուսում էր։

— Աստուծով շիքենք մեր տուն, բերենք մեր հարս...

Թորգոմի երազը նույն էր հարկավ։ Բայց երբ նկատում էր մոր թաքնված ուրախությունը, մտածում էր, որ տունը նրա համար ամեն ինչ էր՝ գերագույն մի բան։ ուստի ջանում էր մորը չզրկել այդ ուրախությունից, տալ նրան այն մեծ հաճույքը, ինչ բաղձում էր նա։

— Շուտով, մարե, շուտով կշինենք և ամենը կլինի քո սրտով։

— Հա՛, Թորգոմ, կուզեմ տեսնեմ ու մեռնեմ...

Աշխատանքի ժամանակ, երբ Թորգոմը նկատում էր Մինան նույնպես կամենում էր օգնել իրեն, երբեմն ուրախ թեքվում էր դեպի նրա ականջը և շշնջում. «Շուտով կավարտենք մեր տուն և դուռ կըլնես մեր հարս»... Աղջիկն ինքն էլ թեև սպասում էր դրան, բայց կարմրում էր կակաշի պես, և աչքերը դառնում էին երազային։

Այս աշխատանքների միջոցին Թորգոմը երբեմն հիշում էր անտառի գեպքը և մտածում, թե արդյոք մարդիկ մոռացել են այդ և վրեժխնդիր չե՞ն լինի սպանված իշխանի համար... Բոլոր նշաններից նա հասկացել էր, որ սպանվածը իշխան էր, բայց թե ո՞վ է՝ չէր կարող իմանալ։ Նրան թվում

էր, թե նրա հետ եղած մարդիկ ճանաչեցին իրեն և ուրեմն կարող են գալ մի օր... Բայց իսկույն էլ վանում էր այդ միտքը։ Սակայն վանել զովար էր, քանի որ առիթներ էին լինում կասկածելու։ Հազիվ տասը օրվա եկած՝ նա մի օր իմացավ, թե շահապ իշխանը գրություն է ստացել՝ մի սպանություն մասին։ պահանջում էին սպանողին հանձնել սպանվողի եղբորը։ Վարազը չգիտեր և չէր էլ կարող իմանալ, թե վերջին եկողներից ո՞րը կլինի դա, ու չհետամտեց։ Բայց միայն հետաքրքրվեց, թե վերջին նորեկներից ո՞վ է մարդ սպանելու։ Մեծ մասամբ ասում էին՝ չգիտեն, իրենց հայտնի չէ... Այս հարցումով իշխանը դիմեց և Թորգոմին որպես նորեկի։ «Հսն՛ի ես, տղաս, անտառում սպանված իշխանի մասին», — հարցրեց Վարազը։ Թորգոմի առաջին զգացմունքը եղավ զարմանքը. — «Ի՞նչպես է իմացել», — մտածեց նա ներքին զոզով և ասաց. «Ի՞նչ իշխան է, տեր»։ — «Համունի իշխան», — շեշտեց Վարազը։ — «Համունի՞», — նորից զարմացավ Թորգոմը և կրկին մտածեց. — «Ուրեմն եղել է Համունի իշխանը»։ — «Համունի, Համունի, — մտմտաց նա և գլուխն օրորեց։ — Ոչ, տեր, լսած չեմ այդպիսի բան»... Երբ նա իշխանից հեռացավ՝ սիրտը զոզում էր. թվում էր Վարազը կարող էր կալանավորել իրեն. բայց հետո հիշեց, որ իշխանը թագավորից հրաման ունի՝ եկողներից և ոչ մեկին չհանձնել տիրուջը, ինչ պարագայում էլ լինի, քանի որ քաղաք մտնողը համարվում է արդեն թագավորի մարդ... Այնուամենայնիվ Թորգոմն այդ օրը իշխանի մոտից անմիջապես տուն չգնաց, այլ շտապեց Հովսեփի և Վարդանի մոտ։ Լսածը պատմելով՝ նա ասաց. «Եթե իշխանը ձեզ հարցնի — չգիտեք, այնպես չէ՞»... «Հարկավ», — եղավ ընկերների պատասխանը։

Այս նրանց քաղաք գալուց տասը օր հետո էր։ Բայց ամիսների անց, Թորգոմը երբեմն հիշում էր այն և իսկույն էլ այդ հուշը վանում իրենից, ցանալով մոռանալ։ Եվ մոռանում էր, երբ տարվում էր գործով, զրուցով կամ երբ լինում էր քաղմության մեջ։ Իսկ նա երբեք մենակ չէր լինում. սովորություն էր դարձել, երբ մութն ընկնում էր և այլևս աշխատել հնարաւոր չէր, գնում էր ընկերների, ծանոթների հանդիպելու։ Եկած օրից նա ուներ արդեն շատ ծանոթներ, նաև հարևաններ, ուրոնք երեկոները — ձմեռները մեկի կամ մյուս-

սի տանը, իսկ ամառը որևէ պատի տակ՝ գերանների և քարերի վրա, հավաքվում էին զրույցի, և զրուցում էին երկար, ամեն ինչից. երիտասարդները երբեմն երգում էին այն երգերը, ինչ երգել էին իրենց շփնորում՝ մեծ տոներին, հարսանիքներին կամ դաշտային աշխատանքների ժամանակ։ Իսկ ընդհանրապես հին եկողները պատմում էին իրենց գլխով անցածը, նորեկները՝ իրենց։ Մեկն, օրինակ, պատմում էր, թե երկար ժամանակ որոշել էր փախչել, բայց հնար չէր գտել և մի օր էլ, ի վերջո, վճռել էր փախչել ժանգաղը ձեռքի տիրոջ գաշտից, և ոչ ոք չէր կասկածել, թե փախչում է։ Մի ուրիշն ասում էր, թե իրեն հարկադրեց հեռանալ այն, որ տներն ստիպել էր ամուսնանալ հղիացած աղջկա հետ։

— Առերես համաձայնեցի, բայց չկամեցա ուրիշի զավակի հայր լինել, և փախա նույն օրվա գիշերը։

Թորգոմը, ինչպես և Հովսեփն ու Վարդանը, գրեթե միշտ ներկա էին լինում այդ զրույցներին, հավաքույթներին և հեռանում էին այն ժամանակ, երբ բոլորը ցրվում էին քնելու։

Այդ օրն էլ, իշխան Վարազին հանդիպելու օրը, եւթ Թորգոմը մինչև մթնշաղ աշխատեց իր տան բարձրացած պատերի վրա, մուժն ընկնելուց հետո, ըստ սովորության, գնաց ծանոթների այդ հավաքատեղին՝ հանգստանալու և զրուցելու։ Հավաքավայրը հեռու չէր. դա մեծ կացարանի պատի տակն էր, այնտեղ, ուր գերաններ էին թափված։ Խաղաղ աստղալույս գիշեր էր։ Թորգոմը հասավ այն պահին, երբ նորեկ տիրափախները պատմում էին, թե նախարարները այժմ, Ավանի դեմ զայրացած, հսկողության այնպիսի կարգ են սահմանել, որպեսզի առավել դժվարացնեն ծառաների փախուստը։ Հիմա հարևան նախարարը հսկում է հարևանի մարդկանց, որ իր հողով շանցնեն, և, մի բան նկատելիս, իմացնում է հարևանին կամ պարզապես կալանում փախչողին։

Այս պատմում էր Վանանգից եկած մեկը։ Իսկ Վանից փախած մի քարագործ պատմեց, թե ինչպես իր տները՝ Արծրունյաց Մերուժան իշխանը, գետնատնակներ է շինել մեծ ճանապարհների վրա, որ հեռացողին կալանեն կամ ստատու-

— Եւ թռնվածին կխոշտանգեն ու կսպանեն շարաշար,—
ամսորսեզ քարագործը:

Հսնյոյ՝ այս՝ լոռեթյուն իջավ մի վայրկյան, ապա ունկնդիրաւ, անկը, մի տիրափախ, բացականչեց.

— Օ՛, եթե նորից ընկնենք մեր տերերու ձեռք... Եթե չսպանեն՝ կխեղդեն աշխատանքով, կմեռցնեն քաղցած:

— Էհ, աշխատանքն այստեղ էլ թեթև չէ,— տնքաց մեկը:
— Մի աարի է կաշխատեմ օրն ի բուն, բայց չունեմ դեռ տուն, կստանամ կերակուր մի շերեփ ու մի բլիթ...

Դժգոհ էին առանձնապես հին տիրափախները, որ տակավին չունեին այն, ինչ երազել էին:

— Բայց թագավորը խոստացել է մեզ պահել ազատ, շառնել տուրք ու տուգան,— միջամտեց մի ուրիշը:

Իսկ մի երրորդը նկատեց.

— Թող լինի աշխատանք, միայն մեր հին տերերը հաւնդիստ թողնեն մեզի:

— Էլ ոչինչ: Կամենան էլ՝ չեն կարող անել ոչինչ. մենք հիմա թագավորի ծառաներն ենք...

Եւ այդ հանգամանքը, թե գտնվում են թագավորի հողում և աշխատում են նրա անունով կառուցվող քաղաքում՝ թվում էր, հեռացնում է ամեն վտանգ, և նրանք իրենց զգում էին ապահով: Բայց մեկը հանկարծ հարցրեց, թե չի՞ կարող պահել, որ տերերը պահանջեն իրենց վերադարձը. ինքը լսել է այդպիսի բան... Թորգոմի հարևանների մեջ կար մեկը, մի տարեց կի՛ն՝ Մարինե անունով, որ սիրում էր մասնակցել տղամարդկանց զրույցներին և խոսում էր միշտ առածներով ու մուր տալով: Հսնյով այս՝ նա մատները չափեց.

— Ո՛ւ, ես նորեն իմ զավկներ չեմ առնի Կամսարականին ծառա: Զէ. կապրիմ աստեղ, կմեռնեմ աստեղ:

— Իսկ եթե առանելու գա իշխանն ի՞նքը,— կատակեց մեկը:

— Իշխանը ցավս թող տանի իրեն,— մուր տվեց պառավը հինգ մատը չռած:

Միծաղեցին, բայց հետո նորից ծանր լոռեթյուն իջավ: Երկար ժամանակ ոչ ոք չէր խոսում:

— Իսկ պատահե՞լ է, որ մի ծառա սպանի իր տիրոջը և փախչի,— գիմեց մեկը այն նորեկ փախստականին, որ պատ-

մում էր, թե նախարարներն այժմ շատ զայրացած են և սահմանել են խիստ հսկողություն:

— Պատահել է, պատահել,— ասաց նորեկը:— Մի՞թե չեք լսել, որ մի տարի առաջ մեկը, փախուստի ճանապարհին, անտառում սպանեց Համոնի նախարարին: Որքա՞ն փրկեցին, գազազեցին: Բայց չգտան... Պատահել է...

Այս խոսքերի վրա Հովսեփն ու Վարդանը նայեցին Թորգոմին, իսկ Թորգոմն ինքը զգաց, որ երեսը տաքացավ, ու լարվեց լսելու, թե ուրիշ ի՞նչ կասի պատմողը, բայց նա չշարունակեց, այլ եզրակացրեց միայն.

— Դրանից ահա, կասեն, թե նախարարները զայրացած են այնչափ, որ խորհում են դառնալ օտար թագավորի հպատակ, քան մնալ մերայինի՝ Արշակ թագավորի ձեռքը:

— Ուրանա՞լ հայի հավատ,— լսվեց մեկի ձայնը պատի ստվերից:— Մոռանա՞լ երկիր, գնա՞լ օտար թագավորի աշխարհ:

— Ինչո՞ւ գնալ. կուզեն իրենց հողով, իրենց շենքերով մտնել օտար թագավորի ձեռքի տակ: Քանի որ, կասեն, իրենց մարդեր, մեր թագավորի կամքով, կփախչեն-կուգան աստեղ... ու կուզեն, որ յուրյանց բոլոր մարդեր տանեն...

— Ցա՛վս տանեն,— նորից մուր տվեց պառավը:

Եվ գրույցն այդ երեկո սրանով վերջացավ գերանների վրա:

Ընկերներից բաժանվելով՝ Թորգոմը մտածում էր, թե ինչպես երևում է, դեռ փնտրում են իրեն. և թերևս այդ պատճառով են խիստ հսկողություն սահմանել: Նշանակում է՝ այսուհետև թույլ չեն տա որևէ մարդ փախչի իրենց ծառաներից...

Բայց սխալվում էր: Սխալվում էին և վերջին նորեկները: Տիրափախները շարունակում էին գալ, և մեծ խմբերով, Գարնան սկզբին, երբ օդը դեռ սառն էր, նրանք չէին երևում, բայց երբ կանաչն սկսեց բարձրանալ և ծառերը տերեւակալեցին, նրանք սկսեցին գալ անվերջ: Թորգոմն ուրախանում էր նրանց գալը տեսնելով,— ո՛րքան շատ գան, այնքան լավ. նախարարները կմոռանան կատարված սպանությունը... Բայց ամեն անգամ այդ սպանության մասին մտածելիս, նա

ձեռքը թափ էր տալիս՝ կարծես այդ մոտքերն իրենից վանելու:

— Պետք է տունը կառուցել և վերջացնել...

Եվ կառուցում էր...

Բայց տիրափախների գալով ավելի ուրախ էր լինում Վարազ իշխանը. նրան հարկավոր էին շատ աշխատողներ, քանի որ քաղաքի կարևոր շենքերը պետք է ավարտեր այս տարի: Այդ էր պատճառը, որ շտապում էր ինքը և շտապեցնում ուրիշներին:

— Զանացե՛ք, ջանացե՛ք: Ավարտելուց՝ արքունի պարգևներ...

Եթե այդ պտույտների ժամանակ նրա հետ էր լինում Դավիթ դպիրը, նա նույնպես իր պարտքն էր համարում ընդօրինակել տիրոջը:

— Այո, ջանացողը կստանա արքունի պարգևներ...

«Արքունի պարգևների» հեռանկարը, իհարկե, ուրախացնում էր թե՛ վարպետներին և թե՛ գործավորներին: Դա ուրախացնում էր և Թորգոմին, ա՛յ, կավարտի իր տունը, կալսակվի Մինայի հետ, ապա աշխատանքի համար կստանա արքունի պարգև... ու ամենը կլինի լավ...

Բայց թե ինչո՞ւ էր այդպես Վարազ իշխանը շտապեցնում մարդկանց, ինքը չէր ասում ոչինչ, սակայն ուրիշները խոսում էին, թե ամառը թագավորը գալու է քաղաքը տեսնելու, ահա ինչո՞ւ իշխանն շտապում է և շտապեցնում ամենքին: Խոսում էին միաժամանակ, թե թագավորը կամեցել է, որ իր հիմնած քաղաքը լինի օրինակելի. թե՛ գրավի մարդկանց, թե՛ հաճելի լինի և թե՛ այստիվ բերի իրեն: Արքունի շենքերի օրինակները վերցնում էին հին մայրաքաղաք Արտաշատից և Վաղարշապատից, բայց և ցանկանում էին անել ավելին: Ասում էին, որ թագավորը կարգադրել է կառավարիչ իշխանին. «Զխնայել ոչինչ»... Եվ Վարազ Գնունին ասե՛ն ջանում էր, որ մինչև թագավորի ժամանումը պատրաստ լինեն բոլոր աղբյուրները, բաղնիսները, դեպ գյուղեր տանող ճանապարհները, եկեղեցին և նույնիսկ պալատը, որ եկեղեցուց հեռու չէր. այս երկուսի ավարտումը, իշխանին թվում էր, լրիվ տեսք ու շուք պիտի տար քաղաքին: Գեթ պետք էր ավարտել դրանց պատերն ու տանիքները, դրսի աշխատան-

քը գլխավորապես, իսկ ներսը կարելի էր և փոքր հետու Քայց ամենից շուտ պետք էր ավարտել, իհարկե, եկեղեցին:

Եկեղեցու ավարտն շտապեցնում էին և քահանաները: Ավագերեցը գրեթե ամեն օր գնում էր կառավարչի մոտ և ասում.

— Աղոթատունս նեղ է, իշխան, ժողովուրդը շատ: Շտապիր, աղաչում եմ: Երիտասարդները ցանկանալով ցանկանում են ամուսնանալ և սպասում են աստծո նոր տաճարին: Ավարտիր, իշխան: Կլինեմ աղոթարար քո արեւատության,— շողորորթում էր նա:

Իսկ մյուս քահանան, որ մի քանի տարով փոքր էր ավագից, հաճախ գնում հորդորում էր եկեղեցու վրա աշխատող վարպետներին.

— Եթե շուտ ավարտիք՝ տներն մեր Հիսուս Քրիստոսի օրհնությունը կլինի ամենքիդ վրա և ձեր հոգիները կդառնան դրախտական...— Ապա ղգալով, որ դրանք ընդհանուր խոսքեր են վերացական և քիչ բան կարող են ասել նրանց և մանավանդ շահագրգռել, քահանան խոսում էր ավելի պարզ:— Կուգեմ ձեր զավակներաց կնքեմ այստեղ, պսակեմ այս նոր տաճարում, որ լինեն հավետ երջանիկ...

— Իսկ թաղումն ինչպե՞ս, հայր քահանա,— ասում էր վարպետներից մեկը հեգնոտ:

— Թաղո՞ւմ... Իրեք չէի ցանկանա, որ մեկիդ մատը փուշ մտնեի, զավակներս,— մաղթում էր քահանան:

Վարպետները ծիծաղում էին և խոստանում.

— Եթե այդպես է՝ կավարտենք շուտով:

Զգիտես կառավարչի հոգացողության շնորհիվ, թե քահանաների հորդորանքի հետևանքով՝ եկեղեցին ավարտվելու էր ավելի շուտ, քան սպասում էին: Ասենք այդպես էր կամեցել Արշակ թագավորն ինքը. «Նախ եկեղեցին՝ աստծո տունը, ապա պալատը՝ թագավորի տունը»,— ասել էր նա:

* * *

Անցավ մի քանի օր: Վարագ իշխանը ցնծության մեջ էր: Երկու թիկնապահի հետ գնում-կարգադրություններ էր անում այս-աչն թաղում, որ կարգի բերին ճանապարհները, փողոց-

ները և անգամ տները, բակերը, նա առանձնապես հոգ էր տանում, որ դրսից քաղաք մտնող ճանապարհը և գլխավոր փողոցը լինեին ավելի բարեկարգ ու մաքուր: Ամեն տեղ ինքը չէր հասնում, իհարկե, բայց ուղարկում էր թիկնապահներին, որպեսզի նրանք հրամայեն իր անունից:

— Տեր շահապը պահանջում է, որ մաքրեք, կարգավորեք...

— Տեր շահապը հրամայում է՝ պատրաստ եղեք մեծ ուրախության...

Ի՞նչ էր պատահել:

Եկել էր վերջապես այն օրը, երբ եկեղեցին ավարտվել էր իրոք, և նա պատրաստություն էր տեսնում այն օծելու: Ինքն արդեն հատուկ սուրճանդակ էր ուղարկել թագավորին այդ մասին հայտնելու, և թագավորից անմիջապես հրաման էր եկել, որ Վարազ իշխանը այդ կատարի առաջիկա տասը օրվա մեջ և այդ օրվա մասին վաղօրոք հայտնի իրեն՝ արքային: Վարազը հասկացավ, որ թագավորը իսկապես գալու է օծմանը, ուստի և, հրաման ստանալու օրն իսկ, կարգադրեց՝ մաքրել և զարդարել եկեղեցին. ներսը գորգ՝ ու փռել, խունկ ծխել... Իսկ ինքը երկու թիկնապահով գնաց Բագրևանդ՝ գավառի՝ Եպիսկոպոս և կաթողիկոսի տեղապահ խադի մոտ, նրան հրավիրելու՝ եկեղեցու օծման կարգը կատարելու համար: Իշխանը գնաց հպարտանքով մտածելով, որ Հայոց Աշխարհի այդ նշանավոր եպիսկոպոսը շատ գոհ պիտի մնա իրենից, որ նոր եկեղեցի է կառուցել և իրեն հրավիրում է օծելու:

Բայց մեծ եղավ Վարազ Գնունու զարմանքը, երբ խաղը մերժեց իր հրավերը:

— Ոչ, իշխան,— ասաց,— ես աստվածընդհեմ գործ կատարած կլինեմ, եթե հանձն առնեմ օծել մի եկեղեցի, որը ծառայի պիտի գողերաց և մարդասպանից:

Վարազը հանկարծակիի եկավ:

— Սրբազան տեր, հայր հոգևոր,— իշխանի ձայնն ընդունեց աղերսական շեշտ,— թագավորը պիտի ժամանի այդ հանդեսին: Հրաժարվել կարելի՞ է միթե...

— Հրաժարվելը իմ իրավունքս է, իշխան,— ասաց խաղը

թա՛վ հոնքերը վրա բերելով,— և ոչ մի թագավոր չի կարող հրամայել ինձ:

Սրբ Վարազը կրկնեց իր խնդրանքը, այնժամ եպիսկոպոսը պայման դրեց՝ սառը դեմքը փոքր-ինչ մեղմացնելով:

— Ես, տե՛ղ Կնուևի, կհոժարեմ օծել քաղաքիդ եկեղեցին, եթե փախած բոլոր ծառաներին վերադարձնես յուրյանց տներին, դրանց հետ և վանորեից շինականներին, այլապես՝ ո՛չ երբեք:

Բագրևանդի եպիսկոպոսը բացահայտ դժգոհ էր, որ Արշակ թագավորը իր հրովարտակով արտոնել էր, թե իր նոր քաղաքում («ազատ քաղաքում»,— հեգնում էր նա) բնակվել կարող են տերերից փախած շինականներ ու ծառաներ: Խաղը զայրացած էր մանավանդ, որ այդտեղ ապաստանել էին իր փեսա Կամսարականից փախած ճարդիկ, մեծ թվով ռուսիկներ և շինականներ:

Վարազը կարևոր համարեց բացատրել:

— Ինքս, սրբազան տեր, առանց թագավորի հրամանի, չունեմ իրավունք ոչ իսկ մեկ մարդ վերադարձնելու: Յուրաքանչյուր ոք, որ գալիս է Արշակավան բնակվելու, արքայի ծառան է, արտոնված ազատ լինելու, հետևաբար և էս շուրիմ իրավունք նորա վրա:

— Հետևաբար և ինքս օծել չեմ կարող մի արենապիղծ եկեղեցի,— հրաժարվեց խաղը կտրուկ:

Վարազ Գնուևին շուտահատվեց: Նույն օրը զույգ թիկնապահների ուղեկցությամբ նա մեկնեց հարևան գավառի եպիսկոպոսի մոտ և, նրա համաձայնությունն առնելով, վերադարձավ: ապա, նկատ առնելով թագավորի ցանկությունը՝ ներկա լինել օծման հանդեսին, անմիջապես սուրհանդակ ուղարկեց մայրաքաղաք՝ թագավորին հայտնելու, թե եկեղեցու օծումը նշանակված է Վարդավառի տոնին: Դրան ի պատասխան՝ Վաղարշապատից եկավ արքայական սուրհանդակ, թե թագավորը կժամանի հանդեսից երկու օր առաջ:

Եվ իշխան Վարազը, արդեն ուրախությամբ մեջ, ոսկեերիզ կապան հագին, սև նժույգը նստած, գանգրահեր գլուխը բարձր բռնած՝ արագ անցնում էր այս-այն փողոցով, այս-այն թաղը, և անցողակի կարգադրություններ անում վերակացուներին, վարպետներին և առհասարակ բոլոր նրանց՝

ում հետ գործ էր ունենում այդ օրերին կամ հանդիպում էր պարզապես իր ճանապարհին:

— Թագավորը պիտի ժամանի... իմացեք և հայտնեցեք ամենքին, որ հագնվեն վայելուչ, որ ամեն ինչ լինի բարետես...

* * *

Իսկապես, նշանակված հանդեսից երկու օր առաջ եկավ Թագավորը՝ Փառանձեմ Թագուհու հետ, մի մեծ շքախմբով, որի մեջ էին Բագրատունի Սմբատը, Ռշտունյաց Մեհենդակ իշխանը և ուրիշները: Բոլորը նժույզների վրա էին, անգամ Թագուհին: Դրանց հետ էր և դրանիկ գունդը՝ իր երիտասարդ պետ Վահան Խորխորունու գլխավորությամբ:

Վարազ իշխանը, նախապես իմանալով Թագավորի գալը, երկար տարածություն գնաց ընդառաջ, մտածելով, ոչ Թագավորը իջևանելու ավելի հարմար տեղ չունի, հետևաբար պետք է հրավիրի իր տունը, խորհում էր, որ դա, որքան էլ ծանր հոգս, բայց մեծ պատիվ կլիներ իր համար:

Եվ նա իր հրավերը հայտնեց միայն քաղաքին մոտենալիս: Բայց Թագավորը հրաժարվեց, ասելով, թե որոշել են ապրել վրանների տակ, «քանզի ամառ է»... Կառավարիչ իշխանը կոտրված ձևացավ, բայց ներուստ ուրախ եղավ, որ ինքը և ընտանիքը աղատվում են մեծ հոգսից: Սակայն դա բնավ չէր թեթևացնում իհարկե ընդունելության հոգսն ու պատասխանատվությունը:

Թագավորի հետ եկել էին մեծաթիվ սպասավորներ, բերելով իրենց հետ մետաքսյա վրաններ, ամանեղեն և ամեն տեսակի հարմարանք. եկել էին նաև խոհարարներ, ու առաջին իսկ ժամին, երբ վրանները բացում էին քաղաքից հեռու՝ մարգագետնի վրա, կրակ արին և մեծ փայլուն կաթսաները կրակին դնելով սկսեցին կերակուրներ պատրաստել, իսկ Թագավորն ու Թագուհին, նաև շքախմբի անդամները իջան վրաններում հանգիստ առնելու, որպեսզի մյուս օրը շրջեն քաղաքը և դիտեն շինարարությունը:

Այդպես էլ եղավ. և երկու օր իշխան Վարազը հանգիստ չունեց, մերթ ընդմիջը նստած համեստաբար ու պատրաստա-

կամ ուղեկցում էր թագավորին, մերթ, նժույգից իջած, ոտքի վրա մնում էր նրա վրանի առաջ, սպասելով նրա խոսքին, հարցումին կամ կարգադրության:

Վերջապես եկավ օծման օրը: Գնունու կարգադրությամբ՝ այն փողոցները, որով սիրտի անցներ թագավորը՝ թագուհու և շքախմբի հետ, մաքրված էին, իսկ եկեղեցու բակում գորգերի ճանապարհ էր շինված մինչև աղոթատան դուռը և ավելի ներսը:

Նշանակը պայծառ էր. արևը ջերմ լույսերով ողողել էր քաղաքը. բնակիչները խմբերով շրջապատում էին հանդեսը, բացի այն, որ շատերը նայում էին կտուրները բարձրացած, նայում էին ցանկապատերից և առանձին մեծ քարերի վրա կանգնած:

Նկեղեցու բակը լցված էր, երբ Թորգոմն իր մոր և Մինայի հետ հասավ այնտեղ: Միսակատար եպիսկոպոսը հետք բերած վարդապետներով, դրանց հետ և տեղի քահանաները, շքեղ զգեստավորված խունկ էին ծխում և աշոթում բարձր երգեցիկ ձայներով, խաչակնքելով բոլոր կողմերի պատերը, բեմը, հատակը, թագավորին թագուհու հետ, պալատականներին և ամբողջ ժողովրդին, որ լցրել էին ներսը և բռնել շանգամ մուտքերը, բակը ամբողջ:

— Ճանապարհ, թողեք ներս... ճանապարհ...

— Զկա ճանապարհ, չկա տեղ...

Ու մարդիկ խմբվում էին մուտքի առաջ, խմբվում գավթում... Ամենքն ուզում էին տեսնել օծման կարգը և մանավանդ թագավորին ու թագուհուն:

Նրբ ներսի օծումը վերջացավ, եպիսկոպոսն իր վարդապետներով բուրվառելով ու երգելով դուրս եկան գավթից և այնտեղ, դառնալով եկեղեցու շուրջը, օծեցին նրա դրսի պատերը՝ դարձյալ խաչակնքելով և օրհնած ջուրը սրսկելով: Այս վերջին գործողությունը կատարում էին երկու վարդապետ և քահանաներից մեկը. կավե ամաններից (որ բռնել էին ձախ ձեռքով) ջուրը վերցնում էին աջով և նետում պատերի վրա, ու ամեն անգամ, ջուր վերցնելուց առաջ, խաչակնքում էին ջերմեռանդ: Միսակատարությանը մասնակցում էր և Դավիթ դպիրը, ինչ-որ բան տանելով եպիսկոպոսի և վարդապետների հետևից: Թորգոմը նրան նայելիս նկատում

էր նրա ջերմեռանդ հայացքը և այծի մորուքը, որ դողում էր շարունակ. թվում էր՝ դպիրը աղոթում է անխուս:

Միսակատար հոգևորականների հետ եկեղեցու շուրջն էին դառնում վառ մոմեր բռնած թագավորն ու թագուհին, պալատականները և ամբողջ ժողովուրդը. մարդիկ սեղմում էին իրար և դժվարութեամբ շարժվում առաջ: Շատերն առանձնապես դիտում էին թագուհուն՝ նրա հագուստները, թևերի և պարանոցի զարդերը... Դիտում էին և շշնջում միմյանց.

— Թագավորը թուխ է, թագուհին՝ ճերմակ... Ինչո՞ւ է այդպես:

— Աստծու կամքն է...

Թորգոմը լսում էր այդ և նման խոսքեր ու ջանում մոր և Մինայի համար գրավել այնպիսի տեղ, որպեսզի կարողանան լավ տեսնել թագավորին ու թագուհուն: Բայց չէր հաջողվում: Վերջապես, երբ բոլորը դառնում էին եկեղեցու շուրջը, Թորգոմը յուրայինների հետ կանգ առավ պատի տակ և տեսավ այն, ինչ ցանկանում էին այնպես: Պառավին միշտ թվում էր, թե թագավորն ու թագուհին կլինեն բոլոր մարդկանցից բարձրահասակ ու մարմնեղ, և զարմացավ, որ այդպես չէին: Այդ տարօրինակ էր թվում և Թորգոմին. բայց նա այդ մասին մտածելու ժամանակ չունեցավ, որովհետև իր հետ աշխատող վարպետներից մեկը հարցրեց շշուկով.

— Այսօր պարգևներ բաշխե՞ն պիտի, Թորգոմ:

— Չգիտեմ,— ուսերը թոթվեց Թորգոմը:

— Ինչպե՞ս: Ամենքը սպասում են,— շարունակեց մարդը:

Բոլորն իրոք սպասում էին, թե Վարազ իշխանի ի ոստացած «արքունի պարգևները» կբաշխեն այսօր, թագավորի ներկայությամբ. բայց... Բայց օժման կարգը վերջացավ ահա և... ոչինչ չեղավ: Սպասում էին, թե «արքունի պարգևներ» կբաշխեն գեթ եկեղեցին կառուցող վարպետներին, գործավորներին... Բայց Վարազ իշխանը, օժման հանդեսից հետո, նրանց բացօթյա հացկերույթ տվեց միայն.

— Այսօր ձեզ հացկերույթ,— ասաց նա:— Այնուհետև կխորհենք...

Նկեղեցին օձեկուց հետո թագավորը երկու օր ևս մնաց քաղաքից դուրս խփած իր վրաններում: Առավոտները, նախաճաշից հետո, նա, թագուհու և իր շքամբի մարդկանց հետ գալիս էր շրջում քաղաքում: Դրանց միանում էր ժամ առաջ վրանների մոտ սպասող Վարազ իշխանը և ուղեկցում նրան: Թագավորն իր ճերմակի վրա անցնում էր թաղից թաղ և նայում-զննում ամեն տուն. երբեմն նա նոյնիցը կանգնեցնելով մի որևէ շենք դիտում էր ավելի ուշադիր: Դիտում էր և լուում... Այնինչ Վարազ իշխանը սպասում էր, որ թագավորը մի խոսք ասի՝ հավանի կամ դիտողություն անի: Սակայն՝ ոչինչ... Բայց Վարազ իշխանի անհանգստությունը դրանով չէր վերջանում: Ամեն անգամ, երբ թագավորի և թագուհու նմույզների ոտքը դիպչում էր քարի կամ նոր կառուցվող շենքի մոտենալիս, դրանց ոտներն ընկնում էին կավե շաղախի մեջ, Վարազն իրեն վատ էր զգում: Գործում էր առաջ անցնել օգնելու կամ ներողություն խնդրելու: Այնուամենայնիվ նրա մեծագույն հոգսը մնում էր այն, որ թագավորը դիտում էր ամեն բան և տպավորություն չէր հայտնում: Զգիտես հավանում էր, թե ոչ... համենայն դեպս արքայի աչքերի առին մի կծկումը Վարազին սրտող էր պատճառում. շուտ-շուտ քրտնում էր կամ պաղում: Ինչու՞ թագավորը խոսք չի ասում:

«Հավանաբար հաճելի չեղավ,— մտածում էր նա,— հավանաբար դժգոհ մնաց և հիմա դիտողություն կանի մարդոց ներկայությամբ»:

— Այս փողոցի շենքերն ավարտված են, իշխան,— հարցնում էր երբեմն թագավորը:

— Տակավին՝ ոչ, արքա:

— Իսկ ե՞րբ կավարտես:

— Հավանաբար գալ տարի:

Անցնում էին մի այլ փողոց. նայում էր թագավորը աջ ու ձախ տներին և նորից հարցնում.

— Ովքե՞ր են բնակվում այս օթևաններում, իշխան:

— Երկրագործներ և քաղաքիս գործավորները:

Շրջագայության ամբողջ տևողության միջոցին, թագավորը միայն այսպիսի հարցումներ էր անում և լուում. չէր ասում ո՛չ լավ, ո՛չ վատ:

Վերջապես, ժամեր անց, նա նժույգը կանգնեցրեց և ասաց.

— Այսքանս բավ համարենք, իշխան...

Եվ նժույգի գլուխը թեքեց դեպի վրանները: Նույնն արին շքախմբի անդամները՝ Բագրատունի Սմբատ ասպետը, Մեհենդակ իշխանը, դրանիկ գնդի պետ Վահան Խորխորունին և մյուսները: Վարազը հետևեց նրանց ո՛չ կենդանի, ո՛չ մեռած: Ինչո՞ւ է լուռ արքան: Խոսք չասել՝ նշանակում է չհավանել: Ավելին՝ դժգոհ լինել... Մի՞թե ամհին ինչ ասելու է վրանում, հանդիմանելու է շքախմբի անդամների և թագուհու ներկայությամբ...

Բայց այդպես չեղավ: Երբ թագավորը ձիուց իջավ, նա բոլորին թուլատրեց գնալ և հանգիստ առնել, իսկ Վարազին հրավիրեց իր վրանը.

— Հրամիր, իշխան:

Վարազը ներս մտավ ներքին դռղով: Հրավերը պատիվ էր, բայց ինչո՞վ կվերջանար...

Երբ նստեցին, թագավորը մատից հանեց ականաքարերով ոսկե մատանին և մեկնեց իշխան Վարազին:

— Դու, իշխան, հանձնարարությունս կատարել ես սիրով, ուստի և, ի նշան շնորհակալության, ընդունիր այս մատանին:

Վարազը պայծառացավ և ուրախությունից խոսք չգտնավ տեսնու:

— Եվ այնուհետև, իշխան սիրելի,— շարունակեց Արշակը,— եթե հնար է, շուտով սկսիր Ավանիս բերդապարիսպը: Վարազը խոնարհեց գլուխը.

— Հրամայել ես, արքա:

— Եվ դորա համար, իշխան, լարես պիտի կորուլդ ամբողջ, որ ամուր ու անխորտակ լինի մեր բերդը:

Վարազը նորից խոնարհում արավ:

— Թող լինի կամքը արքայի:

— Այո, իշխան, Կամսարականը և խոհակիցները նորա չկամեցան գիշանել իրենց բերդերը, մենք կշինենք մեր բերդը, ամենայն հայոց բերդը... Ու պետք է կառուցել արագ, որ թշնամիներս չիմանան և չխանգարեն: Թող այնպես կառուցեն, որ շինում ենք պարիսպ և ոչ բերդ:

Արշակը տեսնելով, որ իր Ավանն արդեն կառուցվել է և դարձել բազմամարդ, մտածում էր, թե լավ չէ՞ր լինի արդյոք արձակել մի նոր հրովարտակ՝ նոր գործավորներ ժողովելու, ինչ անհրաժեշտ կլինե՞ր բերդի շինությունը արագացնելու համար։ Ու ցանկացավ խոսել այդ մասին Վարադ իշխանի հետ։

— Չե՞ս կարծում, իշխան, որ կարի անհրաժեշտ է արձակել նոր մի հրովարտակ մարդածողովի, թե՞ վարպետներդ և գործավորներդ բավ են քեզ։

— Անշուշտ, արքա. վասնզի սկսում ենք մեծ գործ՝ պիտի ունենալ նաև գործավորների մեծ թիվ՝ այդ ամենը գլուխ բերելու,— համաձայնեց Վարադը։— Սակայն, արքա, դա նորից չի՞ հուզի նախարարաց, քանզի նորեկները վկայում են, որ նոքա վրդոված են հույժ։

Վարադին իրոք լուրեր էին հասնում, թե որքան կառուցվում ու բազմամարդանում է քաղաքը, այնքան դժգոհ են մնում նախարարները, անգամ ապստամբություն են խորհում, կամենալով մինչև իսկ նոր թագավոր դնել հայոց գահին։ Ծշմարիտ էր այս, թե ոչ՝ նա չգիտեր, բայց մեկ-երկու անգամ ինքն անձամբ հայտնել էր թագավորին, թե դժգոհ նախարարները զենք են հավաքում և մարդիկ են վարժեցնում նետաձգության և նիզակի գործածության։

Արշակը չէր հավատում այդ ամենին, ավելի շուտ՝ կարևորություն չէր տալիս։ Այդ մասին խոսել էր նրա հետ և Փառանձեմը, բայց Արշակը. «Չունի՛ արժեք, թագուհիս»... Իսկ Վարադի նախազգուշացումներին պատասխանում էր միշտ. — «Չունի արժեք, իշխան։ Նոքա հույժ տկար են իմ դեմ ելանելու»...

Սակայն Արշակը որքան խիստ էր, կասկածամիտ, նույնքան և դյուրահավատ էր երբեմն։ Իրոք, նա առժեռ չէր տալիս նախարարների դժգոհության և ինչ-որ ռազմական սլաուրաստության լուրերի... Նա ուրախ էր, որ իր Ավանի կառուցումն առաջ էր գնում արագ ու անարգել և մանավանդ գալիս են նոր բնակիչներ։ Ուրախ էր նաև, որ Վարադը խնամքով կատարում է իր կարգադրությունները, որ կառուցում էր ինչպես տներ, այնպես էլ շինում էր աղբյուրներ, քաղանիս և քաղաքից դուրս եկող ուղիներ, որպեսզի դրանցով տարբեր

շեներից պարեն ու մթերք բերեն քաղաք, նմանսպնս նրա՝ Արշակի կարգադրությամբ էր Վարազը պատրաստվում կամուրջներ կապել Ձկնգետի վրա, որպեսզի թե՛ մարդ, թե՛ սալլ դյուրությամբ և կարճ անցնեն դիմացի շեները։ Խոսում էին, որ քաղաքն արդեն տասը հազարի չափ բնակիչ ունի. դրանց պետք էր ապահովել սնունդով... Այո, տասը հազարի չափ, և մյուս կողմից, շնայած տերերի արգելքներին, շարունակում էին գալ. և գալիս էին գրեթե ամեն օր։

Ինչու՞ էին գալիս այդպես ամեն վտանգ արհամարհելով... Մանր, անազատ ապրող և իրենց աշխատանքից բաժին չըստացող կամ՝ չնշին բաժին ստացող շինականները ելք էին փնտրում տանելի ապրելու, և ահա, երբ հնար էին տեսնում ազատ լինելու՝ շտապում էին Ավան, շտաժեկով, թե ի՞նչ կլինի հետո... Աղատ լինելու ցանկությունն ավելի մեծ էր, քան վտանգը... Եվ որքան շատ էին գալիս՝ տերերն այնքան՝ շատ էին բորբոքված քաղաքի դեմ։

Խոսելով թագավորի հետ՝ Վարազ իշխանը նորից հիշեցրեց նախարարների վրդովանքը։

— Որքան և կուզեն վրդովվեն, — ձեռն արհամարհանքով թափ տվեց Արշակը, — չունի՜ արժեք։ Երկյուղ չունեմ նոցա ուժից, բայց զարմանում եմ նոցա հանդգնության վրա...

Փառանձեմը, որ լսում էր թագավորի և Վարազի զրույցը վրանի մյուս բաժանմունքում, ուրախությունից երազում էր, թե շուտով կունենան ամուր մի բերդ, ամրակուռ բերդաքաղաք, որը Հայոց Աշխարհը կպաշտպանի վերջապես բոլոր թշնամիներից՝ նրանց հանկարծակի ներխուժումից, գազանային գործերից և երկրին հայրենի կբերի խաղաղություն ու ապահովություն...

— Տեր, լե՛ր օգնական ազգիս հայոց, — Փառանձեմը ձեռքերը միացրեց իրար և աղոթողի նման աչքերը հռոնց վեր։

Մյուս օրը թագավորը, թագուհու և ամբողջ շքախմբի հետ մեկնեց մայրաքաղաք, իսկ Վարազ Գնունին սկսեց պատրաստություն տեսնել բերդապարսպի հիմքը դնելու։ Բայց երբ վարպետներից մեկ-երկուսը հիշեցրին նրան «արքունական պարգևների» մասին՝ Վարազը բացատրեց.

— Արքունի պարգևներ, սիրելիդ իմ, կլինի քաղաքիս պարիսպն ավարտելուց հետո... Անշուշտ և ճշմարտապես...

Վարազ իշխանը ցնծում էր: Թագավորի շնորհակալությունը ոգևորել էր նրան անշափ, ուստի և կամենում էր ժամ առաջ կատարած լինել նրա հրամանը՝ սկսել նախ պարիսպները, ապա բերդը. ու այդ գործով կամենում էր զբաղեցնել ամենքին՝ քարհատների, վարպետների, սայլավորների, մշակների և ամեն կարգի գործավորների. նժույզը նստած օրը մեկ-երկու անգամ անցնում էր փողոցներով և կանդնելով յուրաքանչյուր անավարտ շենքի տուփ՝ կրկնում էր միևնույնը գրեթե ամեն օր.

— Այլարտեղեք թերին, սկսենք պարիսպները...

— Քաղաքը չի լինի ապահով, եթե շունենա պարիսպներ ամուր...

— Պարիսպներից հետո՝ արքունի պարգևներ ամեններին...

Թորգոմը նույնպես շտապում էր ավարտել իր տունը: Նրա ճանապարհի բնկերներ Վարդանն ու Հովսեփը ոչ միայն ավարտել էին իրենց շենքերը, արդեն իսկ բնակվում էին. բայց Թորգոմը ցանկանում էր նաև իր տունը ծեփել-ճեմակեցնել ներսից ու դրսից, որպեսզի այն, ինչպես ինքն էր ասում, լինի ավելի «սեսոք», քան ռերիշներինը: Բայց մինչև այդ նա նույնպես մոր հետ արքունի կացարանից տեղափոխվել էր իր տունը: Վաղաժամ տեղափոխվելու նպատակն է՝ ավելի արագ վերջացնել ծեփը. դրանից էր կախված ամուսնությունը: Նյթ ծեփը չորանա՝ նա երկրորդ օրը պիտի գնար պսակի և հարսին բերեր տուն...

Եվ քանի օր էր ահա նա տան ներսը լուսնահողով ծեփելուց հետո սկսել էր ծեփել և դուրսը, ինչպես անում էին շատերը քաղաքում: Կարելի է ասել, այդ նկատել էին և հարևանները, որ Թորգոմը ոչ մի աշխատանք չէր կատարել այնպիսի ջանասիրությամբ, ինչպես այդ ծեփը: Զգիտես նրա՞ համար, որ դա կոկում ու լուսավորում էր տունը, թե այն պատճառով, որ դրանով ավարտում էր տան կառուցումը. համենայն դեպս նա ուրախ էր, որ վերջապես պիտի ունենար իր տունը, իր բույնը, ուր պիտի ապրեր Մինայի հետ, մոր հետ, աներոջ հետ, որ հոր շափ հոգածու էր իր հանդեպ. իսկ ինքը ազնաժամ էր նրանից և հարգում անշափ, որ Մինային

ուրիշի շտվեց և համաձայնեց փախչել իր հետ ալսքան հանու, որպեսզի Մինային շխեն իր ձեռից:

Հետաքրքրական էր տեղափոխության առաջին օրը. երբ մեծ ու փոքր կապոցներով մայր ու որդի մտան իրենց տան բակը, կատարվեց Թորգոմի համար օտարոտի մի բան. մայրը, որ շնայած կառուցման օրերին բազում անգամ էր եղել նոր տան ներսը, այս անգամ սակայն, կապոցները ներս տանելուց առաջ, ծունկի եկավ մուտքի առջև և, շնամփայտը համբուրելով, խաչակնքեց ջերմեռանդ, որ բախտավոր տուն լինի, որ շար աչքի, շար փորձանքի չգա...

Հետաքրքրական էր և առաջին գիշերը: Երբ Թորգոմը պառկեց իր հարկի տակ, նա իրեն զգաց երանության մեջ,— վերջապես կարող է հանգստանալ, ամուսնանալ և ապրել առանց տագնապի: Հիշում էր, որ տարուց ավելի էր ինչ հասել էր քաղաք: Որքա՛ն էր երազել տան մասին. որքա՛ն աշխատեց մի օթևան ունենալ... և ահա այդ օթևանը պատրաստ է, և ինքը պառկած է մեջը: Այդ օթևանը պատրաստ կլինեիր ավելի շուտ, եթե Թորգոմը եկած օրից աշխատեիր նրա վրա: Բայց այդպես չեղավ. նախ հողամասն ուշ ստացավ. ապա քարը, գերանները... Ծիշտ է, քարը, գերանները ձրի էին, բայց քարհանքից՝ ու անտառից բերելը երկարեց... Ինչևէ, տունն արդեն պատրաստ էր, մնում էր ուրիմն կատարի իր վերջին իղձը— պսակվի և Մինային բերի իր տուն...

Առաջին այդ գիշերը Թորգոմի մայրը, նույնպես մտքերի մեջ, ուրախությունից երկար ժամանակ չէր կարողանում քնել: Նա նույնպես ուրախ էր, որ քնում էր իր հարկի տակ, շուտով կտեսնի Թորգոմի պսակը՝ նրա երջանկությունը Մինայի հետ և այնուհետև, եթե մեռնի էլ՝ ոչինչ... Բայց ինչո՞ւ մեռնի հենց նրանց պսակից հետո. ոչ, լավ կլինեիր ապրել, այնքան, մինչև տեսներ առաջին թոռանը և նոր միայն աչքերը փակել և գնար իր ծնողների մոտ: Բայց ինչո՞ւ միայն առաջին թոռանը. լավ չէ՞ր լինի տեսներ մի քանի թոռ, մեծացներ դրանց, որ տունը լցվեր ժառանգներով, ուրախ կյանքով:

Մտածում էր պառավը և միաժամանակ ականջ դնում որդու շնչառությանը. նա զգում էր, գուցե և լսում, որ Թորգոմը նույնպես արթուն է. շարժվում էր շուտ-շուտ և երբեմն հո-

րանջում: Մայրը չհամբերեց և հարցրեց կամաց, շատ կամաց.

— Թորգոմս, արթուն ես:

— Շոգ է, մարե, քնել չի լինում:

Իրոք շոգ էր և ներսը օդը թվում էր պակաս. բայց միայն դա չէր Թորգոմի անքնություն պատճառը. նա դարձյալ մտածում էր, թե ինչպես կատարի պսակը և ո՞ւմ հրավիրի հարսանիքին... Այդ մտքերը սակայն լիսանգարեցին, որ նա շուտով անկողինը տանի կտուրը՝ զով քնելու համար:

Ամռան գիշերները որքան կարճ են, նույնքան ավելի քնաբեր: Դրանից էր, որ Թորգոմը քնեց իսկույն, մոռանալով այն ամենը, ինչ զբաղեցնում էր իրեն... Դրանից էր գուցե, որ չնայած օգոստոսի հանգիստ լուսաբաց էր, բայց Արշակավանի բնակիչները տակավին խաղաղ քնած էին տներում, բակերում, կտուրներին: Աղջամուղջի մեջ փոված-տառած-ված քաղաքի տներից միայն մեկ-երկու ծխնելույզից էր ծուխ բաժճահում և հալվում-խառնվում բացվող առավոտի շամանդաղին. երբեմն անհանգիստ մի կով էր բառաչում ինչ-որ թաղում, և նրա բառաչը, խաղաղ օդը պատռելով, տարածվում էր քաղաքի վրա, կամ՝ աքաղաղներն էին ձայնահում իրար. թվում էր՝ մեկը հարցնում էր «արթո՞ւնու-ուն եք»: Մյուսը պատասխանում էր «Վաղո՞ւ-ս՞-ս՞ցա... Զարմանալին շներն էին, որ երբեմն վազում էին այս-այն փողոցով կամ, հետին թաթերի վրա նստած, հսկում էին բակը, փողոցը՝ պահակի աշալրչությամբ: Թորգոմի տանը մոտ էին Հովսեփի ու Վարդանի տները: Հոգը ստանալիս նրանք լուղեցին քաժանվել և ապրել տարբեր թաղերում. գերադասեցին լինել մոտիկ և, հարկ եղած դեպքում, օգնել միմյանց: Ծիշտ է, նրանք տարբեր գյուղերից էին և միայն ճանապարհին էին ժանոթացել իրար, բայց այն հանգամանքը, որ վիճակակից էին՝ երեքն էլ փախել էին տներից և վտանգից ազատվեցին միասին՝ դա բարեկամացրեց նրանց, մասնավոր չեղած սեփական ու Վարդանը շարունակ հիշում էին, որ ծանր փորձաքից, գիլությունից Թորգոմը փրկեց իրենց, սպանելով կուլանել ցանկացող զինված իշխանին... Եվ դրա համար նրանք լուղեցին հեռու լինել իրարից ու տները շինեցին մոտիկ, որ աշխատանքի գեան միշտ միասին:

Թորգոմը շուտ էր արթնանում և, աշխատանքի գնալուց առաջ, մորը խղճալով և նրան օգնած լինելու համար, ջուր էր բերում մոտիկ աղբյուրից, լվացվում էր, ապա քարե սանդուղով բարձրանում նորից կտուրը՝ անկողինը հավաքելու Բայց հավաքելուց առաջ նա, ըստ սովորության, դառնում էր դեպի արևելք՝ դեպ նոր եկեղեցին և խաչակնքում երեսը, որ տեղը «չարը խափանի և բարին առաջի»։ Այսօր էլ, երբ նա անկողինը ցած իջեցնելու համար բարձրացավ կտուրը և նայեց դեպ արևելք՝ զարմացավ, և այնքան, որ չկարողացավ երեսը խաչակնքել։ Նրա աչքերը լարվեցին։ Հայացքը հռոհեց հեռուն։ Նայեց աջ, ձախ և մեկն լրջացավ.— առավոտյան ծխանման մուժի միջից տեսավ երեք կողմից հեծյալ խմբեր էին գալիս դեպի քաղաք, և այդ խմբերը մեկ-երկու չէին, այլ բազմաթիվ։

«Մրանք զո՞րք են, թե քարավաններ»,— մտածեց նա և իսկույն ասաց ինքն իրեն.— «Բայց ինչո՞ւ երեք կողմից... Գուցե արքունի զորքեր են»,— ասաց քիչ հետո մտքում, երբ նկատեց, որ դրանք նման չէին քարավանների։ Ժիերի վրա բռններ չէին երևում, այլ միայն հեծվորներ, և այն էլ նիզսկավոր հեծվորներ... Բայց եթե արքունական զորքեր են՝ ինչո՞ւ երեք կողմից են գալիս,— շարունակում էր մտածել նա, դիտելով առաջացող հեծյալ խմբերը։ Եվ ուրիշ հետև քաղաքը թակավին պարիսպ չունենա՞լ առջևում ամհն ինչ երևում էր, ժայռամասի տներից սկսած մինչև հեծվորները և ավելի դեռ, իսկ արև օրը շատ ավելի հեռուն՝ մինչև լեռնածիր հորիզոնը։ Այժմ արշալույսի բոսորագույն ցուլքերը ասես նվազեցնելով ցրում էին մթնշաղը և լուսավորում շրջապատն ու եկողներին։

Թորգոմը, միառժամ դիտելով երեք կողմից շարժվող այդ հեծյալ խմբերը, մեկն թափով նետվեց բակը և վազեց դեպի ընկերների տունը՝ և երկուսին էլ արթնացրեց միևնույն խոսքերով, որ ահաբեկ շեշտ ունեն։

— Արթնացե՛ք, զորք է գալիս... Արթնացե՛ք...

— Ի՞նչ զորք,— հարցրին մարդիկ քնաթաթախ վեր թըռչելով։

Բայց ընկերների հարցումին պատասխանելու փոխարեն՝ նա այժմ էլ նետվեց փողոց և սկսեց վազել։ Վազում էր մի

Թախով, ասես գնում էր հրդեհ հանգցնելու, առանց շուրջը նայելու, առանց շուեշ առնելու ճանապարհին մեկը ինչ-որ բակից ձայն տվեց նրան. «Ո՛ր, Թորգոմ, ո՛ւր»... Բայց Թորգոմը ձայնի կողմն անգամ չնայեց և շարունակեց վազքը՝ ձեռքերը թևերի պես թափահարելով:

Այդպես նա անցավ մի փողոց, երկու փողոց և, վնդապես, մտնելով գլխավոր փողոցը, կանգ առավ շահապի տան առաջ, նայեց վեր պատշգամբին, ապա նետվեց բակը:

— Իշխանը, ո՛ւր է իշխանը,— ասաց նա գրեթե շնչատ, դիմելով տան առջև կանգնած նիզակավոր, բայց քնատ պահակին:

— Իշխանը,— երկարեց պահակը դայրացած:— Դու չգիտե՞ս, իշխանը քնած է էս ժամին:

— Գիտեմ, գիտեմ,— կրկնեց Թորգոմը գրեթե բարկացած:— Բայց ինձ հարկավոր է իշխանը: Գնա արթնացրու,— և Թորգոմը մինչ կսրբեր ճակատի քրտինքը՝ տան ներքևի հարկից դուրս եկավ իշխանի ծանոթ թիկնապահը՝ դեռ լռիվ շահանված և հետաքրքրվեց, թե ի՞նչ է պատահել:

— Արթնացրու իշխանին. ունեմ կարևոր ասելիք:

Թիկնապահը նեղացավ.

— Ի՞նչ ասելիք...

— Զորք է գալիս, իմացիր...

Թիկնապահը գնաց և անմիջապես ետ գալով Թորգոմին հետևեց վիհի: Եվ երբ Թորգոմը ծանր շնչելով մտավ ներս և պստկած իշխանին հայտնեց տեսածը, շահապը վնր Բռալ.

— Զո՛րք... հեծյալ մարդի՛կ,— բացականչեց նա նայլիս որևէ հարցում չանելով՝ հապճեպ հագավ վերնոցը և դուրս եկավ իր քարե պատշգամբը: Այո, քաղաքի երեք կողմից հեծյալ խմբեր էին առաջանում: Երևում էին մինչև իսկ նրանց սուրսայր նիզակները:

Տեսածն այնքան անսպասելի էր և շարագուշակ, որ իշխանն իսկույն ետ դարձավ և, երեսն ու վիզը կալմրած, կարգադրեց թիկնապահին.

— Կանչիր կայազորի պետին: Անմիջապե՛ս...

Ու ինքը շարունակեց նայել առաջացող հեծյալներին, մտածելով, որ եթե դրանք արքունի զորքեր լինեին, նախա-

պես սուրհանդակի միջոցով լուր կտային իրենց մասին, տեղի և մթերքի պատրաստութիւն տեսնելու:

Սակայն եկողները մոտենում են տարօրինակ ձևով՝ երեք կողմից և առաջանում էին ոչ թե ուղիղ գծով, այլ տարածվում էին շփտես ինչու... Վարազ իշխանը նայում էր հետզհետե աճող զարմանքով: Գնալով՝ նրա տարակույսներն ու կասկածները ավելանում էին և ահա այն ժամանակ, երբ փոքր անց եկավ կայազորի պետը, նա հարցրեց անհամբեր.

— Ի՞նչ զորքեր են:

Կայազորի հրամանատարը, որ միջին տարիքի և քունքերն ու մորուքի միջուկը արդեն ճերմակած, ձիգ տղամարդ էր, պատասխանեց մռայլ.

— Տեսա, տեր իմ: Թշնամական զորք է անշուշտ:

— Այդպես: Իսկ ուղարկեցի՞ր մեկին՝ նրանց ո՞վ լինելը պարզելու:

— Պատրաստվում էի ուղարկել՝ կանչեցիր, տեր: Մյուս կողմից՝ ուզեցի ձեր խորհրդով...

— Ուրեմն՝ կուղարկեմ ինքս: Անհապաղ, — և իշխանը, կանչելով իր դպիր Դավիթին և մի տարեց թիկնապահի, կարգադրեց. — զնացեք և պարզեք ովքե՞ր են եկողները, ո՞ւր են գնում կամ ի՞նչ են կամենում:

Երբ դպիրն ու թիկնապահը դուրս ելան, իշխանը դարձավ կայազորի պետին.

— Իսկ դու, զորապետ, պատրաստ ե՞իր ամեն պատահարի: Գնա և զինիր ամենքին, ամենքի՛ն:

Մինչ այդ եկող զորքի լուրը արդեն տարածվել էր քաղաքում և բնակիչները — մեծ, փոքր — հապ-շտապ շարժվելով էին փողոցները, բարձրացել կտուրները, ումանք ելել էին եկեղեցու բլուրը, որտեղից երևում էր ողջ շրջակայքը. շատերը խմբվել էին Վարազ իշխանի տան առաջ՝ ստույգ լուր իմանալու... Օրը բացվում էր հետզհետե և քաղաքի շրջապատը երևում էր ավելի պարզ ու որոշ. հեծյալ խմբերը շարունակում էին ավելանալ ու տարածվել... Դա ի՞նչ հանելուկ էր:

Նայում էին մարդիկ և նորանոր ենթադրութիւններ անում, թե եկողները գուցե պարսիկներ են կամ՝ այլ երկրի զինվորներ, կամ թերևս արքունական զորքե՞ր են: — Եթե այդպէս !

ինչո՞ւ դանդաղ են շարժվում, ինչո՞ւ միանգամից չհեն առաջանում ուղիղ գծով, այլ տարածվում են քաղաքի երկաթությամբ, ավելի շուտ՝ նրա շուրջը:

— Կարծյոք դաշտում հանգստանալու տեղ են որոնում,— ասաց մեկը:

— Ոչ, կարծյոք նպատակ ունեն...

Ամենքին համակել էր մի ներքին ազնայ, ու բոլորն ակնդեռ նայում էին այն ուղղությամբ, ուր գնացին իշխանի ուղարկած մարդիկ: Սպասում էին, թե ի՞նչ լուր կբերեն, գուցե և վտանգավոր ոչինչ չկա, գուցե իսկապես արքունի գործ է, դուրս է եկել ամառային երթի, ինչ անում էին սովորաբար ձմեռոցներ գնալուց առաջ:

Մեծերի լուրջ, սպասողական տրամադրությունը համակել էր և երեխաներին. նրանք ոչ միայն չէին խաղում. ձայն, ծիծաղ չէր լսվում նրանցից. մեծերին շրջապատած՝ ականջում էին նրանց յուրաքանչյուր խոսքը և նույնպես սպասում, թե ի՞նչ է լինելու...

Նվ սպասողական այդ վիճակը տեսնեց բավական երկար, այնքան, մինչև որ իշխանի բռնագնաց դպիրը և թիկնապահը, ձիերի վրա մոտեցան եկող գործի առաջապահին, խոսեցին գործից անջատված ինչ-որ մի ձիավորի հետ, որը և ներքանց առաջնորդեց մի այլ խումբ մարդկանց մոտ: Մվանցիները նկատեցին, որ այդտեղ էլ դպիրը խոսում է... Բայց այդ խոսակցությունը ավելի կարճ տևեց, և դպիրը շուտով ետ դարձավ:

Բայց նա, չգիտես ինչու, գալիս էր դանդաղ և հանապարհին պատահող մարդկանց հարցումին, թե ովքե՞ր են և ուր են գնում— ոչինչ չէր պատասխանում: Խորհրդավորությունն ավելանում էր: Նա մոռալ անցավ փողոցներով և այդպես էլ գնաց իշխանի տուն:

— Ի՞նչ լուր,— հարցրեց իշխանը անհամբեր քնդառաջ գալով:

— Տեր Գնունի,— լեզուն գծվաբությամբ պտտելով ասաց դպիր Դավիթը,— նախարարաց գործեր են: Ողջը սպառազեն... Իմ հարցիս, թե ի՞նչ են ցանկանում և ո՞ւր են գնում, նրանց մեծը, սաղավարտով մի իշխան, ասաց.— «Հայտնի քաղաքի շահապիս, թե նախարարները եկել պահանջում են

իրենց ծառաներին... այն բոլոր ծառաներին, ասում է, որ
երբեք փախել են... իրենց տներն ից»:

Իշխան Գնունին գունատվեց, դրա հետ միաժամանակ դո-
ղաց նրա զանգուր մորուքը. նա գիտեր, թե որքան նախա-
րարները զայրացած են իրենց կալվածներից փախած մարդ-
կանց, ծառաների դեմ, Արշակավանի դեմ... Գիտեր, լսել էր
նաև, որ վաղուց պատրաստություն էին տեսնում ինչ-որ բանի
համար, բայց երբեք չէր կարծել, մտքովն իսկ չէր անցել, թե
մի օր կհանդգնեն զորքով գալ և փախած ծառաներ պահան-
ջել... Ուստի և, չսպասելով մի այդպիսի անակնկալի, նա
բոլորովին պատրաստ չէր ո՛չ պատասխանելու և ո՛չ մանա-
վանդ դիմագրավելու:

— Այնուհետև, — և իշխանի մորուքը դողաց դարձյալ:

— Այնուհետև, տեր Գնունի, նրանց պետք հայտնեց նաև,
թե տիրափախ ծառաները, եթե չգան իրենց կամքով, կու-
նեն ուժով: Այդպես էլ ասաց, իշխան. «կտանենք, ուժով»:
Ու պատասխանի համար տվեց կես օր ժամանակ, — ավե-
լացրեց դպիրը, ինքն ևս փոխելիոխ գունատվելով ու կարմրե-
լով, զգալով, թե որքան անհաճո լուրեր է հաղորդում իր տի-
րոջ:

Որքան էլ լուրը տհաճ էր, բայց և այնպես Վարադ իշխա-
նը, ճիշտ է, գունատվեց, բայց բնավ չկորցրեց սառնասրը-
տությունը:

— Իսկ հասու եղա՞ր, թե ովքե՛ր են այդ նախարարները:

— Ոչ, տեր իմ: Հարցումիս չուզեցին պատասխանել:

— Այժմ գնացե՛ք և վարը սպասե՛ք իմ կարգադրությանց, —
ասաց նա բանագնաց դպիրին և թիկնապահին, ցանկանալով
երևի մենակության մեջ խորհել անելիքը, բայց հաղիվ նրանք
դուրս էին եկել՝ նորից եկավ կայազորի պետը:

Իմանալով հակառակորդ նախարարների պահանջը՝ նա
զուխն օրորեց:

— Պետք է անհապաղ օգնություն խնդրել թագավորից,
իշխան, — ասաց նա ձեռքը բռնեց շինելով: — Անհապաղ:

— Ես նույնպես այդ եմ խորհում, Արտակ սիրելի: Պետք
է արագընթաց սուրհանդակներ ուղարկել արքային, և անհա-
պաղ:

Այս ասելով՝ իշխանը ծափ գարկեց:

ներս մտավ նրա ծերունի սենեկապահը:

— Վոամ և Արամ թիկնապահներին ուղարկիր ինձ:

Ասաց ու նստեց մագաղաթի կտորի վրա մի քերկտող գրելու:

Նամակը հագիվ էր ավարտել, ներս մտան իշխանի թիկնապահներից երկուսը՝ 20—25 տարեկան առողջ երիտասարդներ, որ ցերեկ թե գիշեր ուղեկցում էին նրան ամեն տեղ: Ներս մտնելով՝ վարժ զինվորների պես ձիգ կանգնեցին իշխանի առաջ, իրենց թուխ աչքերի հրացայտ նայվածքը նրա շուրթերին հառած: Նրանց այդ նայվածքից ու կեցվածքից նկատելի էր, որ սպասում են վտանգավոր հրամանի:

Եվ իշխանը չհապաղեց. ելավ նստած տեղից և կանգնեց թիկնապահներին առաջ:

— Արամ և Վոամ, հեծեք իսկույն և ճեպով սլացեք մայրաքաղաք, — նա մեկնեց նամակը: — Իս այստեղ գրել եմ ամենը, բայց ասեմ նաև ձեզ, որ նամակս կորցնելու դեպքում, հայտնեք բանավոր: Այսպես կհայտնեք արքային, որ թշնամի նախարարները պաշարել են Ավանը և պահանջում են իրենց ժառանգից, որոնք փախել ապաստանել են քաղաքում... Գնացեք իսկույն, քանի դեռ իսպառ չեն պաշարել քաղաքը: Միով բանիվ՝ անցեք այնպիսի ճանապարհով, որ չկարենան կալանեն ձեզ: Ապա շմոռանաք հայտնել, որ ինձ պառտասխանի համար տվել են կես օր ժամանակ: Հայտնեցեք, որ օգնություն եմ խնդրում շուտափույթ: Մաղթում եմ հաջողության:

Երբ սուրհանգակները դուրս եկան թափով, իշխանը մտեցավ կայազորի պետին:

— Այժմ, Արտակ սիրելի, իբրև զորական, ասա՝ ի՞նչ անենք պիտի վտանգը կանխելու համար: Ինքնին պարզ է, ես առանց թագավորիս կամքի և հրամանի չեմ անի ոչինչ: Պիտի մերժեմ նոցա պահանջը...

— Անշուշտ, իշխան, — խոսեց վերջապես կայազորի պետը հուզումի՞ց, թե անակնկալ վտանգից կարմրած: — Անշուշտ. համաձայնել չենք կարող նոցա պահանջին: Չենք կարող թույլ տալ, որ գան, թեկուզ նախարարներ, և մարդ պահանջեն արքայի քաղաքից: Որքան էլ սակավամարդ է

կայազորս՝ պիտի ընդդիմանամ, պիտի արգելեմ ներս գալու
Դա իմ պարտքս է:

— Իսկ ռենեօս պաշար զինական:

— Կայազորս ապահովված է անշուշտ: Սակայն հարց-
նում ես ինչու, տեր Գնունի:

— Խորհում եմ, որ հնարավոր է մերժում ստանալով նա-
խահարձակ լինեն նոքա: Ուստի լավագույնս է նախօրոք
զենքի պաշարը բաժանել բնակիչներին, անշուշտ նոցա, ով-
քեր ի վիճակի են զենք ի գործ դնելու: Եվ նոքա կկովեն
կատաղի, վասնզի այստեղ ապաստանել են ոչ նրա համար,
որ դյուրությամբ անձնատուր լինեն նախկին տերերին: Ո՛չ,
նոքա անձնատուր չեն լինի: Երբե՛ք... Պետք է զենք տալ
նոցա. կարողներին մանավանդ, քանզի կայազորը սակավա-
մարդ է: Նոքա զորավիճ կլինեն քեզ և կայազորին:

— Խորհուրդդ բարի է, իշխան. սակայն զենք բաժանելը
կլինի իզուր, եթե զենք ստացողները չունենան փուրձ, զե-
կավարներ: Կա՞ն այդպիսիք:

Իշխանը դժվարացավ հաստատական պատասխան տալ և
միայն շուրթերը սեղմեց մտահոգ:

— Համենայն դեպս՝ մենք ևս լինենք պատրաստ և անենք
ի՛նչ կարող ենք, մինչև կհասնեն զնդերը արքունի: Թերևս
բանակցելով կարողանանք ժամանակ շահել թեկուզ մի օր...
Ես կխորհեմ այդ մասին: Իսկ դու,— նա խոսքը չավարտած,
հլավ տեղից կայազորի պետին ճանապարհ դնելու,— դու
արա անհրաժեշտը՝ աղետը առժամ կանխելու...

Կայազորի պետը նոր էր դուրս եկել և ձի հստել, երբ Վա-
րազ իշխանը հուզված ձայներ լսեց.

— Իշխա՛նը, իշխա՛նը...

— Իշխանը կուզենք,— լսվում էին ներքևից՝ տան առ-
ջևից:

Երբ իշխանը դուրս եկավ պատշգամ և տեսավ մի քանի
տասնյակ երիտասարդներ, որոնց հայացքները նրան թվա-
ցին շանթ ու կրակ: Մեկը նրանցից, իշխանին տեսնելով,
առաջ եկավ. և ձեռքը բարձրացրեց:

Իշխանը ճանաչեց նրան. Թորգոմն էր:

— Եհրիր, տեր իշխան,— առաջ նա:— Մենք փախանք

մեր տերերից, և դու ապաստան տվիր մեզ. այժմ իրավունք
տուր խոսելու:

— Խոսիր, տղաս,— իրավունք տվեց իշխանը:

— Իմացանք, որ մեր հին տերեր եկել պահանջում են մեզ:
Ի՞նչ է կամքդ, իշխան: Հանձնե՞ս պիտի մեզ...

Վերջին բառերն արտասանվեցին այնպիսի ողբերգական
ու վճռական ձայնով, որ Գնունի իշխանը զգացվեց և պարտք
համարեց ասել անմիջապես.

— Ձեզ հանձնել նոցա՞... Ո՛հ, զավակներս: Երբե՞ք: Ես
այդօրինակ որոշում չունեմ բնավ: Եղեք հանգիստ և ոչ մեկդ
մի ենթարկվեք խուճապի...

— Իսկ մենք, տեր շահապ, անձնատուր չենք լինի եր-
րեք,— խոսեց նորից Թորգոմը:— Հրամայիր՝ տան մեզ զենք,
որ պաշտպանենք քաղաքը և մեր անձը:

Այս ասելիս թե՛ Թորգոմը և թե՛ նրա հետ եկած բոլոր
երիտասարդները իրենց սրված հայացքները հառել էին Գնու-
նի իշխանի երեսը, սպասելով նրա խոսքին, որը թվում էր
պիտի փրկեր կամ կործաներ իրենց: Առանձնապես հրաբորբ
էր Թորգոմի հայացքը... Իշխանը լիովին հասկանում էր նը-
րանց տագնապը. հասկանում էր, որ իր մի խոսքից է կախ-
ված նրանց հանգստությունը, ուստի և ասաց այդ խոսքը.

— Գնացեք կայազորի սլետի մոտ, զավակներս. ամենրայ
նա ձեզ կտա ձեր ցանկացածը: Արդեն իսկ կարգադրված է:

Չարմանալի է մարդը. իշխանի հանգիստ ասված այդ մի
քանի բառը այլափոխեցին նրանց, և նրանք կարծես փրկու-
թյուն ստացան. մոռալ դեմքերն աշխուժացան, արնամած
հայացքները պայծառացան. իրար հրհրելով շրջվեցին ու դի-
մեցին դեպի կայազորի գորանոցը:

Իշխանը տխրամած նայեց նրանց հետևից և մտածեց
ակամա. «Թայց կարո՞ղ են արդյոք պաշտպանել իրենց,
առանց զորքի»...

Նոր էին հեռացել հրիտասարդները, երբ մոտիկ փողո-
ցից լսվեց ճիչ, աղմուկ և, փոքր անց, այս անգամ իշխանի
տան առաջը բռնեց կանանց, երեխաների ու ծերերի խայտա-
րղետ բազմությունը. կանայք խոսում էին բոռուցքների բարձ-
րացրած, ճշում մազախոփվ, անիծում: Դրա հետ միասին
լսվում էին «վայ»-եր, նախատինք ու հայհոյանք:

— Թող որքան կուզեն պահանջեն... Չե՛նք ի գնա... Թո՛ղ իրենք գնան սատանի ծոցը...

Ու լսվում էին դարձյալ խառնաձայն ճիշեր, ծղրտոցներ, զայրագին աղաղակներ... Ինչպես երևում էր դպիր Դավիթի լուրը մի քանի վայրկյանում տարածվել էր արդեն քաղաքում:

Որքան անակնկալ էր նախարարական զորքի գալն ու պահանջը, նույնքան մեծ էր վախն ու տագնապը և նախկին տերերի ձեռքը շնչկնկու կամքը, նույնիսկ ցասումը: Դրանից էր, որ շուտ-շուտ լսվում էր.

— Չենք ի գնա... Նրբե՛ք... Իշխան կառավարիչը չի հանձնի մեզի...

Բոլորը գիտեին, արդեն իսկ լսել էին, որ կառավարիչը կեսօրին պատասխան պիտի տա եկողներին: Պիտի համաձայնի կամ մերժի: Դրանից էր, որ երբ իշխան Գնունին նորից ելավ տան քարե պատշգամբ, բոլորը գրեթե ճշացին.

— Չհանձնեք մեզի, իշխան. չտաք մեզ արնախումների կտանջեն, կսպանեն մեզի...

Իշխան Գնունին, որ ինքը պակաս տագնապած չէր, երբ վերևից նայեց կանանց ու երեխաների այդ լարված, գրգռված, վշտից ու հուզմունքից աղավաղված դեմքերին, լիովին հասկացավ նրանց: Հասկացավ ու ջանաց հանգստացնել.

— Եղեք հանգիստ: Ոչ մեկիդ չեմ հանձնի ձեր կատաղի թշնամիներին: Իսկ արքայի քաղաքը չի կարող մտնել ոչ մի նախարար: Գնացեք ձեր տները և ով զենք ունի՝ թող առնի: Եվ երբ հրաման լինի պաշտպանվելու՝ պաշտպանվենք, մինչև կհասնի զորքը արքունի:

— Ճշմարի՞տ ես, իշխան... Այո՞... Երգվիր, որ այդպես է...

Այս հարցումներից իշխանը նորից զգաց, թե ո՛րքան խոր է նրանց երկյուղը, սարսափը վտանգի հանդեպ:

— Երգվում եմ նախահայրերիս գերեզմանով,— ասաց Գնունին ձեռքերը տարածելով ու ապա կրծքին դնելով, և դա ազդեց գրգռված բազմության վրա:

Ու ցվեցին կարծես հուսադրված, բայց տակավին հուզված և կառավարիչ իշխանի խոսքերը լուրովի կրկնելով.

— Տեսա՛ր: Երգվում է, որ չի հանձնի...

— Ինչո՞ւ պիտի հանձնիւ Իրավունք չունի հանձնելու Եթե հանձնի՝ թագավորը կպատժի...

Վտանգը, առջևում կանգնած մոտալուտ վտանգը մոռացնել էր տվել բոլոր աշխատանքները. քաղաքում կանգ էր առել ամեն ինչ. և ո՞վ կարող էր աշխատանքի ձեռնարկել այն պահին, երբ թշնամին մեծ զորքով պաշարել էր քաղաքը. տնեյում նույնպես մարդիկ, կանայք չէին կարողանում ոչինչ անել. ամեն գործ մնացել էր երեսի վրա: Քաղաքը նման էր ահաբեկված փեթակի. բնակիչները, բոլորն իրար անցած, սպասում էին, թե ի՞նչ է լինելու Դրան ավելացավ տավառի բառաչը, ձիերի խրխինջը, ոչխարների մայունը... Ոչ ոք իր անասունը դաշտ չէր տարել, և սոված-ծարավ կենդանիները անհանգիստ ձայներ էին արձակում բակերում, և դա ավելացնում էր խուճապը: Բնակիչների մի մասը, առանձնապես կանայք, երեխաներ բարձրացել էին տների տափակ կտուրները, ծառերը կամ այլ բարձրություններ և այնտեղից դիտում էին, թե ի՞նչ են անում եկողները, որոնց չգիտեին ի՞նչ անուն տալ— թշնամի՞ էին, պահանջատե՞ր, թե այլ բան... Նրանց հեծյալ խմբերը քաղաքից հեռու շարունակ շարժվում էին այս-այն կողմ. թվում էր՝ ուսումնասիրում թե դասավորվում են՝ քաղաքը ամեն կողմից պաշարելու:

Դիտելով նրանց սպառնական այդ շարժումը՝ կանայք ցասումով մուր էին տալիս նրանց և անիծում.

— Մահ տարաժամ դա ձեզ...

— Դժոխքի բաժին դառնաք...

Թորգոմի մայրը մի խումբ կանանց մեջ կանգնած նույնպես ձեռքերը պարզում էր դեպի երկինք և կրկնում.

— Բարեկական կրա՛կը ձեզ վրա...

Պառավի մոտ կանգնած էին հարևանուհիներ, դռանց թվում և Վարդանի ու Հովսեփի կանայք, նաև Վարդանի Հուսիկը: Մինչ ամենքը խոսում էին հուզված, իսկ Թորգոմի մայրը անիծում էր եկողներին, եկավ Մինան հոր հետ, վախից նա դողում էր ողջ մարմնով, իսկ աչքերը, ինչպես տենդով հիվանդի աչքեր, խաղում էին կոպերի մեջ: Միշտ ամոթխած ու զուսպ՝ այս անգամ նա մոտեցավ պառավին և հարցրեց այլայլումից շառագունելով.

— Մամո, հիկել են մեզ տանելո՞ւ,— և դեռ պատասխան

չստացած՝ շարունակեց։— Ո՞ւր է Թորգոմը, ի՞նչ է ասում Թորգոմը. կտանե՞ն մեզ։

— Եկողները ցավս տանեն։ Մի՛ վախիր, զավակս։ Շահապ իշխանը չի թողնի։ Մենք հիմա թագավորի մարդիկ ենք։

— Բայց լա՛վ չէ, մամո, թողնենք-հեռանանք. քունի շուտ է,— շարունակեց Մինան ուշք չդարձնելով պտուղի խոտքերին։— Գիանք մոտիկ շենքեր։

— Ինչո՞ւ, աղջիկս,— պարմաքավ պառավը։— Թողնենք մեկ նոր տուն հեռանա՞նք։

— Հեռանալ վաղաժամ է,— խոսակցությանը միջամտեց ծերունին։— Սպասենք տեսնենք. շահապ իշխանը չի թողնի, որ արքայի մարդոց տանեն պատժեն։ Զի թողնի օտար մարդիկ մտնեն թագավորի քաղաք։

— Իսկ եթե մտնե՞ն,— հուզվեց Վարդանի կինը։

— Զեն մտնի,— պնդեց ծերունին։— Սա թագավորի քաղաք է։ Զեն համարձակվի։

— Իսկ եթե համարձակվեն ու մտնե՞ն,— կրկնեց Վարդանի կինը։

— Եթե համարձակվեն,— տնքաց ծերունին,— ամենքս կկռվենք, ամենքս...

Վարդանի տղան՝ Հուսիկը, որ լսում էր այս դրույցը, միջամտեց հանկարծ։

— Եթե գան՝ ես թուր ունեմ,— ասաց ու շքացավ իսկույն։

Ու փոքր հետո, երբ մեծերը դեռ շարունակում էին խոսել վաղահաս վտանգի մասին, նա վերադարձավ տրծաթակոթ մի թուր ձեռքին։ Մայրը նկատելով այդ՝ բարկացավ։

— Այդ ինչո՞ւ բերիր։

— Ա՛յ նրանց համար,— Հուսիկը ձեռքը մեկնեց դեպի թշնամին։

Մայրն ավելի բարկացավ։

— Տար դիր յուր տեղ։

— Ինչո՞ւ, մամո։ Տի տամ պապոյին...

Եվ մինչ մայրը կարգելեր՝ Հուսիկը վազեց այն ուղղությամբ, ուր երևում էին երկու բարդի։ Նրան մատնացույց էին արել, որ այդտեղ՝ մի տան բակում հայրը դարան է մտել ընկերների հետ։

— Տեսա՞ր դորան,— ուզեց բարկանալ մայրը, բայց իմա-

նալով գնում է հոր մոտ, զսպեց իրեն և ասաց միայն.— Հուսիկ, տուր հորդ ու եկ շուտով:

Հուսիկը լսեց մոր խոսքը, թե ոչ, վազեց առանց ետ նայելու:

Եվ փոքր անց նա արդեն հոր մոտ էր՝ քաղաքածայրի մի տան բակում, ուր հավաքված էին աղեղնավոր ու նիզակավոր մարդիկ: Այդ բոլորի մեջ նա իսկույն ճանաչեց հորը, որ նույնպես աղեղ ուներ ուսը գցած: Ծանաչեց ու վազեց դեպի նա:

— Պապո, թուրը բերի,— ասաց և ուրախ-ուրախ մեկնեց այն հորը:

Մարդիկ ժպտացին, ժպտաց և հայրը. նա թուրը առավ որդու ձեռքից, դրա հետ միասին նրա թիկունքը ծեծելով, որ նշան էր հավանության ու խրախուսանքի: Բայց իսկույն էլ ավելացրեց.

— Գնա մամոյիդ, ու թուրը տար. ես ունեմ, ա՛յ, նետաղեղ...

Այս ասելով՝ նա թուրը տվեց որդուն, բայց Հուսիկն ուսը թափ տվեց միայն, որ նշանակում էր, թե գնալ չի ուզում:

— Գնա՛, գնա՛,— կրկնեց հայրը.— մամոն մենակ է:

— Ես կուզեմ մնամ քեզ մոտ...

* * *

Այս ամենի հետ միաժամանակ քաղաքի տարբեր թաղերում ու տներում տիրում էր ավելի մեծ իրարանցում. տղամարդիկ, հատկապես երիտասարդները, դեսուզեն՝ ընկած, հանում էին երկաթե գործիքներ՝ լինկեր, բահեր, մուրճեր ու կացիներ և դնում պատրաստ, կամ՝ հապ-շտապ հագուստ էին փոխում. լավի փոխարեն հագնում էին հասարակ լաթեր՝ հարկադրաբար վատ գործի գնացողների նման... Կային մարդիկ էլ, դրանց հետ և Թորգոմը, փողոցից փողոց, տնից տուն անցնելով հորդորում էին ամենքին՝ չվախենալ և պատրաստ լինել:

— Առեք ինչ կարող եք. սուր, քար, երկաթ ու շխնայեք ոչ մեկին, եթե գան, եթե փորձեն հարձակվել...

Ինքը Թորգոմն արդեն կայազորի պետից իր թաղամասի

տղամարդկանց համար ստացել էր հարյուր նիզակ, հիսուն նետ-աղեղ և քսան դաշույն՝ Բայց որովհետև դա քիչ էր, այդ իսկ պատճառով նա, խումբը թողած, շրջում-հորդորում էր, որ յուրաքանչյուր մարդ իր տնից վերցնի ինչ կարող է։

Նույնը անում էին և ուրիշները այլ թաղամասերում։

Սակայն ամեն տեղ՝ յուրաքանչյուր թաղում թե՛ Թուրքում, թե՛ մյուսները նկատում էին տարօրինակ մի երևույթ. բնակիչներից նրանք, ովքեր փախել էին իրենց տներներից, հուզված էին, վախի ու տագնապի մեջ և միաժամանակ զայրուցած։ Իսկ մյուսները... այն բնակիչները, որ տեղափոխված կամ եկած էին արքունի շենքերից ու կալվածներից, հանգիստ էին գրեթե, և այդ չէին թաքցնում, ասելով, թե եկողներն իրենց համար չեն եկել, հետևաբար իրենց չեն վնասի, ուստի և հարկ չեն տեսնում զինվելու, թեպետև իշխանը կարգադրել է, որ ամենքը պատրաստ լինեն և զենք առնեն։

— Զենք առնելու կարիք չկա... Մենք տիրափախ չենք... նախարարները տիրափախ են ուզում...

— Իդրո՛ր խոսքեր։ Եկողները չեն հարցնի տիրափախ և ոչ տիրափախ. նոքա թշնամի են մեր քաղաքին. նոքա որձակո՛ւոր կանեն ամենքին... Ուշաբերվեցեք։

Քաղաքացիների մի մասի այս կարգի խոսքերն ու տրամադրությունը հասնում էին կառավարիչ իշխանին. նա գիտեր նույնիսկ ավելին, ու միջոցներ էր խորհում, թե ինչպես ներշնչի ամենքին վտանգի մեծությունը և դրան դիմադրավելու անհրաժեշտությունը, երբ կայազորի պետը եկավ և, նժույզից իջնելով հայտնեց իշխանին, թե պահեստի զենքը բաժանել է արդեն քաղաքի բնակիչներին, թե իր զինվորները պատրաստ են արդեն, թեև մերայիները առավել քիչ են եկողներից... Ապա նա հետաքրքրվեց.

— Քո պատասխանը, տեր Գնունի, լինելու է նո՛ւյնը։

— Նույնը, նույնը, մերժո՛ւմ,— ասաց իշխանը կտրուկ։

— Եվ կարծյոք մոտեցել է արդեն պատասխանի ժամը։

— Այո. այժմ իսկ ուղարկում եմ բանագնացներ, որ հայտնեն մերժումս և արքայի անունով պահանջեն՝ հեռանալ։

Կացությունը կայազորի պետին թվում էր ավելի քան ծանր։ Ինքը թեև քաղաքի ծայրում դիրքեր էր ուղղել և իր զինվորներին ու զինված քաղաքացիներին խմբերին կարգադ-

րել էր բռնել այդ դիրքերը, այսուամենայնիվ կարծում էր, որ իր ուժերը սակավ են: Ընդհարվելու դեպքում փրկվել կարող էին, եթե միայն շուտ հասնեին արքունիքի գնդերը: Դիմագրավել կարելի էր մեկ օր, երկու օր, այնուհետև կացությունը դնալով կդառնար ավելի դժվարին: Իսկ եթե իշխանը կարողանար բանակցությունները ձգձգելով ժամանակ շահել—այն ժամ գուցե...

Այս ամենը խորհելով՝ կայազորի պետը դիմեց իշխան Վարադին.

— Տե՛ր Գնունի, լավագույնս չէ՞ր լինի արդյոք, եթե նորից ժամանակ խնդրեիր պատասխանիդ համար՝ մեկ-երկու օր, թեկուզ մեկ օր... Իսկ այդպես՝ բացարձակ մերժումով թերևս զայրանան ու...

Վարազը գանգուր գլուխն օրորեց.

— Ո՛չ, սիրելի զորապետս, ո՛չ: Ժամանակ խնդրելը և առհասարակ խնդրելը համարվում է և կհամարվի նշան տկարության, և հակառակորդը կդառնա ավելի հանդուգն: Նորահետ պետք է խոսել խստիվ... և, վերջապես, ո՞վ են, ո՞ր նոցա հետ խոսեմ խնդրանքի լեզվով. դա մինչև իսկ կլինի նվաստացում արքայի իշխանության համար, նրա պատվի: համար, գահի համար... Ո՛չ, զորապետ:

Կառավարիչ իշխանը իր դպիրին նախապատրաստել էր արդեն, թե ինչ պատասխան տանի եկողներին: Ուստի և, երբ կայազորի պետը ավարտեց ասելիքը քաղաքապահ զորքի և զինված քաղաքացիների մասին, նա կանչեց դպիր Գավիթին. և երբ սա ներս մտավ զգեստները փոխած, գոտեպնդված և, ձի նստելու համար ոտքերին երկար, մինչև սրունքները հասնող պատիշներ հագած, իշխանը հարցրեց.

— Պատրա՞ստ ես:

— Հրամանքդ, տեր:

— Ուրեմն կրկնիր ի՛նչ պիտի ասես:

— Եթե տերը, — սկսեց դպիրը ձգվելով ու բռնեց շեշտելով, — քաղաքիս կառավարիչ Գնունյաց իշխան Վարազը մերժում է ձեր պահանջը, ուստի չի դարձնի և ոչ մի փախուստական... քանզի քաղաքիս բնակիչները արքայիս հպատակներն են և... արքան է նոցա տերը...

Այստեղ դպիրք հասարակեց շփոթված. և իշխանը մատուց
բարձրացրեց.

— «Նոցա կյանքի և մահու իրավունքը պատկանում է արքային»,— ասաց նա դժգոհ:— Կրկնի՛ր... Կլինես համարձակ և շտապվես բնավ:

— Հսում եմ, իշխան: «Նոցա կյանքի և մահու իրավունքը պատկանում է արքային»,— կրկնեց դպիրը կարմրելով ու շարունակեց. «Միաժամանակ իմ տերը՝ քաղաքիս կառավարիչ Վարազ իշխանը պահանջում է Արշակ արքայի անունով, որ վերցնեք պաշարումը և հեռանաք իսկույն»:

Մինչև վերջին բառն արտասանելը՝ դպիրը. թվում էր, ծանր բեռի տակ: Վերջացնելով՝ նա սրբոց քրտինքը և թեթևության խոր շունչ փառեց:

— Բարի,— գոհ մնաց իշխանը:— Այժմ կարող ես շեկնել: Հետդ առ և թիկնապահ Բենին: Կխոսես շեշտ համարձակությամբ:

Փոքր անց, երբ դպիր Դավիթը ձի հեծնելով ճանապարհ ընկավ դեպի պաշարողները, փողոցներն ու կտուրները նորից լցվեցին կանանցով, երեխաներով, իսկ տղամարդիկ, մասնավորապես երիտասարդները, ստացած զենքերն առած, շտապեցին դեպի քաղաքածայրերը՝ նախապես նշված դիրքերը: Կայազորի պետը նույնպես հեծնելով նժույզը, սրարշավ գնաց իր զինվորների մոտ՝ նրանց հետ լինելու և անհրաժեշտ կարգադրություններ անելու համար: Նա բացահայտ դժգոհ էր իշխանից, որ չլսեց ժամանակ շահելու իր խորհուրդը և կտրուկ մերժումի պատասխան ուղարկեց. ինքը գտնում էր, որ դա սխալ էր և դրա հետևանքը կլինեիր միայն հարձակում:

«Խիզախությունը գովելի է, երբ բխում է ուժից»,— մտածում էր նա:

Իշխանի այդ պատասխանի մասին բոլորովին այլ կարծիքներ ունեին փողոցներում ու կտուրներին հավաքված բազմությունները. նրանք իմացել էին, որ կառավարիչ իշխանը մերժողական պատասխան է տվել և այժմ խոսում էին հուզված:

Մի տեղ ասում էին.

— Ա՛յ, կլսես ու կհեռանան:

— Այո. շին համարձակվի գալ արքայի դեմ, նրա քաղաքի դեմ:

— Սակայն արքան այստեղ չէ, որ վախենան:

— Ճշմարիտ է, թագավորն այստեղ չէ. սակայն չէ՞ քաղաքը թագավորինն է, և շահապ իշխանը թագավորի կարգածը:

Խոսում էին և ականջետ լարված հետևում բանագնաց դպրի շեկ ձիուն, որը գնում էր ոչ սրարշավ, ոչ վարգավ, այլ հանգիստ, ասես խնդրի լրջությունը գիտակցելով ոտքերը փոխում էր դանդաղ, թերևս արժանապատվությունը պահելով:

Եկողներն իրենց ձիերով կանգնել էին քաղաքից մի նետընկնց հեռավորության վրա, այնպես որ նրանք երևում էին ոչ միայն իրենց երիվարներով, երևում էին անգամ նրանց նիզակներն ու աղեղները, և այժմ ավելի, քան առավոտը, որովհետև կեսօր էր, և արևն արդեն բավական բարձրացել էր կապույտ երկնակամարում և առատ լույսեր էր թափում ամեն կողմ. այդ ճառագայթների տակ փայլվում ու ցոլբեր էին արձակում նրանց զենքերը, ձիերի սարքերը: Այժմ ավելի պարզ երևում էր, որ նրանք շրջապատել էին քաղաքի մեծ մասը ու հաճախ մի խմբից մյուսն էին անցնում զինված հեծվորներ, չգիտես ինչո՞ւ և ի՞նչ նպատակով, բայց թվում էր կարևոր հանձնարարություններով, մի ինչ-որ բան նախապատրաստելու համար:

Եվ որքան մոտենում էր բանագնաց դպիրը՝ այնքան նւրանց շարքերում նշմարվում էր անհանգստություն, նկատելի էր, որ նրանք ևս հետաքրքիր են իմանալու, թե ի՞նչ պատասխան է բերում բանագնացը քաղաքի իշխանության կողմից:

Երբ Դավիթ դպիրն ու թիկնապահ Թենը իրենց նժույզներով մոտենցան բավականաչափ — պաշարողների բազմամարդ մի խմբից երկու ձիավոր զատվեցին և եկան ընդառաջ: Զգիտես ինչո՞ւ, իրար դեմ եկող ձիերը վրնջացին մեկեկ և այդ վրնջյունը հնչեց սպասողությունից լուծ թաղաքում՝ ումանց համար բարեգուշակ, այլոց համար՝ չարագուշակ:

Ընդառաջ եկողները, դպիրին մոտենալով, ձիերով բռնե-

ցին նրա երկու կողմը և տարան առաջ, ըստ երևույթիս իրենց մեծի մոտ:

Հետաքրքրութիւնն ու լարումը մեծացավ կտուրներէ վրա և փողոցներում:

— Եկա՛ն առաջ... Տարա՛ն,— լսվում էին տարբեր կողմերից:— Ի՛նչ պիտի անեն... Ի՛նչ պիտի ասեն...

Ու խոսքերին հետևում էին հառաչանքներ:

Նույնպիսի լարված, բայց զուսպ հետաքրքրութիւն էին ապրում նաև կայազորի այն զինվորները, որ քաղաքածայրի շենքերի պատերի տակ շարված սեեռուն հետևում էին դպիր-բանագնացին, ինչպես և այն երիտասարդները, որոնք նոր ստացած նիզակները, սրերը, նետ-աղեղները ձեռքերին պահել էին միմյանց մոտ շարված տների պատերի տակ:

Այդ պահին թերևս ամենածանր ապրումների մեջ էր Դավիթ դպիրն ինքը. նա չգիտեր ինչպե՛ս կրնդունեն իրեն և իր տարած պատասխանը, և արդյոք կհարգե՞ն իր անձը, որպիս բանագնացի. կթողնե՞ն արդյոք վերադառնա քաղաք և չե՞ն վնասի, ինչպես հաճախ վնասում կամ պարզապես սպանում են բանագնացներին: Այսուամենայնիվ, պետք է արդար լինել և ասել, որ դպիրն առայժմ ջանում էր պահպանել անսրտութիւն և արժանապատվութիւն: Դեմքին պատշաճ լրջութիւն աված՝ նա ձին վարում էր ուղեկցողների արանքում և ավելորդ էր համարում հարցնել, թե ո՞ւր են տանում իրեն: Պարզ էր՝ պիտի տանեին իրենց մեծի մոտ:

Եվ իսկապես, երբ նրանք անցան սպառազեն մարդկանց շարքը, դիմավորողները Դավիթին տարան դեպի մի ճերմակ վրան, որի առջև նստած էր հիսունն անց մի մռայլագեմ իշխան՝ սաղավարտով, ռազմի հագուստով, որի գոտուց կախված էին մի փոքր դաշույն և մի թուր, երկուսն էր արծաթիւս՝ պատյանների մեջ: Դավիթը դրան չէր ճանաչում, անգամ էր տեսել առաջին գալուն, ուստի և, երբ մոտեցան, ինքը լարեց նրան միայն գլխի շարժումով, առանց ձիուց իջնելու:

— Ո՞ր ես դու,— հարցրեց մռայլ մեծավորը:

— Իշխան Վարազ Դնունու բանագնացը:

— Պաշտոն՞դ, Անոն՞դ:

— Պաշտոնս՝ դպիր, անունս՝ Դավիթ:

— Խոսի՛ր։

Եվ դպիրը ձիուց իջնելով հայտնեց իր տիրոջ պատասխանը։

— Իմ տերը՝ քաղաքի կառավարիչ իշխան Վարազ Գնունին, մերժում է ձեր պահանջը։ Նա չի վերադարձնի ոչ մի փախստական, վասնզի քաղաքս ապաստանած յուրաքանչյուր ոք արքայի ծառան է և հպատակը... Նոցա կյանքի և մահու իրավունքը պատկանում է մեր ամենքիս տեր Արշակ արքային...

Այստեղ Դավիթ դպիրը հանկարծ կանգ առավ. նա մոռացավ պատվիրած խոսքի շարունակությունը և ջանաց հիշել, բայց այդ իսկ ժամանակ մեկը նկատեց.

— Բանագնաց, վեր առ գդակդ։ Դու խոսում ես իշխան Կամսարականի հետ։

Հսելով Կամսարականի անունը՝ դպիրը աչքերը շոնց մի պահ, նայեց իրեն հարցաքննողին, բայց և իսկույն հիշեց իշխանի պատվերը՝ խոսել համարձակ շեշտով, ու շարունակեց.

— Այո, իմ իշխան տերը նաև առաջարկում է՝ ամենքիս տեր և հրամայող Արշակ թագավորի անունով— վերցնել քաղաքի պաշարումը և հեռանալ...

Նրան լսողը իրոք ոչ այլ ոք էր, եթե ոչ Կամսարական իշխանն ինքը՝ շրջապատված իր նման սպառազեն նախարարներով, որոնց նույնպես չէր ճանաչում դպիրը։ Դրանց մեջ էին ծռաքիթ ծեր Վահևունին, որ շուտ-շուտ խեթում էր դպիրի վրա, Բասենի Մանեհը, Կարուց Զաքարեն, Վարձա Ապահունին և ուրիշներ։ Կամսարականը դպիրին լսում էր խոժոռած, և հագիվ նա ավարտել էր՝ մոլտաց.

— Քո տերը ոչ թե իշխան է, այլ ստրուկ հիմար։ Մենք չենք պահանջում թագավորի մարդոց, այլ մեր ծառաներին, որ փախել են գաղտագողի։ Եվ քանզի քո իշխանդ չի ըմբռնում այս՝ նա հիմար է երիցս և անճարակ ողբալի։

— Իմ տերն իշխան է և մեծն Գնունյաց տոհմից,— վերավորվեց Դավիթը։

— Իշխան՝ սակայն հիմար,— կրկնեց Կամսարականը թունու։

Լռությույն իջավ։ Այդ ժամանակ ծռաքիթ ծեր Վահևունին, որ կանգնած էր Կամսարականի մոտ, հարցրեց.

— Բանագնաց, կարո՞ղ ես ասել, թե ո՞րքան քնակիչ ու զորք ունի քո տիրոջ քաղաքը։

Դպիրը հասկացավ, թե ինչո՞ւ են հարցնում այդ, ուստի մեծ թիվ ասաց։

— Քսանից ավելի հազար...

Միծաղեցին։ Եվ ծռաքիթը նորից ասաց։

— Դու հավերին ու ոշխարներին նույնպե՞ս հաշվեցիր։ Այդպե՞ս է խրատել առաքողդ՝ իշխանը ավանակ։

Դավիթը դարձյալ վիրավորվեց, բայց լռեց, զննաբար նայելով Կամսարականին և նրան շրջապատող զինավառ իշխաններին, սեպուհներին։ Բայց ավելի սաղավարտագլուխ մոայլ Կամսարականին, որ դժգոհ աչքերը հածում էր տարածության մեջ։ Նա իսկապես համոզված էր նախօրոք, որ ոչ փախածները կհոծարեն կամովին վերադառնալ իրենց տերերի մոտ, ոչ էլ քաղաքի իշխանությունը կցանկանա վերադարձնել նրանց։

— Եվ այլ կերպ չէի սպասում,— ասաց նա տեղից թափով ելնելով։— Քանզի չեն հանձնում կամավ, կտանենք զինու լորուսթյամբ։

Այս ասելով՝ նա գլուխը շրջեց աջ-ձախ, ասես ստուգում էր շրջապատողներին, ու անսպասելի գոռաց փոխված ձայնով։

— Գրոհե՛լ անհապաղ...

Բանագնաց դպիրը գունատվեց և ասաց շփոթված.

— Ես ուրեմն կարող եմ վերադառնալ,— նա ուզեց զնալ դեպի ձին, բայց Կամսարականը կտրեց.

— Ոչ, բանագնաց, դու կմնաս, որպես... որպես պատանդ,— և Կամսարականը անխոս նշան արավ, որ դպիրին և նրա հետ եկած թիկնապահին տանեն վրանների հետև։

«Կորանք-կործանվանք»,— մտածեց դպիրը, բայց ուղեկից թիկնապահին ասաց միայն.

— Գնանք սպասենք...

Թե ինչի՞ պիտի սպասեր՝ ինքն էլ չգիտեր։ Բայց երբ նրանց, անջատելով իրենց ձիերից, տարան հեռու մի վրան և ասացին «մտեք ներս»— Դավիթը տեսավ այդ վրանի շուրջը խմբված ձիեր և զինված իշխաններ ու սեպուհներ, որ խոսում էին վրդով և այնքան զայրացած, որ անգամ ուշք չդարձ-

րին իր վրա: Մտնելով վրան՝ Դավիթը նստեց ձանր հառա-
շանքը զսպած, որ ուղեկից թիկնապահը իրեն վախկոտ չհա-
մարի: Վրանի շուրջը խոսում էին դարձյալ. Դավիթն ակամա
ականջ դրեց, կռահելով, որ նրանց զրույցը վերաբերում է
անշուշտ քաղաքին, իրենց ծառաներին և իրենց անելիքին:
Եվ նա չէր սխալվում. մեկն իրոք ասում էր.

— Նար իշխանը սաստիկս բարկացած է Գաբեղենից Սա-
հակի վրա, որ շուղարկեց ո՛չ զորք և ո՛չ եկամ վնասը:

— Եվ ի՞նչ կարևոր էր նրա գալը առանց զորքի, — խայ-
թեց մի ուրիշը: — Անշուշտ խրախճանի մեջ մոռացել է իր
պարտքը:

— Ոչ, հիշել է վախը, — հեգնեց առաջին խոսողը, — և կե-
րուխումը գերադասել է մահից: Զէ՞ որ ինքն է ասել, թե
«կյանքը տրված է վայելքի համար և ոչ կովի»:

— Եվ այդ վայելքի համար կվայելի իր պատիժը: Նար իշ-
խանը չի ների երբեք, — ասաց երկրորդ խոսողը: — Ու չպետք
է ներել: Երբե՛ք: Ինչպես չպետք է ներել և Անգեղա իշխանի-
կին, որ կալվածների կառավարումը հանձնելով քրոջն ու քե-
ռայրին, փախել է Վաղարշապատ:

— Ստորնությո՛ւն, դավաճանությո՛ւն, — բացականչեցին
մի քանի ձայներ ջղագրգիռ: — Նա՛ ևս կստանա արժանի պա-
տիժը:

Դպիրը լսում էր և զարմանում. այդ ամենը, ինչ ասում
էին, նորություն էր իր համար, ուստի և նա, մոռացած իր վի-
ճակը, նույնիսկ իր անձը և թիկնապահի ներկայությունը, հա-
փըշտակված հետևում էր նրանց զրույցին: Իսկ խմբված իշ-
խաններն ու սեպուհները շարունակում էին խոսել դարձյալ
զայրացած ինչ-որ պարտադանց իշխանների մասին: Ասում
էին, թե իշխան Կամսարականը եկել է հինգ որդիների և
եղբայրների հետ, մեծ թիվ զորքով, իսկ նրանք (մյուս իշ-
խանները) ուղարկել են միայն սակավաթիվ մարտիկներ...

— Իսկ Մերութանը, որ խոստացել է Վասպուրականից
օգնություն, կատարե՞լ է արդյոք իր խոստումը, — հարցրեց
մեկը:

— Մասամբ նորին, — պատասխանեց մի ուրիշը: — Բայց
մինչև նոր օգնությունը՝ մենք գրոհենք քաղաքի վրա և տա-
նենք մեք փախստականներին:

— Այո, մինչև վերջին մարդը,— համաձայնեց մի սուր ձայն:

Իսկ մի ուրիշը ավելացրեց.

— Եվ դա պետք է անել անհապաղ, այլապես Արշակը կիմանա և կփութա արքունի գործով:

— Իսկ մինչ այդ կարող են և դիմագրավ լինել: Ձէ՞ կա-
յազոր կա քաղաքում:

— Աննշան, որին կարելի է ընկճել իսկույն և... տանել գերի:

Այստեղ դպիրը շհամբերեց և բռնեց իր թիկնապահի ձեռ-
քը:

— Հսո՞ւմ ես, Բեն, Բենիամին,— շնչաց նա:— Ուրեմն մեզ պիտի տանեն գերի... Մեր կին, մեր երեխաներ... Մի՞թե սակայն թագավորը չի հասնի օգնության,— ասաց նա քիչ լռելուց հետո դարձյալ շշուկով և ինքը սիրտ տվեց իրեն:— Ո՛չ: Հուսով եմ արքան կհասնի և կփրկի ամենքիս... Խնայիր, տեր,— խաշականքեց նա:— Սրանք, Բեն, ճշմարիտ է, շատվոր են, բայց Վարազ իշխանը չի թողնի և, վերջապես, միթե տի-
րափախներն իրենք կհամաձայնե՞ն կամավ...

Հավ իմանալով դրանցից շատերի փախուստի պատմու-
թյունը և տրամադրությունը՝ դպիրը համոզված էր, որ տիրա-
փախները երբեք անձնատուր չեն լինի, հետևաբար և կոիվը կարող է երկարել... Եվ եթե մի կողմից դպիր Դավիթին հե-
տաքրքրում էր, թե ի՞նչ է լինելու, մյուս կողմից՝ իրեն զգում էր անսովոր ծանր կացության մեջ:

«Եթե պարտվեն սոքա՝ կսատակեն ինձ, կսատակեն ան-
տարակույս»,— մտածում էր նա հուսատ և զարմանում, թե ինչո՞ւ Վարազ իշխանը իրեն գցեց այս փորձանքի մեջ: Մտա-
ծում էր և միաժամանակ հիշում կնոջը, աղջիկներին, պատ-
կերացնելով, որ նրանք հիմա սրտի հատնումով սպասում են իր վերադարձին: Բայց ինքը կվերադառնա՞ արդյոք:

Այս մտքից արցունքի երկու կաթիլ ընկան ծեր դպիրի աչ-
քերից և զլորվեցին այտերն ի վայր...

«Բայց ոչ. նրանք չեն համարձակվի... Թագավորը կհաս-
նի շուտով և կպատժի անիրավներին»,— սիրտ տվեց նա իրեն և աշխուժացավ նկատելի:

Քաղաքի դիտարաններից և մանավանդ կոտորներից
տեսան, թե ինչպես դպիր Դավթին և նրա թիկնապահին տա-
րան մի կողմի վրա՝ շատերն ինքնաբեր. «ախ» քաշեցին և
կռահեցին, որ Վարազ իշխանի խոսքը մերժեցին... այսինքն՝
պաշարումը չեն վերցնելու և չեն հեռանալու:

Առաջինը այդ հասկացավ, իհարկե, Վարազ իշխանն ին-
քը, որ այս տեսարանը դիտում էր իր երկհարկանի տան պա-
տըզամից: Նա հասկացավ և այն, թե ինչու բանազնացի հետ
խոսող տաղավարտակրի մոտից ձիավորներ սլացան դեպի
տարբեր կողմեր: Դրանք անշուշտ իրենց պետի հրամանն
էին տանում քաղաքի շուրջը ցրված հեծյալներին: Վարազը
կարծում էր, որ դա հարձակվելու հրաման է, այլապես իր
բանազնացին թույլ կտային վերադառնալ: Տարբեր ուղղու-
թյամբ սուրացող այդ հեծյալների հետ միաժամանակ Վարա-
զը նկատեց նաև իր դեմը կանգնած զինված հեծյալների
իրարանցում. լսեց խուլ ձայներ, աղաղակներ, որ նույնպես
թվացին գրոհի նշան:

Շուտով դա հաստատվեց և ռազմի փողերի տևական ձայ-
ներով, որ սաես պատահոտում էին խաղաղ օդը: Եվ այդ ձայ-
ները, որ թվացին շարագուշակ, վախ ազդեցին Վարազ իշ-
խանին և նա մտածեց, թե ո՞րքան մեծ սխալ էր պարսպի
կառուցումն ուշացնելը:

Բայց մտածելու ժամանակ չէր այլևս. պետք էր այնպես
անել, որ նախարարական այդ հեծյալ գնդերը քաղաք չմտ-
նեն. պետք էր դիմագրավել մինչև հասնեի արքունի բանակը
և պատժեր ստահակներին: Եվ այդպես էլ կարգադրեց.

— Հայտնեցեք կայազորի պետին և մյուս կողմնապահ-
ներին, որ շասանն բնավ և դիմագրավ չինեն. շուտով ար-
քունի զորքը ամենայն փութով կգա մեզ օգնության, — ասաց
նա իր տան առջևը կանգնած զինված երիտասարդներին՝
առերևույթ խրոխտ, բայց իրոք բեկված ձայնով:

Երբ հրամանը լսող այդ երիտասարդները ճարպիկ ուս-
յուններով թռան իրենց նժույգների մեջքը և սուրացին դեպի
քաղաքի ծայրամասերը, Վարազն ինքը ևս, հեծնելով իր
պատրաստ ձին, մի թիկնապահի հետ սլացավ այն կողմը,
ուր, նրա կարծիքով, պետք չինեի կայազորի պետը:

Նախարարական գորքերն իրենց գորհն սկսեցին բոլոր կողմերից միաժամանակ: Նրանք գալիս էին մեծ արագությամբ. կեսօրվա պայծառ արևի տակ փայլատակում էին ոմանց սաղավարտները, ոմանց զրահները, մյուսների՝ շերտ-կացրած սրերը:

Քաղաքում մեծ տագնապի ու զայրույթի մեջ էին առավելապես նրանք, ովքեր փախել էին իրենց տներերից. մնացած բնակիչները, թեև հուզված, որ անսպասելի թշնամի է ելիլ և գրոհում է քաղաքի վրա, չէին կարծում, թե եկողները անձնապես վնասեն իրենց: Զէ՞ որ իրենք չէին փախել նախարարական կալվածներից, այլ եկել էին արքունի շենքերից, քաղաքներից, եկել էին քաղաքի կառուցման համար: Իսկ եկողները պահանջում էին իրենց ծառաներին, միայն տիրափախ ծառաներին:

— Երբ քաղաք մտնեն՝ պիտի ջոկեն միայն ու միայն իրենց փախածներին, — ասում էր մեկը, — մեզ հետ չունեն ոչինչ:

— Այդպե՞ս է, — տարակուսում էր հարևանը: — Թվում է ինձ, որ դիմադրելու հետևանքով ամենքիս կհամարեն թշնամի և կառնեն սրի բերան:

— Եվ դիմադրելն ուրեմն իզո՞ւր է:

— Այդ պետք է խորհեր Վարազ իշխանն ինքը:

— Ուրեմն աղետը կհասնի և մե՞զ:

— Անշուշտ և անխուսափ...

Մինչ այդ նախարարական հեծյալ խմբերը առաջ էին գալիս հետզհետե աճող թափով՝ նիզակներն առաջ պարզած, աղեղները լարած և մի աղմուկ-աղաղակով, որ լցնում էր օդը՝ «ու-ո՛ւ-ո՛ւ»... Ձայներ, որ քաղաքը չէր լսել հիմնադրումից ի վեր: Անսովոր ձայներ, որոնց վրա շներն սկսեցին հաշել բոլոր թաղերում, բոլոր ձևերով: Թե այդ կանչերը և թե հաշոցները իրենց վայրի աղմուկով ու ահաբեկ շեշտով սարսուռ էին ազդում. ահաբեկում էին առանձնապես կանանց, հրե-խաներին, որոնք այնուամենայնիվ դեռ բոլորովին չէին հեռանում կտուրներից ու փողոցներից: Հետաքրքրությունը, թե ի՞նչ է լինելու, նրանց բեռեղ էր իրենց տեղերում: Շատերը կարծես անձնամոռ վիճակի մեջ էին:

Ավելի լարված էին սակայն դարան մտած մարդիկ: Իսկ

դարանը մեկը չէր և ոչ էլ երկուսը: Կայազորի պետը, որքան այդ հնարավոր էր եղել կարճ ժամանակում, իր զինվորներին և զենք ստացած կամ ունեցող քաղաքացիներին ցրել-դասավորել էր նախարարական զինված ուժերի դիմաց՝ քաղսփի ծայրատների բակերում, իրարից բավական հեռու, և յուրաքանչյուր պաշտպանական խմբակի մոտ կարգել էր մեկ-երկու զինվոր, որ պիտի խրախուսեին անփորձ պաշտպաններին և առաջին օրինակը տալին իրենք՝ եկողներին նետահարելով: Բացի նետ-աղեղից, նա յուրաքանչյուրին հանձնել էր և նիզակ՝ շատ մոտեցած թշնամուն նիզակահարելու: Թորգոմը, օրինակ, նիզակից բացի, ուներ և նետ-աղեղ. նա չգիտես որ-տեղից գտել էր մի սաղավարտ և մի օղազրահ լանջապահ: Նրա մարդիկ նույնպես հագնված էին սովորականից տարբեր. մինչև սրունքները ամրացրել էին պատիչներով, իսկ հագուստները ոմանք գոտեպնդել էին պարաններով, ոմանք կաշեփոկերով: Մեծ մասը կրում էին սովորական զենքեր՝ նետ-աղեղ կամ նիզակ, բայց կային մարդիկ, որ զինված էին միայն կացիններով կամ ծանրագլուխ փայտերով, որոնք նման էին գուրգի:

Սվ ահա որքան նախարարական հեծյալները մոտենում էին խառնաձայն աղմուկով, դարանամուտներն այնքան ավելի անհամբեր էին դառնում. գլուխները թաքստոցներից հանելով նայում էին պրկած ծնոտներով ու շանթող հայացքներով, տեսնելու, թե ո՛ւր է հասել թշնամին: Թորգոմն արդեն կորցրել էր սառնասրտությունն ու հանգիստը. նա իր դարանից շուտ-շուտ քարե սանդուղով քարծրանում էր վեր, և գլուխը տան կտուրից փոքր-ինչ վեր բռնած, դիտում եկողներին և նորից իջնում, երբ նկատում էր, որ իր խմբի մարդիկ՝ վախից, թե ինչից՝ թողնելով իրենց նշանակված տեղերը, մոտենում էին իրար կամ փորձում նույնպես բարձրանալ: Այդ նկատելով՝ Թորգոմը գոռում էր.

— Ամենքը յուրյանց տեղը...

Դրանք քսան հոգի էին՝ բոլորն էլ նախարարական կալվածներից փախածներ, բոլորն էլ գրեթե երիտասարդ, բացի Թորգոմի ընկերներ Վարդանից ու Հովսեփից և մի ծերունուց, որ, ականջը դրսի ձայներին, հանդիստ սպասում էր նիզակը պատրաստ բռնած: Լսելով Թորգոմի ձայնը՝ երիտասարդներն

սթափվում էին և կրկին գրավում իրենց՝ նախապես որոշած տեղերը:

Իսկ նախարարական հեծյալ խմբերը շարունակում էին առաջանալ՝ այժմ արդեն ձիերը շափ գցած, սրերը մերկացրած. ի տես այդ բանի՝ բոլոր դարանամուտները ցանկանում էին մի բան՝ նետահարել եկողներին, կանգնեցնել նրանց հանդուգն, սպառնալից արշավը և սպասում էին հրամանի, ղեկավարի հրամանին...

Ու չգիտես եղա՞վ այդ հրամանը, թե ոչ — քաղաքից դիտողները և ինքը Վարազ իշխանը նկատեցին, որ մեծ ճանապարհով սրարշավ եկող հեծվորների ձիերից ընկան մեկ-երկուսը, նրանց հետ և մի հեծվոր... Քաղաքում ուրախության աղաղակ բարձրացավ. «Ընկա՛վ, ընկա՛վ»... Եվ այնուհետև կամ հեծվոր էր ընկնում, կամ ձի՝ հեծվորի հետ միասին: Պատահում էր, որ ձին, տարված իր և ընկերների թափից, ընկած հեծվորին, ոտն ասպանդակի մեջ, քարշ տալով բերում էր առաջ... լինում էր և այն, որ հեծվորը վիրավորվելով կանգնեցնում էր ձին և խանգարում ընկերների առաջացումը:

Նախարարական խմբերն սկզբում նետեր չէին արձակում. թվում էր նրանք մի նպատակ ունեն միայն՝ գրոհել արագ և հասնել քաղաք: Սակայն հանդիպելով նետաձգության և մանավանդ տեսնելով, որ այդ նետերից ընկնում են իրենց ընկերները, իրենք ևս սկսեցին նետեր արձակել... նժույգները կանգնեցնում էին մի պահ, աղեղները լարում, նետը առձակում և նորից առաջանում. ու որքան մոտենում էին՝ նետաձգությունը սաստկանում էր երկու կողմից. նետերը գնում էին իրար հակառակ ուղղությամբ՝ ձգված, կտրտված լարերի նման, առաջացնելով օդում ինչ-որ դզզոց, որ նման էր մեղունների, ավելի շուտ՝ շնաճանճերի բզզոցի:

Այդ նետաձգությունից ընկնում էին ավելի առաջիկները, որովհետև քաղաքի պաշտպանները պարզապես թաքնված էին և նետեր արձակում էին իրենց դարաններից. իսկ գրոհողները թե շատ էին և թե նետերից թաքնվել չէին կարող իրենց մեծաթափ վազքի պատճառով, մանավանդ որ առաջանում էին ոչ թե ցրիվ, այլ խիտ խմբերով, ուստի և պաշտպանների սլաքները քիչ էին վրիպում: Եվ քանի մոտենում էին, այն-

քան ավելի շատ մարդ էր ընկնում եկողներից, իսկ քաղաքում ավելանում էին ուրախ և գոհունակ ձայներ։

— Նորի՛ց ընկան... ընկա՛ն...

— Կրկի՛ն, կրկի՛ն,— տարածվում էր կտուրների վրա, ապա դրան հետևում էր և խրախուսանքը։— Զա՛րկ, զա՛րկ...

Բայց, պետք է ասել, եկողները այդ անկումներից, աղմուկներից ու կանչներից չէին շփոթվում։ շարունակում էին առաջանալ կատաղի, ընկածների վրայից ձիերը թոցնչլով, երբեմն և նրանց ոտնակոխ անելով։ Իսկ դարանածները, ալդ տեսնելով, լարվում էին ավելի և նետեր արձակում անընդմեջ։

Եկողները տեսնելով այդ անսպասելի ու համառ նիտածը գոթյունը սկսեցին աղաղակել քաղաքի տարբեր կողմերում, ինչ-որ բաներ ասել բարձրաձայն, և այդ ամենից ջոկվում էին միայն հետևյալ խոսքերը.

— Հսեցեք և իմացեք. մենք բնիկներին չե՛նք վնասելու, չե՛նք վնասելու... Մենք պահանջում ենք տիրափախներին միայն, տիրափախներին... Թող տիրափախները գան առաջ...

— Եկողը՝ կներվի, չեկողը՝ կպատժվի...

Կանչում էին և հետն էլ առաջանում պահանջատիրոջ համարձակությամբ, մերկ սրերը սպառնալից շողացնելով։

Իսկ նրանց կոչին՝ քաղաքից պատասխանում էին տղամարդիկ նետերով, կանայք անեծքով ու մուր տալով.

— Մահը գա ձեզ. անօրեն անաստվածներ...

Ու բարձրաձայն, երբեմն գոռալով, շմտածելով իրենց խոսքը նրանց կհասնի՞ թե ոչ։ Խրախուսում էին դիմադրող հարազատներին, քաղաքացիներին.

— Զա՛րկ հեթանոս շներին... Զա՛րկ...

Եվ երբ նկատում էին, որ եկողներից ընկնում են նետահար, նրանց թվում էր, որ այդ լինում է իրենց խրախուսանքի շնորհիվ, ուստի և բռունցքները գոհունակ զարկում էին իրենց կրծքերին և կրկնում. «Զա՛րկ, զա՛րկ»... կամ՝ կտուրից հող վերցնելով, նետում էին վեր.

— Հողս ի ձեր գլուխ, անիրավներ...

Մի ուրիշը, լսելով որ եկողները պահանջում են տիրափախներին, ձայնը բարձրացնում էր, որ խոսքը տեղ հասնի.

— Չենք ի գա... չենք ի գա... կմենենք չենք ի գա... Մենկ չենք, որ առնեք տանեք... Հազար ենք, հազար...

Իսկ քաղաքի մերթ այս, մերթ այն ծայրամասում երևում և իսկույն անհետանում էին նժույզ նստած Վարազ իշխանը իր թիկնապահներով կամ կայազորի պետը՝ իր մեկ-երկու հետևորդներով։ Նրանք ջանում էին հասնել ամեն տեղ և խրախուսել քաղաքի պաշտպաններին.

— Տոկացե՛ք, տոկացե՛ք... արքունի զորքը կհասնի շուտով...

Վարազ իշխանի հանգիստ դեմքը այլագունել էր, ճակատը ծածկվել խոր կնճիռներով, գանգուրները քրտինքից սևացել էին և իջել-նստել օձիքին։ Դեմքին երևում էին միայն աչքերը, և բիբերը լարված էին այնպես, որ նա առջևը ոչինչ չէր տեսնում, այլ դիտում էր թշնամու շարժումը միայն, և, տեսնելով, թե դիմադրողներն իրենց թաքստոցներից ի՞նչպես են եկողներին տապալում նետահար՝ նրան թվում էր, թե հնարավոր կլինի նրանց պահել-կանգնեցնել մինչև արքունի զորքի գալը։ Իսկ նրանք, առանց կանգի ու դադարի, գրոհում էին քաղաքի վրա՝ գրեթե բոլոր կողմերից, թողած միայն սարի լանջը, ուր դժվար էր շարժվել, մանավանդ ձիերի համար։ Նրանք գալիս էին թափով, մոլեգնած՝ ակներև նպատակ ունենալով մեկեն քաղաքը մտնել մի քանի կետից։

Բայց դա դյուրին գործ չէր, որովհետև քաղաքի պաշտպանները, որքան էլ փոքրաթիվ, դժվարացնում էին նրանց առաջացումը՝ այժմ արդեն ոչ թե նետերով, այլև դարաններից դուրս եկածները նիզակներով, քարերով և գուրզանման փայտերով, որ նետում էին մոտեցող ձիերի ու հեծվորների գլխին։ Ոմանք քարեր նետում էին կտուրներից՝ պարսատիկներով... Այս բանում աչքի էր ընկնում հատկապես մի կին, որ կանոնավոր քարեր էր արձակում իր պարսատիկից և հետևել կրկնում.

— Առե՛ք, անօրեններ... Առե՛ք, քարասատակ ու քարատակ լինեք...

Սակայն այդ ամենը՝ աղմուկը, իրարանցումը, եկողների գրոհը, դիմադրողների հայհոյանքը, քաղաքացիների տագնապալի կանչերը իրենց զագաթնակետին հասան իրիկնադեմին, երբ արևը թեքվում էր դեպ իր մուտքը։ Նախարարական

հեծյալները քանում էին, ինչպես էլ լինի, մութն ընկնելուց առաջ մտնել քաղաք, իսկ պաշտպանները ճիգ էին թափում՝ չթողնել, գործադրելով նրանց դեմ նետ, սուր, նիզակ ու քար։ Գիմագրավելու այս գործում առանձնապես աչքի էին ընկնում կայազորի զինվորները իրենց վարժ նետաձգությամբ, տեգի ու նիզակի ճկուն գործածումով, երբ քաղաքի այս-այն ծայրում դուրս էին գալիս իրենց դարանից՝ միահափուռ բացականելով։ «Զարկ, զարկ»... Նրանց միանում էին քաղաքացիներ՝ քար ու փայտ նետելով։ Թշնամու թափով եկող ձիերը վրնջում էին, հեծվորներն ընկնում նիզակների, քարերի հստվածից, քաղաքի պաշտպանները նույնպես վիրավորվում էին կամ ընկնում նետից կամ տեգից, բայց ողջ մնացածները չէին ընկրկում, և նրանց օգնության էին գալիս ուրիշները։ Իսկ կանայք, տեսնելով մեկն ընկավ, գոգները քար լցրած, ճիղով վազում էին կովի վայրը՝ թշնամուն հարվածելու, յուրայիններին սիրտ տալու։

Ու շարունակվեց այսպես մինչև իրիկնաժամ, իսկ երբ օրը մթնեց, կռիվը դադարեց երկու կողմից էլ, և դա եղավ ինքնաբեր, քանի որ իրար տեսնել դժվար էր և յուրայինին կարելի է շփոթել թշնամու հետ։ Առաջինը ետ քաշվեցին գրոհող զորքերը, որից հետո քաղաքի պաշտպանները նորից մտան իրենց դարանները։ Կռիվը թեև դադարեց, բայց կռվմանը հանգիստ չէին։ Գիշերը մարդ չքնեց ո՛չ քաղաքում, ո՛չ թշնամու բանակում։ այնտեղ երևում էին խարույկանման կրակներ, անցնում էին ստվերներ, լսվում էին ձիերի վրնջումն ու դոփյուն։ Իսկ այստեղ՝ քաղաքում շարժում էր.— ընկածներին տանում էին դիրքերից, վիրավորվածներին տեղափոխում էին տները, իսկ կանայք խմբերով շտապում էին իրենց կռվող-հարազատների մոտ՝ տեսնելու, թե չե՞ն վնասվել արդյոք կամ ինչի՞ կարիք են զգում։ շատերը նաև ուտելիք էին տանում պաշտպանների համար։ Մյուսների հետ Թորգոմի մայրը նույնպես հաց ու կերակուր տարավ որդուն և արցունքն աչքերին խնդրեց զգույշ լինել։

— Ես զգույշ եմ, մարե, դու Մինային պահիր, չվախենա։

— Դու կաց հանգիստ։ Մինան մեր տուն է հոր հետ։ չեմ թողնի գնա ուրիշ մի տեղ,— հանգստացնում էր որդուն պա-

դավը, թեև ինքը տազնապի մեջ էր, որ եթե Թորգոմը մինչև հիմա չի վնասվել, վաղը՝ Ծ՛վ գիտի...

Իսկ Վարդանի կիներ, որ պառւովի հետ հաց էր քերել ամուսնուն, իրեն ուտում էր. ուզում էր փախած Հուսիկին տանել տուն՝ չէր լինում: Նա ցերեկը եկել էր հոր մոտ և չէր վերադարձել, իսկ այժմ քնել էր քաղի մի անկյունում՝ շոր խոտերի վրա, թուրը թևի տակ: Երեկոյան հայրը, նրա ընկերները որքան համոզել էին գնալ տուն՝ չէր համաձայնել: Հիմա էլ մայրը շարունակ փորձում էր արթնացնել նրան և տանել հետը՝ չէր հաջողվում:

— Ես կուզեմ մնամ պապոյի մոտ,— թափահարում էր նա ոտները առանց աչքերը բացելու և ծորից կծկվում խոսքի վրա:

Տեսնելով ապարդյուն են անցնում իր ջանքերը՝ խեղճ մայրը խոտով ծածկեց տղային և ապա խնդրեց ամուսնուն ու ընկերներին, առանձնապես Թորգոմին (որպես այդ խմբի ղեկավարի), որ Հուսիկին «աշխարհող» շանեն:

— Գնա, քուրս, գնա հանգիստ, կպահենք,— ասաց Թորգոմը: Ասաց, բայց ինքն էլ հանգիստ չէր: Շարունակ մտածում էր վաղվա մասին, երբ կռիվը պիտի նորոգեր, և Մինայի մասին... Որքան էլ վստահ էր, որ մայրը սիրով կկատարի իր հանձնարարությունը, բայց և այնպես մտածում էր, թե Մինան պիտի վախենա այս բոլորից: Միառժամ մտածելով՝ Թորգոմը հանկարծ վեր թռավ և ասաց ընկերներին.

— Քուն չլինեք, ես հիմա...

Ասաց ու արագ գնաց դեպի մութը: Ոչ ոք չիմացավ ո՞ւր է գնում և ինչի՛:

Մի քանի րոպե անց նա իր տանն էր: Չնայած կեսգիշեր էր արդեն, բայց տանը բոլորը արթուն էին՝ թե մայրը և թե Մինան ու նրա հայրը: Երեքն էլ նստել էին ձեթի ճրագի շուրջը և տխրել անխոս: Երբ Թորգոմը ներս մտավ զրահներ հագած, սաղավարտը դրած, երեքն էլ վախեցան, կարծելով եկողներից է, բայց մայրը ճանաչեց իսկույն:

— Վա՛յ, Թորգոմս,— զարմացավ նա:

— Եկա դանակ առնելու,— ասաց Թորգոմը, կարծես գալն արդարացնելու համար, և, հին հագուստների մեջ ինչ-որ փնտրելուց հետո, Մինային կանչեց դուրս:— Ե՛կ ասեմ...

Եվ առաջինը իհրքը հլավ դուրս: Մերունինները հասկացան, որ նա ուզում է Մինայի հետ խոսել առանձին, և խանդաղանքի պես մի բան երևաց նրանց հրեսին:

Երբ Մինան դուրս եկավ մութ բակը՝ Թորգոմը բռնեց նրա ձեռքերը:

— Մինա, եկա ասեմ, որ չվախենա՛ս: Մենք նրանց չենք թողնի քաղաք...

— Իսկ քեզ չեն... չե՞ն վնասի,— հարցրեց Մինան դժվարությամբ:

— Վնասե՛լ: Եղիր հանգիստ: Ա՛յ ինչ եմ հագել,— Թորգոմը ցույց տվեց հագի զրահները և սաղավարտը:— Զե՛ն վնասի, չէ՛: Դու մարեիր, պապոյին լսով նայի, ու մի վախենա:

— Զէ՛, ես կվախենամ,— ասաց Մինան բեկված ձայնով և գլխով հենվեց Թորգոմի ուսին:

— Կվախենա՞ս... Ասացի՝ վախենալու չէ: Մենք ~~իրանց~~ չենք թողնի քաղաք: Շուտով թագավորի Պորքը կգա՝ ամենքը կփախչեն... ամենքը...

Եվ որովհետև Մինան գլուխը չէր բարձրացնում և լալիս էր, Թորգոմը բռնեց նրա թևերը և համբուրեց նրա ճակատը: Աղջիկը, կարծես դրան էր սպասում, գլուխը բարձրացրեց հանկարծ ու, ձեռքերը տարածելով, գրկեց Թորգոմի պարանոցը: Գրկեց ու համբուրեց:

— Որ կասես՝ չեմ վախենա: Բայց, ա՛յ, նայի, քեզ չվրնասին:

— Դու կաց հանգիստ:

Ու փոքր անց Թորգոմը նորից ընկերների մոտ էր:

Բայց այդ գիշեր ավելի անհանգիստ էր Վարազ իշխանն ինքը: Իր հոգնած նժույգի վրա, միայն մի թիկնապահի հետ, նա եղավ պաշտպանական բոլոր կետերում և հուսադրեց, խրախուսեց ամենքին:

— Եղևք միշտ արի: Պաշտպանեցեք քաղաքս և պատիվը՝ ձեր: Պաշտպանեցե՛ք ~~և...~~ մեր տեր՝ Արշակ ~~թագաժառը~~ չի մոռանա ձեր ծառայությունը: Տոկանք սակավ մի և արքունի բանակը վաղը կգա մեզ օգնության:

Նրա ձայնը խզվել էր ~~չգիտես անքնությունից~~ ~~թե~~ շատ

կարգադրութիւններ անելուց. խոստում էր դժվարությամբ, բայց սրտանց ու կորովաշեշտ: Իսկ պաշտպանները պատառախանում էին երդումի պես.

— Պիտի կռվենք մինչև վերջին շունչ...

Իշխանի պես այդ գիշեր պաշտպանական բոլոր կետերը հերթով այցելեց և կայազորի պետը. նա ևս, իր զոհունակութիւնը հայտնելով պաշտպաններին, ամեն տեղ անում էր միևնույն կարգադրութիւնը.

— Գերաններով պատեցեք փողոցների մուտքը, որ վաղը թշնամին անառգել չմտնի քաղաք... Ու հակատեցե՛ք պաղարշուն... առանց շփոթի, մինչև արքունի գորթը կգա շահության...

Իվ այդ հեռանկարը, որ առքունի գորթը շուտով կգա օգնության թե սիրտ էլ տալիս պաշտպաններին և թե ոգևորում, ուստի և նրանք արթուն աչքով հսկում էին թշնամուն, ականջով ուսասում հեռավոր ձայների, թե լի՞ գալիս արդյոք օգնության բանակը:

Դիշերը մութն էր, բայց երկինքը լի ոսկեցուլուն աստղերով, ու դրանից այնպիսի պայծառութիւն կար վերևում, որ թվում էր ամենը հրազ է, և այդ պայծառութիւնն ուտնդծված է մարդու համար... Միաժամանակ թվում էր, որ ամենքն այս գիշեր կգտան, թե ո՞րքան քստմնելի գործ է կոխը և այլևս չեն կրկնի այդ վայրձնութիւնը:

Բայց առավոտյան աղջամողջին, լույսը դեռ չբացված, կոխը վերակսվեց:

Վարազ իշխանը, որ ամբողջ գիշեր չէր քնել և զրահի մեջ շրջել էր բոլոր մարտական կետերը՝ յուսաստղը երևալուն պես հասավ կայազորի պետին՝ քաղաքի հարավային մասում և կարգադրեց.

— Սկսեք, զորապետ: Նետահարեք, քանի ընած են խնշարժ:

Նախարարական զորախմբերը թեև մութի պատճառով երևում էին զանգվածային ձևով և դուրի՛ն չէր նշան բռնել, բայց իշխան Վարազը, անհամբեր, ցանկանում էր ժամ առաջ չախջախել թշնամուն՝ և վանել: Պատասխանատվութիւնը թագավորի առաջ, քաղաքի բնակչության առաջ՝ նրա՛ն: Թելադրում էին գործադրել բոլոր միջոցները՝ քաղաքը պաշտ-

պանել թշնամու ներխուժումից և հեռացնել նրան, որ արքունական զորքը գար և տեսներ ամեն ինչ վերջացած: Բայց որովհետև իր կովոդ ուժերը չափավթիվ էին և անվարժ՝ կամենում էր հաղթիչ հնարագիտությամբ, հանկարծակի հարձակումով: Նրա հրամանը թեպետև հաճելի չէր կայազորի պետին, բայց և այնպես նա շուգեց հակաճառել. անմիջապես զինվորներ ուղարկեց դարաններում ցրված զորամասերին ու խմբերին հայտնելու, որ դուրս գան և սկսեն նետաձգությունը:

— Եվ թող ոչ մի նետ չանցնի ապարդյուն...

Զինվորները նրա հրամանը տարան քաղաքի տարբեր կողմերում դարանած մարտիկներին, և շատ չանցած, առավոտյան աղջամուղջի մեջ, նետերը բնից թռած թռչունների նման օդը պատռելով սլացան դեպի պաշարողները, և դա նրանց մեջ առաջ բերեց ահագին իրարանցում ու աղմուկ, որի մեջ կար և վիրավորների հեծեծանք, և վրեժի զայրույթով լցված հայհոյանք, և գրոհելու, կոտորելու հրաման: Օդը մեկեն թնդաց կողմերի խառնաձայն կանչերից ու աղաղակներից:

— Իժի ծնունդնե՛ր...

— Նզովից արմատնե՛ր...

— Մա՛հ անխնա... Զա՛րկ անխափան, անվրե՛պ...

Ու կռիվն սկսվեց նոր կատաղության: Խավարը դարձնում էր այն ավելի ահավոր. առաջին իսկ նետերից պաշարողները վեր թռան ու իրար անցան քաղաքացիների հանդրանության վրա կատաղած ու ահագին աղմուկով առաջ խոյացան իրենց նժույգներով: Մութի մեջ ասեւ թևավոր քաջքեր էին սլանում իրար հետևից. լսվում էր միաժամանակ թե ոտնատրոփ, թե վրնջլուն ու փնյոց. լսվում էր, որ նրանց հրամայում և խրախուսում էին ինչ-որ ձայներ: Ավելի համարձակները, ընկերներից զատվելով, առաջ էին նետվում և ուրվականի պեւ՝ յլանում շեպի պաշտպանները: Բայց այդպիսիները իսկույն գետին էին տապալվում քաղաքին շմուռեցած՝ դարաններից արձակված նետերից, որոնք ուղարկվում էին միշտ անզուսպ բացականչություններով. «Զա՛րկ, զա՛րկ»:

Ու մութի մեջ զարկում էին իրար՝ գրեթե շտեմանելով միմյանց: Զարկում էին կարծես ստվերների: Եվ որովհետև հեծ-

Վորենքը գալիս էին զեպի քաղաք՝ պաշտպանները ջանում էին կտրել քաղաքը խուժել ցանկացողների առաջը, երբեմն դուրս նետվելով թաքստոցներից, իրենց ապահով անկյուններից:

Եվ սա տեղեց քավական երկար, մինչև լույսն ու մութը բաժանվեցին իրարից: Իսկ երբ ալոտ լույս եղավ՝ հակառակորդ հեծվորենքն սկսեցին գալ-մտնել պաշտպանության կետերը, տների բակերը կամ, գերտնափակի վրայից թռչելով, մտնել փողոցները...

Այն, ինչ սպասում էր Վարազ իշխանը, թե թշնամին, հանկարծակի հարձակումից շփոթված, կնահանջի՝ չեղավ: Ընդհակառակը. այդ հարձակումից ասես զայրացած, գրոհեցին ամեն կողմից: Եվ, լույսը բացվելուն պես, մի ժամվա մեջ ամեն ինչ խառնվեց իրար. սպառնալից գոռոցների հոտ սրեր էին շողում, ձիեր էին դոփում և ընկնում...

Գլխավոր փողոցի պաշտպանները մի տեղ ընկնվեցին հանկարծ և սկսեցին ետ քաշվել կովելով. մի այլ տեղ նահանջեցին հակառակորդի գերազանց ուժից նեղված, և նախարարական հեծյալները ներս խուժեցին քաղաք: Եվ այստեղ ահա իր գագաթնակետին հասավ քաղաքացիների բարկությունն ու ցասումը: Երբ խուժողները սուր հանած գալիս էին առաջ՝ կտուրները բարձրացած կին, մարդ զարկում էին նրանց այդ տեղերում կուտակած քարերով, փայտի կտորներով: Ոմանք նույնիսկ քիվերից քարեր էին սլոկում և նետում նրանց վրա: Զկար այլևս մեկը, որ մնար իր տանը, իր բակում. ամենքը նորից թափվեցին փողոցները, բարձրացան կտուրները, այնտեղից կովողների մոտ. բայց երեկվա պես չէին գոհանում միայն դիտելով ու անիծելով: Լինելով անզեն՝ նրանք էլ քարերը դարձրին զենք, ու ամեն մի նետված քարի հետ գոռում էին.

— Ա՛ն, իժի՛ ծնունդ...

Թորգոմն իր իմրով դիմադրում էր երկար ժամանակ. նրանք իրենց նպաստավոր դարանից արձակած նետհրով տապալեցին շատ ձիեր ու հեծվորենք, բայց եկողների բազմության առաջ, մանավանդ գերի ընկնելու երկյուղից, ետ քաշվեցին տների արանքով, այնպիսի տեղերով, որ եկողները բռնավ չէին կարող հետևել նրանց: Դրանց հետ էր և Վարդանի որդին՝ փոքրիկ Հուսիկը, փաթաթած թուրը ձեռքին:

Երբ ետ էին գնում՝ Թորգոմը հանկարծ նկատեց, որ քա՜ջ ղաքի մի ծայրում ծուխ բարձրացավ բոցերի հետ, և նրա գլխում կայծակեց մի տխուր կասկած, թե թշնամին արդեն մտել է Ավան և վառել է պատահած եղեգնի կիտուկները:

Կռիվն իսկապես գնում էր քաղաքի մեջ. թշնամին մի քանի կողմից արդեն խուժել էր ներս: Շուտով լուր տարածվեց, թե Վարազ իշխանը սպանվել է նետահար:

— Անե՛ծք,— գոռաց մեկը:

Եվ դա նոր զայրույթ վառեց սրտերում, ու կռիվը տաքացավ: Հատկապես կռվող քաղաքացիները դիմադրում էին և շուտ-շուտ նալում վերի ճանապարհին, թե չի՞ երևում արդյոք արքունի բանակը...

Իսկ նախարարական զորքերը, կռվով առաջ գալով, կանչում էին շարունակ.

— Բնիկնե՛ր քաղաքի, մենք չենք կռվում ձեր դեմ... Մենք եկել ենք տիրափախների՛ն տանելու, տիրափախների՛ն...

— Թող տիրափախները անձնատուր լինեն... Կամովին եկողը՝ կազատվի, չեկողը՝ կպատժվի... դիմադիր մի՛ լինեք... Հանձնեցե՛ք տիրափախներին, և կռիվը կառնի ղաղար...

ԳՆՈՒՆ ՋՈՐՐՈՐԴ

Զարմանալի են կյանքի հակադրությունները:

Այն իսկ օրը, երբ նախարարական հեծյալները, դիմադրությունից կատաղած մտան Արշակավան, այդ նույն պահին քաղաքամայր Վաղարշապատը հանգիստ էր. նրա երեք գոտիներում էլ կյանքն ընթանում էր իր սովորական հունով: Պարսպից դուրս ապրող այգեգործները պատրաստվում էին այգեկութի. կթոցներ էին նորոգում, հնձաններ էին մաքրում, ոմանք անխոս ստուգում էին թփերը, խմարելով բարձրացնում պառկած կամ շափից ավելի կախ ընկած որթերը, որ ողկույզները անարև լմնան և շուտ հասնեն... Կային և մարդիկ, որ դեղձեր էին հավաքում ծղոտից շինած սալակներում, հենակներ էին դնում դեղնափայլ սերկեիլներով, կարմիր նուներով ծանրաբեռ ծառերի ճղների տակ:

Իսկ պարսպից ներս՝ արհեստավորներն ու առևտրական-

ները կատարում էին իրենց ամենօրյա աշխատանքը. բրուտները կավե ամաններ էին հղկում ու շարում արհեստանոցների առաջ. պղնձագործները խլացուցիչ աղմուկով կոում էին կաթսաներ ու պնակներ... Ճոնները, կոշկակարները, պարանագործները, համետագործները և մյուս արհեստի մարդիկ ինքնամփոփ անում էին այն, ինչ անում էին միշտ՝ տարիներ շարունակ։ Նեղլիկ փողոցներով, անցորդներին դիպչելով, անցնում էին բեռնված ավանակներ, ջորիներ և բոժոժների կարկաշով ուղտեր, որոնք իրենց երկարավիզ գլուխներով ասես իշխում էին ամեն ինչի և արհամարհում ամենքին։

Ու այս ամենից օղբ լցվել էր անասելի ժխորով։

Սակայն, դրան հակառակ, միջնաբերդը խաղաղ էր, ինչպես միշտ. դրսից՝ նրա պարիսպներից չէր թափանցում ոչ մի աղմուկ. լսվում էր միայն ավազանը թափվող ջրերի ձայնը և շարքով շինված աղբյուրների խոխոջը, որ թվում էր անտես աղջիկներ են քրքում հովասուն ծառերի տակ, և այդ քրքիչն ասես զովություն էր տարածում պալատական պաշտիզում՝ նրա ուղիների վրա, նրա ծառերի մեջ, ուր անեղևվույթ թռչուններ ինչ-որ երգեր էին ուրրում ուրախ-ղվարթ, կարծես ջրերի ձայնին արձագանք տալով։

Սաստիկ շոգի պատճառով պալատականների մեծ մասը գնացել էին իրենց զով կալվածները։ Պալատում մնացել էին միայն Հայր-Մարդպետը, Հազարապետ Գնունին և Հավնունին։

Թագավորը, նախաճաշը նոր ավարտած, պատրաստվում էր որսի գնալու։ Քսանից ավելի խայտաբղետ որսաշներ, երկու շնապահ և երկու խուճապարար (որոնց դերը որսը տեղահանելն էր և դեպի որսորդները քշելը) կանգնած էին միջնաբերդի մեծ մուտքի առաջ, որը կոչվում էր Տրդատա դուռ։ Իսկ թագավորի ուղեկիցները՝ որսընկերներն ու թիկնապահները, որսորդական լրիվ հանդերձանքով ու զենքերով, այսինքն՝ երկարավուն նիզակներով, նետ-աղեղով ու կարճ դաշույններով, պալատի աստիճանների առաջ սպասում էին թագավորի դուրս գալուն, որպեսզի ձիեր հեծնեն... ձիեր, որոնց ձիապանները վաղուց ախոռից հանել էին, թամբել և այժմ սանձերից բռնած հեռվում պատում էին ետ-առաջ։

— Գիշերը մնա՞ք սլիտի, Մանասպ իշխան։

— Անշուշտ, հոգիս, անշուշտ,— պատասխանեց Համ-
նունյաց իշխանը բարեհասգի ձայնով և խոշոր ճեմակող ու
կախվող բեղերի ծայրերը շտկելով։— Շատոնց արքան չի
եղել որսի. կամենում է գեթ երեք օրով հեռանալ մայրաքա-
ղաքի տաաից...

— Եվ ո՞ր պիտի մեկնենք, իշխան։

— Հավանաբար Վարաժնունյաց անտառները, տղաս.
որսն այնտեղ առատ է ավելի։

Այդ միջոցին որսաշները հանկարծ, բոլորը գրեթե միասին
բարձրացրին այնպիսի հաշ ու կլանշ, ասես մեկը մտրակով
դաղեց նրանց։

Խոսակիցները տագնապով նայեցին այն կողմ և տեսան
մի այլագունած հեծվոր, որ ձիավազ գալով՝ մեկնե թռավ
ցած ու վազեց առաջ, այնտեղ, ուր խմբված էին զրուցող-
ները։

— Ո՞ր է արքան,— հեաց նա քրտնամխած։

— Ո՞վ ես դու, տղաս,— հետաքրքրվեց Հավնունին։

— Սուրհանդակ, Արշակավանից,— հազիվ շնչելով ասաց
նա։

— Եվ ի՞նչ լուր ես բերել այդպես...

— Քաղաքը պաշարված է... տարե՛ք ինձ արքայի մոտ...

— Պաշարվա՞ծ,— աչքերը չռեց Հավնունի իշխանը։--
Մի վայրկյան, տղաս,— և նա արտոռանքով բարձրացավ
աստիճանները։

Չանցավ իրոք մի վայրկյան՝ փոշեթաթավ ու քրտնողող
սուրհանդակը տարվեց թագավորի մոտ։ Արշակն ընդունեց
նրան որսորդական կիպ հագուստներ և երկարաճիտ մույկի
հագած։ Երբ սուրհանդակը հեալով նամակը տվեց նրան,
ապա, երեսի քրտինքը թեքով սրբելով, պատմեց, թե նա-
խարարական զնդերը, Արշակավանը պաշարելով, պահան-
ջում են իրենց ծառաներին— թագավորը գունատվեց, ձեռի
մտրակը նետեց մի կողմ և, ներքին շուրթը դնելով ատամ-
ների տակ, կարդաց Վարազ Գնունու նամակը։

— Այդպե՛ս,— տեքաց նա նամակը ավարտելով ու հիշեց
անմիջապես ամենը, ինչ լսել էր վերջին ամիսներին և կա-
րևորութուն չէր տվել. այն, որ դժգոհ նախարարները, կամ-
սարական նար իշխանի գլխավորությամբ ու ներշնչումով,

պատրաստվում են իր Ավանի գեմ, նպատակ ունենալով տանել իրենց փախած ծառաներին: Լսելով այդ, Արշակը չէր հավատում սակայն, թե նրանք կհամարձակվեն մի այդպիսի քայլի. այսուամենայնիվ, նրանց այդ կիրքը սանձելու համար մի տարի առաջ մի փոքր զորամաս էր ուղարկել նոր քաղաքը՝ թե կարգ պահպանելու և թե պաշտպանելու ի դեպս որևէ անակնկալի: Ու դրա հետ միասին պատվիրել էր թե քաղաքի կառավարչին և թե զորամասի պետին.

— Եթե լինի փորձ այգպիսի՝ չխնայել ոչ ոքի. սատակել անխնա...

Ու պատկերացրել էր, որ եթե նախարարները հանդգնեն մի օր այգպիսի քան անել՝ դա կանեն հավանաբար շնչին ուժերով, ուստի և դուրսով կարելի է ընկճել նրանց: Այժմ սակայն զարմացած էր. որքա՞ն մարդ են բերել արդյոք, որ կարողացել են պաշարել քաղաքը և սպառնալ նրան:

— Ե՞րբ ելար քաղաքից, — հարցրեց նա սուրհանդակին մի վայրկյան խորհելուց հետո:

— Երեկ առավոտյան, արքա:

— Մեծաթի՞վ է պաշարող զորքը:

— Այո, արքա:

— Ե՞րբ երևացին դոքա:

— Երեկ լուսաբացին, արքա, — պատասխանեց երիտասարդ սուրհանդակը քնատ, շաղված աչքերով: Մտնելով սրահ՝ նա զգում էր կարծես իր աչքերի վիճակը և կոպերը թարթում էր հաճախ: Թվում էր՝ ամաշում է նայել թագավորին, և այդ իսկ պատճառով նա Արշակին թվաց շփոթված ու անտեղյակ մեկը, ուստի և հարցուփորձում էր ավելի, քան պետք էր.

— Նոքա ավելի՞ են, քան կայազորը:

— Այո, արքա: Թերևս հինգ անգամ:

— Եվ քաղաքը պաշարել են լրի՞վ:

— Բացի յեռնակողմից, արքա:

Արշակի սպիտակուցները խաղացին դեմքին. նա թողեց հարցուփորձը և, միայն քթով շնչելով ու, առանց սուրհանդակին արձակելու, դարձավ անշարժ կռեղնած սեեկապետին.

— Կանչիր Զարեհ Ամատունուն, — ասաց նա խուլ, հեռ-

ցող ձայնով:— Իսկ դու ազատ ես,— դարձավ սուրհանդակին:

Մի քանի վայրկյանից մտավ մի երիտասարդ՝ հոռմայեցու նման ածիլված դեմքով, թուխ, գանգրացող մազերով, գլխի շուրջ բոլորը ոսկեգույն ժապավեն կապած, որպես տո՛մի պատիվ. Զարեհ Ամատունին էր. լինելով սպարապետի օգնականը, փոխարինում էր Վասակին, որն այժմ գտնվում էր իր հեռու կալվածում՝ Տայքի Երախանի ոստանում:

Ներս մտնելով՝ նա գլուխն իջեցրեց և կանգնեց ձիգ:

— Հրամայեցիր զալ, արքա:

— Այո, սեպուհ: Անմիջապես, առանց վայրկյան իսկ հապաղելու, ական թոթափել Ավան ուղարկիր Վաղարշապատի կայազորը: Նույնպես և Արագածոտտում ամառող վաշտերը շտապեն Ավան, և ինքդ աճապարիք այնտեղ ամենայն փութով:

Եվ որովհետև երիտասարդ զորականը լսում էր ու լռում, Արշակը բարկացավ.

— Սակայն չես հարցնում ինչո՞ւ:

— Իրազեկ եմ, արքա... իմացա փոքր առաջ:

Երիտասարդը նորից գլուխ իջեցրեց, որ հեռանա, և այն է երկու քայլ էր արել, Արշակը կանչեց.

— Հետդ առ ուտեստի մեծ պաշար, նաև զենք՝ Ավանի ժողովրդյան բաժանելու համար:

— Հրամանդ, արքա:

— Հիշիր և այս, որ պետք է լինես անխնա: Ձներել ոչ մի ստամբակի: Սրահար ու նետահար անել ամենքին, որ հավետ մոռանան խռովությունը արքունիքի դեմ: Հայտնի դորքին և ժողովրդյան, որ ես նույնպես գալիս եմ օգնության:

Երիտասարդ զորականի դուրս գնալուց հետո Արշակը կարգադրեց սենեկապետ Ծղնիկին՝ պատրաստել անհրաժեշտը մեկնելու համար:

— Հայտնիք նաև դրանիկ գնդի պետին՝ Խորխոռունի Վահանին, որ կազմ-պատրաստ լինի երեկոյան դեմ մեկնելու:

Հազիվ արտասանել էր այս՝ այլալված ներս մտավ Փառանձեմ Թագուհին:

— Իմացա, ողջը իմացա... Ուրեմն դու ևս մեկնո՞ւմ ես, արքա,— ասաց նա հուզված,— և ահա հկա ասելու, որ լինես աններող...

Նրա գեղեցիկ աչքերը կրակ էին ցայտում. ասես եռում էր ներսը: Մերթ կարմրում էր, մերթ գունատվում:

— Կամենս'ւմ են ավերել հայոց բերդը... Օղի'ր անխնա:

— Եվ այլ կերպ չեմ լինի, միայն անխնա,— գրեթե մռնչաց Արշակը:

Այդ պահին հայտնեցին, որ եկել է Վարազ իշխանի երկրորդ սուրհանդակը, որ ետ էր մնացել ձիու ոտքը վնասվելու պատճառով: Դրան ևս լսելով՝ Արշակը կրկնեց առավել բարկացալով:

— Շտապե՛լ և փրկել Ավանը...

Երկու ժամ հետո մայրաքաղաքի հեծյալ կայազորը, իր հրամանատարի առաջնորդությամբ, անցավ Տափերական կամուրջը: Նույն օրը իրիկնադեմին ճանապարհ ընկավ և թագավորը իր թիկնապահ գնդով: Նա մոռաց էր, խոսք չէր փոխանակում և ոչ մեկի հետ. սև նժույզը վարում էր լարված, սանձը ձեռներում պրկած, և ձին գնում էր փնչոցով, երկար վիզը այս-այն կողմ թեքելով: Թվում էր հեծվորի տրամադրությունը վարակել էր նրան: Արշակը թիկնոցով էր, որը, արագ ընթացքից, երբեմն ուռչում կամ ծածանում էր ձիու վրա, երբեմն կաշում մարմնին: Նա գնում էր դրանիկ գնդի առջևից, նույնիսկ գնդի պետ Խորխոռունուց առաջ ընկած: Ակներե ատահույզ էր, ասես ոչ ոքի չէր ուզում տեսնել. մյուս կողմից՝ անհամբերությունը կաթոծն նրան մղում էր առաջ: Եվ գնում էր այնպես արագ, որ շուտով հասավ մայրաքաղաքի հեծյալ կայազորին, որին միացել էր արդեն Ուրմարի՝ հետևակ գունդը: Եվ հեծյալ ու հետևակ իրար խառնված բրոնե էին: Խառնված ճանապարհը, որ մի քարքարոտ զառիվեր էր. լսվում էր մերթ ձիերի համաշափ ոտնատրոփ, մերթ զենքի-զրահի շաչուն, մերթ սմբակների պայտերի զարկ, որ կայծեր էին հանում քարերից:

Քանի դեռ լույս էր և ճանապարհը տակավին լայն՝ գնում էին արագ: Սակայն, երբ մութն ընկավ և սկսվեց նեղ վերելքը՝ դանդաղեց ոչ միայն հետևակի, այլև հեծյալների ընթացքը: Վերելքը դժվարացավ հատկապես ձիերի համար. նրանք գայթում էին, ձգվում, և հեծվորները հազիվ էին պահում նրանց մեջքերի վրա: Ծանապարհը գնալով դառնում էր ավելի դառիվեր և ավելի քարոտ. այժմ տեղ-տեղ գնում էին

ժայռերի միջով։ Որքան հրամանատարները շտապեցնում էին՝ վերելքն այնքան դժվարանում էր կարծես։

Այն դեպքերում, երբ թագավորն ինքը մասնակցում է երթին, մեծանում է հրամանատարների հոգսը. նրանք, բացի հրամանից, չեն համարձակվում ասել-խոսել։ Զինվորները սակայն, ինչպիսի պայմաններում էլ լինեն, առիթ և հնար են գտնում խոսելու, թեկուզ կիսաձայն, կցկտուր։ Եվ Արշակը, գնալով երբեմն նրանց միջով կամ նրանց կողքից, հաճախ լսում էր զուսպ խոսակցության բեկորներ. «Ինչո՞ւ եւթ շտապում այսպես»,— հարցնում էր մի զինվոր։— «Թշնամի՞ է եկել քաղաքի վրա, պարսի՞կ է, ի՞նչ»... — «Ասել չեմ կարող»,— պատասխանեց երեւի առաջին զինվորը։— Տեր սեպուհը չափով ոչինչ... «Իսկ ես կարծում եմ՝ մեծ է վտանգը»,— լսվեց մի այլ զուսպ ձայն։— Եթե մեծ չլինե՞ր՝ թագավորը չէ՞ր միանա մեզի»...

«Տրամաբանում է ճշմարիտ»,— մտածեց Արշակը նժույզը խթանելով։ Թեև նա չէր հազել երթերի ժամանակ սովորական զգեստները (արծաթագօծ զրահներ և դրանց վրա հովազի կամ վագրի մորթի, որ նրան անմիջապես տարբերում էր մյուսներից), և հագուստով պարզ էր՝ զորավարի պես, բայց և այնպես զինվորները ճանաչեցին նրան ձիուց և թիկնապահներից, ու խոսակցության այդ պահին մեկը, ձայնը ճնշելով, սաստեց խոսողներին.

— Լո՛ւռ, լո՛ւռ, թագավորը...

Արշակը, ձին ասպանդակելով, անցավ այդ վաշտի կողքով և ոչինչ չլսեց այլևս։ Որքան էլ վերելքը դժվարին էր, ճանապարհը անհարթ՝ նա այնուամենայնիվ շտապում էր շուտ հասնել և տեսնել ի՞նչ է կատարվում իր քաղաքում, ովքե՞ր են եկել նրա վրա... Թագավորից ետ չէր մնում իհարկե և նրա թիկնապահ գունդը, որի պեստ հորիսողունին շարունակ խրախուսում էր.

— Երա՛գ, երա՛գ...

Բայց որքան էլ ցանկային գնալ արագ՝ երկու օրվա ճանապարհը չէին կարող կտրել մի գիշերում, մանավանդ որ մութը դժվարացնում էր վերելքը։ Զիմացան ինչպես երեկոյն միջինց արագ, և այժմ սակավ աստղերով երկինքը կախվել էր մռայլ, լեռնային ուղին հազիվ էր նշմարվում այդ մութի

Մեջ, ավելի ճիշտ՝ ձիերը գտնում էին այն բնագլուղ և գնում խոր փնդոցով, սմբակաների ու լկամների ձայների հանելով, ու գիշերը թվում էր ձիերի երթով լցված, իսկ ճանապարհը անվերջ, անվախճան...

Որքան էին անցել՝ ոչ ոք ասել չէր կարող, երբ հորիսոտունին մուտքի մեջ առջևում նկատեց սև կերպարանքներ։ Մի՛ հիշքո՛ր էլ առաջ գնալով՝ նա ձին կանգնեցրեց և ասաց.

— Սակա՛վ մի սպասենք, արքա։

— Հոգնե՛լ ես արդեն։

— Ոչ, արքա, երևում են կերպարանքներ կասկածելի։

— Ուրեմն և պետք է պարզել ովքեր են,— ասաց Արշակը, աչքերով մուծը խուզարկելով։

Ու մի քանի վայրկյան հետո նրանք տեսան կանանց, մարդկանց ու երեխաների մի մեծ խումբ։

— Ովքե՛ր եք,— հարցրեց հորիսոտունին ձայնին խստու՛թյուն տված։

Եկողները, որ վախից կանգ էին առել, պատասխան չտրվին. և այն ժամանակ միայն, երբ դրանիկ գնդի պետը կըրկնեց իր հարցումը, առջևից լսվեց մի կերկիր ձայն.

— Փախուկներ ենք, տեր։

— Որտեղի՞ց,— հարցրեց արդեն Արշակն ինքը անհամբեր։

— Արշակավանի՛ց,— լսվեց այս անգամ ծերունական խզված մի ձայն։

Արշակի շունչն արագացավ, փոխվեց հեքի։

— Արշակավանի՞ց... Իսկ ի՞նչ է կատարվում այնտեղ։

— Կոի՛վ, թրաշողո՛ւմ, հրդե՛հ...

— Կոիվն սկսվա՞ծ է,— բռնկեց Արշակը մի տյնպիսի տիրական զայրույթով, որ կարող էր մատնել նրա ուլ լինելը, բայց ոչ ոք չճանաչեց նրան, և նա շարունակեց.— իսկ կայազո՛ւլ, բնակիչները կովո՞ւմ են արդյոք։

— Կովում են, տեր, բայց... թշնամին շատվորիկ է, ա՛ւենքը զենքով, բնակիչները՝ անպեն։

— Իսկ ի՞նչ է անում կառավարիչը։

— Կառավարում է, տեր։

— Կայազորի պե՞տը։

— Նույնպես։

«Ուրեմն դեռ ամեն ինչ կորած չէ», — մտածեց Արշակը և, չգիտես ինչու, ձիու սանձը քաշեց և աչքերը դարձրեց փախըստականներից: Չնայած մութն էր, բայց նա պարզապես խուսափում էր նայել իր հիմնած քաղաքից փախած, այդ վախվորած մարդկանց, որոնց հասած աղետի պատճառը համարում էր իրեն, իր անհոգությունը, որ արհամարհել էր զգուշացումները նախարարների թշնամական պատրաստության մասին: Թեև լուրերը նրան թվում էին չափազանցած, սակայն փախստականները կասկած չէին թողնում: Նա չկամեցավ այլևս հարցուփորձել. մտրակեց նժույգը և սուրաշ առաջ... Թվում էր՝ ցանկանում է մի երկու թռիչքով տեղ հասնել և կանխիկ աղետը:

Բայց Արշակավան հասնելու համար տակավին պետք է զնային ամբողջ գիշեր և ավելի, երկա՛ր, երկա՛ր... Եվ կհասնեի՞ն արդյոք օգնության, ինչպես և լիներ պետք էր շտապե՛լ, շտապե՛լ...

— Հայտնիր ամենրին՝ հեծելազորին և հետևակին, որ աճապարեն, — ասաց Արշակը դրանիկ զնդի պետին ու ինքը սուրաց առաջ:

Գունդը հետևեց նրան՝ հորխոռունու առաջնորդությամբ:

Դարձյալ մութն էր. աստղերը երկնքում առկայծում էին ժլատ ցոլքերով, չկարողանալով իրենց լույսը հասցնել երկրին և նվազ չափով անգամ լուսավորել ճանապարհը. ու այս պարագան կրկնապատկում էր Արշակի անհանգստությունը, և ոչ միայն նրա, այլև գորբի:

Անցնելով ևս մի փոքր տարածություն՝ նրանք հանդիպեցին փախստականների նոր խմբերի, որոնք առաջինների սսածներին ավելացրին առավել տազնապալի լուրեր, թե՛ կըռիվն արդեն քաղաքի մեջ է. թշնամին կոտորում է բնակիչներին, հրդեհում է տները...

— Իսկ ի՞նչ է անում կառավարիչը:

— Սպանված է, տեր:

— Կայազորի սլե՞տը:

— Վերավոր է...

«Պետք է շտապել, շտապել»...

Բայց գիշերը դարձյալ թվում էր անվերջ, անվախճան:

— Ե՞րբ է վերջապես բացվելու լույսը, — ասում էր եր-

բեմն այս, երբեմն մյուս զինվորը: Թվում էր ամենքը մտածում էին այդ մասին, ու լույսն ասես բերելու էր հանգստություն:

Մի քանի ժամ մութի մեջ գնալուց հետո բացվեց վերջապես լեռների առավոտը. մի կողմից սարերի զազաթները լուսավորվում էին, մյուս կողմը տակավին մնում մթամած, իսկ ձորերը լիքն էին մուժով, մշուշով, որոնց մեջ չէին երևում սնգամ գյուղերը, անտառները... Այնտեղ՝ ներքևում քնած էր ամեն ինչ, իսկ լեռների վրա բացվում էր լույսը: Զիեռն այդ զգալով վրնչացին տարբեր կողմերից և քայլերը արագացրին, մտածելով երևի հասնում են գնալիք տեղը, ուր պիտի հանգստանան: Չնայած ամենքը հոգնած էին անքնությունից ու ճանապարհի դժվարություններից, բայց թվաց լույսը եռանդ ու աշխույժ ներարկեց թե մարդկանց և թե ձիերին: Հետևակն արգեն մնացել էր ետ, հեծելագորը արագացրեց ընթացքը, իսկ Արշակն իր թիկնապահ գնդով սլանում էր արդեն առջևից: Նրան թվում էր, թե լուկ իր երևալը կարող է վախ ազդել թշնամիներին և քաղաքը փրկել: Պետք է շտապել, շտապել... — մտածում էր դարձյալ Արշակը ու դարձյալ սլանում ձիու սանձը թողած: Երբեմն միայն ետ էր նայում, ասես ստուգելու, թե որտեղ է գորքը. հետևում է իրեն, թե կանգ է առել սարալանջին: Իր գնդից մի քանի հողի միշտ ուղեկցում էին նրան, որ մենակ չմնա: Այդ ուղեկիցներից մեկը, իհարկե, Խորխոռունին էր, որ ձին վարում էր թագավորի նժույգին գրեթե զուգահեռ, բայց չէր համարձակվում լսել մի խոսք, թե իրենք հեռանում են գնդից և թե դա այնքան էլ ցանկալի չէ այս ամայի վայրում: Իսկ Արշակը, ձին վարելով, մտածում էր միայն, որ պետք է շտապել, շտապել...

«Զե՛մ ների ոչ մեկին: Երբե՛ք», — մտածում էր նա նժույգի վրա առաջ թեքված, հայացքը հեռուները, ցանկանալով կարծես, որ առաջինն ինքը տեսնի, թե ի՛նչ է կատարվում իր Ավանում:

Վերջապես այդ օրը՝ այն ժամին, եբ արևը թեքվում էր դեպի մուտքը, նրա առջև պարզվեց մի օտարոտի տեսարան. այնտեղ, ուր լեռների հարթ գոգավորություն մեջ Ավանը միշտ երևում էր շարքեր կազմած տներով, ծառերով, բլուրին բազ-

մած եկեղեցիով, այդ տարածությունը հիմա ճածկված էր ծխով, որի միջից երբեմն-երբեմն բարձրանում էին բոցեր՝ հրեղեն սյուների նման։

«Հավանաբար մարտը շարունակվում է քաղաքում», — մտածեց Արշակը և ձին կանգնեցրեց, որ ավելի լավ տեսնի։ Քայց որքան էլ լարում էր տեսողությունը՝ թե քաղաքում և թե նրանից դուրս մարդ չէր նկատում։ Անասուններ էին մի-այն հրեում հեռու դաշտում և լեռնալանջերին... Քայց երբ, փոքր-ինչ առաջանալով, հայացքն ուղղեց քաղաքի արևմուտյան կողմը՝ տեսավ մարդկային մի մեծ զանգված, որ շարժվում էր դեպի ձորահովիտը։

— Դիտիր, Վահան սեպուհ, և տես ի՞նչ է այն, — մատնացույց արավ Արշակը մոտը կանգնած թիկնապահ զնդի պետին։

— Զինված խմբեր են, արքա, — ասաց հորիսողունին աչքերը կկոցելով։ — Հեծյալ, հետևակ գնում են խառնված... Ո՛չ, ներիր, արքա։ Հեծյալները կարծյոք տանում են անզեն մարդիկ... երևում են և կանայք։

Արշակը ամեն ինչ հասկացավ կարծես, և առաջին բանը, որ զգաց՝ ծանր վիրավորանքի զգացումն էր. մի իսումբ ամբարիշտ նախարարներ եկել հրդեհել են իր հիմնած քաղաքը և ժողովրդին տանում են գերի... Քաղաքը, որ շենացրել էր արհեստներով ու առևտրով՝ մատնել են հրի ու սրի... և ինքը հիմա այդ պետք է թողնի՞ անպատիժ։

Շուրթերը կրծելով նայեց նա հեռացող բազմության, նայեց երկար, նայեց ուշադիր, ու այդժամ ինքն ևս նկատեց, որ իրոք հեծյալները շրջապատած տանում էին հետևակ մարդիկ... կանանց և տղամարդկանց. տանում էին, ինչպես ոչ-խարի հոտի...

Արշակը թերևս երկար նայեց այդ տեսարանին ու քաղաքին, եթե հանկարծ նրան չսթափեցներ ձիերի հախուռն մի ոտնատրոփ։ Նա վրդով ետ նայեց։ Սակայն նկատելով եկողը արքունական առաջին հեծելագունդն է՝ սպարապետի օգնական Զարեհ Ամատունու առաջնորդությամբ, հրամայեց, առանց Զարեհի ողջունին սլատասխանելու։

— Նայիր, տեր Ամատունի, — և Արշակը ձեռքը մեկնեց դեպի հեռացող մարդկային զանգվածը։ — Ահա քաղաքի թըշ-

նամինները: Բնակիչներին վարում են գերի: Հասիր և սրատիր ամենքին... սակայն այնպես, որ գերիները մնան անվնաս... Իսկ հեծյալների մի այլ խումբ թող շտապի հրդեհը մարելու...

Հեծելազորի մեծ մասը, կարկտաձայն սմբակահարելով լեռնային քարքարոտ ճանապարհը, սուրաց դիպի ձորահովիտը: Արշակը առժամ, ձիու վրա անշարժ հետևեց հովիտն իջնող հեծյալների ընթացքին, և երբ նրանք ցած իջնելով, անհրևութացան, նա շարժեց նժույզը և դարձավ դրանիկ զենդի պետին:

— Իսկ մենք գնանք Ավան:

Խորխորունին հետևեց նրան զինվորների մի խմբով:

Երբ թագավորը դրանց հետ մոտեցավ քաղաքին, ծուխը տակավին տարածվում էր նրա վրա. դեռ հեռվից զգացվում էր հեղձուցիչ խանձահոտ, իսկ երբ մոտան առաջին պատահած փողոցը, Արշակը նկատեց դիակներ, որ ընկած էին գետնին՝ փռչիների մեջ, տներն առաջ, պատերի տակ... Կային թե՛ տղամարդիկ, թե՛ կանայք. ոմանց կողքին ընկած էր նիզակ, ոմանց կողքին՝ մի երկար փայտ, իսկ մեծ մասամբ անգնն էին՝ հագուստների վրա և կողքի գետնին լերդացած արյուն. մի կին՝ ձեռքին քար սեղմած, մի ուրիշ կին՝ տղամարդու թևը գրկած... Պատահում էին այրված տներ, մխացող եղեգներ ու գերաններ... Ծխահոտն առհասարակ բռնել էր ամբողջ քաղաքը և ամեն քայլափոխին երևում էին դարձյալ դիակներ... և վախեցած կանայք, մարդիկ, որ դուրս էին գալիս ինչ-որ անկյուններից, թաքստոցներից:

Երևում էր, որ մարդիկ կուլել, պաշտպանել էին քաղաքը ինչով կարողացել էին և ընկել էին կամ վախից թաքնվել:

— Ստահակնե՛ր,— դուրս թռավ Արշակի բերանից:

Առաջ գնալով նա տեսավ դարձյալ տներ, որ այրվում էին: Հրդեհը հավանաբար սկսվել էր եղեգնյա պահեստներից ու մառաններից, ինչ կար յուրաքանչյուր տան մոտ, և դրանցից երևի բռնկել էին ծածրի հղեգներն ու գերանները: Այրվող տների մոտ հանդիպում էին կանայք, երեխաներ, որ ընակարաններից դուրս էին քաշում գորգեր, հագուստներ, կաշվոցներ և տնային մանր իրեր: Եվ ամեն տեղ, ամեն փուլացում դարձյալ հանդիպում էին դիակներ ու նվացող վիրա-

վորները։ Առանձնապէս ծանր ազդեց Արշակի և նրա հետևողների վրա մի տեսարան. երկու հոգի ժողովի եկած քաշում էին մեկի թիկունքը խրված նետը, և նա ճշում էր աղի-աղծր-սաձայն.

— Թողե՛ք, թողե՛ք... մի շարժեք...

Վիրավորը կին էր։

Արշակն շտապեց հեռանալ այդ տեսարանից և չլսել մահաւանդ վիրավորի ճիւղ։ Դա նրան թվաց նախատինքի պէս մի բան։

«Ո՛ր, բնավ չեմ ների...», — մտածում էր նա և առաջ գնալով հիշում, թե ո՛րքան հանգիստ ու գեղեցիկ էր Ավանը իր վերջին այցին, և որքա՛ն մարդ կար, որ նայում էին ամէն կողմից՝ բակերից, կտուրներից... Ո՞ւր են այժմ. թաքնված են, սպանված, թե գերեվարված... Ինչո՞ւ այսքան սակավ է մարդը, ինչո՞ւ ամայի են փողոցները և երեսւմ են միայն դիակներ, դիակներ՝ հագուստներով ընկած կողքի, ընկած երեսն ի վայր, ընկած մեջքի վրա... Մի տեղ, երբ Արշակը իր հեծյալ թիկնապահներով թեքվեց նոր փողոց՝ այդտեղ մահողիկ, կանայք, երեխաներ, նրան նկատելով, թողին վիրավորներին ու փախան ահարեկ։

Այս տեսնելով՝ թագավորի թիկնապահներից մեկը առաջ անցավ ձիավազ և կանչեց.

— Մի՛ վախեք, մի՛ վախեք, թագավորն է, թշնամի չէ...

Այս ձայնի վրա մագախոիվ ու հագուստը պատռտած մի պառավ ելավ փողոցում ընկած դիակի մոտից և սև, մրոտ ձեռքերը բարձրացրեց վեր. նրա երեսը նույնպէս սևացած էր մրից և այդ սևության մեջ նրա աչքերը փայլում էին արտակարգ փայլով։ Մի սլահ հայելով թագավորին՝ նա ճշաց հանկարծ.

— Արշակ թագավոր, Արշակ թագավոր, ինչո՞ւ դարձար մեր մահվան պատճառ։ Ինչո՞ւ բերիր մեզ այստեղ և չեկարօգնության։ Ինչո՞ւ, ինչո՞ւ...

Արշակը չկարողացավ ասել գեթ մի բառ։ Պառավի խոսքերից նա ավելի սեռայլեց և ձին շրջեց հակառակ կողմը գնալու։ Եթե մեկն այդ պահին ուշադիր նայեր նրան՝ կտեսնէր, որ նրա աչքերը մեղապարտի հայացք ունեն, իսկ ձեռքերը, որ պրկել էին ձիու սանձը, դողում էին նկատելի։

«Ո՛հ, շեմ ների... Յուրաքանչյուրը կատանա իր մահացու պատիժը, յուրաքանչյուրը»,— ասաց նա մտքում և հուզված խթանեց ձին այլ փողոց անցնելու։ Հազիվ մտել էր այդ նոր փողոցը՝ նկատեց, որ մի այլ պառավ եղեգներից խարույկ էր վառել և նրա բոցերի վրա բռնել էր փայտե մի խաչ։ Դա այնքան տարօրինակ էր, որ Արշակը մոտեցավ հետաքրքրված։

— Ի՞նչ ես անում, մայր,— կանգնեցրեց նա ձին։

— Թող այրվի՝ մոխիր դառնա ձեր խաչը... Ձեր նոր աստվածը սուտ է իր խաչով... Այնքան աղոթեցի կանգնած, աղոթեցի ծնրադիր՝ չօգնե՛ց, չօգնե՛ց։ Երկու որդուս սպանեցին, երեքին տարան գերի... Այրեմ, որ նորից գան հին աստվածները, հին աստվածները, որ միշտ օգնել ու փրկել են մարդոց ցավից, մահից... Եկեղեցի օծեցիք, որ մեզ պաշտպանի... Քանդեք՝ ավելորդ է, անգոր...

— Դարձյալ որդեկորույս է,— շշնջաց թիկնապահներից մեկը։— Ցնորել է։

— Ոչ, ցնորած չէ։ Հուսախաբ է թե՛ աստծուց, թե՛ ինձնից,— ասաց Արշակը՝ նորից հեռանալով։

Քաղաքից դուրս գալով՝ Արշակը երկար ժամանակ լուռ էր և մթնած։ Սպասում էր, թե ի՞նչ լուր կբերեն նախարարական գորբերին հետապնդող իր գնդից, որպեսզի որոշեր անելիքը։ Նա սպասում էր և համոզված էր, որ իր գունդը պիտի ջախջախեր նրանց, և գերիներին ազատելով բերեր քաղաք։ Կցանկար միայն, որ գերիների հետ կալանած բերեին և հանդուգն նախարարներին, այն մարդկանց, որ պատճառ էին դարձել քաղաքի այս ծանր աղետին... Ա՛խ, բերեին մի...

Արշակի սպասումը երկար շտուկ էր ար հետևից ձորահովտից բարձրացան մեկ-երկու հեծվոր, որ գալիս էին սակայն տարօրինակ խուճապած ընթացքով... Թագավորի թիկնապահներից մի քանիսը, դրանց հետ և Վահան հորխոռունին, եկողների տեսից ու ընթացքից կոահեղով ինչ-որ, գնացին ընդառաջ։ Եվ եկողները, առանց հարցումի սպասելու, հայտնեցին տխուր.

— Մերայինները պարտվում են...

— Նրանք բազում են, մեր ձիերը հոգնած...

Եկողներից մեկը Զարեհ Ամատունու օգնականն էր՝ Ան-

գեղաց իշխանիկը: Երբ նա այլայլված, ամոթահար զեկուցեց իրենց վիճակը՝ սպիտակուցները փայլեցին Արշակի երեսին, և նա հրամայեց.

— Տար երկրորդ գունդը: Գերիներին ազատեք, ոտամարակներին կալանեք:

Այդ պահին իրոք աղմկալի ոտնատրոփով մոտենում էր հեծյալ երկրորդ գունդը: Դա հազիվ էր հասել և փորձում էր կանգ առնել, Անգեղաց իշխանիկը հրամայեց.

— Հետևել ինձ, — ու ինքը ձին դարձրեց դեպի ձորը:

Եվ նոր եկած, հոգնած հեծելագունդը քառատրոփ հետևեց նրան:

Ճանապարհը Արշակավանից իջնում էր ձորամեջ և գնում դեպի Բագրևանդ. գնում էր կեռմաններով կամ մերթ քարձրանում բլուրները, մերթ իջնում, և միառժամանակ երևում էր, թե ինչպես մի մեծ բազմություն է գնում այդ անհարթ ճանապարհով: Մայր մտնող արևը փայլեցնում էր նիզակներ ու տեգեր, և միևնույն ժամանակ ոսկեվորում փոշու ամպերն այդ ճանապարհի վրա: Սրատես զինվորները տեսնում էին թե՛ նիզակավոր հեծյալներ և թե՛ անզեն ու հետևակ բազմություններ: Իսկ դրանց զուգահեռ սարերի լանջերով գնում էին ինչ-որ հետևակ խմբեր՝ նույնպես նիզակավորված... Այն հարցին, թե ովքեր էին դրանք, նոր հայտնված բնակիչներից մեկը բացատրեց, թե ձորով գնացողները նախարարական հեծյալներ են, որ գերեվարում են քաղաքի բնակիչներին, իսկ սարալանջերով գնացողները այդ գերիների ազատ հարգատներն են, որ ցանկանում են երևի տեսնել, թե ո՛ր են տանում գերիներին կամ... մտադիր են գուցե հարձակումով ազատել նրանց...

Երբ Զարեհի օգնական Անգեղաց իշխանիկը երկրորդ գունդը առաջնորդեց դեպի իշխող բլուրը՝ Արշակը նեծույգի վրայից հրամայեց խստաձայն.

— Օ՛հ, հառա՛ջ...

Եվ գունդը, որքան էլ հոգնած, սուրաց առաջ դեպի ձորահովիտը, թվում էր, թե նախարարական ուժերը, տեսնելով այդ նոր հեծվորներին, պիտի հեռանային խուճապած, բայց նլանք շարսեցին: Ընդհակառակը. գերի տանող խմբերը, նկատելով նոր արշավող արքունական հեծվորիներին, նախ

կանգ առան, ապա ձիերի գլուխը շրջեցին ետ մի ակնհայտ նպատակով՝ եկողներին դիմադրելու... Դրա հետ միաժամանակ նկատվեց մի այլ բան. սարալանջերով գնացողները, տեսնելով արքունական այրուծին, սկսեցին իջնել արքունի զորքին միանալու։ Նրանց առաջնորդում էր սաղավարտով և զրահ հագած մեկը, որ երկարավուն մի նիզակ ուներ ձեռքին։

Արշակ թագավորը, որ թիկնապահներով շրջապատված, մի բլրի վրայից, իր սև նոժուգի վրա արձանացած, ակնդեռ հետևում էր այս ամենին, զարմացավ, որ հեռացող այդ զորամասը սարալանջից իջավ և միացավ իր զորքին։ Նրա թուխ դեմքը կծկվում էր շուտ-շուտ, իսկ աչքերի սպիտակուցները խաղում էին շարունակ։ Արշակն սպասում էր, թե իր հեծյալները առաջին իսկ հարձակումով կրնկճեն նախարարական ուժերը, կազատեն գերիներին և կկալանհեն ապստամբ նախարարներին կամ... կհալածեն նրանց մինչև իրենց կալվածները ու... այնժամ ինքը դատաստան կտեսնի նրանց հետ։

Բայց հակառակորդը անձնատուր չէր լինում. նա դիմադրում էր կատաղի և գետին տապալում արքունի զինվորներին, Շուտով նետածգություն սկսվեց երկու կողմից, և ձորահովիտը լցվեց խուլական աղմուկով՝ մարդկային ահավոր կանչերով, գնդերի նշկահումով և ձիերի վրնջյունով։

Բախումը կատաղի էր. հակառակորդները, մի նետընկեց տարածություն իրարից հեռու, ձիերի վրայից անընդհատ նետեր էին արձակում միմյանց դեմ և ահեղաձայն խրատուսում յուրայիններին.

— Զս՛րկ, զս՛րկ...

Տեսնում էր այս Արշակը հեռվից, լսում էր աղմկալի ձայներ և ատամները սեղմում այնպես, որ մկանները խաղում էին երեսին։ Նա կուգեր բարձրաձայն հրամայել, որ չվախենան և առաջ գնան իր զինվորները և շխնային ոչ ոքի. բայց զսպում էր իրեն, սպասելով, թե ահա ուր որ է կկատարվի իր ցանկությունը...

Սակայն հակառակորդը տեղի չէր տալիս։ Ընդհակառակը, նոր ուժեր, նոր խմբեր էին վերադառնում ճանապարհից և մասնակցում դիմադրության։

Միառժամ նայեց Արշակը լարված, դեմքն ու ձեռները

պրկած, հետո նրա անհանգստությունն ասես անցավ տակի՝ նժույգին. կենդանին սկսեց ոտքերը վեր ու վար անել, գլուխը թեքել, վիզը ոլորել այս-այն կողմ ու ձգվել առաջ, Դա կարծես խթանեց Արշակի կամքը. նա ասպանդակները սեղմեց ձիու կողերին, և նժույգը բլուրից սուրաց ներքև. նրա հետ և թիկնապահներն ձիերը:

Կողմերի բախումն ընդունում էր վտանգավոր կերպարանք. նրանք բլուրներից ու ճանապարհից տարածվում էին դեպի հովիտը:

— Ուղարկել սուրհանդակ, որ հետևակը գա օգնության, և անմիջապես— հրամայեց Արշակը հենց ընթացքի միջոցին:

Բայց կռիվը մի օրում չլիերջացավ, ինչպես սպասում էր Արշակ թագավորը: Այնքան էլ դուրին գործ չէր ընկճել ապրստամբ նախարարներին: Հետևյալ օրը կռիվը տեղափոխվեց Կոգովիտ և դարձավ ավելի կատաղի...

* * *

Կոգովիտ...

Մեծ չէ Հայոց Աշխարհիս այս հովիտը, որ հնուց ի վեր եղել է մեծամեծ կռիվների ու բախումների ասպարեզ հայերի և օտար նվաճողների միջև: Ամենից ավելի հայերն այստեղ բախվում էին պարսիկների հետ, երբ նրանք, սահմանը խախտելով, խուժում էին հայոց երկիրը: Թշնամուն դիմադրելու առաջին վայրերից մեկը միշտ լինում էր Կոգովիտը, որի հին անունն իսկապես Կոգի հովիտ էր: Նրա միջով հոսում է համեստ Ձկնգետը, որ գալիս է Ձկնալճից. իսկ նրա երկու կողմը երկինք են խոյանում կապտաժեռ լեռներ՝ սևապցած կատարներով, որոնց գլխին ձյուն անգամ չի նրստում—այնքան սուր են և ուղղահայաց այդ կատարները: Դրանցից մեկը կոչվում է Նղջերք, որի գլխին ցցված ժայռերը նման են իրոք եղջյուրների:

Հովիտը թեև բարեբեր չէր, բայց ուներ շատ գյուղեր, որոնք ապրում էին սակավաբեր հողերի եկամուտով և այն բարիքով, որ տալիս էին նրանց հովտի շուրջը, լեռների փեշերին եղած լճերը. մեկը դրանցից կոչվում է Կարմիր լիճ,

Մյուսը՝ Սպիտակ լիճ, Էրբորդը՝ Անհատակ լիճ, իսկ շորորորդը՝ Սագաց լիճ:

Գյուղերն այստեղ իրարից հեռու չէին. նրանց միմյանցից բաժանում էր հագիվ կես փարսաղ կամ ավելի քիչ տարածություն: Գետի աջ կողմը Մարդուցանն էր, նրանից քիչ հեռու՝ Դարակը, ապա գալիս էին Արանցը և մյուսները: Իսկ գետի մյուս կողմը Սարակն էր՝ ուռիների մեջ կորած, ապա Թեփերվիզը, որ միայն բարդիներ ուներ և վիթխարի ընկուզենիներ: Սրա այն կողմը երևում էր Թոնդրակը, որ իր անունն ստացել էր Թոնդրակ սարից, այն սարից, որ տասը-քսան տարին մեկ արթնանում էր քնից և ձուխ ու գուլարի արծակում, ինչպես մոլի ծխող մի հսկա, որ ծխում է արվանակալուն պես:

Նշանավոր էր այստեղ և Դարոնք ամրոցը, որ պատկանում էր Բագրատունի իշխաններին: Այս բերդի բարձունքից նայելիս առաջին պահ երևում էր արծաթափայլ Զկնգետը, ապա նրա երկու եզերքին շարված, ծառերով քողարկված գյուղերը՝ իրենց արտերով ու բանջարանոցներով, որոնց վրա միշտ արև կար և խաղաղություն: Այդ գյուղերի անդարձը վրդովվում էր միայն այն ժամանակ, երբ պարսիկները խուժում էին հովիտը:

Այժմ սակայն դրանք բոլորը տագնապի մեջ էին, առանձնապես Թիր և Արանց շեները:

Հայոց նավասարդ ամիսն էր. տաք պայծառ օրեր էին, լող գիշերներ, լայնածածան, հասունացող արտերը օրեօր սպիտակում էին, և ինչպես ամբողջ հովտում, այնպես էլ Թիր և Արանց շեներում սպասում էին, թե արտերը կհասնեն շուտով և քաղը կսկսեն. ու աղոթում էին, որ տերը խնայի իրենց և ցանքերը գերծ պահի կարկուտից ու այլ աղետներից... Եվ որովհետև կոզեցիների ապրուստը հացահատիկն էր ու բանջարեղենը, ուստի և նրանք իրենց ցանքերը մշակում էին մեծ խնամքով. դաշտերում երևում էին տղամարդիկ միշտ թաշ բահերով և կանայք ու աղջիկներ՝ գուլնզգույն հագուստներով, և ամեն կողմից լսվում էր երգ, ծիծաղ:

Այժմ սակայն մի շաբաթ էր ամեն աշխատանք դադարել էր հովտում:

Մի շարաթ էր հայերը կռվում էին հայերի դեմ. թագավորական գնդերը՝ նախարարական զորքերի դեմ:

Առաջին օրը մարտն անավոր էր, արյունահեղ, երկու կողմից եղան շատ զոհեր: Այժմ նույնպես կռվում էին կասաղի ու մուլեգին. մերթ մի կողմն էր առաջ գնում, մերթ՝ մյուս: Ծթի կողմերից մեկն ընկճվում էր, նահանջում էր արտերը տրորելով, իսկ հակառակորդը քառատրոփ հետևում էր նրան, շնայելով ոչ արտի, ոչ բանջարանոցի: Յուրաքանչյուր կողմ ցանկանում էր մի բան՝ ընկճել, վնասել հակառակորդին. արտերը մինչև իսկ տհաճութուն էին պատճառում նրանց, խանգարում էին, որովհետև ձիերի ոտները խրվում էին փափուկ սևահողի մեջ:

Շինականները սարսափի մեջ էին. դա համարում էին աստծու պատիժ և անհեղ կարկուտ... Կարկուտը մի օր է խլիում, իսկ այս կռիվները՝ թվում էր վերջ չունեն: Կար ավելի վատթար. թե նահանջողները և թե հետապնդողները երբեմն դալիս անցնում էին գյուղի միջով և այդ ժամանակ շինականները, ձիու ոտքի տակ շրնկնելու համար և, պատահաբար, նետահար լինելու երկյուղից, թաքնվում էին, ուր կարող էին, բայց և ուրախանում էին, որ հեռացան: Թվում էր՝ գնացին ընդմիջտ և իրենք կազատվեն... Սակայն չէր անցնում մի ժամ, երկու ժամ նորից ձիերի ոտնատրոփ. հետապնդողները կրկին ետ էին դառնում հետապնդված ու կամ դիրք մտնում գյուղում, կամ ձիերը կանգնեցնում՝ եկողներին դիմագրավելու: Ու բախումն սկսվում էր նորից՝ բարձր աղաղակներով ու կանչերով: Կողմերը զինված էին միևնույն զենքերով՝ նետաղեղ և նիզակ: Երբ շատ մոտենում էին իրար՝ նետի փոխարեն գործի էին գնում նիզակները, ապա, մի քանի դիակ ու վիրավոր թողնելով, կրկին հեռանում, մտնում էին արտերը՝ հարմար տեղ բռնելու:

Այսպես էր լինում ցերեկը: Իսկ գիշերը, երբ կռիվը դադարում էր մութի պատճառով, շնի մոտ կամ շնի մեջ գրտնըվող զինվորները—լինեին արքունական, թե նախարարական—տնետուն ընկած պահանջում էին հաց, կերակուր, կաթ կամ անասուն: Այս տեսնելով՝ շինականները ոչ միայն իրենք էին թաքնվում, թաքցնում էին թե հաց, թե ցորեն և թե ամեն ուտելիք: Օ՛, եթե հնար լինեիր թաքցնել և խոտը... Զինվոր-

ները, առանց ասերերի հարցնելու, բարձրանում էին դեզերի գլուխը և խոտը թափում ձիերի տուփ, կամ՝ պարզապես ձիերը բերում-կանգնեցնում էին դեզերի առջև, և նրանք շորս կողմից դձգն այնպես էին կրծում, որ նա կամ փլվում էր փորը թափված, կամ նմանում էր հսկայական սունկի:

Երեք օր առաջ կռիվը Արանց գյուղի մոտ էր. երեկ սահայն արքունական զորքերը, նեղելով նախարարական ուժերին, հասել էին Թիր գյուղին, և այժմ կռիվը ծավալվում էր նրա դաշտում...

Արքունական գունդը կանգնած էր գետեզերքից դեպի սարի ստորոտին ընկած տարածություն վրա, արտերից փոշրինչ հեռու, մի բաց տեղ, որ իրոք հնձած խոտի խոզաններ էին, իսկ նախարարական զորքերը բռնել էին գյուղի առջևը, ուր արտերը վերջանում՝ սկսվում էին բանջարանոցներն ու կայստեղերը:

Թագավորի վրանը խփել էին Թոնդրակի լանջին, որտեղից հրևում էր գրեթե ամբողջ հովիտը՝ իր շենքերով, ծառաստաններով և միակ գետով, որ ոլորվում էր շենքերի մոտով, գետը թվում էր առասպելական մի օձ վիթխարի, որ արծաթյա մեջքը փայլեցնելով, սողում է առաջ, մի զոհ գտնելու: Լուսի առաջին օրը Արշակն ինքը կիպ հագնված, առանց սովորական թիկնոցի, գորքին միացած, խրախուսում էր նրան. «Չխնայե՛ր, հոտորե՛լ տիրանեն՞գ ապիրաւենբերին»... Այժմ սահայն, գորավարների խնդրանքով, մնում էր մարտից հեռու. հորեմն միայն, մարտին նայելու համար, կանգնում էր կամ վրանի առաջ, կամ՝ իր սե նժույգը նստած, առաջ էր գնում բավական տեղ, որ գինվորնիքը տեսնեն իրեն և խիզախեն... Նայում էր և հաճախ նեղսրտում, որ իր վշտերը չեն կարողանում հաղթել հակառակորդին: Իսկ գիշերը բարկությունն ու զայրույթը չէին թողնում նրան քնելու: Այդ պահերին հաճախ հիշում էր Փառանձեմին ու մտածում, թե ի՞նչ լուր կարող էր ուղարկել նրան:

Պատահում էր երբեմն կանչում էր Եզր դպրին, որ նամակ թելադրի Փառանձեմին, բայց ձեռքը թափ էր տալիս միշտ. «վաղը»... Եվ այդ վաղերը կրկնվում էին, քանի որ չկար տակավին ուրախառիթ մի բան, որ հայտներ թագուհուն... Այնինչ Արշակը կարծում էր մինչ այդ, թե ինքը մի

քանի օրում կրնկճի և գերի կառնի ապստամբ նախարարներին և կռիվները կվերջանան: Բայց դրանք շարունակվում էին դեռ և ոչ ոք չէր կարող ասել, թե ի՞նչ կլինի վաղը...

Սանր հոգեկան վիճակի մեջ էին և զինվորները: Ցերեկները կռվում էին, գիշերները օրվա հագուստով, զրահներով մեկնվում գետին հանգստանալու. բայց օրվա տպավորությունները երկար ժամանակ թույլ չէին տալիս ննջելու: Վերև առողազարդ երկինքն էր, շուրջը մերկ լեռները, դեմը՝ հակառակորդը... և յուրաքանչյուր զինվոր մտածում էր, թե ի՞նչ կլինի արդյոք վաղը. ինքը ո՞ղջ կմնա արդյոք, թե կընկնի վիրավոր կամ անշունչ, ինչպես շատերն էին ընկել այսօր, երեկ, մյուս օրը... Իսկ բոլորը երազում էին, թե ե՞րբ պիտի վերջանա այս անակնկալ, տարօրինակ կռիվը, ուր հայը կռվում է հայի դեմ...

Մարտերը վարում էր Զարեհ Ամատունին՝ իր օգնական Անգեղաց իշխանիկի հետ, որ ամիսներ առաջ, իշխանաժողովից անմիջապես հետո փախել էր թագավորի մոտ և հայտնել նրան նախարարների խորհուրդը: Երկուսն էլ հագնում էին զրահներ, որ ասես շինված էին ձկնաթեփերից, իսկ սաղավարտները միակտուր պողպատից էին: Ամեն երեկո, դադարից հետո, հարյուրապետները գալիս էին Զարեհի մոտ՝ հրահանքներ ստանալու, թե ի՞նչ պետք է անել վաղը: Դրանից հետո Զարեհը օգնականի հետ գնում էր թագավորի մոտ վաղվա անելիքի ծրագրով: Միասին միջոցներ ու հնարներ էին խորհում վաղը գործադրելու, որ ընկճեն հակառակորդին: Խորհում էին ռազմական ամեն կարգի խորամանկություններ, բայց Արշակը դարձյալ հրամայում էր միևնույնը.

— Ինչպես կամենաս, միայն սրատիր և գերի չարագործներին...

Եվ Զարեհ Ամատունին, որքան ներում էին իր երիտասարդական փորձն ու խելքը, գնդի կռիվը վարում էր եռանդով, բայց հակառակորդը համառ էր. եթե երբեմն տեղի էր տալիս, մեկ-երկու էլ ինքն էր անցնում գրոհի՝ նետերի տարափ թափելով և ձիերը սրընթաց քշելով հասունացող արտերի միջով, ինչ շինականներին պատճառում էր անասելի վիշտ ու տխրություն:

— Անօրեն անասավածներ,— մրմնջում էին նրանք:

— Կոիվ ունեն՝ կովեն իրարու հետ, ի՞նչ կուզեն մեզնից:

— Բավական չէ տանում են հաց, խոտ, տրորում են և հասուկ արտեր: Ցասո՞ւմ է աստվածային:

Գյուղում կային արագիլներ, որ բներ ունեին բարձր ծառերի ճղների արանքում. նետաձգության ժամանակ բնի մեջ մի ոտի կանգնած նայում էին կովին և երբեմն կափ-կափում: Նրանց այդ կափ-կափը թե շինականներին և թե կրովողներին թվում էին մերթ դժգոհություն, մերթ նախատինք, մանավանդ, երբ նրանք այդ կափ-կափով բնից հեռանում էին ձիավազ արշավի կամ նետաձգության ժամանակ: Վերջերս մեկը դրանցից սպանվել էր Թիր գյուղում, և շինականները իրենց բարեկամ թռչնի այդ սպանությունը համարում էին չարագուշակ:

— Անե՛ծք է գալու և աղետ...

Դրանից հետո, երբ ամեն անգամ կոիվն սկսվում էր, այսինքն, երբ ճանապարհներին լսվում էին ձիերի դոփյուն, կովողների աղաղակներ՝ շինականներին թվում էր, թե երկիրը շարժվում է, թվում էր Թոնդրակ լեռը նորից սկսել է գործել... Այդ ձայներից գյուղի շներն սկսում էին հաչել, բարձրացնելով մի անասնի իրարանցում ու վիվուկ: Դա ավելի էր ազդում շինականների վրա, և նրանք չէին կարողանում հասկանալ, թե ի՞նչ պատուհաս է դա. երկնային ցասում չէ՞ արդյոք... Եթե կապույտ երկնքից կարկուտ տեղարձայնքան չէին զարմանալ— Հայը հայու դե՞մ... Պարսիկը հասկանալի է. բայց հայը հայու դե՞մ...

Շինականների սիրտը ճմլվում էր մանավանդ արտերի ոտնահարումը տեսնելով, և նրանք հաճախ հարցնում էին իրար.

— Ե՞րբ են հեռանալու, աստված... ե՞րբ...

Նույնը հարցնում էին երկու կողմի զինվորներին: Զինվորները լգիտեին ի՞նչ պատասխանել. նրանք էլ ցավում էին տրորվող արտերի համար, սակայն ոչինչ անել չէին կարող:

— Անհայտ է... Սպասենք տեսնենք...

Եվ իրոք, տպավորությունն այնպես էր, թե սպասում են կարևոր մի բանի. բանակատեղից շարունակ դետեր էին գնում այս-այն կողմ՝ ձիով թե հետևակ. երկար, ուշիուշով նայում էին ու վերադառնում: Երբեմն էլ այս կամ այն կողմից մեկ-

երկու գինձոր բարձրանում էին սարը և նույնպես դիտում հեռուները: Բնչ էին փնտրում՝ շինականները դժվարանում էին գուշակել:

Բայց հանելուկը շուտով պարզվեց:

Կողմերից յուրաքանչյուրը սպասում էր օգնության, և ո՛ր կողմը օգնություն էր ստանում՝ նեղում էր մյուսին:

Շինականների նման արքունի գինձորներն իրենք էլ տարակույսի մեջ էին, թե ինչո՞ւ է ձգձգվում կոխվել, ինչո՞ւ թագավորը միանգամից մեծ ուժեր չի բերում և խորտակում նախարարներին. չէ՞ որ նրանք մեծ բանակ չունեն, ինչպե՞ս են դիմանում... Այս մասին առանձնապես խոսում էին քաղաքի այն տղամարդ բնակիչները, որ միացել էին արքունական զորքին, և մանավանդ Թորգոմը: Սա զարմանում էր, որ թագավորը հանդուրժում է այդ վիճակը. ինքը միշտ ամենազոր էր կարծել թագավորին, բայց ահա... ինչո՞ւ չի կարողանում հաղթել նախարարներին. ի՞նչն է խանգարում, — մտածում էր Թորգոմը տարակուսով:

Բայց այստեղ ընթերցողը կհարցնի, թե այդ Թորգոմն ինչպես հայտնվեց արքունի բանակում:

Ընթերցողը երևի կհիշի, որ հրե արքունական զորքը հասավ քաղաք՝ շատերը նկատեցին, որ ձորաճամփով հեռացող, գերիններ տանող զորքերին զուգահեռ սարի վերին լանջով գնում էր գինձած մարդկանց մի մեծ խումբ, որը երբ տեսավ արքունի զորքին, իջավ իսկույն մի սաղավարտով մարդու առաջնորդությամբ: Այդ սաղավարտով մարդը Թորգոմն էր: Խումբը իջավ, միացավ արքունի զորքին և անմիջապես սկսեց կռվել թշնամու դեմ: Թորգոմի հետ էին և շատ ռիթմիսիներ, նաև իր ընկերներ Նովսեփն ու Վարդանը և սրա Նուսիկը, որ, ինչպես գիտեք, քաղաքի կռիվն սկսելու պահից հոր մոտ էր: Այս Նուսիկը... որքա՜ն հոգս պատճառեց նա հորն ու նրա ընկերներին իր կամակորույթյամբ... Մոր հետ չգնաց, բայց երբ հայրը և ընկերները, զգալով մոտալուտ վտանգը, ուղեցին վերջապես ճամփել տուն, փողոցը փակվեց, այսինքն՝ նախադարձական հեծվորները խուժեցին փողոց և հայրն այլևս չթողեց նրան, վսիխենալով, որ ձիու տակ կրնկնի կամ պարզապես նետահար կլինի մի տեղ... և Նուսիկը մնաց՝ թուրք ձեռքին... Միառժամ մնաց այդպես, հետո թուրք փաթաթեց մի լաթով, որ

եկողները չխնեհանկարծ: Իմ այնուհետև էլ չկարողացա՛վ գնալ տուն. ո՛ր կողմը նայում էր՝ կռիվ էր, աղմուկ, հայհոյանք... Ու հետևում էր միայն հորը. ուր գնում էին հայրն ու ընկերները՝ գնում էր և ինքը:

Այստեղ էլ ահա հոր մոտ էր: Վարդանի համար նա մի ծանր, մշտական հոգս էր. ամեն անգամ կռվի գնալուց առաջ նրան հանձնարարում էր մեկին, որ նայի և շթողնի հեռանալու: Բայց պետք է ասել, որ նրա մասին հոգում էին հոր շահի թե Հովսեփը և թե՛ մանավանդ Թորգոմը, որ հաց, ուտելիք էր բերում նրան և միշտ զգուշացնում, որ երբեք առաջ չգնա, այլ մնա վրանների մոտ և սպասի իրենց:

— Հապա թո՛ւրս,— հարցնում էր Հուսիկը մտահոգ:

Նա այդ ասում էր հորը. նրան թվում էր, որ եթե իր թուրը տանեն՝ ավելի շատ թշնամի կսպանեն և կհաղթեն: Բայց հայրը միշտ մերժում էր. «Քո թուրն էստեղ սլետք չի: Պահիր դեռ, դրա ժամանակը գա»... Հուսիկը տխրում էր, որ թուրը պետք չի գալիս: Հապա էլ ինչո՞ւ բերա՛վ... Իսկ Թորգոմն ասում էր.

— Թուրդ պահիր փաթաթած: Զբացես: Եթե հարցնեն՝ ի՞նչ է. կասես՝ իմն է, Թորգոմինը:

Հուսիկը լսում էր և մնում նշված տեղում նստած, երբ հայրը, Թորգոմը և ընկերները գնում էին թշնամուն քշելու:

Սկզբում թե Թորգոմը և թե Հովսեփն ու Վարդանը ձի չունեին, կռվում էին հետիոտն, երբեմն սողեսող: Բայց մի քանի օր հետո նրան և ընկերներին տվին վիրավոր և սպանված զինվորների ձիերը, և այնուհետև նրանց էլ հրաման էին տալիս և ուղարկում այս-այն կողմ, ինչպես իսկական զինվորի:

Այժմ Թորգոմն այն չէր, ինչ կռից առաջ. նիհարել էր, մազակալել ու սևացել. շաբաթներով զրահ, սաղավարտ չէր հանում. քնում էր ինչպես պատահում էր. նա երբեք զինվոր չէր եղել, բայց վերջին տառը օրվա կռիվների մեջ ընտելացել էր նեատածգության և, ընկերների ասելով, զարկում էր անվրնպ: Նա աղեղը լարում էր միշտ ատամները սեղմած և նետն արձակում միայն այն ժամ, երբ համոզվում էր, թե՛ անպայման կզարկի: Նա իր բարկությունն ու զայրույթը ար-

տահայտում էր նետ արձակելով, որի ժամանակ և հայհոյում էր, ցանկանալով զարկել գեթ մի նախարարի, մի որևէ նախարարի, որ, ինչպես ինքն էր ասում, «սիրտը հովանա», որովհետև, ինչպես ամենքը, ինքն ևս նրանց էր համարում աղետի պատճառ։ Փախուստից հետո ծանր աշխատանքով գլուխ էր բերել մի տուն և հազիվ պիտի ապրեին հանգիստ—այդ նախարարները տակնուվրա արին ամեն ինչ։ Եվ նա գրեթե ամեն ժամ հիշում էր քաղաքում սպանվածներին և ապա մորը, Մինային, սրա հորը, մտածելով, թե արդյո՞ք ո՞ւր կլինեն նրանք այժմ—մնացի՞ն քաղաքում, փախա՞ն մի կողմի վրա, թե նախարարական զորքերը տարան գերի...

Թորգոմը հաճախ էր մտածում այդ մասին, որովհետև քաղաքից մեկ-մեկ եկողները բերում էին ամեն տեսակ լուրեր։ Ոմանք ասում էին, թե արքունի զինվորները արդեն, բնակիչների հետ հանգցրել են հրդեհները, ոմանք էլ թե՛ շատ ընտանիքների հենց կովի ընթացքում քաղաքից հեռացել են շեները, հեռանում են և հիմա։ Իսկ ոմանց, ասում էին, տարել են գերի։ Թորգոմը մի քանի անգամ հետաքրքրվեց յուրայիններով։ Եկողներից ոչ մեկը նրանց չէր տեսել, և Թորգոմը մտառանջությամբ մեջ էր։ Պետք էր իմանալ, թե ո՞ւր են հարազատները, ի՞նչ են անում, ունե՞ն մի կտոր հաց։ Գուցե և իր նոր տունը նույնպես հրդեհվել են, և նրանք մնալով են անօթեան...

Այս հարցերն այնպես էին տանջում Թորգոմին, բոլոր մի անգամ հարցրեց Վարդանին.

— Մերոնք ինչպես կլինեն, չգնա՞նք տեսություն...

Եվ Վարդանը պատասխանեց.

— Ինքս կուզեի, բայց վաղը իցե վերջանա...

Եվ Թորգոմը չգնաց, սպասելով, թե կռիվը կվերջանա այսօր—վաղը և բոլորը կվերադառնան միասին։

Սակայն Թորգոմը երկար չէր կարողանում մտածել այդ մասին. թվում էր՝ ինչ-որ մի բան բռնում էր կոկորդը և նա դրանից ազատվելու համար վերցնում էր նետ-աղեղը. վրչալը կարծես ցրվում էր նետաձգումով. թվում էր՝ միայն վրեժ-խորհրդովունն է ուժ տալիս նրան և պահում։

Ընկերները թեև զինվոր չէին, բայց անում ու կատարում էին այն ամենը, ինչ անում էին արքունական վաշտերի ղին-

վորները. նրանց հետ գնում էին կովի, նրանց հետ մասնակցում էին կերակուր պատրաստելուն, նրանց հետ պահակություն էին անում, ջուր էին կրում կամ ձիերը տանում ջրելու:

Եվ ահա Թորգոմը նշանակված էր գիշերապահ: Ինչպես մյուս պահակները, այնպես էլ ինքը պետք է հսկեր քնած զինվորների շարքերը և միաժամանակ նայեր թշնամու կողմը և այնտեղ որևէ շարժում տեսնելիս՝ իմացներ իրենց գլխավորին:

Մեղմ գիշեր էր. երկինքը ծածկված էր մթին ամպերով: Մի հիսուն-վաթսուն քայլի վրա չէր երևում ոչինչ. գալիս էր միայն գետի զով ձայնը և շների դժգոհ հալը: Երբեմն էլ հասած արտերն էին սվսվում ու շրշում, որ սպիտակին էին տալիս մի որոշ տարածություն, ապա գնում-ձուլվում մութին: Երբեմն, երբ հովից չէին օրորվում, թվում էին մեծ, փոված խսիրներ: Ցերեկները հաճախ լորերը թռչում էին դրանց միջից—ֆլոռո—ու գնում-թաքնվում, կամ լսվում էին մորեխների ձայն, իսկ գիշերը, ինչպես հիմա, ծղրիղների, Բայց այդ բոլորի վրա կարծես իշխում էր հեռու Ձկնդետի խուլ, միապաղաղ շառաշը:

Ինչպես միշտ մենակության պահերին՝ այս գիշեր էլ հազար ու մի մտքեր էին անցնում Թորգոմի գլխով. հիշելով մորը, Մինային և նրա հորը՝ ցավում էր, որ քաղաքից հեռանալիս մի պահ, գեթ մի վայրկյան չգնաց նրանց տեսնելու, խորհուրդներ տալու, թե ի՞նչ անեն, ուր գնան կամ ուր պահվեն: Բայց այդ մտքերի հետ միաժամանակ իսկույն էլ հիշում էր, որ տուն գնալ բնավ չէր կարող. հարձակումը կատարվեց այնպես անսպաս, որ ժամանակ չեղավ՝ մեկն իր ցանկությունը կատարի...

Մտածում էր Թորգոմը և գնում գալիս մի գծով, որի աջ կողմը արտերն էին, մյուս կողմը՝ քնած զինվորները մի տասը-քսան քայլ հեռու: Քայլում էր Թորգոմը դա՛ դաղ, հասնում էր մի կետի և վերադառնում, բայց շարունակ նայում շուրջը: Ին ո՞ր պահն էր գիշերվա՝ նա չէր կարող իմանալ, բայց մի դարձի հանկարծ արտերի սպիտակության մեջ նկատեց մի ինչ-որ սև բան (կամ, ինչպես նրա մայրն էր ասում, մի սևիք), որ գյուղի կողմից, արտերի արանքով շարժվում էր իր կողմը: Ի՞նչ էր կամ ո՞վ էր՝ դժվար էր որոշել:

Թորգոմը կանգ առավ և տեսողությունը լարեց:

Սևիբը՝ ստվերը եկավ, եկավ և, մեկնե՛ն կռանալով, անհայտացավ արտի մեջ:

«Լրտե՞ս է, թե անասուն»,— մտածեց Թորգոմը և տատանվեց՝ հայտնի՞ հարյուրապետին, թե սպասի ավելի լավ ստուգելու:

Ու սպասեց նայվածքը միշտ այն տեղը, ուր անհայտացավ ստվերը: Միառժամ ոչինչ չէր երևում և նա անհամբեր էր. բայց քանի մի վայրկյան հետո կրկին նկատեց, որ սևիբը շարժվում է արտում, ոչ թե առաջվա պես կանգնած, այլ կռանում է, բարձրանում...

Տարօրինակ էր: Թորգոմը մի քանի զգույշ քայլ արավ այն կողմը և նորից կանգ առավ, աչքը չհեռացնելով այն տեղից: Զարմանալի՜ բան. ստվերը, այժմ արդեն կարճացած, կռանում-բարձրանում էր դարձյալ: Այս անգամ Թորգոմը նրա շարժումներից հասկացավ, որ դա մարդ է... բայց թե ի՞նչ էր անում՝ պարզել դժվար էր. ուստի և հետաքրքրությունից մըղվեց առաջ: Բայց մեծ զգուշությամբ: Բավական մոտենալով՝ լսեց մի ծանոթ ձայն և հասկացավ, մարդը մանգաղով հրնձում էր արտը...

Այս սեփականով՝ Թորգոմը թեև փոքր-ինչ հանգստացավ (ուրեմն թշնամու հետախույզ չէր), բայց և այնպես առաջ գնաց, գնաց այնքան, որ համարյա մոտեցավ:

Մարդը վախից կանգնեց, բայց ձայն չհանեց:

— Ո՞վ ես, ի՞նչ ես անում,— հարցրեց Թորգոմը, չգիտես ինչու, շշուկով, այնպես, ինչպես խոսում են քնածի մոտ:

Եվ որովհետև մարդը լռեց, չգիտես անակնկալի եկած, թի չուզեց պատասխանել, ուստի Թորգոմը հարցրեց.

— Գողանո՞ւմ ես:

— Ինչո՞ւ գողանամ,— խոսեց վերջապես մարդը բեկված ձայնով:— Արտս է, եղբայր: Հնձում եմ, որ չտրորեն Երիվարները:

Թորգոմի լարվածությունն անցավ անմիջապես: Ավելին. նա զգացվեց, զգացվեց այն աստիճան, որ անհրաժեշտ համարեց մի բան սսել շինականին.

— Հնձի՛ր, հնձի՛ր... բայց կամաց...

Թե ինչո՞ւ «կամաց», ինքն էլ չբացատրեց, սակայն նայե-

լով, թե ինչպե՞ս է նա մանգաղը արագ, բայց զգուշությամբ տանում-բերում՝ նորից հարցրեց.

— Շատվո՞ր ես:

— Տասվերկու շունչ:

Թորգոմը լռեց. նայեց շուրջը, ապա ինքն էլ կոացավ ու սկսեց ցորենը արմատահան անել և դարսել իրար վրա: Նա օգնում էր շինականին և հետն էլ հարցնում, թե որքա՞ն ցանք ունի, որքա՞ն անասուն: Շինականի կարճ պատասխաններից պարզվեց, որ դա նրա միակ արտն է և, որ մի օր առաջ նրա երինջը մորթել էին արքունի գինվորները: Պատասխանելով Թորգոմի հարցումներին՝ շինականը հետաքրքրվեց իր հերթին.

— Ե՞րբ պիտի վերջանա այս կոխվը, գինվոր հղբայր:

— Երբ որ նախարարների զորքերը ջարդվեն,— պատասխանեց Թորգոմը:

— Բայց կհարվւ՞ն որ...

— Կջարդվեն...

— Բայց չէ՞ որ նրանք էլ հայ են:

— Հայ են, բայց վատ, անիրավ:

Դա ականերև անհասկանալի թվաց շինականին, ուստի և նա լռեց ու շարունակեց քաղել՝ մանգաղը համաշափ ետ ու առաջ տանելով:

Միառժամ նրան օգնելով՝ Թորգոմը վերադարձավ իր տեղը. և մինչև լուսաբաց նա շոջում էր ու նայում շինականի կողմը. կարծես հսկում էր, որ մեկը չխանգարի նրան:

Պետք է ասել, որ թե՛ Թորգոմը, և թե՛ գինվորներից շատերը այդ օրերին իղճում էին շինականներին, որ ընկել էին երկու կովոդ բանակաների մեջ և վնասվում էին շարունակ: Մի քանի օր առաջ նախարարական զորքերին հետապնդելիս, Թորգոմը գյուղի հզրին տեսավ մի պառույլ գեղջկուհի, որ ծնկներին զարկելով յաց էր լինում կովի դիակի մոտ և հետո էլ անիծում սպանողին. չգիտես դիմամբ, թե պատահաբար արձակած նետը գետին է տապալել կովին:

— Ինչո՞ւ գինվորներին կանիծես, մամ,— ասաց Թորգոմը,— նախարար իշխաններին անիծի, որ կույվ հկան քաղաքի վրա:

Պառավը հառաչեց:

— Օ՛ր, իշխա՛ն, թագավո՛ր. ամենքը մահ ու պատուհաս մեզի: Աստծու նզովքը ամենուն գլխին...

Կոզովիտի շինականներն արդեն գիտեին, թե ինչպես նախարարական զորքերը կռիվ էին գնացել Արշակայանի վրա, ինչպես են ավերել այն և թե ինչպես հիմա թագավորը կամենում է վրեժխնդիր լինել: Բայց քանի օր էր ո՛չ այս կողմն էր հաղթում, ո՛չ այն: Նրանք մտածում էին, որ լավ կլիներ շուտով մի կողմը հաղթեր—այն ժամանակ պատերազմը կվերջանար և իրենք կազատվեին դրա նեղութուններից, և նրանց համար միևնույն էր, թե ով կհաղթի, կարևորն այն էր, որ կռիվը վերջանար և իրենք հավաքեին բերքը, ազատվեին կռվող կողմերին հաց, պարեն տալուց, նաև շարունակական վախից: Նրանց համար ծանր էր մանավանդ այն, որ կռվողները—քա՛նի որ ձիերն ազատ արածել չէին կարող—պահանջում էին խոտ, վարսակ ու գարի:

— Ո՛ւր է, որտեղի՞ց... Գարի, վարսակ լինի՝ կուտենք մենք,— ասում էին շինականները:

Բայց ո՞վ էր լսում. մտնում էին տները և հաց, դարի ու վարսակ փնտրում թե մառաններում, թե բնակարաններում և թե՛ անգամ գոմերում: Եվ գտածը տանում էին, չնայելով տիրոջ աղերսանքին: Իսկ եթե չէին գտնում՝ պահանջում էին հայտնել, թե որտե՞ղ են հորել:

Ու շինականներն աշխատում էին թաքնվել, որպեսզի կռվողները ոչ կեր պահանջեն և ոչ հանձնարարություն անեն:

— Տե՛ր, դու փրկե՛ս, ազատե՛ս...

* * *

Կովի վեցերորդ թե յոթերորդ օրը թագավորի վրանն եկավ Գարոնք ամրոցի տեր Բագրատունի Սահակ իշխանը՝ մի երկու թիկնապահով և ներկայացավ թագավորին:

— Ես, արքա, եկիլ եմ աղերսանոք խնդրելու, որ ողորմածաբար դադարեցնես սույն կռիվը եղբայրասպան և խաղաղություն շնորհես նրկրիս:

Թագավորն անխոս նայեց Գարոնքի տիրոջը, որ բոլոր Բագրատունիների նման մեծամարմին էր ու քարետես, և հարցրեց.

— Եվ ինչո՞ւ այդ շեւ խնդրում Կամսարական շքին և մյուսներին:

— Այստեղ գալուց առաջ, արքա, խնդրե՛լ եմ նոցա: Եվ նոքա պատասխանեցին. «Եթե թագավորը հոժարի՝ մենք ևս վար կդնենք մեր զենքերը»:

— Այդպե՛ս... — Արշակի սպիտակուցները փայլատակեցին:

Բագրատունի իշխանը ոտքի վրա, նստելու հրավերի և պատասխանի սպասելով, միաժամանակ ակնապիշ նայում էր թագավորի դեմքի վրա կատարվող փոփոխություններին:

— Իսկ դու որքա՞ն զորք ունես, իշխան, — ասաց թագավորը մի փոքր լռելուց հետո:

Հարցն անսպասելի էր:

— Իմ զո՞րքը: Իմ զորքս կարի փոքրաքանակ է, արքա, — պատասխանեց Բագրատունի իշխանը տարակուսով:

— Որքան և լինի, իշխան: Ժողովիր զորությունդ ողջ և եկ հարվածիր ստահակներին, ու կլինի այն, ինչ ցանկանում ես՝ խաղաղություն:

Բագրատունին նորից անակնկալի եկավ:

— Ե՞ւ ևս մասնակցեմ, արքա, եղբայրասպան կովին, — կարմրեց նա:

— Ապստամբները եղբայրներ չեն, իշխա՛ն: Նրանք խառնակիչներ են, երկրի հանգիստը խռովողներ, ուստի և դու, մասնակցելով կօգնես ինձ, երկրին և խաղաղության: Իսկ եթե չհոժարիս՝ այնժամ քեզ ևս կհամարեմ ապստամբ և նոցա գործակից:

Այս անգամ իշխանը գունատվեց:

— Բագրատունիները միշտ հավատարիմ են եղել գահին, արքա, — ծանր արտաբերեց նա:

— Ահա և առիթ հավատարմությունդ ապացուցելու: Ես կսպասեմ, իշխան, — և թագավորը զրույցը վերջացրած համարելով դարձավ սենեկապահին: — Ուղեկցիր իշխանին:

Բագրատունին վրանից դուրս եկավ սփրթնած ու շփոթված. նրա խոշոր մարմինը փոքրացել էր ասես, իսկ դեմքին կարդացվում էին տխուր մտքեր և հիասթափություն. — Ի՞նչ էր սպասում և ինչ ստացվեց: Այժմ ինչպե՞ս կատարեր թագավորի հրամանը...

Իսկ Արշակը վրանում մտածում էր, թե ամրոցատեր իշխանը կկատարի՞ արդյոք իր կամքը՝ կուղարկի՞ արդյոք գեթ մի հարյուրյակ... Արշակն ինքը ցանկանում էր շուտ ավարտել ակամա պատերազմը. բայց քանի որ հակառակորդը տեղի չէր տալիս, պետք էր շարունակել և ընկճել նրան, որպեսզի արագորեն կառուցի իր բերդը և նորոգի քաղաքը։ Ցավում էր, որ չկա փորձառու վարազ իշխանը, որպեսզի պատվով գլուխ բերեր իր ծրագիրը։ Սակայն կռիվները գնալով ոչ թե մեղմանում, այլ դառնում էին կատաղի։ Արշակն իր գործի մարդկային կորուստները լրացնում էր նոր ապսպրած վաշտերով, իսկ ապստամբ նախարարների թիվը մնում էր կարծես միշտ միևնույնը։ Որտեղի՞ց և ինչպե՞ս էին լրացնում իրենց կորուստները՝ Արշակը դժվարանում էր հասկանալ։ Նա գիտեր, որ նախարարների զինյալ ուժերի թիվը մեծ չէր, բայց այս տասը օրվա մեջ ասես չէր պակասում թնավ, և նա ենթադրում էր, որ նրանք ևս օգնություն են ստանում, բայց թե որտեղի՞ց՝ անհայտ էր։

Սակայն նույն օրը երեկոյան այդ հանելուկը պարզեց մի երիտասարդ, որին գերել էին այսօր նախարարական զորքերի հետ ընդհարվելիս։ Այդ զորքերին հետապնդելիս Թորգոմը մի գյուղում դրան բռնեց այն ժամանակ, երբ նրա ոտքը մնացել էր ձիու տակ։ Թորգոմը հանել էր նրան և քերել հրամանատար Զարեհ Ամատունու մոտ։ Թագավորի պահանջով նրան հարցաքննեցին իր ներկայությամբ։ Դա մի թխադեմ, միջահասակ, հազիվ 20—22 տարեկան երիտասարդ էր, որ այժմ կաղում էր ոտքի ցավից։ Մինչև թագավորի մոտ բերելը համարձակ նայում էր ամեն կողմ, բայց երբ մտավ վրան ու տեսավ թագավորին, այլև՝ ամաչում էր գլուխը բարձրացնել։ պատասխանում էր օտարոտի վախով և շարունակ աչքի պոչով շուրջը նայելով։

Զարեհ Ամատունու այն հարցին, թե ո՞ր նախարարությունից է, նա, առանց գլուխը բարձրացնելու, պատասխանեց.

— Վահանունի։

— Քանի՞ օր է զորքի մեջ ես։

— Քսան։

— Մինչ այդ ո՞ր էիր։

— Կաշխատեի իշխանի կալվածում. հունձ, կալ, այգի...

— Եվ ինչո՞ւ եկար բանակ:

— Իշխանս հրամայեց, որ նետ-աղեղ սովորենք ու մեր մարդոց ազատենք քաղաքից:

Այստեղ Արշակը ձեռը բարձրացրեց, և Ամատունին ընդհատեց իր մանր հարցուփորձը:

— Տղաս, կարո՞ղ ես ասել, թե որքա՞ն է ձեր զորաց թիվը, — հարցրեց Արշակը խոժոռած:

Երիտասարդը, թեև գլխիկոր, զգաց, որ խոսում է թագավորը և շփոթվեց: Նորից աչքի պոչերով նայեց շուրջը և ասաց.

— Զրուցում են՝ երկու հազարից ավելի, արքա:

— Սակայն ինչպե՞ս: Այսքան կորուստներից հետո մնում է նույնքա՞ն:

— Նույնքան չէ, արքա. այժմ շատ է ավելի:

— Դու ինձ ճշմարիտը խոսիր, — մատով սպառնաց թագավորը:

Գերի երիտասարդն իրեն չկորցրեց.

— Սուտ խոսել քեզ, արքա, ես չեմ համարձակվի:

— Ինչպե՞ս. ինչպե՞ս կարող է նոցա զորքը այժմ լինել ավելի, քան առաջ:

— Փանդի գալիս է օգնություն:

— Օգնություն... և որտեղի՞ց:

— Տարոնից և Վասպուրականից, արքա:

Հռություն:

— Իսկ իշխան Մերուժանն այստե՞ղ է, ձեր վրանների տակ:

— Ո՛չ, արքա:

— Կարո՞ղ ես ասել ո՞ւր է:

— Ո՛չ, արքա: Նա օգնություն է ուղարկում միայն, բայց իրեն չեմ տեսած: Զրուցում են, որ չի եկած:

— Դու ճշմարիտն ասա, — նորից սպառնաց Արշակը ցուցամատով: — Եթե թաքցնես՝ կպատժես չարաչար:

Գերին չգիտեք: Բայց Արշակ թագավորի կասկածները հաստատվեցին: Ուրեմն Մերուժան Արծրունին և Վահան Մամիկոնյանը օգնում են ապստամբներին: Չէ՞ որ նրանք նույնպես դժգոհ են իրենից... Լսելով գերու խոստովանությունը՝ Արշակն զգաց, որ սկսված կռիվը շուտ չի վերջանա. քանի որ դրան սատար են լինում ահա Վասպուրականի հարուստ տե-

բը և Տարոնի իշխանը: Իսկ ինքը ցանկանում էր պատերազմը ավարտել արագ, պատժել անհնադանդներին և սկսել քաղաքի նորագումը, դրա հետ և նրա բերդապարսպի կառուցումը: Ի՞նչ պետք է անել այժմ նախարարների ապստամբությանը վերջ տալու համար. սահմաններից կանչել իր զինական ուժերը, թե...

Եվ նույն օրը, առանց հետաձգելու, խորհրդակցեց Զարեհ Ամատունու հետ:

Ու որոշեցին բերել նոր զորավաշտեր և ավարտել իզուր տևող մարտերը:

— Հույժ ցանկալի է, արքա, — ուրախացավ Ամատունին: Հազիվ նա և սենեկապետ Եզնիկը դուրս էին եկել վրանից, թագավորը նրանց հետևից նայելով նկատեց, որ մի խումբ շինականներ իսկույն շրջապատեցին Ամատունուն և Եզնիկին և սկսեցին խոսել ձեռք ու ոտք շարժելով:

«Ովքե՞ր են և ի՞նչ են ցանկանում», — մտածեց Արշակը այդ տարօրինակ տեսարանից զարմացած: Եվ քիչ հետո, երբ Եզնիկը ներս մտավ, նա հետաքրքրվեց.

— Ովքե՞ր են այն մարդիկ:

— Շինականներ, արքա, Թիր և Արանց գյուղերից եկած: Կամենում են՝ լսես իրենց խնդրանքը:

— Իսկ ի՞նչ է նոցա խնդրանքը:

Սենեկապետը պատմեց քմծիծաղ:

Արշակը խոժոռեց:

— Կոիվը տեղափոխել... թողնել իրենց դաշտերը, — կրկնեց թագավորը պնդելով փնջացնելով, որ նշան էր պարզ բարկության: — Հայտնի չէ, որ այս դաշտերն իրենցը չեն, այլ արքայինը նախ և առաջ... Անմիտնե՛ր: Ես տակավին չեմ ընկճել ստահակներին... ես...

Եվ նա, խոսքը չլրացրած, հրամայեց.

— Թող բնավ չզան այդ խնդրանքով... Հեռանամ՝ սինը-քորներին չպատժած:

Սենեկապետը խոնարհում արավ և դուրս գնաց:

Եվ փոքր անց Արշակը վրանից նկատեց, թե ինչպես շինականները վերադառնում էին տրտում քայլերով:

Արշակը դառը քմծիծաղով տարուբերեց գլուխը:

— Խնդրում են՝ դադարեցնեմ պատերազմը և հեռանամ:

իրենց դաշտերից... Նոքա բերում են նորանոր ուժեր, իսկ
ես՝ դադարեցնեմ...

Արշակը նախարարներին ընկճելը համարում էր գահի հե-
ղինակության և արժանապատվության խնդիր, և օր ու գիշեր
հնարներ էր մտածում շուտով հաղթական լինելու Ու ներուստ
որոշել էր անգամ՝ չվերադառնալ մայրաքաղաք, մինչև չխոր-
տակի ապստամբներին, նա ցավում էր միայն, որ Կոգովիտի
լեռնաշղթան թույլ չէր տալիս անցնել հակառակորդի թի-
կունքը կամ որևէ թևը, ինչ որ, թվում էր նրան, հնարավորու-
թյուն կտար իրեն դյուրությամբ ընկճելու թշնամուն, կտրե-
լով միաժամանակ նրա ստանալիք օգնության և պարենի ճա-
նապարհները։ Այսուամենայնիվ՝ պետք էր շտապել և խոր-
տակիչ հարվածներ հասցնել, ուստի և նույն օրը երեկոյան
նա ասաց Զարեհ Ամատունուն.

— Ես ցանկանում եմ, տեր Ամատունի, որպեսզի վաշ-
տերն ստանալուն պես խորտակիչ մի հարված հասցնես սին-
լըքորներին։

— Պիտի ջանամ, արքա, — թեթևակի խոնարհում արավ
սպարապետի օգնականը։ — Դա նաև իմ փափագս է, եթե նե-
րի մեր զորությունը։

— Մաղթում եմ կամք և կորով։

Մյուս օրը, լույսը հազիվ բացված, արքունական հեծելա-
զորը՝ նոր եկած վաշտերով, նետ-աղեղով ու նիզակներով
զինված, սուրաց դեպի հակառակորդը, որ բանակել էր Թիր
և Արանց գյուղերի արանքում։

Թշնամին, ինչպես երևաց, անպատրաստ չէր. նկատելով
արքունական այրուծին՝ նրանք իսկույն ձիեր հեծան և սկսե-
ցին նետերով դիմավորել գրոհի եկողներին...

Արքունական այրուծին գնում էր թեև խմբված, բայց
սրընթաց. տեսնելով սակայն դեմից եկող նետերի տարափը՝
դանդաղեցրեց ընթացքը, ցրիվ եկավ և նույնպես պատրաստ-
վեց նետածգության։ Հակառակորդը կանգնած էր երկու գյու-
ղի միջև տարածվող այգիների մոտ. ուզած ժամին կարող էր
թաքնվել և նետեր արձակել ծառերի հետևից, Այդ իսկ պատ-
ճառով պետք էր նրան գրավել բաց-ազատ վայր և հարվա-
ծել... Ուստի և Զարեհ Ամատունին հրամայեց հարյուրապետ-

ներին՝ գնալ ևս մի փոքր առաջ և ապա նահանջ կեղծել դեպի գետը, ուր կար մի այդպիսի արձակ տարածություն:

Գունդն այդպես էլ արավ. առաջ գնաց նետերը՝ պատրաստ, ոմանք նույնիսկ նետեր արձակելով: Տեսնելով սակայն թշնամին իրեն դիմադրում էր տարերային նետաձգությամբ՝ խուճապած թեքվեց դեպի գետափը:

Խորամանկությունը հաջողվեց. նախարարական հեծյալները սլացան առաջ: Եվ երբ նրանք բավական առաջ էին եկել ծառաստանի եզրից՝ Զարեհ Ամատունին հրամայեց՝ կանգ առնել և հարվածել հակառակորդին:

Ու հասած արտերի եզերքին կանգնած արքունի այրուծին սկսեց գործադրել իր հրամանատարի կարգադրությունը՝ անընդմեջ նետեր թողնել դեպի նախարարական հեծյալները:

Սրանք պատասխանեցին նույն կերպ...

Եվ նորից սկսեցին ետ-առաջ գնալ և տրորել արտերը:

Եվ դա կրկնվեց մի քանի անգամ:

Ու մի պահ էլ, երբ կողմերը ձիեր հեծած նետեր էին ալձակում իրար դեմ, Թորգոմը նկատեց մի զարմանալի պատկեր— մի մեծ խումբ շինականներ, որոնց մեջ երևում էին մարդ, կին, անգամ փոքրահասակ տղաներ՝ գերանդիներ, մանգաղներ ու փոցխեր առած դուրս եկան գյուղից մի տարօրինակ հանդարտ ու վճռական թափորով...

Այդ զարմացրեց ոչ միայն Թորգոմին, այլ գրեթե բոլորին, ովքեր տեսան այդ թափորը:

«Ո՛ր են գնում»,— կարծես հարցնում էր յուրաքանչյուրը.— «Կովելո՞ւ... և արդյո՞ք ո՛ւմ կողմը»...

Բայց, ինչպես երևաց, շինականները որեէ մեկին օգնելու ցանկություն չունեին. չէր երևում, որ նրանք գնում են այս կամ այն կողմը: Նրանք գալիս էին դեպի արտերը...

Եկան նույն ընթացքով, նույն հաստատուն ու վճռական քայլերով, և երբ արդեն մոտեցել էին արտերին՝ նրանք կանգ առան ու բաժանվեցին անհավասար խմբերի: Բաժանվեցին ու բոլորը մեկեն սկսեցին հնձել՝ գերանդավորները կանգնած, մանգաղավորները ծունկերը ծալած...

Տղամարդիկ հնձում էին, իսկ կանայք, փոքր տղաները կա՛մ փոցխում էին, կա՛մ հնձածը կեմով կապում՝ խորձեր անում:

Կովոդ կողմերը մի պահ, թերեւ զարմանքից, դադարեց-
րին նետաձգությունը: Բայց փոքր անց մի քանի տեղ վեր-
սկսվեց այն նոր մոլուցքով:

Շինականները ուշք չդարձրին դրան. նրանք շարունակեցին
իրենց գործը. և շնայած նետերը տհաճ սուլլերով սլանում էին
նրանց գլխավերեւից՝ դաշտի մի կողմից մյուսը, բայց նրանք
հնձում էին, հնձում և խուրձեք կապում...

Կովոդները ետ-առաջ էին գնում, աղաղակում, հայհոյում
միմյանց՝ նետեր արձակելով, բայց շինականները հնձում էին,
հնձում անդադար...

Թվում էր՝ արհամարհում են թե՛ կովոդներին և թե՛ նրանց
նետերը:

Փոքր անց շինականների այդ համարձակ խմբին հետևե-
ցին և ուրիշ նոր խմբեր, և դաշտը լցվեց հնձվորներով: Աշ-
նանացանը հասել-թափվում էր. պետք էր հնձել...

Այժմ, ի տես այս պատկերի, կովոդները կանգ առան:

ԳԼՈՒԽ ՅԻՆԳԵՐՈՐԴ

Պատերազմներ շատ էին եղել Հայոց Աշխարհում, բայց
ոչ մեկը նման չէր այս պատերազմին, ուր նախարարները
սուր էին բարձրացրել թագավորի դեմ, թագավորը՝ նախա-
րարներին:

Պատերազմ... Ասում են՝ ամենից արագ տարածվում է
արյան հոտը: Եվ դա ճշմարիտ է: Անգամ եզները, երբ մի
տեղից անցնելիս տեսնում են իրենց նմանի արյունը, վախ-
վորած հավաքվում են իրար գլխի ու հոտոտում այն. հոտո-
տում են ու փշաքաղվում հետզհետե. աչքները կլորանում են
և հայացքները լարվում այնպես՝ թվում է ահա խելագարվե՞ն
պիտի և մոլեգնեն... Բայց նրանք միայն գոռում են զարհու-
րած և գլուխներն իջեցրած ետ-ետ գնում ու փախչում... այն-
պես է արյան տեսքը, գուցե և հոտը ցնցում նրանց:

Այո՛, ոչ մի բան այնպես չի տարածվում, ինչպես մար-
դասպանության լուրը: Առավել ևս հավաքական մարդասպա-
նության՝ պատերազմի լուրը:

Այդպես և Կոգովիտում ծավալվող կոիվների լուրը մեկ-

երկառ օրվա մեջ տարածվեց երկրում, Ամենուր խոսում էին, թե նախարարներն արդեն հրդեհել են Արշակավանը և Արշակ թագավորն ինքը, զորքի գլուխ անցած, կռվում էր ապստամբներին դեմ: Եվ լուրը յուրաքանչյուր վայր հասնում էր յուրատեսակ գունավորումով. մի տեղ խոսում էին, թե քաղաքի ալեբուսից հետո թագավորը հասել և կոտորել է բոլոր ապստամբներին, մի այլ տեղ պատմում էին, որպես ստույգ լուր, թե նախարարները ունեն մեծ զորք, ուստի և «սաստիկս» նեղում են արքունի բանակին, և թե Արշակ թագավորն ինքը արդեն գերի է ընկել ապստամբների ձեռքը:

Այսպիսի լուրեր էին շրջում թե՛ գավառներում, թե՛ մայրաքաղաքում: Գավառներում շատ նախարարներ ուրախ էին, որ կործանվել է «գողերի, փախստականների որջը», իսկ մայրաքաղաքում ցավում էին, որ ավերվել է նոր քաղաքը:

Այդ լուրերը հասել էին և պալատ: Հայր-Մարդպետը շրջում էր բոլոր միջանցքներում և ականջ դնում բոլոր դռների մոտ... Նա գոհ էր, որ նախարարները հարձակվել են Ավանի վրա. թող խրատեն Արշակին, որպեսզի հարգի նախարարների իրավունքը: Բայց Ավան մեկնելիս Արշակին խորհուրդ տվեց՝ լինայել մեկին... Այնուհետև չգիտեր ի՞նչ է կատարվում. լուրեր չունեի, ուստի շարունակ ուզում էր մի բան իմանալ: Կասկածելով, որ լուրեր կան և իրեն չեն հայտնում, նա ամբողջ օրը կանգնում էր բոլոր դռների առաջ և ամենքին, անգամ ծառաներին ու նաժիշտներին հարցնում. «Ի՞նչ նոր»...

Այս լուրերը հասել էին և Փառանձեմ Թագուհուն. և նա թեև չէր հավատում այդ ամենին, բայց զարմանում էր, որ յոթ-ութ օր էր անա թագավորը չէր ուղարկում գեթ մի սուրհանդակ, Եթե իրոք սուտ են այդ ամենը՝ ինչո՞ւ է թագավորը լռում. չէ՞ նա միշտ ուշադիր է դեպ ինքը, որևէ վայր մեկնելիս՝ լուրեր է հղում կանոնավորապես, թե ի՞նչ արեց, կամ ի՞նչ է մտադիր: Այժմ սակայն ոչ մի լուր, և Փառանձեմը տագնապի մեջ էր. մերթ որոշում էր սուրհանդակ ուղարկել՝ պարզելու, թե ի՞նչ է կատարվում, բայց և միշտ մտածում էր, թե վաղը հավանաբար կգա թագավորի լրաբերը... և այդպիս ամեն օր: Սակայն կոհվե, որ սկզբում թվում էր նրան մեկերկու օրվա խնդիր, երկարում էր և քանի որ ինքը լուր չունեի, Փառանձեմն ընկնում էր կասկածների մեջ այն աստի-

ճան, որ ջանում էր նաժիշտների և մյուս սպասավորների դեմքից կռահել մի բան. գուցե և կա վատ մի լուր՝ թաքցնում են իրենից... Սակայն նա իր տագնապը, իր մտքերը պահում էր իր մեջ և միայն օրը երկու անգամ հարցնում էր Գնունի հազարապետին.

— Արքայից ի՞նչ լուր, իշխան:

— Տակավին ոչ մի, թագուհի:

— Մանր կացության մեջ չէ՞ արդյոք:

— Հագիվ, թագուհի, Երկրորդ գունդը գնաց օգնության: Բայց թագուհու տարակույսներն ու կասկածները դրանով չէին փարատվում, Ծվ ահա, երբ տագնապները սաստկացան, նա մի առավոտ կանչեց ժերունի հազարապետին.

— Հայրս հեռու է, իշխան, դու եղիր ինձ հայր և խորհրդատու բարեկամ. լավագույն չէ՞ արդյոք, որ արքան վերջ տա այս կռիվին: Ծշմարիտ է, նա զայրացած է նախարարաց դեմ, ~~և~~ խրավացի, Գիտեմ, որ նա անտարակույս ի վիճակի է ընկճելու նոցա խռովությունը, սակայն մեր երկպառակ վիճակից կփութան օգտվել մեր աշխարհի թշնամիները: Կարելի՞ է միթե թույլ տալ, իշխան, որ շարունակվի այս ներքին արյունահեղությունը... Ես կուզեի թագավորը հաշտվեր, որպեսզի կարողանար կառուցել իր բերդը:

— Այո, թագուհի: Այս պատերազմը կարող է միայն ուրախացնել մեր թշնամիներին, և որքան շուտ ավարտենք՝ այնքան լավ: Մեր աշխարհը, որ ամուր չէ հզոր հարևանների հանդեպ, կտկարանա ավելի և... այն, ինչ արքայի ցանկությունն է՝ զորացնել հայրենին, կտուժի առավել. կկորցնենք օտարին դիմագրավելու ամեն ուժ ու կորով:

Փառանձեմը հիշում էր—Վասակ սպարապետը, որ այժմ հանգստանում էր իր Երախանի կալվածում, նույն կարծիքի էր մի տարի առաջ, երբ նախարարներն սպառնում էին իրենց նամակում ապստամբել, իսկ թագավորը մտածում էր պատժել նրանց: Ինքը Փառանձեմը համամիտ չէր թագավորին. վախենում էր դրանից ծագեն անախորժ բարդություններ. բայց երբ լուր եկավ, թե նախարարները հարձակվել են Արշակունի վրա, նա ևս ցանկացավ, որ Արշակը պատժի նրանց, և սաստկապես, Փառանձեմը մտածում էր, որ պետութ-
թյան դեմ, թագավորի դեմ և նրա քաղաքի դեմ գործած ոճիրը

չէր կարելի թողնել անպատիժ, և եթե թագավորը տեղի տար, կվաստակեր երկշուտի համբավ: Դա ոչ միայն գահի, այլև անվան, պատվի և հեղինակութեան հարց էր: Այժմ տակայն, երբ պատժելու գործը վեր էր ածվել պատերազմի, և այդ պատերազմը կարող էր շարունակվել՝ դա Փառանձեմին թվում էր վտանգավոր.— հանկարծ թագավորը պարտվի... Շապուհը կօգտվի դրանից և կխուժի երկիր... ուստի գերադասելի չէ՞ հաշտվել:

Այս մտքերն էին, որ Փառանձեմին հարկազրեցին կանչել հազարապետին և հայտնել նրան իր երկյուղը:

— Այն ժամանակ, իշխան, թագավորն իրավացի էր. եթե չգնար՝ կհամարեն թույլ ու վախկոտ. նույնը կլինեք, եթե առաջարկեր հաշտություն: Բայց հիմա, երբ նա զորքով դուրս է եկել խռովարարներին պատժելու, այժմ արդեն հաշտության միջնորդությունը չէր նսեմացնի արքային: Հակառակորդները դա չեն համարի թուլություն:

— Ինքս, թագուհի, խորհում եմ նույնը:

— Սակայն, իշխան, մինչև մենք խորհենք, ժամանակը կանցնի: Պետք է անել այդ փութով, անհապաղ: Եվ պետք է խորհել, թե ո՞վ կարող է լինել միջնորդ հաշտության: Ո՞վ կարող է արդյոք համոզել արքային և նախարարներին, Ցավում եմ, որ սպարապետը բացակա է, Նա միայն ի վիճակի կլինի համոզել արքային: Մինչև սակայն կանչենք նորա և իր հետո Տայբից, դա կպահանջի երկար ժամանակ:

— Իրավացի ես, թագուհի: Իցե գտնենք մեկը,— ասաց ժերունի հազարապետը:

Միառժամ խորհելուց հետո նրանք գտան, որ այդ նպատակի համար միակ մարդը Ներսես կաթողիկոսն էր, որ համարվում էր Հայոց Աշխարհի գերագույն դատավորը և որը թե՛ հեղինակություն ուներ նախարարների մոտ և թե՛ համոզելու ունակություն:

— Սակայն քահանայապետը կհամաձայնի՞ արդյոք,— տարակույս հայտնեց ժերունի հազարապետը:— Չէ՞ նա վրշտացած է արքայից...

Ասաց Գնունին, բայց խոսքը դեռ չավարտած, զղչաց խոսեց. զգաց, որ այդ հիշեցումն ավելորդ էր, որովհետեւ ներսեսը վշտացած էր, թե ինչո՞ւ թագավորն ամուսնացել էր

Փառանձեմի հետ, Գնելի տարու հետ, անտեսելով հարազատի հանգամանքը: Կարիք կա՞ր հիշեցնելու այդ... Բայց մինչ հազարապետը կուղղեր իր սխալը՝ Փառանձեմը հետաքրքրվեց.

— Իսկ վշտացած է ինչո՞ւ: Վերջին այցելությունի՞ց, երբ արքան մերժեց նրա միջնորդությունը՝ մարդատղողի հրովարտակը ետ վերցնելու...

Հազարապետը ժողացել էր ներսեսի վերջին այցելությունը, ուստի և ուրախ եղավ, որ Փառանձեմը հիշեցրեց, որով և ինքն ազատվեց բացատրություն տալու դժվարությունից:

— Այո, թագուհիս, այո... Ես նկատի ունեի այդ իսկ հանգամանքը:

Եվ այնուհետև միառժամ նրանք խոսում էին, թե ինչպես խնդրեն կամ համոզեն կաթողիկոսին, որ նա հանձն առնի այդ առաքելությունը: Գտնում էին, որ դա մինչև իսկ նրա պարտքն է որպես հոգևոր հովիտ, որպես քրիստոնեական քահանայապետի: Սակայն ինչպե՞ս առել նրան և արտե՞ղ... Թագուհին ցանկություն հայտնեց, որ ինքն այցելի նրան և պարզի իր խնդրանքը. դա կշոյե՞ր փրա՞նու ինքնասիրությունը, և նա կմոռանար արքայից ստացած վիճակորանքը:

— Ո՛ւ, թագուհիս, — առարկեց հազարապետը, — պատշաճ չէ, որ ինքդ գնաս առ ոտս ներսեսի:

— Մի՞թե, իշխան, չեմ կարող այցել նրան որպես հոգևոր պետի:

— Կարգ չէ, թագուհի: Լազազույնս է ներսեսին հրավիրել պալատ:

Փառանձեմը համաձայնեց: Բայց հանձն կառնի՞ արդյոք արքայի վիրավորանքից հետո, — մտքում կրկնեց նա հազարապետի խոսքը:

Կոզովիտի պատերազմի լուրերը հասել էին և ներսես կաթողիկոսին. նա ևս դա համարում էր եղբայրասպանություն. բայց միաժամանակ մտածում էր. «Թո՛ղ, թո՛ղ պատժվի Արշակը ի՛նչ: ձեռնարկի համար, ի՛ր փառասիրության համար... խորհրդատու. եղա, որ ետ վերցնի իր կործանաբար հրովարտակը՝ շանաաց... և այժմ թող վայելի իր վարձուների պտուղները»:

Այսօր էլ ահա, երբ նա վերադարձավ ցերեկվա ժամերգությունից՝ դպիր Փավստոսը հայտնեց.

— Ուրախ լուրեր, քահանայապետ:

— Զրուցիր:

— Արշակ թագավորը նորից պարտվում է նախարար-ներին:

— Եվ ինչո՞ւ դա ուրախացնում է քեզ:

— Քանզի անիրավ էր հույժ:

Ներսեսը լռեց. շուգեց հայտնել իր վերաբերումը, ապա, փոքր անց միայն, նկատեց.

— Վայել չէ մեզ՝ հոգևորներին, ուրախանալ մարդասպա-նությամբ:

Փավստոսն անհարմար զգաց, բայց, դա սքողելու համար կարծես, հայտնեց, թե հեռվից եկած երեք շինական և մի քահանա շտապ խնդրում են Վեհի տեսությունը՝ հույժ կա-րևոր մի հայտնության համար. ժամը թեև հարմար չէր և նա ցանկություն ուներ ընկողմանելու երկար ոտքի կանգնե-լուց հետո, բայց և այնպես հոժարեց ընդունել, վասնզի ար-տաքո կարգի այցելությունը հետաքրքրեց նրան:

— Հրավիրի՛ր,— պատվիրեց:

Եվ փոքր հետո ներս մտան իրոք երեք շինական և մի քահանա գլուղական. շինականները ճերմակած մազերով և հնամաշ կարճ կապաներով էին, իսկ քահանան մացառանը-ման անխնամ մորուքով և ծնկներից ներքև իջնող վերար-կուով: Ներս մտնելով՝ չորսը միասին գլուխ իջեցրին խոնարհ, ապա հերթով, ընդունված կարգով, մոտեցան կաթողիկոսի աջն առնելու իսկ սենեկապետ Փավստոս դպիրը ցույց տվեց նրանց երկար բազմոցը և աթոռները:

Երբ այցելուները տեղավորվեցին, Ներսեսը խոշոր թա-փանցող աչքերով նայեց քահանային և շինականներին. երեքն էլ ամոթխած էին այնչափ, որ չէին համարձակվում խոսել:

— Անշուշտ բարի՞ է ձեր այցելությունը,— հետաքրքրվեց Ներսեսը նրանց խոսելու համարձակություն ներշնչելու ակըն-հայտ ցանկությամբ:

— Այո, քահանայապետ,— խոսեց առաջինը քահանան:— Եթե կհրամայես, կպատմենք վիշտը ժողովրդյան, որ եղավ կարկուտ անսպաս և աղետ ահավոր:

Քահանայի խոսքերը կարծես տարակույս բերին կաթո-ղիկոսին, և նա նշան արավ խոսելու:

— Մենք, տեր քահանայապետ,— սկսեց քահանան ող-
բագին ձայնով,— գալիս ենք Կոզովիտ գավառից դժբախտ
Գալիս ենք արյան և աղետի վայրից։

— Կամենում ես ասել ուզմի վայրից,— պարզեց կա-
թողիկոսը։

— Հրամանքդ, հայր քահանայապետ։ Գալիս ենք եղբայ-
րասպան պատերազմի վայրից,— և քահանան համեստորեն
հագաց, երևի ազատ խոսելու համար։— Շաբաթից ավելի
գավառս դարձել է ձիերի սմբակների կոխան։ Ավերվում են
արտեր, ցանքեր, այգիներ և մեկը չի գթում մեզ...

— Այո, տեր մեր,— խոսեց տարեց ծերունին, որի մո-
ռաքն ավելի ճերմակ էր և կնճիւններն ավելի առատ։— Այո,
տրորում են մեր հացը, մորթում մեր անասունը... այդ իսկ
պատճառով եկել ենք Վեհիդ, Օգնի՛ր մեզ, հայր հոգևոր,
փրկիր մեզ։

Վերջին խոսքի վրա մյուս երկու ծերունիները ձայնակցե-
ցին նրան, ասես պայմանավորված.

— Օգնի՛ր, հայր հոգևոր...

Եվ երեքը միասին ծունկի եկան, նրանց օրինակին հետևեց
և քահանան։

— Մենք գնացինք թագավորին՝ շնորհունեց... գնացինք
իշխաններին՝ շնացին։ Ողորմի՛ր, տեր հոգևոր. համոզիր թա-
գավորին...

Դրանք Թիր և Արանց գյուղերի պատվիրակներն էին։

Երբ նրանք նկարագրեցին իրենց վիճակը և լոցին աղեր-
սալի հայացքները խոնարհած, ներսեսը մտածումների մեջ
ընկավ։ Նա լսել էր թագավորի և նախարարների ընդհարում-
ների մասին, բայց չէր իմացել, որ դրանից վնասվում են շե-
ները, նրանց դաշտերը, և այդ ամենը Արշակի պատճառով,
նրա քաղաքի պատճառով... Այժմ սակայն, լսելով շինա-
կանների և քահանայի աղերսանքը, մտածեց, թե ահա պա-
տեհ առիթ՝ ցույց տալու ժողովրդին, թե թագավորն ու նա-
խարարները չեն, որ հոգում են ժողովրդի ցավը, այլ եկեղե-
ցին. ուստի և կարելի էր մի անգամ ևս գնալ Արշակի մոտ և
համոզել, որ վերջ տա եղբայրասպան պատերազմին։ Եվ եթե
թագավորը չլսի իսկ, ժողովուրդը կտեսնի և կզգա իր հոգա-

ցողութիւնը: Բայց արժե՞ տաժանքով ճանապարհ կտրել և գնալ լսել Արշակի բիրտ խոսքերը:

Մտածելով այս ամենը՝ նա աւաց.

— Ես, զավակներս, կխորհեմ այս մասին: Իսկ դուք գնացե՛ք խաղաղությամբ...

— Խաղաղութիւն սպասում ենք Վեհիգ միջնորդութիւնից: Երբ նրանք դուրս էին գալիս տրտում՝ մեկն ասաց.

— Թագավորը շուգեց լսել, իշխանները՝ վանեցին, քահանայապետը մերժեց... Հիմա ո՞րի դիմենք...

Շինականների և քահանայի գնալուց հետո ներսեսը դպիր Փաւստոսին հրամայեց կանչել Խադ եպիսկոպոսին, որը մի երկու շաբաթ էր ինչ եկել էր վանք և օրը մեկ անգամ տեսնւրվում էր իր Վեհի հետ և զրուցում: Այսօր արդեն կաթողիկոսը կամենում էր զրուցել Կոզովիտի դեպքերի մասին և իմանալ նրա կարծիքը, մանաւանդ որ Խաղը այդ զավառի եպիսկոպոսն էր միաժամանակ:

Եկավ Խաղը՝ ձիգ ու լրջադեմ և, կաթողիկոսի հրավերով, նստեց երկար պարեգոտի առաջի փեշերը ծնկների վրա հավաքելով: Երբ ներսեսը հայտնեց, թե ո՞վքեր էին եկել և ի՞նչ էին խնդրում՝ Խաղը ժպտաց քմծիծաղ:

— Ամենը Արշակ թագավորի շարութեան հետեւնոք: Տիրափախ ծառաները Արշակավանում պատժվեցին աստուծով, սակայն Արշակի գոռոզութեան եղջյուրները չեն ջարդված տակավին: Նա համառում է և, բացի այն, որ կամենում է վրեժխնդիր լինել ըմբոստ նախարարաց, ցանկանում է տիրանալ նաև նոցա կալվածներին հարուստ, մանաւանդ Արտագերս և այլ ամրոցներին:

— Իրազեկ եմ, հայր սրբազան, իրազեկ եմ, — ընդմիջեց ներսեսը իր տեղապահին, որից մի քանի անգամ լսել էր այդ ամենը: — Այժմ ցանկալի է ինձ խորհուրդը քո, թե ինչպե՞ս դադարեցնենք կռիվը այս եղբայրաշինչ:

— Դադարեցնել կարելի է և հնարավոր, Վեհո սուրբ, եթե միայն Արշակը ամբարտաւան անսա մեր խոսքը բարեմիտ:

— Այո՞, — ծոր տվեց ներսեսը դժկամ: — Գոռոզ է և կամակոր. չի կամենում լսել որեւէ խորհուրդ, մանաւանդ հոգեոր հայրերից:

— Զի կամենում ե ահավասիկ պատժվում է շարաշար, ու պիտի պատժվի հավիտյան,— շարախնդաց հաղը!— Ավանը կործանվեց բարեբախտաբար... Եվ համարձակվում էին՝ կանչել ինձ, որ օժեմ այդ անիծյալ քաղաքի եկեղեցին, ե ահավասիկ սուտ այդ եկեղեցին ևս...

— Թո՛ղ այդ, հայր սրբազան,— նորից ընդմիջեց Ներսեսը:— Թո՛ղ ե տուր ինձ մի խորհուրդ բանական:

— Ինչպիսի խորհուրդ ե կամենամ տալ, հայրդ Վեհ, կմնա անիրագործելի: Իմ խորհուրդս՝ չգնալ բնավ առ ոտս թագավորի, ե թող նախարարք խորտակեն նորան ե նորագահը, քանի ատում է նա մեզ՝ Փրիսուսի խոնարհ ծառաներիս. քանզի մոռացել է սուրբ պատվիրաններն աստուծու՝ Նա, որ հանցապարտներով լցրեց իր պիղծ քաղաքը ե խրախուսեց մոլությունը, թող պատժվի իր հանցանքի համեմատ: Այդ աստված է պատժում նորան նախարարաց ձեռքով:

Խաղը խոսում էր այնպես կրքոտ, որ Ներսեսն ստիպված եղավ շփավորել նրան:

— Հանգստացիր, հայր սրբազան, ե խորհիր, որ եղբայրասպան շարաղետ կովից այս վնասվում է մեր հոտը անմեղ, որ պարզեում է մեր հացը հանապազօրյա:

Խաղն ակներև սթափվեց այդ խոսքերից: Նա մտածեց մի փոքր ե ասաց.

— Ծշմարիտ է. մեր հացը ե սնունդը հանապազօրյա...

— Ահավասիկ ե ինքս, Խաղ սրբազան, խորհում եմ, որ մեր եկեղեցին չի կարող լինել անտարբեր իր հոտի ծանր կացության այս օրերին:

— Ի՞նչ կարող ենք անել սակայն:

— Այն, որ միջնորդ լինենք առաջի թագավորի ե նախարարաց:

— Ո՛ր, տեր քահանայապետ, ես բնավ չէի կամենա գնալ Արշակ թագավորի մոտ. նա արժանի չէ, որ խոսեմ նորահետ,— ընդմիջեց Խաղը, կարծելով, թե կաթողիկոսը կամենում է ուղարկել իրեն այդ առաքելությամբ:

— Հանգիստ, տեր սրբազան,— ասաց Ներսեսը:— Այդ ծանրագին պարտքը չեմ հանձնի քեզ, վասնզի, գիտեմ, դուրաբորք ես: Ուստի ե կամենում եմ ինքս լինել միջնորդ հաշտության, ե ահա կուզեի լսել խորհուրդդ:

— Միջամտութիւնդ իզուր կլինի, քահանայապետ,— գլուխը տարուբերեց հաղըր։— Արշակը չի անսա քեզ և, շանսալով հանդերձ, կվիրավորի Վեհիդ անվայել խոսքերով...

Երբ, այս կարճ գրույցից հետո, հաղըր հեռացավ՝ Ներսեսը մտածումների մեջ ընկավ. հաղի վերջին խոսքերը հիշեցրին նրան իր վերջին տեսակցութիւնը Արշակի հետ, Այո, նա վիրավորեց իր անձը և կարող է նորից վիրավորել։ Բայց ինչպե՞ս փրկել նախարարներին նրա վրեժխնդրութիւնից... Ներսեսը կասկածում էր և գլուխն օրորում։ Կտրել երկա՛ր ճանապարհ և ենթարկվել թագավորի արհամարհանքին, կամ լսել նրա մերժումը—հաճելի չէր բնավ։ Եվ այս տխուր հեռանկարը կասեց նրա կամքը։ Նա գերադաս համարեց չգրնալ... Հեռո՛ւ Արշակ թագավորից։ Թո՛ղ Արշակը հնձի այն, ինչ ցանկ է...

Այս խոհերի մեջ էր կաթողիկոսը, երբ Փափատոս դպիրը ներս մտավ շտապ և հայտնեց այլայլված.

— Քահանայապետ, սուրհանդակ Փառանձեմ թագուհուց։

— Թագուհու՞ց,— զարմացավ Ներսեսը։— Եվ ինչո՞ւ համար։

— Թագուհին խնդրում է Վեհիդ այցը պալատ...

Ներսեսի զարմանքն ավելացավ։ Դա անսպասելի էր. վաղուց նրան չէին հրավիրած պալատ, ուստի և թվաց արտակարգ ու խորհրդավոր։ Հրավեր՝ այն էլ թագուհու՞ց... անսպասելի էր ավելի ևս։ Այն օրից, երբ թագավորը սառն ընդունելութեան արժանացրեց իրեն և մերժեց իր առաքելութիւնը, որ կատարել էր իշխան Կամսարականի ցանկութեամբ, Ներսեսը հաստատ որոշում ունեւր՝ այլևս ոտք չդնել պալատ. սակայն այժմ, նկատ առնելով, որ հրավերը գալիս է թագուհուց և ճշույժ կարևոր խնդրո համար», գնաց Միջնաբերդ՝ միայն չորս եպիսկոպոսի և դպիր Փափատոսի ուղեկցութեամբ։

Տրդատա Դռան առաջ նրան դիմավորեց հազարապետ Գնունին մի քանի պալատականներով և առաջնորդեց թագուհու հարկարածին։

Երբ կաթողիկոսը մտավ պալատի գունազարդ և գորգապատ ընդունարանը և ընդունված կարգով խաշակնքեց չորս անկյունները և դահլիճի մեջտեղում կանգնած թագուհուն, Փառանձեմը, պարզ հագնված, առանց թագի և ծիրանիի ա-

առջ եկավ հարգալիր, առավ նրա աչքը, ներողամտություն խնդրելով, որ անհանգստացրել է նրան:

— Սակայն, տեր հոգևոր, կա հույժ կարևոր մի խնդիր, որ հարկադրեց ինձ այդպես վարվելու:

— Սիրով կլսեմ, Թագուհի,— ասաց Ներսեսը հետաքրքրված, նա Փառանձեմին տեսել էր քսան տարի առաջ՝ Շահապիվանում, երբ նա փոթորկի պես խուժեց եկեղեցի՝ ամուսնու համար օգնություն խնդրելու... և իսկին բլուրի վրա, երբ նա սգում էր արդեն Գնելի դիակի առաջ: Ներսեսին թվում էր, թե Փառանձեմը քիչ է փոխվել. այժմ նրա դեմքը վշտահար չէր այն ժամանակվա պես, բայց մտահոգ էր և լուրջ: Այնուամենայնիվ դա չէր աղարտում նրա գեղեցկությունը: Նույնն էին բարձրաթառ հոնքերը և ցուլուն աչքերը, որոնց մեջ Ներսեսն զգաց հատուկ Ֆարգանքի արտահայտություն:

«Լավ է, որ Արշակի նման անբարեհամբույր չէ»,— մտածեց կաթողիկոսը տեղավորվելով:

Երբ երկուսն էլ նստել էին արդեն դեմ-դիմաց, Գնունին մնաց կանգնած: Փառանձեմը, առանց թաքցնելու և առանց ավելորդ խորհրդավորության, հայտնեց իր ցավը կատարվող արյունահեղության մասին, ասելով, թե թագավորը, հարկավ, իրավացի է ապստամբներին պատժելու իր ցանկության մեջ, բայց եղբայրասպան կոիվը անշափ վնաս կբերի երկրին:

— Ուստի և, տեր հոգևոր, խնդրում եմ՝ լինես միջնորդ հաշտության:

Փառանձեմը շասաց, թե քանի օր է ինքը տագնապի մեջ խորհրդակցում է հազարապետի հետ և գիշերները շի քնում՝ երկյուղից, թե թագավորը կպարտվի, թե միակ ելքը թուգավորի համար այդ ծանր վիճակից կարող է լինել հաշտությունը... բայց այս ամենի փոխարեն նա ավելացրեց միայն.

— Ներքին կոիվները, քահանայապետ, կարող են շահավետ լինել մեր թշնամիներին միայն: Այնպե՞ս է: Այժմ, որպես հոգևոր պետ, քո պարտքն է հաշտություն խոսել կողմերին և խաղաղություն վերահաստատել երկրում...— Այս խոսքերի վրա նա թուլցիկ մի հայացք գցեց Ներսեսի երեսը՝ ստուգելու իր խոսքերի տպավորությունը, և ապա շարունակեց.— Դու, քահանայապետ, չես ցանկա անշուշտ, որ եղբայրասպան կոիվը շարունակվի և թշնամին, օգտվելով դրա-

ներց, խուժի մեր երկիրը, ավերի մեր քաղաքներն ու եկեղեցիները... Հարկավ, արքան վաղ-ուշ կրնկճի խառնակիչներին, և խիստ, սակայն ծանր է ինձ տեսնել եղբայրասպան պատերազմը... Արա՛հ հնարավորը, քահանայապետ...

Ներսեսը գոհ եղավ, նրա ինքնասիրությունը շոյվեց պարզապես, որ թագուհին և արքունիքը զգացել են իր կարիքը, իր ուժն ու հեղինակությունը, և միայն Արշակն է, որ անտեսում է իրեն... Ու թեև ներուստ համաձայն ու գոհ, այնուամենայնիվ ասաց.

— Ես հար-հանապազ հաշտություն և խաղաղություն եմ քարոզում, թագուհի. Տարի առաջ ես անձամբ գալով զգուշացրի արքային, որ նախարարաց թշնամության հետևանքը կլինի չարաղետ, և արքան շանսաց ինձ: Եվ ահավասիկ...— Ներսեսը լռեց մի պահ, թվում էր խորհում է արված առաջարկի մասին:— Լինել միջնորդ հաշտության,— արտասանեց նա մտահոգ:— Վաղուց, թագուհի, ինքս խորհել եմ այդ մասին: Եղբայրասպան կռիվը վայել չէ քրիստոնեից: Պետք է անշուշտ հաշտություն շուտափույթ՝ ավերի ծանր աղետներ կանխելու համար: Այո, թշնամիք կարող են ուրախ լինել միայն... Սակայն ունեմ տարակույս մեծ. արդյոք կհոժարի՞ արքան լսել ինձ կամ հաճո կլինի՞ առաքելությունս նորան:— Անտարակույս, քահանայապետ...— թագուհու ձայնի մեջ վախ կար, թե ներսեսը հրաժարվի հանկարծ:

Նույնը զգաց հազարապետը և վրա բերավ ամփիջապես,

— Հույժ ցանկալի է առաքելությունդ, քահանայապետ:

Ներսեսը խորհեց գլխահակ և ապա ասաց.

— Եթե իմանալի արքայի տրամադրությունը՝ ես սիրով կմեկնեի, թագուհի. սակայն երկյուղս փորձ ունի... Արդյոք կընդունի՞ ինձ արքան:

— Վստահ եմ, քահանայապետ,— ասաց Փառանձեմը համոզկեր շեշտով:

Ներսեսը, որքան էլ ներուստ գոհ էր այդ առաքելության առաջարկով, այնուամենայնիվ որոշակի պատասխան չտվեց:

— Ես կխորհեմ, թագուհի, և կջանամ անել կարելին...

Երբ նա տեսակցությունը վերջացրած դուրս էր գալիս պալատից, նրան դարձյալ զբաղեցնում էր իր տարակույսը, թե Արշակը իսկապես կընդունի՞ իր միջնորդությունը...

Ամառային արև օրեր էին Կոգովիտում. երկնի անսահման ջինջ կապույտը արևալույսով ողողված՝ թվում էր տիեզերական հավերժական անդորր և դիտողին համակում էր ապրելու բուռն տենչ, կյանքը հավիտենաբար վայելելու ցանկություն:

Բայց Կոգովիտում, այդ անդորր ու վեհ երկնքի տակ, հայոց բանականներ տակավին կոչում էին իրար դեմ, կոչում մի զարմանալի մոլուցքով, և որքան շատ էին սպանում ու վիրավորում միմյանց, այնքան ավելի էին գազազում ու լըցվում վրեժի զգացումներով և այնքան ավելի էին տրորում ցանքերը և նեղում շինականներին:

Ութերորդ օրն էր Եկեղիվը շարունակվում էր առաջվա պես, երբ հանկարծ, մի պայծառ կեսօրի, հովտում՝ կովոդ կողմերի միջև հայտնվեց սևահանդերձ մարդկանց մի հեծյալ խումբ, որ գալիս էր դեպ արքունական բանակը: Դրանց երեւումը մի պահ կողմերին պատճառեց աշպիսի զարմանք, որ շատ ղինվորներ դադարեցրին նետաձգությունը և ուզեցին իմանալ՝ ովքե՞ր են, ինչո՞ւ են գալիս կամ ո՞ւր են գնում— երևույթն այնքա՞ն անսովոր էր:

Արքունի բանակից մի զորական նժույգի վրա գնաց ընդառաջ՝ ձեռքը օդում շարժելով, որ կանգ առնեն, որ վտանգավոր է... Բայց եկողները կանգ չառան և շարունակեցին առաջանալ հանգիստ, նույնիսկ հանդիսավոր ընթացքով: Այդ ժամանակ զորականը ձին խթանեց ու սլացավ նրանց դեմ:

— Տեր հոգևորներ, կանգ առեք, — գոռաց նա մոտենալով: — Զգուշացե՛ք, նետաձգությո՛ւն է:

— Նետերը չեն վնասի աստծո սպասավորներին, — ասաց առջևից եկող ճերմակմորուս հոգևորականը: — Առաջնորդիր մեզ, որդյակ, արքայի վրանը:

Այս խոսքերն ասվեցին այնպիսի շեշտով ու ներշնչող ձայնով, որ զորականը ենթարկվեց ակամա. առաջնորդեց: Այս հանգամանքը ևս առաջ բերեց նոր զարմանք կովոդ կողմերում և նետաձգությունը ինքնաբեր դադարեց շատ կետերում: Հոգևորականները, որ թվով յոթ հոգի էին, ձիերը քշե-

ցին արագ, դադարի մեջ տեսնելով հարգանք դեպի իրենց անձը:

— Որտե՞ղ է արքան,— հարցրեց դարձյալ առջևից գնացող հոգևորականը զորականին, որ ձին հարգալիւր քշում էր նրա կողքից:

Զորականը ցույց տվեց կարմիր մի վրան լեռան լանջին, ուր կային նաև ուրիշ վրաններ, Կարմիր վրանը մյուսներից զատվում էր իր մեծությամբ և իշխող դիրք ունեն հովտի վրա: Նայելով դրան՝ հոգևորականները արագացրին ձիերը:

Առջևից գնացողը Ներսես կաթողիկոսն էր. Երկար տատանվելուց հետո նա եկել էր կողմերին հաշտություն խոստում: Երեքօրյա ճանապարհից հետո նա երեք եպիսկոպոսով և երեք վարդապետով (որոնցից մեկը իր դպիր Փավստոսն էր) հասել էր վերջապես պատերազմի՝ վայրը: Զորականը թեև չէր ճանաչում, բայց զգալով, որ դա՛ կարևոր անձնավորություն է, անխոս առաջնորդում էր նրան դեպի թագավորի վրանը, որ բավական հեռու էր ռազմի դաշտից. առաջնորդում էր հետաքրքրությունն ու զարմանքը դեմքին: Երբ փոքր անց մոտեցան վրանին, նույն հետաքրքրությունն ու զարմանքը երևաց նաև պահակների դեմքին, որոնցից յուրաքանչյուրն ասես ուզում էր իմանալ, թե ո՞վ են և ինչի՞ են եկել, իսկ պահակապետը վազեց սենեկապետ Եզնիկի մոտ, սա՛ թագավորի վրանը:

Որքան էլ հաղը ապարդյուն համարեց կաթողիկոսի առաքելությունը հաշտության, Ներսեսն այնուամենայնիվ վճռեց գալ ռազմի դաշտ. մտածելով, որ եթե իր՝ հաշտության միջնորդ լինելու մերժումը իմացվեր, անախորժ կլիներ ժողովրդին. մյուս կողմից, եթե կռիվը շարունակվեր, նախարարները կարող էին տուժել. պետք էր փրկել նրանց: Զջմարիտն ասած՝ Ներսեսը կուզեր, որ Արշակը չի քիչ պարտվեր— դա թերևս մեղմեր նրա խիստ բնույթը. բայց երկյուղ ունեն, թե նախարարները պարտվեն և Արշակն ավելի գոռոզանա... Խորհելով այս՝ նա միաժամանակ գտնում էր, որ հաշտարար միջամտությունը և երկրում խաղաղություն հաստատելը կբարձրացներ անշուշտ իր հեղինակությունը և ամենքը կտեսնեին ու կհամոզվեին, որ ինքն է միայն, որ հոգում է ժողովրդի մասին, այլ ոչ թե թագավորն ու իշխանները:

Երբ կաթողիկոսն իջավ ձիուց, Փավստոս դպիրն շատուղի
հանձնել նրան արծաթյա խաչագլուխ գավազանը (որ բերել
էր ինքը կարմիր լաթով փաթաթած) և ուղղել նրա պարեզո-
տի փեշերը, որ տորովել էին թամբի վրա: Սենեկապետը վրա-
նից դուրս գալով հրավիրեց անխոս. և երբ կաթողիկոսը, իր
ուղեկիցներին դուրսը թողնելով, մենակ մտավ վրան, Արշա-
կը միայն գոտեպնդած կապալով նստած էր գահավորակին
և բոլոր նշաններից երևում էր, որ հուզված է (սև աչքերը
խաղում էին տենդագին), սակայն զսպում էր իրեն. կոիվը
երկարում էր, և իր գնդերը շունեին սպասված հաջողությու-
նը. գուցե և նրա համար տհաճ էր, որ կաթողիկոսն իրեն
տեսնում էր այդ վիճակում:

Արշակի տրամադրությունն այնպիսին էր, որ նա գուցե և
լընդունեի Ներսեսին, սակայն այդպես վարվել զորքի առաջ
կլիններ շատ անհարմար:

Բայց, պետք է ասել և այս, որ կաթողիկոսի ժամանումը
լսելով նա իսկույն կռահեց նրա գալու նպատակը և առա-
ջին միտքը, որ ունեցավ, այն էր, թե նախարարների դրու-
թյունը վատ է անկասկած...

— Ողջույն և օրհնություն արքային,— ասաց Ներսեսը
հազիվ ներս մտած և գավազանակիր ձեռքով խաչակնքեց
թագավորին ու վրանի ներսը, ուր Արշակից բացի չկար մեկը:

Արշակը հազիվ գլուխը շարժեց ի պատասխան:

— Գալուստդ, անշուշտ, բարի է, քահանայապետ,— աս-
աց ծանրորեն կաթողիկոսին նայելով:

Իմանալով թագավորը ձևականություն չի սիրում, Ներսեսն
սկսեց անմիջապես:

— Որպես քրիստոնեից հովվապետ, արքա, եկել եմ
պարտքս կատարելու և, հուսամ, խոսքս չես համարի ան-
խորհուրդ:

— Խոսիր, տեր հոգևոր:

— Իբրև երկրիս հոգևոր պետ, արքա, ես չեմ կարող սա-
ռը սրտով և անթաց աչք դիտել Հայոց Աշխարհի երկպա-
ռակումը և իմ հոտի արյունահեղ ինքնահոշոտումը:

Այս անգամ Արշակը հոնքերի տակից նայեց Ներսեսի
նիդնչված դեմքին և մտածեց. «Ձի փոխվել բնավ»: Իսկ ներ-

սեսին թվում էր, որ Արշակը փոխվել է. աչքերի տակ սե գծեր կային և անքնության բացահայտ նշաններ:

— Ուրեմն, տեր հոգևոր,— չհամբերեց Արշակը,— կամենում ես, որ ներեմ ստամբակների ոճիրը, այն, որ նոքա ավերեցին մի ողջ քաղաք և սրածեցին նորա բնակիչներին:

— Արքա, այդ նոցա չի ների ո՛չ տերն մեր աստված, ո՛չ ժողովուրդը հայոց: Սակայն մի՞թե մեղավոր են մյուսները՝ շինականները և այն մարդիկ, որ կոխվ են ելած ոչ թե կամավ, այլ մտրակի հրամանով:

Արշակը հոնքերը սեղմեց քթարմատին և ընդմիջեց.

— Քահանայապետ, դու եկել ես ինձ խրատ կարգադրու: Մի՞թե ես կոխվ եմ վարում շինականների դեմ և ոչ ստամբակ նախարարների: Մի՞թե անհայտձէ քեզ վարմունքը նոցա,— և Արշակը գլուխն օրորեց:

Նա ոչ միայն կռահում, այլև զգում էր, որ կաթողիկոսը եկել է հաշտության առաջարկով: Ինքը, ճշմարիտ է, որոշել էր սաստիկ պատժել նախարարներին, բայց տեսնելով կոխվել երկարում է և կարող է արատ բերել իր անվան՝ կցանկար հաշտվել, բայց ձևացավ բարկացած.

— Ես, քահանայապետ, մի՞թե միջամտում եմ քո եկեղեցու գործերին: Ո՛չ երբեք: Ես թույլ եմ տալիս քեզ անել և կատարել ի՛նչ ցանկանում ես: Այդպես և ինքդ թույլ տուր ինձ՝ անել այն, ինչ ես եմ ցանկանում Հայոց Աշխարհի համար:

Ներսեսի դեմքի արտահայտությունը փոխվեց:

— Ես, արքա, ինձ իրավունք չեմ համարում արգելել քեզ այն, ինչ ցանկանում ես,— խոսեց նա փոքր-ինչ վիրավորված.— Սակայն իմ հոգին խռոված է, որ իմ հոտը՝ ժողովուրդը հայոց, երկու բանակի բաժանված, սրածուժ են միմյանց:

— Խաղաղությունը, հարկավ, բարիք է, քահանայապետ. դա ցանկալի է միշտ և հավիտյան: Սակայն խաղաղությանը ես չեմ կարող պատժել խռովարարներին,— ասաց Արշակը շարունակ նայելով կաթողիկոսին.— Եվ մի՞թե դու կներես քեզ դեմընթաց եպիսկոպոսների կամ վարդապետների: Չե՞ս ների բնավ: Իսկ ինչո՞ւ կամենում ես, որ ես ներեմ և չպատժեմ:

— Բայց, արքա, մի քանի հանցավորի փոխարեն տուժում են շատերը և իզուր ճակատում միմյանց դեմ: Ես զանցառու եպիսկոպոս պատժելու համար բանակ չեմ հանում նորա դեմ: Հրամանագրում եմ ապաշխարություն, և ամեն ինչ ավարտված է սրանով, ինչ և թելագրում է եկեղեցու սուրբ կարգը:

— Այդպես, — և քմծիծաղը ծռեց Արշակի շուրթերը: — Այո, քո եպիսկոպոսները բանակ չեն հանում քո դեմ, իսկ իմ նախարարները... և դու եկել ես ասելու, որ ներս՞ող լինեմ: Երբե՞ք: Նոցա ապականելու փոխարեն՝ եկել գթություն ես հայցում:

— Ո՛ր, արքա, ես գթություն չեմ հայցում: Ցանկանում եմ միայն, որ եղբայրասպանությունը դադարի:

— Նղբայրասպանությունը ես չեմ սկսել, անքա հանա՝ յապեմ:

Այստեղ հզավ մի պահ, որ ներսեսն ուղեց հիշեցնել թագավորին, թե ժամանակին արհամարհեցիր իմ զգուշացումը և ահա հղա՛վ ցավալին, բայց և անմիջապես զգաց, որ դու կարող է իզուր հարուցել նրա բարկությունը և ձախողել իր առաքելությունը, ուստի և բարձր համարեց նկատել:

— Խաղաղությունն է մայր բարյաց, արքա:

Արշակը նորից՝ այս խոսքերից զգաց, որ նախարարների վիճակը ծանր է հավանաբար, ուստի և, կամենալով փրկվել պատժից, կաթողիկոսին ուղարկել են միջնորդ. և նա ուղեց պարզել այդ:

— Սակայն ինչո՞ւ, անքա հոգևոր, հաշտության քո առաջարկով չես գնում նախարարներին:

«Եթե ասե՛ի եղել է նախարարաց մոռ, ուրեմն ուղարկված է նոցա կողմից», — մտածեց Արշակը, բայց ներսեսը վրա բերավ հանգիստ:

— Արքա, ես գերադասեցի առանալ նախ քո համաձայնությունը, քանզի երկրիս տերը դո՛ւ ես. քո ձեռքին է ներելու և պատժելու իրավունքը...

Արշակը իրեն շոյված զգաց, բայց և այնպես խիստ ձևա՝ ցավ:

— Ուստի և պետք է նզովես սինքորների վարամունքը, — ասաց նա դարձյալ կաթողիկոսին փորձելու համար:

Բայց ներսերը նորից ելք գտաւք

— Արքա, նզովել միշտ կարելի է. դրանով հաշտության և խաղաղության շնորհ հասնի այժմ:

Արշակն ինքն զգում էր արդեն, որ կոիվներից օգուտ չունի ո՛չ ինքը, ո՛չ երկիրը. զգում էր, որ հարեանները կուրախանան անշուշտ, որ Հայոց Աշխարհք տկարանում է, ուստի և կցանկանան, որ կոիվը երկարի ավելի և մի օր ներս խուժեն անարգել և կատարեն այն, ինչ ապստամբ նախարարներն են ցանկանում... Զգալով այս նա միաժամանակ մտածում էր, որ կովից ոչինչ չշահելով հանդերձ, իր քաղաքը կմնա առանց վերականգնելու. ու գտնում էր, որ հաշտությունը առավել շահավետ է իրեն... Բայց միանգամից համաձայնեւ՝ կհամարվեր թուլության նշան:

— Ո՛չ, տեր հոգևոր, ես պետք է պատժեմ եղեռնագործներին: Եթե իմ զինյալ ուժերս չքավեն՝ ես զորք կբերեմ վրաց երկրից, — ավելացրեց նա՝ ձեռքը բռնուցք շինելով և աչքերը փայլեցնելով:

— Սակայն, արքա, գու ևս կամենում ես հզորացնել Հայոց Աշխարհը, որպեսզի նա թշնամու առաջ չիների թույլ ու տկար, չն՞ա խորհում արդյոք, որ ներքին կոիվն այս տկարացնում է քեզ... Զէ՞ որ, արքա, այս կովի մեջ դու չես պատժում Եփր նյութողին, այլ բո ժողովրդյան, որ պետք է պաշտպանի քեզ և երկիրը մեր դրսի թշնամուց:

«Ճշմարիտ է ասում, — մտածեց Արշակը: — Ըմբռնում է անիրավը, խելացի է: Ասում է այն, ինչ ես եմ մտածում: Այո, սինթորները չեն պատժվում, տուժում են անմեղները: Մտածելով նա կարծես սթափվեց և հարցրեց.

— Եվ ուրեմն ի՞նչ է առաքելությանդ նպատակը, քահանայապետ:

— Հաշտություն, արքա...

Արշակը լռեց մի վայրկյան՝ գլուխն իջեցնելով, ապա մեկեն բարձրացրեց այն:

— Ես վճռել էի շարաշար պատժել նոցա, — խոսեց նա խստաձայն, — և դարձնել փոշի: Սակայն, քանզի ժամանել ես, չէի ցանկա մերժել քեզ: Զիջանում եմ բո աղերսին: Թող զենքը վար դնեն և զգուշանալ խոտորվանեն իրենց հանցանքը. ապա և հանձնառու լինեն, որ փնտրագին իրենց ավերածը:

— Արքայադ կլինի հաշտութիւնից հետո, — ասաց Ներսեսը և մտածեց: «Փառք աստուծո, կոպիտ խոսքեր չասաց այս անգամ»...

— Եվ որպէսզի, — շարունակեց Արշակը, — չկրկնվեն վարմունքներ սուլեանման՝ կցանկանայի, որ այդ հաշտութիւնը կատարվի հատուկ պարտավորիչ մի հանդիսով: Թող ամենքը ժողովվեն մի վայր և երգվեն սուրբ խաչի առջև, որ այսուհետ կլինեն հնազանդ, և դու, քահանայապետ, կօրհնես այդ հաշտութիւնը...

Արշակը դարձյալ լռեց մի փոքր, ապա շարունակեց.

— Այս կարի անհրաժեշտ է, որ հաշտութիւնը լինի անքակտելի: Այլապես վստահ չեմ նոցա խոսքին:

— Անտարակույս, արքա, այդպես և կլինի, — համաձայնեց Ներսեսը:

: — Եվ ուրե՞մն...

— Այժմ թույլատրիր, արքա, սույն այս առաքելությամբ մեկնել նախարարաց մոտ:

Ներսեսի գնալուց հետո Արշակը մտածում էր, թե նախարարները կհամատա՞ն իր խոսքին և կհամաձայնե՞ն արդյոք հաշտության, քանզի պիտի զգան, որ կատարել են շարագործութիւն աններելի... Մյուս կողմից նրան թվում էր, որ եթե շարունակի կռիվը, նրանք կմիանան ավելի, անգամ կարող են դիմել օտարի օգնության, բայց իր մեծահոգութիւնը կթուլացնի նրանց:

Մինչ թագավորն ու Ներսեսը խոսում էին վրանում, արքունի զինվորները տարբեր տեղեր խմբված նայում էին վրանի կողմը. բոլորը հետաքրքիր էին, թե ինչու է եկել կաթողիկոսը, և կարծում էին, որ նրա գալը անտարակույս կապ պիտի ունենա հաշտության հետ: Բայց հաշտութիւն կարո՞ղ է լինել, երբ թագավորն ու նախարարները այնքան թշնամացած են... Քաղաքացիները, հատկապես տիրափախները, որ կռվելով հասել էին այդտեղ և դադարների ժամանակ միշտ հավաքվում էին և զրուցում, այսօր մանավանդ հետաքրքրված էին կաթողիկոսի ժամանումով: Մի խումբ զինվորներ, դրանց մեջ նաև Թորգոմը և իր ընկերները Հովսեփ՝ ու Վարդանը, սարի ստորոտում կանգնած խոսում էին այդ մասին:

— Ինչպե՞ս կարող են հաշտվել, երբ հարձակվել են թագավորի քաղաքի վրա,— ասում էր Թորգոմը,— այնքան մարդ են սպանել, ա՛յնքան տուն են վառել... Վարազ իշխանին սպանեցին... Ո՛չ, կվախենան, չեն հաշտվի...

— Եվ, թագավորն էլ չի ների նրանց և չի հաշտվի, մինչև չսպառփի,— համաձայնում էր Հովսեփը, Իսկ զինվորներից մեկ-երկուսը գտնում էին, որ եթե չհաշտվեն, ավելի վատ կլինի. նորից մարդիկ կսպանվեն, նորից շեներ կավերվեն...

— Չհաշտվեն՝ մենք էլ կսպանվենք մի օր։ Չէ, լավ է հաշտվեն՝ գնանք ամենքս մեր տուն, մեր հարազատներին...

Թորգոմը լսում էր և, բարկություներ զսպած, նայում էր հաշտություն ցանկացողներին, իսկ երբ խոսողն ավարտեց ասելիքը, նա չհամբերեց.

— Հաշտվել առանց մեղավորներին պատժելո՞ւ... Ինչպե՞ս կարելի է... Թագավորը ների՞՞ իր քաղաքը ավերողներին...

— Չի՛ ների... Բայց եթե կաթողիկոսը պահանջի՝ թագավորն ի՞նչ կարող է անել:

— Էհ, կաթողիկոսը թագավորից մե՞ծ է, որ պահանջի...

— Հապա ի՞նչ,— միջամտեց մի այլ զինվոր,— Չէ՞ որ թագավորին կաթողիկոսն է օծում,— ասաց նա բանագետի լրջությամբ:

— Այդպե՞ս է,— զարմացավ Հովսեփը, նրա հետ զարմացան և ուրիշները, Իսկ Թորգոմը լռեց դժգոհ։ Նրան հայտնի չէր այդ պարագան, ուստի և վշտացավ։— Ուրեմն քաղաքն ավերող նախարարները պիտի մնան անպատիժ, և թագավորը պիտի ների՞ նրանց,— խորհրդածում էր նա մտահույզ։— Եթե ների, ուրեմն թագավորը վախկոտ է...

Այստեղ նրանց զրույցն ընդհատվեց, որովհետև այդ պահին կաթողիկոսը դուրս եկավ թագավորի վրանից և արքայի աենեկապետի ու պահակապետի ուղեկցությամբ գնաց դեպ իրեն սպասող հոգևորականները, որ ձիերից իջած և մի տեղ խմբված զրուցում էին հանդարտ:

Կաթողիկոսին տեսնելով՝ զինվորները ջանացին հեռվից հեռու նրա դեմքից կռահել մի բան. եթե ուրախ լինե՞ր՝ ուրեմն հաշտություն կլինե՞ր. եթե տխուր՝ ոչինչ, կոիվը պիտի շարու-

նակվեիր... Բայց որքան էլ նայեցին, քահանայապետի դեմքից ոչինչ գուշակել չկարողացան, մանավանդ որ նա երկար շմբ-նաց այդտեղ. անմիջապես ձի հեծնելով շտապեց դեպի նախարարների բանակը: Նրան ուղեկցում էին դարձյալ իր շքախումբը կազմող երեք եպիսկոպոսը և երեք վարդապետը: Ներսեսը մի երկու խոսքով միայն հայտնեց նրանց իր բանակցության արդյունքը, այն, որ առել է արքայի համաձայնությունը հաշտություն խոսելու... ուստի և սրանք գոհ էին, որ իրենց քահանայապետի առաքելությունը հաջողվում է:

— Դժվարինը արքային համոզելն էր,— ասում էր նա ճանապարհին իր եպիսկոպոսներին:— Նախարարաց համոզելը կլինի առավել դյուրին:

Ներսեսը լիովին վստահ էր, որ հաջողություն կունենա և նախարարների մոտ: Եթե կարողացավ համոզել Արշակի ման համառ մարդուն, կհամոզի և նախարարներին: Բավական է սպառնա «հավուր դատաստանով», նրանք տեղի կտան անտարակույս,— մտածում էր նա:— Վերջապես նրանք ևս կարիք են զգում այժմ հանգստի և խաղաղության. չի կարող պատերազմը տեւել անվերջ... Տեղի կտան, եթե մանավանդ ինքը երաշխավորի նրանց անվտանգությունը հաշտությունից հետո...

Երկու հակառակորդ բանակները իրարից բաժանողը մի ժամվա ճանապարհ էր, երբեմն—որոշ տեղեր—մի նետունկեց տարածություն: Երբ նախարարական բանակից նկատեցին դեպի իրենց գնացող հոգեորականներին, նվազած նետաձգությունը իսպառ դադարեց: Այդտեղ մեկի փոխարեն եկան երկու հեծյալ և հետաքրքրվեցին, թե ուր են գնում... Իմանալով եկողը կաթողիկոսն է և կամենում է տեսնել իշխան Կամսարականին՝ նրանք իջան նժույզներից և գլուխները խոնարհեցին, ապա առաջնորդեցին նրան Կամսարականի վրանը, որն իր մեծությամբ պակաս չէր թագավորի վրանից: Դա նույնպես գտնվում էր կովի դաշտից հեռու, Արանց գլուղի վերևը, իշխող մի սարալանջի, որտեղից, ինչպես և թագավորի վրանից, երևում էր ամբողջ հովիտը՝ իր շեներով, ցանքերով ու միակ գետով:

Իշխանի վրանը գնալու համար պետք էր անցնել Արանց

գյուղի միջով: Երբ շինականները տեսան հոգևորականների հեծյալ խումբը, մեծ ու փոքր դուրս թափվեցին նրանց նայելու. «Ինչի՞ են եկել, ո՞ւր են գնում»,— ասես հարցնում էին նրանց հայացքները: Իսկ առաջնորդող հեծյալներից լեկը կես ճանապարհից սլացավ դեպի իշխանի վրանը:

Եկողներին նկատելով՝ իր վրանից դուրս եկավ ինքը Կամսարականը՝ ռազմի կիպ հագուստներով և երկար, մինչև ծնկները հասնող մույկերով, սաղավարտը գլխին, Կաթողիկոսին ճանաչելով՝ նա սաղավարտը վերցրեց, խոնարհումով համբուրեց նրա աջը, ապա օգնեց ձիուց իջնելու: Նույնն արին և նրա մոտ գտնվող նախարարները, որոնք դուրս էին եկել վրանից: Իրենց ձիերից իջան նաև եպիսկոպոսներն ու վարդապետները, իսկ դպիր Փավստոսը, ինչպես թագավորի վրանի մոտ, այնպես էլ այստեղ, նախ գավազանը տվեց կաթողիկոսին, ապա շտկեց նրա փեշերը:

Ներսեսը մի հայացքով նկատեց, որ Կամսարականի տեսչն ավելի խոժոռ էր, քան անցյալ տարի՝ Գառնի եկած ժամանակ: Նա մինչև իսկ զրահներ էր հագել վերոնցի տակ: Այդպես զրահների մեջ էին և նրա վրանից դուրս եկողները:

— Ահա, տեր հոգևոր, ուր հասցրեց Արշակի համառությունը,— խոսեց Կամսարականը վրդով:— Ես զգուշացրի հրովարտակի հետևանքներից, վկա ես ինքդ, քահանայապետ: Բայց նա արհամարհեց և շարունակեց հրապուրել մեր ծառաներին...

Մինչ Կամսարականը խոսելով հրավիրում էր կաթողիկոսին և հարգանքով նստեցնում նրան վրանի բազմոցին, մյուս նախարարներն ու զորականները մոտեցան-խմբվեցին վրանի մոտքի առաջ: Նրանց հետաքրքրությունը գրգռում էր մանավանդ այն հանգամանքը, որ քահանայապետը գալիս էր թագավորի մոտից: Ինչո՞ւ էր եկել արդյոք, ի՞նչ լուր էր բերել, ի՞նչ էր խոսել թագավորի հետ կամ ի՞նչ էր ասել թագավորը,— կարդացվում էր բոլորի դեմքին:

Այս ընդհանուր հետաքրքրությունը նկատելով՝ Կամսարականը հարցրեց.

— Հայր հոգևոր, իմ բարեկամներս կարո՞ղ են ներկա լինել մեր զրույցին:

— Կարող են ամենեքայան,— թույլատրեց Ներսեսը։— Ես գաղտնիքներ չեմ խոսելու, տեր Կամսարական։

Այսքանը բավական եղավ. անմիջապես իրար հետեից ներս մտան Վահանայաց Վահե իշխանը՝ իր ծուռ քթով ու խուզարկու աչքերով, Համունի իշխան Դանիելը, որ եղբոր մահից հետո ինքն էր համարվում տոհմի տանուտերը, Բասենի Մանեհը, Վանանդի տերը և մյուսները։

— Ժամանումս բարենպատակ է, իշխան,— սկսեց Ներսեսը խոշոր թափանցող աչքերով հավաքվածներին զննելով և նրանց հարցասեր հայացքները տեսնելով։— Իբրև քրիստոնեից հովիվ՝ եկել եմ ձեզ հաշտություն խոսելու և, հուսով եմ, որ կանսաք ձեր քահանայապետի խոսքը։

Ներսեսն այստեղ խոսում էր ավելի ազատ, քան թագավորի մոտ. խոսում էր հեղինակավոր շեշտով, իբրև մեծ և հրամայող, որին տհաճ է այն, ինչ կատարվում է, ինչ անպատվաբեր, անվայել է քրիստոնյաներին։

— Հաշտությո՛ւն, Յանկալի, բայց ուշացած ցանկություն,— ասաց Կամսարականը։— Ի՞նչ պայմանով սակայն, տեր հոգևոր,— հետաքրքրվեց նա փոքր լռելուց հետո, հարգալից ուշադրությամբ նայելով կաթողիկոսի հոգնած, խորշումած դեմքին։

— Պայմանը, իշխան սիրելի, կլինի այն, որ դու և զինակիցներդ թողություն խնդրեք արքայից՝ քաղաքը վնասելու համար և հայտնեք հնազանդություն։

Կամսարականն ուշադիր նայեց նախ կաթողիկոսին, ապա իր զինակիցներին. սրանք ամենքը լուռ էին, բայց մտահույզ։ Կամսարականն ասես հասկացավ նրանց և ասաց առվայրկյան լռելուց հետո, կարծես փորձելու համար։

— Իսկ խորքում խաբեություն չկա՞, տեր հոգևոր։

Ներսեսը գլուխ բարձրացրեց։

— Երբեք, իշխան, չեմ եղել ես խաբեության գործիք, և չեմ լինի ցմահ,— ասաց նա գրեթե վիրավորված։— Մի՞թե Կամսարականաց տերը այդպես է ճանաչում իր քահանայապետին։

— Լիովին հավատում եմ քեզ, հայրապետ,— ասես արդարանալ ուզեց Կամսարականը,— սակայն Արշակն ինքը...

Այս անգամ Ներսեսը հերթով նայեց գորգին նստած իշխաններին և ասաց հանդիսավոր շեշտով.

— Ես արքայական խոսք եմ առել, տեր Կամսարական, և երաշխավոր եմ: Ահեղ դատաստանին պարտական կլինի, եթե...

— Իսկ ճշմարիտ է, քահանայապետ, որ Արշակը վրացական զնդեր է բերում մեր դեմ: Եթե այդպես է՝ մենք վար չենք դնի մեր զենքը:

Ներսեսը քաղաքագետ էր և հոգեբան. գիտեր ո՛րտեղ ի՛նչ պիտի ասի:

— Այո, լսել եմ, որ եթե կռիվը շարունակվի, մտադիր է բերել զնդեր վրացական...

Ու շարունակեց այս ոգով: Ինքը արքային համոզել է արդեն, որ ներքին կռիվները կվնասեն երկուստեք, ուստի պետք է մեծահոգի լինի և այլն:

Ներսեսը ոգևորված էր իր առաքելությամբ. եղբայրասպան սրերը գնել պատյան—կա՞ր դրանից ավելի մեծ, քրիստոսավայել գործ,— մասածում էր նա,— մի գործ, որ կբարձրացնեի իր անունը «յաշա ժողովրդյան»: Եվ մինչ նա խոսում էր՝ Կամսարականն ու իր համախոհները անխոս հետևում էին նրա խոսքին, իսկ երբ նա վերջացրեց, ամենքը գրեթե միաժամանակ նայեցին իրենց առաջնորդ Կամսարականին, ասես դեմքից գուլակելու նրա միտքը, իրենք ևս, մտքերի մեջ խորասուլյզ, թվում էր կշռադատում էին կաթողիկոսի առաջարկը, թե լավ կլինե՞ր արդյոք ընդունել այն... մանավանդ որ կաթողիկոսն ասաց և այն, թե նախարարները չպետք է մոռանան, որ թագավորն ավելի զորք ունի, քան իրենք, ավելի փորձ կռիվողների, քան իրենք. որ Արշակն ի վիճակի է անգամ զորագնդեր բերելու Վրաց աշխարհից...

Կաթողիկոսի խոսքից հետո լուռությամբ իջավ. այժմ յուրաքանչյուրը խորհում էր մեկուսի և երբեմն նայում հարևանին: Ինքը Կամսարականը մի քանի վայրկյան շոշափեց մորուքը մտածումների մեջ և, ասես անհարմար լուռությամբ վերջ տալու համար, հարցրեց.

— Իսկ այսուհետ Արշակը չի՞ պահանջի մեր բերդերը, մեր մարդերը:

Իսկ ծեր վահանունին վրա բերավ ծուռ քիթը հեգեանքից ավելի ծռելով։

— Ու նորից չի՞ փորձի կարճել մեր իրավունքները...

Այս հարցումները բացին մյուսների բերանը, և իրար հետևից խոսեցին բոլորը՝ իրենց իրավունքների, կալվածների, ծառաների անձեռնմխելիության մասին... Ներսեսը թեև այս հարցերի մասին չէր խոսել թագավորի հետ, բայց անհրաժեշտ համարեց ասել։— Ես անշուշտ եմ, որ արքան այսուհետև բնավ չի լինի խիստ, քանզի հաշտություն՝ նշանակում է՝ մոռանալ հինն ու հին պահանջները և խորհել արդար՝ ու ցանկալին։

Նորից լռություն իջավ։ Թվում էր՝ մարդիկ ասելիք շունչին կամ չգիտեին ինչպես ասեն, և առաջինը դարձյալ կամսաբականը եղավ, որ անսպասելի ելնելով տեղից, ասաց։

— Քահանայապետ, դու հանգիստ առ սուրբ հայրերի հետ՝ մենք շուտով կբերենք քեզ մեր պատասխանը։

Նոր էր կամսարականը դուրս գնացել, երբ վրան մտան կաթողիկոսի ուղեկից եպիսկոպոսներն ու վարդապետները։ Նրանց համար բերին ռետեկիքներ՝ սկուտեղների վրա շարած։

Մինչ հոգնած եկեղեցականները անխոս ճաշակում էին բերածը, նախարարները հեռու մի վրանում քննում էին հաշտության խնդիրը։ Նրանց ձայները, թեև խուլ ու կցկտուղ, հասնում էին երբեմն ճաշողներին, բայց թե ի՞նչ էին խոսում՝ հնարավոր չէր ջոկել ոչինչ... Նախարարների խորհրդակցությունը իրոք երկար չտևեց։ շուտով եկավ կամսարականը վահանունի իշխանի հետ և հայտնեց յուրաքանչյուր բառը շեշտելով։

— Տեր հոգևոր, մենք պատրաստ ենք հաշտության, միայն թե թագավորի խոսքը լինի աներեր։

— Այո՛, — ավելացրեց վահանունին մեծաշեշտ։

Ներսեսը բարձրացրեց աջը։

— Վստահեցեք ձեր հոգևոր տիրոջը։ Եթե շունչենայի երաշխիք հաստատուն, չէի միջամտի բնավ։ Պայմանների մասին՝ հետո։

— Սակայն, քահանայապետ, — խոսեց նորից վահանունին, — նախ մի պայման։ Եթե ինքդ մասնակից լինես՝ կհո-

ժառանգ զալ և հաշտութիւն խոսել Արշակի հետ: Այլապես՝ կմերժենք: Արշակը մեզ չի լսի և...

— Երկյուղդ իզուր է, իշխան, Ծա կներկայեմ բանակցութեանը և թույլ չեմ տա անարդար գործ...

Հոգևոր պետի խոսքը Հայոց Աշխարհում թե օրենք էր, թե երաշխիք, մանավանդ, երբ ասում էր, թե ինքը պատասխանատու է ժողովի մարդկան և աստուծոյ:

Այս խոսքերից հետո Կամսարականն ու Վահուհին գլուխ իջեցրին կաթողիկոսի առաջ, և նա աջով խաչակնքեց նրանց:

Իսկ մի ժամ հետո ներսեսը իր շքախմբով, նրանց հետ և Կամսարականի բանադնաց իշխանը՝ Կարուց նախարար Զաքարեն, հասան թագավորի վրանը և հայտնեցին, թե հակառակորդ նախարարները վար են դնում իրենց զենքը և համաձայն են հաշտութեան:

Արշակը խոժոռ նայեց կաթողիկոսից հետո այս փոսքն ասող բանազնաց իշխանին և ասաց.

— Բարի է: Ընդունում եմ պարտազանցներիդ հնազանդութիւնը և նույնպես դադարեցնում մարտը:

Նա ցանկացավ ավելացնել, թե հաշտութեան նախապայմանն է, որ նախարարները գան ներում խնդրեն և հանձնառու լինեն քաղաքը վերակառուցելու: Բայց զսպից իրեն և դարձավ թիկնապահ հեպուհներից մեկին.

— Հրամայիր՝ թող շեփորեն զինադադար...

Զինվորի համար աշխարհում չկա երեւի ավելի հաճելի և ավելի երջանիկ պահ, քան զինադադարի շեփորը. ինչպիսի՞ հույզեր, հույսեր ու երազներ են զարթնում նրանց հոգում...

Երբ արքայական բանակում հնչեց առաջին շեփորը և նրան արձագանքեց նախարարների բանակից նույնպիսի մի տեական ձայն, զինվորները նետեցին իրենց աղեղներն ու նիզակները, օր ու գիշեր իրենց հոգնեցնող այդ զենքերը, ու փարվեցին իրար, փարվեցին իրենց ձիերին՝ այնպիսի գորովով, ասես հանդիպել էին երկար անջատումից հետո: Ապա, չգիտես ինչպես, այդ երեկո, ի նշան զինադադարի, երկու հակառակորդ բանակում էլ, ինքնաբեր, առանց հրամանատարների թույլտվութեան, մի բանի կետերում միաժամանակ վառվեցին փաթույկներ, որ ոսկեղեն բոցերով փրատում էին

մութը և լուսավորում խափար գիշերը: Խարույկների հետ միասին երկու բանակում ևս բարձրացան երգի ու նվագի ձայներ, որ լցնում էին հովիտն ու միջոցը և կենդանացնում գիշերը: Թվում էր հեթանոսական մի գիշերաւոտն է կատարւում Կոգի հովտում:

Զինադադարի լուրը շեփորի ձայնով հասավ և գյուղերը ու ամենքին համակեց ցնծություն. մոտիկ Արանց շենու՛մ կին, մարդ, երեխա բարձրանում էին կտուրները և դիտում խարույկները... Իսկ թե ի՞նչ էր կատարւում մյուս շեներում՝ չէր երևում ոչինչ. բայց շուտով դա հայտնի դարձավ նրանով, որ շինականները ոչխարներ բերին խարույկների մոտ:

— Զեզ ընծա, եղբայրներ... նգո՛վք պատերազմին...

Այդ գիշեր բոլորի հետ միասին, գուցե բոլորից ավելի ուրախ էր Վարդանի Հուսիկը, նա խանդավառ նայում էր գիշերի մեջ վառվող խարույկներին և շուտ-շուտ քաշում հոր փեշը.

— Պապո, էլ կռիվ չի՞ լինի:

— Զէ, տղաս, վերջացավ:

— Հիմա կերթա՞նք մամոյի մոտ:

— Հապա՛. պիտի գնանք մեր տուն՝ մամոյի մոտ:

Ասում էր Վարդանը, բայց ինքն էլ չգիտեր, թե հիմա ո՛ւր կլինի «մամոն» — քաղաքո՛ւմ՝ իրենց նոր տանը՞, թե... Վարդանը լսել էր, որ շատ ընտանիքներ տարվել են գերի, շատերը գերի ընկնելու վախից թողել-հեռացել էին քաղաքից, իսկ ոմանք սպանվել էին կռվի միջոցին՝ այն իսկ ժամանակ, երբ կռիվը փոխադրվել էր քաղաքի մեջ, որ կանայք նույնպե՛ս կռվում էին եկվորների դեմ՝ կտուրներից, պատերի հետևից քարեր նետելով...

Ուրախ էր և Թորոզմը, բայց միայն նրա համար, որ վաղը, մյուս օրը կերթա քաղաք և կպարզի, թե ո՛ւր են յուրայինները՝ Վարդանի պես նա ևս չգիտեր ո՛ւր կլինեն նրանք. քաղաքո՛ւմ արդյոք, հեռացե՞լ են, գուցե և տարվել գերի: Բայց սխուր էր, որ նախարարները մնացին անպատիժ. գոնե մեկը նրանցից ընկներ նետահար: Նա այդպես էլ ասում էր ընկերներին.

— Ափսո՛ս, թագավորը պետք է պատժեր քաղաքն ավերող շարերին: Ափսո՛ս...

— Հազար անգամ,— ասաց Հովսեփը։— Թագավորը ներ-
րանց պիտի կախեր քաղաքի մեջտեղ, որ ամենքը տեսնեն,
թե ո՞վքեր են Արշակավան ավերողները...

Բանակում, բացի Թորգոմից ու ընկերներից, կային և
շատ ավանցիներ, որ կովելով եկել-մնացել էին զորքի մեջ։
Նրանք ևս գոհ չէին, որ թագավորը հաշտվել է նախարարների
հետ։ Ուրեմն ներսում է թագավորը նրանց արածները. բացատ-
րել չէին կարողանում, թե ինչու՞։ Մի՞թե թագավորի ուժն է
պակաս, թե՞...

Այս ծանր մտքերի մեջ Թորգոմին ուրախացնում էր միայն
մի բան, այն, որ քաղաքի կովի ժամանակ թե՛ ինքը, թե՛ ըն-
կերները ողջ մնացին և գերի չընկան, այլապես ի՞նչ կլինե-
ր նենց ընտանիքների վիճակը... Ի՞նչ պիտի աներ մայրը
առանց իրեն. ի՞նչ պիտի աներ Մինան ծեր հոր հետ... Իսկ
երբ այս մտածումներից սթափվում էր՝ նա հարցնում էր ինքն
իրեն. «Բայց արդյոք որտե՞ղ են հիմա»...

Զորքի ուրախ աղաղակները հասնում էին Արշակ թագա-
վորի վրանը. վարագույրը ետ քաշած մուտքից նա տեսնում
էր ոսկեցուղուն բոցերով խարույկները, որ տատանում էին
մուխը. լսում էր իրար ընդմիջող և գիշերը պատառը երգերն
ու նվագները, բայց նրա դեմքի և ոչ մի մկանը ուրախությու-
ն չէր արտահայտում։ Ընդհակառակը. նա լարված էր, մինչև
իսկ մռայլ։ Նրան զբաղեցնում էին ծանր մտքեր, Հակառա-
կորդները թեև ներում էին խնդրում և հնազանդություն հայտ-
նում, բայց նրա բարկությունն ու զայրույթը չէր գոհանում
դրանով։— Եթե նրանք ժամանակին չկատարեցին իր պա-
հանջները՝ բերդեր ու զինվոր տալու—դա սովորական էր և
հասկանալի, ուստի և քիչ էր վրդովում։ Սակայն այս, որ
նրանք ավերել են տարիների ջանքով կառուցած քաղաքի թա-
ղերը, գրա ցավը փոխվում էր զայրույթի։ Թվում էր նրան,
թե խորտակել են իր պետության հիմքը, երկիրն ամրացնելու
իր բոլոր երազները...

Ո՞վ հղացավ արդյոք իր քաղաքն ավերելու, հրդեհելու
միտքը. կամսարական Նա՞րը, թե ուրիշ մեկը... Այս հարցու-
մը նա չէր կարող անել որևէ մեկի. այս մասին չէր կարող
խոսել որևէ մեկի հետ... Բայց մտքերը տանջում էին նրան

թե՛ վրանում և թե՛ այն ժամանակ, երբ դուրս էր գալիս վրանից: Լավ էր, այո, որ լսեց կաթողիկոսի խորհուրդը և դադարեցրեց կռիվը. բայց Ավանը, բայց ապագա բե՛րդը... Ո՛վ պիտի հատուցի իր կորուստը... Ինքը, այո, շուգեց հանցապարտների պատճառով կոտորել զինվոր ու ժողովուրդ, բայց քաղաքն ավերողները մի՞թե պիտի միան անպատիժ... Ճշմարիտ է, ինքը անձնապես պարտված չէ աշխարհի առաջ. ինքը մեծահոգի եղավ... Բայց քաղա՞քը, բե՛րդը...

Ու խորհեց Արշակը երկար, խորհեց մինչև գիշեր, խորհեց մինչև լուսաբաց, իսկ առավոտյան սենեկապահ Եզնիկին հրամայեց հրավիրել կաթողիկոսին իր վրանը: Եվ երբ նա եկավ՝ թագավորը նստեցրեց նրան իր դիմաց և ասաց.

— Տեր քահանայապետ, մենք վար գրի՞նք մեր զենքերը և վերջ գրի՞նք կռիվն եղբայրասպան: Սակայն, խորհում եմ, որպեսզի մեր հաշտությունը լինի կատարյալ և տևական, լավագույնս է, որ մենք՝ ես և ինձնից դժգոհ նախարարները ժողովենք ի մի և անձամբ-անձին խոսելով գանք մի իրավասոհության, որ հաշտ լինենք ընդմիշտ և, նախնայաց օրինակով մեր հաշտությունը կնքենք երդումով, որպեսզի նոքա լինեն թագավորին հնազանդ, իսկ թագավորը՝ նոցա հովանավոր հայր:

— Իրավացի ես, արքա, — համաձայնեց ներսեսը: — Ինքս այլ կերպ չեմ խորհում: Անտարակույտ, որպեսզի հաշտությունը լինի կատարյալ՝ պետք է հանդիպել, երդվել սուրբ խաչով և...

— Եվ որպեսզի, տեր հոգևոր, — ընդմիջեց Արշակը, — մեր հաշտությունը իրոք ծառայի իր նպատակին, երեկվան մեր զրույցից հետո ես խորհեցի, որ լավագույնս կլիներ, որ թե՛ կամսարական իշխանը և թե՛ մյուս նախարարները հաշտություն կնքելու փան իրենց որդիներով, տոհմակիցներով, որպեսզի նրանք ևս ընդունեն երդումը և երդմնազանց չլինեն երրեք:

— Բարի է, արքա, — կրկին համաձայնեց կաթողիկոսը:

— Այդպես, — զրույցը փակեց Արշակը: — Հաշտություն խոսելու համար կարող ենք հանդիպել տասը օր հետո:

Կաթողիկոսը համաձայնեց և նույն օրը եպիսկոպոսներով

վերադարձավ իր նստավայրը, Եվ տեղ հասնելու գիշերն իսկ նրա դպիր Փավստոսը գրեց իր մատյանում.

«Տերն մեր Քահանայապետ Մեծն Ներսես հաշտություն խոսեց Արշակ արքային և նախարարաց մերոց, և ամենեքյան սուրը դրին ի պատյան և եղավ ցնծություն մեծ, Աղոթենք և հուսանք, որ տեական ու մշտնջենական լինի խաղաղությունը Աշխարհիս Հայոց»...

Ձինադադարից հետո ամենքն սկսեցին ցրվել. թագավորն իր մայրաքաղաքը, նախարարները՝ իրենց ոստանները, նրանց հետ և իրենց զորքերը: Իսկ այն քաղաքացիները, որ միացել էին արքունի զորքին, խմբերով վերադարձան քաղաք, այնտեղ շտապեցին նաև Թորգոմն ու ընկերները:

Կովի ժամանակ նրանց տվել էին ընկած զինվորների ձիեր: Երբ պատրաստվում էին մեկնելու, հարյուրապետից հարցրին, թե ո՞ւմ պետք է հանձնեն ձիերը: Հրամանատարը պատասխանեց.

— Տարեք ձեզ: Դուք արժանի եք այդ ձիերին...

Եվ նրանք դարձան ձիու տեր:

Մեկնելիս Վարդանը Հուսիկին նստեցրեց իր ձիու գավա-կին և պատվիրեց, որ շընկնելու համար գրկի իր մեջքը:

— Գնանք ուտենք մամոյի եփած կերակուր,— ասաց Հուսիկը, երբ արդեն ճանապարհ էին ընկել:

«Բայց մամոն արդյոք կլինի՞ այնտեղ»,— մտածեց Վարդանը տարակուսով:

Նույնպիսի տարակուսի մեջ էին և Թորգոմն ու Հովսեփը:

* * *

Ձինադադարից երեք օր հետո հեռավոր Տայքի իր ոստանից եկավ Վասակ սպարապետը և նույն օրը ներկայացավ թագավորին, որը նույնպես նոր էր վերադարձել մայրաքաղաք:

— Ինչպիսի՞ աղետ, արքա,— ասաց նա հուզված,— և ո՞վ նյութեց այս ամենը:

Արշակը շուրթերը սեղմած նայեց իր կարճահասակ, բայց լիերկ մարմնով սպարապետին և ասաց.

— Հավանաբար բացակայութիւնդ, սպարապետ, ոգի տվեց ապիրատներին և նոքա կամեցան վրեժխնդիր լինել ինձնից:

Վասակը զարմացած աչքերը սևեռեց թագավորի երեսը:

— Ուրեմն, արքա, մեղավորը ե՞ս եմ իմ բացակայութեամբս:

— Ամենեւին, սպարապետ, կամիմ ասել, որ քո Երկյուղից սինքորները չէին համարձակվում անել մի ինչ, բայց հեռացար՝ հանդգնեցին և սուր բարձրացրին Ավանիս վրա:

Արշակի խոսքերը թեև շոյեցին սպարապետի ինքնասիրութիւնը, բայց և այնպես թագավորի բացատրութիւնը չգոհացրեց նրան:

— Ես միշտ խնդրում էի, արքա, որ խստութիւնը կունենա ծանր հետևանքներ...

Թագավորն աչքերը ոլորեց մի երկու անգամ և ապա ասաց հանգիստ.

— Եթե նոքա, սպարապետ, չհարձակվին Ավանիս վրա՝ մի՞թե ես կցանկանայի սուր վերցնել նոցա պատժելու: Սակայն դա անցավ և այլևս չի կրկնվի, քանզի մենք հաշտված ենք արդեն...

Արշակի շուրթերի անկյուններում խաղաց հագիվ նշմարելի մի հեգնանք:

— Գոհանանք, արքա, որ վերջացավ այդպես: Կարող էր լինել վատթարը... Այո, արդեն իսկ լսած եմ, տակավին ճանապարհիս, որ հանցավորները պիտի գան հաշտութեան և հնազանդութեան: Դա խելամսութիւն է:

— Անտարակույս,— համաձայնեց թագավորը և, ասես չկամենալով զրույցը շարունակել այդ խնդրի շուրջը, հետաքրքրվեց սպարապետի առողջութեամբ, ապա ցանկացավ պարզել՝ մնալու է նա մայրաքաղաքում, թե նորից պիտի մեկնի իր ոստանը:

— Պիտի մնամ, արքա, որպեսզի չկրկնվեն նման ընդհարումներ անցանկալի, որ վնաս բերելով երկրիս, բարոյալքում են նաև զորքը,— ասաց սպարապետը վշտաշեշտ:

— Հուսամ՝ չի կրկնվի, սպարապետ, եղիր վստահ. ուստի կարող ես կրկին մեկնել հանգստի: Առողջութեանդ թանկ է ինձ...

Սպարապետին տարօրինակ թվաց, որ արքան շուգեց ոչ մանր պատմել կովից, ոչ էլ հարցնել իր կարծիքը հաշտության պայմանների մասին, այլ միայն հոգում է իր հանգիստը: Չէ՞ր կամենում, որ ինքը մնա և մասնակցի հաշտության, թե սխալ հասկացավ, գուցեև թվաց իրեն, ուստի և հանգիստ առաց:

— Կուզեի մնալ հաշտության հանդիսին, արքա:

Արշակը զննարար նայեց սպարապետին:

— Ազատ ես և զնալ, Մամիկոնեից տեր: Պարտադիր չէ, որ ներկա լինես, գրկելով քեզ հանգստից:

Վասակը գարծյալ զարմացավ, որ թագավորը չի հրավիրում իրեն ներկա գտնվելու մի այդպիսի կարևոր հանդիսի, ինչպիսին հաշտության ծեսը պիտի լիներ իր և նախարարների միջև: Վասակին թվում էր, որ ինքը անհրաժեշտաբար պիտի վկա լիներ այդ ծեսին, սակայն ինչո՞ւ թագավորը կարևոր չէր համարում... Դա թեև տարօրինակ թվաց Վասակին, բայց շատաց ոչինչ... ու միայն աջը բարձրացրեց զինվորականին հատուկ ձևով և՝

— Բղջ լեր, արքա, — ասելով՝ վիրավորված դուրս եկավ գահասրահից, մտքում որոշելով այնուամենայնիվ զնալ ներկայանալ հաշտության ծեսին և շնորհավորել:

ԳՐԻԽ ՎԵՅԵՐՈՐԴ

Այս գրույցից յոթ օր հետո Երասխաձորի հին ճանապարհով խումբ-խումբ հեծյալներ, աշնան փոշոտ գետինը դոփելով, գնում էին դեպի հայոց հնագույն մայրաքաղաքը՝ Արմավիր, հատկապես դեպի նրա լքված պալատը, որ գտնվում էր սոսիների հին անտառում և շրջապատված էր հնաձև, տեղտեղ քարերն ու աղյուսները թափած պարսպով: Հեծվորդների մեջ կային թե տարեց, թե երիտասարդ մարդիկ՝ իշխաններ, սեպուհներ ու թիկնապահներ: Բոլորը ուժակորով նժույզների վրա, բոլորը շքեղ հագնված, բայց լրջադեմ... Հագուստները տոնական էր, իրենք՝ մտահոգ:

Սոսիների այդ հին անտառում, համատարած կանաչության մեջ կային արդեն վաղ աշնան գույներ՝ դեղին, նարինջ

ու թաց կարմիր տերևներ: Կային այդտեղ և շատ թռչուններ, որ խմբերով ու մծնակ երգում էին անտես, տերևների մեջ թաքնված, բայց զրանք այլևս չունեին զարնան հրգերի գոհունակ ու տևական գեղգեղանքը: Կրանք կարճ, տենդային ձայնարկումներ էին, գուցե մոտավորապես հրաժեշտի հնչյուններ, որոնց մեջ ե՛տխառնվում կար, ե՛թախիժ, ինչպես ծառերի դեղնած տերևների մեջ:

Հին պալատը, որի պատերն անձրևներից ծեփաթափ էին ու խխմած, պատռահալները ուսողոստայն կապած և միշտ անբնակ ու ամայի, սովորաբար պահպանվում էր մեկ-երկու պահակով, այսօր սակայն արտակարգ կենդանություն կար նրա առաջ, նրա շուրջը: Կային ծառայության պատրաստ սպասավորներ, որ եկողներին ընդունում էին հարգանքով: Այս բանում ավելի հոգածու էր նրանց ավագը, կամ, ինչպես իրենք էին լսում, արարողապետը, ծաղկած մուրճով մի հսկա, որ անձայն, միայն աչքով-հոնքով կարգադրություններ էր անում շարունակ, Այն ժամանակ, երբ սպասավորները հյուրերի թիկնապահների օգնությամբ նրանց ձիերը առնում-տանում էին պալատից հեռու գտնվող արքունի ախոռը, արարողապետը հյուրերին առաջնորդում էր պալատ, որի ընդարձակ սրահներում պատերի երկարությամբ դրված էին գորգածածկ բազմոցներ, իսկ հատակին փռված գորգերի վրա՝ պեռ-պեռ գույնի խոշոր բարձեր, որոնք փոխարինում էին նստարանների: Սրահներում կային և փայտե նստարաններ ու սեղաններ, բայց ավելի աչքի էին ընկնում գորգերն ու բարձերը:

Ներս մտնելով՝ հյուրերը հանում էին ճանապարհին փոշոտված վերնոցները և տեղավորվում բազմոցների ու բարձերի վրա՝ հոգնությունից հանգիստ առնելու: Կային և այնպիսիներ, որ միառժամ քայլում էին սրահի երկարությամբ՝ ձիու վրա անշարժ պահած ոտքները բացելու և իրենց կարգի բերելու:

Հեծվորները գալիս էին հեռվից, և բոլորն էլ թվում էին հոգնած ու ինչ-որ սևեռուն մտքերով տարված: Սպասավորները թեև շատերին նոր էին տեսնում, բայց արդեն գիտեին, թե ովքե՛ր են և ինչի՛ են գալիս: Նրանց ասել էին, թե զրանք այն ապստամբ նախարարներն են, որ հարձակվել էին Ար-

շտկավանի վրա և կռվել թագավորի դեմ. այժմ թագավորի և ներսես կաթողիկոսի հրավերով գալիս էին հաշտության, ավելի շուտ՝ փոխադարձ երդման ծիսակարգ կատարելու:

Գալիս էին ոմանք որդիների հետ, ոմանք՝ թիկնապահներով, բայց ամենքը միատեսակ լուրջ ու հետաքրքիր նայվածքներով:

Նկողներից առաջինը Կամսարական Նար իշխանն էր՝ իր հինգ եղբոր և չորս որդիների հետ: Նա արդեն ներսը դիտում էր պալատի հին կահերն ու խոնացած որմնակարները, որոնք ներկայացնում էին բացառապես որսի տեսարաններ և ինչ-որ ծառեր. դիտում էր մաշված քանդակները, որոնք հիշեցնում էին խաղող, նուռ և սերկևիլ... Նար իշխանը թեև հանգիստ էր առերևույթ և լայնաբաց աչքերով նայում էր պատերին, բայց ներքուստ թվում էր լարված. նրան զբաղեցնում էր առաջիկա հաշտության խնդիրը.— Ինչպե՞ս պիտի լիներ դա. ի՞նչ պայմաններ կառաջարկի թագավորը, և արդյոք ընդունելի՞ կլինեն դրանք, թե ոչ... Նա դժվարանում էր պատկերացնել հաշտության պայմաններն իր բոլոր մանրամասներով, ուստի և մտահոգ էր. սակայն այն հանգամանքը, որ հաշտության միջնորդը կաթողիկոսն էր, Նար իշխանը կարծում էր, թե ներսեսն իր միջամտությամբ կգտներ եզր հաշտության... Նար իշխանն ինքը թերևս չհավատար թագավորի հաշտության առաջարկին, բայց քանի որ այդ առաջարկը եկավ ներսեսից, նա չէր կարող մերժել: Ճշմարիտն ասած՝ Նար իշխանին երկյուղ ազդեց ներսեսի այն խոսքը, թե արքան կամենում է անգամ վրաց զորք կանչել և կռիվն ավարտել կարճ միջոցում... Այս հեռանկարը Նար իշխանին թեև աղդեց այն միտքը, թե այդ պարագային ինքն ու իր կողմնակիցները չեն կարող դիմագրավել, և ամեն ինչ կարող է կորչել, ուստի և լավագույնը կլինի հաշտվել առանց մեծ կորուստների: Այս հարցում նրան համամիտ եղան համախոս նախարարները:

Հաշտության այս առաջարկի մասին Կամսարականը կարևոր չհամարեց հայտնել Մերութանին, լավ իմանալով, որ նա պիտի պահանջեր շարունակել կռիվը, այնինչ ինքն իր զինակիցներով այլևս ի վիճակի չէր շարունակելու, քանզի

ունեցել էին շատ կորուստներ թե՛ ինքը և թե՛ բարեկամ նախարարները՝ Վահևունին, Բասենի տերը, Վանանդի իշխանը և մյուսները:

Այս ամենից հետո լավ էր իհարկե պատվավոր մի հաշտութիւն, ինչ երաշխավորում էր քահանայապետը, Բայց այժմ դրան համաձայն կլինե՞ր արդո՞ք Արշակ Թագավորը... Այդ հարցում, իշխանին թվում էր, վճռական դեր պիտի կատարեր դարձյալ կաթողիկոսը, որպէս հաշտարար և դատավոր, որի խոսքը պարտաւորիչ պիտի լիներ կողմերի համար, մանավանդ նա ինքը պիտի կատարեր հաշտութեան ծեսը... Այո, ամեն ինչ լինելու էր նրա ներկայութեամբ ու մասնակցութեամբ: Իսկ եթէ Թագավորն առաջադրի ծանր, աննպաստ պայմաններ, — շարունակում էր մտածել նա իշխանը, — այդ դեպքում ինքը կարող է հրաժարվել, պարզապէս շնորհունել անպատվաբեր հաշտութիւն և նորից զինակիցների հետ վերադառնալ իր ոստանը և անգամ, եթէ հարկը պահանջի, շարունակել կոիվը և նոր օգնութիւն խնդրել Մերութանից:

Երկրորդ եկողը եղավ Բասենի տեր Մանեճը՝ իր միակ որդու հետ. իսկ երրորդը՝ Վահևունյաց իշխան Վահեն՝ իր երկու որդու և մի քանի թիկնապահի հետ: Ներսէս մտնելով և, ծուռ քիթը մի կողմի վրա բռնած, նա անմիջապէս մոտեցավ Կամսարականին և սկսեց, առանց ողջույնի, ասես ընդհատված մի զրույց.

— Ի՞նչ ես խորհում, իշխան, Արշակի հաշտութիւնը կլինի տևակա՞ն, թէ առժամյա:

Բարձրահասակ Նաթ խշխանը վերելից նայեց իր կարճ բարեկամին.

— Գուշակել դժվար է, տեր Վահևունի, — խոսեց նա մտախոհ: — Այդ կպարդեն մեզ արքայի պայմանները:

— Անշուշտ, — վրա բերավ Վահևունին: — Բայց և այնպէս, — շարունակեց նա անհանգիստ, — եթէ Արշակը սահանջի, որպէսզի վերականգնենք իր քաղաքի ավերածը՝ համաձայնե՞նք պիտի:

— Երբե՞ք, — կտրեց Կամսարականը:

— Ես ևս, իշխան, չեմ համաձայնի երբեք: Նմանապէս և մյուս նախարարները: Երբե՞ք:

Նա շունչ առավ մի վայրկյան և նորից դիմեց Կամսարականին.

— Իսկ եթե պահանջի վերադարձնել գերիներին՝ մեր ծառաներին, համաձայնե՞նք պիտի:

— Երբե՛ք, — նորից կտրեց Կամսարականը: — Մենք զենքով գնացինք այդ ավանի դեմ՝ մեր ծառաներին վերադարձնելու և ոչ թե նորեն թագավորին հանձնելու համար: Երբե՛ք...

Բայց Կամսարական իշխանին թվում էր, որ Արշակ թագավորը չի առաջադրի այդօրինակ խիստ պահանջներ, և եթե շտապադրի՝ կհաշտվեն անշուշտ և ամեն ինչ կլինի հինը, նախկինը. առաջվա պես կվճարեն վաղուց ի վեր սահմանված հարկը արքունի, տասանորդը, կտան հեծյալներ արքունի զորքի համար և... վերջ:

Մտածում էր Կամսարականը թե զրուցելու պահին, թե որմնակարներին նայելիս. մտածում էր և անհամբեր սպասում ետ մնացած, ուշացող գինակիցներին, թագավորին ու կաթողիկոսին:

Վերջին եկողները հղան վանանդի Զաքարեն և մյուս նախարարները իրենց որդիների և դարձյալ սակավաթիվ թիկնապահների հետ:

Պալատի հյուրերնկալ սպասավորներն անընդհատ ելումուտ էին անում և օգնում եկողներին, ցույց տալով, թե ո՛ր կարելի է նստել-հանգստանալ, կամ՝ բացատրելով թե պալատի ո՛ր սրահը ինչ է եղել: Այդ բանում առավել հողաժու էր դարձյալ արարողապետը, որ պատրաստակամ կատարում էր հյուրերի մեն մի ցանկությունը: Հյուրերի այն հարցին, թե ե՞րբ կժամանեն արքան ու կաթողիկոսը՝ նա պատասխանում էր խոնարհումով.

— Շուտով, տեր... Հավանաբար շուտով:

— Կժամանի թագուհի՞ն ևս:

— Հավանաբար, — նորից գլուխ էր խոնարհում արարողապետ հսկան, խնդրելով առայժմ հանգիստ առնել ճանապարհի հոգնությունից, ավելացնելով, թե բացի թագավորից ու կաթողիկոսից, կժամանեն նաև պալատականներ, ավագներ. գուցե հազարապետ Գնունին, թագադիր ասպետ Սմբատ Բագրատունին և ուրիշները:

Եվ, իրոք, հեծյալներ գալիս էին ոչ միայն Երասխաձորի

կեղմից, այլև՝ Վաղարշապատից: Գալիս էին թե՛ խմբերով, թե՛ միայնակ: Բայց դրանց մեջ առայժմ չէին երևում ոչ պալատականներ և ոչ ավագներ:

— Հաշտության խոսք պիտի ասի թագավորը, թե որեւէ պալատական,— հարցրեց նախարարների հետ եկած սեպուհներից մեկը:

— Ստույգ ասել չեմ կարող,— պատասխանեց արարողապետը:— Գուցե հազարապետը կամ քահանայապետը:

Հսկով այս՝ նախարար և սեպուհ հյուրերը նայեցին իրար, ապա, միմյանց մոտենալով, սկսեցին զրուցել շշուկով: ավելի լավ է հաշտության բանակցությունը վարեր մի պալատական, քան թագավորն ինքը... Ժանք կլինեի բանակցել նրա հետ... Բոլորին հետաքրքրում էին հաշտության պայմանները: Ինչպիսի՞ն կլինեն... ու դրա համար հաճախ դիմում էին նար իշխանին, և նա ոմանց պատասխանում էր նույնը, ինչ ասել էր Վահեունուն, իսկ ընդհանրապես ուսերը շարժում էր հանդիստ:

— Սպասենք... Պայմանը հաշտության կլինի ընդունելի՝ կընդունենք, կլինի մերժելի՝ կմերժենք...

Վերջապես հասավ այն ժամը, երբ թագավորը սյիտի գար: Նրան սպասողները հեռվում տեսան հեծյալ մի զորամաս՝ նետերով, նիզակներով և սրերով զինված:

— Դրանիկ գունդն է, դրանիկ գունդը,— լսվեցին մի քանի ձայներ:

Հյուրերը նույնպես եկողներին ընդունեցին որպես թագավորի թիկնապահ գունդ, որի մի մասը սովորաբար գնում էր առջևից: Բայց այդ գործմասը, պարիսպներից ներս մտնելով, շկանգնեց մի տեղ, այլ ցրվեց և շրջապատեց պալատի մեծ շենքը, իսկ հեծյալների մի մեծ խումբ ձիերից իջնելով եկավ կանգնեց պալատի մուտքի առաջ: Ինչպես բոլորը, դրանք ևս զինված էին: Թվում էր, որ սրանք նույնպես սպասում էին թագավորին և նրա շքախմբին:

Բայց նրանք տակավին չէին երևում, իսկ մուտքը պահող զինվորները միառժամ մնացին անշարժ, ապա, երբ հազթամարմին մեկը, ըստ երևույթին նրանց հրամանատարը, մատուցավ և շշնջաց ինչ-որ, նրանք երկ-երկու հանգիստ մտան պալատ և ապա սրերը հանեցին մեկեն:

Հյուրերից ոմանց թվաց, թե դա արվում է ի պատիւ թագավորի գալստյան, բայց երիտասարդ սեպուհներից մեկը գոռաց հանկարծ.

— Դա՛վ, դա՛վ... — ու վազեց դեպի իշխան Կամսարականը, որն այդ պահին ներսի սրահներից մեկում նստած էր բարձիւ — Պաշտպանվիր, հայր, Դա՛վ է նյութված...

Հյուրերից միայն Կամսարականը սուր ունեւր Զնայած տարիքին ու լեցուն մարմնին՝ նա իսկույն վեր թռավ տեղից և թափով գնաց դեպի մուտքից առաջացող սրավոր զինվորները:

— Զմոտենա՛լ, — գոռաց նա ահարկու ձայնով:

Եվ խրոխտ ու ահագին, սուրը հարվածի պատրաստ՝ կապնեց սուսերամերկ զինվորների առաջ, նրա դեմքն այլափոխվել էր, աչքերում խաղում էին դաժանափայլ կայծեր:

Եվ պարզվեց անսպասելի մի տեսարան:

Հարձակման պատրաստվող զինվորները կանգ առան այդ հուժկու, բարկացայտ աչքերով, ահագին կուրծքը ելնէջող տղամարդու առջև, չհամարձակվելով մոտենալ և սուր բարձրացնել նրա վրա: Բայց դա տեղեց միայն մի պահ, մի վայրկյան: Շուտով սակայն, երբ զինվորների հետևից լսվեց՝ «մահ տիրադավներին, զարկ տիրադավներին» — կատարվեց օտարոտի մի բան. սրերի փոխարեն, սուսերամերկ զինվորների արանքով դեպի Կամսարականը մեկնվեցին տասից ավելի նիզակներ և ամեն կողմից շամփրեցին իշխանին... Երբ նա ընկավ՝ սրահում բարձրացավ անասելի աղմուկ, որի մեջ հագիվ ջոկվում էին հատ-հատ բառեր.

— Դա՛վ, դա՛վ... Օգնեցե՛ք... Ո՞ր են թիկնապահները...

Հյուր եկած Կամսարականները, առաջինը, անգեն նետվեցին հարձակվողների վրա. փորձեցին խլել նրանց սրերը: Նրանցից մեկը վերջինից ընկած իշխանի տապալված թուրը և սկսեց ճոճել այն իր առջև, շթողնելով մեկը մոտենա իրեն: Իսկ մյուսները՝ իշխաններ, սեպուհներ պաշտպանվում էին ինչով կարող էին. մեկը փայտե աթոռ էր բարձրացնում հարձակվողի դեմ, մյուսը՝ բաբ, երրորդը՝ կանգնում կամ թաքնվում էր սեղանի հետև, որ սուրը չհասնի իրեն... Մյուսները փախչում էին կից սրահները և դուռը դնում... մի երկուսը կամենում էին բարձրանալ պատուհանները՝ դուրս նետվելու և

թիկնապահներին, օգնության կանչելու։ Բայց լուսամուտները փակ էին... Սրավորները հասնում էին ամենքի հետևից և հարվածում անխնա... Միայն հոր սուրն առած Կամսարական երիտասարդն էր, որ չէր ընկճվում տակավին։ Նա, գրեթե պայթող աչքերով, երկար սուրը տարուբերում էր իր առջև ու հարվածում յուրաքանչյուր մոտեցողի... Եվ իրարանցման աղմուկը, հարձակվողների գոռոցը և անգնն պաշտպանվողների ձիւն ու աղաղակը, որ լցրել էին սրահները, լսվում էին և դրսում... Թե որքա՛ն տևեց այս ամենը՝ պարզել դժվար էր, բայց մի պահի հանկարծ մուտքից լսվեց մի ահեղ ձայն.

— Դադարեցնել...

Ձայնը որոտագին էր և ահարկու իր ելևէջներով։

Ջինվորները կանգ առան ու ետ նայեցին մի մարդու պես,՝ և ճանաչեցին Վասակ սպարապետին, որը մերկ սուրը բարձր բռնած՝ կանգնել էր պալատի շեմքին որպես զայրագնած մի աստված։

Ոչ ոք չիմացավ, թե որտեղի՞ց հայտնվեց նա. ոչ ոք նրան չէր սպասում, Բայց, ինչպես հետո պարզվեց, նա եկել էր ինքնաբեր, հետաքրքրությունից մղված, իմանալով, որ այդ օրը Արմավիրի պալատն են հրավիրված ապստամբ նախարարները՝ հաշտության գործով, Վասակը նախ զայրացավ, որ թագավորն իրեն չհրավիրեց այդ ծեսին, ապա որոշեց գնալ ներկա լինել, քանի որ դա և՛ հետաքրքրում էր, և՛ իրեն պարտավոր էր զգում տեղյակ լինել, թե ի՞նչ է կատարվել և հիմա ինչպե՞ս են հաշտվելու։ Երկու թիկնապահով հասնելով Արմավիրի պալատը՝ նա աղեկտուր ձայներ լսեց ու, իրեն նժույգից ցած նետելով, վազեց առաջ... և այն, ինչ տեսավ, կարկամեց նրան. մի վայրկյանում նա գունատվեց, շառագունեց, մթնեց, և ապա, սուրը հանելով, գոռաց...

Երբ նրա ձայնի վրա ամեն ինչ դադարեց՝ նա մտավ ներս և առաջին իսկ սրահում տեսավ տղամարդկանց դիակներ՝ ընկած երեսն ի վայր կամ մեջքի, իրենց արյան մեջ... Սպարապետը ճանաչեց միայն Կամսարական Նար իշխանի դին, որ փռված էր սրահի մեջտեղը՝ ձեռքերը տարածած, ոտքերը շռած, իշխանական իր ամբողջ հանդերձանքով. բաց էր միայն ալեխառն մազերով գլուխը, իսկ գլխարկն ընկած էր նրեք կանդուն հեռու։

Տեսնելով այդ դիակները՝ սպարապետը նորից գոռաց.
— Ո՞վ է համարձակվել... Մըր է արքան...

Կանգ առած զինվորները ետ-հետ գնացին դեպի պատերը, սրերը ետևները թաքցնելով, իսկ մեկը, որ նրանց պետն էր, նետվեց դուրս այնպես, որ սպարապետն իրեն չնկատի: Եվ սպարապետն իրոք չնկատեց, որովհետև նայում էր ընկածներին մի խռովքով, որին քիչ է անվանել զայրույթ: Անցնելով սրահից սրահ, մեռածների ու մահամերձների կողքով՝ Վասակը վերջին սրահում մի սեղանի հետև տեսավ աղբերը լայն բացած և ատամները սեղմած մի երիտասարդի, որ մերկ սուրը բռնել էր գլխից վեր՝ հարվածելու պատրաստ: Սպարապետին տեսնելով՝ նա պոռաց.

— Ամո՞թ, սպարապետ. ամո՞թ այս ստոր դավի համար:

Սպարապետը գունատվեց, բայց չվիրավորվեց. ընդհակառակը, երիտասարդի համարձակությունը վարմացրեց նրան և ասես գրավեց:

— Մի վախեցիր, երիտասարդ,— առաջ գնաց Վասակը առևն իջեցրած:— Ոչ ոք չի համարձակվի մոտենալ քեզ:

— Եվ թող մոտենա՝ դավն ու ոճիրը լրացնելու: Եվ թույլ ելու՞ած լինիք դուք...

— Հանգստացի՛ր, երիտասարդ, հանգստացի՛ր,— ձայնին ավելի մեղմությույն տալով մոտեցավ Վասակը:— Շնորհիբ ինձ անունդ:

— Անո՞նս... Ի՛նչ կարևոր է քեզ անունս,— ջղածգվեց երիտասարդի դեմքը:

— Եղիր ապահով, որդիս. դու փրկված ես...

— Քո փրկությունը, սպարապետ, պետք չէ ինձ՝ ծնողիս, հարազատներիս ապանելուց հետո: Հրամայի՛ր՝ ապանեն և ինձ, կամ ինքդ սպանիր ոճիրդ կատարյալ դարձնելու համար: Նրան պատասխանելու փոխարեն՝ Վասակը կարգադրեց թիկնապահներին.

— Երիտասարդ սեպուհին տարեք իմ տունս...

Կարգադրեց ու ինքն շտապեց դուրս՝ թագավորի մաս գնալու:

Վաղարշապատի պալատը խաղաղ էր: Թագավորը, որ այդ պահին զրուցում էր Բագրատունի Սմբատ ասպետի և Հայր-

Մարդպետի հետ, սպարապետի անակնկալ մուտքն ընդունեց զարմացած: Իսկ Վասակը գեռ շեմքից պոռաց ամեն պատշաճավորություն մոռացած:

— Ի՛նչ արիր, արքա՛, Այս ի՛նչ արիր... Հավիտենական արատ բերիր քե՛զ և մե՛զ:

Արշակը, որ սովոր չէր այդպիսի խոսքերի և այդ ձևով ասված, այլագունած նայեց սպարապետի հուզված դեմքին և ակամա ուղղվեց կանգնած տեղում:

— Ես, սպարապետ, այլ կերպ չէի կարող,— ասաց նա սառը ձայնով:— Այս էր պահանջում Հայոց Աշխարհի հանդրստությունը: Այդպես:

Վասակի հուզված դեմքին գծագրվեց բացահայտ տարակուսանք:

— Մի զարմանար, սպարապետ սիրելի: Դու իրազեկ չես նոցա եղեռնագործությանց: Լսած ես, որ Ավանս ավերելուց հետո ես կամեցա իստիվ պատժել նոցա՝ զենքով ելան դեմս. և մենք ճակատեցինք օրերով... ապա քահանայապետի միջնորդությամբ ցանկացան հաշտվել. ես հոժարեցի, խորհելով, որ կստիպեմ նոցա՝ նորոգել իրենց ավերած Ավանը... Սակայն նոքա եղան ռիստադրում ու նենգ. ծածուկ կոտորեցին գերի վարած հարյուրավոր մարդիկ, դրանց մեջ նաև Ավանիս շահապ Վարազ իշխանի որդոց, և այդ տսկավին ավագներից չգիտի ոչ ոք... Ես կամեցա մեր առաջին տեսությանը այս ամենը պատմել քեզ և հարցնել խորհուրդդ, սակայն կամեցա միաժամանակ, որ ինքդ հեռու լինես այս տեղերից... Ու ես իմ զայրույթը պահեցի ցայսօր...

Հազիվ թագավորն ասել էր այս խոսքերը՝ գահասրահի դուռը նորից բացվեց աղմուկով և հևասպառ ներս մտավ... ոչ թե մտավ, այլ ներս խուժեց ներսես կաթողիկոսը՝ խաշագլուխ գավազանը ձեռքին:

— Նգո՛վք, արքա... Եթե պիտի կատարեիր ոճիրը այս զարհուրելի, ինչո՞ւ ինձ ես դարձրիր հանցապարտ առաջի մարդուց և աստծու... Ով մի՞թե, որպես միջնորդ ու հաշտարար, այս էի ցանկանում ես... մի՞թե...

Ներսեսը հևում էր. նրա ելևէջող կրծքի հետ դողում էր թե ձեռքի գավազանը և թե աղեբեկ մորուսը. կանոնավոր գեմբը

շառագունել էր, իսկ խոշոր աչքերը բորբոքվել, ասես հուր էին ցայտում թավ հոնքերի տակից:

— Նղո՛վք,— շարունակեց նա թեթև շունչ առնելուց հետո:— Ինչո՞ւ դարձա մեղսակից ակամա: Ոճիրն այս, արքա, պիտի ծանրանա ոչ միայն քո, այլև իմ գլխին: Նղո՛վք... Կամսարականաց արյո՛ւնը...

Բազրատունին գլուխն իջեցրած չէր նայում ոչ կաթողիկոսին, ոչ թագավորին. Վասակ սպարապետը նայում էր մոռալած, իսկ Հայր-Մարդպետը, հետաքրքրությունը զսպած, անմազ կոպերով աչքերը դարձնելով, ուզում էր հասկանալ կատարվածը:

Արշակը լարված և զուսպ լսեց Ներսեսին, և երբ սա կանգ առավ մի վայրկյան, ասաց.

— Հանգստացի՛ր, քահանայապետ, հանգստացի՛ր,— և Արշակը մի քայլ արավ դեպի կաթողիկոսը:— Եվ մի՞թե դու, տեր հոգևոր, հակառակ ես մեր երկրի ապահովության ու խաղաղության: Անտարակույս ոչ, Թող ուրեմն մեռանի մի տոհմ, երկու տոհմ, երեք տոհմ դավաճանների, որպեսզի երկիրը շմեռանի, որպեսզի երկիրը հայրենի մնա ողջ... Խառնակիչների աղափտումը, անիշխանության խորտակումը Հայոց Աշխարհին կբերի խաղաղություն, հետևաբար՝ ապահովություն և հզորություն...

Կաթողիկոսը չգիտես լսում էր, թե ոչ, բայց տակավին հեռում էր զայրույթից: Նա գիտեր, որ այսօր Կամսարականը և համախոհ իշխանները եկել են հաշտության, ուստի և, որոշած կարգի համաձայն, ինքն ևս, որպես միջնորդ, որպես հաշտարար, իր հպիսկոպոսների և վարդապետների ուղեկցությամբ շտապել էր Արմավիր՝ խաշով, երդումով և օրհնությամբ հաշտությունը կնքելու և հանդիպել էր...

Ու այժմ զայրույթից խոսք չէր գտնում ասելու. նրա ձեռքերն ու մորուքը շարունակում էին դողալ, Թագավորի խոսքից հետո նա իր հրաբորբ աչքերով մի րոպե նայեց Արշակին, ապա ծանր գավազանը հահկարծ դարկեց հատակին և գոռաց ձայնի ամբողջ թափով.

— Նղո՛վք...

Թվաց, որ նա իր ծայր վրդովմունքը, դժգոհությունն ու

ցատումը դրեց այդ մի հատիկ քառի մեջ և դուրս նետվեց քա-
հասրահից, ինչպես հալածանքից փախչող ոգի:

Լուսթյուն իջավ, ծանր, ճնշող մի լուսթյուն, որի մեջ իրենց
անհամարմար էին զգում Բագրատունին, Հայր-Մարդպետն ու
Վասակը. չգիտեին պարզապես ի՞նչ անել և ի՞նչ խոսել, Իսկ
Արշակն սկսեց երթևեկել՝ մեծ քայլեր անելով, առանց մե-
կին նայելու. նույնիսկ թվում էր՝ նայում է, բայց չի տեսնում:

Պալատականները փորձով գիտեին, որ երբ թագավորը
լուռ է և չի նայում մարդկանց երեսին՝ նրան պետք է թող-
նել մենակ... Առաջինը հեռացավ Հայր-Մարդպետը, հետո
սպարապետն ու Բագրատունին դուրս եկան անձայն քայլե-
րով:

Նրանք տակավին Ներսես կաթողիկոսի նզովքի տպավոր-
ության տակ էին և դժվարանում էին խոսել, Երևույթն այն-
քան արտակարգ էր, որ նրանք չէին կարող թափանցել նրա
շարժառիթների խորքը և չգիտեին կարծես ո՞ւմ դատապար-
տեն, ո՞ւմ արդարացնեն... Վասակը միայն, հիշելով պատմու-
թյունը, ասաց.

— Այսպես վարվեց նաև հոսսրով թագավորը Սլկունինե-
րի հետ:

Ու ոչինչ չխոսեցին այլևս:

Այդ իսկ պահին, երբ երեք նշանավոր պալատականներ
հեռացան անխոս, Արշակը մենակ մնալով դանդաղ անցավ
իր առանձնարանը և մեկեն ծունկի եկավ հատակին:

Փոքր անց, երբ Փառանձեմ թագուհին, կաթողիկոսի անա-
կրնկալ գալով ու գնալով հետաքրքրված մտավ ամուսնու
առանձնարանը, տեսավ Արշակը ծնկաչոք, ձեռքերն իրար
միացրած, աղոթում է պատից կախված խաչի առաջ:

— Արքա, ի՞նչ է այս... Դու աղոթո՞ւմ ես և... արտաս-
վում...:

— Այո, Փառանձեմ,— խոսեց Արշակը մի խուլ օտարա-
ցած ձայնով:— Աղոթիք և դու, Փառանձեմ, աղոթիք ի՛նձ հա-
մար... Քահանայապետը նզովեց ինձ խաչով... Բայց ես ոճ-
րապարտ չեմ, Փառանձեմ... Ես, այո, գործեցի մեծ մեղք,
բայց... ոչ ինձ համար, այլ Հայոց Աշխարհի ապահովության
համար... Ոճրապարտ է նա՛, ով պառակտում է երկիրը, ո՛վ
քանդում է մեր ապահովության բերդը...

— Իմացա, արքա, իմացա,— խոսեց Փառանձեմը նույն-
պես բեկված։— Սուր վերցնողները՝ արով էլ ընկան։ Դա
աստծու պատիժն էր անշուշտ, որ կատարվեց... Սակայն ին-
չո՞ւ սրտաբեկվել այդպես... Չէ՞ պետք է դու նորից կառու-
ցես բո բերդը...

— Այո, իմ բերդը... Հայոց բերդը...

Մինչ պալատում այս խոսակցությունն էր տեղի ունենում
ամուսինների միջև, այդ նույն ժամին կաթողիկոսի առաջին
դպիր Փավստոս վարդապետն իր խցում, ձիթաճրագի լույսով
գրում էր իր մագաղաթյա մատյանում.

«Արքայն Արշակ գործեց ոճիր մեծ. ազգատեց-կոտորեց
տոհմը Կամսարականաց և այլ խոհակից նախարարների, և
տե՛ր քահանայապետն մե՛ր՝ մեծն Նիրսես նզովեց նորան»...

* * *

Իսկ ի՞նչ եղավ քաղաքը. ի՞նչ եղան նրա բնակիչները,
հատկապես տիրափախները...

Չկա կյանքում թերևս ավելի ծանր բան, քան հարազատի
կորուստը, մանավանդ անստույգ կորուստը։ Երբ հարազատը
գերեզման է իջնում՝ մարդ կսկիծի հետ միասին զգում է և
այն, որ նա ունի հավիտենական մի օթևան։ Իսկ երբ հարա-
զատը կորչում է անհետ և չգիտես ո՞ւր է հանգչում կամ ո՞ւր
է դեգերում՝ դա ծանր է տասնապատիկ։

Այս ծանր վիճակի մեջ էին Թորգոմն ու ընկերները։

Արևատաք կեսօր էր Կոգովիտի այն մասում, ուր կռիվներ
չէին եղել։ Երեք ընկերները ձիերը հեծած գնում էին գյու-
ղամիջյան մի փոշոտ ճանապարհով։ Երեքն էլ նիհարած, մա-
զակալած և տխուր։ Նրանց ձիերը գնում էին մեկը մյուսի հե-
տևից՝ քրտինքը վրաները սառած և փնչացնում հաճախ, որ
նշան էր ծայր հոգնածություն։ Իրենք՝ ընկերները նույնպես
հոգնած էին այնքան, որ չէին խոսում, գուցե և սպառել էին
խոսելու ամեն նյութ։ Բայց գնում էին՝ շարունակ նայելով ճա-
նապարհի հեռուն և շրջապատի լեռներին։ Մյուսներից ավելի
մոռյված էր թվում Թորգոմը, չգիտես նրա՞ համար, որ ավելի
զգայուն էր, թե նրա համար, որ անհամբեր էր։

Երբ այդպես անխոս գնացին բավական՝ մեկն և կանգ

ժողովուրդը, հասնել էին մի տեղ, որ ճանապարհորդ, ճյուղավորվելով, գնում էր երեք ուղղությամբ:

— Հիմա ո՞ր կողմը գնանք, — հարցրեց Թորգոմը վարանած:

Հնկերներն իսկույն շարժվեցան պատասխանել:

— Ելա՞ս ենք մեկը պատահի՝ իմանանք ո՞ւր են տանում էս ճամփաները, — ասաց Հովսեփը ձեռքը խոնարհելով:

— Մպասենք, — համաձայնեցին ընկերները և հույնպես իջան ձիերից, որ հանգիստ տան թե՛ խրհնց, թե՛ կենդանիներին: Վայրը մանավանդ տրամադրում էր հանգստի — գիտափ, ուռիներ, ուռիների տակ ստվելներ և կանաչ սիզախոտ:

Բայց հազիվ նստել էին, նրանց բախտից երևաց մի շինական՝ մազախոտի մի ժարդ, ուսերից կապած հորթի մի փոստ, որի մեջ լցրել էր ինչ-որ բան: Կանգ առած ձիավորներին տեսնելով՝ նա ևս կանգ առավ և բարևեց:

— Ո՞ր շենից ես, եղբայր, — հարցրեց Թորգոմը բարևախոսքից հետո:

— Էն վերի շենից, — եղավ պատասխանը և, շինականը մոտենացույց արած մոտիկ լնդը, ուր արահետանձան ճանապարհը գնումներով բարձրացնում էր քարավանների միջով:

— Ձեր շենում կա՞ն քաղաքից փախուկներ, — հետաքրքրվեց Թորգոմը:

— Ամեն տուն, — ծոր տվեց շինականը: — Սպասում են լաղաղի, որ դառնան քաղաք:

— Տղամա՞րդ ես, կին՞մարդ:

— Երկուսից էլ... բայց ավելի կին՞մարդ, երեսներ:

Հնկերները կուզեին հարցնել խրհնց ընտանիքների մասին, իմանալ նրանց վիճակը... բայց խեղճ շինականը որտեղի՞ց պիտի ճանաչեր: Իրա փոխարեն նրանք հարցրին մյուս ճանապարհների մասին, թե ո՞րը ո՞ւր է տանում... Պարզվեց, որ դրանք հույնպես տանում էին լեռնային շենները, բայց թե այն տեղերում կայի՞ն արդյոք փախածներ: Շինականը չգիտեր: Մակայն ենթադրում էր, որ կլինեն անշուշտ:

— Իսկ դուք քաղաքի՞ց կուզաք, — իր հերթին հետաքրքրվեց շինականը: — Կոխվը վերջացա՞վ:

— Վերջացավ:

— Փառք ասածո, — խաշակեցեց շինականը: — Իսկ դուք

շեններն ինչի՞ կերթաք, Կերևի կփնտրեք ձեր ընտանիքները
Դրական պատասխան ստանալով՝ նա ավելացրեց.

— Գնացեք, գնացեք, իցե մեր շենեն հնչեց Մեր շեն փա-
խուկները շատ կան:

Շինականի գնալուց հետո ընկերները նորից ձիերը հեծան
և բռնեցին գյուղի ճանապարհը, որը մերթ երևում էր շիկա-
վուն շերտի պես, մերթ թաքնվում լեռնաբլուրների կամ ժայ-
ռերի հետև... Ընկերները թեև հոգնած, բայց շտապում էին,
որպեսզի մուտք չկոխած հասնեն գյուղ:

Քանի օր էր նրանք այդպես որոնում էին իրենց ընտանիք-
ները. որոնում էին քաղաքում, գյուղերում, ամենուր, ամեն
օր... Կարծես մի ճակատագիր նրանց ստիպում էր լինել միշտ
ճանապարհներին: Մենք դեռ այս պատմության սկզբում
ներանց հանդիպեցինք անտառում, մի դժվար ճանապարհի,
երբ, ընտանիքներն առած, փախչում էին տերերից՝ ազատ
ապրելու հույսով... Նրանք նորից ճանապարհ ընկած գնում
էին խուր-մտահոգ՝ այժմ արդեն կորած հարազատներին
գտնելու հույսով: Եվ հիմա, ընտանիքների փոխարեն նրանց
հետ էր միայն Վարդանի Հուսիկը, որ նստել էր հոր հետևը՝
ձիու գավակին և զույգ ձեռքերով պինդ գրկել էր նրա մեջքը:
Ճշմարիտ է, նրանք հիմա ձիեր ունեին և իրենց որոնումները
կատարում էին ձիեր հեծած, բայց դա բնավ չէր մեղմում ըն-
կերների վիշտը, նրանց անստույգ կորստի գիտակցությունը,
մանավանդ երբ Հուսիկը շարունակ կրկնում էր.

— Պապո, հիմա ո՞ւր կլինի մամոն...

Ձինադադարից հետո քաղաք գնալով՝ նրանք հույս ունեին,
թե իրենց ընտանիքները կուվի միջոցին թաքնված կլինեն հարե-
վանների մոտ, ինչպես խորհուրդ էին տվել իրենք: Բայց երբ
Թորգոմն ու ընկերները հասան քաղաք, ձիերը կանգնեցրին
զարմացած. դեռ հեռվից երևում էին այրված տներ, մյուս
պատեր, փլած տանիքներ: Իսկ երբ մտան փողոցները՝ նկա-
տեցին, որ տների մեծ մասի եղեղները, փայտե մասերը այրվել
էին իսպառ և կանգուն մնացել էին քարե պատերը, սյուները...
Այրվել էին կարասիներ՝ թախտեր, նստարաններ, փովածքներ:
Տեղ-տեղ փլված պատերի միջից և կրակի վրա բաց դռներից
ներսը երևում էին պղնձե և փայտե ամաններ դարակներին
շարված... Բայց տեր չկար: Ամեն ինչ թվում էր հոշոտված ու

լքված... Առհասարակ բնակիչներ քիչ էին երևում. երևացողներն էլ վախժորած էին. թվում էին ծեծված, քաղցած—այնքան նիհարած էին ու սրտաբեկ, ինչպես լինում են մեծ աղետից փրկվածները: Թորգոմն ու ընկերները—ոչ մեկը—չէին կարողանում ասել մի բառ... Հասկանում էին ի՞նչ է կատարվել, ու խոսքը թվում էր ավելորդ: Բայց Հուսիկը դարձյալ չհամբերեց և հարցրեց մի քանի անգամ.

— Պապո, էս ինչո՞ւ էսպես...

— Գնանք, — ասաց հայրը առանց բացատրության:

Առաջանալով՝ յուրաքանչյուրը մտածում էր իր տան մասին: Հասնելով վերջապես իրենց տներին՝ նրանք նորից կանգ առան: Տանիքները տեղ-տեղ այրված էին, պատերը թեկ կանգուն, բայց վնասված: Առաջինը, Թորգոմը թռավ ձիուց և վազեց իր բակը. տան դուռը փակ էր և... մայրը չկար: Իրեն իրենց տեղն էին, բայց մայրը... Նա արագ անցավ Հովսեփի տունը. մի վայրկյան կարծեց, թե մայրն անցել է այնտեղ... Հովսեփը ինքը շվար կանգնել էր սենյակի մեջ-տեղը... Այստեղ էլ իրերը տեղն էին... կինը չկար... Քիչ հետո երկուսով անցան Վարդանի տունը: Բակը չմտած՝ լսեցին Հուսիկի ձայնը, որ հարցնում էր.

— Պապո, հապա մամոն ո՞ւր է...

Հայրը չգիտեր ի՞նչ պատասխաներ... այստեղ էլ իրերն իրենց տեղն էին, բայց մարդ չկար ո՛չ դուրսը, ո՛չ ներսը: Եվ ընկերները բավական ժամանակ մնացին անխոս, մինչև երկվաց հարևաններից մեկը և պատմեց, թե ի՞նչ էր անցել-դարձել, թե ի՞նչպես եկողները կովից հետո մտել էին քաղաք և տիրափախներ ջոկել ու տարել:

— Ո՞ւր, — կտրեց Թորգոմը անհամբեր:

— Ո՞ւր պիտի. գերի, — վրա բերավ հարևանը:

Պայդ էր. ուրեմն տարվող գերիների մեջ են եղել նաև իրենց հարազատները, և իրենք այդ չեն իմացել:

— Դու քո աչքով տեսա՞ր, որ տարան մերայնոց, — հնչեց Թորգոմի ընկճված ձայնը:

— Ո՛չ. էդ ասել չեմ կարող, իմ աչքով չեմ տեսած: Բայց տարան շատերին: Տարան մեծ խմբերով... այնպես էր՝ մարդու աչքեր մթնի էին. ծանոթ-անծանոթ չէիր ջոկի...

Այնուհետև ծանր սրտով քաղաքում շրջելով՝ տեսան շատ

տներ քանդված, այրված. եղեգները կտուրներից կիսավառ
կախված, գոները կոտորտված, փողոցները տակնուվրա...
Մանր էր... Բայց ավելի ծանր էր, երբ նրանք յուրայիններին
չգտան և ոչ մի տեղ... Որն է բան իմանալու համար ընկերները
եղան քաղաքի բոլոր թաղերում, բայց մարդիկ դժվարանում
էին ասել, թե ով ո՛ւր է գնացել կամ ում ի՛նչ է պատահել:
Ոմանք ասում էին, թե շատերը կարողացել են փախել-ա-
պաստանել դուղերում, բայց եղել են և այնպիսիները, որ
ընկել են թշնամու ձեռքը և տարվել գերի... Այնպես որ քա-
ղաքում Թորգոմն ու ընկերները չկարողացան պարզել, թե
ո՛ւր կլինեն իրենց հարազատները... Սարով անցել էին Սուր-
մարի՝ մայրաքաղաք գնալու, թե գերի տարվածների մեջ էին:
Կային մարդիկ էլ, որ պնդում էին, թե շատերը գնացել էին
Դարոնք ամրոցը՝ Բագրատունի իշխանին ապավինելու, և
մատնացույց էին անում, թե փախչողները ո՛ր կողմով էին
գնում... Ընկերները, լինելով կովի մեջ, իրենք գյուղերը
փախչողների շին տեսել, բայց հեռվից նկատել էին գերի
տարվողներին, նկատել էին, թե ինչպես կին, մարդ, երեխա
իրար խառնած և նիզակավորներով շրջապատած, փռշեմած
ճանապարհներով քշում էին նախարարների կավածների
կողմը:

Ընկերները մի երկու օր մնացին քաղաքում, հարցուփորձ
արին շատերին, բայց երբ ոչինչ պարզել չկարողացան, գերա-
պաս համարեցին ժեկնել մոտիկ շեները, մտածելով, թե գուցե
այդ շեներում լինեն... Չնայած գինադադար էր, բայց նա-
խարարների կավածները գնալ վտանգավոր էր. իրենց ևս,
որպես տիրափախների, կարող էին կալանել և պահել... Ուս-
տի որոշեցին յուրայիններին փնտրել առայժմ մոտիկ շենե-
րում: Երբ ճանապարհ ընկան՝ Հուսիկը հարցրեց.

— Ո՛ւր կերթանք, պապու:

— Մամոն գնացել է շեն. գնանք բերելու, — եղավ Վար-
դանի պատասխանը:

Եվ ահա տասը օր էր նրանք փնտրում էին իրենց ընտա-
նիքները: Եղել էին հինգ-վեց գյուղում, և ամեն տեղ հանդի-
պել էին տիրափախ ընտանիքների. ամենքն սպասում էին
վերջնական խաղաղության, որ վերադառնան քաղաք: Հարցու-
փորձը այս շեներում նույնպես քիչ բան էր պարզել կամ գրկ-

թե ոչինչ չէր պարզել: Մի տեղ հանդիպեցին մոտիկ մի հարևանի՝ պատշար Պետրոսին և արախացան, որ նրանից կիմանան մի բան: Բայց նա ևս ոչինչ չգիտեր ստույգ:

— Սկիզբը՝ ամենքին տեսանք, ամենքը և ձերայիները իրենց տների առաջ էին, — սկսեց նա: — Բայց երբ շարք մը տավ քաղաք՝ էլ չիմացա, ով ի՞նչ եղավ: Մենք ելանք-եկանք էս շեն ու մնացինք:

Մի այլ շենում փախածները հայտնեցին.

— Մենք քաղաքից ելանք՝ թշնամին փակեց ճանապարհը:

— Ո՞ր ճանապարհը՝ Մասյա՞ց, թե Դարոնքի:

— Դարոնքի: Մասյացը վաղուց փակուի էր, որ մեկը լուր չտանի թագավորին:

Ընկերներն այս հարցուփորձն անում էին Հուսիկին թողնելով ձիերի մոտ, կամ՝ այլ մի տեղ, որ երեխան չստի ամենինչ և չտխրի: Բայց որովհետև նա գիտեր, թե հարևանները որոնում են իրենց տնեցիներին, իսկ հայրը՝ իր մորն ու քրոջը, այդ զրույցներից հետո հարցնում էր միշտ.

— Մամոն էստեղ է՞լ չի եկել:

— Չէ, մամոն գնացել է ուրիշ շեն, ավելի լավ շեն, — մխիթարում էր Վարդանը նրան:

Բայց Հուսիկը շարունակում էր հետաքրքրվել.

— Հապա որ մեր տուն վառուկ է, պապո, մենք մամոյին ո՞ւր տանենք պիտի...

Հայրը չգիտեր ինչ պատասխանել և միայն ասում էր.

— Գնանք մամոյի մոտ՝ կխոսենք:

Մի ուրիշ շենում, որ գտնվում էր Դարոնք ամրոցի մոտ, ընկերները դարձյալ հանդիպեցին ծանոթների, դրանց հետ և դարբին Դավթին, որ այդտեղ էլ երկաթե գործիքներ էր շինում բացօթյա քուրայի վրա...

Զրույցից պարզվեց, որ նա, որպես տիրափախ, քաղաքում կռվել է երկար ժամանակ, բայց երբ թշնամին մտել է ներս և սկսել տիրափախներ փնտրել, ինքը թողել է փախել՝ նրանցից մեկի ձին հեծնելով:

— Զկամեցա տանեն գերի: Պիտի ծեծեին և պատժելու համար լծեին եզան հետ: Երբ տեսա ջոկում էին տիրափախնեւրին՝ ես հո՛ւ... թռա ձիու մեջքը:

— Ինչպե՞ս էին իմանում ո՞վ է տիրափախ, ո՞վ տեղացի, — ընդմիջեց Թորգոմը:

— Կար որ ճանաչում էին, կար որ ուրիշն էր ասում, — տխրությամբ գլուխը շարժեց դարբինը: — Բայց կային էլ, որ երբ հարցնում էին «որտեղացի՞ ես» — վախից չէին կարողանում սուտ խոսել...

Երբ եկողների հարցումները վերջացան, փախածների բազմությունը ավելի շրջապատեց նրանց.

— Իսկ դուք կովից հետո եղա՞ք քաղաքում:

Երբ լսեցին «այո»՝ հարցումները տեղացին տարափի պես.

— Շա՞տ տուն է այրվել... Որքա՞ն մարդ է տարվել գերի...

— Մեր տունն ինչպե՞ս է... Երբ հաշտություն կլինի՝ կարո՞ղ ենք վերադառնալ... Հիմա էլ կարելի՞ է...

— Այո, հարկավ:

— Բայց եթե նախարարները նորից տիրափախ պահանջե՞ն:

— Չենք ի գնա... Թագավորը չի տա...

— Իսկ եթե համաձայնի և տա՞...

— Չենք գնա... Չենք գնա... Կմնանք էստեղ՝ շենքերում...

Չկար մեկը, որ ցանկանար գնալ նախկին տիրոջ մոտ, որովհետև դա ամենքին թվում էր մահվան հավասար... Բոլորն էլ թե՛ այս, թե՛ մյուս շենքերում սպասողական վիճակի մեջ էին, երազում էին, որ շուտ հաշտություն լինի և ամենքը վերադառնան իրենց տները, բայց և ամենքը միաժամանակ այն երկյուղն ունեին, թե հանկարծ նախարարները հաշտության պայման զնեն թագավորի առաջ, որպեսզի նա վերադարձնի բոլոր տիրափախներին:

Այգ. երկյուղն ունեին նաև Թորգոմն ու ընկերները. բաց առաջ ու առաջ նրանց հետաքրքրում էր, թե ո՞ւր են իրենց ընտանիքները՝ թաքնվա՞ծ են որևէ տեղ, թե հանդիսիլ են ծանր մի աղետի: Նրանք գերադաս կհամարեին գտնել նրանց, թեկուզ ուշ, միայն թե ողջ լինեին և ոչ գերի տարված: Գերի՞... այս հեռանկարը սարսափ էր բերում նրանց: Գերի — դա նշանակում էր, որ շարաշար, դաժանաբար կտանջեին նրանց...

Այս ծանր կասկածները առավել տաղնապում էին Թորգոմին. նա մտածում էր, որ գերի տարվելու դեպքում մորը, Մինային և նրա հորը կտանջեն ավելի, մանավանդ, եթե իմանան, որ Համունի իշխանը սպանվել է յոթ ձեռքով... Թորգոմը,

մի քանի գյուղերում լինելուց հետո, առանձնով չի պարզվում յուրայինների ո՛ւր լինելը, ծանր ապրումների մեջ էր. երբեք նրա մտքով չէր անցել, թե մի օր կստեղծվի այնպիսի վիճակ, որ ինքը կորցնի հարազատներին, իր նշանածին, որին այնքան դժվարությամբ բերել-հասցրել էր քաղաք և երկու օրից պիտի պսակվեր հետը... Որքան էլ սակայն ծանր էր այդ ամենը, բայց, չգիտես ինչու, հույսը չէր կորցնում:

Նույն դրությամբ մեջ էին ընկերները: Այդ վիճակում նրանք, ճիշտ է, իրար մխիթարել չէին կարող, բայց ջանում էին սիրտ տալ թե՛ յուրաքանչյուրն իրեն և թե՛ միմյանց.

— Էհ, էս շենում չեղան, իցե լինեն մյուսում: Սրանք, որ փախել են այստեղ՝ մերոնք չէին մնա... Նրանք էլ կերևի գնացել են ապահով մի տեղ...

Այսպես, երբ մի շենում հուսահատվում էին, հույսները դնում էին մյուս շենի վրա ու ճանապարհ էին ընկնում տխուր խորհրդածելով.

— Նախարարներից փախանք, թագավորն էլ չպաշտպանեց...

— Մեզ չէ, պաշտպաններ գեթ իր քաղաքը...

Երբեմն էլ, տխուր մտքերից կարծես ձախճաբացած, փորձում էին զվարթ երևալ կամ կատակել: Զարմանալի է, թե ինչպես է լինում, որ մարդը նեղ, տխուր վիճակում էլ իր մեջ ուժ է գտնում կատակելու, հեգնելու... Ինչպես գիտենք, Թորգոմի հարսանիքը պետք է լիներ երկու օրից, եթե կռիվը չսկսվեր: Կնքահայրը լինելու էր Վարդանը, ծախսարարը՝ Հովսեփը: Այս մասին նրանք խոսում էին ավելի այն ժամանակ երբ նկատում էին Թորգոմի տխրությունը:

— Է՛, Թորգոմ, Բորգոմ. քանի կամեցար պսակվել՝ փորձանք եկավ: Հիմա Մինային գտնենք՝ պսակենք իսկույն, որ էլ փորձանք չպատահի... Համաձայն ես:

— Համաձայն եմ, — սթափվում էր Թորգոմը: — Միայն թե շուտ գտնենք:

Այժմ էլ, շինականին հանդիպելուց հետո, տխրակատակ վեր կացան և ձիեր հեծնելով բռնեցին լեռնային գյուղի ճանապարհը. ի՛նչ իմանաս, գուցե հենց այդտեղ են իրենց հարազատները... Բայց հաղիվ անցել էին մի փոքր տարածություն՝ նկատեցին մի ձիավոր, որ սրընթաց գալիս էր դեպ

իրենց, նա գալիս էր ոչ թե գլուխդից, այլ քաղաքի կողմից և նրա ճերմակ ձին փայլիլու՜մ էր արևի տակ, ասես խաղում էր հաճույքից... Ո՞վ էր, ո՞ւր էր գնում այդպես օրաքշով... Դա այնքան հետաքրքիր, որ քնկերները ձիերը կանգնեցրին իմանալու ո՞վ է և ո՞ւր է գնում: Եվ շատ սպասելու հարկ չեղավ: Շուտով մոտեցավ երեսունն անց մի առաջ շինական: Երբ պարզվեց, որ նա մոտիկ գյուղի բնակիչ է, Թորգոմը հարցրեց, թե քաղաքից փախածներ կա՞ն իրենց շենում: Երիտառարդը պատասխանելու փոխարեն հարցրեց.

— Ի՞նչ դուք կարո՞ղ եք ասել, թե ինչպե՞ս եղավ նախարարների սպանությունը:

Վայրկենապես Թորգոմի գլխով մի միտք անցավ, թե դիմացինը երևի ճանաչում է իրեն և նրա խոսքը վերաբերում է իր ձեռքով սպանված Համուհի նախարարին, ուստի և հարցրեց տարակուսով.

— Ի՞նչ սպանություն, ի՞նչ նախարարներ...

— Է՛հ, որ թագավորը որձակոտոր է արել:

— Որձակոտո՞ւր... Ո՞ւմ, ինչպե՞ս, որտե՞ղ... — հետաքրքրված քնկերները հարցեր տեղացին գրեթե միասին:

— Որտե՞ղ՝ Արմավիրում: Զգիտե՞ք...

Թորգոմն ու քնկերները իրար նայեցին զարմացած: Դա նորություն էր... զարմանալի, անսպասելի նորություն:

— Պատմիր, մարդ աստուժո, պատմիր, — խնդրեցին ներանք, ձիերից իջնելով:

Եվ ձիավորը պատմեց Արմավիրում կատարվածը, պատմեց կցկտուր, բայց գոհունակ շեշտով, ինչ վկայում էր նրա համակրանքը: Նրա ասելով՝ թագավորը կանչել է նախարարներին ճաշի և այդտեղ իսկ՝ ճաշի սեղանի մոտ կոտորել բուրդին: Ե՛րբ, — ասել է թագավորը, — փշացրիք իմ նոր քաղաքը: Դե փշացեք դուք ևս...

Հեծվորը պատմում էր այնպես, ասես ինքն սկանառես կամ մասնակից էր հղել դեպքին, խոսքերն ասում էր հուզված, ձևացնելով, ինչ և առիթ տվեց Թորգոմին հարցնելու.

— Դու ինքդ տեսա՞ր:

— Ո՛չ, պատմեցին մայր քաղաքից եկողները:

Պատմողը ներկա՞ էր եղել, թե ոչ՝ դա էական չէր: Կարևորը նրա բերած նորությունն էր, այնքան զարմանալի նորու-

թյունը, որին նրանք չհավատաքին սկզբում և խոսել իսկ չուղեցին, բայց հետո նրանց համակեց մի անզուսպ ուրախություն, այն աստիճան, որ առժամ մոռացան իրենց հարազատներին:

— Արժանի՛ են, արժանի՛,— առաջինը խոսեց Հովսեփը, որ սակավախոս մարդ էր ընկերների մեջ:— Մեզ որ հասցրին էստեղ, թող ամենքը կոտորվեն էդպես:

— Հիմա էլ կռիվ չեն անի,— հեգնեց Վարդանը ակներև բավականությամբ:

Թորգոմը լուռ էր. նա ներուստ ուրախ էր լսածից, բայց միաժամանակ ափսոսանքի պես մի բան էր զգում, որ ինքն այնտեղ չի եղել և իր աչքով չի տեսել այդ... Վերջապես նա ևս չկարողացավ զսպել իր ուրախությունը և բացականչեց.— Ա՛խ, էնտեղ լինելի՛նք...— Ասաց գլուխը տարուբերելով, ասլա, փոքր լռելով, ավելացրեց:— Զգնա՞նք մի տեսնելու...

— Զէ, Թորգոմ, գտնենք մերայիններին՝ հետո,— ասաց Վարդանը:— Իցե հիվանդ, քաղցած սպասում են մեզ:

— Հա, մամոյիս գտնենք՝ հետո,— խոսեց Հասիկը հանկարծ, որ մինչ այդ լսում էր մեծերի արտակարգ գրույցը:— Մամոյիս գտնենք...

Դա սթափեցրեց ընկերներին:

— Իրավ, իրավ,— համաձայնեց Թորգոմը:— Նախ գլտնենք մերայնոց, ապա հանգիստ երթանք իմանալու:

Եվ նրանք, երիտասարդ ձիավորին հրաժեշտ տալով, շարունակեցին իրենց ճանապարհը դեպի լեռնային գյուղը: Որքան էլ հոգնած՝ գնում էին աշխույժ, իսկ նրանց դեմքի տըխրությունը, զարմանալի բան, չքացել էր աննկատելի. չսած լուրը, թվում էր, ուժ էր տվել նրանց և վստահություն, թե կգտնեն յուրայիններին՝ գուցե և մոտիկ շենքերում... Իսկ եթե շենքերում չգտնեն՝ կերթան սպանված նախարարների կալվածները... Այնտեղեքում հիմա վտանգավոր չի լինի...

Մտածելով յուրայինների մասին, Թորգոմը երբեմն զգում էր, որ վերջին անգամ մորն ու Մինային պատվիրել էր ուրիշ տեղ չգնալ, այլ թաքնվել քաղաքում՝ հարևանների մոտ, հուսալի մի տեղ: Եթե այդ շաբեր, գուցե նրանք ևս փախած լինեին մյուսների հետ, և հիմա կարող էր գտնել գյուղերում... Բայց մյուս կողմից էլ մտածում էր, թե ինչպե՞ս պառավ մո-

ըը, Միհայի հորը խորհուրդ տար փախչել, երբ նրանք այդ անել չէին կարող... Գոնե ինքն այդպես էր կարծում: Մակայն ահա կարող էր ուժ տալ, ստիպել նրանց և նրանք գնային մյուսների հետ:

— Հիմա որ Միհային գտանք, Թորգոմ, էլ չենք սպասելու: Պսակելու ենք իսկույն, որ նոր փորձանք չգա,— Թորգոմի մտքի թելը կտրեց Վարդանը, ձին նրա կողքից քշելով:

— Թող կամքդ լինի, միայն թե գտնենք,— համաձայնեց Թորգոմը:

— Է՛, որ գտնենք՝ ո՞ւր գնանք պիտի,— հետաքրքրվեց սակավախոս Հովսեփը:

— Ո՞ւր... Պիտի գնանք, իհարկե, քաղաք, էլ ինչ խոսք,— ասաց Վարդանը:

— Բայց չէ՞ մեր տներ այրուկ են,— հնչեց նորից Հովսեփի ընկճված ձայնը:

— Նորեն կշինենք,— վրա բերավ Թորգոմը:

— Իսկ քաղա՞քը...

Դա լուրջ, ծանր խնդիր էր, և ընկերները մտածումների մեջ ընկան: Ի՞նչ իմանաս, քաղաքը կշինվի՞ նորից, թե կմնա այդպես: Շատերը մեռան, կորան կամ ցրվեցին ամեն կողմ, արդյոք նորից կվերադառնա՞ն քաղաքը նորոգելու, շինելու:

— Եթե թագավորը որձակոտոր է արել թշնամիներին, ուրեմն իր քաղաքը չի թողնի ավեր,— խոսեց Վարդանը:— Նորեն կշինի, էլ խանգարիչներ չեն լինի...

Թորգոմն էլ այդպես էր կարծում, բայց չէր խոսում: Միայն քիչ հետո, երբ ընկերները լռել էին, նա նկատեց...

— Մերայնոց գտնենք, հետո՝ տուն, քաղաք...

Ընկերները լռեցին. ճշմարիտ էր՝ նախ պետք էր գտնել կորած հարազատներին...

ԳՈՒԻՒ ՍՈՐԵՐՈՐԴ

Այդ օրերին քաղաքի վերաշինության մասին էր մտածում նաև Արշակ թագավորը:

Արմավիրի դեպքից հաղիվ մի ամիս անց նա իր առանձնարանում մի խոշոր բավկաթոռի մեջ նստած, լսում էր

Նայր-Մարդպետին, որ երկար հորդածալ թիկնոցն ուսերին, ծաղկատար անմազ դեմքին բացառիկ լրջութիւն տված, ասում էր կանգնած.

— Ես, արքա, խորամուխ եղա, որ վարքը նոցա կարի վտանգավոր էր, ուստի և արժանի արդար պատժիդ:

Թագավորը լսում էր և երբեմն հոնքերի տակից նայում նրան, սպասելով կարծես, թե ի՞նչ կարևոր մի բան կասի այնուհետև: Իսկ Նայր-Մարդպետը, գրեթե գողունի, կկոցած աչքերի միջից նայում էր թագավորին և շարունակում.

— Հոգ չէ, արքա, որ սպարապետը դժգոհեց, Բագրատունի ասպետը վշտացավ: Կանցնի ամենը և կմոռացվի: Կգա օրը, իրենք ևս կդատապարտեն ստամբակ վարմունքը նոցա: Հոգ չէ նաև, որ քահանայապետը սրտնեղեց: Այլ կերպ չէր կարող, վասնզի երաշխավոր էր եղած նոցա... Քահանայապետը, ցավոք, չի թափանցում մեր վիճակի խորքը: Նա հոգում է միայն փր եկեղեցու շահը... Սակայն, դու եղար իրավացի, արքա, և այսուհետ կլինես առավել իրավացի, եթե բարեկամ մնաս պարսից...

Մինչ այս Արշակը լսում էր հանգիստ, առանց որևէ շարժում անելու, բայց վերջին պարսից բառը լսելով՝ նա դեմքը խոժոռեց և աչքերը հառեց ներքինու ծաղկատար հրեսը:

— Թող այդ պարսից բարեկամութիւնը, տեր Մարդպետ: Առավել օգտակար կլինեն ասեիր, թե ինչպե՞ս վերականգնեմ իմ Ավանս: Կարո՞ղ ես օգնել ինձ... քո խորհրդով հարկավ:

Նայր-Մարդպետը շուրթերը ծամծմեց: Ավանը հրբեք նրա սրտովը չէր եղել և այժմ էլ խորհուրդ տալ դժվարանում էր, ուստի ասաց.

— Քո իմաստութիւնդ, արքա, այդ կիմանա առավել...

«Աղվես,— մտածեց Արշակը,— միշտ խուսափում է խոսք ասել Ավանիս մասին. վախենում է մարդեր պահանջեմ իր կալվածներից և ցանկանում է ամեն գնով բարեկամ մնանք պարսից, որպեսզի իր մեծ կալվածները մնան անվնաս»...

Նախարարների դպրից հետո Արշակին շարունակ զբաղեցնում էր մի սևեռուն միտք՝ վերականգնել Ավանը, ամենից առաջ շինելով նրա պարիսպները: Եթե Ավանը հենց սկզբից ունենար պարիսպ, երբեք չէր վնասվի... նախարարները մո-

տենալ շէին համարձակվի... Այժմ պետք է սկսել պարիսպներ-
րից: Եվ այդ անելու համար անհրաժեշտ պիտի լինեն նորից
հավաքել մեծ թվով գործավորներ ու մշակներ երկրի բոլոր
կողմերից, նաև Կամսարականի և մյուսների ծառաներին, Ու
շինել արագ... Այո, վերականգնել ի հեճուկս թշնամիների...
Իսկ Հայր-Մարդպետը խուսափում է խոսել... Արշակը նրան
վանշել էր խոսելու նաև Մերութանի մասին, թե ի՞նչ պատիժ
տալ «այդ շարամիտ ստամբակին», սակայն քանի որ Մարդ-
պետը խուսափեց Ավանի մասին խոսել, դա տհաճ եղավ
Արշակին, և նա շուգեց շարունակել:

Պետք է ասել նաև, որ ապստամբ նախարարների կոտորա-
ծից հետո Արշակը մտածում էր, թե այսուհետ հանգստություն
կտիրի իր երկրում, մյուս նախարարները այլևս չեն համար-
ձակվի խոսել ու գործել իր դեմ, իր գահի դեմ, և ինքը կվերա-
կանգնի Ավանը՝ այժմ արդեն ներհակ նախարարների մարդ-
կանցով... միայն թե կարողանա կալանել և պատժել Մերու-
թանին և Տարոնի տեր Վահան Մամիկոնյանին, որ շարունակ
չարիք են խորհում իր դեմ... Արշակին թվում էր, թե նրանց,
մանավանդ Մերութանին պատժելուց հետո միայն կլինի խա-
ղաղություն և ներքին ապահովություն, ինչ և անհրաժեշտ է
Ավանը վերականգնելու, և բերդն ավարտելու համար:

— Բերդը, այո, ավարտել բերդը...

Այդ օրերին էր ահա, այսինքն՝ դեպքից հազիվ մի ամիս
անցած, երբ հատուկ սուրհանդակներ Բյուզանդիայից միջնա-
բերդ բերին երկու նամակ. մեկը Անդոք իշխանից էր՝ ուղղված
Արշակին, մյուսը Պապից՝ մորը:

Անդոք իշխանը իր երկար նամակում գոհունակություն էր
հայտնում, որ Արշակը պատժել է խռովարարներին, այլա-
պես «նոքա պիտի խանգարեին երկրի կարգն ու կառավարու-
մը, հարուցանելով շարունակական խռչ ու արգելք»: Ցավելով
էր գրում Ավանի վնասների մասին և հույս էր հայտնում, որ
այսուհետ, իսառնակիչների վերացումով, երկիրը խաղաղե-
լով, հնարավոր է և պետք է վերականգնել այդ «կարի-
կարեւոր» քաղաքը պարսից ճանապարհին՝ իր բերդով: Իշխանն
իր նամակում խորհուրդ էր տալիս թագավոր-փեսային՝ զո-
րացնել բանակը, միաբանել «մնացյալ նախարարաց, վասնզի
ունեն հարևաններ, իսկ հարևանը երբեք բարեկամ չի լինում»...

«Զորացրու քանակդ, որ զորացնես երկիրը հայրենի», — կրկնել էր իշխանը նամակի վերջում:

Նամակը հաճելի եղավ Արշակին. դա նրան ուրախացրեց նաև, որ իշխան-աներոջ ասելով՝ բյուզանդական արքունիքը նույնպես գոհ էր, որ Արշակը վերացրել է «պարսկաժեստ նախարարաց», և դա գնահատում էին որպես բյուզանդական բարեկամության ապացույց... Գոհ է մնացել անգամ Վաղես կայսրը...

Իսկ երիտասարդ Պապը գրում էր Թագուհի-մորը, թե ինքը Անդոբ իշխանի՝ պապիկի հոգացողությանը շարունակում է ուսանել գիտություններ հույն իմաստասերներից, որոնց ճամարանները հաճախում է կանոնավորապես և սիրով, վասնզի գրավիչ են նոցա աված գիտանքը՝ երկրի և տիեզերքի մասին... Պապը գրում էր, որ այդ ճամարանները հաճախում են նաև տարբեր երկրներից եկած արքայազուն և իշխանազուն պատանիներ, որոնց շատերի հետ բարեկամացել է արդեն, նույնիսկ այն աստիճան, որ միասին մակույկով գնում են ծովի հեռունեքում զբոսնելու... Այնուհետև գրում էր, թե կարոտ է ամենքին ու երկրին, պապ ավելացրել էր, որ կազդույր է... և մորը թվում էր, թե այդ մի հատիկ բառով Պապը կամեցել է ասել, թե իր առողջական վիճակը կատարյալ է:

Դա հարկավ ուրախացնում էր Փառանձեմին, սակայն նամակի մեջ նրան անհանգստացրեց մի հանգամանք, ոչ միայն անհանգստացրեց, այլև համակեց մեծ երկյուղով. Պապը մակույկով գնում է զբոսնելու... Ծովի հեռունեքում... Որպիսի՞ վտանգավոր ձեռնարկություն... Ո՞վ է նրան թույլատրել այդ անելու. և ինչո՞ւ պապիկը՝ իշխան Անդոբը, չի արգելում այդ, — մտածում էր Փառանձեմը տագնապած: — Ծովը հանդարտ, անշարժ ցամաք չէ. ծովը անկայուն է և դավաճան... Ինչպե՞ս Պապը չի հասկանում այդ...

Մտածելով՝ Փառանձեմի տագնապը հասավ այն աստիճանին, որ նա խորհեց նամակ գրել հորը, որպեսզի խստիվ արգելի Պապին «ծովային զբոսանքներ» կատարելու, մանավանդ փոքր չէ, այլ խելահաս, այժմ արդեն անգամ կնոջ, երեխայի տեր... Եվ անհանգստությունից Փառանձեմը գնաց իսկույն ամուսնու մոտ և նամակը տվեց նրան կարդալու:

— Ահա վասիկ, տես, Պապը գրում է, թե ծովում զբոսանքներ է կատարում: Կարելի՞ է միթե... Որքա՛ն զգուշացրել եմ... Մինչև այժմ չէր գրում այսօրինակ բաներ...

— Զէր գրում հավանաբար, քանի դեռ վարժ չէր թիավարության,— նկատեց Արշակը:

— Այդ ինձ չի մխիթարում, արքա, Պետք է գրենք, որ հեռու մնա վտանգից...

Փառանձեմի ձայնի մեջ տագնապից բացի, կար աղերսագին մի բան:

Ամուսինները նորից ու նորից կարդացին նամակները: Փառանձեմը, բացի «ծովային զբոսանք»-ի երկյուղից, ուրախ էր նախ, որ հարազատները երկար ընդմիջումից հետո, նամակ էին գրել, և երկրորդ՝ առողջ էին: Արշակը, սակայն, որքան էլ նամակներից գոհ, այսուամենայնիվ առանձին ուրախություն չէր արտահայտում և, եթե երբեմնակի նրա աչքերում շողում էր այդ ուրախությունը, դրա տակ միշտ նկատվում էր մի ներքին ծանր մտահոգություն: Այդ մռայլությունը Փառանձեմը նկատում էր վաղուց, ապստամբ նախաբարների սպանությունից հետո, և չէր կարողանում պարզել, թե ի՞նչ մտքեր են զբաղեցնում նրան կամ որտեղի՞ց է այդ թախիծը:

— Արքա, դու խորհում ես անվերջ և ինձ առաջվա պես մասնակից չես անում խոհերիդ,— ասաց Փառանձեմը, երբ ավարտեցին իրենց զրույցը նամակների շուրջը:— Ի՞նչն է արդյոք տխրությանդ պատճառը: Ինչո՞ւ չես վստահում հայտնել ինձ... Մի՞թե աս անկարող եմ որևէ կերպ օգնել քեզ, արքա... Թշնամիներից չկան այլևս. դու նորից կարող ես կառուցել քո Ավանը, քո բերդը... Ուրե՛մն...

— Այո, Փառանձեմ, ես նորից կկառուցեմ իմ Ավանը, իմ բերդը,— ծանր սկսեց Արշակը:— Սակայն խորհում եմ, թե ինչո՞ւ ավագներից ոմանք հեռացան մայրաքաղաքից: Մի՞թե նոքա ևս դատապարտում են ինձ ներսեսի նման: Մի՞թե կարծում են, թե այդ ամենը ես կատարեցի անձիս համար...

Ի դեպ. ներսես կաթողիկոսը, որ նզովելով հեռադավ պալատից, մի քանի օր հետո մեկնեց Բյուզանդիա՝ եկեղեցական կարևոր մի ժողովի մասնակցելու: Կատարվածից բարկացած էր այնքան, որ անգամ հարկ չէր համարել արքունիքին

Հայտնել իր մեկնումը: Արշակը վշտացավ այդ անտեսումից, բայց... ահա Անդոք իշխանը գրում էր, թե կայսրը հույն եպիսկոպոսների հետ նրան ևս աքսորել է ինչ-որ կղզի...

— Նրանք անշուշտ սխալվում են, արքա,— ասաց Փառանձեմը շեշտով,— թե՛ Սմբատ ասպետը և թե՛ մյուսները: Իսկ Վասակ սպարապետը, ճշմարիտ է, թեպետև հավան չէ Կամսարականների կոտորածին, բայց երբեք չի լքի քեզ... և այդպես մյուսները: Նոքա մնում են պալատում և կատարում են իրենց պարտքը: Հայր-Մարդպետն անգամ, թեև պարսկասեր, լսել եմ, դժգոհ չէ բնավ... Իսկ Գնունի եղբայրները՝ Դավիթը և Զենոնը նվիրված են քեզ: Լիովին ըմբռնել են, որ դու կատարեցիր ոչ քեզ համար, այլ երկրի ապահովության: Հետևաբար պատճառ չունես, արքա, սրտաբեկության:

— Ունեմ, Փառանձեմ, ունեմ և լուրջ առավել, քան կարող ես կարծել,— խոսեց Արշակը այս անգամ ձայնը փոխելով և ծայր մտահոգ եղանակով:— Տասը օր առաջ լուր առա, որ Մերուծանը և Վահան Մամիկոնյանը, լսելով ապստամբների պատիժը, դիմել են փախուստի... Այն մարդը, որ հրահրում ու բորբոքում էր նախարարների թշնամանքը իմ դեմ, ապաստանել է Տիգրան:

— Առավել լավ,— աշխուժացավ թագուհին:— Թշնամիդ հեռացել է երկրից և այսուհետ չի իառնակի ուրիշներին, չի վնասի երկրին ու քեզ:

Արշակի շուրթերին երևաց մի կոտրված ժպիտ:

— Ո՛չ, թագուհիս, նա այնտեղից կխառնակի ավելի: Կուգեի, որ մնար իր ոստանում և ես նրան պատժեի այնպես, որ հավետ մոռանար իր տոհմը և իր բանսարկու բնույթը: Ծճմարիտ է, Փառանձեմ, ես ընկճեցի նախարարաց սլառակտոդ ոգին, և հուսով եմ, այժմ երկիրը կամրանա անարգել: Բնավ երկյուղ չունեմ, որ Սպանդարատ Կամսարականը ընտանյո՞ր անցել է Բյուզանդիա. նա վտանգավոր չէ այնքան, որքան Մերուծանը դավասելու Սա, որ միշտ օգնող զորք է տվել ապստամբներին և շար մտքեր թելադրել նոցա, նույնը կարող է անել այժմ՝ հեռվից: Իմացիր, Փառանձեմ, քանի ատրում է այդ դիվածին հոգին, նա հանգիստ չի թողնի մեզ...

— Նա փախել է անշուշտ վախից, արքա, — ասաց Փա-

ռանձեմը,— ուստի հազիվ թե ի վիճակի լինի նոր դպիներ լարելու Թվում է ինձ՝ դա ժանր խոհերի առիթ չպետք է դառնա քեզ համար։ Մերոսմանն աչքեռ տնվնառ է, և լավագույն է մենք զբաղվենք մեր այլ հոգսերով...

Փառանձեմը ցանկանում էր աճեն կերպք ցրել ամուսնու տարաբյուսներ, ուստի և հիշեցրեց, որ պետք է գրեր Բյուզանդիոնից ստացված նամակների պատասխանը, ու խնդր շատով դուրս եկավ թղթուն զգուշացնող նամակ գրեցաւ։

Եսկ Արշակը դարձյալ մնաց իր ստորերի հետ։ Հակառակ կերպ նախարարների փախուստը լսելու օրից՝ նա շարունակ մտածում էր նրանց կաշանելու մասին։ Մականն ինչպե՞ս գլուխ բերել այդ և ի՞նչ հնարով— այս էր կարևորը։ Արշակը ղգում էր, որ Մերուսմանը պարսից արքունիքում անշուշտ դավեր է նյութելու իր դեմ, ուստի և պետք էր կանխել...

Ապստամբ նախարարների կոտորածից անցեր էր գրեթե մի ամիս և երկիրը ոչ թե այդ օրվանից, այլ գիտադարձից սկսած խաղաղ էր արգեն։ Ամենքը, զինվոր թե շինական, արհեստավոր թե քաղաքացի, գոհ էին, որ պատերազմը վերջացավ։ Նրանք քնավ սրտի մոտ շքնդունեցին, որ թագավորը պատժեց նախարարներին։ Նրանց համար կարևորը խաղաղությունն էր, ավելի շուտ այն, որ այժմ անխափան կարգ էին զբաղվել իրենց գործերով։ Շինականները՝ վարեք, ցանել և հնձել հանգիստ։ Թող բերքի մի մասը տանեն նախարարները, եկեղեցին, արքունիքը, միայն թե պատերազմ չեղնի... Ահա ինչու գոհ էին, որ պատերազմ չկա։ Շինականները մինչ այդ գիտեին, որ թշնամի լինում էր օտարը, պատերազմ սկսում է օտարը, բայց ներսի թշնամությունը, ներքին պատերազմը նոր էր ամենքի համար և... ծանր ու անհասկանալի։ Արշակին պատմել էին, թե ժողովրդի մեջ նախարարների սպանություն մասին ասում էին։ «Թող տատակեն... Իրենք եղան պատճառ, որ արյուն թափվեց»։ Ուստի և դատապարտում էին։

— Նզովք պատերազմին... Աստված հեռու պահի մեր որդոց ու թոռներաց,— ասում էին շատերը խաշակնքելով։

Ոչ միայն շինականները, ամենքը կարծում էին, թե պատերազմը վերջացավ և այսուհետև կլինի խաղաղություն, իսկ Արշակը գտնում էր, թե Հայոց Աշխարհի խաղաղությունը տևական կարող է համարվել այն օրից, երբ արժանի պատիժը

կտա Մերութանին և նրա բարեկամ Մամիկոնեից իշխան Վահանին, որ նույնպես զորք էր ունէլ Արշակաւանի դեմ և նույնպէս փախել-ապաստանել է Իրան: Արշակը փորձով համոզւեց, որ երկրին այնքան չի վնասում օտարի հարձակումը, որքան ներքին կռիւլը, ուստի ցանկանալով ցանկանում էր արմատախիլ անել այդ աղետի հնարավորութիւնը: Մտածելով, որ ներհակ նախարարները, լինեն երկրում թե երկրից դուրս, միշտ վնասելու են իրեն և երկրին, գտնում էր, թե ի՞նչ գնով էլ լինի, պետք է վերացնել «մեքենայոգ շարին», Մերութանին:

Արշակը Անգեղաց իշխանիկի պատմածներից գիտեր արդեն, որ զօգոհ նախարարներին զորավիգ էր լինում Մերութանը և որ սրա հրամաններն են ոգևորում նրանց: Տակաւին Կողովիտի կռիւների օրերին, երբ իմացավ, որ Մերութանը զինական ուժ է ուղարկում ապստամբներին օգնութեան, — մտածեց, որ իր գլխավոր թշնամին նա է՝ Մերութանը. պետք է ուրեմն կալանել նրան և պատժել ավելի խիստ, քան պատժեց մյուսներին: Ու Արշակին այնպէս էր թվում, թե մինչև չպատժի Մերութանին, չի կարող հանգիստ ձեռնամուխ լինել Աւանի և բերդի կառուցման: Պետք էր նախ պատժել շարին, ապա ռկսել Աւանի վերականգնումը...

Այո, նա կշինի նորից իր Աւանը՝ ավելի շքեղ, ավելի ամուր, որ նա գառնա իրոք անխորտակ բերդ, որպեսզի պաշտպանի Հայոց Աշխարհը ամեն արհավիրքից, որպեսզի ոչ մի պարսիկ չհամարձակվի ոտ դնել երկիրը հայոց:

Արշակին այժմ զբաղեցնում էին երկու խնդիր. պատժել Մերութանին և նորոգել քաղաքը, որից հետո, նրան թվում էր, խաղաղութիւնը կթագավորի իր երկրում:

Բայց եզան նոր և ավելի ծանր դեպքեր...

* * *

Այս խոհերի մեջ էր Արշակ թագավորը, երբ մի օր սահմանից լուր եկավ, թե Իրանից՝ արքայից արքա Շապուհի կողմից մի պատգամավորութիւն է գալիս Վաղարշապատ:

Լուրն անահնկաւ էր, հետևաբար առաջ բերեց մեծ հետաքրքրութիւն. թե՛ թագավորը և թե՛ ամեն ոք, ով լսեց, տառակոսում էին, թե ի՞նչ նպատակով կամ ի՞նչ առարկելութեամբ

է գալիս այդ դեսպանությունը. նոր պատերա՞զմ է պատրաստում Շապուհը և դաշնակի՞ց է փնտրում, թե կա այլ մի բան... Համենայն դեպս, մինչև կպարզվեր այդ ամենը, պետք էր կատարել ընդունված կարգը. և Արշակը Հայր-Մարդպետին կարգադրեց, որ հրկու հոգի առնելով զնա եկողներին ընդառաջ և ընդունի պատվով:

Եվ երկու օր հետո, իրոք, այդ դեսպանությունը եկավ և տեղավորվեց միջնաբերդի հյուրատանը: Եկողներից մեկը Շապուհի պալատականներից էր, մյուսները ազնվականներ էին: Բոլորը երկար սրածայր գդակներ ունեին՝ գառան գանգրամաղ մորթուց կարած և բրդյա լայն, հորդածալ թիկնոցներ: Մորուքները միատեսակ սև էին և ձիգ սեպածև: Դրանց ուղեկցում էր մի ամբողջ թիկնապահ գունդ՝ զինված նետ-աղեղով ու տեգերով: Զինվորներն ունեին թաղիքե կավագույն բդուղածև գլխարկներ:

Դեսպանությունը, արքունի հյուրատանը հանգիստ առնելուց հետո, երկրորդ օրը ներկայացավ սրալատ: Ընդունելությանը նախապես հավաքվել էր հայոց ավագանին. այդտեղ էր սրահայաց վասակ սպարապետը, լուրջ ու ծանրախոհ հազարապետ Դավիթ Գնունին, նրա եղբորորդի Զննոն Գնունին, եգիտասարդ, բայց ճերմակահեր Ադամ Գնթունին, Ռշտունյաց երկալահասակ Մեհենդակ իշխանը, որ մի գլխով բարձր էր բոլորից, լերջապես ծաղկավեր դեմքով ներքինի Հայր-Մարդպետը և ուրիշներ:

Արշակը նստել էր գահին. նրա կողքին՝ մի աստիճան ցածր տեղ էր բռնել թագուհին, ապա ավագները կարգով՝ իրենց դիրքի և աստիճանի համեմատ: Չնայած Արշակը հունական լեզվի չափ գիտեր և պարսկերեն, բայց և այնպես հրավիրել էին երկու թարգման հայ իշխաններից, որ հարկ եղած դեպքում օգնեն հասկանալու պարսից պատգամավորների ասածները, որովհետև պարսից պաշտոնական անձինք երբեմն սիրում էին խոսել հին ու խրթին ոճերով:

Երբ ամենքն արդեն հավաքվել և տեղ էին բռնել գահասըրահում՝ պալատի արարողապետը ներս գալով հայտարարեց.

— Պարսից Շապուհ արքայից արքայի բանագնացներ՝

իշխան Դեն-Միր, իշխան Միր-Մուշկ, իշխան Վեր-Շաբան, արքայից արքայի դպիր Սուր-Սուրի, զորավար Զահարի:

— Հրավիրիր,— կարգադրեց Արշակը բնագոյաբար ուղղղ-վելով գահի վրա և արքայական գավազանը բռնելով այնպես, որ նրա ոսկեգունդ գլուխը վրայի արծվաքանդակով սեւեւ վի պարզորոշ:

Պարսիկները ներս մտան հանդարտ, դանդաղաքայլ, որ նշան էր հարգանքի, իրարից մեկ-երկու քայլ հեռավորությամբ, ինչ նրանք համարում էին կիրթ պատշաճավորութուն: Ներս եկան, իրենց սովորության համաձայն, երկար գդակները դրած, ուսներին երկարաքղանց մետաքս թիկնոցներ առած, մորուքները անուշահոտ փայլուն յուղով օծած: Այս ամենը նրանց նմանեցնում էր միմյանց, եթե չլիներ տարիքի և հասակների տարբերությունը:

Ներս մտնելով, նրանց գլխավորը, որ գալիս էր առջևից և որն ամենից երկարն էր ու տարիքովը, գլուխ իջեցրեց կտրծքն առաջ թեքելով. նրան հետևեցին մյուսները՝ նույն խոնարհումները կատարելով: Ապա առաջնորդը, խոնարհած գլուխը հանդարտ բարձրացնելով, ասաց հանգիստ, բայց շեշտով.

— Ողջո՛ւյն և արեւատությո՛ւն հայոց արքային մեծ:

Այս ասելով՝ նա նորից գլուխ իջեցրեց և, կրկին դանդաղորհն բարձրացնելով, շարունակեց հանդարտ.

— Իմ արեգնափայլ տերը՝ արյաց արքայից արքա, վսեմաշուք և աստվածընտիր Շապուհը մեծ՝ ողջունում է քեզ, արքա հայոց, և ցանկանում է բարեբաստիկ ու խաղաղ կյանք քեզ և քո երկրին: Նույնը ցանկանում է նաև քո բարեազնիվ թագուհուն, թագաժառանգին և արքունիքին...

Այս խոսքերի հետ նա շրջվեց աջ ու ձախ գլխի խոնարհումով, որ նշանակում էր, թե ողջունում է բոլորին և նորից կանգնեց ձգված:

— Միաժամանակ իմ մեծափառ տերը պատվիրել է ինձ՝ խնդրել նաև, որ ընդունես իր եղբայրական ու հայրական բարեկամության հավաստին և բարեմաղթություններ բարօջ կյանքի և երջանկության համար...

Վերջացնելով իր խոսքը՝ նա նորից մի վարժ խոնարհում արավ, որից հետո Արշակը, գավազանը ամուր բռնած, ոտրի

կանգնեց: Նրա հետ ոտքի կանգնեցին և բալոր աժագները: Նստած մնաց միայն Փառաճեմ թագուհին:

— Արքայից արքայի աղջուկներին և բարեմաղթությանց համար մեր շնորհակալությանը հղբայրական,— խոսեց Արշակը պարսկերեն, հարգանքի համար բառերը ձգելով: Ժոր տալով, ինչպես ընդունված էր պարսիկների մոտ— Նույն օարիքները աստվածային ցանկանալով Երանի և Անեռանի հզոր արքային, կիսնդրեի, տեր դեսպան, եղբայրական ողջույնըս և բարեկամության հաճաստին մատուցանեաք աստվածային տիբոջը:

Արշակի համառոտ խոսքերից հետո պարսից դեսպանները—հինգն էլ—խոնարհում արին միասին: Ապա, երբ ուղղվել էին, նրանց առաջնորդը ետ նայեց. նրա այդ ակնարկից՝ ծայրում կանգնած, տարիքով բոլորից փոքր գեսալանը դուրս գնաց և, մի բուպե անց, հետը բերալ՝ երկու նոր պարսիկ՝ ոտից զլուխ կապույտ հագած: Գրանք բռնել էին մի-մի արծաթ սկուռեղ՝ վրաները ինչ-որ բաներ գարսած և ամենը մետաքս քողերով ծածկած:

— Թույլատրիր, արքա բարի,— խոսեց գլխավոր դեսպանը, ձեռքը դեպ սկուտեղները մեկնելով.— մատուցանել քեզ արքայից արքայի եղբայրական սիրտ նվերները...

Ու, բանալով առաջին սկուտեղի քողը, մատնացուցց արաժ ոսկեզօծ գինու մի գամ՝ թաշի պարանոցով, որի կողքին շարված էին նույնպիսի ոսկեզօծ դաժաթներ: Ապա արծաթ դաշույն՝ ոսկե կոթով, և ոսկե գոտի՝ թանկարժեք քարերով խուզած:

Ապա դեսպանը երկրորդ սկուտեղը իր ձեռքն առնելով, հարգալիր քայլերով մոտեցաւ թագուհուն և, նուր խոնարհումով, դրեց նրա առջև ու քողը վերցրեց.— սկուտեղի մեջ փայլում էին ոսկի և արծաթ զարդեր՝ պես-պես ֆույնի քարերով, որ շողում էին աննախտիզ, շլացուցիչ ցոլքերով: Կային այդտեղ գոհարազարդ թագպաններ, ադամանդակուռ, զրմ-բուխտաքար մատանիներ, կարմիր, դեղին ու սև սաթի շարեր և մանյակներ, ականջի ու գլխի զարդեր...

Նվերները մատուցելուց հետո գեսպանության գլխավորն անցավ այնուհետև իր առաքելության բուն նպատակին:

— Այժմ, Հայոց Աշխարհի մեծ արքա, թույլատրիր ծառայիդ՝ կատարել իրեն հանձնարարված պարտքը:

— Խոսիր, դեսպանդ արքայից արքայի,— ասաց Արշակը, լարված սպասելով այն կարևորին ու էականին, ինչ հետաքրքրում էր իրեն դեսպանության եկած օրից:

Եվ դեսպանը, կրկին ականածալից խոնարհում անելով, սկսեց.

— Իմ ողորմած տերը՝ արքայից արքա և աստվածորդի Շապուհը մեծ, հղելով քեզ, արքա Հայոց, իր ողջունները հայրական, միաժամանակ խնդրում է քեզ՝ շնորհ քերել իր մայրաքաղաքը՝ Տիգրոն, երկու հարևան երկրների հասարակաց օգուտի մասին բարեկամաբար խոսելու, և ուղարկել է ահավասիկ... իր կնքած հրավերը...

Այստեղ դեսպանը, խոսքն ընդհատելով, թագավորին մատուցեց մի նամակ և արծաթյա մի տուփ, որի մեջ աղ էր՝ կնքած առջուծաքանդակ մատանիով:

«Ի՞նչ է նշանակում այս»,— մտածեց Արշակը և, ձեռքը երկարելով, ընդունեց կնքած աղի տուփը:

Կնքած աղը զրադաշտականի համար համարվում էր երդման ամենաբարձր ու նվիրական ձևը: Արշակը, որ միշտ կասկածով էր վերաբերվում Շապուհին, համարելով նրան խորամանկ ու խարդախ, կնքած աղը տեսնելով՝ զգաց, որ հրավերն իրոք անկեղծ է և կարևոր դործի համար:

— Սիրով ընդունում եմ արքայից արքայի նվերները, հարգո՞ղ դեսպան, և հայտնում եմ՝ շնորհակալությունս,— ասաց Արշակը:— Ինչ կվերաբերի արքայից արքայի հրավերին՝ ես պիտի խորհեմ տակավին, թե ե՞րբ կներեն երջիս գործերը և ե՞րբ ի վիճակի կլինեմ ընդունելու մեծ արքայի հաճելի հրավերը... և իմ պատասխանը դու կստանաս երկու օրից,— ասաց իսկ դարձյալ պարսկերեն:— Իսկ առայժմ կցանկացի, որ հանգիստ առնեք և րկար ճանապարհի խոնջենքից, իբրև հյուրեր: Թանկագին:

Դեսպանները գլուխ իջեցրին և նույն կարգով ու նույն քայլով պատշաճավորության գուրս եկան գահասրահից:

Արշակը ելավ գահից:

Ընդունելությունը վերջացավ: Հայոց ավանդներ նույնպես հերթով դուրս եկան գահասրահից, կարծես խորհելով, թե

ի՞նչ է նշանակում այդ հրավերը և ի՞նչ պիտի լինի նումակում:

Նույն մտքերն էին զբաղեցնում նաև Արշակին: Երբ գահաթրահում այլևս ոչ ոք չմնաց՝ նա բացեց Շապուհի նամակը և կարդաց:

«Ես արքայից արքա, արանց և անարանց երկրների տեր, աստղերի ընկեր, արեդակի և լուսնի եղբայր Շապուհս՝ հղում եմ հայոց արքա Արշակին, իմ որդուն, ողջուն:

Ուրախ եմ և հավան միանգամայն, որ պատժել ես անհնազանդ ծառաներիդ, որոնք նկրտում էին խախտել իրավունքներդ և հանգիստդ արքայական: Այո, պատժել պետք է քստագույնս, երբ մի ծառա, թեկուզև իշխան, հանդգնում է ելանել իր տիրոջ՝ իր թագավորի դեմ»...

Ապա Շապուհը ցանկություն էր հայտնում, թե կուզեր շուտափույթ հանդիպել և խոսել երկու հարևան երկրների բախտի ու ապագայի մասին, որից հետո շարունակում էր.

«Այնուհետև թող լինի մեր մեջ սեր, խաղաղություն ու բարեկամություն: Իսկ մենք լինենք հայր և որդի»:

Սրան հետևում էին հրավերի խոսքերը, գրեթե այն ամենը, ինչ ասաց դեսպանության գլխավորը:

Կարդաց Արշակը և ուրախացավ: Այն, ինչ ցավ ու վերք էր նրա սրտում մինչ այդ՝ այժմ դարձավ իրագործելի հույս: Առաջին միտքը, որ ունեցավ Արշակը նամակն ընթերցելիս, այն էր, թե ահա լավ առիթ Մերուծանին և Վահան Մամիկոնյանին ձեռք գցելու և պատժելու: Հնարը գտնվեց վերջապես... Հիմա նրանք այլևս չեն կարող խուսափել իրենից: Բավական է ինքը համաձայնի գնալ և պահանջել նրանց— Շապուհը չի մերժի երբեք: Հանուն բարեկամության նա հանցագործին անմիջապես կհանձնի իրեն, մանավանդ որ Շապուհըն ինքն ևս զայրությամբ է խոսում ապստամբների մասին:

Ծշմարիտն ասած, Արշակը Իրան գնալու ցանկություն չուներ բնավ, ոչ էլ նպատակ կամ հույս Շապուհի հետ բարեկամանալու, բայց երբ նա կնքած աղ է ուղարկել—կռահեց, որ Շապուհն իրոք բարեկամանալու կարիք է զգում, մանավանդ նախարարների պարտությունից հետո: Այո, աշխարհում հարգում են ուժը,— մտածում էր Արշակը,— և Շապուհն այժմ, նախարարների պատժից հետո, անշուշտ զգացել է իր ուժը,

ուստի և հրավիրում է բարեկամանալու... Եվ ինքը, ինչու չէ, կերթա, որպես ապստամբ նախարարներին հաղթող. կերթա, հատկապես Մերութանի համար. նրան առնելու և բերելու համար... Բերի, որ այստեղ պատժի ամենքի առաջ... Ի խրատ և ի ցույց ամբարտավան նախարարների:

Եվ Արշակը դարձյալ վստահ էր, որ Շապուհը սիրով կհանձնի նրան, որպեսզի Հայոց Աշխարհի բարեկամությունն իր հետ լինի ամուր:

Այո, Մերութանը, միայն Մերութանը...

* * *

Շապուհի դեսպանությունը մեծ հետաքրքրություն առաջ բերեց թե՛ պալատում և թե՛ մայրաքաղաքում. ամենքը խոսում էին նրանց բերած մեծագին նվերների և մանավանդ անակրնկալ հրավերի մասին: Ինչո՞ւ է արդյոք հրավիրում Շապուհը, ի՞նչ կարևոր տեսակցություն է դա, որ հրավիրելու համար ուղարկել է մի այդպիսի մեծ դեսպանություն, ի՞նչ է նշանակում այդ. մի՞թե Իրանը պատերազմի վտանգ է զգում, և արդյոք բյուզանդացիներին՞, թե քաշանների կողմից... Երկար խորհելով՝ ամենքը գալիս էին մի եզրակացության, որ, այո, միայն պատերազմի վտանգը կարող էր Շապուհին ստիպել կնքած աղ ուղարկել հրավերի համար, այլապես նա հազիվ թե դիմեր այդ միջոցին:

— Պետք է խորամուտ լինել,— ասում էր Հայր-Մարդպետը:— Արքայից արքան կամենում է բարեկամություն հաստատել մեզ հետ, և դա օգտակար է հույժ:

Ոչ միայն պալատականները, ինքն Արշակը ևս մտածում էր այդպես. միայն պատերազմի մոտալուտ վտանգի դեպքում Շապուհը կարող էր ուղարկել այդքան առատ նվերներ և... կնքած աղ՝ լիակատար անկեղծության ապացույց: Անշուշտ, դարձյալ պատերազմի վտանգն է, որ հարկադրել է նրան՝ սպարապետ Վասակին նույնպես հրավիրել Տիգրոն...

Եվ այդ հրավերը Աթշակին հպարտություն էր պատճառում. ուրեմն Շապուհն զգում է հայոց օգնության կարիքը և ցանկանում է բարեկամանալ իրեն, և այդ իսկ պատճառով հրավի-

րում է հատուկ բարձր պալատականի միջոցով, այսինքն մեծ հարգանքով:

Երեկոյան Արշակը ավագներին հրավիրեց խորհրդի, ու լանհրաժեշտ էր համարում կարդալ Շապուհի նամակը և իմանալ նրանց կարծիքը: Եկան Վասակ սպարապետը, Հայր-Մարդպետը, Գնունիները, Մեհենդակ իշխանը, մինչև իսկ դրանիկ գնդի պետ Վահան խորխոռունին: Երբ ամենքը հավաքվել էին գահասարհում և նստել իրենց բարձերին՝ Արշակը եկավ գլխաբաց, վրան միայն թիկնոց, որ ճարձանդել էր անրակի վրա: Ավագները ոտքի կանգնեցին և գլուխ իջեցրին: Երբ Արշակը նստեց գահին՝ նրանք նույնպես գրավեցին իրենց տեղերը:

Խորհրդակցությունն սկսվեց Շապուհի նամակի ընթերցումով, որից հետո Արշակը հետաքրքրվեց, թե ի՞նչ են մտածում ավագները Շապուհի այդ հրավերի մասին:

Առաջինը խոսեց Հայր-Մարդպետը:

— Արքայից արքայի հրավերը պատե՛հ և երջանիկ առիթ է, արքա, մեր և պարսից բարեկամութունը ամրապնդելու: Հրավերը հույժ բարեկամական է, արքա: Ապացույց՝ կնքած այլը: Պետք է խորամուտ լինել...

«Հայր-Մարդպետը դարձյալ խորհում է իր կալվածների ասլահովթյան մասին», — մտածեց Արշակը, նայելով նրա բազմածալ պարսկական թիկնոցին, որի փեշերը ծածկույթի պես բռնել էին նրա բարձի շուրջը:

— Հրավերը, անտարակույս, հապալից է, — խոսեց հազարապետ Գնունին: — Սակայն հրավերի առիթը և նպատակը պարզ չէ, արքա: Որքան և խորհում եմ՝ հասու չեմ լինում, թե ի՞նչը կարող էր ստիպել Շապուհին հապճեպ հրավիրել քեզ տեսակցության, Արդյոք պատերա՞ղմ է սպասում Բյուզանդիայից, թե այլ մի երկրի կողմից, ուստի և կամենում է ապահովել իրեն հայոց բարեկամությա՞մբ, թե... Որքան իրազեկ եմ սակայն՝ Բյուզանդիան առայժմ չունի նպատակ պարսից դեմ ելանելու: Թերևս այգորինակ մի վտանգ սպառնում է Քուշանաց աշխարհից... Համենայն դեպս, արքա, խորհում եմ, որ լավագույնս՝ Հայոց Աշխարհը մնա չեզոք... Ի դեպս, իհարկե, պատերազմի, — շեշտեց նա վերջին բառերը:

— Առավել ցանկալի չէ՞ արդյոք, տեր հազարապետ, դառ-

նալ բարեկամ և ընդմիշտ ապահովել մեզ պարսից յշտանգից,— ընդհատեց Հայր-Մարդպետը։

— Իսկ պարսից բարեկամ չէ՞ր նշանակի՞ Բյուզանդիայի թշնամի,— լսվեց սպարապետի հեգնական հարցումը։

Հայր-Մարդպետը շշուկովեց։

— Հարկավ։ Սակայն առավել ցանկալի պիտի համարենք բարեկամանալ պարսից, քան հռոմաց, վասնզի...

Արշակին հաճույք էր պատճառում Հայր-Մարդպետի ճիգը, որի նպատակը պարսից սահմանի երկարությամբ քնկած իր կալվածների ապահովությունն էր, և դա այնքան թափանցիկ էր, որ հասկանում էին ամենքը։ Ասենք պալատում ոչ միայն թագավորը, այլև շատերը գիտեին, որ երբ Հայր-Մարդպետը լսում էր, թե հայ և պարսից հարաբերությունները կարող էին վատանալ, մտածում էր առաջին հերթին, թե պարսիկը կմտնի իր կալվածները, պետք է ուրեմն կանխել հարաբերությունների վատթարացումը։

— Քո ցանկությունը հայտնի է ինձ, Հայր-Մարդպետ,— նորից խոսեց ծեր հազարապետը։— Բարեկամություն հարեւանների հետ ցանկալի է հանապազ։ Սակայն խորհում եմ, որ մեր աշխարհի համար գերադասելի է մնալ շեղոք ըստ ամենայնի։

Լսելով ավագների վեճը՝ Արշակը մտածում էր. «Եթե Շապուհը Մերութանին հանձնի ինձ՝ ես բարեկամություն կլսուտանամ նրան։ Եթե նա իրոք բարեկամություն է ցանկանում՝ ես կասեմ։— Մեր երկուսիս բարեկամությունը խանգարում են Մերութանի նման մարդիկ, որ հորինածո լուրերով պղտորում են մտքերը. և ահավասիկ, որպեսզի ամրանա մեր բարեկամությունը՝ հանձնիր Մերութանին քանսարկու, և մենք կլինենք բառեկամ...»

Մինչ ավագները վիճում էին վայելչության սահմաններում՝ Արշակը թե՛ լսում էր և թե՛ միաժամանակ խորհում իր մտքերը. բայց երբ խոսել սկսեց Վասակ սպարապետը՝ նա լարվեց և սենռուն նայեց իր զորավարի պիրկ կազմին ու մանր, բայց սրահայաց աչքերին։

Սպարապետն ասում էր.

— Ճշմարիտ է, Շապուհը նենգ է, նրա ամեն խոսքին դժվար է հավատալ, բայց երբ նա հավաստիացում է տալիս

զրադաշտականի համար նվիրական կնքած աղով՝ մենք այդ հրավերը մերժել չենք կարող հարկավ... Բարեկամությունը, տխարր, լինում է տարբեր. կարելի է լինել և չեզոք բարեկամ և մտերիմ բարեկամ... Մենք կարող ենք լինել չեզոք բարեկամ և չենք պարտավորվի զինակցության...

Խոսեցին ավագները երկար. հիշեցին անցյալի շատ փաստեր պարսից պատմությունից, դավերից, և այնուամենայնիվ դոտան, որ հրավերը, մանավանդ կնքած աղով հրավերը, մերժել չի կարելի: Վերջապես, բարեկամությունն ստեղծվում է հանդիպումներով, բանակցությունների և տեսակցությունների միջոցով: Հարևանները հավիտյան թշնամի չպետք է մնան... Ակնարկ եղավ և այն մասին, թե կարելի է անգամ բարեկամ ձևանալ առերես ու հանձն չառնել և ոչ մի պարտավորություն... Արշակն այդ ամբողջ խորհրդածողովից իմացավ մի հաստատ ցանկություն, թե պետք է զգույշ լինել, շռալ խոստումներ չանել և գերադասել Հայոց Աշխարհի չեզոքությունը... Իսկ ընդհանրապես, ավագների մեծ մասը կողմնակից էր գնալուն: Լավ առիթ է հարևանի հետ բարեկամանալու: Ապահով է այն երկիրը, որ բարեկամ է հարևանի հետ:

Նույն կարծիքի էր և ինքը Արշակը, բայց առաջ ու առաջ նրան հետաքրքրում էր Մերութանը. գնալ և «կապանոք բերել ստամբակին»:

Բայց այդ ամենից հետո թագուհին բացարձակ դեմ ելավ Տիղբոն մեկնելուն: Լսելով ավագների կարծիքը՝ Փառանձեմը հուզվեց.

— Ո՛չ, արքա: Մի՛ գնար: Շապուհը խարդախ է: Կարող է կաշկանդել քեզ ծանր պարտավորություններով: Երևի չի մոռացել և քո փոքրիկ օգնությունը բյուզանդացիներին: Հիշի՛ր, ինչպիսի՜ շարությանը կործանեց Տիգրանակերտը՝ իշխան-հորս չեզոքության համար... Ո՛չ, արքա...

Արշակը ջանաց բացատրել գնալու կարևորությունը.

— Ճշմարիտ է, Փառանձեմ, Շապուհը նենգ է, խարդախ, բայց պատերազմի վտանգի հանդեպ՝ պիտի ձգտի բարեկամանալ. մանավանդ ապիրատ հախարարների պատժից հետո՝ ալլապես չէր ուղարկի մեզ մեծ դեսպանություն, կնքած աղ և այնքան նվերներ. ինչ ասացույց են նրա անկեղծություն:

— Արքա, չեմ կարող ասել ինչու՞, սակայն սիրտս վկայում է, որ չպետք է մեկնել:

— Ո՛չ, Փառանձեմ, Թվում է՝ Շապուհն այժմ Հայոց Աշխարհի բարեկամության կարիքը ունի. և ես կամիմ օգտվել այդ առիթից բարեպատեհ և ստանալ Մերութանին անիծյալ, որ այնքան աղետ բերեց մերայնոց և Աշխարհիս Հայոց: Դարձնելով նրան անվնաս՝ գոռոզամիտ նախարարները ինքնակամ կզսպեն իրենց, և ես կարող կլինեմ հասնել նպատակիս. քանի՞ տարի է Մերութանը խռովում է մեր երկրի խաղաղությունը և խուսափում պատժից: Այժմ, վերջապես, գտնված է նրան կալանելու և պատժելու հնարը: Զպետք է թողնել առիթը...

— Իսկ քաղա՞քը, արքա,— հանկարծ հիշեց Փառանձեմը, մտածելով, որ միայն դա կարող է սթափեցնել Արշակին, որպեսզի նա ետ կանգնի իր մտադրությունից:— Ո՞վ պիտի վերակառուցի քո վնասված քաղաքը: Կարելի՞ է միթե թողնել: ավերակ և... վերջապես, ո՞վ պիտի սկսի հայոց բերդը:

— Մի կարծիր, Փառանձեմ, թե մոռացել եմ քաղաքը: Ես մինչև իսկ խորհում էի, թե անհրաժեշտ չէ՞ արդյոք նոր կառավարիչ կարգել նահատակ վարադ Գնունու փոխարեն, որպեսզի նա սկսեր աշխատանքը մինչև վերադարձս: Սակայն խորհեցի, որ անփորձ կառավարիչը չի կարող գործել առանց ցուցումների, ուստի և ամենը կսկսեմ վերադարձիս... Դա պիտի լինի իմ միակ հոգսը՝ կառուցել և ավարտել: Բայց նախ անվնաս դարձնենք Մերութանին...

Փառանձեմը լռում էր և գլուխն օրորում, հետո շհամբերեց և ընդհատեց ամուսնու խոսքը.

— Վախենամ, արքա, Մերութանի պատճառով վնաս բերես քեզ. ճանապարհը երկար է, վտանգալի... գուցե և ցուրտ:

— Զմեռը տակավին հեռո՞ւ է:

— Այսուամենայնիվ, արքա, ցանկալի է հետաձգել իմ մեկնումդ գեթ առժամանակ, մինչև կպարզես, թե ի՞նչ նպատակով է կանչում Շապուհը: Եթե մեկնես, առանց հրավերի նպատակը պարզելու, ես տագնապի մեջ պիտի լինեմ շարունակ:

— Ես կուղարկեմ քեզ սուրհանդակներ, Փառանձեմ,— խոստացավ Արշակը քնքշաձայն, ավելացնելով, որ կանայք

միշտ երկնշուժ են ամեն բանից, լինելով հոգով անարի և վախկոտ։— Արիացի՛ր... Մերութա՛նը... Մերութանը...

Երկու օր հետո Արշակը ճանապարհեց Շապուհի դեսպաններին, նախապես ընդունված կարգով պարզենք բաշխելով նրանց և պատվիրելով հայտնել արքայից արքային, թե ինքն ես կգա շուտով։

Եվ մի շաբաթ անց իրոք թագավորը մեկնեց իր թիկնապահ գնդով, Վասակ սպարապետի ուղեկցությամբ։ Պայծառ առավոտ էր. թվում էր արևն իր ամբողջ շողերը թափել է մեկնողների հագուստների և զենքերի վրա. փայլում էին նրանց ոսկեթել բանվածները, պղնձի սաղավարտները, տեգերն ու նիզակները։ Պալատական ավագներից շատերը և նախարարներ, նաև Փառանձեմ թագուհին և Վասակի Կատրանիդ տիկինը ճանապարհեցին նրանց մինչև Արաքսը։ Բոլորը գնում էին նժույգներ հեծած, Հասնելով Տափերական կամուրջին՝ ամենքն իշան ձիերից և սկսեցին հրածելոտի արարողություններ։ Մնացողները մաղթում էին ճարի երթ և բարի վերադարձ։ գնացողները «ցանկությունդ ի րարին» ասելով փարվում էին իրար... Թիկնապահ գնդի զինվորները միայն շունեին բարեմաղթող. նրանք տիուր նայում էին կատարվող տեսարաններին և սպասում, թե ե՞րբ պետք է ճանապարհվեն։

— Արիացե՛ք, և արի՛ կացեք...

— Անհամբեր սուրհանդակի պիտի սպասեմ,— ասաց թագուհին արցունքները սրբելով։

— Բարի է, թագուհիս, Տիղբոն ժամանելուն պես՝ քեզ լուր կրերեն իմ քաջավազ սուրհանդակները։

Ու մեկնողները՝ ամենքը նորից նստեցին նժույգները և սմբակների բազմատրոփով անցան կամուրջը. իսկ մնացողները կանգնեցին այնքան, մինչև որ նրանք թաքնվեցին աչքից։ Նրանք գնալու էին ոչ թե նախճվանով, այլ լեռների վրայով պիտի իջնեին Հեր գավառը՝ ճանապարհը կարճելու համար։

* * *

Վերադառնալով մայրաքաղաք՝ Փառանձեմի համար սկսվեցին նոր օրեր, ծանր սպասողության ու տագնապի օրեր։

Ի՞նչ է լինելու, ինչո՞ւ հանկարծ Շապուհը ցանկացավ բարեկամանալ հայոց թագավորի հետ... մտածում էր նա, շրջելով Արշակունիների ընդարձակ պալատում մեն-մենակ՝ իր մրտքերի ու կասկածների հետ։ Չնայած հազարապետի կինը՝ պառավ Նանան, սպարապետի Կատրանիդե տիկինը և մյուս պալատական կանայք ամեն օր այցում էին նրան և զրուցում երկար, այնուամենայնիվ նա չէր հանգստանում և դրեթև ամեն օր հետաքրքրվում էր, թե ուղևորներն այժմ ո՞ւր հասած կլինեն արդյոք։ Տալիս էին ենթադրական մի տեղի անուն։

— Իսկ քանի՞ օրվա ճանապարհ է մինչև Տիգրոն։

— Տասը, գուցե և տասնուհինգ, նայած ինչ արագությամբ են գնում, թագուհի։

Երբ տասը օրն անցավ՝ Փառանձեմը մտածեց, թե այժմ երեւի հասել են և Շապուհը այսօր կամ վաղը կընդունի Արշակին։ Իսկ հետո կգա սուրհանդակը... Չնայած ամեն օր նրա մոտ լինում էին և նրա սպասին էին կանգնում պալատականներն ու նրանց կանայք, բայց և այնպես Փառանձեմը, չգիտես ինչու, փափագում էր՝ «գեթ մի հարազատ լիներ մոտս»՝ հայրս, մայրս կամ Պապս, իմ միակը, որ ցանկանում է գալ միայն գարնանը... Մտածում էր անվերջ և սպասում սուրհանդակի։

Վերջապես քսան օրից ևկավ առաջին սուրհանդակը։ Դա մի զինվոր էր՝ թագավորի թիկնապահ գնդից։ Ներս բերեց նրան Զենոն Գնունին, Զինվորը խնամքով մաքրել էր վրանգլուխը, բայց արևախանձ ու քամահար դեմքը մատնում էր, որ նա երկար ճանապարհ է կտրել, և չնայած իրեն պահում է առույգ, սակայն հոգնած էր իսպառ։

Փառանձեմը սկսեց մանր հարցուփորձել. ինչպե՞ս գնացին առաջին օրը, որտե՞ղ գիշերեցին. ինչպես էր զգում արքան ճանապարհին. չունեցա՞վ հագնածություն, գլխացավ... Սուրհանդակը նկարագրեց ճանապարհը, իրենց գիշերելու տեղերը և թագավորի ինքնազգացումը...

— Այժմ պատմիր, աղաւ, ինչպես մտաք Տիգրոն և ինչպե՞ս ընդունեցին թագավորին և ձեզ ամենքիդ։ Սիրո՞վ...

Սուրհանդակը ուշիմ երիտասարդ էր. կենդանի նկարագրեց, թե ինչպիսի պարսից մեծամեծները ձերբով եկել էին

ընդառաջ՝ քաղաքից դուրս. իսկ արքային հատկացրին մի ամբողջ պալատ, ծառաներ, ամեն ինչ...

Այնուհետև Փառանձեմը հետաքրքրվեց, թե արքան կարողացա՞վ արդյոք մաքրվել ճանապարհի փոշուց:

— Այն շենքը, թագուհի, ուր պիտի ապրի արքան, ունի և բաղանիս:

Այնքան մանրամասն էին հարցումները, որ Փառանձեմն ինքն էլ հոգնեց, սուրհանդակն էլ:

— Մնացյալի մասին, տղաս, կհարցնեմ վաղը:

— Հրամանքդ, թագուհի:

Երբ սուրհանդակը պատրաստվում էր դուրս գալ՝ թագուհին, նայելով զինվորի ոտքերին, կարգադրեց, որ նրան տան նոր հանդերձանք և մի զույգ մույկեր:

Սուրհանդակի գալուց անցավ հազիվ մի շաբաթ՝ Տիզբոնից նորից դեսպան եկավ՝ այս անգամ թագուհու մոտ, հայտնելով, թե արքայից արքա Շապուհը սիրով իր արքունիքն է հրավիրում հայոց տիկնոջը և ավագներին՝ պարսից մեծ տոնին մասնակցելու:

Պարսից դեսպանի հետ Շապուհն ուղարկել էր և մի հայ իշխանի: Սա պատմում էր, թե Շապուհը մեծ պատիվների է արժանացնում Արշակ թագավորին, խոստանում է նրան հողեր և պատիվներ... բայց ցանկանում է ահա, որպեսզի թագուհին, նաև նշանավոր ավագները հայոց, նույնպես ներկա լինեն պարսից աշխարհի մեծ տոնին...

Ընդունելով պարսից նոր դեսպանին և լսելով նրա հրավերը, թագուհին արեց մի քանի զուսպ հարցումներ.

— Սակայն ինչո՞ւ այդ հրավերը չեղավ իմ թագավոր ամուսնու հրավերի հետ: Այն ժամանակ ես և իմ ավագները թերևս ի վիճակի լինեինք գալու:

— Մեր լուսաճառագ տերը այնքան ուրախ է իր և հայոց արքայի բանակցությանց արդյունքով, որ կամենում է նշանավորել այն պարսից մեծ տոնի օրը՝ երկու արքունյաց մեծերի մասնակցությամբ:

Փառանձեմը հոնքերն ու շուրթերը սեղմեց միաժամանակ և ասաց միայն.

— Բարի է, Դուք հանգիստ առեք, մենք կխորհենք անհրաժեշտը:

Թագուհին խորհելու կարիք չունեւր. նրա ժխտական կարծիքը հայտնի էր ավագներին: Այսուամենայնիւ ինքը կանչեց նրանց պարսից հրավերի վրա խորհելու. և ավագների մեծ մասը դեմ եղավ հրավերն ընդունելուն. ի՞նչ կարիք կա տաժանելի ճանապարհորդութիւն կատարել: Տիգրոն գնալու՝ մի ինչ-որ հանդեսի համար, թեկուզև դա լինի արտաքո կարգի: Միայն Հայր-Մարդպետն էր, որ, ինչպես թագավորի հրավերի ժամանակ, այնպես էլ հիմա պնդում էր, թե հանուն բարեկամութեան և ապահովութեան չպետք է մերժել և ոչ մի հրավեր: Զենոն Գնունին, նկատելով Հայր-Մարդպետի եռանդուն պաշտպանութիւնը, առաջարկեց հեգնանքով.

— Ուղարկենք Հայր-Մարդպետին:

Ներքինին չվիրավորվեց.

— Եթե ինձ ևս լինեիր հրավեր՝ չէի մերժի: Պատրաստ եմ հայրենի երկրիս բարօրութեան համար:

Փառանձեմը խոսեց վերջում.

— Մենք,— ասաց,— չենք կարող մեր աշխարհը թողնել անտեր: Ես լավ ոչինչ չեմ տեսնում այդ հրավերի մեջ: Եթե բանակցութիւններն ունեցել են լավ արդյունք, թող այդ տունեն իրենք՝ արքաները, Վասակ սպարապետը և մյուսները: Զկա հրամայական կարիք և ստիպողական անհրաժեշտութիւն հանձն առնել տաժանելի ուղևորութիւն: Թվում է կարելի է գոհանալ միայն շնորհակալութեամբ... Ես գոնե չեմ կարող հավատալ այն մարդուն, որ խաբեց իմ իշխան-հորս:

Սրանով վերջացավ հրավերի քննարկումը:

Հետեւից օրը հազարապետ Դավիթ Գնունին, պարսից դեսպանին պալատ հրավիրելով, հայտնեց թագուհու մերժողական պատասխանը, բայց այնպիսի խոսքերով ու եղանակով, որ անվախել չթվար. տկար է թագուհին և այլն... Ու քանի որ Թագուհին տկար է, մյուսները նույնպես չեն կարող բացակայել պալատից...

Իսկ Փառանձեմը պարսից դեսպանին ուղեկցող հայ իշխանի հետ հղեց մի նամակ թագավոր-ամուսնուն, զգուշորեն գրելով, որ իր գալը Տիգրոն աննպատակահարմար է և ինքը

թող շտապի վերադառնալ... Նամակը հղեց հատկապես այն նպատակով, որ Արշակը չկարծի, թե ինքն իրոք տկար է և իզուր շմտահոգվի...

* * *

Այդ օրից անցավ բազմական ժամանակ և ահա մի առավոտ ծեր Գնունին եկավ թագուհու հարկաբաժինը սովորականից ավելի դանդաղ քայլերով և, գլուխ իջեցնելով, հառաչեց.

— Դու, թագուհիս, գուտարն ես մեր կորովի Անդոք իշխանի, երգախ հայրդ ամեն աղետի ու գոթախտության տուկացել է քաջարար...

— Տեր հազարապետ, խոսքիդ եղանակը օտարոտի է ինձ, հոսի՛ր պարզ և մեկին:

Իրոք, հազարապետի ձայնը բեկված էր անշափ:

— Հրամանդ, թագուհի. կջանամ լինել ավելի պարզ, — շարունակեց Դավիթ իշխանը նույն ձայնով: — Միայն կխբնդրեի, որ դու, թագուհիս, գինվես կորովով մեծ:

Փառանձեմը լարվեց ավելի և չհամբերեց.

— Քո դեմքից և խոսքիդ եղանակից, իշխան, զգում եմ, որ դու ինձ աղետ ես գուժելու:

— Այո՛, թագուհիս, — նոր խոնարհում արավ ծերունին: — Ինձ դժբախտ դեր է վիճակվել այսօր գուժկան լինելու:

— Խոսիր, տեր հազարապետ: Ես կարող եմ լսել: Պատահե՛լ է հորս մի բան:

— Ո՛չ, թագուհիս. նա ողջ-առողջ է:

Փառանձեմի դեմքը գունափոխվեց վայրկենապես:

— Գուցե որդո՞ւս՝ Պապին: Մովային...

— Ո՛չ, թագուհիս: Ո՛չ:

— Հապա այլ ի՞նչ աղետ:

— Արիացիր, թագուհիս, և լսիր. մի արքան և սպարապետը զոհ են դարձել մեծ խարդավանքի, — ծերունու ձայնը բեկվեց ավելի, և նա, չգիտես ինչու, հապաղեց շարունակել:

— Եվ ի՞նչ աղետ է բերել Շապուհը նոցա, — ձեռները պրկեց թագուհին:

— Ոգեպնդվիր, թագուհիս: Մեծ խարդախը բանտարկել է նոցա:

Թագուհին նորից գունափոխվեց. նրա կուրծքն սկսեց իջնիլ-բարձրանալ, նա ձեռքը դրավ սրտին և լռեց գլխիկոր... Անցան վայրկյաններ, շատ վայրկյաններ, երբ նա, վերջապես, գլուխ քարձարացրեց ընդոստ.

— Մենք խաբվեցինք, իշխան, խաբվեցինք շարաչալ, ինչպե՞ս մոռացանք, որ Շապուհը շարաբարո է և նենգ, Խաբվեցինք կնքած աղին. իսկ նա ուխտադրու՞մ ոտնահարեց իր սրբությունը նվիրական, Խաբվեցինք...

Փառանձեմը նորից լռեց միառժամ, ապա հարցրեց.

— Իսկ ո՞վ է բերել այդ գուլժը, իշխան:

— Սուրհանդակը, Թագուհիս:

— Ի՞նչ սուրհանդակ է դա:

— Մեր արքայի թիկնապահ սեպուհներից մեկը: Փախել է ծալտյալ:

— Հրամայիր, իշխան, կանչեն նորան: Կցանկանայի լսել անձամբ:

Մի քանի վայրկյան հետո սուրհանդակը, որ իրոք արքայի թիկնապահ սեպուհներից էր, Թագուհու առջև կանգնած պատմում էր թագավորի և սպարապետի բանտարկությունը: Պատմեց նախ, թե ինչպե՞ս էին տեղ հասել և թե ինչպիսի՞ պատվով էին ընդունել թագավորին ու Վասակ սպարապետին:

— Առաջին օրերը, — շարունակեց սեպուհը, — Շապուհը մեծ հարգանք ուներ թագավորի հանդեպ, այնքան մեծ, որ մի անգամ, երբ Շապուհի ախոռապետը իբր լեզվով վիրավորիչ խոսք էր ասել մեր արքայի հասցեին, և Վասակ սպարապետը կտրել էր այդ ախոռապետի գլուխը — Շապուհը գովեց սպարապետի վարմունքը: Սակայն... Երկու օր հետո հրամայեց բանտել թե՛ սպարապետին և թե՛ թագավորին:

— Պատճա՞ռը, — չհամբերեց Փառանձեմը:

— Պատճառը, Թագուհիս, ինչպես լսեցի, այս է. Շապուհը բարկացել է և ասել, «Թավական չէ բացահայտ ու ծածուկ օգնում ես բյուզանդացիներին, այժմ էլ բերդե՞ր ես շինում սահմանիս մոտ, որ քո բարեկամ բյուզանդացիներին մոտեցնես իմ երկրին»... Բարկացել է և հրամայել. «Շղթայել զոցո, թող թագավոր ու սպարապետ գնան միասին բերդեր շինեն Անհուշ բերդում»...

Թագուհին գլուխն իջեցրեց և նորից լռեց բավական ժամանակ:

— Իսկ ի՞նչ եղան արքայից շքախմբի անդամները և դրանիկ գունդը:

— Նույնպես կալանված են:

— Իսկ դու մնացիր ազա՞տ, և ինչպե՞ս:

— Ես, Թագուհի, պետիս կարգադրությամբ գնացել էի շուկա, — և թիկնապահ սեպուհը պատմեց, թե ինչպես շուկայից դարձին հայտնում են իրեն, որ հայոց գունդը զինաթափել են և բանտարկել:

— Թագավորի բանտարկությունից հետո՞, թե առաջ, — հետաքրքրվեց Փառանձեմը:

— Առաջ, Թագուհի: Նույն օրը, բայց առաջ:

Այնուհետև երիտասարդ սեպուհը պատմեց, թե ինչպես ինքը անմիջապես կես ճանապարհից հեռացել է գնդի բնակած շենքից և գնացել մի հալ ընտանիք, զգեստափոխվել և պահվել այնտեղ: Ապա երկու օր հետո իմացել է նաև թագավորի և սպարապետի բանտարկությունը: Դրանից հետո պարսկի կերպ մտած շտապել է հայրենիք՝ աղետը հայտնելու:

— Ամենը պարզ է, — հառաչեց Փառանձեմը մի երկու վայրկյան անխոս խորհելուց հետո: — Ազատ ես, տղաս:

Փախած սեպուհը պատմեց միայն իր լսածը: Նա չգիտեր սակայն, թե իրոք ինչ էր անցել-դարձել պարսից արքունիքում, և չէր կարող իմանալ հարկավ:

Իսկ այնտեղ, այդ ամենից ղատ, տեղի էր ունեցել հետևյալը, ինչպես պարզվեց հետո կամ, լավ է ասել, ինչպես պատմեցին ականատեսները:

Այնժամ, երբ Շապուհը հայտնում է Արշակ թագավորին իր դատապարտության խոսքը, պարսից պալատականների հետ ներկա է լինում և Մերուծան Արծրունին, որ Շապուհից հետո դառնում է Արշակին:

— Կամենո՞ւմ էիր ոչնչացնե՞լ նախարարներին...

— Տիրադա՛վ, — ասում է Արշակը: — Կստանա՛ս պատիժդ:

— Ի՛նքդ ստացար արդեն:

— Մատնությամբդ, սողուն և վաճառված հոգի:

Մերուծանը գլուխն իջեցնում է, ապա՝

— Ոչ թե մատնությամբս, այլ ջանքերովս:

Շապուհը և պարսից մեծամեծները լսում են նրանց իր-
սակցությունը, նկատում են Մերուժանի այլայլումը, բայց
ոչինչ չեն հասկանում, որովհետև նրանք խոսում էին հայե-
րեն:

Դրանից հետո շղթայում են Արշակ Թագավորի և Վասակ
սպարապետի ձեռքերը և տանում նիզակազեն զինվորներով
շրջապատված:

Նրանց տանում են Անհուշ բերդը, ուր մտնողը մնում է
ընդմիշտ:

Այսպես վերջացավ Շապուհի հրավերը:



Իսկ ի՞նչ եղավ այնուհետև...

Շապուհը կարծում էր, թե հայոց թագավորին բանտարկելով՝ կընկճի հրկիրը... և, կարծում եք, թագավորի բանտարկության մը Հայոց Աշխարհը գլուխ իջեցրեց սյարսից արքայի առաջ և նա կարողացավ իրագործել իր վաղեմի նպատակը՝ Հայաստանը դարձնել իր նահանգներից մեկը:

Ոչ. Շապուհն իզուր էր կարծում, թե Հայոց Աշխարհը միայն թագավորն է և սպարապետը. կար հայ ժողովուրդը, կար հայոց զորքը, կային բազում անձնվեր մարդիկ: Երբ թագավորի և ժողովրդի սիրելի Վասակ սպարապետի բանտարկության լուրը տարածվեց երկրում—դա առաջ բերեց տագնապ ու ցասում, և ավելի ցասում, քան տագնապ: Պարսից արքայի ոտոր խաբհությունը ամենուր և ամեն լսողի մեջ հարուցում էր զզվանք ու զայրույթ: Միաժամանակ լսողն զգում էր վրեժի պահանջ և հայհոյում ականա՛մա.

— Իժի ծնո՛ւնդ... Աղ ու հաց պղծող ավազա՛կ...

Եվ իրենց վիշտը արտահայտելու համար բոունքք էին թափ տալիս անտես, իր հեռու Տիզբոնում նստած Շապուհի հասցեին:

Իսկ Փառանձեմ թագուհին, լսելով երկրին հասած աղետը՝ թագավոր-ամուսնու և սպարապետի բանտարկությունը, զգաց ծանր վերահաս վտանգ, զգաց դրա հետ միաժամանակ, որ երկրի կառավարման բարդ հոգսը ծանրանում է իր ուսերին: Զգաց ու մեռակության մեջ արտասվեց մի պահ, ապա, սթափվելով, ելավ ոտքի:

— Իլուր չէր սիրտս գուշակում չարը... Ուրեմն անբարո Շապուհը արշավանք է պատրաստում մեր դեմ... Ուրեմն կամեցավ գլխատել մեզ, որ դուրսով տիրի մեր մարմնին:

Խորհելով ու շրջելով միառժամ՝ նա կարգադրեց.

— Կանչեցեք Վասակ սպարապետի որդուն:

Չանցավ մի քանի վայրկյան՝ եկավ Մուշեղը՝ հոր նման ձիգ ու պիրկ, կլոր, սև կորովի աչքերով և տխրության կնիքը դեմքին:

Փառանձհմբ հասկացավ, որ նա տեղյակ է աղետին:

— Եվ այսպես, սիրելիդ իմ Մուշեղ,— հառաչեց Թագուհին,— ինչպես ես, այնպես էլ դու կորցրել ես քո մեծ հարազատին՝ ես իմ Թագավորին, դու՝ քաջարժիվ հորդ: Մեծ է մեր կորուստը և անհուն մեր վիշտը, դավակս... Բայց մենք ժամանակ չունենք այժմ մեր վիշտը սգալու, քանզի մեր աշխարհի գլխին կախված է մեծ արհամիրք: Տոկա՛, որդիս, և Շապուհի այս դավը ստոր թող սիրտդ լեցնի մեծ վրեժով, ինչպես լիրք է և իմ սիրտը: Սակայն ես կին եմ և անկարող զենք առնելու, ինչպես և անկարող եմ զորավարելու... Իսկ դու, իբրև մարտիկ և Մամիկոնյան, հղիք անխնա մեր ոխերիմ թշնամու հանդեպ:

Մուշեղը խոնարհեց գլուխը:

— Այնուհետև, սիրելիդ իմ,— շարունակեց Թագուհին հուզված,— նշանակում եմ քեզ հայոց զորքերի սպարապետ՝ քաջակորով հորդ փոխարեն, և լիահույս եմ, որ կաշուտույան ես աշխարհը մեր այնպես, ինչպես հայրդ էր պաշտպանում ցայդ ու քերեկ: Ես խրազեկ եմ, որ զորքը սիրում է քեզ և դու՛ զորքին: Պահիր բանակը մեր կողմ ու պատրաստ և ամրացրու սահմանները հայրենի: Շապուհն անտարակույս գալու է մեզ վրա...

Թագուհու ասածները նորություն չէին Մուշեղի համար. երիտասարդ զորավարը որքան տխրել էր՝ նույնքան և լցվել էր զայրութիւնով. նե՛նգ Շապուհ, նե՛նգ և ցածոգի՛... Մուշեղը չգիտեր Թագավորի՞ն մեղադրի, թե հորը, որ միշտ զգաստ էր և չէր խաբվում մարգկանց խոսքերից... Բայց այս անգամ հղավ դուրսահավատ. «Երկուսն էլ խաբվեցին կնքած աղից», մտածում էր նա. սակայն չէր կամենում խորանալ առանձնապես, որովհետև իմաստ չէր տեսնում վշտով տարվելու... Գի-

տեք: որ վշտով ոչինչ ուզեիլ չէք կարելի... Ես... ես... այն կարծիքն էր կազմել արդեն, թե Շապուհն այժմ չի հապաղի ներխուժել Հայոց Աշխարհը, ու կշտապի, քանի դեռ ձմեռը չի եկել... Ուրեմն պետք է լինել կազմ ու սպառաաստ:

— Այո, լինենք պատրաստ. պատրաստ ամեն պատահարի,— կրկնեց թագուհին և, հաջողություն մաղթելով, արձակեց Մուշեղին:

Պատրաստ ամեն պատահարի... թագուհու այս մտահոգությունը համակել էր թե՛ պալատի ալվազներին և թե՛ զորավարներին: Փառանձեմի ցանկությամբ նույն օրը եղավ ալվազների խորհուրդ, սուրհանգակներ ուղարկվեցին գավառները՝ իմացնելու աղետը և... զգուշացնելու վտանգից, իսկ զորականները մեկնեցին զորաժողով անելու: Քինագործները կարգադրություն ստացան՝ պատրաստեցու ամեն տեսակի զենքեր՝ նիզակներ, տեգեր, աշտեններ, նետ-աղեղ և զրահներ:

Անելով այս կարգադրությունները՝ Փառանձեմը մյուս օրը, մազերը հավաքած սաղավարտանման խույրի մեջ, գնաց մայրաքաղաքի զորակայանը, ստուգեց զորքի վիճակը, թիվը, խրախուսեց զինվորներին, իսկ պետերին խնդրեց «պատրաստ լինել ամեն պատահարի»... Թագուհուն ուղեկցում էին երկու պաշտակալ և Արշակ թագավորի թիկնապահ-սենեկապահ Եզնիկ իշխանը, որ միշտ երկյուղի մեջ էր, թե հանկարծ թագուհին ձիուց չընկնի, չսի անախորժ խոսքեր կամ... Ի՛նչ իմանաս:

Պալատ վերադառնալով՝ Փառանձեմը կարգադրեց, որ վաղն իսկ թագավորական և արքունի զանձնորդ, նաև ամեն թանկարժեք բան, տեղափոխեն Արտագերս կամ թաքցնեն ապահով տեղեր...

Նույնպիսի անհանգստություն էր համակել նաև հազարապետ Գնունուն, թեև շատ ծեր, բայց այդ օրերին առույգացել էր և, իր հերթին, եղբորորդու՝ Զենոն Գնունու օգնությամբ, կարգադրություններ էր անում, որ արքունի համբարականոցների և պահեստների պաշարները կրեն Արտագերս, իսկ շինականներին պարտավորեցնում էր, որ հորեն հացահատիկն ու ընդեղենը, և, հարկը պահանջած դեպքում, իրենց անասուններով հեռանան լեռնափոփառները... Մերունին այդ կարգադրություններն անում էր կորովի Ծառնդով, հապճեպ, մեծ

վտանգի երկյուղով, բայց և այնպես ամեն անգամ, թագուհուն ներկայանալիս, հանգստացնում էր նժան.

— Իցե և չպատահի ոչինչ, թագուհիս, Իցե և չգան... Բայց պարտավոր ենք լինել զգույշ և ամեն բանի պատրաստ:

Փառանձեմն զգում էր, որ ժերունին այդ ասում է՝ իրեն սիրտ տալու համար, այսուամենայնիվ նկատում էր.

— Այո, իշխան. անենք ամենը, որպեսզի հետո չզղջանք: Ես պատասխան եմ տալու երկրի և թագաժառանգ որդուս առաջ: Ես չէի կամենա, որ Շապուհը պղծի մեր երկիրը... Լինենք պատրաստ: Շապուհի արարքը մի պարզ դիտավորություն ունի՝ հարձակում և նվաճում: Դատելով իմ լսածներից՝ նա փորձեց տկարացնել մեզ նախարարների միջոցով՝ չհաջողվեց: Այժմ իր մայրաքաղաքում ապաստան է տվել Մերոսթանին և Վահան Մամիկոնյանին... Նրանք են, անշուշտ, հրահրել ապստամբ նախարարների հարձակումը Ավանի վրա: ու այժմ ևս նրանք կամենում են Շապուհին բերել մեր երկիրը...

Փառանձեմը հազարապետի հետ խոսում էր այնպես, ինչպես դուստրը հոր հետ՝ պարզ և անկեղծ:

— Այո՛, Շապուհը խաբեց, տեր Գնունի: Բայց խաբեությունը քաջություն չէ: Եթե նա քաջ էր՝ թող ճակատեր և ոչ թե խաբեություն կանչեր ու բանտարկե՞ր... Մենք խաբվեցինք՝ աղնվորեն հավատալով նրա կնքած աղին: Բայց նա ոտքի տակ տվեց զրադաշտականի այդ սրբությունն անգամ: Այժմ գոնե շխաբվենք... Թող գա Շապուհը. եթե մենք հա՞թենք՝ դա կլինի փառք և պատիվ մեզ համար, և Շապուհը հաղթված կլինի մի կնոջից: Իսկ եթե հաղթի ինքը՝ նա հաղթած կլինի մի կնոջ. և դա չի լինի մեծ քաջություն...

Փառանձեմը լռեց ծանր խոհերի մեջ, ապա, գլուխը բարձրացնելով, շարունակեց ավելի հանգիստ.

— Տեր Գնունի, վտանգը մեծ է. պետք է կանչել բոլոր ազնիվ նախարարներին. թող գան և պաշտպանեն երկիրը հայրենի... Կանչիր և Սմբատ ասպետին:

Այս զգուշավոր նախապատրաստության մեջ Վաղարշապատում շարունակ լուրեր էին առնում պարսից երկրից, թե Շապուհը Արշակ թագավորի դեմ զայրացած է եղել նախ, որ հայոց թագավորը չէր օգնել իրեն բյուզանդացիների դեմ,

այլ, ընդհակառակը, թույլ էր տվել, որ հոռոմներն անցնեն
Հայաստանի հողով... Առավել զայրացած էր, որ Արշակը,
ընկճելով դժգոհ պարսկասեր նախարարներին, ամրացնում
էր Հայոց Աշխարհը, կամենում էր լինել մեծ, երկիրը դարձնել
սննառիկ... Պատմում էին, որ Շապուհը մտածում էր, թե այդ
ամենի հետեանքը կլինեիր ուժեղ Հայաստան, և դա կարող էր
մեծ գլխացավանք պատճառել իրեն... այնինչ նրան ցանկալի
էր, որ հայ երկիրը մնա խառնակ, անիշխանություն մեջ, նա-
խարարները լինեն թագավորից անկախ... Ուստի և ամենեց
վտանգավորը Արշակ թագավորն ինքն է, որ կամենում է այդ
ցրված, անկախ ուժերը միաբուխելով՝ ենթարկել իրեն և
ստեղծել մեծ բանակ... Փախածները պատմում էին, թե Շա-
պուհը զայրացած է, որ սահմանին մոտ քաղաք հիմնելուց
զատ՝ Արշակը հիմք է դնում մի նոր բերդի... Կարելի՞ էր թույլ
տալ մի այդպիսի բան պարսից սահմանին մոտիկ...

Այսպես էին բացատրում Շապուհի վարմունքը ավագնե-
րից ոմանք և հատկապես հազարապետ Գնունին:

— Խարդախ, խարդախ աղվի՛ս,— կրկնում էր ծերունին
սրտմուխյամբ:— Եվ ինչպե՛ս մենք խաբվեցինք.— ասում էր
նա երբեմն թսկուհուն:— Գու, թագուհի, իրավացի էիր: Ար-
քան չլիարք է զնար:

Իսկ թագուհին պատասխանում էր.

— Կանայք, տեր Գնունի, բազում խնդիրներ թերևս չեն
ըմբռնում լիովին, բայց նախազգացումը նոցա հաճախ չի
խաբում: Այժմ պետք է ի մի բերենք մեր ուժերը և երկիրը
փրկենք բուրենուց: Պետք է ամրացնենք բերդերը, հետեանք, որ
դավաճանություն չլինի: Շապուհը կարող է կաշառել նախա-
րարներից ոմանց սուտ խոստումներով և ոսկով:

Փառանձիմն այս ամենը Գնունուհի ասում էր առանձին,
այնպես որ Հայր-Մարդպետը շուրջ ոչինչ, այլապես նա երկ-
յուղ ուներ, թե այդ մոլի պարսկասերը կարող է փախչել
շատ բան: Այդ էր պատճառը, որ վերջերս թագուհին հսկողու-
թյուն էր սահմանել նրա վրա, մանավանդ այն օրից հետո,
երբ ներքինին թույլտվություն խնդրեց՝ մի ամսով իր կալ-
վածները մեկնելու: Փառանձիմը մերժեց շատ պատվավոր
ձևով.

— Քո ներկայությունը, քո փորձ խելքը, Հայր-Մարդպետ,

հույժ անհրաժեշտ է այս ծանր օրերին: Մնա՛ և զգնի՛ր մեզ...

Հայր-Մարդպետը լռել էր և գլուխն իջեցրել, որովհետև պնդել, անգամ կրկնել ընդունված չէր: Սակայն, հարկ եղած դեպքում, նա չէր թաքցնում իր պարսկասիրությունը և ասում էր.— Թագուհի, չպետք է գրգռել Շապուհին, այլ հարկ է լեզու գտնել: Ու եթե պատահի դա պատերազմով, լավագույնը կլինի թանազնաց ուղարկել հաշտության խոսքով, որպեսզի կանխենք պատերազմը:

Փառանձեմը լսում էր, մտածելով, որ խորամանկ պարսկասերը կամենում է նրեի առանց կովի, առանց դիմադրության ենթարկվեն Շապուհին, որպեսզի նա իրեն զգա լիիշխան տեր... Թագուհին նրա հետ երկար խոսելու օչ ցանկություն ուներ, ոչ ժամանակ:

Իրոք, նա շարունակ զբաղված էր, առավոտից երեկո, նրա և Մուշեղի կարգադրությամբ զորքի մի մասը գնաց հայ և սլաւոնաց սահմաններում ամրանալու: Մի քանի հեծյալ գնդեր գնացին բռնելու այն ճանապարհը, որ Միջագետքից, Տիգրիսի հովտով, մտնում էր Հայաստան, իսկ մյուս հեծյալ գնդերը նոր սպարապետ Մուշեղի առաջնորդությամբ մեկնեցին Հեռ և Զարեվանդ գավառները, սրտեղից սովորաբար երկիր էին խուժում պարսիկները:

Ու մի երկու շաբաթ ամեն ինչ թվում էր հանգիստ: Սակայն հորորդ շաբաթվա առաջին իսկ օրը Մուշեղից սուրհանդակ եկավ, թե պարսից զորքը, գլուխ ունենալով Շապուհին, գալիս է դեպի Հեռ գավառը: Նրբ այդ իմացվեց՝ տագնապը համակեց ամենքին, իբրև հետ և դիմադրավելու վճռականությունը:

— Ի զե՛ն, ի զե՛ն,— կանչում էին մունետիկները մայրաքաղաքի փողոցներում,— Գալիս է պարսիկը, գալիս է թըշնամին ոխակալ...

Այս կարգադրել էր թագուհին, չկամենալով մայրաքաղաքի բնակիչներից և առհասարակ ժողովրդից ծածուկ պահել ոչինչ: Թող իմանան և իրենք ևս միջոցներ խորհեն ինքնապաշտպանության: Նա կարգադրել էր նմանապես, որ ցանկացողները, հատկապես զենքի անընդունակ մարդիկ, կարող են քաշվել լեռնագավառները... Երկու օր էր մունետիկները

հայտարարում էին թագուհու կարգադրությունները, իսկ ինքը՝ Փառանձեմը, նորից մի սև նժույգ հեծած, երկու պալատականի ուղեկցությամբ օրը մի անգամ գնում էր դիտելու քաղաքում և քաղաքից դուրս գտնվող զինագործարանները, քաղաքապահ զորքը, պահեստները... Այդ այցելությունների հետևանքը եղավ այն, որ մի օր էլ նա կարգադրեց, թե բոլոր զինագործները, դարբինները, արհեստավորները տեղափոխվեն Արտագերս բերդը։ Այնտեղ տանեն նաև բոլոր պահեստները։

— Տանե՛լ Արտագերս, դեպի՛ Արտագերս,— կրկնում էր նա միշտ լարված ու հուզված ձայնով։

Ոչ միայն Փառանձեմին, ամենքին նույնպես Արտագերսը թվում էր փրկարար մի վայր։ Չէ՞ որ այդ բերդը մեծ էր և ամուր, ու միշտ էլ եղև է անառիկ... Եվ այդ օրերին մայրաքաղաքի գրեթե բոլոր փողոցներում ամենից ավելի լսվում էր երկու բառ.

— Դեպի Արտագերս... դեպի Արտագերս...

Ու մի քանի օր շարունակ սայլեր, ձիեր, ուղտեր ու ջորիներ անվերջ շարքերով բեռներ էին կրում դեպի Արշարունիք, այնտեղից՝ Արտագերս և Կապույտ բերդերը։ Ու ամբողջ ճանապարհը՝ մայրաքաղաքից մինչև Արտագերս, Արաքսի երկարությամբ, բռնված էր այդ սայլերով ու անասուններով և այն հատուկ մարզկանցով, որ հսկում էին այդ մթերքների և թանկարժեք իրերի փոխադրության վրա։ Իսկ Արտագերսում բերդապետը այդ ամենը ստանում ու տեղավորում էր հատուկ պահոցներում, որոնց տեղը միայն ինքը գիտեր և իր բերդականները։

Այս փոխադրումները տեղեցին մոտ երկու շաբաթ, և երկու շաբաթ շարունակ Փառանձեմը հետևում էր ամենին, հետաքրքրվելով, թե ի՞նչ է արված և ի՞նչ է մնում։ Պատահում էր կանչում էր որևէ պալատականի (ամենից շատ Ջենոն Գնունուն) և ուղարկում ստուգելու, թե կատարվա՞ծ է այսպիսի կամ ուղարկում էր բերդը, տեսնելու, թե ի՞նչ պակասներ ունի այն, որպեսզի զգուշացնեն բերդապետին՝ բերդը անմիջապես կարգի բերելու... Ոչ միայն տեղափոխությունը, այլև պալատում ծագող, ստացվող բազում խնդիրներ զբաղեցնում էին Փառանձեմին, և այս բոլորի համար ամենքը դիմում էին

ներան, և նա պարտավոր էր դգում պատասխանել, խորհուրդներ տալ կամ հրամաններ, ու միաժամանակ զարմանում էր, թե ի՞նչպես է կարողանում այդ...

Ամբողջ ցերեկը նա կարգադրություններ էր անում, գնում այս-այն կողմ, իսկ գիշերը քաշվում էր իր ննջարանը։ Այստեղ երկար ու մենակ խորհելուց հետո նա ծունկի էր գալիս և օրորվում ձեռք ճակատին։

— Որքա՛ն ժանր է մարդոց ուղարկել մահու դեմ... Տեր ամենազոր, տո՛ւր ինձ ուժ և կարողություն մինչև Պապիս վերադարձը տոկալու։ Այնուհետև երկիրն ու գահը տիրոջը հանձնելով, ես կերթամ մեղքերս քավելու...

Երկար աղոթում ու աղերսում էր վերին զորության, բայց, այնտեղից պատասխան չստանալով, կրկնում էր.

— Այո, ես կին եմ մեղապարտ և ուժով տկար, սակայն մայր եմ՝ սիրով զորավոր... և թող այս սերը զորավիգ լինի ինձ թշնամու դեմ...

Նա աղոթում էր, որ Հայոց Աշխարհը զերծ մնա աղետից և վերահաս փորձանքից ելնի անվնաս։

Երբեմն նա կանչում էր ծերունի հազարապետին և ստում.

— Օգնիր ինձ, իշխան, երկիրը փրկելու։ Եղիր ինձ հայր և տուր ինձ խորհուրդներ բարի, որ հետևորդները չնզովեն ինձ, թե ես, թագավորի բանտարկումից հետո, շարեցի ոչինչ... Ո՛չ, իշխան, ես կչանամ մինչև մահ, մինչև նահատակություն և թո՛ղ հուսահատությունը երբեք լքում չբերի հոգուս...

Զննրի, մթերքի և արքունի գանձերի փոխադրումից հետո Արտագերս տեղափոխվեցին նաև պալատական, ազնվական ու շինական շատ ընտանիքներ, ապա զորքը, միայն քաղաքապահ հետևակը, որ լրացնի բերդականների թիվը և օգնի նրանց վտանգի ժամին։ Իսկ քաղաքապահ հեծելազորը գնաց դեպի սահմանը։

Այս ամենից հետո Փառանձեմն արավ իր վերջին կարգադրությունը, որ Հայր-Մարդպետը մնա Վաղարշապատի և Դվինի պալատները պահելու, որպես արքունի կալվածների և պալատների կառավարիչ։ Բայց նրա հետ մնալ ցանկացավ և հազարապետ Դավիթ Գնունին՝ ծերությունը պատճառ բերելով։ Թագուհին որքան էլ չէր ուզում այդ, բայց ստիպված եղավ համաձայնել։

— Հաւատմ, իշխան, թշնամին կխնայի ժերությունդ: Պահիր արքայական տները՝ մինչև... (նա ուզում էր ասել «մինչև որդուս գալուստը», բայց զայնք իրեն): Թաքցրու ինչ հնարաժոր է, և հետևիր, որ այդ ներքինին շանի անվայել գործեր...

Այստեղ թագուհին նորից լռեց և սենուեւ, մտածկոտ նայեց ժեր հաղարապետին:

— Բայց իրոք ցանկանո՞ւմ ես մնալ, տեր Գնաւնի:

Եվ երբ ժերունին զխոսվ արավ, թե իր վճիռն անխախտ է, թե երկիրը չի կարող թողնել անտեր, Փառանձեմը, մոռանալով թագուհու իր հանգամանքը, փարվեց նրան:

— Իշխան, դու եղել ես ինձ հայր... ինձ գովարին է բաժանվել քեզնից... Բայց կուզեի, որ զնա Գովին: Եթե թշնամին գա, մինչև այնտեղ հասնելը կատաղությունը կիջնի և քեզ... չեն զնասի: Գուցե... հրաշք պատահի՝ չգան...

Այս կտրճ խոսակցության միջոցին երկուսի աչքերն էլ լցվեցին արցունքով: Սակայն Փառանձեմը սթափվեց շուտով:

— Այժմ դեպի Արտագերս...

Երբ նա հեծավ իր սև նժույզը և իթանեց, թիկնապահները հետևեցին նրան: Դրանց մեջ էր և Եղնիկ իշխանը՝ թագավորի սենեկապետը:

* * *

Այդ իսկ պահին, երբ մայրաքաղաքում տագնապալի իրարանցում էր, երբ մի կողմից քնոնաբարձ սալլերի շարան էր դուրս գալիս քաղաքից, մյուս կողմից, ընտանիքներ էին հեռանում դեպի Արագած կամ ձի ու ջորի վարձած շտապում էին Կոտայք, Գառնի, — այդ ժամին քաղաքի մի այլ ժայրից վաղարշապատ մոտեն երեք ձիավոր, երեքն էլ նիհար, արևահար դեմքերով, հոգնած ու տխուր: Տերերի նման հոգնած էին և ձիերը: Դրանցից մեկի մեջքին նստած էին մի տղամարդ և մի փոքրիկ տղա, որ հետաքրքիր, զարմացած աչքերով նայում էր շուրջը՝ տներին, մարդկանց: Երբ մի քիչ առաջ գնացին՝ տղան հարցրեց առջևը նստողին.

— Պապո, թագավորն էստե՞ղ է ապրում, — ասաց նա՝ զսրմացած:

— Էստեղ, էստեղ...

— Էս աղմուկի մե՞ջ:

— Չէ, իր միջնաբերդում: Էնտեղ աղմուկ չկա:

— Իսկ ինչո՞ւ բալորը կշտապեն Էսաեղ,— շարունակեց տղան:

Այդ շարժումը աչ միայն տղային էր հետաքրքրում, այլև իրենց՝ ձիավորներին, որ Թորգոմն ա ընկերներն էին:

Փոքր էլ առաջ գնալով՝ Թորգոմը կանգնեցրեց այծեր ընդ մի ժերունու:

— Պապօ, էս ի՞նչ է, մարգիկ ո՞ւր են շաապտում այսպես սալներով, բռնե՞րա՞վ...:

— Ո՞ւր,— տարակուսով կանդ առավ ժերունին:— Մի՞թե չգիտես... Գալիս է պարսիկը:

— Պարսի՞կը,— բացականչեցին երեք ընկերները միասին:

— Իսկ ի՞նչ է անում թագավորը,— հարցրեց Թորգոմն առանձին:

— Թագավո՞րք:— պարմացավ ժերունին իր հերթին:— Չե՞ք լսել միթե՞ս, որ պարսից Շապուհը հյուր կանչեց մի ամիս առաջ ու... բանտեց:

Թորգոմն ա ընկերները լսել էին թագավորի գնալը, բայց չէին իմացել, որ նա կայանված է այնտեղ...

Ընկերները տխուր նայեցին իրար և այնպես անխոս ու տեսարար, որ նշանակում էր, թե ի՞նչ պետք է անել հիմա, ո՞ւր պետք է գնալ... Նրանց պարզապես համակեց մի ծանր մտահոգություն:

Սակայն որտեղի՞ց էին գալիս նրանք և ո՞ւր էին գնում:

Դրա սրտամոթյունը երկար չէ: Յուրայիներին քաղաքում չգտնելով, ձիեր հեծած գնում էին շենից շեն՝ իրենց ընտանիքները փնտրելու, կարծելով, որ նրանք քաղաքի մյուս բնակիչների հետ ապաստանած կլինեն մոտիկ գյուղերում: Ծիշտ է, այդ շենիքում նրանք տեսան շատ համաքաղաքացիներ, բայց չգտան իրենց հարազատներին: Հարցուփորձից շատ հակասական պատասխաններ էին ստանում մինչև այն օրը, երբ իմացան նախաբարների կոտորածի լուրը: Դա նրանց սփոփեց առժամ, որ պատժվել են աղետի պատճառ նախաբարները: Բայց և այնպես հարազատների կորստի վիշտը իրենց սրտում, շարունակեցին երեսել նրանց ամեն տեղ: Սակայն չգտնելով... մոտժեցին գնալ համաքաղաքին կալվածին:

լը, ուր տարված գերիները կարող էին արձակված լինել տերերի կոտորածից հետո. բայց իմանալով, որ իրենց քաղաքացիներից ոմանք գնացել են դեպի Սուրմարի, ընկերները Բարդողյան լեռներն անցնելով իջան Արաքսի ափը։ Այստեղ էլ նրանց չգտնելով՝ ուղղվեցին Վաղարշապատ, լսելով, որ շատ արշակավանդիներ ապաստանել են մայրաքաղաքում...

Եվ ահա եկել էին. բայց քաղաքի իրարանցումը և խուճապը մեծ անակնկալ եղավ, իսկ լսածները հանկարծակիի բերին նրանց.— Թագավորը բանտված է Պարսկաստանում, պարսիկը գալիս է կռիվ...

— Ահա նորից ի՞նչ արին նախարարները,— ասաց Թորդոմն ընկերներին, չիմանալով իսկապես ինչ է անցել-դարձել։ Այժմ նրա համար այն ամենը, ինչ վատ էր, թվում էր նախարարների գործ։

Մի փոքր էլ առաջ գնալով՝ ընկերները տեսան նոր սայլախմբեր, ուղտախմբեր ու ջորեխմբեր, որ պարաններով կապված իրեր ու մթերքներ էին տանում մայրաքաղաքից դուրս։ Հետո պատահեցին նոր ընտանիքներ, որ կապոցներով դուրս էին գալիս տներից և շտապեցնում իրար։

— Շո՛ւտ, շո՛ւտ, ամենքը գնացին...

Իսկ մունետիկները դարձյալ, քաղաքի տարբեր մասերում, կանչում էին շարագուշակ։

— Գալի՛ս է պարսիկը... Գալի՛ս է պարսիկը... Թագուհու հրամանն է՝ տղամարդը զենք առնի, իսկ ապրանքը և անասունը հեռացնի մայր քաղաքից...

Ընկերներին թվաց վտանգն ավելի մոտ, քան կարծում էին։

— Ո՞վ հիմա մեզ կտա զենք,— ասաց Թորգոմը։

— Իսկ մեր ընտանի՞ք...

Ու բոլորին համակեց մի ծանր տարակույս։

Մայրաքաղաքի բնակիչները շարունակում էին հեռանալ հապճեսալ, ու մի բանի օրից քաղաքը դատարկվեց գրեթե. մնացին միայն ծերունիները, որ տեղներից շարժվեցին՝ ճանապարհների դժվարության պատճառով. և մնացին ծերության իրավունքով, համոզված, որ թշնամին ձեռք չի տա իրենց։ Իսկ երիտասարդությունը, ծերերի կարծիքով, պետք

է հեռանար, որովհետեւ պատերազմը, ամենից առաջ, երիտասարդների թշնամին է:

Տեսնելով, որ ամենքը հեռանում են քաղաքից՝ Քորգոմն ու ընկերները նույնպես ճանապարհ ընկան արդեն զորքի հետ, որ գնում էր թագուհու կառքի առջևից ու հետևից... Իսկ թագուհու հետ գնում էր կանանց մի մեծ խումբ, որոնց մեջ էր հազարապետ Գնունու Նանա տիկինը և Վասակ սպարապետի Կատրանիդե իշխանուհին, որ մտահոգ էր շարունակ որդու համար, թե ինչպե՞ս պիտի կատարի սպարապետի պաշտոնը հորից հետո, որ ամոթով չմնա, այն էլ այս վրտանգալից օրերին, և արդյոք մյուս հրամանատարները կօգնե՞ն նրան, չե՞ն դավաճանի նախանձից, որ այդքան երիտասարդ հասակում դարձել է սպարապետ: Ինքը Մուշեղն այդ պահին հեռու էր մայրաքաղաքից. նա, թագուհու հրամանով, ամրացնում էր սահմանները, և դրանից ավելի էր մեծանում մոր տագնապը.— Ա՛խ, Մուշեղս կարողանա առնել հոր վրեժը և անվնաս մնալ այս փովում,— մտածում էր նա: Մյուս կանայք նույնպես տագնապած էին. նրանցից յուրաքանչյուրը նույնպես ուներ իր ծանր հոգսերն ու խոհերը, բայց ոչ մեկը չէր ասում ոչինչ, չէր տրտնջում, լավ էմանալով, որ բոլորը վիճակակից են և բոլորի ուղին մեկ է.

— Դեպի Արտագերս...

Արտագե՛րս... Արտագե՛րս... Վաղուց ի վեր Հայոց Աշխարհում Արտագերսը համարվում էր ամրակուռ և անմատչելի բերդ. և, իրոք, շատ անգամ մեծ վտանգների ժամանակ նա կատարել էր փրկարար դեր թե որպես ամրոց, թե որպես թաքստոց, թե Կաթսարական իշխաններին պատկանելուց առաջ, թե նրանց օրով: Իսկ այժմ նա արքունի բերդ էր՝ նախարարների կոտորածից հետո: Արտագերսը գտնվում էր Երասխաձորում, Արաքսի ձախ ափին՝ մի սարալանջի լայն գոգավորության վրա, որն ամբողջ բռնված էր շենքերով, այսինքն՝ եռաշարք ատամնավոր պարիսպներով, որոնք բոլոր կողմերի վրա ունեին աշտարականման կլոր բուրգեր: Բերդի երեք կողմը բնական և արհեստական ուղղահայաց լանջեր էին. ներքևը՝ Արաքսի խորաձորը, որի անդնդում ջրերը հավիտենական կռվի մեջ էին քարե պատնեշների դեմ, և որոտում էին անվերջ, թե նեղվում են, խեղդվում, թե կռվը չի

վերջացած: Բերդից վար և նրա շուրջբոլորը պղնձագույն ժայռեր էին, ժայռաբեկորներ կամ սովորական քարեր, անգամ քարասարեր և նրանց վրա ու նրանց միջև մացառներ ու փշոտ թփեր, և ամբողջ սարն ընդհանրապես ծածկված էր մացառուտներով ու թփուտներով, որոնց մոտենալ կարող էին միայն այծերը:

Իսկ բերդից վեր բարձրանում էր մի տար, որի գլխին տարին բոլոր ամպ էր նստում կամ մառախուղ: Արտագերսը այս կողմից նույնպես անառիկ էր. բերդից կարելի էր բարձրանալ այդ լեռը, բայց այնտեղից իջնել բերդը՝ հնարավոր չէր, որովհետև բարձրացողը կարող էր գտնել մի արահետ, մի կածան, իսկ վերևից՝ երբեք... Զինվորները գիտեին, որ այդ սարի այն կողմը Վանանդն է: Բերդականները երբեմն բարձրանում էին այդ սարը և դիտում, թե ի՞նչ է երևում հեռուներում: Այնտեղից տեսնում էին Հայոց Աշխարհի բոլոր լեռները ձյունապատ գագաթներով: Երևում էին նաև այդ սարերի միջև ընկած ձորերը, ձորահովիտները... Բերդն ուներ երկու գետնուղի. մեկը քարե աստիճաններով իջնում էր մինչև Արաքսը՝ գլխավորապես ջրի համար. մյուսը՝ երկարը, դուրս էր գալիս մի ծածկված տեղ, ուր ոչ ոք չէր կարող տեսնել ո՛չ բերդը մտնող և ո՛չ այնտեղից ելնող սուրհանդակին: Ինչպես երևում է, բերդը կառուցել էին շատ հեռատես և հմուտ մարդիկ. նա ուներ երեք գոտի, ինչ նրան տալիս էր երեքհարկանի վիթխարի շենքի նմանություն: Ամբողջ մեծ սարաբլուրը—ստորոտից մինչև վեր—ուներ երեք հարկ պարիսպներ, որոնք թվում էին գոտիներ, ըստ որում առաջին գոտին ուներ կրկնական պարիսպ, մյուսները՝ մեկական. և յուրաքանչյուր գոտում կային բնակարաններ: Առաջին պարսպի ներսը զինվորների օթևաններ էին թե պատերի և թե աշտարակների մեջ. երկրորդ պարսպի ներսը և հենց պարիսպների մեջ էլ բնակարաններ էին և այնքա՛ն շատ, որ տեղավորում էին մեծ թվով զորք ու ժողովուրդ: Այդտեղ կային և ամեն տեսակ պահեստներ ու գործի տներ, ինչպես, օրինակ՝ զինագործարաններ, թոնրատներ և ալրատուն՝ բազմաթիվ երկանքներով, որպեսզի երկար պաշարումի օրերին մարդիկ ի վիճակի լինեն պատրաստել իրենց համար անհրաժեշտը և հոգան իրենց պետքերը... Երկրորդ և երրորդ գոտիներում նույնպես կային

շատ բնակարաններ. երկրորդում ապրում էին քաղաքային ընտանիքներ, իսկ երրորդում՝ ամենավերը՝ իշխանական գերդաստաններ և Փառանձեմ թագուհին... Խոսում էին, որ բերդը տեղավորում էր տասը հազար զորք և նույնքան այլ կարգի մարդիկ: Դրա համար թե արքունիքը, թե քաղաքացիները և թե մոտիկ գյուղերի շինականները շտապում էին ապաստանել այնտեղ, ու երկրի բոլոր կողմերից ամենից ավելի լսվում էին.

— Դեպի՛ Արտագերս... Դեպի՛ Արտագերս...

* * *

Հայոց լեռներում նավասարդին արդեն աշնան քամիներ են փչում: Այդ քամիներն ավելի սաստիկ են լինում Արտագերսում: Գալիս էին դրանք չգիտես հարևան ձյունակատար լեռներից, թե բարձրանում էին Արաքսի հոսանքից, որ սրընթաց իջնում էր վերից և որոտում բերդից ներքև՝ անդընդախոր կիրճում:

Այդ քամիները դադարում էին միայն առավոտյան, և այդ պահին Փառանձեմ թագուհին, ամբողջովին սևեր հագած, առանց որևէ զարդի, դուրս էր գալիս բերդի վերին գոտու իր օթևանից և, ուղեկցությամբ պալատական երկու տիկնոջ ու Եզնիկ իշխանի, անցնելով բերդի հրապարակը, բարձրանում էր նրա ձորահայաց պարիսպը, որտեղից երևում էր Արաքսի ամբողջ հովիտը մինչև Ավագն Մասիս: Գետը իր ժայռեղեն պատյանից դուրս գալով, օձագալար ոլորվում էր այդ հովտում, և նրա շուրջը տարածվում էին տակավին կանաչ մարգագետիններ, շեկ շամբուտներ, լքված շեներ՝ իրենց դեղնող այգիներով և մի ամալություն, որ առաջացել էր պարսիկների ներխուժման երկյուղից:

Նայում էր Փառանձեմը այդ ամենին, նայում էր լուռ ու տխուր, ապա, զուսպ հառաչելով, կարգադրում էր կանչել բերդապետին:

Այսօր էլ նա, իր սովորական դիտումները վատարելով, ասաց.

— Կանչեցեք բերդապետին:

Փոքր անց եկավ բերդապետը՝ միջին տարիքի, միջին հա-

սակի մի մարդ, որի լեռնային օդից ու քամիներից կարծրացած թուխ դեմքի վրա աչքերը ցուում էին սրահայաց նայվածքներով: Երեսին ուներ նաև մի նշան, որ հազարի մեջ գատում էր նրան. ինչ-որ մարտի մեջ, տարիներ թառաջ, նետը քերծել էր նրա աջ այտը և, ականջի բլթակը ճեղքելով, բաժանել այն երկու մասի... և այս պարագան նրան տալիս էր խիզախ մարդու տեսք: Բայց, չգիտես ինչո՞ւ, լեռնային այդ մարտիկը կրում էր երկար մազեր, որոնք գանգուրներով բռնորոմ էին նրա գլուխը սաղավարտի տակից: Նա երկար մուգներով էր և պիրկ գոտեպնդված: Մոտեցավ անբաժան սուրը կողքին և գլուխ իջեցրեց թագուհու առաջ:

— Հրամանիդ, թագուհի:

— Ի՞նչ նոր, բերդապետ: Սուրհանդակները բերե՞լ են կառնոր ինչ:

— Ուշագրավ ոչինչ, թագուհի: Վերջին սուրհանդակը հաստատում է այն, որ պարսից զնդերը մոտեցել են մեր սահմանին և սպարապետին փոխարինող Զարեհ Ամատունին մարտեր է սկսել նրանց դեմ:

— Մեր զոհերը որքա՞ն են,— հետաքրքրվեց Փառանձեմը:

— Աննշան, թագուհի:

Բերդապետ Բադասը հեռուները դիտող մարդու սովորությամբ աչքերը կծկում էր այնքան, որ բիբերի միջից ասես կայծեր էին երևում, բայց պատասխանելիս, ընդհակառակը, դրանք բանում էր լայնորեն և այդ ժամանակ սև հոնքերը վեր էին գնում և ճակատը փայլում էր իմացականությամբ:

Փառանձեմը նոր հարց չտվեց. նա չէր կամենում ավելորդ հարցեր տալ, գիտեր, թե որևէ կարևոր բան լսելու դեպքում՝ բերդապետը չէր թերանա հայտնելու, քանի որ պատվիրել էր, թե որքան էլ լուրը լինի ծանր, նույնիսկ աղետավոր՝ հայտնի իրեն և շթաքցնի բնավ:

— Հոգացի՞ր, բերդապետ, որ ջուրը միշտ անպակաս լինի:

— Ես հատուկ մարդեր ունեմ, թագուհի, որ զօր ու գիշեր հոգում են այդ մասին:

Այդ ճիշտ էր. բերդի ստորերկրյա այն ուղին, որ քարե աստիճաններով իջնում էր գետը, ծառայում էր ջուր մատակարարելուն, ըստ որում ջուրը բարձրացնում էին տիկերով, կժե-

րով: Կար և մի բարակ աղբյուր, որ գալիս էր սարից՝ կազե խողովակներով, գետնի տակով:

Հարցուփորձից հետո բերդապետը ճկուն գլուխ տվեց և հեռացավ՝ կողքից կախած թուրը բռնած:

Յոթերորդ օրն էր ինչ թագուհին ապաստանել էր Արտագերս և ամեն օր, առավոտից երեկո, լարված հետևում էր, թե ի՞նչ է կատարվում բերդից դուրս, մանավանդ անհամբեր էր ռազմի լուրերի սահմանագլխից, որ հայ և պարսից զորքերը սկսել էին ճակատել, առայժմ թեպետ ոչ մեծ շահով և ոչ մեծ տարածության վրա, բայց տագնապալի նշաններով... Յուրաքանչյուր օր բերդապետի հաղորդումները լսելուց հետո Փառանձեմը տալիս էր նոր հրահանգներ՝ կարգի և զգուշության: Նա իրեն երբեք այնքան պատասխանատու չէր զգացել երկրի և ժողովրդի առաջ, ինչպես հիմա, այստեղ՝ բերդում, ուր, իր կարգադրությամբ հավաքվել էին տասը հազարի շափ կին, մարդ, երեխա և զորք. ուր բոլորն ապրում էին նեղված, ավելի ճիշտը՝ վտանգի երկյուղից տանում էին ամեն տեսակի զրկանքներ...

Բացի զորքից ու շինականներից, որ բռնում էին ամրոցի ստորին գոտին, բերդում ապաստանել էին շատ ազնվականներ՝ նախարարներ ու սեպուհներ իրենց ընտանիքներով: Այստեղ էին նշանավոր Սահակ Սահառունի, Կարեն Պալունի, Խորեն Անձեացի և Մհհենդակ իշխանները, օրիորդներ, տիկիններ, ինչպես նաև իշխանուհին, ինչպես Կատրանիդե իշխանուհին՝ իր Մուշեղի հարս Աշխենի հետ և շատ ուրիշներ: Ու ամենքն այստեղ ավելի, քան մայրաքաղաքում, ցանկանում էին անգամ սպասարկել նրան՝ նրա վիշտը և հոգսերը մեղմելու, սակայն նա հրաժարվում էր այդ ամենից, բավարարվելով մեկ-երկու նաժիշտով, որովհետև նա վշտահար համարում էր ոչ միայն իրեն, այլև ամենքին, որոնց համար պարտավոր էր հոգալ ինքը, քանզի ամենքը ապավինել էին իրեն...

Այո, բոլորը վշտահար էին... Օրինակ, Կատրանիդե տիկինը, որ նույնպես կորցրել էր սպարապետ ամուսնուն, ինչպես և Փառանձեմը՝ իր թագավորին. բայց նրա վիշտը մեղմանում էր նրանով, որ Մուշեղը փոխարինում էր հորը, ինչ

մեծ պատիվ էր համարում որդու համար։ Սակայն նրա սիրտը տազնապում էր, թե ի՞նչ է սպասում իր Մուշեղին... Ու խոսքով, մտքով աղոթում էր շարունակ, որ տեղը փրկի Հայոց Աշխարհը, հայոց բանակը և իր Մուշեղին՝ ամեն շարից ու փորձանքից...

Եվ այդպես վշտահար ու տազնապած էին ամենքը՝ թե կին, թե մարդ. և ով կարող էր անվիշտ լինել այդ օրերին։ Թերևս միայն անգիտակից մանուկները։

Բերդում Փառանձեմը դարձել էր անճանաչելի. հագնվում էր հասարակ՝ սև երկար մի պարեզոտ, ու ոչ մի զարդ՝ ոչ վզնոց, ոչ մանյակ, անգամ ոչ մատանի, ոչ ապարանջան. հանել էր անգամ ականջօղերը։ Ու այդպես սև երկար զգեստը հագին (որ պնդում էր գոտիով) ներկա էր լինում բերդապետի և զորականների խորհրդաժողովներին, մազերը հավաքած և գլխին պարզապես մի քող գցած։ Նրան օրինակելով, գուցե և իրենց վիճակը նկատ առնելով, մյուս իշխանուհիները նույնպես հագնվում էին հասարակ։ Ուրիշների հագուստը սակայն աչքի չէր զարնում այնպես, ինչպես թագուհունը։ Երբ սա այդ հասարակ հանդերձներով դուրս էր գալիս բերդը շրջելու կամ, ըստ սովորության, բերդի պարսպից հեռուններ դիտելու, ճանաչողներն ասում էին.

— Թագուհին գեղեցիկ է տակավին...

Կյանքը Արտագերսում անցնում էր միօրինակ։ Տեղափոխվելու և բերդում տեղավորվելու օրից բոլորի սեեռուն հոգսը դարձավ թշնամին, որ արդեն ընդհարումներ էր ունենում հայոց զորքի հետ։ Լուրերն առայժմ տխուր չէին, բայց և փայլուն չէին։ Մուշեղ սպարապետը և նրա զորականները կարողանում էին դիմագրավել թշնամուն և թույլ չտալ, որ նրանք մտնեն սահմանից ներս. թե ի՞նչ կիներ հետո՝ ոչ ոք չէր կարող գուշակել։ Սակայն ամենքն այնպես էին կարծում, թե դրուժյունն այդպես չի մնա, կռիվները կբորբոքվեն, կծավալվեն անշուշտ, և պարսիկները կջանան առաջանալ... Եղած մանր կռիվները բերդում գտնվող զորականներն ու պալատականները բացատրում էին նրանով, թե Շապուհը հավանորեն իր ամբողջ զորուժյունը տակավին չի բերել սահմանը, այլապես մի քանի օրում կխուժեր ներս... Այդ կարծիքի էին նաև

թե՛ բերդապետը, թե՛ Փառանձեմը և թե՛ նրան շրջապատող-ները:

— Ճշմարիտ է, մեր զորքերն ու զորավարները կռվում են անձնվեր,— ասում էին,— սակայն Շապուհը իր ահագին զորքով կարող է հանդուրժել այդ վիճակը:

Ոչ միայն մեծամեծները, այլև բերդականները և բերդում ապաստանած բոլոր մարդիկ այնպես էին կարծում, թե քանի որ պարսից թագավորը պատերազմ է սկսել՝ նա կանգ չի առնի սահմանի վրա և ներս կխուժի որևէ կողմից: Նրանց հետ անհանգիստ էին նաև զինվորներն ու շինականները: Այդպես և Թորգոմն ու ընկերները, որ բերդում ապրում էին դարձյալ իրար կողքի, նրա առաջին գոտում:

Հիշելով Թորգոմին ու ընկերներին՝ պետք է ասել և այն, թե ինչ կատարվեց նրանց հետ:

Կյանքը, ինչպես երևում է, ամեն տեղ կյանք է և լի է անակնկալներով: Ընդհանուր այդ տխրության ու սուգի մեջ եղան և ուրախալի միջադեպեր. Թորգոմն ու ընկերները գրտան իրենց ընտանիքները: Այո, բերդի տխուր պայմաններում նրանք արժանացան անսպասելի մեծ ուրախության: Բերդ հասնելու երկրորդ օրն իսկ նրանք հանդիպեցին շատ ավանցիների, որոնք Արտագերս էին եկել կամ փախած վայրերից, կամ ուղղակի գերությանից: Առաջին մարդը, որին հանդիպեցին ընկերները, Դավիթ դպիրն էր՝ նիհարած, երկար վիզը բարակած, աչքի մորուքը ավելի ճերմակած: Երբ Թորգոմը մոտեցավ նրան, ժերունին բացականչեց.

— Ա՛, դու ես եկար: Ուրախ եմ, տղաս:

— Բայց դու ինչպե՞ս այստեղ, տեր դպիր,— զարմացած հետաքրքրվեց Թորգոմը:

Դպիրը պատմեց, թե ինչպես իրեն, որպես բանագնացի, շէին թողել վերադառնա. ինչպես էին տարել գերի թիկնապահ Բենի հետ... Պատմելով գլխով անցածը՝ նա շատ ցավեց Վարազ իշխանի համար, ցավեց այրված քաղաքի համար, բայց և շատ ուրախ եղավ, որ Կամսարականը և մյուս նախարարները ստացել էին իրենց շարության պատիժը:

— Ես ամիս ու կես այս բերդի բնակիչ եմ,— ասաց նա, բացատրելով, թե երբ իրեն շատերի հետ բերին գերի, ամեն-ձին էլ փակեցին այս ամրոցում, օրական մի կտոր հաց տա-

լով:—Ամեն վայրկյան մահու սպառնալից տակ էի և աղոթում էի հարածամ, որ շարերը պատժվեն, մանավանդ երբ հաշտությունից հետո նոքա սրահար արին քաղաքից բերած քանի մի հարյուր գերի այս իսկ ամբողջի մոտ... Եվ գոհանամ, աստված լսեց աղոթքս. նզովից արմատները ստացան իրենց արժանին: Սուր վերցնողը՝ սրով էլ ընկավ:

— Քեզ հետ շատե՞րը կային, տեր դպիր,— ընդհատեց նրան Թորգոմը:

— Շատե՞րը: Ամբողջ լիքն էր գերիներով. կին, մարդ, մինչև իսկ երեխա, և ամենքը Արշակավանից: Բայց բոլորը ազատվեցին անիծյալների սպանությունից հետո...

— Իսկ որտե՞ղ են հիմա դրանք՝ ազատվածները,— Թորգոմի սիրտը զարկում էր կրծքին:

— Ամեն տեղ, տղաս: Ոմանք գնացին, բայց վտանգը լսելով նորից եկան...

Թորգոմն էլ չհամբերեց. վազեց տեսնելու, թե ովքե՞ր կան Արշակավանի բնակիչներից: Գուցե և իմանա մի բան մոր, Մինայի, նրա հոր մասին, ընկերների ընտանիքների մասին... Բայց մինչ նա այս-այն կողմ վազելով ծանոթներ կորոներ, նրա ընկեր Վարդանը կանչեց. «Թորգո՛մ, Թորգո՛մ»... Վարդանի ձայնն այնքան զվարթ էր, որ Թորգոմը դրանից նախազգաց մի ուրախություն:

Եվ իրոք. նախազգացումը նրան չէր խաբել: Հենց այդտեղ՝ բերդի առաջին գոտում Վարդանն ու Հովսեփը գտել էին իրենց կանանց, որոնց մոտ նստած էին և Թորգոմի մայրը, և Մինան... Բայց սրա ծերունի հա՞յրը... չէր երևում:

Դժվարին է նկարագրել այդօրինակ հանդիպումները, երբ գրկախառնումների հետ միաժամանակ արցունք ու ժպիտ խառնվում են իրար, երբ ամբողջական խոսքերին փոխարինում են միայն ձայնարկումներ և ուրախ հառաչներ... Թորգոմի խեղճ մայրը չգիտեր ինչպես արտահայտի իր ուրախությունը. որդու ձեռքերը բռնած՝ նա արտասովում էր և մեկնույն ժամանակ ծիծաղում արցունքի միջից.

— Թորգո՛մս, Թորգո՛մս... Կարծում էի չեմ տեսնի երեք... Գոհանա՛մ, գոհանա՛մ... Լա՛վ է, լա՛վ է՝ նորից գտանք իրար,— ասում էր նա մերթ Մինային, մերթ Թորգոմին:— Մոտեցի՛ր, մոտեցի՛ր,— ասում էր Մինային, որ ուրախու-

թյունից շիկնած՝ աչքերը ամոթխած հառել էր գետնին, անելիքը շիմանալով:

Բոլորը՝ Թորգոմի մայրը, ընկերներն ու նրանց կանայք սպասում էին, թե միմյանց կորցրած նշանածներն ինչպե՞ս պիտի հանդիպեն իրար: Ու կատարվեց տարօրինակ մի բան. Մինան, մի քանի քառ առաջ գալով, չհամարձակվելով մյուսների նման շուրթերը մոտեցնել Թորգոմի շուրթերին՝ ծունկի եկավ և, բռնելով Թորգոմի ձեռքը, համբուրեց այն ու լաց եղավ.— պապոն մեռավ... մեռավ...— Իսկ Թորգոմը անխոս, կարծես նրան մխիթարելու համար, նույնպես կռացավ և Մինային գրկելով բարձրացրեց.— Մենք նրան չենք մոռանա, Մինա...

Բայց հանդիպման ուրախությունն այնքան մեծ էր, որ բոլորը մոռացել էին վտանգը, իրենց վիշտը և այն, թե ո՛ր են գտնվում. խոսում էին բարձր, ուրախության արցունքով, կցկտուր—նույնիսկ տղամարդիկ:

— Էլ վե՛րջ: Հիմա որ Թորգոմին ու Մինային պսակենք պիտի,— ասաց Վարդանը երջանիկ մարդու ձայնով:— Պսակենք, որ ազատվենք աղետներից...

Մինչ Վարդանը խոսում էր, նրա Հուսիկը փարվել էր մորը և խոսք չէր գտնում կարծես ասելու, ուստի և շարունակ կրկնում էր.— «Մամո՛, մամո՛»... Նրա կողքին ընկած էր և իր բերած թուրը, որ ամբողջ ճանապարհին չէր թողել ձեռքից: Իսկ մայրն անխոս համբուրում էր նրան և շոյում:

Մի քանի վայրկյանում ընդհանուր զրույցից պարզվեց, որ ամենքը գերվել էին քաղաքից փախչելիս, ճանապարհին: Եվ ծերունին մեռել էր բերդը հասած օրը: Մանր էին անցրել գերության օրերը, իսկ նախարարների սպանությունից հետո եղել էր շվար վիճակ: Հիմա ի՞նչ պիտի անեն՝ մնա՞ն, թե թողնեն փախչեն... Վերջապես որոշում են վերադառնալ քաղաք և քանդված տներում սպասել ամուսիններին, իսկ պառավն ու Մինան՝ փրենց Թորգոմին... Բայց կես ճանապարհին լսելով, որ վտանգ կա և, տեսնելով բոլորը գնում են Արտագերս, իրենք ևս վերադառնում են բերդ, մտածելով, որ իրենց նախկին տանջարանը այժմ կարող է բերել փրկություն:

— Էսպես,— եզրակացրեց իր պատմությունը Թորգոմի մայրը:

Երբ հանդիպման առաջին ժամն անցավ, Վարդանը նորից կրկնեց իր ցանկությունը՝ կես-կատակ, կես-լուրջ ձևով.

— Դե, եկեք պսակենք Թորգոմին, որ էլ փորձանք չպատահի:

Բայց նրա առաջարկը չընդունեցին.

— Դեռ ժամանակ ունենք, տեսնենք...

Առաջին օրերը թե՛ բերդում հավաքված բոլոր մարդիկ ու կանայք և թե՛ Թորգոմն ու ընկերները մեծ հետաքրքրությամբ էին դիտում թագուհուն, պալատականներին ու իշխաններին. բայց մի քանի օրվա մեջ նրանք դարձան սովորական. նրանք էլ մարդիկ էին իրենց նման, նույնպես ուտում էին, քնում, խոսում և վախենում...

Սակայն ի՞նչ էլ անում-խոսում էին մարդիկ այդտեղ՝ մի վայրկյան չէին մոռանում պատերազմը և նրա վտանգը ահավոր: Շատերին երբեմն այնպես էր թվում, մանավանդ մռայլ օրերին և մութ գիշերներին, թե թշնամին երևի այսօր-վաղը կպաշարի իրենց, կամ, հանկարծ, երբ առավոտը զարթնեն, թշնամուն կտեսնեն պարիսպների տակ... Սուրհանդակների բերած ամենօրյա լուրերը (թե թշնամին տակավին սահմանը չի անցել, թե Մուշեղը վանում է նրանց) քիչ էին հանգրստացնում: Ընդհակառակը, ամեն օր սպասում էին չարագույժ լուրերի, թե Շապուհն ահա անցել է սահմանը, թե հայոց զորքը նահանջում է արդեն կամ ընկել է գերի: Քանի որ Վասակ սպարապետը չկար՝ ո՞վ պիտի բռներ նրանց առաջը, ո՞վ կարող էր վանել կամ արգելել նրանց առաջացումը... Ավելի հոռետես էին իշխաններն ու նրանց կանայք: Ի՞նչ կարող է անել անփորձ Մուշեղը պարսից ահեղ, անքանակ զորքերի առջև. ուրիշ է, եթե օգնություն խնդրեն բյուզանդական կայսրից: Այո, միայն դրսի օգնությունը կարող է փրկել իրենց...

Բայց այդ ամենի փոխարեն շուտով եկավ մի այնպիսի լուր, որ զարմանքի հետ միասին հպարտություն ներշնչեց ամենքին, և տխուր ժայռեղեն սարալանջին բազմած հին ամրոցը դարձավ ցնծության տուն:

Երկու-երեք սուրհանդակ իրար հետևից բերին այդ միևնույն ուրախ լուրը, թե Մուշեղը Հեր և Զարևանդ գավառների

սահմաններում թշնամուն ջարդ տալով վանել է հեռու և ապա, առաջ գնալով, թիկնանց շարժումով գերի է վերցրել Շապուհի կանանոցը:

Շապուհի կանանոցը... Լուրն այնքան արտակարգ էր, որ սկզբում դժվարանում էին հավատալ. սակայն երբ նոր եկող սուրհանդակները կրկինեցին նույնը, ամենքին համակեց անխառն ուրախություն:

— Ապրի՛ Մուշեղը... ապրի՛,— բացականչում էին մարդիկ ինքնաբեր:

Իսկ ծերունիներն ասում էին գոհունակ.

— Իր հոր զավակն է... Թո՛ղ վրեժխնդիր լինի խարդախից. բազուկը դալա՛ր...

— Շապուհն այժմ վզղջա արածը:

— Նա չի տեսել երևի այդպիսի անպատվություն...

Ցնծությունն ու օրհնանքն ընդհանուր էր:

Շուտով սուրհանդակները բերին այդ հաղթության նոր մանրամասնությունները: Հաստատելով Մուշեղի կատարած քաջագործությունը՝ նրանք միաժամանակ պատմեցին, թե Մուշեղն իրոք գերելով Շապուհի կանանոցը՝ նույն օրն ևեթ արձակել է, ասելով, թե՛ «Ինքը չի կռվում կանանց դեմ»... Այս պարագան փոքր-ինչ խախտեց ուրախությունը: Ի՞նչ ավելորդ մեծահոգություն, անիմաստ գոռոզություն,— ասում էին մեծերից շատերը: Անգամ Մուշեղի մայրը՝ Կատրանիդե տիկինը, իմանալով այդ և՛ ուրախացավ, և՛ տխրեց: Ուրախացավ, որ որդին հաղթանակ է տարել և վրեժխնդիր է լինում հոր համար, բայց տխրեց, որ որդու վեհանձնությունը առիթ պիտի տա մարդկանց՝ վատաբանելու իր Մուշեղին, համարելով նրան գուցե թուլասիրտ կամ ետին մտքերով առաջնորդող, որ արձակել է թշնամու գերի ընկած կանանց... Եվ ո՞ւմ են պետք պարսից արքայի կանայք, որ Մուշեղը գերի պահեր նրանց, կերակրեր և մարդիկ զբաղեցնե՞ր նրանց խնամելու համար,— մտածում էր Մամիկոնյան իշխանուհին, ցանկանալով արդարացնել որդու վարմունքը: Բավական է և այդ անպատվությունը, որ հասցրել է Շապուհին... Եվ չնայած Մուշեղն ասել էր, թե ինքը «չի կռվում կանանց դեմ, այլ Շապուհի», այնուամենայնիվ բերդում իրոք կային մարդիկ—շատ ազնվականներ և անգամ շինա-

կաններ, որ դատապարտում էին Մուշեղի քայլը, եթե ոչ հրապարակով, գոնե մասնավոր զրույցի մեջ, իրենց մտքում:

— Ինչո՞ւ է արձակել, երբ կարող էր գերի պահել և Շապուհին ստիպել հաշտության,— ասում էր Սահառունի Սահակ իշխանը:

— Սակայն այդ վեհանձնությունը նույնպես կարող է մեղմել Շապուհի սիրտը,— առարկում էր Պալունի իշխանը, և նրան համամիտ էր Անձեաց Խորենը:

— Ու, նա պետք է պատանդ պահեր այդ կանանց, որպեսզի Շապուհը գազանային գործեր չկատարեր մեր երկրում,— շարունակում էր Սահառունին, և նրան համամիտ էր Մեհենդակ իշխանը:— Անխոհմություն է:

Կային մարդիկ էլ, որ պնդում էին, թե Մուշեղը գազանաբարո Շապուհին տվել է զորավարի մարդկայնության, վեհանձնության բարձր օրինակ, և թող դաժան Շապուհն ամաչի՛...:

— Բայց տեսնվա՛ծ է, որ գազանն ամաչի,— դարձյալ առարկում էին մյուսները, ավելորդ, նույնիսկ վնասակար մեծահոգություն, անհեռատեսություն համարելով Մուշեղի վարմունքը:

Ու մի քանի օր շարունակ բերդի բնակիչները այս-այն տեղ խմբված վիճում էին դրա մասին: Ու ամենքն էլ հանգում էին այն մտքին, թե թշնամուն չպետք է խնայել...

Այդ կարծիքի էր և Փառանձեմ թագուհին. սակայն հաղթությունը այնքան մեծ էր թվում նրան, որ չէր կամենում առանձնապես խորհել գերի ընկած և վերադարձրած կանանոցի մասին: Նա մտածում էր, որ Մուշեղը հավանաբար ունեցել է դրա համար լուրջ նկատառումներ, այնպես չէր զիջի... Հաղթության լուրն առնելու առաջին իսկ օրը Փառանձեմը կարգադրեց՝ բերդը զարդարել դրոշներով և գինի բաժանել զորքին, ապա կարգադրեց, որ բերդի եկեղեցում գոհաբանական մաղթանք կատարեն վարդապետներն ու քահանաները: Թագուհին այդ մեծ հաղթության մեջ առանձին նշանակություն էր տալիս գերի կանանց ազատելուն...

Բայց որքան էլ Փառանձեմը գոհ էր այդ հաղթությունից, այնուհանդերձ նրան զբաղեցնում էին կարևոր մտքեր. ամենից առաջ նա կարծում էր, որ երկրին տեր է հարկավոր, իսկ

հայոց բանակին լուրջ օգնություն՝ որեւէ կողմից, որովհետեւ հայոց զորությունը նրան թվում էր պակաս Շապուհին դիմագրավելու համար։ Ուստի և խորհում էր, որ լավ կլիներ, եթե Պապը լիներ աշտոնդ, որպես գահաժառանգ կամ որպես թագավոր...

Այս մտքերը Փառանձեմին զբաղեցնում էին աղետի առաջին օրերին, բայց դեպքերը, արագորեն իրար հաջորդող դեպքերը, հնարավորություն չտվին ավելի երկար մտածելու, դրա առավելությունները կշռադատելու... Այժմ սակայն բերդի առանձնության մեջ, երկար անքուն գիշերները նա հանգել էր այն մտքին, թե զորքին, ժողովրդին ոգի և վստահություններ չնշելու համար, մանավանդ օրինական իշխանություն ունենալու համար, անհրաժեշտ էր Պապին բերել Բյուզանդիայից։ Թող Շապուհը չկարծի, թե Հայոց Աշխարհը մնացել է անտեր, և ցանկացածը կարող է անել՝ երկիրը նվաճել մի գրոհով, — մտածում էր Փառանձեմը։ — Բանտելով Արշակ թագավորին՝ Շապուհը կամեցել էր երկիրը թողնել անգլուխ, որպեսզի դյուրանա նրա նվաճումը... Իսկ եթե գահաժառանգը լինի երկրում, պարսից արքան չի հասնի իր նպատակին։ «Պապը, հարկավ, սուրը ձեռքին չի ելնի կովի, — խոսում էր ինքն իր հետ Փառանձեմը, — սակայն լուկ թագաժառանգ անունը կունենա իր ազդեցությունը թե՛ երկրի ներսում և թե՛ դրսում»։

Վերջապես, Փառանձեմը խորհում էր, որ Պապի հետ կգա և իր հայրը՝ Անդոք իշխանը, և իր փորձ խորհուրդներով վօգնի Պապին և կիմանա ինչպե՛ս վարվել Շապուհի հետ... Կգա և Բաբիկ եղբայրը, որ քաջածանոթ է ռազմի գործին... Եվ նրանք կարող են իրենց հետ բերել բյուզանդական զորք և բյուզանդական հայ նախարարների ուժերը... Այս ամենի մասին Փառանձեմը խորհում էր մեռնակ, տակավին ոչ մեկին չվստահելով իր մտքերը։ Բայց երբ երեք օր առաջ առավ Մուշեղի հաղթության լուրը, նա ուրախությունից իր մտքերը հայտնեց հազարապետի եղբորորդուն՝ Զենոն Գնունուն և հարցրեց նրա կարծիքը։

— Անշուշտ, թագուհի, — ասաց հանդարտ Զենոնը, — գահաժառանգի ներկայությունը ոգի կտա զորքին և թերևս զսպի պարսից ախորժակը. նոքա կտեսնեն, որ երկիրն անգլուխ չէ

իրոր: Պետք է, այո, բերել գահաժառանգին՝ Պապին, և որքան շուտ՝ այնքան լավ: Նույնպես և բյուզանդական օգնությունը...

Նույն խորհուրդը տվեցին թագուհուն նաև Սահառունի Սահակ, Պալունի Կարեն և Անձեաց խորեն ու Մեհենդակ իշխանները:

— Սակայն ո՞վ կարող է գնալ և բերել, թագուհի,— հարցրեց Զենոնը:

— Ես խորհել եմ այդ մասին,— հայտնեց Փառանձեմը՝ նկատելի ոգևորվելով, որ իր միտքը հավանություն է գրտնում:— Հավագույն թեկնածուն Մուշեղն է անշուշտ:

Զենոնը զարմացավ.— Մուշեղը...

— Այո, իշխան. ինչո՞ւ զարմացար: Ես Պապին չեմ կարող վստահել ամեն մարդու: Միայն Մուշեղին. և վերջապես Բյուզանդիոնում ճանաչում են նորան որպես Վասակ ապարապետի որդի:

— Բայց մեր սահմանների ապահովությունը, թագուհի, ինչպե՞ս կլինի:

— Նրան կփոխարինի Մուշեղի օգնական Զաքեհ Ամատունին: Մինչև Շապուհը կոշտաբերվի վերջին պարտությունից և նոր զորք կրերի՝ Մուշեղը կվերադառնա Պապի հետ, բերելով նաև բյուզանդական օգնական զնգեր...

— Թերևս,— ասաց Զենոնը տարակուսով:

Որդուն բերելը տիրական միտք էր դարձել Փառանձեմի մեջ, այնքան տիրական, որ ստիպեց նրան անմիջապես Մուշեղին կանչել Արտագերս: Եվ երբ մի քանի օր հետո երիտասարդ ապարապետը ներկայացավ, թագուհին գրեթե փարվեց նրան և անխոս համբուրեց հերոսի ճակատը:

— Ես գոհ եմ քեզից, Մուշեղ սիրելի: Գոհ եմ քո հաղթանակից, քո հերոսական գործից: Շնորհակալություն քեզ զորքի և ժողովրդի կողմից:

Մուշեղը խոնարհեց գոռոզ մազերով գլուխը:

— Այժմ նստի՛ր, զավակս: Ես կամենում եմ զրուցել քեզ հետ: Ասեմ ավելի պարզ. կամենում եմ անել քեզ հույժ կարևոր մի հանձնարարություն:

Մուշեղը նստեց զինվորական հագուստներով և երկար թուրը մի կողմ պահելով, կարծես այն կարող էր խանգարել խո-

սակցությանը: Եվ Փառանձեմը հայտնեց նրան շաբաթների իր մտածմունքը և վերջին օրերի իր վճիռը՝ թող Մուշեղը մի քանի հոգու գլուխ անցած գնա Բյուզանդիոն՝ Պապին բերելու, որպեսզի թե՛ պարսիկները, թե՛ բոլոր ազգերը և ժողովուրդը հայոց իմանան, որ գահը թափուր չէ...

— Պապի ներկայութիւնը հույժ կարևոր է... Ես, Մուշեղ, ուրիշ մեկին չեմ կարող վստահել, թե իմ որդոս-գահաժառանգին ապահով կհասցնի ինձ և հոռոմ զորք կբերի պարսից դեմ: Այդ կարող ես անել միայն դու, Մուշեղ, որպես Վասակի որդի, որպես սպարապետ:

Թագուհու առաջարկը հաճո եղավ Մուշեղին, մանավանդ նրա վստահութիւնը: Ստկայն նա ևս մտածեց՝ ինչպե՞ս թողնել հայոց սահմանների պաշտպանութիւնը և մեկնել... Բայց թագուհու այն միտքը, թե պետք է նաև օգնութիւն խնդրել Բյուզանդական իշխանութիւնից և բերել Բյուզանդիայի սահմաններում ապրող հայ նախարարների ուժերը, դա Մուշեղին թվաց խելացի. նա ինքն ևս պատերազմի առաջին օրից խորհել էր Բյուզանդիայից օգնութիւն խնդրելու և գահաժառանգին երկիր բերելու մասին, ուստի և հանձն առավ. նա որոշեց՝ գնալ շուտով և արագորեն գլուխ բերել թե՛ մեկը, թե՛ մյուսը...

Այդ ամենը համարելով հույժ կարևոր և անհետաձգելի՝ Մուշեղը հետևյալ օրն իսկ ճանապարհ ընկավ թիկնապահների մի փոքրիկ խմբով, որոշելով՝ ծովով գնալ, ցամաքով վերադառնալ:

— Մեր փրկութիւնը, Մուշեղ, բերելու ես դու,— շեշտեց Փառանձեմը հրածելտին:

— Եվ լուշացնես, որդիս, այդ փրկութիւնը,— ասաց Կատրանիդե իշխանուհին գրեթե աղերսաձայն:

Եվ դա բերդի ողջ բնակչության ցանկութիւնն էր:

Մուշեղի դեսպանության մեջ էր և Զենոն Գնունին: Թագուհին նրան ուղարկում էր Մուշեղին օգնելու, եթե հարկ լիներ: Բայց Զենոնն այնպիսի տեսք ուներ, պարծես արքայ էր գնում...

Այս ամենի հետ պետք է հիշել և այն դեպքը, որ նորութիւն եղավ բերդո՞ւմ ընակվողների համար և այնքան հետաքրքրեց ամենքին:

Մի օր, երբ թագուհին, բերդապետի հետ անցնում էր պարտափ մոտով, լսեց նվագի ձայն, որ գալիս էր բերդի առաջին մասից: Լսեց և կանգ առավ: Բերդում նվա՞գ...

— Ի՞նչ է նշանակում այս, բերդապետ,— հարցրեց նա զարմացած:

— Այստեղ մի երիտասարդ է պսակվում, թագուհի:

— Պսակվո՞ւմ...

— Այո:

— Դա արդո՞ք բարի նշան չէ, բերդապետ:

— Անտարակույս, թագուհի:

Բերդապետն ուզեց մխիթարել Փառանձեմին:

Դա իրոք հարսանիք էր: Քանի օր էր բերդի ընդհանուր ուրախութիւնն անմասն չէին Թորգոմն ու ընկերները. նրանք էլ ցնծում էին հաղթանակի համար, գուշակում, որ պատեւրազմը շուտով կվերջանա... և այնքան բարձրացավ ընկերների ու նրանց ընտանիքների տրամադրութիւնը, որ Վարդանը նորից կրկնեց իր հին ցանկութիւնը.

— Դե Թորգոմին ամուսնացնենք, որ էլ աղետ չտեսնենք...

Լինում են պահեր, երբ խոսքը, հասարակ խոսքը ունենում է մեծ, համակող ուժ: Այդպես եղավ և այս անգամ: Հաղթանակի ուրախութիւնն այնպես էր տոգորել ամենքին, որ բոլորը համամիտ եղան և Թորգոմին պսակեցին:

Բայց դա սովորական պսակ չէր, այլ արտակարգ մի ծես, որ մնացել էր գուցե հեթանոսական ժամանակներից՝ կրակապաշտութիւնից, թե արեւապաշտութիւնից... Երբ քահանային հայտնեցին, թե կամենում են պսակել մի զույգ—ինքը կհոծարի՝ կատարել այդ ծեսը, նա՝ վաղարշապատցի երեցը— համաձայնեց, և առաջարկեց, որ տղային ու հարսին բերեն բերդի եկեղեցին:

— Ո՛չ, տեր հայր,— ասաց Վարդանը,— ոչ եկեղեցի... Քահանան զարմացավ:

— Հապա ինչպե՞ս:

— Մենք կուզենք պսակել նրանց ակութի վրա:

— Եվ ինչո՞ւ,— հետաքրքրվեց քահանան:

— Որպեսզի պսակը լինի ամուր նստնյաց ձևով, որպեսզի նորապսակները բնավ աղետներ չտեսնեն և վտանգի չհանդիպեն...

Քահանան, որ տարեց մեկն էր, ճերմակ մարմերով, զատարեց նրանց կամքը. նորապսակներին կանդնեցրեց տաթթոնրի շուրջը և, արծաթ խաչը բարձր բռնած, կատարեց պսակի կարգը: Թոնրաւանը հալաքվածները՝ հարազատները, բարեկամները և անծանոթները, հիշելով իրենց վիճակը, լալիս էին ուրախությունից, իսկ վարդանը կատակում էր հարբածի պես:

— Շուտ արա, հայր, որ էլ աղետ չտեսնենք... Եթե սրանք շուտ պսակվեն, այս փորձանքները չէին լինի...

Երբ քահանան ալարտեց խորհրդավոր արարողությունը, ընկերներն իրենց ընտանիքներով շնորհավորեցին նորապսակներին, իսկ Թորգոմի մայրը համբուրեց նրանց և խաչակնքեց:

— Ամենից առաջ՝ տերը պահի Աշխարհը Հայոց ու ձեզ, զավակներս...— ու լաց եղավ խեղճ պառավը, որ իր աչքով տեսավ, վերջապես, որդու վաղուց փափագած պսակը:

Շուտով հայտնվեցին և նվագածուներ, որ Մուշեղի հաղթության ուրախությունը միացրին նորապսակների հարսանիքին:

Պսակի լուրը զարմանքի հետ միասին ուրախացրեց բերդում ապաստանածներին. ամենքը ներուստ զգացին, որ եթե մարդիկ սպակվում են և ուրախանում, ուրեմն վտանգը մեծ չէ...

Իսկ Փառանձեմ թաղուհին մտածեց. ուրեմն՝ ժողովուրդն ընկճված չէ, նա հավատում է հաղթության...

* * *

Մուշեղին Բյուզանդիա ճանապարհելուց հետո Փառանձեմը հատուկ հրամանով Մեհենդակ իշխանին և Խորեն Անձևացուն ուղարկեց պարսից սահմանը՝ Զարհ Ամատունուն հայտնելու, որ նա նշանակված է սպարապետ մինչև Մուշեղի վերադարձը և որ իրենք նրան օգնելու են որպես խորհրդատուներ: Իսկ ինքը Փառանձեմը բերդակալին կարգադրեց, որ ջանա շրջապատից նոր պաշարներ բերել բերդը. կարգադրեց

նաև, որ զորքից բացի, մյուսները—բերդ եկած տղամարդիկ՝ իրենց ընտանիքներով,— եթե ցանկանում են ու հնարավորություն ունեն և քանի թշնամին չի խուժել երկիրը՝ կարող են գնալ համեմատաբար ապահով վայրեր՝ Վանանդ, Տաշիրք և Տայթ:

Փառանձման ինքը որոշել էր մնալ բերդում՝ զորքի հետ, նրան ոգևորելու և երկրի կենտրոնում լինելու համար: Անելով իր կարգադրությունը՝ նա մտահոգված էր երկու հարցով. նախ, որ բերդականները և նոր եկած զորքը ազատ լինեն կռվելիս. այսինքն՝ բնակչության ահը, երկյուղը, մի խոսքով՝ տխուր տրամադրությունը չազդի մարտիկների վրա. երկրորդ, մտածելով, թե պաշարումը (եթե լինի և երկարի) բերդում կարող է առաջացնել պարենի նեղություն, ուստի և ցանկալի էր թեթևացնել բերդը: Բայց միևնույն ժամանակ չէր կամենում խիստ լինել և հարկադրել մարդկանց հեռանալու: Այդ իսկ պատճառով նա կարգադրությանն ավելացնում էր, թե ամեն ոք ազատ է մնալու և գնալու ընտրություն կատարելու... Ու եղան ընտանիքներ, շատերը՝ հարյուրավորներ, որոնք լեռնագավառներում ապրելու ազատությունը գերադասեցին բերդի վտանգներից և հեռացան հետզհետե, քանի դեռ պարսիկը չէր մտել երկիր, քանի դեռ ձմեռը չէր եկել և ճանապարհներն ազատ էին: Սակայն եղան և այնպիսիները, որ շուգեցին թագուհուն թողնել մենակ, ու մնացին: Դրանք մի խումբ պալատականներ էին իրենց ընտանիքներով և նախարարներ, որոնց մեջ էին Սահառունի Սահակ մեծ իշխանը, Պալունի Կարենը, և Հավնունի Մանասպը: Սրանք անհարմար էին համարում հեռանալ, գուցե և մտածում էին, թե բերդն անառիկ էր և ավելի ապահով, քան որևէ լեռնագավառ, ուր թշնամին չէր գնում սովորաբար, բայց այս անգամ կարող էր հասնել, Հետևաբար՝ մնալով կարելի էր փրկվել...

Մնացողների մեջ էին նաև հազարապետի ընտանիքը՝ Նանա իշխանուհու գլխավորությամբ, Վասակ սպարապետի Կատրանիդե տիկինը՝ հարսի և թոռների հետ, Գնթունի Ադամը իր ընտանիքով և այլ ազնվական ծերունիներ, տիկիներ ու օրիորդներ, որ ապրում էին բերդի վերին գոտում, այնտեղ, ուր ապաստանել էր թագուհին: Մնացողների մեծագույն մասը շինականներ էին, որ հույս չունեին. թե հեռունե-

րում ապահով ապաստան գտնեն, կամ՝ այնպիսիները, որ չէին կամենում հեռանալ իրենց նվիրական թնակավայրերից, որոնք գտնվում էին բերդին մոտ շենքերում. և այս շինականները բերդի հերսում, մայրաքաղաքից եկած արհեստավորների հետ, ջանադիր կատարում էին այն բոլոր աշխատանքները, ինչ հրամայում էր բերդապետը: Բերդում մնաց նաև նորապսակ Թորգոմը՝ Վարդանի և Հովսեփի հետ: Նրանք ապրում էին բերդի առաջին գոտում. այսինքն՝ առաջին պարսպի ներսը՝ մի-մի փոքրիկ խցում: Հարևան խցերում նույնպես ապրում էին նրանց նման շինականներ, քաղաքացիներ, արհեստավորներ: Նույնպիսի մարդիկ էին ապրում և երկրորդ գոտում. ու այդ բոլորը առավոտից երեկո աշխատում էին պարիսպների վրա. կարգի էին բերում պատերի քանդված տեղերը, բուրգերը, ատամները. ոմանք նորոգում էին բերդի արհեստանոցները, հատկապես դարբնոցները՝ զենք պատրաստելու և վնասվածները նորոգելու: Ոմանք կարգի էին բերում երկանքները և թռնառետները, որ պարբերաբար ու անխափան հաց թխեն զորքի ու քնակչության համար: Հսորյուրավոր անասուններ էին բերում մորթում բերդից դուրս և նրանց միսը կրում աղ դնում բերդի մառաճներում. մոտիկ անտառներից փայտ էին կտրում և ջորիներին ու ձիերին բարձած բերում... Շատ աղ էին կրում նաև մոտիկ կողբա հանքերից: Քանի թշնամին երկիրը չէր մտել՝ ջանում էին որքան վարելի է բերել շատ անհրաժեշտ բաներ, իբրև պաշար, առնվազն մի քանի ամսվա համար:

Ականջը ճեղքված բերդապետը աժբողջ օրը կարգադրությաններ էր անում, հետևում կատարվող աշխատանքներին, մասնավորապես ուշադիր էր պարիսպների նորոգմանը և այն բանին, որ դրսից քար կրին: պարիսպների գլուխը, աշտարակները, բուրգերը և կիտուկներ անեն այնտեղ: Այս աշխատանքները դիտելուց հետո՝ բերդապետը օրը մեկ-երկու անգամ բարձրանում էր բերդի վերին գոտին՝ թագուհուն զեկուցելու օրվա մեջ անցած-դարձածը կամ իմանալու նրա ցանկությունները: Ասենք, Փառանձեմն ինքը օրումեջ կամ օրը մի անգամ իջնում էր կատարվող աշխատանքները տեսնելու՝ բերդապետի կամ նրա մի օգնականի ուղեկցությամբ: Թագուհուն հետևում էր և Եզնիկ իշխանը՝ միշտ կողքից կա-

խած թուրը բռնած այնպես, որն ասես վտանգի դեպքում պիտի մերկացնեիր իսկույն: Թագուհուն մենակ չթողնելու համար երբեմն նրան ուղեկցում էին մեկ-երկու իշխանուհի:

Դիտելով աշխատանքները՝ Փառանձեմն անում էր հարցումներ, դիտողություններ կամ խրախուսանքի խոսք էր ասում միշտ մտահոգ, միշտ մի ծանր թախիծ դեմքին: Մի անգամ էլ Փառանձեմը վարի պարսպի աշխատանքները դիտելիս նկատեց թուրը ձեռքին մի պատանի: Թագուհին կանգ առավ և նայեց ուշադիր:

— Ո՞վ է այս պատանյակը, — հարցրեց նա հետը քայլող բերդապետին:

Եվ որովհետև ոչ բերդապետը, ոչ էլ ուղեկիցները պատասխանել չկարողացան, ուստի մի երկու քայլ առաջ եկավ Վարդանը:

— Իմ որդիս է, թագուհի, — ասաց նա շառագունելով, որ համարձակվում է խոսել հայոց տիկնոջ հետ: Վարդանը նրան տեսել էր միշտ հեռվից և այժմ շփոթված էր. նայում էր սևազգեստ բարեկազմ թագուհուն և չգիտեր, թե ինչ պետք է ասել:

Իսկ Փառանձեմը, նրա շուտիկին տեսնելով, հիշեց Պապին, որին գրեթե այդ հասակում ճամփել էր Բյուզանդիոն և վաղուց չէր տեսել, ուստի կարոտ ու մայրական գորով զգաց:

— Իսկ դու որտեղացի՞ ես, — շարունակեց հետաքրքրվել Փառանձեմը, նայելով Վարդանի մազմազոտ դեմքին ու քըշտած բազուկներին:

— Ես և իմ ընկերները Արշակավանից ենք, թագուհի, — և Վարդանը ցույց տվեց բախտակից ընկերներին՝ Նովսեփին ու Թորգոմին, որ նույնպես աշխատում էին այդտեղ և այժմ հետաքրքիր նայում էին թագուհուն:

— Ուրեմն Արշակավանից փրկվածներ կա՞ն...

— Հրամայել ես, թագուհի, — պատասխանեց Վարդանը.

— Մենք կռվելով դուրս եկանք, — նա նորից մատնացույց արավ ընկերներին:

— Իսկ ձեր ընտանիքնե՞րը:

— Տարվեցին գերի...

— Գերի՞... Նզովք նախարարներին... Գերի՞...

— Բայց հետո այստեղ գտանք իրար, թագուհի...

— Իսկ երիտասարդը պսակվեց այստեղ,— խոսեց բերդապահը իր հերթին մատնացույց անելով Թորգոմին, որի պսակին ներկա էր եղել պատահաբար: Թվաց, թե նա այդ շասաց թագուհուն հաճույք պատճառելու համար, իմանալով, որ այդ փաստը կուրախացնի թագուհուն:

— Պսակվողը դո՛ւ ես,— և թագուհին ուշադիր նայեց Թորգոմին:— Ի՛նչը ստիպեց, որ պսակվես բերդում և... թոնրի վրա,— հետաքրքրվեց Փառանձեմը:

Թորգոմը կարմրեց և գլուխն իջեցրեց. նա չիմացավ ի՛նչ պատասխանել և միայն ասաց.

— Մենք կորցրել էինք իրար, թագուհի: Այստեղ գտանք: Եվ վախեցանք նորից կորցնենք...

Փառանձեմի դեմքին ժպտի պես մի բան երևաց և նա, չգիտես ինչ մտածելով, կրծքից մի ոսկե քորոց հանելով՝ մեկնեց Թորգոմին:

— Քո հարսին, տղաս... գովում եմ...

Փառանձեմը թվում էր խանդաղատած. նա արցունքները թաքցնելու համար քայլեց առաջ: Բերդապետը և մյուս ուղեկիցները հարգալիր հետևեցին նրան: Իսկ Թորգոմն ու ընկերները և մանավանդ պատանի Հուսիկը երկար նայեցին թագուհու հետևից, ապա իրար գալով զննեցին նվերը, հիշելով թագուհու խոսքերը:

— Ասաց «նզովք նախարարներին»... Այո, նզովք, նըզո՛վք... Նրանք ավերեցին մեր տները,— խոսեց սակավախոս Հովսեփը, որ ծանր էր ապրում իր տան ավերումը:

— Եվ ստացան իրենց արժանի պատիժը,— սիրտը հովացրեց Վարդանը:

Խոսեցին ընկերները, հիշելով իրենց փախուստը, իրենց կրած զրկանքները և բոլորը միասին հառաչեցին.

— Այո, նզո՛վք նախարարներին...

— Հիմա էլ հայ նախարարները, Շապուհին միացած, գալիս են թագուհու վրա:

— Նզո՛վք նախարարներին... Նզո՛վք Շապուհին...

Նրանք հառաչեցին ու լռեցին, և փոքր անց, Վարդանը խըղեց լռությունը:

— Ի՛նչ ճակատագիր. երեք տարի առաջ փախանք այստեղից, նորից ահա ընկանք այստեղ: Ծջմարիտ է, Կամոսա-

բախան իշխանները ղկան, բայց հիմա էլ պարսիկն է սպառնում մեզ:

Իրոք, վերջին օրերը գալիս էին սպառնալից լուրեր, թե պարսիկները, վերջին պարտությունից հետո, ամսի շափ պատրաստվելով և նոր ուժեր հավաքելով, կրկին շարժվում են դեպի հայոց սահմանը: Զարեհ Ամատունին ամեն օր սուրհանդակներ էր ուղարկում՝ հայտնելով պարսիկների առաջացումը, միաժամանակ և այն, թե ի՞նչ պատրաստություն է տեսնում ինքը՝ դրա առաջն առնելու: Այս Մուշեղ սպարապետի Բյուզանդիա գնալուց ամիս ու կես հետո էր: Առնելով այդ լուրերը՝ թշնամուն սպասում էին Հեր և Զարեանդ գավառների կողմից. սպասում էին, թե Թավրիզում կուտակվող նրանց բանակը կհարձակվի նախ այդ գավառների վրա և ապա կխուժի Հայոց Աշխարհը... Բայց անսպասելի աղետ... Լուր եկավ հարավից, թե Շապուհը մեծ ուժերի գլուխ անցած Տիգրիսի հոսանքն ի վեր բարձրանալով, հասել է արդեն Տարոն: Խոսում էին, որ նրա հետ է և Մերուժան Արծրունին: Ասում էին, որ նա՛ է առաջնորդում պարսից արքային ու նրա զորքը. ավելացնում էին նաև, թե Մերուժանը ցանկություն ունի դառնալ թագավոր հայոց և վերականգնել տուժած նախարարների իրավունքները:

— Նզո՛վք Մերուժանին, նզո՛վք, — բացականչեց Փառանձեմը, լսելով նրա խոսելը: — Դարձյալ այդ շարահոգին... Սակայն զինվե՞նք կամքով և կորովով: Բերդապետ, ամրացրու բոլոր մուտքերն ու պարիսպները և գետնուղիով կամ այլ ուղիներով մարդեր ուղարկիր մեզ ավելի ստույգ լուրեր բերելու: Աղոթենք, որ մինչև նոցա հասնելը իմ սպարապետն ու Պապը կգան մեզ օգնության: Անենք այնպես, բերդապետ, որ թշնամին, եթե անգամ պաշարի բերդը՝ վերցնել չկարողանա... մինչև կգան Պապն ու Մուշեղը բյուզանդական զորքով:

Այդ բանում համոզված էին ոչ միայն բերդապետն ու թագուհին, այլև ամենքը:

— Մինչև նոքա հասնեն բերդին՝ Պապն ու Մուշեղը կգան հոռոմ բանակներով, — կրկնում էին թագուհու խոսքերը բերդի բնակիչներից շատերը:

Թեպետև բերդն ամրացրել էին ինչպես պետք էր, բայց թերդապետ Բադասը կրկին ու կրկին շրջում-դիտում էր պա-

րիսպներն ու բուրգերը, երկաթե դռներն ու փակերը և հրամայում լինել արթուն և զգուշ: Ամենքին ներշնչում էր՝ ինչպես դիմադրել պարսիկներին. նույնը սովորեցնում էր երիտասարդ շինականներին ու արհեստավորներին: Անցնելով մի պահակախմբից մյուսը՝ նա կարգադրում էր.— եթե նկատեք բերդին մոտեցող մի կասկածելի՝ նետահարեք անհապադ: Զգուշացեք լրտեսներից... Կուտակեցեք նոր քարեր... Պահպանե՛ք բերդը և մեր դրոշը աչքի լույսի պես...

Թորգոմը, որ բնկերների հետ մասնակցում էր այդ աշխատանքներին, բերդապետի խոսքերի վրա զարմացած նայեց նրան: Դրոշը... Թորգոմը հասկանում էր, քարերը նրա համար են, որ պարսառիկով ու ձեռքով նետեն թշնամու վրա. հասկանում էր, որ պետք էր պաշտպանել բերդը, բայց դրոշը... Դա թշնամու ինչի՞ն է պետք...

Եվ ահա մի անգամ էլ, երբ Թորգոմը նորից լսեց բերդապետի այս կարգադրությունը, հարցրեց կողքի զինվորին.

— Բերդը հասկանալի է, իսկ դրոշն ինչու՞...

— Դրոշը բերդից կաթևոր է,— բացատրեց նրան բերդական զինվորներից մեկը՝ զարմացած, որ դիմացիները չգիտեն այդ հասարակ բանը:— Եթե երկիրը կորցնի իր դրոշը՝ մեծ անպատվություն է. եթե թշնամին առնի դրոշը՝ երկիրը կորավ:

— Էդպե՛ս,— ասաց Թորգոմը մտածումների մեջ:

Չնայած պարիսպների վրա և բուրգերի գլխին կիտել էին շատ բռնաքարեր, բայց նորից կրում էին և կույտեր կազմում: Փարերը կրում էին թե՛ զինվորները և թե՛ շինականները: Այդ աշխատանքներին մասնակցում էին նաև շինական կանայք. նրանք պարապ չէին մնում առհասարակ. երկանքով ցորեն էին աղում, հաց էին թխում, կերակուր էին եփում գործի համար...

Աշխատում էին մարդիկ և դարձյալ սպասում նոր լուրերի:

Եվ մի օր էլ ահա սուրհանդակները լուր բերին, թե պարսիկները Բասենից շարժվում են Արշարունիք, նպատակ ունենալով վերցնել բերդը, քանի դեռ ձմեռը չի եկել: Այդ մտադրությունն իրագործելու համար Շապուհն իր բանակը բերում էր բերդի դեմ, տակավին երկիրը չգրաված:

Սովորաբար արքունի սուրհանդակները միշտ բերում էին

ստուգված լուրեր, սակայն այս վերջին լուրին ամենքը չհավատացին. ո՞վ կարող էր իմանալ Շապուհի մտադրությունը. մի՞թե նա հայտնի կդարձներ իր գաղտնի խորհուրդը...

Բայց դա ճշմարիտ էր. լուրը գալուց մի շաբաթ անց՝ պարսից զորքերը երևացին նախ Կամրջաձորում, ապա բերդի տակ... Բերդականներն ու բերդի բնակիչներն այնքան էին յուրանց մասին, որ արդեն ընտելացել էին այդ վախին— վերևից դիտում էին թշնամու շարժումը, թե ո՞ր է գնալու և ի՞նչ է անելու. հարձակվելու՞ են անմիջապես, թե բանակցություն են սկսելու:

Բայց այդ շարժումը տեղեց մեկ-երկու օր. նրանք եկան ու կուտակվեցին կամուրջի մոտ, ապա, անցնելով, տարածվեցին սարի ստորոտում ու լանջերում: Մեծ մասը սակայն մնաց Արաքսի այն կողմը:

— Պատրաստվում են հարձակման,— ասում էին ոմանք:

— Կարծյոք: Բայց հուսանք, որ բերդի ամրությունը չի թողնի ներս խուժելու:

— Տա՛ւ աստված,— խաշակներում էին մյուսները:

Եվ չնայած այն հաստատ երկյուղին, թե կհարձակվեն անպայման, պարսիկները սակայն երեք կողմից շրջապատեցին բերդը ու մնացին անշարժ: Տպավորությունն այն էր, թե հանգըստանում են հավանաբար, որ հարձակումն սկսեն թարմացած ուժերով՝ բերդը մեկեն գրոհելու և վերցնելու համար: Ու, զարմանալի բան,— պարսիկների անշարժությունն այժմ ավելի էր անհանգստացնում բերդի բնակիչներին, քան շարժումը: Պարիսպների գլխից տեսնում էին, թե ի՞նչ էին անում պարսիկները. առավոտները վրաններից դուրս էին գալիս հանգիստ վացվում, կերակուր էին եփում, դենք էին մաքրում, պահակություն էին անում: Իսկ նրանց ձիերը շարքով կանգնած կեր էին ուտում: Երբեմն էլ ինչ-որ խաղեր էին խաղում այդ զինվորները կամ երեսները դարձնելով դեպի բերդը, բռունցք էին թափ տալիս: Ի՞նչ էին ուզում, ի՞նչ էին մտադիր— դժվար էր իմանալ:

— Պաշարում են թերևս, որ մեր զորությունը չիջնի բերդից,— կարծիք հայտնեց Սահառունի Սահակ իշխանը,— և օգնության չգնա Զարեհին:

— Կամ ցանկանում են պաշարումով ստիպել անձնատուր լինելու,— տարակույս հայտնեց Գնթունի իշխանը:

Այսպիսի ենթադրություններ անում էին շատերը, գրեթե բոլոր բերդեցիները և սպասում: Իսկ բերդապետն այժմ ծանր հոգսերի մեջ, բերդի ամենօրյա պաշտպանական աշխատանքներից զատ, ջանում էր կապ ունենալ դրսի աշխարհի հետ, իմանալու ի՞նչ է կատարվում երկրում, որտե՞ղ է գտնվում Զարեհ Ամատունին ի՞նչ գործող, ո՞ւր մնաց Մուշեղ սպարապետը՝ զալի՞ս է արդյոք և օգնություն բերո՞ւմ է, թե ոչ: Եվ որովհետև այժմ բերդից դուրս գալ հնարավոր չէր առաջվա պես, նա բերդի սառերակրյա ճանապարհով մեկ-երկու ճարպիկ, փորձոված նքիտասարգներ ուղարկեց թշնամու զորքի թիվը, նրա շարժվելու ուղղություններն ու նպատակները պարզելու և առհասարակ եքկրի մասին ստույգ լուրեր բերելու... Ու մի քանի օր հետո եկան դրանք և հայտնեցին, թե պարսիկները գրավել են ամբողջ Աղձնիքը, Տարոնը, Տուրուբերանը մինչև Արշարունիք: Պարզվեց նաև, որ սպարապետի օգնական Զորեհ Ամատունին կռվելով նահանջել է սահմանից և այժմ թշնամուն դիմադրում է Արաքսի ափերին: Սուրհանդակները պատմում էին նաև, թե նա մտադիր է, պարտվելու դեպքում, բարձրանալ Գառնի և ամրանալ նրա բերդում:

— Ահա ինչո՞ւ պաշարող պարսիկները չեն դիմում գրոհի,— բացատրեց բերդապետը թագուհուն՝ ամենը պատմելուց հետո:— Այժմ, թագուհի, կիսնդրեի թույլատրես ինձ՝ հարձակվել նոցա վրա, որպեսզի թեթևացնեմ Զարեհի վիճակը:

— Արա, բերդապետ, ինչ անհրաժեշտ է և հնարավոր,— ասաց թագուհին:— Սակայն ջանացիր, որ չլինեն անտեղի կորուստներ: Յուրաքանչյուր զինվոր ապահովություն է մեզ համար, հետևաբար թանկ...

Փառանձեմը նույնպես մտածում էր, թե ինչպես կարելի է թեթևացնել Զարեհի նահանջը, և, միառժամ մտածելով, ասաց.

— Արա նաև հետևյալը, բերդապետ. ստորերկրյա ճանապարհով, սուրհանդակի միջոցով ուղարկիր հրաման Զարեհին, որ նահանջելով գնա ոչ թե Գառնի, այլ Տալթ՝ Պապին և Մուշեղին ընդառաջ և միանա նոցա: Սա առավել ցանկալի է,

քան ամրանալ Գառնիում, ուր հազիվ թե պաշար լինի առատ...

— Հրամայել ես, թագուհի,— խոնարհում արավ բերդապետը և, ետ-ետ գնալով, ելավ դուրս։

Բերդապետը մտածում էր ստորերկրյա անցքով վարժ զինվորներ ուղարկել թշնամու թիկունքը, երբ նրանք կգրոհեն բերդի վրա. բայց վախճնալով մատնել անցքը, թողեց այդ միտքը և կարգադրեց այլ բան։

Ու այդ օրվանից բերդականները, տարբեր կողմի դռներից դուրս գալով կամ պարզապես փայտե սանդուղներով պարիսպներից իջնելով։ Վկեցին նետեր արձակել պաշարողների վրա այնպիսի տեղերից, որ իրենք չէին երևում։ Բայց նետերը հասցնում էին թշնամուն։ Պարսիկները հանկարծակիի գալով՝ իրենք ևս նետեր էին արձակում, բայց... չգիտեին ո՞ւր, ո՞ր կողմը, ո՞ւմ վրա։ Ասենք գիտեին, նետեր արձակողը բերդականներն են, ժայռերի մեջ կամ քարերի ու թփուտների հետև թաքնված,— ուստի և հայհոյում էին և փորձում խմբերով սարը բարձրանալ... Այդ ժամանակ արդեն հաճախանում էին քարերի ու ժայռերի հետևից եկող նետերը. և պարսիկները ետ էին դառնում։ ճանապարհին վիրավորներ ու մեռածներ թողնելով... Վերևից բերդականները տեսնում էին, թե ինչպես են վիրավորները սողում։ Դախշողների հետևից, բայց հաճախ մնում էին կես-ճանապարհին և անշարժանում։

Այսպես բերդի պաշտպանները ցերեկները ծածուկ հարձակվում, անհանգստացնում էին թշնամուն, զիջերները հըսկում, որ նա մոլթով չբարձրանա վեր։

Սա կրկնվեց մի քանի օր. սակայն պարսիկները դեռ չէին ցանկանում, թե սիրտ չէին անում բարձրանալ վեր, բերդականները տարակույսի մեջ էին։

Բայց մի առավոտ նկատեցին, որ պարսիկները արտակարգ շարժման մեջ են Արաքսի այն կողմը. վաշտեր էին կազմում և ուղարկում դեպի կամուրջը, դեպի բերդը։ Ակնհայտ էր, որ պատրաստվում են գրոհի։ Այդ տեսնելով՝ բերդապետն շտապեց թագուհուն հայտնելու, թե ի՞նչ է կատարվում։

Փառանձեմը, որ այդ ձայները առաջինն էր լսել, այժմ իր թիկնապահներով և երկու պալատական տիկնոջ հետ գտնվում էր հարավային պարսպի վրա։ Երբ սաղավարտով, զրահա-

վորված բերդապետը մոտեցավ ու գլուխ իշեցրեց՝ նա ասաց,
առանց զեկույցի սպասելու:

— Տեսնում եմ, բերդապետ: Այժմ ի՞նչ ես մտադիր:

— Ես սպասում եմ, թագուհի, որ նոքա մոտենան հոծ
բազմությամբ, որպեսզի նոր միայն սկսեմ նետաձգությունը:

— Իսկ եթե մոտենան ավելի՞:

— Այնժամ... ես պարիսպների գլխին ունեմ քարակույ-
տեր: Իսկ ծայրահեղ դեպքում՝ իմ բերդականները կբախվեն
նրանց հետ նիզակներով, եթե փորձեն մոտենալ դռներին:

— Բարի, բերդապետ,— ասաց թագուհին:— Սակայն
բարի ցանկությունները միշտ էլ չեն պսակվում հաջողու-
թյամբ: Իմացիր, բերդապետ, որ զորքի և ժողովրդի կյանքը
քո ձեռքին է: Քո թագուհին խնդրում է քեզ՝ զործ դիր հնար-
ներիդ զգուշաբար և փրկիր քեզ ապավինողներին: Իսկ այժմ
ժողովիր զորքդ, որ օրհնեմ նոցա:

Կես ժամ անց՝ բերդի հրապարակը լիքն էր արդեն հին ու
նոր բնակիչներով: Բերդապահ սաղավարտակիր ու վահանա-
կիր զինվորները բռնել էին հրապարակի կենտրոնը. բոլորն
իրար նման երիտասարդներ. նրանց շրջապատել էին քաղա-
քացիները, շինական տղամարդիկ ու կանայք: Լռությոն էր.
դրսից լսվում էին դարձյալ թշնամու վայրենի, խժական ահա-
ղակները և թմբուկների զոխնչը: Վայրկյանը ծանր էր: Բոլոր
հայացքները լարված էին ու բորբոք. ամենքը ձիգ էին և
զգաստ, բայց միաժամանակ լուռ ու շնչազուսպ: Սպասում
էին թագուհուն, Եվ նա եկավ, ինչպես միշտ, սևեր հագած:

Նրա երևումով լռությունն ավելի խորացավ, իսկ երբ կանգ-
նեց աստիճանների գլխին՝ նրա կուրծքը նկատելի բարձրա-
նում-իջնում էր, բայց հայացքի մեջ կար վճռական մի բան:
Նրա հետ աստիճանների գլուխն եկան Մուշեղ սպարապետի
մայրը՝ Կատրանիդե տիկինը, Նախա իշխանուհին և իշխան-
ներ Սահառունի Սահակը, Հավնունի Մանասայր և Գնթունին:
Սրանք կանգնել էին թագուհուց փոքր-ինչ ետ՝ մի հարդալիր
հեռավորությամբ:

Փառանձեմը, ընդհանուր մի հայացք գցելով հավաքված
խայտաբղետ բազմության վրա, ճերմակ ձեռքը բարձրացրեց,
և խոր լռության մեջ հնչեց նրա հուղված ձայնը.

— Բերդականներ և ժողովուրդ հալոց. ձեզ հետ խոսում է

ձեր դժբախտ թագուհին: Դուք գիտեք, որ իարդախն Շապուհ մտել է մեր երկիրը: Նա կամենում է ամենքիս դարձնել իր ստրուկը, խլել մեր ազատությունը, մեր հավատը, մեր կյանքը: Նա գալիս է մեր բերդի վրա, քաջ իմանալով, որ քանի կանդուն է Արտագեբսը՝ ինքը չի կարող լինել հաղթական...

Փառանձեմը շունչ առավ մի պահ, նրա կուրծքը նորից բարձրանում-իջնում էր:

— Օ՛ն ուրեմն՝ պաշտպանեցեք ձեր բերդը, մեր բերդը, մեր տունը. խորտակեցեք Շապուհի հրոսակներին և վաստակեցեք հավիտենական փառք: Ու եղեք անվախ: Հարվածեցեք որքան կարող եք, և շուտով մեզ օգնության կգան Մուշեղ սպարապետը և գահաժառանգ Պապը: Օ՛ն ուրեմն... Ձեր թագուհին օրհնում է ձեզ...

Այս խոսքերի հետ Փառանձեմը խաչակնքեց զորքին ու ժողովրդին:

— Եվ իմացեք, զավակներս, որ ձեր թագուհին միշտ ձեզ հետ է. յուրաքանչյուրիդ գիպած նետը գիպելու է իմ սրտին, որ ամեն վայրկյան աղոթելու է ձեզ համար... Պաշտպանեցեք Արտագեբսը, և դուք պաշտպանած կլինեք երկիրը հայրենի...

Փառանձեմը նորից խաչակնքեց բազմությանը և... արտասվեց:

Դա չգիտես թուլությունի՞ց էր, թե հուզումից, բայց դրանից մի շարժում, ո՛չ, ալեկոծություն անցավ զորքի և ժողովրդի մեջ: Հուզումն ընդհանուր էր: Եղան և՛ կանայք, և՛ տղամարդիկ, որ արտասվեցին չգիտես Փառանձեմի խոսքի ազդեցությունի՞ց, թե իրենց ծանր վիճակի գիտակցությունից: Գուցէն առողունքը վարակիչ է, ինչպես և ծիծաղը:

Թագուհուց հետո խոսեց բերդապետը, որ միայն հրամայեց.

— Օ՛ն, առա՛ջ... Դեպի՛ պարիսպներն ու բուրգերը...

Եվ մի քանի վայրկյան հետո բերդի ստորին—առաջին գոտու—պարիսպներն ու բուրգերը լցվեցին մարտիկներով, որոնք գինված էին նետաղեղներով, վահաններով ու պարսատիկներով:

Առաջին բանը, որ լսեցին բերդականները խժական աղմուկի հորձանք էր, որ գալիս էր սարի երեք կողմից. մարդ-

կային ահարկու գոռոցները և թմբուկի դռնչուները լցրել էին օդն ու միջոցը անասելի ժխորով... Բերդի երեք կողմից՝ սարի ստորոտից, պարսիկները բարձրանում էին ցրիվ խմբերով, բարձրանում էին բարձրագույն աղաղակներով և թմբուկների խլացուցիչ զարկերով: Երևում էին զինվորները՝ սաղավարտ դրած, վահան բռնած, ոմանք աշտեններով, ոմանք նիզակներով ու տեգերով զինված:

Բերդում պարիսպ բարձրացողներից առաջինը եղավ բերդապետը. նա ձեռքը ճակատին նայեց երեք կողմից սարը մագլցող պարսից զորքին և, արագ իջնելով, հրամայեց հարյուրապետներին.

— Պատրաստ... Սակայն մինչև հրամանս՝ չարձակել և ոչ մի նետ...

Պարսիկները շարունակում էին բարձրանալ նույն աղմուկով: Նրանք տակավին հեռու էին նետոնկեց տարածությունից ավելի, և նրանք, ովքեր գալիս էին ճանապարհով, աղմկում էին ահարկու, իսկ նրանք, այսինքն՝ այն խմբերը, ովքեր բարձրանում էին սարի քարքարոտ լանջերով՝ քարերից, մացառներից, երբեմն ժայռերից բռնելով, նրանց ձայնը նվազել էր: Իսկ բերդապահները պարիսպների ու բուրգերի գլխին լարված սայասում էին նրանց մոտենալուն. սպասում էին անձայն, նետերն աղեղների լարին դրած, շատերը մի աչքը խուփ, մեջքով բերդի ամրամենների պատերին հենած: Այնինչ հրահավորված բերդապետը շրջում էր պարսպի վրա և խրատելուսում շարքով դարանած զինվորներին ու նրանց հարյուրապետներին.

— Վանեցեք ամեն երկյուղ և, թշնամու մոտենալու պահին, հրամանս լսելուն պես՝ նետահարեք անխնա...

Պարսիկների գրոհող վաշտերից առաջին մոտեցողները եղան ուղիղ ճանապարհով եկողները, և բերդապահների առաջին նետերը, սուլելով ու միմյանց առաջելով դնացին նրանց դեմ:

Ընկավ մեկ... երկու... երեք պարսիկ...

Դա ոգևորեց բերդականներին, և նրանք սաստկացրին նետածգությունը, որը շուտով դարձավ փոխադարձ՝ հայերը վերևից, ուղիղ նշանով արձակում էին դեպի ներքև, պարսիկները՝ դեպի վեր... Բայց երկուստեք արձակվող նետերը միշտ

չէին հասնում իրենց նպատակին, մանավանդ պարսիք հետերը, որ արձակում էին առանց նշանառումի: Հայերի դիրքը նպաստավոր էր, նրանց ոչինչ չէր խանգարում եկողներին տեսնելու, ուստի և քիչ էին վրիպում: Թայց ամեն նետից մարդ չէր ընկնում հարկավ, որովհետև պարսիկները զրահավոր էին, սաղավարտներ ունեին և վահաններ: Ու թեև ընկնում էին ոմանք, բայց մյուսները շարունակում էին բարձրանալ՝ դարձյալ աղմուկով ու հայհոյանքներով, այժմ արդեն անընդհատ նետեր արձակելով:

Նույնը կատարվում էր բերդի երեք կողմում: Եկողները գոռում էին (երևի խրախուսում էին իրար) և արձակում իրենց նետերը դեպի պարիսպները, իսկ բերդապահները նետահարում էին նրանց անձայն, միևնույն դիրքը պահած:

Աշնան նորածագ արևը առատ ճաճանչներով փայլեցնում էր թե՛ գոհողների և թե՛ պարիսպների վրա գտնվողների զենքերն ու զրահները: Հղկած պղինձն ու երկաթը կուրացուցիչ շողքեր ու ցոլքեր էին արձակում ամեն կողմից և ստեղծում ահարկու, ցասումնալի մթնոլորտ, ինչ թվում էր հրկնային պատիժ:

Երբ սկսվեց ընդհանուր նետածգությունը, Փառանձեմը բարձրացավ վերին գոտու պարսպի գլուխը՝ մի այնպիսի կես, որ դինվորներն ամեն կողմից տեսնեն իրեն և ինքը զինվորներին: Նրան թվում էր, թե այդ սահին ինքն իրավունք չունի ներսը մնալու և պարտավոր է լինել կռվողների հետ և խրախուսել նրանց. ուստի սեւազդիստ, սև արձանի նման կանգնել էր նա անխոս և լարված նայում էր երեք կողմից եկող թշնամու զորքին: Այդ կետից երևում էին թե՛ շրջականները և թե՛ սարալանջերով վեր բարձրացող պարսիկները: Բայց Փառանձեմը հեռուն չէր նայում, այլ միայն վեր բարձրացող զինավառ պարսիկներին, որ հասնելով մի գծի՝ կանդ էին առնում և նետեր արձակում դեպի պարիսպները, դեպի բերդի պաշտպանները: Եվ երբ նկատում էր, որ բերդապահների նետերից ընկավ նրանցից մեկը-մյուսը՝ գոհունակությամբ այն մի բան էր փայլում նրա դեմքին:

— Զոհվեց, թաղուհի, թշնամու նետը կարող է հասնել քեզ,— ասում էր Եղնիկ իշխանը՝ Փառանձեմի թիկունքին կանգնած:

Բայց Փառանձեմը, նրա խոսքին անուշադիր, ասես անձնամոռ վիճակում, նայում էր մերթ այս, մերթ մյուս, մերթ երրորդ կողմը և հազիվ էր զսպում իրեն, որ շխրախուսի զինվորներին, իր գոհունակությունը չհայտնի նրանց՝ հաջողակ նետաձգության համար։ Բայց դրա փոխարեն աղոթում էր մտքում։

«Տե՛ր, օգնի՛ր Աշխարհիս Հայոց... Օգնի՛ր մեր զորության և փրկի՛ր մեզ ի շարե»...

Նետաձգությունը երկուստեք շարունակվեց մինչև կեսօր, ապա, մի փոքր դադարից հետո՝ մինչև արևամուտը։ Հայ զինվորները պարիսպների վրա փոխարինում էին հոգնածներին, իսկ պարսիկները, անելով նույնը, համառորեն շարունակում էին նետաձգությունը մեծ բազմությամբ։ Բայց երբ արևը խոնարհվեց, նրանք ետ քաշվեցին ամեն կողմից, իրենց հետ տանելով և իրենց վիրավորներին ու սպանվածներին։ Նետաձգությունը դադարեց, բայց վտանգը մնաց նույնը։ Ամբողջ գիշեր հայ մարտիկները հսկում էին դռների առաջ և պարիսպների գլխին։ Չքնեցին, իհարկե, և բերդի բնակիչները, բացի երեխաներից, ի՞նչ էր լինելու։ պարսիկն այնքան շատ, իրենք սակավ... Բերդապետը հանգստացնում էր բոլորին, մանավանդ թագուհուն և իշխաններին, որ ամեն ինչ կարգին է, թե տեղիք չկա երկյուղի, անհանգստության և, վերջապես, պետք է իմանան, որ իրենք գտնվում են անառիկ Արտազեբսում, որ հոռմայեցին անդամ չի կարողացել առնել...

Բերդապետը թեպետև հանգստացնում էր սմենքին, բայց ինքն անհանգիստ էր ներուստ։ այդ օբը ստորերկրյա անցքով եկած բանքերները հայտնել էին, թե դուրսը լսել են, որ Շապուհը հրամայել է բերդը վերցնել մինչև ձմեռ... Եվ ահա բերդապետը մտածում էր այդ մասին. եթե դա ճիշտ լիներ՝ պարսիկները ինչով կարող են վերցնել—աղմուկով, սպառնալիքով ու ահաբեկումով—չի հաջողվի։ Գուցե զինվորների գերազանց թվով՝ նույնպես չի հաջողվի։ Նրանց դիրքն աննպաստ է, իսկ Արտազեբսը անառիկ... Նրան անհանգստացնում էր այն ենթադրությունը միայն, որ պաշարումը կարող է երկարել և օգնությունը ուշանալ։

«Շապուհը կարող է կարգադրել,— մտածում էր բերդա-

պետը,— նա կարող է այդպես ցանկալ, բայց... մենք այդ կատուգենք վաղը»...

Եվ մյուս օրը, լույսը բացվելուն պես, բերդում լուր տա-
րածվեց, ոչ միայն լուր, այլ բուրգերի վրա գտնվող պահակ-
ները հայտնեցին, թե պարսից զորքն այս անգամ մոտենում
է անձայն, սողեսող, դարձյալ երեք կողմից:

Նորից բերդի բնակիչները դուրս թափվեցին խուցերից և
պարիսպների գլխից սկսեցին դիտել նրանց առաջացումը:
Իրոք, միառժամ նրանք գալիս էին կուգեկուզ, երբեմն փոք-
րուկ ու անձայն, որպեսզի մի փոքր աննկատելի մնալով՝
հանկարծակիի բերեն բերդականներին. բայց երբ զգացին, որ
նկատվել են, մեկեն սկսեցին հայհոյել աղմկածայն և առաջ
խոչանալ անվախ:

Այս սիւղամ էլ, ինչպես երեկ, կռիվն սկսվեց նետաձգու-
թյամբ: Պարսիկները, մահն արհամարհելով, ամեն կերպ
նպատակ էին մոտենալ բերդի դռներին, բայց հանդիպելով
նետերի անձրևի և պարսատիկներից արձակվող քարերի կար-
կուտին, հտ էին դառնում կես ճանապարհից՝ ղարկված, վի-
րավոր, հաճախ հայհոյելով: Բայց և այնպես չէին դադարեց-
նում իրենց նետերը: Առաջ էին գալիս զրահված, սաղավարո
դրած ու սալառնալից կանչերով:

— է՛. արմեններ, եթե կուգեք ողջ մնալ, բացե՛ք դռները,
անձնատուր եղեք...

Այդ օրը կռիվն մասնակցում էին դարձյալ թե բերդա-
պահները, թե ղինվորները և թե բերդը ապաստանած չափ
տղամարդիկ, դրանց հետ նաև Թորգոմն ու ընկերները: Ինչ-
պես Արշակավանի կռիվ ժամանակ, այնպես էլ այստեղ Թոր-
գոմը, չգիտես ինչպես, ձեռք էր բերել զրահներ և սաղավարտ:
Նա ընկերների հետ գտնվում էր հարավային պարսպի վրա
և անընդմեջ նետեր էր թողնում դեպի առաջացող պարսիկնե-
րը. ու գոհ էր, որ իր նետերն ապարդյուն չեն անցնում. և
որքան հաջողակ էր լինում արձակած նետը՝ ոգևորվում էր
այնքան ավելի: Բայց նա այդ օրը առավել ոգևորվեց, երբ
բերդապետը անցնելիս ասաց.

— Նեցցե՛ս, տղա՛ս: Պսակդ վայելես: Զա՛րկ անվրեսս:
Պաշտպանի՛ր բերդը և նորահարսիդ...

Եվ դա խանդավառեց Թորգոմին:

ինչպես երեկ, այնպես էլ այսօր Փառանձեմ թագուհին, վերին պարսպի նույն կետում կանգնած, դիտում էր և մտնվի վրկնում իր սովորական աղոթքը:

— Տո՛ւր, տեր, զորություն մարտիկներին և փրկիր Աշխարհս Հայոց:

Աղոթում էր և գրեթե անշարժ, անթարթ նայում մոլեգնող նետաձգության:

Այդ օրն ևս կռիվը դադարեց երեկոն վրա հասնելուն պես: Հետևյալ օրը առավոտից եղանակն ամպամած էր և ցուրտ. բայց և այնպես, լույսը հագիվ բացված՝ պարսիկների և երեկվա պես անձայն, այլ նախորդ օրվա նման խժալուր աղմուկով, թմբուկների խլացուցիչ զոնչոցով, ինչ արդեն վկայում էր նրանց վճռականությունը՝ մի գրոհով վերցնել բերդը և... ավարտել պատերազմը: Մակայն այդ օրը նույնպես նման եղավ առաջին օրվան. որքան էլ թշնամին գրոհում էր առաջ անցնելու—բերդականների նետերը, պարսատիկներից ձրգված քարերի տարափը կասեցնում էին նրանց, վիրավորելով կամ դիտապաստ գետին փռելով: Ընկածներին, նահանջողներին փոխարինելու էին գալիս պարսիկների նոր խմբեր՝ նույն գոշյուններով և թմբուկների նույն զոնչոցով: Իսկ հայերը իրենց նպաստավոր դիրքերում լարում էին յուրեց և սաստկացնում թե՛ նետաձգությունը, թե՛ քարաձգությունը:

Բայց կեսօրին կռիվը դադարեց անսպասելի, կռվողների կամքից անկախ: Մանր գորշ ամպերով ծածկված երկնքից սկսեց մեկին ձյուն տեղալ՝ այնպես խիտ ու մեծափաթիլ, թվում էր երկնքից ճերմակ քող է իջնում և սքողում պարսիկներին: Ձյունը կամաց-կամաց լոնցրեց բոլոր ձայները և ընդհատեց նետաձգությունը:

Պարսիկներն իջան բերդասարի լանջերից և այլևս չկրկնեցին իրենց գրոհը:

— Ձյունը փրկեց մեզ,— ասաց Փառանձեմը շրջապատողներին, դրանց թվում և բերդապետին, որ եկել էր նրա կարգադրությունը խնդրելու, թե ի՞նչ կհրամայի անել այսուհետև:

— Ես վստահ եմ, բերդապետ, որ պարսիկը հիմա չի բարձրանա մեք բերդը: Ասում են՝ նա ցրտից ու ձյունից վախենում է այնպես, ինչպես կրակից: Այսուամենայնիվ,

եղիր միշտ աշալուրջ և կրկին մարդ ուղարկիր ներքնուղիով՝ լուր առնելու, թե ի՞նչ է անում պարսիկը և ի՞նչ են խոսում Պապի և Մուշեղի գալստյան մասին...

Այո, այժմ ավելի քան երբեք Փառանձեմին անհանգրստացնում էր որդու և սպարապետի ուշացումը. գիտեր արդեն, որ Մուշեղը հասել է Բյուզանդիա, բայց ուշանում էր, քանի որ բյուզանդացիների գլուխը խառն էր պատերազմով. Ջնդունել էին հարգանքով, սակայն խորհուրդ էին տվել սպասել մի փոքր. ավարտվում է պատերազմը հյուսիսային ցեղերի դեմ, որից հետո կարող են օգնել Արմենիային. և ահա երկու-երեք ամիս էր Մուշեղն սպասում էր: Գուցե եղուրս էր եկել Բյուզանդիայից, բայց Փառանձեմը լուր չունեւ ամսից ավելի, և այս հանգամանքը մտատանջում էր նրան, և նա օր ու գիշեր մի միտք էր փայփայում, տիրական մի միտք՝ կարողանա պահել բերդն ու երկիրը մինչև որդու վերադարձը: Այժմ Փառանձեմի կյանքի միակ նպատակն այդ էր. թող գա Պապը, ինքը Հայոց Աշխարհն ու գահը հանձնի նրան, այնուհետև ինչ կուզի լինի՝ չոր հետ, միայն որդին մնա անվնաս Հայոց Աշխարհի հետ միասին... Ուրեմն պետք էր տոկալ... մինչև գան, որպեսզի, պարսիկներին վանելուց հետո, Պապը կառուցի հոր բերդը՝ հայոց բերդը... Ինչպես Արշակին, այնպես էլ Փառանձեմին թվում էր, թե մինչև չկառուցվի այդ բերդը, և իր ձեռքը չառնի մյուս բերդերը՝ Հայոց Աշխարհը չի կարող դիմագրավել աղետները և պահպանել իր գոյութունը:

Եվ ահա թեև ձմեռ էր և ճանապարհները փակ, նա օրեց-օր սրտի աճող տագնապով սպասում էր լուրերի, թե ե՞րբ վերջապես կգան Պապն ու Մուշեղը: Բռնե՞լ են արդյոք վերադարձի ճանապարհը, և որտե՞ղ կլինեն այժմ, եթե գալիս են... և բերո՞ւմ են արդյոք օգնություն... Փառանձեմը բացատրել չէր կարողանում նրանց ուշացումը, ուստի և տանջվում էր կասկածների մեջ: Նրա պես տանջվում էր և Կատրանիդե տիկինը՝ հարսի հետ:

— Բախտ էր, թագուհիս, ձյուն տեղաց և պարսիկը հեռացավ բերդից, — ասում էր նա Փառանձեմին: — Ձմեռը ժամանակ կտա, որ գահաժառանգն ու Մուշեղս գան և հռոմ զորքի օգնությամբ փրկեն մեզ:

— Այո, իշխանուհի,— համաձայնում էր Փառանձեմը.— նրանք կգան և կփրկեն մեզ: Մեծ է իմ հույսը:

— Հավատանք և հուսանք...

Ու երկու մայրեր սպասում էին իրենց որդիներին, սպասում էին ինչպես փրկության, նրանց հետ և բերդի ողջ զորքն ու բնակչությունը:

* * *

Ձմեռն իրոք փրկեց բերդում ապաստանածներին, բայց թե որքա՞ն ժամանակով՝ ոչ ոք չէր կարող ասել: Ումանք կարծում էին, թե մինչև գարուն, իսկ գարնանը կարող էր լինել նոր հարձակում... Սակայն բերդի բնակչության մեծ մասը այն կարծիքի էր, թե մինչև պարսիկները կձենարկեին նոր գրոհի՝ Պապն ու Մուշեղը կգային մեծ բանակով և կվանեին նրանց Հայոց Աշխարհից: Բայց և այնպես ամենքն ուրախ էին, որ ձմեռն սկսվեց, և ուրախանում էին ամեն անգամ, երբ նորից ձյուն էր տեղում, որովհետև որքան ձյուն շատ էր գալիս և ձմեռը սաստկանում էր, պարսիկն այնքան ցած էր իջնում. այժմ վրաններում բնակվել չէին կարող, իսկ սարյ ստորոտում այնքան գյուղեր ու տներ չկային, որ տեղավորեին իրենց զորքը և, ստիպված քաշվում էին հեռու շեները և այնտեղից հսկում, որ բերդականները չիջեն-փախան, կամ՝ պաշար առնեն գյուղերից:

Բայց պարսիկները չգիտեին երեւի, որ բերդը պաշարներ ունի և բերդականները կապ էին պահում դրսի աշխարհի հետ ստորերկրյա ճանապարհով: Թեև մեծ դժվարությամբ, բայց և այնպես Փառանձեմն այդ ճանապարհով ապահով տեղ պահելու ուղարկեց արքունական գանձի մի մասը. այդ ճանապարհով ելումուս էին անում նրա սուրհանդակները և լուրեր բերում դրսի աշխարհից...

Սակայն որքան էլ բերդում ապաստանողները մտածում էին, որ ձմեռը փրկեց իրենց, բայց և այնպես նեղվում էին միօրինակ փակ կյանքից և իրենց անստույգ վիճակից. Ծրբ ձյունը գալիս էր բերդի գլխին և սքողում շրջապատը, բերդի նոր բնակիչներին (ոչ բերդապահներին) թվում էր, թե ճերմակ ամառային մեջ կանգնած է միայն իրենց բերդը, թե իրենք հավիտյան կտրված են աշխարհից, և աշխարհը մոռացել է

իրենց: Այդ զգացումը խորանում էր մանավանդ այն ժամանակ, երբ մառախուղը, լեռնային թանձր մառախուղը շաբաթներով պարուրում էր բերդը, ծածկելով անգամ պարիսպներն ու բուրգերը: Իսկ երբ երկինքը պարզվում էր, ճերմակ շրջապատն առաջացնում էր ամայության մի այնպիսի զգացում, որ թվում էր, թե աշխարհում ամեն ինչ սառել-մեռել ու մնացել է միայն բերդը: Իսկ երբ պարզկա օրերին ծուխ էր բարձրանում մի տեղից՝ ուրախությունը համակում էր բոլորին:

— Ձէ՛, շենքերում դեռ մարդիկ կա՛ն. պարսիկը բուրդին չի վնասել...

Բայց այդ ուրախության հետ միասին նրանց սիրտը սողոսկում էր մի կասկած, թե դրանք գուցե հայ շինականների օջախի ծխերը չեն, այլ երկիրը խուժած պարսից զինվորներն են տեղավորվել հայ շենքերում... Հավանաբար, բնակիչներին կոտորելուց կամ վտարելուց հետո գրնվել են նրանց տները, ուտում են նրանց պաշարը և վառում նրանց այգիների ծառերը: Ու այս մտքերից բերդը ապաստանողներին պաշարում էր երբեմն մի այնպիսի հուսահատիչ տխրություն, որ նրանք հառաչում էին ակամա. մի՞թե ալևս չկան շեն ու շինական. մի՞թե ամեն ինչ կորավ... Ու կարոտով սպասում էին գարնան, որ կարողանան պարզել, թե իրոք ի՛նչ է մնացել Հայոց Աշխարհում...

Բերդի միօրինակ փակ կյանքը, միօրինակ հացն ու կերակուրները, միօրինակ հանդիպումները, խոսքերը, հույսերը մարդկանց հոգիները համակում էին թախիծով ու ձանձրույթով: Կռիվը, որքան էլ ծանր ու տհաճ, այսուամենայնիվ կյանք էր, իսկ սյարապությունը ամայության մեջ՝ նման էր մեռելության:

Որքան էլ երիտասարդները երբեմն դահուկներով, կամ ինչպես շինականներն էին ասում, սահուկներով դուրս էին գալիս բերդից, իհարկե բերդապետի թույլտվությամբ, և զբոսանքի իջնում մինչև սարի փեշերը, ապա վերադառնում սահուկներն առած. որքան էլ գնում էին բերդից դուրս եղած թփերը և թփանման կարճ ծառերը հանում էին արմատներով և, որպես վառելիք, տանում բերդը և անում ուրիշ այսօրինակ բաներ, այնուամենայնիվ թվում էր, թե սյարապ են, և այդ

պարապությունը նրանց հոգիները լցնում էր ատելության ու վրեժի զգացմունքներով, մի զգացմունք, որը երբ համակում է մարդուն, դարձնում է նրան անհամբեր, նրանք հուզվում, անհամբեր էին դառնում մանավանդ, երբ բերդի պարսպաներից հաճախ նկատում էին, թե ինչպես պարսից զինվորները անասուններ էին բերում իրենց բանակատեղը և, մորթելով, ձողերից կախում խորովելու... Այդ նրա համար, որ վիշտ պատճառեն պաշարվածներին, թե ահա դուք մնացել եք քաղցած, իսկ մենք վայելում ենք ձեր ունեցածը... Խելք ունե՞ք՝ անձնատուր եղեք... Երբեմն ձեռքով էին անում շարախինդ, թե՛ եկեք կերեք: Իսկ հաճախ սպառնում էին՝ գետի ալյն կողմից բռնուցք թափ տալով, կամ, պաշարվածներին ավելի տանջելու համար, կտրում էին այգիների պտղատու ծառերը, և խաբույլ վառում բերդի հանդիպակաց դաշտում, Արաքսի մյուս ափին և իրենք պարում կրակի շուրջը...

Այս ամենը տեսնելով բերդում գտնվողներից մեկը կամ մյուսը բացականում էր.

— Ախ, ե՞րբ պիտի գարունը գա:

Գարնանն սպասում էին ամենքը, և այդ սպասումը նման չէր այն սովորական սպասումին, երբ մարդ ցանկանում է աղատվիլ ձմռան կաշկանկումներից, սևական ցրտից, կարոտում է կանաչի, զրոսանքի և տաք օրերի: Այստեղ բերդում գարնանն սպասում էին իբրև փրկության ու ազատության... Սպասում էին, որ գարնան հետ սպարապետն ու թագաժառանգը կգան ուժեղ մի բանակով, կվանեն պարսիկներին և կազատեն իրենց ու Աշխարհը Հայոց:

Բայց օրերն ու ամիսները գլորվում էին դանդաղ, գիշերները դեռ երկար էին, ցերեկները կարճ, հաճախ մառախլապատ:

— Ահ, երբ պիտի գարուն գա, որ Մուշեղը հասնի մեզ, — հառաչում էին հաճախ բերդի բնակիչները:

Վերջապես, օրերն սկսեցին տաքանալ, փչեցին ջերմաշունչ քամիներ, և ձյուններն սկսեցին հալվել. նախ ներքևի դաշտերում և արեգունի լանջերում հողն սկսեց սևանալ տեղ-տեղ, հետզհետե երևացին շեններ, մարդիկ, անասուններ... Բացվեցին ճանապարհները, և այդ ճանապարհների վրա երե-

վացին պարսիկները, որ խմբերով, նիզակներն արևի տակ փայլեցնելով, մի գյուղից գնում էին մյուսը:

Սակայն Մուշեղից լուր չկար տակավին: Եղած լուրերն այն էին, թե պարսիկները բռնել են Բյուզանդիայից եկող բոլոր ճանապարհները՝ Եփրատի ափերից սկսած, որպեսզի բյուզանդացիք չգան հայերին օգնության:

Փառանձմբ ծանր ապրումների մեջ էր. այն, ինչ սպասում էր մեծ հույսերով, չիրականացավ: Պապն ու Մուշեղը ուշացան իրենց բանակներով, և պարսիկները նորից վերսկսեցին գրոհները: Նախ երևացին փոքրիկ խմբեր, կարծես ստուգելու համար, թե արդյոք բերդում մարդ կա՞, թե ոչ. կամ՝ որքա՞ն... Այս ստուգումը կատարվեց մի քանի անգամ, որից հետո երևացին պարսից զինված, զրահված զորքերը բերդի ստորոտներում, ու նորից սկսվեցին հին ձևի կռիվները...

Ինչպես աշնանը, այնպես էլ հիմա երկու կողմից համարյա ամբողջ օրը նետեր էին արձակում միմյանց դեմ և հայհոյում իրար, իսկ արևը մտնելիս՝ դադարում էր ամեն ինչ՝ պարսիկներն իջնում էին ցած՝ իրենց վրանները, բերդցիք մնում էին բերդում և պատրաստություն տեսնում վաղվա համար:

Սակայն օրերը տաքանալու հետ տաքացան և կռիվները. պարսիկները նորից աղմուկով, թմբուկով անվախ գալիս էին պարիսպների վրա, բայց հանդիպելով բերդականների միահամուռ նետաձգության ու պարսաքարերին՝ ետ էին դառնում դիակներ ու վիրավորներ թողնելով:

Շուտով սակայն պարսիկները համոզվելով, որ կովի այդ ձևը արդյունք չի տալիս, բացի կորուստներից, փոխեցին նրա եղանակները: Մի քանի օրվա դադարից հետո՝ նրանք հայ շինականներին քշում էին դեպի բերդը, իրենք թաքնվում նրանց հետև, որպեսզի հայերը կոտորեն հայերին: Կամ՝ հայ շինականներին հագցնում էին պարսից զինվորների հագուստներ և նորից քշում դեպի բերդը...

Բայց մեկ-երկու օրից. բարերո՞ւսաբար, բերդայինների համար պարզվեց և այդ խորամանկությունը. նրանք հասկացան իրոք, որ անգն են կռվները հայերն են՝ պարսից շորեր հագած, ու այնուհետև նետեր արձակում էին դարձյալ նրանց

Նետեց ինքն իր արարածների վրա, որոնք սովորաբար գինված էին լինում նետ-աղեղով, տեղերով ու սրերով:

Եվ այս միատեսակ, միօրինակ բախումները տեսցին շաբաթներ, ամիսներ՝ մի կամ մի քանի օրվա ընդմիջումներով: Շաբաթը գիտեին, որ լույսը բացվելուն պես արարածները պիտի բարձրանան սարը, ուստի և թեթևակի գինված խմբերով դուրս էին գալիս բերդի երկու դռնից և գործադրում շաբաթ-տանի կովի հնագույն զենքերից մեկը՝ վերևից քարեր էին պոկում ներքև: Այդ անում էին նաև այն պատճառով, որովհետև արարածները բարձրանում էին մեծ մասամբ կողքերով կամ փորտով, իսկ պառկած մարդուն: Նետը չէր դիպչում, այն էլ վերևից ներքև, կամ դիպչում էր հազվադեպ: Երկրորդ կարավելի լուրջ հանգամանք, բերդականներն աշխատում էին խնայել, տեսնել նետերը, քանի որ պաշարը շատ չէր և դրսից բերել չէին կարող, ուստի և, եթե թշնամուն կարելի էր վնասել քարով, ավելորդ էր նետեր վատնել: Ու, պետք է ասել, գլորած քարերով քիչ մարդ չէր սպանվում արարածներից, իսկ Արտագերսի արալանցները միայն քարեր ունեին, և հայ մարտիկները դժգոհ չէին այդ քարերից:

Պարսիկները տեսնելով իրենց ապարդյուն զոհերը՝ երբեմն, հայերին խաբելու համար, դիմում էին նոր խորամանկությունների. երկու-երեք շրջով, երբեմն մի շաբաթով դադարեցնում էին զոհները: Նույնիսկ վերցնում էին պաշարումը. ստեղծելով այն երևույթը, թե հեռացան հուսահատված, որպեսզի հայերը խաբվելով՝ իջնեն բերդից, և իրենք գերեն նրանց և հանկարծակի հարձակումով խուժեն բերդը: Բայց բերդապետը հասկանում էր խորամանկությունը, բերդի բնակիչները նույնպես դյուրությամբ չէին հավատում դրան. ստուգում էին և զգուշանում ավելի:

Ու ինչպես կյանքը բերդում, այնպես էլ կռիվները թըշնամու դեմ անցնում էին միատեսակ, միօրինակ: Ինչպես բերդապահներն իրենց գործն էին անում, այնպես էլ փառանձեմը, կովի պահերին, կանգնում էր բերդի վերին պարսպի գլխին՝ իր սովորական տեղը կամ բարձրանում նրա բուրգերից մեկը և դիտում մարտը: Եվ ամեն անգամ նրա երևումը շաբաթի կանանց հետ ոգևորում էր մարտիկներին. նրանք կովում էին ավելի կատաղի: Երիտասարդ ռազմիկներն ասես

կամենում էին մխիթարել այդ սգավոր կնոջը և հուսադրել, թե քանի իրենք կան՝ թույլ չեն տա պարսիկը որևէ կերպ անարգի նրա՛ն, նրան, որ չէր կամեցել, ազատվելու համար, հնոսնալ երկրից, այլ ապավինել էր իրենց և բնորոշ՝ երկիրը փրկելու հույսով։ Զինվորները նրան նայում էին ոչ իբրև թագուհու, այլ մի խիզախ կնոջ, որ իրենց հետ միասին տանջվում էր հայրենի երկիրը թշնամուց ազատելու համար։

Վերջին ամիսներին Փառանձեմը տանջված տեսք օձներ. նիհարել էր, գունատվել, բայց պահպանել էր խառն աչքերի հուրը և խրոխտ կեցվածքը։ Ոչ ոք, անգամ մոտիկները, չգիտեին, թե ի՞նչ ծանր մտքեր ու ապրումներ է ունենում նա։ Բայց այն հանգամանքը, որ նրա սպասած զենաթյան հույսերը չարդարացան՝ հասկանալի էր դարձնում նրա վիշտը։

Եվ, իրոք, Փառանձեմն այժմ ծանր մտատանջության և ծանր վշտի մեջ էր. ի՞նչ եղավ, ո՞ւր մնաց Մուշեղը, ի՞նչ եղավ Պապը... Մի՞թե ճանապարհներն այնքան փակ են, որ երկուսով չեն կարողանում գեթ մի լուր ուղարկել իրեն։ Վատ նախազգացումները թույլ չէին տալիս նրան քնելու, և նա երբեմն զգչում էր, որ Մուշեղին ուղարկեց Բյուզանդիա... Փառանձեմը սակայն ջանում էր իր վշտերը և իր խոհերը թաքցնել ամենքից և մարդկանց երևալ հույսերով ու հավատով լի, նույնիսկ խրոխտ։ Սակայն որքան էլ ջանում էր դուրսը երևալ զվարթ ու պայծառ, այսուամենայնիվ մարդիկ նրա աչքերում նկատում էին նրա ներսը կատարված փոփոխությունները, նկատում էին, որ նա տանջվում է... Բայց չգիտեին որոշ նրա վշտի խորությունը, ինչպես չգիտեին նաև, որ ամեն անգամ ուրախ և խրոխտ երևալուց հետո, երբ քաշվում է իր օթևանը՝ նա աղոթում էր, որ երկինքը գթա և աղետներ չհռացնի Հայոց Աշխարհից, որ որդին ու ապարապետը անվնաս հասնեն երկիր, որպեսզի վանեն թշնամուն և փրկություն բերեն իրենց և ժողովրդին հայոց։

— Տե՛ր, որ կաս երկնքում, տուր զորություն և լեր օգնական վանելու աղետը, — աղոթում էր նա ծնկաչոք ու բազկատարած։ — Գուցե ևս մի կին եմ մեղավոր ու անարժան, գթա գեթ անմեղներին ու արդարներին, որ տանջվում են այստեղ...

Եվ ահա մի օր, հոգեկան տանջանքների մի այդպիսի

պահի, բերդապետը մտավ նրա օթևանը և ուրախ դեմքով հայտնեց, թե Մուշեղն ու Պապը երկու ամիս առաջ զուրա են եկել Բյուզանդիայից, և Մուշեղն այժմ զորք է հավաքում բյուզանդական հայ նախարարներից: Հայտնեց նաև, թե Մուշեղի և Պապի զորքին միացել են Կամսարական Սպանդարատը, Սմբատ Բագրատունին և այլ նախարարներ:

Բերդապետին այդ լուրը բերել էին նրա հեռագնաց սուրհանդակները ստորերկրյա հանապարհով, սուրհանդակներ, որոնց նա համարում էր կորած, որովհետև գնացել էին մի երկու ամիս առաջ:

Այս լուրերն այնպիսի ուրախություն պատճառեցին Փառանձեմին, որ նա իսկույն կանչեց Կատրանիդե տիկնոջը, փառվեց նրան և լաց եղավ:

— Նոանք զալիս են, իշխանուհի: Մուշեղն ու Պապը... Այժմ վատահեմ, կփրկվենք... Աւերենք այնքան, որ երկիրը հանձնեն Պապիս... որպեսզի գոնե նա՝ շինի հոր բերդը... հայոց բերդը... Տոկա՛նք, իշխանուհի, տոկա՛նք, մինչև նոցա գալը...

— Այո, թագուհիս, այո... — և վշտահար իշխանուհին նույնպես լաց եղավ ուրախությունից:

— Բայց լացի ժամանակ չէ, բերդապետ սիրելի. ուրախության օր է այսօր, — փոքր անց սթափվեց Փառանձեմը արցունքը սրբելով: — Հայտնիր անմիջապես զորքին և ժողովրդյան, որ Պապն ու Մուշեղը զալիս են մեղ օգնության: Հայտնիր, որ սուրհանդակները բերին մեզ ուրախ լուրեր... և սպարգևատրիր լրաբերներին...

Փառանձեմը գիտեր, որ այդ լուրը նույնրան պիտի ուրախացնի զորքին ու ժողովրդին, որքան ե խոհն: Նույնը հասկանում էր հարկավ և բերդապետը. ուստի և, չնայած այդ իսկ պահին բերդականները կռվում էին պարսից դեմ, բերդապետը ինքը բարձրացավ երկրորդ գոտու պարսպի գլուխը և հայտարարեց, բառերը հատ-հատ շեշտելով.

— Զինվորներ իմ քաջարժիվ. զարկեցե՛ք համարձակ: Զարկեցե՛ք համարձակ: Մեզ օգնության են գալիս Մուշեղ սպարապետը նոր զորքով և թաղածառա՛գ Պապը՝ բյուզանդական բանակով... օգնության...

Երբ լուրը հասավ կռվողներին՝ ամեն կողմից լսվեցին

ուրախության աղաղակներ. «Ապրի՛... Ասրի՛...»։ Եվ զարմանալի բան. այդ ուրախ կանչերը լսելով՝ պարսիկները կարծես շփոթվեցին. նրանք մի պահ դադարեցրին նետաձգությունը, շիմանալով ինչ պատահեց... Իսկ հայ բերդապահները նոր, եռապատկված աշխուժով վերսկսեցին նետաձգությունը շփոթված պարսիկների դեմ։

Այդ օրվանից Փառանձեմի դեմքի լարումն ու գունատությունը անցավ. նա նորից զվարթացավ, նույնիսկ պայծառացավ։ Այժմ պարսպի կամ բուրգի գլխին կանգնում էր ավելի խրոխտ և ոչ թե անխոս, ինչպես առաջ, այլ կրկնում էր երբեմն լայն պարսպի վրա շրջելով։

— Տոկացե՛ք, զավակներս, տոկացեք... Շուտով Մուշեղն ու Պապը կգան մեզ օգնության։

Բերդապետը, որ այդպիսի դեպքում հարգանքով հետեւում էր թագուհուն, զգուշացնում էր շարունակ.

— Պարսից նետերը, թագուհի, հասնում են պարիսպներին։ Աղաչում եմ։

Նույնը կրկնում էր Եղնիկ իշխանը՝ պատանու պես կարմրելով։

Բայց թագուհին ամեն օր գրեթե անում էր նույնը.

— Տոկա՛նք, զավակներս, տոկա՛նք ևս մի քանի օր...

Գարնանից արդեն հաղորդակցությունը կանոնավորվել էր դրսի հետ, գեսունդիով ելումուտ անող սուրհանդակներն այժմ հնարավորություն էին ունենում ավելի շատ տեղեր լինելու և ավելի շատ լուրեր բերելու։ Եվ ահա մի օր նրանք լուր բերին, թե բերդը պաշարող պարսից զորքը այժմ ղեկավարում է Զիկ զորավարը՝ Մերուժան Արծրունու հետ միասին։

Դա, պետք է ասած, առանձին տպավորություն չթողեց բերդականների վրա, բայց երբ շաբաթներ անց, քաղի ժամանակը արդեն լսեցին, թե պարսից արքա Շապուհն ինքը գտնվում է Արտազեսի մոտ՝ դա ամենքին թվաց շարագուշակ։ Ուրեմն պարսիկները մեծ կարևորություն են տալիս բերդին, բանբերները հայտնում են, որ արքայից արքա Շապուհը զայրացել է, որ տասներեք ամիս իր զորքը չի կարողանում վերցնել բերդը, ուստի մտադիր է ինչը անձամբ ղեկավարել գրոհները բերդի դեմ։

— Անպատվութիւն և ամոթ,— ասել է Շապուհը իր գործարարներին,— որ չեք կարողանում հաղթել մի կնոջ...

Փառանձեմը լսելով, որ Շապուհն ինքն է դեկավարելու կոիվը բերդի դեմ, բերդապետին և իշխաններին հրավիրեց իր մոտ: Պարզելով դրութիւնը՝ թագուհին կամեցավ իմանալ, թե ի՞նչ խորհուրդ կտան այսուհետև բերդը պաշտպանելու համար: Բերդապետը, Սահառունի և Գնթունի իշխանները կողմնակից էին շարունակելու ինքնապաշտպանութիւնը՝ մինչև Մուշեղը կգար օգնութեան, իսկ մյուս երկու իշխանը՝ Պալունի Կարենը և Հավնունին, առաջարկեցին «հաշտութիւն խոսել Շապուհի հետ» քանի շուտ է, այլապես հետեանքները կլինեն ծանր, քանզի բերդի պաշարներն սպառվում են, մարդիկ ապրում են արդեն կիսաքաղց վիճակ»...

— Լավագոյնս է հաշտութիւն, թագուհի,— կրկնեցին նրանք:

Փառանձեմը մերժեց.

— Բնավ,— ասաց,— Ես Շապուհի երեսն անգամ չեմ ցանկանա տեսնել: Շուտով կգա որդիս, կգա իմ սպարապետը, կգա հայրս, և մենք կհաղթենք: Հայոց Աշխաբհը պարտք է դնում վրաս՝ կռվել մինչև վերջը...

Օրեր անց նույն առաջարկով եկավ Հայր-Մարդպետը: Եկավ նա նժույգ նստած, երկարաքղանց պարսկական թիկնոցով, երկու հայ թիկնապահի ուղեկցությամբ: Որպեսզի բերդապահները տեսնեն եկողի ո՛վ լինելը և նետեր չարձակեն իր վրա՝ նրա թիկնապահներից մեկը բարձր բռնած բերում էր հայոց արքայական դրոշը... Եղավ մի պահ, որ մարդիկ մտածեցին, թե հայոց դրոշը կարող է լինել նոր խորամանկութիւն, բայց շուտով սրատես բերդապետը ճանաչեց նրան և թույլատրեց առաջ գալ:

Հայոց դրոշը հուզեց ամենքին: Ուրեմն պարսիկները և Շապուհն ինքը շեն արհամարհում հայոց դրոշը և, հավանաբար, կարևոր մի առաջարկով է, որ նշանավոր պալատական Հայր-Մարդպետին ուղարկում են բերդ:

Հայր-Մարդպետի գալը տեսնելով՝ բերդի քնակ/չնևրը՝ կիև, մարդ, երեխա, խմբվել էին պարիսպների վրա, նրա գալը համարելով բարեգուշակ մի ինչ...

Հայր-Մարդպետը, բերդը մտնելուն պես, իջավ նժուգից՝
և անմիջապես բարձրացավ բերդի վերին գոտին՝ թագուհուն
ներկայանալու։ Փառանձեմն ընդունեց նրան իր փոքրիկ սեն-
յակում։ Հայր-Մարդպետը ներս մտավ ծանրագին խոնար-
հումներով, ծաղկավեր անմազ դեմքը շուրջը դարձնելով,
ասես ստուգելու համար, թե չկա՞ մեկը, որ վկա լինի իրենց
զրույցին։

— Ընդունիր դետնամած ողջուններս, թագուհի։

— Զգում եմ, տեր Մարդպետ, որ դու առաքված ես մեր
ոխերիմ Շապուհի կողմից, — խոսեց Փառանձեմը առանց
ձեռնադրության, որևէ գոհունակություն չհայտնելով նրա
գալու առթիվ։ — Խոսի՛ր։ Ի՞նչ լուր, ի՞նչ առաջարկ ես բերել
ինձ։

— Ես, թագուհիս, եկել եմ խնդրելու, որ վերջ տանք ար-
յունահանության և հաշտության ձեռք մեկնենք իրարու։ Այս
նաև Շապուհի ցանկությունն է։

— Վե՛րջ տա՞նք։ Մե՞նք, թե նոքա։

— Եվ մենք, և նոքա, թագուհի։ Առավել շուտ՝ մենք, քան-
զի հաղթել չենք կարող։ Թիվ կա ավագին, թիվ չկա Շապուհի
զորքին։ Եթե դու, բազուհի, դադարեցնես կռիվը՝ Շապուհը
կլինի ողորմած. այլապես՝ քարը չի թողնի քարի վրա։ Եթե
մանավանդ, — շարունակեց Հայր-Մարդպետը մի աչքով,
ասես գողունի նայելով Փառանձեմին, — եթե մանավանդ
լինենք խոհեմ և թողնենք մեր բյուզանդասիրությունը, կա-
զատվենք բազում շարիքներից ու աղետներից։ Այո՛, Շապուհը
պատվիրել է ինձ ասել, որ եթե թագուհին անձնատուր կլինի
կամավ՝ կլինեմ կարի բարեհաճ. բանտից կարձակեմ Արշակ
թագավորին և Վասակ սպարապետին։ Խորհի՛ր, թագուհի։
քո խոսքից է կախված Հայոց Աշխարհի փրկությունը և մեր
արքայի ազատությունը։

Փառանձեմը լսում է շուրթերը սեղմած, հրացայտ աչքերը
մի կետի հառած, և երբ Հայր-Մարդպետն ավարտեց՝ նա
ուղիղ նայեց պալատի կառավարչի ծաղկատար դեմքին և,
պատասխանի փոխարեն, հարցրեց բարկությունը զսպած.

— Իսկ ի՞նչ լուր ունես զահաժառանգից և Մուշեղ սպարա-
պետից, տեր Մարդպետ։

— Եվ ոչ մի լուր, թագուհիս։ Ես ոչի՛նչ չեմ լսած։

Փառանձեմը այս անգամ սենեուն և անթարթ նայեց Հայր-Մարդպետի ոչ թե դեմքին, այլ նրա դեղնափայլ աչքերին:

— Ոչի՞նչ,— Փառանձեմը գլուխը տարուրերեց հանդիմանանքով:— Եվ դու ինչպե՞ս ես համարձակվում ինձ՝ արյունարբու Շապուհին անձնատուր լինելու առաջարկ անել: Զգիտե՞ս միթե, որ Պապն ու Մուշեղը գալիս են բանակով և շուտով կհասնեն մեզ օգնության:

— Արդյո՞ք,— ուսերը վեր քաշեց Հայր-Մարդպետը թերահավատ:

— Կասկածո՞ւմ ես:

— Առայժմ... վստահ չեմ, թագուհի:

— Ո՞չ, իմացիր ուրեմն, Շուտով որդիս, հայրս և իմ սպարապետը կգան ինձ օգնության: Ես հավաստի և ստույգ լուր ունեմ, որ նոքա մոտենում են արդեն Կարին քաղաքին:

Հայր-Մարդպետը գլուխը թեքեց թերահավատ շարժումով:

Մարդպետի գլխի թեքումը նշանակում էր, թե նա կասկածում է Պապի գալուն, և այդ վրդովեց թագուհուն:

— Ինչպե՞ս: Դու չե՞ս հավատում:

— Կուզեի հավատալ, թագուհի, սակայն...

— Սակայն կամենում ես ստել, տիրադավ: Վասնզի հոգիդ ծախել ես Շապուհին: Հիշո՞ւմ ես՝ ինձ ես խորհուրդ էիր տալիս, որ ընդունեմ Շապուհի հրավերը և գնամ բանտվեմ թագավորի հետ, այո՞: Պնդում էիր, թե հանուն բարեկամության չպետք է մերժել Շապուհի հրավերը: Ի՞նչ եղավ ապա, ստոր տիրադավ... Այժմ էլ կամենում ես մատնել ինձ ոճրար Շապուհի ձեռքը...

— Վերավորանքը ինձ ցավ է: Թագուհի, բայց ինչ լինելու է՝ պիտի լինի: Անխուսափելիս պիտի կատարվի: Համաձայնիր հաշտության...

— Փակիր պիղծ բերանդ, անկող մարգարե: Զա՛ր. է քո սիրտը և միտքդ թունոտ, կոտած հոգի: Հեռու այստեղից և ոչ ոք թող չլսի քեզ: Քո կերպարանքդ իսկ կարող է թունավորել իմ մարտիկների միտքը: Գնա՛, գնա՛ հայտնիր Շապուհիդ, որ ես նորան համարում եմ խարդախ, խաբեբա և մերժում եմ բոլոր առաջարկները նորա:

Արդյոք հոր՝ Անդոք իշխանի, անպիշող ոգի՞ն էր նրա մեջ, որ չէր ուզում տեսնել պարսկասեր մեկը և յուրաքանչյուր

պարսկասերի համարում էր դավաճանն ու թշնամի, ու հաճախ կրկնում էր հոր նման. «Հայրենիքին դավաճանողը արժանի չէ գթության, իսկ պարսիկին ծառայողը՝ առավել»... Թերևս այդ էր պատճառը, որ նա՝ Փառանձեմը, նախատինքներով դուրս արավ պալատի կառավարին.

— Հեռացի՛ր իսկույն, չարի ծնունդ...

Եվ Հայր-Մարդպետը ելավ քրթմնջալով.

— Կզղջա՛ս, դուստրդ գոռոզ Անդոքի... Կզղջա՛ս, բայց արդեն կլինի ուշ:

Հայր-Մարդպետի գնալուց հետո Փառանձեմը սպասում էր, թե իր մերժումից Շապուհն անշուշտ պիտի սաատկացնի գրոհը, ուստի և հրամայեց, որ բերդպետը զորքը հավաքի ամրոցի հրապարակում: Նա ցանկանում էր խոսել զորքի հետ. թո՛ղ ամենքն իմանան իրենց վիճակը... Ու, փոքր անց, երբ բերդպապհ զորքը, նրա հետ և բերդում ապաստանած ժողովուրդը հավաքվել էր ներքին գոտու լայն հրապարակում, վերևից իջավ Փառանձեմը սովորականի պես սևահանդերձ. ինչպես միշտ՝ նրան ուղեկցում էին մի քանի իշխաններ ու տիկիներ: Հասնելով քարն սանդուղի վերջին աստիճաններին՝ նա կանգ առավ այդ բարձրության վրա և նայեց խոնված բազմության: Նրա հետև կանգ առան և նրա ուղեկիցները: Ամենքն սպասում էին, թե ի՛նչ է ասելու թագուհին: Բայց նա իսկույն շտկեց. մի առվայրկյան տխուր նայեց հավաքվածներին, ասես ստուգելու, թե բոլորը ներկա՞ են արդյոք, ապա ասաց հանդարտ.

— Սիրելիներ, պարսից արքան, խարդախն Շապուհ, Հայր-Մարդպետի բերանով առաջարկում է մեզ՝ հաշտություն. դա նշանակում է, որ մենք անձնատուր լինենք գայլի ողորմածությանը: Ծա որոշել եմ անձնատուր չլինել...

— Ծրե՛ք, երբե՛ք, — լսվեցին բազմաթիվ ձայներ: — Դա խարեություն է, մի նոր դավ...

— Ճշմարիտ է, մեր պաշարները պակաս են. դուք ստանում եք ավելի քիչ հաց և սնունդ, այսուհետ՝ թերևս դոքա պակասեն այլևի. այսուամենայնիվ դիմագրավենք թշնամուն այնքան, մինչև սպարապետն ու թագաժառանգը հասնեն մեզ օգնության:

— Առավել լավ է՝ մնալ քաղցած, քան լինել անձնատուտ,— բացականչեց մեկը՝ սուր հուզումնալի ձայնով։

Իսկ մի քանի այլ ձայներ տարբեր կողմերից։

— Դիմագրավե՛լ... կռվե՛լ մինչև վերջ...

Չայները շատացան ու խառնվեցին իրար։ Բոլորի միջից գարձյալ ջոկվում էին երկու բառ։

«Կռվե՛լ... Դիմագրավե՛լ...»։

Երկու օր հետո իրոք սկսվեց պարսից նոր գրոհը։ Երկու կողմն էլ կռվում էին կատաղի... Պարսից կողմից գալիս էին նորանոր ուժեր, ընկածներին փոխարինում էին ուրիշները, իսկ բերդապահներին օգնում էին բերդում ապաստանած շինականները, ընկածների և վիրավորների զբաղները հագած, սաղավարտներ դրած... Բայց չկար այլևս այնքան նեւտ, որ գործադրեն առատորեն, և ոչ իսկ պարսատիկի այնքան քար... Հավաքված բոլոր քարերը համարյա ծառայել էին իրենց նպատակին։ ասենք լինեին էլ՝ այժմ մարդիկ շունեին այնքան ուժ, որ դրանք պարսատիկներով նետեին թշնամու վրա։ Թե՛ մարտիկները և թե՛ բերդում ապաստանածները՝ ամենքը սնվում էին շատ սակավ։ Պակասել էր պարենի պաշարը, որ նախապատրաստված էր միայն հինգ-վեց, ամենաշատը յոթ ամսվա համար, իսկ այժմ արդեն տասներեքերորդ ամիսն էր, և պաշարը, որքան էլ բաժանում էին փոքրիկ չափերով, սպառվելու մոտ էր։

Ամենքը գիտեին իրենց ծանր կացությունը, բայց հույսը, կյանքի այդ հզոր նեցուկը պահում էր նրանց։ Ամենքը հավատում էին, թե շուտով կգա Մուշեղը և կփրկի իրենց թշնամուց ու սովից... Եվ քանի ամիս էր ահա սպասում էին նրան, բայց նա, չգիտես ինչու, ուշանում էր, և պաշարները պակասում էին հետզհետե։ Այժմ բերդապահներին տալիս էին օրական մի քանի բուռ բոված ցորեն կամ փոխինձ կտավատի ձեթով շաղախած։ Ավելի պակաս ստանում էին բնակիչները։

Այո, սովի ուրվակասնր կանգնած էր բոլորի առաջ։ Փառանձևմը և բերդապետն ու իշխաննեղը մտածում էին, թե կռվեն որքան հնարավոր է, ապա, եթե մինչ այդ օգնություն չհասնի, այն ժամանակ կամաց-կամաց, թեթև խմբերով, կհեռու-

նան ստորերկրյա ճանապարհով, որը ամենքին թվում էր «Փրկության դուռ», ինչպես ասում էր Սահառունի Սահակ իշխանը: Բայց... պատմենք ինչպես պետք է:

Վերջերս, Հայր-Մարգարեի գնալուց հետո, Փառանձեմը գիշերները հաճախ պառկում էր առանց հանվելու և ժամանակ առ ժամանակ դուրս էր գալիս քարե պատշգամբ՝ դիտելու, թե ի՞նչ է կատարվում բերդում, նրա շուրջը, կամ երբեմն, վրան մի ծածկոց առած, իջնում էր բերդի առաջին գոտին՝ բերդապահներին ստուգելու, և երբ տեսնում էր, որ նրանք ննջում են պատերի վրա, իսկ պահակները արթուն հսկում են բուրգերի գլխին, նրա սիրտը ջերմանում էր երախտագիտության զգացմունքներից. որքա՛ն պարտաճանաչ են այդ հասարակ, ուսմիկ մարդիկ...

Այդ շրջագայության միջոցին բերդապահները նկատում էին նրան, թե ոչ, մեկը սակայն չէր մոտենում հարցնելու, թե ո՞վ է կամ ո՞ւմ է փնտրում արդյոք... Գուցեև ճանաչում էին և լուում: Բայց ահա մի գիշեր նա հանդիպեց բերդապետին, որ նույնպես մենակ, զրահներ հագած գնում էր դեպի պարիսպները: Հանդիպեցին քարե աստիճանների վրա, երբ թագուհին բարձրանում էր վեր, բերդապետն իջնում էր ցած:

— Թագուհի՛,— կանգ առավ բերդապետը զարմացած:

— Ես եմ, բերդապետ: Քնել չկարողացա, ~~հեռ~~ շրջելու: Իսկ ո՞ւր ես շտապում ինքդ:

— Դիտելու և հսկելու...

Բերդապետի ձայնը բեկված էր: Փառանձեմը ~~այդ~~ նկատելով հարցրեց.

— Դու անհանգիստ ես, բերդապետ: Ի՞նչ է պատահել...

Բերդապետը հառաչեց.

— Տխուր լուր, թագուհի:

— Պատմիր,— և Փառանձեմը լարվեց լսելու:

Ու բերդապետը պատմեց մի իրոք շատ տխուր լուր. մի ժամ առաջ նրա սուրհանդակները վերադարձել էին և հայտնել, թե պարսիկները գտել են բերդի ստորերկրյա ուղին և պահակներ դրել մուտքի առաջ:

Փառանձեմի ծնկները դողացին, բայց նա շուգեց զգացնել տալ իր վախը, այլ միայն մտածեց, թե ո՞վ կարող էր

արդյոք մատնել անցքի տեղը և նրա կասկածները կանգ առան
'Հայր-Մարգարեի տի փրա:

— Վրեժխնդիր եղավ կռտածը...

Փառանձեմը միշտ մտածել էր, թե վերջին ժամին, երբ
այլևս օգնութիւն չհասներ և դիմադրելը դառնար անկարելի,
կարող էր բերդականներին ճանապարհել այդտեղից և ինքն
էլ բերդապետի հետ դուրս գալ այդ անցքով և գնալ Վանանդ,
ապա անցնել ապահով Տայք: Մինչ այժմ նա այդ անել չէր
ուզում, չկամենալով հեռանալ երկրի կենտրոնից, ցանկանա-
լով որդուն և Մուշեղին սպասել բերդում, լինել զորքի հետ,
որպեսզի նրանք շթերանան պաշտպանութեան գործում... Սա-
կայն այժմ լսածը տակնիվեր էր անում նրա ծրագիրը. թշնա-
մին հայտարարել է ներքին անցքը...

— Եվ դա լիովին ստո՞ւյգ է, բերդապետ,— հարցրեց Փա-
ռանձեմը:

— Լիովին, թագուհի:

— Մենք ուրեմն կտրվեցինք դրսի աշխարհից,— գլուխը
կախեց Փառանձեմը: — Այլևս լուր չենք առնի Մուշեղից, Պա-
պից... Բայց և անձնատուր չենք լինի,— գլուխը բարձրացրեց
նա: — Պաշտպանվենք և սպասենք: Զէ՞ նոքա հասել են արդեն
կարին... Կուզեի միայն, բերդապետ, որ անցքը փակվելու
մասին չիմանա ոչ ոք: Թող բերդում չլինի հուսահատութիւն
ու լքում: Ազատ ես:

Սակայն բերդապետը մնաց կանգնած: Փառանձեմը դրա-
նից կռահեց ասես մի բան և հարցրեց.

— Ունե՞ս ինչ ասելու, բերդապետ:

— Այո, թագուհի. եթե թուլատրես. ունեմ խոնարհ մի
խնդիր առ քեզ:

— Խոսի՛ր:

— Համարձակվում եմ խնդրել, թագուհի, որ հեռանաս
բերդից... քանզի վտանգը վերահաս է, և մենք երկար դիմա-
գրավել չենք կարող... — Նա լռեց մի վայրկյան և ապա շա-
րունակեց եռանդով: — Ես վստահելի և քաջակորով մարդոց
հետ քեզ կբարձրացնեմ լեռը, որտեղից նոքա քեզ կտանեն
Վանանդ, ապա Տայք:

Փառանձեմը լսում էր շուրթերը սեղմած և, երբ բերդապե-
տը վերջացրեց, ասաց.

— Բշ, բերդապետ, Ծա համեմ Ծա ձեզ հետ կլինեմ մինչև վերջը: Ծա այստեղ պիտի սպասեմ իմ Պապին... Ծա չեմ լքի իմ զինվորներին... Եվ վերջապես, Շապուհը չի կարող տանել ինձ գերի...

Բերդապետը աշխատանքայնիվ կամենում էր նորից ասել ինչ-որ բան, բայց Փառանձեմը թարծրացրեց իր փոքրիկ ձեռքը, որ նշանակում էր. «Այնա ոչ մի խոսք»...

Բերդապետը խոնարհում արավ ն, թույլտվություն խոնարհելով, հեռացավ:

~ Պնալով հաճախանում և սաստկանում էին պարսիկների գրոհները. նրանք շարունակ բերում էին նոր փորքեր, որոնց պետերը անվերջ հրամայում էին. «Առա՛ջ, անվախ առաջ»... Այժմ նրանք հասնում էին արդեն բերդի պարիսպներին: Բայց որքան էլ սովոր նեղում էր ու սնունդը գնալով նվազում, զինվորները և շինականները չէին դադարում կռվելուց... Անում էին, որքան ներում էին խրենց ուժերը, անում էին հանգստանալով... Պատահում էր, որ նրանք, առանց վիրավորվելու, ընկնում էին և զոհվել ընկնելու ուժ չէր ունենում նրան բարձրացնելու: Պատահում էր նեղ-աղեղ առած ճիւղում էին պարիսպը կամ թուրք՝ թշնամուն նետահարելու ցասումով, սակայն ընկնում էին կես-ճանապարհին... Վերցնում էին քարեր, որ հանեն պարսպի գլուխը, բայց, սանդուղք բարձրանալ չկարողանալով, ընկնում էին աստիճանների վրա... Նրանց էր հարմարում այն հին խոսքը, թե հոգին հոժար էր, մարմինը տկար... Քաղցը չյուժել էր ամենքին... Շատերը մեռնում էին անխոս, անտրտուն...

Զրահված բերդապետը երբեմն պարիսպների վրա կարգադրություն անելիս նկատում էր զինվորների վիճակը, բայց անզոր էր օգնել մեկին կամ մյուսին: Ծա ևս, թագուհու նրման, կարծել էր, թե հրեք-չորս ամսում պաշարումը կվերջանա և պարսիկները ետ կքաշվեն կա՛մ պաշարումը ապարդյուն համարելով, կա՛մ դրսից ճկող օգնության հետևանքով: Բայց տասներեք ամիս էր արդեն պաշարումն ու գրոհները շարունակում էին հետզհետե սաստկացող մոլորանքով: Իսկ սպասված օգնությունը չկար ու չկար:— Ինչո՞ւ էին ուշանում սպարապետն ու Պապը: Մի՞թե չգիտե-

ին, որ պարսից ուժերը շատ են և նրանց գրոհները անվերջ ետ մղել հնարավոր չէր, թեկուզև բերդից: Սթե նրանք հասել են Կարին՝ ինչո՞ւ են հապաղում... Զո՞րք են հաժարում արդյոք, թե առաջանում են պարսից հեռ ճակատելով... Գուցե՞ն կան ա՞յլ պատճառներ... Բերդապետը դժվարանում էր գուշակել և տանջվում էր տարակուսանքի մեջ:

Փառանձեմը նույնպես Մուշեղի և Պապի ուշացումը բացատրում էր նրանով, որ նրանք առաջանում են երեկ պարսիկների հետ ժանր մարտեր մղելով, այլապես ինչո՞ւ պետք է ուշանալին... «Տո՛ւր, տեր, նոցա զորութիւն, որ հաղթեն և հասնեն մեզ», — աղոթում էր նա հաճախ: Իսկ վերջին մի քանի օրը, երբ սովն ու հիվանդությունը աչքա՛ն զոհեր էին տանում, նա ավելի էր մտածում որդու և Մուշեղի մասին. արդյոք կարողացե՞ն են կազմել գինական մեծ ուժ, որ ճակատեն պարսից զորութեան դեմ. արդյոք բուզանդացիք տվե՞ն են նրանց բավականաչափ օգնական զորք, թե ստիպված են պարսից դեմ կռվել սակավ մարդկանցով... Փառանձեմը մտածում էր երկար և աշխատե, որ հետո վախենում էր փր մտքերից. չլինի՞ Պապը հանկարծ այդ կռիվների մեջ անզգուշաբա՛ր առաջ ընկնի և փորձանք բերի իրեն. վիրավորվի կամ: աստված ազատի, գերի ընկնի...

«Դա սարսափելի կլիներ, — մտածում էր Փառանձեմը: — Թո՛ղ ինձ օգնության չհասնի, միայն թե մնա անփորձ... Իսկ եթե պատահի մի բան՝ դա կլինի հայ գահի, հայ պետության խորտակումը, այն, ինչ ցանկանում է Շապուհը: Դա կլինի Հայոց Աշխարհի ամենաթանր յոր»... Երբ Փառանձեմը մտածում էր իբրև մայր՝ մոռանում էր ամեն ինչ՝ թե՛ բերդը, թե՛ պարսից պաշարումը և թե՛ իրենց ինքնապաշտպանությունը: Բայց երբ սթափվում էր և կամ լսում էր պարսից գրոհող զորքերի աղաղակները և բերդականների հայերեն խրախուսական կանչերը՝ նա իրեն համարում էր եսամոլ, թուլամորթ և անմիջապես դուրս էր վազում առանձնարանից, գնում բերդի սակավաթիվ պաշտպաններին խրախուսելու.

— Տոկացե՛ք, զավակներս, տոկացե՛ք ևս մի փոքր...

Բերդապա՛հ գինվորները, որոնց թիվը օրեցօր նվազում էր սովից, որոնք նիհարել և հյուժվել էին սաստիկ, աչքա՛ն էլ զստահ չէին, թե օգնությունն իրոք կհասնի. և կռվում էին

մի աղոտ հույսով, թե գուցե հրաշք պատահի, գուցե պարսիկները վերցնեն պաշարումը և հեռանան մի այլ պատերազմի պատճառով...

Սակայն պարսիկները, ինչպես երևում էր, հեռանալու միտք չունեին. թվում էր՝ նրանք տեղյակ էին (կարող էին և պարզ նկատել), որ բերդի պաշտպանների թիվը նվազել է, որ բերդեցիների պաշարը սպառվում էր և բերդի ներսում սով է, Խւստի և օրեցօր սաստկացնում էին իրենց հարձակումները, իսկ վերջին երկու օրը նրանք պարզապես վիստում էին բերդի պարիսպների տակ: Բերդապետը և բերդապահները եկեղեցում էին, թե նրանք անցք են որոնում պատերի մեջ կամ մի ճեղք, որ քանդեն լայնացնեն՝ ներս թափանցելու համար: Բայց բերդականները, որքան էլ թվով քիչ, ջանասիր հետևում էին նրանց և թույլ չէին տալիս որևէ գործ անելու՝ պատ քանդելու կամ վեր մագլցելու, որի համար և նրանք բերում էին փայտե ելարաններ: Այդպիսի փորձ փորձողներին բերդապահները զարկում էին քարերով, ոչ թե այն բռնաքարերով, որ նետում էին այրաստիկներով, այլ խոշոր քարերով, որ մեկի գլխին ընկնելիս, տապալում էր գետին, ըստ որում քար գլորողը ինքն էլ ընկնում էր ուժաթափ կամ պարսից մի նիտից:

Բերդապահների դիրքը թեև հնարավորություն էր տալիս նրանց այդ անելու, բայց այնքան սակավ էին նրանք և այնպես թուլացած որ չէին կարող հասնել ամեն տեղ, ուստի և պարսիկ զինվորները հանկարծ այս-այն կողմից, վահանները գլուխների վրա բռնած, վազեմազ գալիս թաքնվում էին պատերի տակ և սկսում ինչ-որ... Սկզբում նրանք գրոհի գալիս էին միայն ցերեկը, հետո սկսեցին գալ և գիշերները, և մի առավոտ՝ պահակները տեսան, ավելի շուտ լսեցին, որ պարսիկները ելարաններ ու ինչ-որ գործիքներ բերած, փորձում էին քանդել պարսիկները և խորտակել երկաթե դռները... Դա բերդականների մեջ հարուցեց մեծ տագնապ: Բերդապետ Բաղասը չրահները հագին, սաղավարտը գլխին բարձրացավ պարիսպը և կարգադրեց զինվորներին՝ քարահար անել պարիսպների տակ և դարպասների մոտ գործողներին... Բայց պարսիկները հիմա այնքան շատ էին, որ նրանց ոչնչացնել կամ վանել հնարավոր չէր ոչ նետերով և

ոչ մանավանդ քարերով: Ասենք, երբեմն վանում էին մի սեղից, սրանք գրոհում էին մի այլ տեղի վրա. մի կողմում արգելում էին քանդել պարիսպը, գնում քանդում էին մի ուրիշ կողմում...

Բաղաս բերդապետը, տեսնելով այլևս հնար չկա պաշտպանվելու, հայտնեց այդ մասին թագուհուն:

— Ես այդ նկատում եմ,— ասաց Փառանձեմը:— Դադարեցրեք դիմադրությունը, և ինչ լինելու է՝ թող լինի: Միայն կիսնդրեի, բերդապետ, որ փրկես մարդոց, եթե կարող ես, որքա՛ն կարող ես: Փախցրու նոցա որևէ կողմի վրա: Զրուցում էիր, որ գիշերը հնարավոր է սարը բարձրանալ և փրկվել, իջնել գետնուղիով Արաքսի ափը... Արա՛ ինչ հնարավոր է...

Ասաց Փառանձեմը և, ինչպես միշտ, սեղգզեստ ու խրորոխտ ելավ դուրս, բերդապետին թվաց, թե գալու է սովորական տեղում կանգնելու, բայց այս անգամ նա իջավ և կանգնեց առաջին պարսպի գլխին, այնտեղ, ուր դարպասներն էին, այն դարպասը, որ պարսիկները կամենում էին խորտակել: Սահառունի Սահակը և մյուս իշխանները փորձեցին ետ պահել թագուհուն, շթողնել, որ գնա վտանգի առաջ, բայց Փառանձեմը չլսեց... Գնաց, և ակամա նրան հետևեցին նույն Սահառունի Սահակ իշխանը և սենեկապետ Ծղնիկը:

Երբ պարսիկները նկատեցին այդ սեղգզեստ կնոջն այդքան մոտ ու անգն՝ ամենքը կանգ առան, ասես ապշած թե հմայված և ուզեցին իմանալ կարծես, թե ի՛նչ է ասելու նա: Սակայն Փառանձեմը շխոսեց անմիջապես. միառժամ մնաց ուղիղ կանգնած, ապա անխոս նայելով պարսպի տակ և դարպասի առաջ խոնված պարսիկ զրահավորված զինվորներին, որ վայրագ նայվածքներ ունեին և մազմազոտ արևախանձ տեմբեր, նա աչքը բարձրացրեց հանդարտ:

Լռությոն իջավ, և այդ լռության մեջ հնչեց Փառանձեմի ձայնը.

— Պարսիկ զինվորներ, ասացեք ինձ՝ ո՞վ է ձեր մեծը:

— Պետության պաշտպան զորավար Զիկը,— պատասխանեց մի ձայն:

— Թող առաջ գա, եթե այստեղ է:

Անցավ մի փոքր ժամանակ և կարմիր նժույգի վրա, երկու հեծյալ թիկնապահներով, առաջ եկավ դեղին պղնձաձուլյ սա-

զավարտով ու ամբողջովին զրահների մեջ կարած մի զորական և կանգնեց ձիգ:

Փառանձեմը վերևից նայեց նրան և, առանց դեմքի մկանը շարժելու, ասաց.

— Քեզ հետ, զորավար, խոսում է հայոց տիկինը: Ի՞նչ ես կամենում:

— Անձնատվություն, հայոց տիկին, և բերդի հանձնում:

— Անձնատվություն... Ես անձնատուր կլինեմ, զորավար, և իմ բերդը կհանձնեմ այնպե՛ս, եթե չեմ վնասի իմ գինավորներին և եթե բերդը ապաստանած մարդոց կթողնեմ ազատ: Մահը սարսափելի չէ ոչ ինձ և ոչ իմ բաջերի համար, և մենք կշարունակենք կռվել մինչև վերջին մարդը: Բայց եթե խոտանում ես՝ ազատ արձակել ամենքին, ևս անձնատուր կլինեմ միայն այս պայմանով. Նվ դրա համար պե՛տք է տես ինձ երկու օր ժամանակ:

— Ես, տիկին հայոց, արքայից արքայի անունից խոտանում եմ քեզ այդ ազատությունը, — ասաց Զիկ զորավարը, ջանալով ասպետի լեզվով խոսել հայոց թագուհու հետ:

— Նվ դադարեցնում կռիվը, — վրա բերավ թագուհին:

— Միանգամայն, հայոց տիկին...

Զիկ զորավարի խոսքերից և խոսելու եղանակից զգացվում էր նրա ռախտությունը, որ բերդի գոռոզ տիրուհուն ստիպեց վերջապես անձնատուր չլինելու: Նա մինչև իսկ ցնթալով, մեջ էր թվում: Իսկ Փառանձեմը ներուստ գահ էր, որ երկու օր գինադադար է ջահել. իսկ երկու օրում ինչե՛ր ասես չի կարող անել...

Նվ արավ. առաջին գործը եզավ այն, որ անմիջապես կանչեց բերդապետին և կարգադրեց, որ թաքցնի ու փախցնի ինչ կարող է... Ու բերդապետը իր հավատարիմներով թաքցրեց ամենից առաջ արքունական գանձից հետո մնացած այլ թանկարժեք իրեր այնպիսի տեղեր, որ միայն ինքը գիտեր: Երկու ստորերկրյա ճանապարհով Արաքսի ափը ճամփեց շատ երիտասարդների, սրանք գետի խորածորի ժայռերին քսվելով կամ պարզապես առափնյա ժայռերը բռնած, նկատվելու երկյուղը միշտ սրտերում, պիտի հեռանալին պարսից պաշարող զորքի շրջանից և թաքնվեին հեռու շենքերում: Ուրիշ երիտասարդներ և բերդապետներ, մութը կոխելուն պես, բարձրացան

Վանանդի սարը՝ պարսպի մի գագաթնի անցքով, որի կողմը պաշարող պարսիկներ չկային։ Այս անցքով բերդից դուրս եկան և սարը բարձրացան նաև Թորգոմն ու իր ընկերները...

Բարձրացան... Բայց ինչպե՞ս։

Երբ տարածվեց, թե թագուհին երկու օր ժամանակ է պահանջել բերդը հանձնելու համար՝ ոչ ոք չհավատաց, թե պարսիկը հավատարիմ կմնա իր խոսքին և ազատ կթողնի բերդում ապաստանած մարդկանց... Ուստի և բերդապետից մինչև վերջին զինվորը մտածում էին, թե ինչպես ահեհն, որ պարսիկների ձեռքը չընկնի ո՛չ մարդ, ո՛չ թանկարժեք մի իր...

Այդ մասին էին մտածում և Թորգոմն ու իր ընկերները։ Երբ բերդապետից իմացան, թե ցանկացողը կարող է դուրս դալ Արաքսի անցքով կամ բարձրանալ սարը, — նրանք որոշեցին՝ բարձրանալ սարը այն տեղերով, որ արդեն պարզել էին ցնրելով։ Ճիշտ է, դա շատ դժվար էր, բայց ուներ այն առավելությունը, որ բարձրացողը կլիներ ապահով։

«Սակայն պետք էր բարձրանալ անձայն», — զգուշացրել էին նրանց։ «Եթե պարսիկը ձայն լսի, մութի մեջ էլ նետեր կարձակի»...

Եվ երբ նրանք այս խոսքերից հետո խցերից դուրս եկան և նկատեցին մթնած երկինքը, ուր չէր հրեում ոչ աստղ և լուսնի ոչ մի ցուլք, դա նրանք թվաց բարեգուշակ. պարսիկը բարձրացողին չէր նկատի... Սակայն բարձրանալու համար անհրաժեշտ էր գեթ մի շող... Չկային և մարդկային ձայներ. լսվում էր միայն Արաքսի միօրինակ շառաչը իր անդնդից... Բայց երբ երկու քայլ արին ճանապարհ ընկնելու՝ Թորգոմը չբացավ հանկարծ։

— Թորգոմը... ո՞ւր մնաց Թորգոմը, — հարցրեց Վարդանը Մինային։

— Չկա՞ միթե, — զարմացած կանգ առավ Մինան։

Սկսեցին փնտրել, կանգ... Չկար։ Հովսեփը զնաց խույզը — գուցե բա՛ն է մոռացել, ետ է դարձել վերցնելու։ Չկար։ Ձայն տվին՝ պատասխան չեղավ... Զարմանքը համակեց ամենքին։ Մինան սկսեց լալ. այսքան դժվար ճանապարհ են զնայու... հանկարծ չկա։ Զարմանքը փոխվում էր անհանգրստության, երբ ինչպես զնացել էր, այնպես էլ անսպասելի երևաց Թորգոմը։

— Բերի՛,— ասաց նա հեալով:

— Բա՞ն էիր մոռացել:

— Այո, բերի՛...

— Ի՞նչը:

— Դրոշը...

Այդ ժամանակ միայն նկատեցին, որ նրա թևի տակ մի երկար ձող կար և ձողի վրա ինչ-որ բան:

— Բերդապե՞տը տվեց:

— Ոչ. ինքս վերցրի:

— Ինչո՞ւ:

— Որ չընկնի պարսիկի ձեռք...

Հասկացան. ու, առանց ժամանակ կորցնելու, բերդի վերին գաղտուկ անցքից ելնելով, բարձրացան սարը... Կարի՞ք կա ասելու, որ վերելքը ծանր էր, դժվար, մանավանդ կանանց համար: Բարձրանում էին խարխափելով, գետինը շոշափելով, քարեր բռնելով, համարյա չորեքթաթի Հեռւմ էին, ջանալով ձայն չհանել, շտնքալ անգամ... Մի տեղ միայն Թորգոմը Մինայի ձեռքից քաշելով ասաց ձայնը խեղդիւած.— «Զվախնաս, հասնենք սարի գլուխը՝ փրկված ենք»... Իսկ մի այլ տեղ, երբ կանգ առան շունչ առնելու, նա ձեռքը դրեց Հուսիկի ուսին և բերանը մոտեցրեց նրա ականջին.— «Զվախնաս, եթե մինչև իսկ պարսիկ պատահի և մենք կոլենք, դու կառնես այս դրոշը և կթաքնվես մի տեղ ու... ոչ մեկին չհանձնես՝ մինչև չգամեր զուրք հայոց...»:

— Հապա թո՞ւրս,— ասաց Հուսիկը և ցույց տվեց փաթաթած թուրը:

— Թրիդ հետ կպահես և այս դրոշը...

Ամենը կարգադրելուց հետո բերդապետը բարձրացավ թագուհու մոտ:

Հայտնելով ինչ է արված՝ նա ասաց.

— Հերթը հիմա քոնն է, թագուհի: Այս գիշեր ես քեզ պետք է տանեմ Վանանդ, ապահով մի վայր:

— Ոչ, բերդապետ. դու փրկիր ում կարող ես, իսկ մենք կհեռանանք վերջինը՝ եկող գիշեր...

— Հրամայել ես, թագուհի,— խոնարհում արավ բերդապետը.— Ուրեմն պատրաստ եղեք երկրորդ գիշերվա համար:

Եվ նա հեռացավ: Փառանձեմը չքնեց մինչև լույս, մինչև առավոտ:

Իսկ առավոտը հազիվ բացված՝ պարսից զորավարը մի իւրեւր թիկնապահներով մտավ Փառանձեմի սենյակը և հայտնեց նրան, որ նա գերված է:

Փառանձեմը անխոս նայեց Զիկ զորավարին և ապա ասաց.

— Դու, զորավար, տվեցիր ինձ երկու օր ժամանակ: Ինչո՞ւ խախտեցիր մեր պայմանը:

— Հարկադրված, հայոց տիկին: Երկու օրը շռայլութիւնն է:

Փառանձեմը նորից զննեց Զիկ զորավարին.

— Ես, հարկավ, քեզինից ազնւութիւն չէի կարող սպասել, Շապուհի զորավար:

— Այդ թողնենք, հայոց տիկին: Ես եկել եմ հայտնելու, որ արքայից արքան սպասում է քեզ իր վոանում: Հագիր զգեստներդ արքայական և գնանք ներկայանալու Ես կսպասեմ դուրսը:

— Մնա, զորավար, և ասա ինձ. ինչո՞ւ ես կամենում: Որ ես հագնվեմ իբրև թագուհի. չէ՞ որ ինձ համարում ես գերի,— և Փառանձեմը հպարտ նայեց նրան:— Ես նոր ոչինչ չեմ հագնի. Կգամ այնպես, ինչպես կամ:

— Ուսկայն հարմար չէ այդպես սեահանդերձ ներկայանալ արքային,— շփոթվեց զորավարը:— Նա չի հաժատա, որ դու... թագուհին ես հայոց:

Փառանձեմը դառը քմծիծաղով.

— Իսկ ինչո՞ւ ես կարծում, թե ես կամենում եմ ներկայանալ քո արքային... ու զարդարվեմ դրա համար:

— Իայց դա անկարելի է, թագուհի: Դու պետք է ներկայանաս արքայից արքային: Նա հրամայել է, որ քեզ տանեմ մոտը:

Փառանձեմը սեւեռուն նայեց պարսից զորավարին և մեկնեւ ոտքի ելավ:

— Կարո՞ղ ես տանել... Ես կուզեի գեթ մի անգամ հանդիպել քո արքային:

Եվ դուրս եկավ արագ: Նրան կամեցան միանալ տիկիններ և տղամարդիկ, որոնց մեջ էին Կատրանիդե և Նանա իշ-

խանութիւնները, Սահառունի, Հավնունի և Գնթունի իշխանները, բայց պարսից զորավարը ձեռքի հրամայող մի շարժումով կանգնեցրեց նրանց.

— Դուք, իբրև գերի, պիտի մնաք այստեղ ցնոր կարգադրություն...

Ու բոլորը կանգ առան, բացի Արշակ թագավորի սենեկակետ Եղնիկից, որ զատվեց իշխանների խմբից և հեռվից հետեց թագուհուն:

Փառանձեմը բերդից իջավ Զիկ զորավարի հետ, պարսից սպաներով շրջապատված: Նրան տանում էին դեպի դաշտը, ուր երևում էին պարսից զորքեր ու վրաններ և դրանցից առանձնացած մի մեծ վրան՝ գլխին առլուծանիշ պարսից դրոշը: Այդ վրանի շուրջը, մանավանդ առջևը, կանգնած էին տեգավոր զինվորներ ու սրավոր սպաներ: Ծանապաշհին ոչ ոք չէր խոսում, սակայն, երբ մոտենում էին այդ մեծ վրանին, զորավարն ասաց.

— Ահա և արքայից արքայի վրանը:

Փառանձեմի շնչառությունը արագացավ և նա աչքերը փակեց ակամա. ուրիմն ինքը պիտի տեսնի ատելի Շապուհին, այն մարդուն, որ այնքան աղետ ու ավեր բերեց հայոց...

Մինչ Փառանձեմին խնամքով շրջապատած, կմոտեցնեին Շապուհի վրանին—պարսից արքան ինքը դուրս եկավ՝ ոսկի և արծաթ թելերով քանված թիկնոցը: Վրան, գույնզգույն քարերով դարդարուն թագը գլխին և ոսկեգլուխ ու երկար մի գավազան ձեռքին: Նրա դեմքի մաշկը նման էր հարած և ապա արևի տակ չորացած կաշվի, ուր կնճիռներն ակոսներ էին գծել ամեն ուղղությամբ և խորացել ու անշարժացել: Ծրք հայոց սևագգեստ թագուհուն մոտեցրի՛ւ ու կանգնեցրին նրա առաջ, Շապուհը շարախինդ ու ինքնագոհ նայեց հայոց թագուհուն, ապա զայրացած՝ Արտագերսին, որից վեր, շատ վեր այդ պահին, հայոց բարձր լեռներն ի վեր բարձրանում էին գիշերը բերդից դուրս եկած հայ զինվորների ու շինականների խմբերը:

Նրանք տանում էին հայոց դրոշը...

Շապուհի հետ այն կողմը նայեցին նրա շքախմբի մարդիկ ու զորականները: Բարձրացող արևի ճառագայթներից

հեռացող գինավորների զենքերը հուժճրատում էին, իսկ դրոշը փողփողում էր լեռնային հովից։

Շապուհի կնճռապատ, կուշ եկած աչքերը կայծեցին շարախնդությամբ։

— Անգգամ կին,— լսվեց կոհնչի նման մի ձայն, Շապուհի ձայնը։— Ազատե՛լ ես... Ես նրանց ևս կտանեմ գերի...

Այս սպառնալիքով նա առաջ եկավ մռայլված։

— Չկամեցար գալ Տիգրոն պատվով, ահա եկար որպես գերի՝ և ստրուկ։

— Գերի՝ և ստրուկ,— Փառանձեմը գլուխը բարձրացրեց թափով։— Հայոց թագուհին երբեք չի լինի ստրուկ, մանավանդ Անդոք իշխանի գուստրը։

Անդոք իշխանի անունը ժամածոեց Շապուհի անշարժ դեմքը։

— Անդո՞ք,— արտասանեց Շապուհն այնպես, թվաց, թե մոնչաց։— Քո և այգ պիղծ հորդ արարքների համար այժմ կհատուցես ինքդ։ անառա՛կ...

Այս խոսքերի վրա կատարվեց անսպասելի մի բան. շրջապատողները չիմացան ինչպես հայոց ընկճված թագուհին ցատկեց հանկարծ, ինչպես վիրավոր հովազն է ցատկում, և Շապուհի դեմքին շառաչեց մի ապտակ։

— Ա՛ռ, լիրբդ զքեզ և խաբեբա,— լսվեց Փառանձեմի ձայնը։— Կոչվում ես արքա և չես կարող վայելուչ խոսել մի կնոջ հետ։ Իմացի՛ր, որ քեզ ապտակում է քո ատելի Անդոք իշխանի գուստրը...

Եվ այս խոսքերի հետ նա թքեց Շապուհի երեսին։

Այդ հանդգնությունը անակնկալ էր այնքան, որ Շապուհն առաջին ակնթարթին շփոթվեց, ձեռն ակամա տարավ երեսը և ապա զգուսց կատարվածից հանկարծակիի եկա՞ծ զորավարներին։

— Յի՛ց հանել անառակին... Յի՛ց հանել...

Նրա զրահավոր, սուսերակիր թիկնապահները վրա թափվեցին ամեն կողմից և բռնեցին հայոց թագուհու ձեռքերը, Ուայդպես բռնած-կաշկանդած հեռացրին նրան իրենց արքայից ու տարան...

Մի փոքր տարածություն գնալով՝ Փառանձեմը սթափվեց և սուսադ իրեն բռնողներին։

— Թողե՛ք ինձ, Ես կարող եմ քայլել առանց ձեր օգնութեան:

Նրա ձայնը դեռ հուզումնալի էր և խրոխտ, և դա կարծես ազդեց: Շապուհի թիկնապահ սպանները թողին նրան, և Նա դրանց հսկողությամբ քայլեց քարքարոտ ճանապարհով: Այդ ժամանակ Եզնիկ իշխանը, որ հեռվանց ականդետ նայում էր, թե ո՞ւր են տանում թագուհուն, զգուշորեն հետևեց սարալանջով:

Ուր կեռմաններով լեռնային ուղին իջնում էր դեպի Արաքսը: Պարսիկները հայոց թագուհուն անարգելու համար տանում էին նրան ոտքով և դիտմամբ արագ, որ տանջեն: Փոքր անց՝ նրանց ճանապարհն արդեն գնում էր անդնդահուն գետի եզերքով: Փառանձեմը հեռում էր և շուտ-շուտ կանգ առնում՝ շունչ առնելու: Եվ մի տեղ էլ, երբ նա կանդ առավ, շունչ քաշեց ու ասաց.

— Պարսից սպաներ, իմ զորավարը գերեց ձեր արքայի կանանց և ազատ վերադարձրեց Տիզրոն: Ես ձեզանից այդպիսի բան չեմ խնդրում. բայց թույլ տվե՛ք մահից առաջ աղոթել այստեղ:

— Աղոթի՛ր,— համաձայնեց սպաներից մեկը, որ ինքն ևս հոգնած լինելով ուզում էր հանգստանալ:

Եվ Փառանձեմն անմիջապես ծունկի եկավ՝ երեսը դեպի անդունդը:

Պարսից սպանները մնացին նրա երկու կողմը, բայց երեսները դարձրին, որ չխանգարեն: Փառանձեմն աղոթում էր ինչ-որ խոսքեր մրմնջալով, բայց մեկն նա ելավ, թափ առավ և... պարսիկները միայն լսեցին.

— Հայոց թագուհին ձեզ չի լինի գերի...

Սպանները զարմացած ետ նայեցին նույն ականթարթին և տեսան, թե ինչպես գերի թագուհին թևերը պարզած՝ մի վիթխարի սև թռչունի նման գահավիժեց անդունդը:

* * *

Իսկ ո՞ւր մնացին սպարապետն ու թագածառանգը...

Բերդի անկումից և Փառանձեմի նահատակությունից երեք օր հետո Արշարունիք մտան հայոց զորքերը, որոնց առաջնոր-

դում էին Մուշեղ սպարապետը և թագաժառանգ Պապը։
Թեթև ընդհարումից հետո պարսից բանակը խուճապահար
հեռացավ Արտագերսից, առանց կռվի բռնվելու։

Իսկ ի՞նչ եղավ հայոց բերդը։

Պարսիկները նահանջի ճանապարհին իրենց ողջ կատա-
ղությունը թափեցին Արշակավանի վրա և ավերեցին այն
հիմնահատակ։

Եվ այդ օրվանից հայոց բերդը մնաց անավարտ...

Ստ. Զորյանի երկերի տասներկուհատորյակի յոթերորդ հատորում ղե-տեղված է հեղինակի պատմական եռապատումի առաջին գիրքը՝ «Հայոց բերդը» վեպը:

ՀԱՅՈՑ ԲԵՐԴԸ

Կրել է 1949—1954 թթ.: Հեղինակը ինքը չի նշել այս վեպի գրության թվականը. սակայն ըստ հավաստի տվյալների վեպը գրվել է նշված տա-րիներին: Սակայն մինչև հրատարակության հանձնելը (1959 թ.) գրողը շարունակել է աշխատանքը երկի վրա:

Վեպը առաջին ձեռագրերում կոչվել է «Փառանձեմ»: Թե երբ է գրողը մտահղացել այդ վեպը, ստույգ ասել դժվար է: Աշխատանքի ընթացքում գրողը այդ վեպի սկզբնական կառուցվածքի մեջ մի քանի փոփոխություն-ներ է կատարում, և վեպը վերանվանում է՝ «Հայոց բերդը»:

Առաջին անգամ վեպը հրատարակվել է. Երևան, Հայպետհրատ, 1959 թ.: Այնուհետև՝ գրողի տասնհատորյակ, հատոր VI, 1962 թ.: Վեպը արտա-սպվել է սփյուռքահայ մի քանի պարբերականներում:

«Հայոց բերդի» վերջին հրատարակության մեջ (տասնհատորյակ հ. VI) Ստ. Զորյանը արել է մի շարք շտկումներ: Ներկա հրատարակությունը յույս է տեսնում այդ ուղղումներով:

Պատմական թեմատիկան Ստ. Զորյանին հետաքրքրել է 20-ական թվե-րի սկզբներից, և այդ ժամանակ նա գրել է իր «Հռոմեական» շարքը¹:

Ստ. Զորյանը, «Ինքնակենսագրական նոթերում» խոսելով հայոց պատմության թեմաներով իր երկերի մասին, գրում է. «Իմ հետաքրքրու-թյունը և իմ սերը ղեպի մեր պատմությունը ինձ մղեց ղեպի պատմական

¹ Տե՛ս սույն իրկ. ժող., հ. III, էջ 5, 570:

թեմատիկան... Ինձ միշտ դարձանցրել և հիացրել են այն հերոսական ջանքերը, որ գործադրել են մեր պապերը՝ երկիրն ու ժողովուրդը օտար նվաճումից ազատ պահելու¹։

Հայ ժողովրդի պատմության նկատմամբ գրողի հետաքրքրության մասին են ասում նաև նրա մի քանի հոդվածները՝ «Մատենադարանը», «Եռհեր մեր էպոսի մասին» և այլն։

Ստ. Զորյանը իր նոթերում գրում է. «Պատմության մեջ ես զգում, լսում եմ ժողովրդի ուրախութան և տխրության արձագանքը. և հաճախ հոգիս համակվում է այդ տրամադրություններով, ու ես կարծես փոխադրվում եմ պատմական այս-այն միջավայր։ Եվ ամեն ինչ ասես կենդանանում է իմ առաջ»²։

Գրողի հայոց պատմության նյութով առաջին երկը «Մեր Բագրատունին»³ ծավալուն պատմվածքն է, որի առաջին տարբերակը լույս տեսավ 1940 թ.։

Այնուհետև, 1944 թ. հրատարակվում է Ստ. Զորյանի «Պապ թագավորը»⁴, որը գրողի առաջին պատմական վեպն է։

1949 թ. Ստ. Զորյանը սկսում է գրել «Հայոց բերդը», նյութ վերցնելով «Պապ թագավոր» վեպում պատկերված ժամանակաշրջանին նախորդող տասնամյակների պատմական անցքերից։

1952 թ. դրողը նախանշումներ է անում իր երրորդ պատմավեպի՝ «Վարազդատ»⁵ համար, այս անգամ նյութ առնելով Պոպ թագավորի ժամանակաշրջանին հաջորդող պատմական իրադարձություններից։ Վեպը ավարտվեց 1965 թ. և լույս տեսավ 1967 թ.։

Այսպիսով Ստ. Զորյանի երեք պատմավեպերը՝ «Հայոց բերդը», «Պապ թագավորը», «Վարազդատը» ժամանակագրորեն շարունակում են իրար և կազմում են հուսադրություն, որի նյութը Հայաստանի IV դարի երկրորդ կեսի իրադարձություններն են։ Հեղինակը մտադիր է եղել հուսադրություն ևս տալ «Հայոց բերդը» խորագրով։

«Վարազդատ» վեպը ավարտելուց հետո Ստ. Զորյանը 1965 թ. մի զրույցի ժամանակ ասել է, որ իրեն այժմ զբաղեցնում է «Վարազդատ» վեպում նկարագրված ժամանակների հաջորդ տարիներին իրադարձությունները, Մեսրոպ Մաշտոցի գործը՝ հայոց գրերի գյուտը ու նրա նշանակությունը, և հավանաբար իր հաջորդ երկը լինի այդ թեմայով։

Ի տարբերություն Ստ. Զորյանի երկերի սույն տասներկուհատորյակի մյուս երկերի ժանրազգրությունների, ներկա հատորում զետեղված «Հայոց բերդի» ժանրազգրությունները կազմված են «Պապ թագավորի» հեղինակային ժանրազգրությունների սկզբածնով, հուսադրությունի ժանրազգրություններում միօրինակություն պահելու նպատակով։ Բացասությունները

¹ Սույն երկ. ժող. հ. I, էջ 23։

² » » » հ. XI։

³ » » » հ. հ. IX։

⁴ » » » հ. VIII։

⁵ » » » հ. IX։

տրվում են ոչ թե ըստ էջերի, այլ այբբենական կարգով, առանց էջերը նշելու:

Սանթթագրվող այն անունները, երևութներն ու դեպքերը, որոնք ընդհանուր են «Պապ թագավորի» և «Հայոց բերդի» համար, վերցված են «Պապ թագավորի» հեղինակային ծանոթագրություններից: Դրանք նշվում են աստղանիշով:

«Հայոց բերդի» սույն ծանոթագրությունները (ինչպես «Պապ թագավորի» նախորդ հրատարակությունների ծանոթագրությունները) խմբագրել է Հայկ. ՄՍՀ Գիտությունների Ակադեմիայի ակադեմիկոս Սուրեն Նրեմյանը:

Ազատ (Գառնի) — գետ այժմյան Արուսյանի և Արտաշատի շրջաններում, Արաքսի ձախ վտակը: Կազմավորվում է Գողթ և Ոսկեջուր գետերի միախառնումից:

Աղլամար — կղզի Վանա լճի հարավ-արևելյան մասում: Բարձրությունը՝ 1662—1912 մմ: Տարածությունը՝ մոտ 0,7 կմ², հեռավորությունը ամենամոտ ցամաքից 3—3,5 կմ:

Ալիովիտ — գավառ Մեծ Հայքի Տուրքերան նահանգում, Վանա լճի հյուսիսային ափին: Գավառի անունով լիճը կոչվել է նաև «Աղի լիճ»: Այստեղ էին բնակվում Արշակունի սեպուհները. այս պատճառով գավառը կոչվել է «Սեպուհական» կամ «Վասպուրական» (Վասպուրական անունը ավելի ուշ տարածվել է ամբողջ նահանգի վրա): Արշակունի սեպուհներին էր հատկացված նաև Հաշտյանք և Առքերանի գավառները:

* Աղձնիք — պատմական Հայաստանի 15 նահանգներից մեկը, որ կառավարվում էր Բղնշի միջոցով: Կոչվում էր նաև Արձն, իսկ օտարազգի մատենագիրներից՝ Արզանեն, երբեմն էլ հայերը կոչել են «կողմն Ասորեստանի», Ասորեստանին սահմանակից լինելու համար: Ուներ տասը գավառ, որոնք համապատասխանում են այժմյան Սասուն, Սղեբզ, Բաղնշ և այլ վիճակներին: Բղնշխանստն էր Արզան (այժմ Խարզան քաղաք):

* Սյրաբատ — Հին Հայաստանի կենտրոնական նահանգներից մեծագույնը: Արշակունիների ժամանակ Այրարատ հասկացվում էր Նրասիի հովիտը (Այրարատյան դաշտ), Ախուրյան գետախառնուրդից սկսած մինչև Արփա գետը և Արագածից մինչև Մասիսները և Հայկական պարու Հայկական թագավորության կենտրոնավայրը: Այստեղ են հղել հայոց իրար փոխարինող մայրաքաղաքները՝ Արմավիր, Արտաշատ, Վաղարշապատ, Դվին և այժմ Նրևան:

Անգեղ տուն — գավառ և նախարարություն Մեծ Հայքի Աղձնիք նահանգում, այժմ Դիարբեքիր վիլայեթի Ակլ կամ էգիլ գավառի տեղում: Կենտրոնն էր Անգղ բերդաքաղաքը, որի ավերակները գտնվում են Դիարբեքիրից հյուսիս, Տիգրիսի վերին հոսանքի աջ ափին:

Աղտիքատի ժողով — Աշտիշատ՝ ավաւն Մեծ Հայքի Տարոն նահանգում, Արածանի գետի աջ ափին Այստեղ 356 թ. կայացել է կանոնադիր ժողով. ներսես Ա կաթողիկոսի նախաձեռնությամբ, եպիսկոպոսների և ավագ իշխանների մասնակցությամբ: Ժողովը ընդունել է կանոնական որոշումներ: Երկրում տարբեր խավերի միջև լարված հարաբերությունները մեղմելու նպատակով ժողովը իշխողներից պահանջում էր լավավորել աշխատավոր խավերի վրա դրվող հարկը, իսկ ժառանգրին պատվիրում էր հնազանդ լիւնել տերերին: Ժողովը արգելում է հեթանոսական որոշ սովորույթներ՝ ազգականների ամուսնությունը, բազմակնությունը և այլն:

Ապսեմունի — հայ նախարարական տոհմ Ապահունիք գավառում, որը գտնվում էր Մեծ Հայքի Տուրուբերան նահանգում: Տարածվում էր Բագրեվանդ գավառից հարավ, Արածանի գետի վերին ավազանում, Մանազկերտ քաղաքից արևելք:

Առքերանի — գավառ Մեծ Հայքի Վասպուրական նահանգում, Վանա լճի հյուսիս-արևելյան կողմում: Առքերանի գավառը Աղիովիտ և Հաշտյանք գավառների հետ հատկացվել են Արշակունի տոհմի սեպուհներին, բացի թագաժառանգից, որ մնում էր արքունի ոստանում:

* Արագածոտն — գավառ Այրարատ նահանգում. տարածվում էր Արագած լեռան հարավային և արևելյան փեշերին: Դրա մեջ էին մտնում Թալին, Աշնակ, Օշական, Բյուրական, Աշտարակ և այլ բնակավայրերը:

* Արախ կամ Երասխ — Հայաստանի մեծ գետերից մեկը, որ սկիզբ է առնում Կարինից հարավ-արևելք գտնվող Բյուրակնյան (Բին-գյուլ) լեռներից:

* Արծրունի — հնագույն նախարարական նշանավոր տոհմերից մեկը Հայաստանում: Վասպուրականի մեծ մասը պատկանում էր այդ տոհմին, որ օտար նվաճողների ձեռնավորությամբ միշտ ձգտում էր թագավորության, որին և հասավ մասամբ: 908 թվականին իշխան Գագիկ Արծրունին ճարպկությամբ և քաղաքական ոչ պատվաբեր խաղով հիմք դրեց Վասպուրականի հայկական թագավորության՝ Վան քաղաքում: Արաբները, ապա Բյուզանդիան, հայոց ուժերը ջլատելու համար աշակցում էին նրան: Բայց այդ թագավորությունը երկար չտևեց: 1021 թ. Սենեբերիմ Արծրունի թագավորն ստիպված եղավ թողնել իր երկիրը Բյուզանդիային և տեղափոխվել Փոքր Հայք, Սեբաստիան դարձնելով իր մայրաքաղաքը:

* Արծրունի Մեհուժան — Արծրունի տոհմի նախարար: Ապստամբեց Արշակ Բ. թագավորի դեմ, չջանկանալով ենթարկվել նրան, որ ձգտում էր թուլացնել նախարարների իշխանությունը և դրանց բոլորին ենթարկել: Կենտրոնական իշխանության և նախարարական մի քանի մեծ տներ դեմ կանգնեցին թագավորին, կովեցին, ընկան, բայց Մեհուժանը փախավ-գնաց պարսից արքունիք և ուրացավ անգամ քրիստոնեությունը ու, պարսից

բանակի գլուխ անցած, եկավ իր երկրի վրա. ավերեց շատ քաղաքներ ու աշխատեց քրիստոնեությունը վերացնել Հայաստանից՝ հայ հոգևորականներին աքսորելով, եկեղեցիներում ասորուշաններ կանգնելով և քրիստոնեական գրքերը վառելով: Զգտում էր Շապուհի ձեռնադրությանը դառնալ թագավոր: Սպանվեց Զիրավի ճակատամարտում՝ Սմբատ Բագրատունու ձեռքով:

Արմավիր— Մեծ Հայքի թագավորության հնագույն մայրաքաղաքը: Ուրարտական ժամանակաշրջանում կոչվել է Արգիշտիխեխիլի Այժմ՝ գյուղ նույն անունով, Հեկտեմբերյանի շրջանում:

* **Արմենիա**— թե՛ հնում, թե՛ այժմ օտար ազգերը այս տնունն են տալիս Հայաստանին:

* **Արշակ Բ.** — հայոց թագավոր (345—367 թթ.) Արշակունի դինաստիայից. ձգտել է ստեղծել կենտրոնական Նւմեդ իշխանություն և նախաբարենրին ենթարկել իրեն: Այդ նպատակով էլ հիմնում է Արշակավան ազատ քաղաքը, որտեղ կաթող էին ապրել անգամ հանցագործները, նախարարների մոտից փախչողները: Գծգոհ նախարարները փախան Պարսկաստան, լավ համարելով ենթարկվել Շապուհին, քան իրենց արքային, որ ձգտում է թուլացնել նրանց իշխանությունը: Նախարարների աժրաստանությանը՝ Շապուհը խաբուսյամբ կանչեց Արշակին և բանտարկեց Անհուշ բերդում, ուր և նա անձնասպան եղավ:

* **Արշակավան**— ազատ քաղաք Այրարատ նահանգի Կոզովիտ գավառում. հիմնեց Արշակ Բ. նախարարների իշխանությունը թուլացնելու համար, արտոնություններ տալով այստեղ ապրողներին. նախարարներից փախչող հպատակներին: Ազատ քաղաքը փախչողների թվին ըստ երեւոյթին շատ մեծ էր և դա վնասում էր նախարարներին, այդ պատճառով և արյունահեղ կոիվներ ծագեցին թագավորի և նախարարների միջև, որոնք իրենց զորքերով հարձակվեցին քաղաքի վրա՝ կոտորեցին մոտ 20 հազար բնակիչ և քաղաքը կործանեցին հիմնահատակ:

* **Արշակունի** — թագավորական դինաստիա Հայաստանում, Պարթև Արշակունիների մի ճյուղը: Մեր թվ. 64 թ. հաստատվեցին Հայաստանում, հաճախ Տրդատ I-ի:

Արշակունիներ, ինչպես և Արտաշեսյան դինաստիայի հայկական պետությունը պաշտոնապես կոչվել է Մեծ Հայք: Այն ընդգրկել է Հայկական լեռնաշխարհի ամբողջ տարածքը: Մեծ Հայքի թագավորության սկիզբը դրեց Արտաշես Ա-ը (189—160 թթ. ժ.թ.ա.): Թագավորությունը միջազգային ճանաչում ունեցավ 65 թ. ժ.թ.ա.: Մեծ Հայքի թագավորությունը 385 թ. բաժանվեց Սասանյան Իրանի և Բյուզանդիայի միջև:

Արշակունիների իշխանությունը վերացավ 428 թ., այդ տան վերջին՝ Արտաշիր (Արտաշես) թագավորով, որից հետո Հայաստանն ընկավ Պարսկաստանի, Բյուզանդիայի և ապա՝ արաբների իշխանության տակ:

Արտաշեսյան և Արշակունի դինաստիաների թագավորները կոչվում էին Մեծ թագավոր Մեծ Հայքի կամ Մեծ արքա Մեծ Հայքի:

* Արշարունիք — Այրարատ նահանգի գավառներից մեկը, որ բռնում էր Նրասխաձորի ձախ մասը (այժմյան Կաղզվանից հյուսիս) և պատկանում էր Կամսարական նախարարներին: Այս գավառի մեջ էր գտնվում նրանց ոստանը՝ Նրվանդաշատ քաղաքը: Այս գավառում հայտնի էին նաև Նրվանդակերտ, Արտազեքս ու Կապույտ բերդերը:

* Արտազեքս — նշանավոր ամրագույն բերդ: Գտնվում էր Կամսարական նախարարներին: Մեր թվարկ. 3 թվին հռոմայեցիք պաշարեցին այս բերդը և Ղարողացան վերջինի: Պաշարման ժամանակ վերազորվեց օգոստոս կայսեր թոռ Գայոս Կեսարը և մեռավ: IV դարում, Շապուհի արշավանքի միջոցին, Փառանձեմ թագունի արքայական զանձը և 17 հազար ռյուք ու կին վերցրած ամրացավ այս բերդում և 13 ամիս կռվեց պարսից զինվորի հետ: Բայց սովը և հիվանդությունները ընկճեցին բերդականներին, և բերդն ընկավ պարսից ձեռքը:

Արտաշատ — Մեծ Հայքի թագավորության մայրաքաղաք: Գտնվել է Մեծ Հայքի Այրարատ նահանգի Ոստան Հայոց գավառում (այժմյան Արտաշատ շրջկենտրոնից 10 կմ հարավ-արևմուտք): Քաղաքի աբվարձաններում է եղել երբևէ Վիրապ վանքը:

* Բագրատունիք — հնագույն նախարարական տոհմներից մեկը, որ Արշակունի թագավորների օրով (64—428 թթ.) խոշոր դեր էին խաղում արքունիքում: Նրանց շնորհիվ էր թագավորների գլխին (զահ բարձրահայիս) թագ դնելու իրավունք, և այդ պատճառով նրանք կոչվում էին «թագադիր ասպետներ»: Բագրատունիները եղել են և թագավորի առաջին խորհրդականները: Գահնամակում նախարարական տոհմերի մեջ նրանք բռնում են երկրորդ տեղը: Արշակունիների իշխանության անկումից հետո (428 թ.), երբ Հայաստանն ընկավ նախ պարսից, ապա՝ արաբների իշխանության ներքո, Բագրատունիները շուրջ դարից ավելի, անընդհատ, մեծ գոհեր տալով, ձգտում էին վերականգնել Հայաստանի ինքնուրույնությունը, ձգտում էին թագավորական իշխանության, որը և, վերջապես, ձեռք բերին IX դարի կեսին: Մի փոքր ուշ նրանց մի ճյուղը թագավորեց և վրաստանում:

* Բագրևանդ — Այրարատ նահանգի հարավային գավառներից մեկը, ամենից ընդարձակը, որին համապատասխանում է այժմյան Արշակունի հովիտը: Բաժանված է երկու դաշտագետինների — արևելյանը՝ Զիրավի դաշտ, որի միջով հոսում է Արածանին: Բագրևանդը հաճախ է հիշվում հայոց պատմության մեջ, որովհետև եղել է քաղաքական և պատմական շատ դեպքերի թատերաբեմ:

Բարգոլյան լեռներ (Բարգոլի լեռներ) — Հայկական պար լեռնաշղթայի եզրույթ: Այսօր էլ Հայկական պարի Սինահ գագաթից, ձգվում է

հյուսիս-արևելք և վերջանում Սուրմալուի գավառում (հնում՝ Ծակատք գավառ), Կողբ ավանի մոտ Բարդոզ (Բաքյալթու) կոնածև գագաթով:

* Բասեն — Այրարատյան նահանգի ընդարձակ գավառներից մեկը, որ բաժանված էր երկու գավառների՝ Վերին և Ստորին Բասեն: Վերջինս կոչվում էր նաև Անփայտ Բասեն կամ Վանանդ:

* Բղնշխ — այսպես էին կոչվում Հին Հայաստանի այն նախարարները, որ Հայաստանի շուրջ սահմանամերձ նահանգները (Գուգարք, Աղձնիք, Մոփք, Նոշիրական) կառավարում էին մյուս նախարարներից ավելի մեծ իրավունքներով և միաժամանակ համարվում էին փոխարքաներ:

Բորբորիտների և Մծղեն աղանդները — Հայաստանում, IV դարում, առաջ են գալիս քրիստոնեական եկեղեցու պաշտոնապես ընդունված կանոնները: Ընենդատող նոր ուղղություններ և՛ հոսանքներ, որոնց պաշտոնական եկեղեցին համարում էր «աղանդներ»՝ Աղանդավորները պահանջում էին վերադառնալ քրիստոնեական վաղ ժամանակաշրջանի համայնքներին: Այսպիսով, բողոքում էին երկրում եղած խավերի անհավասարության դեմ:

IV դարում Փոքր Հայքում ծագած մծղեն և բորբորիտ աղանդները մխտում էին եկեղեցին, որև իբրև թե հետամուտ է մարդկանց «ուղիղ ճանապարհի» բերելու. բայց փաստորեն նպաստում է հավերժացնելու գլուղադիրների կախլալ վիճակը հողատերերից: Մծղենականները պնդում էին, թե մարդը ինքը, առանց եկեղեցու, պետք է ուղիղ ճանապարհով գնալ Նրանք քարոզում էին, թե քոյոլ մարդիկ բնությանը հավասար են և հավաւալ են ձեւում, իսկ տոհմական անհավասարությունը և շահագործումը ծագել է մարդկանց շարությունից, որ հատուկ է հարուստներին և իշխանավորներին:

Ջարությանը և կեղեքմանը վերջ տալու համար նրանք առաջարկում էին ստեղծել իրավահավասար համայնքներ: Ուստի քարոզում էին ծառաներին փախչել իրենց տերերից և համախմբվել համայնքների մեջ: Նրանց ստեղծած համայնքներում մասնավոր սեփականությունը համարվում էր աննեւրելի մեղք: Հարուստները կարող էին այդ համայնքների անդամ դառնալ՝ իրենց ունեցվածքը համայնքին բաժանելուց հետո միայն:

Մծղենականների և բորբորիտների շարժումը Փոքր Հայքից, IV—V դարերում, տարածվեց նաև Մեծ Հայքում:

Մեսաղյան աղանդը, որ տարածված էր Հռոմեական կայսրության մեջ, Հայաստանում տարածվել է մծղեն անունով: Դա մեսաղյան անվանման տառադարձված ձևն է:

* Գաբեղյան (Գաբեղյաններ) — նախարարական տոհմերից մեկը, որի ուստան էր Այրարատ նահանգի Գաբեղյանք գավառը (այժմ Կաղզվանի շրջան): Ըստ բանասեր Ղուկաս Ինճիճյանի, Գաբեղյան տոհմը գոյություն

է ունեցել մինչև XII դարը, ապա գաղթել է Լեհաստան և իբր լեհական Սապեգա իշխանները դրա շահավիղներն են:

Գաճնամակ— հայոց արքունիքում իշխանների կամ նախարարների տեղերի, գահերի կամ պատվաստիճանների հաստատված ցուցակ, կարգ, որ եղել է հնագույն ժամանակներից: Նախարարի կամ իշխանի գահը որոշվել է նրա ռազմական, տնտեսական հզորությամբ, ինչպես և ավանդական սովորույթով: Նախարարների գահերը եղել են կայուն և ժառանգական:

* **Գառնի**— Կոտայք գավառի հնագույն բերդերից մեկը, ներկայիս նույնանուն գյուղի մոտ, Երևանից 24 կիլոմետր արևելք: Մեր թվ. I դարում բերդը վերակառուցեց և բարեկարգեց Տրդատ Ա-ը: Այստեղ կար և դղյակ: Ծառայում էր իբրև թագավորական ամառանոց: Այստեղ է գտնվում հռչակավոր տաճարը՝ «Սարավոյթ Տրդատա»:

Գեել— Արշակունի սեպուհ, Արշակ Բ-ի եղբոր՝ Տրդատի որդին: Պատանդ է ուղարկվել Բյուզանդիա: Արշակ Բ-ի ժամանակ ազատվելով, վերադարձել է Հայաստան, հյուպատոսական պատվով, 351 թ.: Ամուսնացել է Անդոկ Սյունու դստեր՝ Փառանձեմի հետ: Եղել է հմուտ ռազմագետ և այդ պատճառով՝ շատ նախարարներ իրենց որդիներին տվել են նրան՝ զինավարժությանը տիրապետելու համար: Զարախոսությամբ Տիրիթի, որ սիրահարվելով Փառանձեմին, ուզում էր տիրանալ նրան, սպանվել է:

* **Գեունի**— նախարարական տուն, տվել է մի շարք պետական գործիչներ և զորավարներ: Կալվածներ ունեին Տուրուբերան նահանգի Աղիոփտ գավառում, Վանա լճից հյուսիս:

* **Դարուլն** կամ **Դարուն**— նշանավոր բերդ Այրարատ նահանգի Կոզովիտ գավառում: Պատմության մեջ հիշվում է իբրև հզոր ամրոց և արքայական դանձատեղի, ապա՝ իբրև Բագրատունյաց պայազատների ոստան: Վերջին անգամ այդ բերդը հիշվում է Թոմա Մեծոփեցու պատմության մեջ: 15-րդ դարից կրում է Բայազիդ անունը:

* **Եփրատ**— Հայաստանի և Առաջավոր Ասիայի դիտավոր գետերից մեկը: Եփրատը միջին հոսանքներից սկսած ամենահին ժամանակներից եղել է նավարկելի, ինչպես հիշում են Հերոդոտ, Պլինիոս և Ստրաբոն:

* **Զաւեվանդ** (Զաւավանդ) — քաղաք և գավառ Մեծ Հայքի Պարսկահայք նահանգում. այժմ՝ Զեյրավանդա գյուղ խոյից հյուսիս:

Թոնդրակ— լեռնազանգված Հայկական լեռնաշխարհում, Աբաղայի դաշտի և Կոզովիտի միջև, Մաղկանց (Այաղաղ) լեռներից հյուսիս-արևելք: Գագաթային մասը սարավանդ է (բարձրությունը՝ 2900—3200 մ.) խորի (3548 մ) և Թոնդրակ (3913 մ) կոնաձև գագաթներով:

* **Կամսարական**— նախարարական մեծ տոհմ. սրանց էին պատկանում Արշարունիք և Եփրակ գավառները իրենց քաղաքներով ու բնիկներով:

Հատկապես կարևոր է հիշատակել նրվանդաշատ քաղաքը: Այս տոհմը
տվել է նշանավոր հայրենասեր գործիչներ:

Կամսարակաճ Ներսէս — Կամսարական տոհմի նախարար: Մտնակցել
է Արշակ Բ-ի գնձ հայ նախարարների խռովությանը և Արշակավան քա-
ղաքի կործանմանը, որի համար ներսնէր և բազմաթիվ Կամսարականներ
սպանվե: Էն Արշակ Բ-ի հրամանով: Իսկ նրանց կալվածքները միացվում
են արքունի տիրույթներին:

* Կաւրգաձօր — Հաշկավոր մենաստան Արշարունիք զաւարի մեջ՝ այ-
ժըմյան Կաղզվանի ժողովրդը:

Կանգուն — երկարության չափ, որ կիրառվել է անցյալում: Տարբեր
վայրերում ունեցել է տարբեր չափեր: Հին Հայաստանում եղել է կանգունի
երեք չափ՝ 47,4 սմ, 51,8 սմ և 52,5 սմ:

Կապույտ բերդ — բերդ Արտագնրսից հարավ-արեւելք, IV դ. պատկա-
նել է Կամսարական նախարարական տոհմին:

Կավաշ (Կուաշ) — քնակավայր Այրարատ նահանգի Արագածոտն գա-
վառում, այժմ Կոշ գյուղը Աշտարակի շրջանում:

Կոզովիտ — գավառ Մեծ Հայքի Այրարատ նահանգում: Կենտրոնն է
Եղեղ Դարույնք կամ Դարույնք ամրոցը: Այժմ՝ Հին Բայազետ:

Հալսմակեւոտ — Արծրունի նախարարական տոհմի ոստանը: Այժմ Բաշ-
կայի գյուղ Աղբակ Մեծ գավառում:

Հալսունից գավառ (Հալսունի) — գավառ Մեծ Հայքի Սոփք նահանգում:
Այժմ Ժալաղչուր: Ընդգրկել է արևմտյան Տիգրիսի հյուսիս-արեւելյան
ակունքների շրջանը և Արածանի գետի միջին հոսանքի հովիտները: Ինչպես
Աղիովիտ և Առբերանի գավառները, սա ևս հատկացված է եղել Արշա-
կունի տոհմի սեպուհներին:

* Հավնունի — նախարարական տոհմ, որի ներկայացուցիչները հակում
էին Բագրևանդից գեղի արևմուտք Հավնունիք և Բասեն գավառները տա-
նող լեռնային անցուղիները:

* Հեր — գավառ Մեծ Հայքի Պարսկահայք նահանգում: Կապուտան
(Ուրմիա) լճից հյուսիս: Հետագայում եռյ գավառ: Կենտրոնն է եղել Հեր
քաղաքը: IV դարում Խորխոռունիների Մաղխազունիք տոհմի՝ Մախազնի-
րի կենտրոնը:

Հուսիկ կարգիկոս — Հուսիկ Ա Պարթև (295—347), Հայոց կաթողիկոս
Յ41 թվականից: Տիրան թագավորին հանդիմանելու համար, վերջինիս
հրամանով, ժահակով ծեծել են (քրածեծ է արվել) և սպանել:

Անկեղեմ (Անկեղեմ) — գետ Հայկական լեռնաշխարհում. սկիզբ է առնում Գայլատու լճից, Բայազետից հյուսիս ժտնում է Փեքր լճակների և ճահիճների համակարգի մեջ (պատմ. Կոզովիտի Եամբ), ապա միանում է Տղմուտին և թափվում Արաքսը: Պատմական անվանումը՝ Առուն. այժմ՝ Զուխուր գետ:

• **Մամիկոնյանք** — նախարարական մեծ, ազդեցիկ տոհմ: Մամիկոնյանների ժառանգական պատիվն էր սպարապետ հայոցը գործակալությունը: Տոհմը տվել է նշանավոր ռազմիկներ և սպարապետներ, ինչպես՝ Վաչե, Արտավազդ, Վասակ, Մուշեղ, Մանուել, Մեծն Վարդան, Մեծն Վահան և այլն: Արշակունի թագավորների օրով և հետագայում կատարում էին առաջնակարգ դեր, որպես սպարապետներ, մարզպաններ, հայոց իշխաններ: Նրանց ժառանգական կալվածն էր Տայք ծառանգը՝ իր էրախանի ոստանով և իշխանաց գյուղով: Հարավային Հայաստանում նրանց էր պատկանում Տարոն գավառը՝ իշխանանիստ Ողական ամրոցով:

• **Մամիկոնյան Մուշեղ** — նշանավոր և ազդեցիկ սպարապետ Պապ թագավորի օրով:

• **Մարգալես** — Վասպուրական նահանգում ապրող Մարդ ցեղի պետի տոհմական տիտղոսը: Արշակունյաց արքունիքում խաղում էին մեծ դեր, ունենալով «մարդպետություն» պատիվը, որպես արքունի կալվածների և թագավորի կանանցի կառավարիչներ: Սրանց ոստանը գտնվում էր Մարդաստան գավառում (Վանից դեպի հյուսիս-արևելք):

Մեսաղյաններ և բորբորիտներ — տե՛ս բորբորիտների և մծղեն աղանդներ:

Մծղեն աղանդ — տե՛ս բորբորիտների և մծղեն աղանդներ:

• **Նախարար** — հնում և միջին դարերում այսպես էին կոչվում Հայաստանի խոշոր ֆեոդալները, թագավորի վասալները: Ժառանգաբար տիրում էին ընդարձակ կալվածների: Մասնակցում էին թագավորի խորհրդին և, ըստ ավագության աստիճանի, նստում էին նրա կողքին: Պարտավոր էին թագավորին տալ զորք, գլխավորապես հեծելազոր: Խոշորագույնները սրանցից՝ «ավագ նախարարները» ինքնիշխան էին և հաճախ չէին ուզում ենթարկվել կենտրոնական, այսինքն՝ թագավորի իշխանության, նույնիսկ պատերազմների ժամանակ, և այսպիսով թուլանում էր երկրի ինքնապաշտպանությունը: Պատահում էր նաև, երբ փորձ էր լինում նրանց կենտրոնական իշխանության ենթարկելու, ինչպես այդ արին Տիրան և Արշակ Բ. թագավորները, նրանք ապստամբում էին կամ անցնում հարևան պետությունների Պարսկաստանի կամ Բյուզանդիայի կողմը և այդտեղից թշնամության հրահրում իրենց թագավորի ու երկրի դեմ:

• **Նախապետ կամ տանուտեր** — այսպես էր կոչվում նախարարական տան ավագը: Սեպուհները տոհմի կրտսեր անդամներն էին:

Նավասարդ ամիս — Հայկական հին տոմարի առաջին ամիսը: Անշարժ տոմարով համընկնում է հուլյան տոմարի հուլիս ամսին:

Նավասարդյան տոնը — Նոր տարվա տոնախմբություններ: Տոնախմբություններին լինում էին նավասարդյան խաղեր կամ օլիմպիական խաղեր:

* Նևրես Ա. Մեծ — կաթողիկոս (351—373 թթ.) Նշանավոր հոգևոր և քաղաքական գործիչ: Ոչ բոլոր գեպքերում համամիտ էր Արշակ Բ.-ի կենտրոնացման քաղաքականության:

Շահապիվան — Այրարատ նահանգի Սաղկոտն գավառի կենտրոն, Եփրատ-Արածանի գետի ափունքների մոտ: Հեթանոսական Հայաստանի սրբավայրերից մեկը: Արշակունիներն այստեղ հրավիրում էին աշխարհաժողովներ: Այստեղ էր կատարվում Նավասարդյան տոնը:

* Շապուհ II — Իրանի արքայից արքա, որ կոչվում է ճերկարակյաց, երկար ժամանակ (309—380 թթ.) թագավորելու համար: Մի շարք անգամներ կոչվել է Բյուզանդիայի դեմ և հաղթել է Նուրիանոս Ուրացոյ կայսեր: Կատաղի կոիվներ է վարել Հայաստանի դեմ՝ նրան նվաճելու և իրեն ենթարկելու: Փաղեթով և շատ նախարարների խոստովանելու անելով՝ կամենում էր քանդել հայ երկրի միաբանությունը, և որոշ չափով հասավ իր նպատակին Արշակ Բ. թագավորի օրով, նախարարներից ոմանց հանելով նրա դեմ, ապա ինքը դրանց օգնության գալով: Ցանկանում էր ամեն գնով Հայաստանը հանել Բյուզանդիայի ազդեցությունից և քաղաքականապես ու կրոնապես ենթարկել իրեն:

* Շիրակ — Հին Հայաստանի Այրարատ նահանգի գավառներից մեկը: Սկզբում պատկանում էր Կամսարական նախարարներին, հետագայում՝ VIII դարի վերջում զնեցին Բագրատունիները, որ թագավորելով՝ իրենց իշխանության կենտրոնը դարձրին Նախ Բագարան և Երազդաշտք (Շիրակական) բերդերը. ապա՝ Անի քաղաքը:

* Ողական — Մամիկոնյան նախարարների տոհմական ուսումը Տարոնում: Այժմ՝ Աղկան՝ Արածանիի ձախ ափին:

* Ոսուսն — այսպես էին կոչվում Արշակունի թագավորներին պատկանող հողերն ու քաղաքները. թագավորության անկումից հետո այդպես կոչվեցին առանձին նախարարների նստավայրերը:

* Պապ — նշանավոր հայոց թագավոր (369—374 թթ.) Արշակունյաց ղինաստիայից: Դահ բարձրացավ 22—23 տարեկան հասակում: Վարում էր հայ պետականության ուժեղացման և կենտրոնացման քաղաքականություն, ու այդ նպատակով ավելացրեց զորքի, հատկապես՝ հեծելազորի թիվը, գրավեց հեկեղեցական հողերի մեծ մասը, արգելեց հեկեղեցուն տրվող տուրքերը, փակեց շատ վանքեր ու անապատներ, և կարգադրեց, որ աշխատունակ կրոնավորները աշխատեն: Արգելեց եկեղեցականներին

մասնակցել պետական գործերին, Միաժամանակ հայ եկեղեցին ազատեց բյուզանդական եկեղեցու կախումից և դարձրեց ինքնուրույն։ Այս բարենորոգումները Պապը կատարում էր այն նպատակով, որ ուժեղացնի պետական իշխանությունը Հայաստանում, որ սա ի վիճակի լինի իր անկախությունը պահելու։

* Ռշտունի — նախարարական տոհմ Վասպուրական նահանգի Ռշտունիք գավառում։ Ռշտունիքը եղել է Վանա լճի հարավ-արևելյան ափին։

* Սահառունի — նախարարական տուն Հին Հայաստանում։ Այս տոհմից առավել հայտնի է Դավիթ Սահառունին, որ կառուցել է Մրենի տաճարը VII դարում։

* Սևպուն — այսպես էին կոչվում նախարարական տոհմի ոչ ավագ անդամները, իշխանների որդիները։ Սևպունների հողաբաժինները կոչվում էին «սեպհակա»։

* Սյունիք կամ Սիսական — Հին Հայաստանի նահանգներից մեկը, որի մեջ էին մտնում այժմյան Հեռնային Ղարաբաղի մասերը, Զանգեզուրը և Սևանա լճի ավազանը։ Սյունյաց ոստանն էր անմատչելի Բաղարբրդ ամրոցը (այժմ Բաղարբուրդ)։ Սյունյաց նախարարական տունը թե՛ հնում, թե՛ միջնադարում «նշ դեր է խաղացել Հայաստանի քաղաքական կյանքում, հաճախ ձգտելով նաև արքայական գահի։ 963—1170 թթ. կազմում էր առանձին թագավորություն, որ կոչվում էր Բաղաց կամ Կապանի թագավորություն։ Մայրաքաղաքն էր Կասյանը, այժմյան Ղափանը։

* Սպարապետ — այսպես էր կոչվում հնում հայոց զորքերի գլխավոր հրամանատարը։ Վաղուց ի վեր այդ պաշտոնը ժառանգաբար պատկանում էր Մամիկոնյան տոհմին, որ տվեց շատ նշանավոր սպարապետներ։ Սպարապետներ տվել են երբեմն նաև Բագրատունի, Գյուրի, Սահառունի, Ռշտունի և այլ նախարարական տները։

Սուրմալի կամ սուրբ Մարի — ամրոց Արաքս գետի աջ ափին, այժմ Սուրմալու գյուղը։

Վահևունի — նախարարական տոհմ Տուրուբերյան նահանգի Տարոն գավառում. այժմյան Մանազկերտի մոտ։

* Վաղարշապատ կամ Վաղղեսափան — Հայաստանի հին մայրաքաղաքներից մեկը։ Հայոց Վաղարշ I թագավոր (117—140 թթ.) Արտաշատից այստեղ փոխադրեց իր արքունիքը։ 301 թ., երբ քրիստոնեությունը Մեծ Հայքի թագավորության պաշտոնական կրոն հռչակվեց, Վաղարշապատը դարձավ հայոց կաթողիկոսների գահանիստ։ Այժմ էջմիածին քաղաքը։

Վաճանդ — գաղառ Այրարատ նահանգում. Ախուրյան գետի հովտում: Միջին դարերում կենտրոնը եղել է Կարս քաղաքը: Սկսած XI դ. գավառը կոչվել է Կարս:

* Վասպուրական — պատմական Հայաստանի հարավային նահանգը Վան քաղաքով: Եղել է Արծրունի և Մարգպետական նախարարական տոհմերի սեփականությունը: X դարում դարձավ Արծրունյաց թագավորության հիմնական տերիտորիան:

Վարաժնունիք — գաղառ Այրարատ նահանգում. գրավում էր այժմյան Հրազդանի, Սևանի, Գիլիջանի և Կարմիր չրջանների մասերը ընդգրկող տարածքը: Արշակունիների ժամանակ այս գավառը եղել է արքունի որսատեղի. ժամանակի ընթացքում դարձել է Վարաժնունի նախարարության ժառանգական սեփականությունը:

Վարդավառի տուն — հեթանոսության ժամանակ՝ ծաղկի տուն: Հետագայում՝ Քրիստոսի սլաշառակերպության կամ այլակերպության տուն: Տոնի ժամանակ շուր հենցանում միմյանց վրա:

* Տայֆ — Հին Հայաստանի Հյուսիս-արևմտյան նահանգներից մեկը: Մամիկոնյան տան ժառանգական կալվածքն էր, որի կենտրոնն էր Իշխանաց գյուղը: VIII դարից Բագրատունյաց տան սեփականությունը: Վտանգների ժամանակ հայ թագավորները հաճախ ապաստանել են այդտեղ և, լիոնոտ, անմատչելի վայրի շնորհիվ, թույլ չեն տվել թշնամուն առաջ գնալու: Տայքը բռնում էր Ճորոխ գետի միջին հոսանքի ավազանը:

Տայֆ Երախանի բերդ (Երախանի բերդ) — Մամիկոնյանների ոստանը Տայքում. այժմ Իրսան գյուղ Տայքում, Ճորոխ գետի ափին:

Տաշիր — գաղառ Գուգարաց բլեշխության մեջ: Տաշիր գավառը համապատասխանում է այժմյան Ստեփանավանի, Կախինի չրջաններին և Ալավերդի չրջանի հարավային մասին:

* Տառն — նշանավոր գաղառ Տուրուբերան նահանգում՝ Վանա լճից արևմուտք: Այժմյան Մշո գաղտը՝ Մեղրագետի հովտը: Հայկական հին աժանդության համաձայն՝ եղել է հայ ժողովրդի օրրանը: Հայկի առաջին բնակավայրը:

Տափերական կամուրջ — Այս կամուրջը եղել է Արաքս գետի վրա, Խոր-Վիրապի մոտ: Հնագույն ժամանակներից «Արքայական ուղղոտան» սկսվել է Արտաշատից, անցել է Տափերական կամուրջով և հասել մինչև Տիգրանական:

Տիգրան Մեծ — Իրախից արքա (93-56 թթ.) Մեծ Հայրի թագավորության:

* Տիգրանակերտ — Հին հայկական քաղաք, որ հիմնել է Տիգրան Մեծը մ. թ. ա. 77 թ.: Գտնվում էր Տիգրիս գետի հյուսիսակողմը, այժմյան Ֆարկին քաղաքի տեղում: Սղել է հարուստ, բարեկարգ քաղաք: Բազմիցս ենթարկվել է պարսիկների և հռոմայացիների հարձակումներին ու ավերածության: Միշին դարերում կոչվում էր նաև Նփրկերտ կամ Մարտիրոպոլիս — Մարտիրոսաց քաղաք. արարները կոչում էին Միափարիկին:

* Տիգրան — Պարթևական և Սասանյան իրանի մայրաքաղաքը. գտնվում էր Տիգրիսի ձախ ափին, Բաղդադից ոչ հեռու:

* Տիրան — հայոց թագավոր (338—345 թթ.): Սկզբում ուներ սասանյան օրինտացիա, հետագայում փոխում է իր քաղաքական գիծը և որդեգրում է քրիստոնեական օրինտացիա, որի համար և Շապուհը, խաթեռնությանը հյուր կանչելով, կտրաչրեց նրան:

Տիրիթ — Արշակունի սպառհ, Արշակ Բ-ի ավագ հղորդ՝ Արտաշեսի որդին: Պատանդ է ուղարկվել Բյուզանդիա: Վերադարձել է Հայաստան 351 թ.: Սիրահարվել է հորեղբոր որդու՝ Գնելի կնոջը՝ Փառանձնմիին, և նրան տիրանալու համար չարախոսություն արարել և սպանել է սովել Գնելին: Ըմբոստացել է Արշակ թագավորի դեմ և նրա հրամանով սպանվել:

* Տրդատ Գ Մեծ — հայոց թագավոր (274—330 թթ.). սրա օրով Հայաստանն ընդունեց քրիստոնեություն, և այդ առթիվ նա մեծամեծ կալվածներ ու արտոնություններ սովեց եկեղեցուն ու վանքերին:

Տաւրոսեւան (Տաւրոսեւան) — Մեծ Հայքի նահանգներից մեկը, որ այդ նահանգի հիմնական զավառի՝ Տարոնի անունով կոչվում էր նաև գեղջմբն Տարանոյ: Այժմ՝ Մուշ, Բուլանքիս, Խնուս երկրամասերը:

Փառանձնմ — հայոց թագուհի, Անդոկ Սյունու դուստրը: Գնել Արշակունու կինը: Գնելի սպանությունից հետո Արշակ Բ-ը ամուսնանում է Փառանձնմի հետ: Արշակ թագավորի գերությունից հետո Փառանձնմ թագուհին Արսաղգեթ ամրոցում 13 ամիս դիմադրում է պարսկական զորքերին, բայց ստիպված անձնատուր է լինում և տարվելով Պարսկաստան սպանվում է:

Փառաղ — երկարության չափ, որ կիրառվել է անցյալում. հավասար է՝ 5004,3 մետրի կամ 3 մղոնի:

Քալանաց աշխարհ — Միշին Ասիայում, այժմյան Տաջիկստանի տեղում եղել է քաղանների հզոր թագավորությունը, որտեղ իշխել է Արշակունիների քաղանական ճյուղը: Երբեմն քաղանների պետությունը Մեծ Հայքի հետ միացած պայքարում են Սասանյան իրանի դեմ:

Օլիմպիա — հայոց թագուհի: Արշակ Բ-ի կինը: 350 թ. Արշակ Բ-ի և Կոստանդինոս II կայսեր միջև դիվանագիտական բանակցություններից հե-

տո վերականգնվում են հայ-հոռմեական հարաբերությունները: Եվ հայտնի, բացի տարբեր ընթաններից և շնորհներից, Արշակ թագավորին կին է տալիս իր մահացած եղբոր՝ Կոստասի նախկին նշանածին՝ Օլիմպիային, որը դառնում է հայոց թագուհի, տիկնանց տիկին:

Ստ. Զորյանի «Հայոց բերդը» վեպի մասին հրատարակվել են մի շարք հոդվածներ.— Վ. Մկրտչյան, Ստ. Զորյանի նոր պատմավեպը (սովետական Հայաստան, 1960, № 45, 24):— Լ. Հալսվեդյան, «Հայոց բերդը», (Երևան, 1960, № 56, 6):— Մ. Մկրչյան, «Հայոց բերդը», (Գրական թերթ, 1960, № 13, 25.):— Խ. Աբելյան, «Հայոց բերդը» («Կոմունիստ», Երևան, № 137, 10. հունբերն):— Խ. Սարգսյան, Ստեփան Զորյան (Պատմա-բանասիրական հանդես, 1960, № 3, էջ 78—84): Նույնը, տես նաև հունբերն — Խ. Саркисян, «Тропами жизни и литературы», Ереван, «Айастан». 1974):— էդ. Թովչյան. Ստեփան Զորյանի նոր վեպը (էդ. Թովչյան, «Ժողովրդայնություն և ռեսուրսներ», Երևան, 1980, էջ 327—331):— Վ. Երիցյան, «Հայոց բերդը» («Նոր կյանք», Բուխարեստ, 1960, 3):— Գ. Բաղդասարյան. Ստ. Զորյանի պատմավեպերի գեղարվեստական առանձնահատկություններ («Գրական Աղբյուրներ», 1967, էջ 102—105):— Նույնը, Բյուզանդիայի զավթողական քաղաքականության քննադատությունը Ստ. Զորյանի պատմական վեպերում (Խ. Աբելյանի անվ. հայկ. պետ. մանկավարժական ինստիտուտի գիտական աշխատություններ, հայ գրականության բաժին. № 1, Երևան, 1968):— Վ. Նսլաբանդյան, Գրողը և պատմությունը: Պատմական վեպի մի քանի հարցեր և Ստ. Զորյանի պատմա-գեղարվեստական կոնցեպցիան (սովետական գրականություն, 1968, № 6):— Նույնը. Զորրորդ դարի հայ իրականությունը և Ստ. Զորյանի պատմավեպերը (Պատմա-բանասիրական հանդես, 1968, № 2, էջ 57—80):— Նույնը, Զորյան-պատմավեպասանի գեղարվեստական վարպետության մի քանի հարցեր (սերաբեր, ԳԱ հասարակական գիտությունների, 1968, № 7, էջ 15—32):— Ս. Աղաբաբյան, Ստ. Զորյանի պատմավեպերը (Պատմա-բանասիրական հանդես, 1973, № 2, էջ 77—80) և այլն:

Հայ արդի գրականության և Ստ. Զորյանի ստեղծագործության վերաբերյալ զրբերում խոսվում է «Հայոց բերդը» վեպի մասին, հատկացված են նրան առանձին բաժիններ. կան ուսումնասիրություններ, որոնց նյութը զրողի պատմական վեպերն են — Սովետահայ գրականության պատմություն, երկու հատորով, Երևան, 1961, 1965:— Ս. Արզումանյան, Սովետահայ վեպը, Երևան, 1967:— Հր. Փամբազյան, Սովետահայ գրականության պատմություն, Երևան, 1980:— Ս. Աղաբաբյան, Ստեփան Զորյան,

Երևան, 1976:— Հ. Մկրտչյան, Ստեփան Զորյան, Երևան, 1977:— Վ. Նալ-
բանդյան, Գրողը և պատմությունը, Երևան, 1970:— Վ. Նալբանդյան,
Զորրորդ դարի Հայաստանը հայ հին պատմագրության մեջ և Ստեփան
Զորյանի պատմական վեպերը (դոկտորական դիսերտացիայի ավտոգրաֆի-
կատ, Երևան, 1968 թ., ռուսերեն): Գ. Բաղդասարյան, Ստ. Զորյանի
պատմական հոսպատումը (թեկնածուական դիսերտացիայի ավտոգրաֆի-
կատ, Երևան, 1969, ռուսերեն) և այլն:

ՀԱՅՈՑ ԲԵՐԻՆ

Մասնաճիւղ

Գլուխ առաջին	.	.	.	.	.	.	.	.	.	.	.	7
» երկրորդ	.	.	.	.	.	.	.	.	.	.	.	21
» երրորդ	.	.	.	.	.	.	.	.	.	.	.	36
» չորրորդ	.	.	.	.	.	.	.	.	.	.	.	59
» հինգերորդ	.	.	.	.	.	.	.	.	.	.	.	61
» վեցերորդ	.	.	.	.	.	.	.	.	.	.	.	73
» յոթերորդ	.	.	.	.	.	.	.	.	.	.	.	88

Մասնաճիւղ

Գլուխ առաջին	.	.	.	.	.	.	.	.	.	.	.	91
» երկրորդ	.	.	.	.	.	.	.	.	.	.	.	113
» երրորդ	.	.	.	.	.	.	.	.	.	.	.	131
» չորրորդ	.	.	.	.	.	.	.	.	.	.	.	158
» հինգերորդ	.	.	.	.	.	.	.	.	.	.	.	174
» վեցերորդ	.	.	.	.	.	.	.	.	.	.	.	203

Մասնաճիւղ

Գլուխ առաջին	.	.	.	.	.	.	.	.	.	.	.	258
» երկրորդ	.	.	.	.	.	.	.	.	.	.	.	291
» երրորդ	.	.	.	.	.	.	.	.	.	.	.	320
» չորրորդ	.	.	.	.	.	.	.	.	.	.	.	356
» հինգերորդ	.	.	.	.	.	.	.	.	.	.	.	391
» վեցերորդ	.	.	.	.	.	.	.	.	.	.	.	422
» յոթերորդ	.	.	.	.	.	.	.	.	.	.	.	444

Վերջաբան 470

Ծանոթագրություններ 542

ՍՏԵՓԱՆ ԶՈՐՅԱՆ

Երկերի ժողովածու 12 հատորով

VII հատոր

СТЕФАН ЗОРЬЯН

Собрание сочинений

в 12 томах

Том VII

(на армянском языке)

Издательство «Советакан ցрох»

Ереван—1982

Խմբագիր՝ Ռ. Մ. Մուրադյան
Նկարիչներ՝ Հ. Ա. Մամյան, Ռ. Ս. Զուլհալյան
Գեղ. խմբագիր՝ Գ. Խ. Գյուլամիրյան
Տեխ. խմբագիր՝ Մ. Է. Ճաննապանյան
Վերստուգող սրբագրիչ՝ Մ. Գ. Ստեփանյան

Հանձնված է շարվածքի 31. 03. 82: Ստորագրված է
 տպագրության 13. 07. 82: Ֆորմատ $84 \times 108^{1/32}$: Թուղթ՝
 տպագր. № 1: Տառատեսակ՝ «Գրքի սովորական»:
 Տպագրություն՝ բարձր, 29,4 ստում. տպ. մամ., 25,8
 հրատ. մամ. + 1 ներդիր: Տպաքանակ՝ 20000: Պատ-
 վեր 439: Գինը՝ 2 ռ. 60 կոպ.

«Սովետական գրող» հրատարակչություն, Երևան—2,
 Տերյան 91:

Издательство «Советакан грох», Ереван-9, ул.
 Теряна, 91.

ՀՍՍՀ հրատարակչությունների, պոլիգրաֆիայի և գրքի
 առևտրի գործերի պետական կոմիտեի № 1 տպարան,
 Երևան, Ալավերդյան 65:

Типография № 1 Госкомитета Арм. ССР по де-
 лам издательств. полиграфии и книжной торгов-
 ли, Ереван, ул. Алавердяна, 65.